

釋宗金書



禪宗全書

語錄部十二

(47)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓



一、環溪惟一禪師語錄

十一、龍泉介清禪師語錄

二、劍關子益禪師語錄

十二、因師集賢語錄

三、絕岸可湘禪師語錄

十三、月江正印禪師語錄

四、無文道燦禪師語錄

十四、月磫和尚語錄

五、虛舟普度禪師語錄

十五、雲外雲岫禪師語錄

六、橫川行珙禪師語錄

十六、樵隱悟逸禪師語錄

七、雲谷和尚語錄

十七、海印昭如禪師語錄

八、高峯原妙禪師禪要

九、高峯大師語錄

十、雪巖和尚語錄



解題

編譯組

一、環溪惟一禪師語錄：二卷。宋·環溪惟一撰。清·康熙五十（一七一）年刊行。又稱「環溪和尚語錄」。係無準師範法嗣——環溪惟一的語錄。卷上收師在瑞巖等九寺的上堂語，卷下收小參、拈古、頌古、普說、法語、讚、偈頌、題跋、小佛事等。卷末附行狀。

二、劍關子益禪師語錄：一卷。宋·劍關子益撰，善珙等編。係無準師範法嗣——劍關子益的語錄。收錄師在興化等三寺的語錄，以及小參、拈古、頌古、法語、偈讚、小佛事等。

三、絕岸可湘禪師語錄：一卷。宋·絕岸可湘撰，門人妙恩等編。又稱「絕岸和尚語錄」。為佛鑑禪師無準師範法嗣——絕岸可湘的語錄。收有師在興聖、能仁等禪寺的語錄，以及拈古、頌古、法語、讚、頌、小佛事、跋等。

四、無文道燦禪師語錄：一卷。宋·無文道燦（璨）撰，惟康編。宋·咸淳九（一二七三）年序刊。又稱「無文和尚語錄」。為育王山笑翁妙堪法嗣——無文道燦的語錄。收錄師在薦福等寺的語錄，以及小佛事、讚、偈頌、題跋等。

五、虛舟普度禪師語錄：一卷。宋·虛舟普度撰，淨伏等編。至元十二（一二七五）年刊行。又稱「虛舟和尚語錄」。為臨濟宗無得覺通法嗣——虛舟普度的語錄。收錄師在報寧、龍游等

八寺的語錄，以及小參、偈頌、真讚、自讚、小佛事等。卷末附元叟行端撰的行狀。

六、**橫川行珙禪師語錄**：二卷。宋·橫川行（如）珙撰，本光等編。至正十九（一三五九）年刊行。卷首收有作者的自序。卷上收有師住瑞安府（浙江省）鴈蕩山靈巖寺、鴈山能仁寺、明州（浙江省）阿育王廣利寺等三寺的語錄。卷下收有室中舉古、拈古、頌古、讚、偈等。

七、**雲谷和尚語錄**：二卷。宋·雲谷慶撰，宗敬、道傑等編。卷上收錄雲谷和尚在聖壽、本覺等四禪寺的語錄，卷下收錄小參、告香普說、偈讚、小佛事、跋。

八、**高峯原妙禪師禪要**：一卷。宋·高峰原妙撰，持正錄，洪喬祖編。又稱「高峰和尚禪要」。收錄師之開堂普記、示直翁居士、示衆、小參、示理通上人、答直翁居士書、通仰山老疑嗣書、室中三關等。

九、**高峯大師語錄**：二卷。宋·高峰原妙撰，王柔等編。係雪叢祖欽法嗣原妙的語錄。收錄師之上堂、示衆法語、拈古、頌古、補遺、偈頌、小佛事、讚佛祖、自讚、行狀、塔銘等。

十、**雪叢和尚語錄**：二卷。宋·雪叢祖欽撰，門人昭如等編。明·弘光元（一六四五）年重刊。又稱「慧明禪師語錄」、「雪叢祖欽禪師語錄」。係無準師範禪師法嗣——祖欽禪師的語錄。收錄師在龍興、道林等六寺的語錄，以及普說、舉古、法語、書、佛祖讚、自讚等。

十一、**龍泉介清禪師語錄**：一卷。宋·龍源介清撰，士洵等編。宋·大德四（一三〇〇）年跋刊。又稱「佛海性空禪師語錄」。係育王德光法嗣龍源介清的語錄。收錄師在開壽普光等三寺的語錄，以及小參、拈古、偈頌、贊、跋、小佛事、塔銘等。

十二、**因師集賢語錄**：十五卷。宋·德因撰，如珙編。又稱「龍泉集」。係高峰龍泉院德因的語

錄。德因常以偈頌詩文來說示後學。本書即是由其法嗣如瑛將其語分類編纂爲入壇敘事景門、入壇事門、音聲佛事門等十五卷。

十三、月江正印禪師語錄：三卷。元、月江正印撰，居簡等編。明·洪武三（一三七〇）年刊行。又稱「月江和尚語錄」。係虎巖淨伏法嗣月江正印的語錄。集錄師在碧雲、澱山、南禪等禪寺的語錄，以及拈古、頌古、普說、法語、佛祖讚、自讚、偈頌、題跋等。

十四、月磬和尚語錄：二卷。元·月磬文明撰，妙寅等編。大德元（一二九七）年跋刊。係臨濟宗西岩了慧法嗣——月磬文明的語錄。卷上收錄住信州鵝湖仁壽禪寺語錄、饒州天寧禪寺語錄、饒州薦福禪寺語錄、告香普說，卷下收錄再住薦福禪寺語錄、送行、頌、題跋、小佛事、讚、自讚、跋。

十五、雲外雲岫禪師語錄：一卷。元·雲外雲岫撰，士慘編。大德四（一三〇〇）年序刊。又稱「雲外和尚語錄」。集錄師住智門禪寺的上堂、小參、拈古、頌古、佛事、祖贊、偈頌、序跋等。

十六、樵隱悟逸禪師語錄：二卷。元·樵隱悟逸撰，正定編。又稱「樵隱和尚語錄」。卷上收錄師於元、延祐元（一三二四）年再住雪峰崇聖禪寺的語錄。卷下收錄開示學人的法語、佛祖讚、題跋、偈頌、佛事、自讚、偈語等。

十七、海印昭如禪師語錄：一卷。元·海印昭如撰，行純等編。延祐四（一三一七）年序刊。又稱「普照大禪師語錄」、「海印和尚語錄」。收錄師在興化、慧力、薦福等三寺的語錄，以及頌古、偈頌、佛祖讚、自真讚、跋、法語、小佛事、塔銘等。

目次

解題

壹、環溪惟一禪師語錄

序

原書目錄

卷上：初住建寧府瑞巖禪寺語錄

住臨江軍瑞篁山惠力禪寺語錄

住隆興府泐潭山寶峯禪寺語錄

住隆興府黃龍山崇恩禪寺語錄

住建昌軍資聖禪寺語錄

瑞州黃蘗山報恩光孝禪寺語錄

住袁州仰山太平興國禪寺語錄

住福州雪峯崇聖禪寺語錄

住慶元府太白名山天童景德禪寺語錄

一
三
三
三
八
九
一三
一八
二〇
二二
二七
三〇

卷下·小參·····三四

拈古·····四〇

頌古·····四六

普說·····五〇

法語·····五二

佛祖讚·····五三

偈頌·····五五

題跋·····五八

小佛事·····六〇

自讚·····六一

行狀·····六一

跋·····六四

貳、劍關子益禪師語錄·····六五

序·····六六

原書目次·····六六

隆興府興化禪寺語錄·····六七

隆興府雲岩壽寧禪寺語錄·····七〇

福州西禪怡山長慶禪寺語錄·····七一

小參·····	七三
拈古·····	七六
頌古·····	七七
法語·····	七八
偈讚·····	七九
小佛事·····	八一
叁、絕岸可湘禪師語錄·····	八三
原書目次·····	八五
初住嘉興府流虹興聖禪寺語錄·····	八五
溫州鴈山能仁禪寺語錄·····	八七
越州九巖惠雲禪寺語錄·····	八九
天台護國廣恩禪寺語錄·····	九一
臨安府崇恩演福禪寺語錄·····	九三
溫州江心龍翔興慶禪寺語錄·····	九六
福州雪峰崇聖禪寺語錄·····	九七
再住雪峰崇聖禪寺語錄·····	一〇二
拈古·····	一〇五
頌古·····	一〇六

法語.....一〇八

讚.....一一一
4

頌.....一一四

小佛事.....一一六

跋.....一一七

肆、無文道燦禪師語錄.....一一九

序.....一二一

原書目錄.....一二一

初住饒州薦福禪寺語錄.....一二一

南康軍廬山開先華藏禪寺語錄.....一二五

再住饒州薦福禪寺語錄.....一二七

小佛事.....一三二

讚.....一三三

偈頌.....一三四

題跋.....一三五

伍、虛舟普度禪師語錄.....一四一

原書目次.....一四三

序.....一四三

初住建康府半山報寧禪寺語錄	一四三
鎮江府金山龍游禪寺語錄	一四五
潭州鹿苑褒忠禪寺語錄	一四八
撫州疎山白雲禪寺語錄	一四九
平江府承天能仁禪寺語錄	一五〇
臨安府中天竺天寧萬壽永祚禪寺語錄	一五一
臨安府靈隱景德禪寺語錄	一五三
臨安府徑山興聖萬壽禪寺語錄	一六〇
小參	一六三
偈頌	一六五
眞讚	一六八
自讚	一六九
小佛事	一七〇
行狀	一七一
跋	一七三
陸、橫川行珙禪師語錄	一七五
自序	一七七
原書目次	一七七

卷上：靈巖錄……………一七七

能仁錄……………一八四

育王錄……………一九二

卷下：至中譽古……………二〇三

拈古……………二〇六

頌古……………二一五

讀……………二二一

偈頌……………二二三

柴、雲谷和尚語錄……………二二九

原書目次……………二三一

卷上：初住平江府聖壽禪寺語錄……………二三一

嘉興府本覺禪寺語錄……………二三四

建寧府開元禪寺語錄……………二三八

平江府虎丘山雲岩禪寺語錄……………二四〇

卷下：小參……………二四二

告香普說……………二四五

秉拂……………二四七

偈頌……………二四八

讚佛祖	二四九
小佛事	二五〇
跋	二五一
捌、高峯原妙禪師禪要	二五三
序	二五四
開堂普說——室中二關	二五五
跋	二七五
玖、高峯大師語錄	二七七
序	二七九
湖州雙髻菴法語	二七九
杭州西天目山師子禪寺法語	二八一
示禪人	二九三
拈古	三〇四
頌古	三一〇
補遺	三一四
偈頌	三一六
小佛事	三二七
讚佛祖	三一八

自讚	三二八
行狀	三一九
塔銘	三二二
拾、雪巖和尚語錄	三二五
卷上	三二七
住潭州龍興寺語錄	三二八
住湘西道林禪寺語錄	三三一
處州南明佛日禪寺語錄	三三三
台州仙居護聖禪寺語錄	三三四
湖州光孝禪寺語錄	三三五
袁州仰山禪寺語錄	三四五
普說	三六六
卷下	三八九
舉	四〇〇
法語	四〇五
書	四〇六
佛祖讚	四〇七
自讚	四〇九
拾壹、龍泉介清禪師語錄	四〇九
原書目次	

壽國□□禪寺語錄（卷首佚序文並本文六十行行十八字）	四〇九
開壽普光禪寺語	四〇九
湖州道場禪寺語	四一〇
小參	四一四
拈古	四一五
頌古	四一五
偈頌	四一六
贊、跋、小佛事	四一七
塔銘	四一八
跋	四二〇
拾貳、因師集賢語錄	四二一
序	四二三
原書總目	四二三
卷一：入壇敘時景門	四二八
卷二：入壇佛事門	四三六
卷三：音聲佛事門	四四四
卷四：歌揚讚佛門	四五一
卷五：陳意伏願門	四五八

諸般偈讚門……………四六二

卷六：薦亡偈讚門……………四六五

卷七：諸般佛事門……………四七四

卷八：諸般佛事門……………四八二

卷九：諸般佛事門……………四九〇

卷十：諸家伏願門……………四九五

卷十一：總願碎語門……………五〇四

卷十二：追薦陳意門……………五〇七

薦亡伏願門……………五一一

卷十三：涅槃法語門……………五一四

卷十四：抄題雜化門……………五二一

卷十五：自陳情詞門……………五二六

拾叁、月江正印禪師語錄……………五二九

序……………五三一

原書目次……………五三二

卷上：初住常州路碧雲禪寺語錄……………五三二

住松江澱山禪寺語錄……………五三四

住松江南禪興國禪寺語錄……………五三七

再住澱山禪寺語錄	五三八
住湖州何山宣化禪寺語錄	五四二
住湖州道場禪寺語錄	五四九
住四明阿育王山廣利禪寺語錄	五五七
卷中·拈古	五六四
頌古	五七五
告香普說	五八二
法語	五九〇
卷下·佛祖讚	五九二
自讚	六〇一
偈頌	六〇五
題跋	六二三
跋	六二六
拾肆、月礪和尚語錄	六二九
序	六三〇
原書目次	六三〇
卷上·住信州鵝湖仁壽禪寺語錄	六三〇
饒州天寧禪寺語錄	六三一

饒州薦福禪寺語錄	六三三
告香普說	六六三
卷下·再住薦福禪寺語錄	六六八
送行	六七二
頌	六七六
題跋	六八三
小佛事	六八五
讚	六八七
自讚	六八八
跋	六九〇
拾伍、雲外雲岫禪師語錄	六九一
序	六九二
原書目次	六九二
住智門禪寺語錄	六九二
拈古	六九八
頌古	六九九
佛事	七〇一
祖贊	七〇二

偈頌·····	七〇四
序跋·····	七一二
傳·····	七一三
附錄·····	七一四
拾陸、樵隱悟逸禪師語錄·····	七一七
原書目錄·····	七一九
卷上：再住雪峰崇聖禪寺語錄·····	七一九
卷下：法語·····	七三四
題跋·····	七四〇
偈頌·····	七四四
佛事·····	七五〇
自讚·····	七五四
拾柒、海印昭如禪師語錄·····	七五九
序·····	七六一
原書目次·····	七六一
住袁州木平興化禪寺語錄·····	七六二
臨江瑞筠山慧力禪寺語錄·····	七六四
饒州東湖薦福禪寺語錄·····	七七二

頌古	七七五
偈頌	七七六
佛祖讚	七七九
自眞讚	七七九
跋	七八〇
法語	七八〇
小佛事	七八二
塔銘	七八二
跋	七八五

環溪惟一禪師語錄

宋・環溪惟一
撰

必云一作之
次同○傳字
更動

率字更動

之口更動

夫子曰予欲無言。又曰天何言哉。故大上無言。其次
立言。言所以載道。不以言求道。而□以心會道。抑末
矣。夫□非想藥法。皆空釋氏之教也。環溪以其學於
夫子者。逸而云墨。蓋將晦其光泯其用。而求其所謂
寂滅云者。所至一話一言。其徒記而錄之。既彙而成
編。則請余為之序。猶記環溪在黃龍日。每訪余山中。
率靜坐。寡言。其後日。邊再會。蘭嘿過於前時。知其非
以口耳為學者。又非挾所有以銜於世者。然則環溪
之有語錄贅矣。而余復序之。抑又贅矣。後□欲識環
溪者。當以環溪求環溪。毋徒以語錄求環溪。云。歲在
癸未。浴佛日。抗山寓叟章鑑書于所寓之溪堂。

環溪和尚語錄目錄

卷上

初住建寧府瑞巖禪寺語錄

臨江軍瑞臺山惠力禪寺語錄

隆興府泐潭山寶峰禪寺語錄

隆興府黃龍山崇恩禪寺語錄

建昌軍資聖禪寺語錄

瑞州黃檗山報恩光孝禪寺語錄

袁州仰山太平興國禪寺語錄

福州雪峰崇聖禪寺語錄

慶元府太白山天童景德禪寺語錄

卷下

小參

拈古

頌古

普說

法語

佛祖讚

偈頌

題跋

小佛事

自讚

行狀

跋

環溪和尚語錄卷上

環溪和尚初住建寧府瑞巖禪寺語錄

參學 覺此 編

師於淳祐六年夏月入院。指三門云。盡大地是門。橫
開豎闢。通霄有活路。七穴八穿。諸人到這裏。切忌容
易進步。何故不見道入門問諱。

佛殿黃面瞿曇有沒量罪過瑞嚴因甚禮拜燒香一任傍人道短長

方丈從上諸佛諸祖於無窠窟中做成窠窟活陷平人無出氣處瑞嚴今日從頭剖析盡底撒開向空劫已前與諸人相見莫有俊快底麼良久三十年後拈衣自曹溪已後法周沙界衣止不傳且道此衣從甚處得來西天鷲嶺東土黃梅

法座此座高廣吾不能升淹彩殺人慚惶殺人今日快便難逢爲他拔本去遂驟步登座拈香云此一瓣香薰向鑪中恭爲

今上皇帝祝延聖壽萬歲萬歲萬歲次拈香云此一瓣香奉爲判府節制都運大卿暨閩府尊官判縣郎中資陪祿筭次拈香云此一瓣香懷藏久矣從上佛祖尙討頭鼻不著諸方老宿怎知氣息有無遍游湖海三十年惟有無準較些子今日當陽一爐爇却初非報德酬恩且要熏夫炙地遂跌座問答不錄乃云釋迦不出世盡大地人成佛多時達磨不西來亘塵利海談禪不歇恁麼會得便知一上座未離徑塢

已與扣冰古佛赤體相挨今到瑞嚴元共國一祖師眉毛厮結溪山有異雲月是同既然雲月是同說甚溪山有異直得車書混一天地清寧一人高拱無爲萬國咸歸至化且太平無象一句作麼生道但見皇風成一片不知何處是封疆復舉僧問曹山佛未出世時如何山云曹山不如僧云出世後如何山云不如曹山師拈云大小曹山名喧宇宙氣衝牛斗恁麼答這僧話直是未在今日或有問新瑞嚴佛未出世時如何瑞嚴不如出世後如何不如瑞嚴須是恁麼始得

當晚小參明鏡當臺妍醜自現吹毛在手殺活臨時恁麼恁麼南斗東轉北斗西移不恁麼不恁麼冬月震雷夏天灑雪多添少減與有奪無不墮平常獨超象外只知恁麼中不恁麼不恁麼中却恁麼時如何良久云無人知此意令我憶南泉復舉台州瑞嚴彦禪師問夾山云與麼即易不與麼即難與麼與麼即惺惺不與麼不與麼即居空界與麼不與麼請師速道山云老僧謾闍黎去也彦喟云這老和尚而今

是什麼時節。便出去。後有僧。舉似巖頭。頭云。苦哉。將我一枝佛法。與麼流將去。師拈云。瑞巖。這般太過。元不知有佛法道理。因甚。巖頭却道。苦哉。將我一枝佛法。與麼流將去。且道。是肯他。不肯他。

留兩班上堂。是法住。法位。世間相。常住。佛殿對三門。燈籠掛露柱。移易一絲毫。不得增減。一絲毫。不得。或有個出來道。長老。昨日是孟冬。月晦。今日是仲冬。月日夜愈長。晝愈短。日月更相換。如何。說箇不移易。不增減。底道理。只向他道。瑞巖寺裏。知事頭首。昨日不少。今日不多。增減得麼。各安己分。各務本職。移易得麼。不見古人有言。不愆不忘。率由舊章。

上堂。浴水橋畔。伏虎巖前。雪消松杪。春到梅邊。古佛眼睛。突出瞿曇面目。昭然認著。依前隔大千。

佛成道上堂。夜夜明星現。有眼誰不見。此夜老瞿曇。却被明星轉。直至而今。又眼花。無瑕白玉。自生瑕。謝兩班上堂。法無定相。遇緣卽宗。如水在地。如雲行空。或卷或舒。或西或東。鼓際天雲濤。而有江澄練淨。底消息。沛翻盆驟雨。不無天開日霽之形容。其用也。

不有其德。其寂也不居其功。且道是什麼物。得恁麼靈長久。云。任從滄海變。終不爲君通。

元宵上堂。和暖上元天。氣是處笙歌動地。瑞巖無可設施。隨分放燈一二。以拂子作彎弓勢。依稀初月。又點三點。彷彿三星。輝映群芳。光吞萬象。毗嵐逼界。不能息滅。金蓮萬斛。未易比方。焰焰熾然。明明無盡。然雖如是。汝等諸人。折旋俯仰。動轉施爲。總在這箇光明藏裏。因甚。十箇有五。双面前黑漆漆地。以拂子擊禪床云。只爲分明極。翻令所得遲。

上堂。今朝十五。明朝十六。瓠苦瓜甜。松直棘曲。辟支老漢。炎夏衣楮。嚴冬浴水。謾自辛勤。徒勞檢束。爭似而今。禪和。三三兩兩。水邊林下。寒向火。熱乘涼。又誰管你地覆天翻。天翻地覆。雖然如是。是玉也大奇。只恐不是玉。

上堂。露冷風清。山空月明。天際歸鴻。書梵字。夜深砧杵。送秋聲。眼覩不見耳聽。不聞與君傾盡此時心。莫認山河作眼睛。

古佛忌上堂。伏虎巖前。螺江江上一去一來。無去來。

相諸人要識無去來相麼良久云今朝古辟支昔日
翁和尚

謝兩班上堂權衡佛祖號令人天擒縱予奪各得其
宜進退存亡不失其正要明如是事須是如是人既
得如是人方明如是事如是事則且置我此一衆還
有如是人麼鸞鷟麒麟皆是瑞旃檀薔薇一般香

上堂微雨潤枯荑嚴風攪林木梅唇已破香柳眼眠
未足塵世競奔忙光景相追逐林間無事人好唱雲
門曲只如雲門曲作麼生唱良久云今朝臘月二十
五明朝臘月二十六

上堂今日上元令節雨意連綿未歇過去燃燈如來
全體一時漏泄諸人還見麼鸞頭滴瀝分明歷歷
上堂人人頭頂天脚踏地眼裏放光鼻孔出氣缺齒
老胡何用單傳直指宜手打落當門齒雖然如是不
因樵子徑爭到葛洪家

上堂拈拄杖召大衆云山僧從春及夏袞袞地過殊
無一言半句資登諸人子細思量怎麼住山誠然無
益昨日偶因無思惟中得个三昧頗似奇特今朝擊

鼓陞堂舉似諸人也要大家知有惟是諸人得此三
昧善自護持百劫千生莫教忘却卓一下云麼大
事爲你不得小事各自祇當靠拄杖下座

出鄉歸上堂建嶺雲建溪水縹緲無邊淵深無底盡
情收拾歸來點滴無非珍貴拋向諸人面前切忌自
生擬議何故見之不取思之千里

上堂禪禪風生木杪葉墜庭前唧唧寒蛩吟破壁聲
聲歸雁度遼天諸人若也會得此去吳屯不遠若也
不會藍溪水透洋邊呵呵笑倒武夷張大僊

上堂皎潔中秋月清光處處同是人皆照破無水不
形容圓滿纖塵淨婆娑桂影重古今爭賞誰到廣
寒宮莫有曾到底麼良久云三生六十劫

九日道舊至上堂舊日重陽今日重陽離菊披金淺
殘黃休訝去年蓬鬢今歲半成霜喜得同人相訪那
邊風景此間風景且莫論量相與對花賒一醉高歌
大笑手舞足蹈聽教人消掣顛狂因甚如此不見道
有朋自遠方來不亦樂乎

開爐上堂拈起拂子召大衆云這些火種混沌未判

威音未生光燠赫地已難掩遏無端被迦文老漢指
天指地從而嘯之菩提達磨逾海越漠扇而東之賣
柴漢子拖一束薪發而揚之由是東西浩浩南北紛
紛千種施爲萬般作用欲彰之而深晦欲益之而淺
微逮至今日或幾乎息矣東山試向冷灰裏打一撥
看以拂子劃一劃云見麼雖然煙焰無多子近著須
防燎面門

古佛忌日上堂虎溪冰瑩長空月鳳嶺松吟後夜風
堪笑堪悲翁老子儼然不改舊時容諸人還見麼遂
拖拄杖下座

上堂可祖齊腰立雪長慶坐破蒲團一人鐵壁觀要
透一人滄海瀝須乾鐵壁透滄海乾出禮三拜依位
立捲起簾來天下寬堪悲堪笑何易何難信道梅花
香撲鼻須是徹骨一番寒

元宵謝綺都寺上堂羅綺叢中笙歌社裏燈明如來
放光現瑞諸人還見麼良久去過去久矣

謝執事上堂東山開箇小小戲場編排佛祖拈弄不
到底科段然而單絲不成線獨掌不浪鳴須是諸人

大家攬撥始得所謂唱底唱拍底拍絲竹互奏金石
交陳山僧贏得於其中間舉其宏綱撮其機要卷舒
進退開闔翕張或現鬼面神頭或伸佛手驢脚千變
萬化七縱八橫傍人看來只眨得眼且道是神通妙
用法爾如然還會麼不見道但看棚頭弄傀儡抽牽
總在裏頭人

上堂秋風捲地秋水連天千山影瘦萬木蕭然漁笛
數聲江上月樵歌一曲嶺頭烟諸人聞恁麼告報切
忌作境話會既不作境話會畢竟作麼生會長久云
佛身充滿於法界普現一切衆生前

叙謝監寺藏主知客直歲寮元侍者上堂楊岐三脚
驢虎丘睡虎子毛色既一同蹄爪亦相似祖域交馳
卒難構赴須是具客來則接賊來則打底手脚有插
歛而立携歛便行底機用方可恰恰相當其或未然
犀牛扇子起清風披拂旃檀香滿空

上堂拈拄杖召大眾云火爐頭有則無賓主話自古
自今浩浩商量商量不下瑞巖有舌如結有口如啞
且聽拄杖子爲諸人分明說破去也卓一下云上下

三指彼此七馬

上堂召大眾云。達磨西來。踏海越漠。遊梁歷魏。明什麼邊事。良久云。會麼。知我者。謂我心憂。不知我者。謂我何求。

住臨江軍瑞簞山惠力禪寺語錄

參學

編

指三門云。無礙慧門。鐵壁鐵壁。一擊擊開。不勞餘力。幾人把手。拽不入。

踞方丈橫一丈。豎一丈。滿室風生。半窓月上。山僧要坐。便坐。要起。便起。終不向這裏無風起浪。諸人若不散去。照顧劈脊拄杖。

陞座祝

聖罷問答
不錄

乃云。目視雲霄。有一拳未敢分。

付曰。遊關市三十棒。且待別時。遇坎則止。乘流而行。既無跡於去來。寧有心於動靜。昨日恁麼。逸翮獨翔。孤風絕侶。今日不恁麼。翫江月。聽松風。拈起。問皂山。濃蘸清江水。平展金鳳洲。寫出祖師意。貼向十字街頭。俾人人知道。一年十二月。臘月是年尾。寶祐改元。又從頭起。萬年萬年。更萬年。清江依舊清。無底然。雖

如是道泰不傳。天子令時。清休唱太平歌。復舉南泉示衆云。王老師自小。牧一頭水牯牛。公案師頌云。不如隨分。納些些。何處青山。不是家。玉笛橫吹。皇化裏。風前清韻。徹天涯。

當晚小參。入作無門。面前如鐵壁。放開線路。水上按葫蘆。如轉輪藏。入面玲瓏。轉轉地了。無滯礙。底時節。如觀空。關十方通暢。虛豁豁地了。無窒塞。底時節。既無窒塞。又無滯礙。無往而不通。無施而不可縱橫。得妙舒卷。無拘正當。恁麼時。如何。良久云。今朝有酒。今朝醉。明日無錢。明日愁。

復舉德山小參。不答話。公案師拈云。行險僥倖。德山始終不移。強殺果敢。這僧危亡不顧。惠力也有箇見處。當時待德山道。今夜小參。不答話。問話者三十棒。出衆呵呵大笑。教這老漢要開口。也不得要合口。也不得要坐。也不得要起。也不得然。雖如是。還契德山意也。無具眼。衲僧試甄別看。

留知事頭首上堂。山僧自入院以來。終日忙忙。遍地人事。欲求前日清閑。豈可復得耶。所幸眼睛鼻孔元

只依舊三門對佛殿。厨舍對僧堂。也只依舊。僧是僧。行是行。東者東。西者西。也只依舊。然雖如是。且道。斬新號令。又作麼生。去年梅。今年柳。顏色馨香。依舊滿散。天基聖節。上堂。惠力大寶藏。日轉萬億。日一萬億。日千千萬億。願以轉輪數。仰祝天子壽。惟願天子壽。復倍轉輪數。繁開玉葉茂。金枝永與法輪無盡時。

佛涅槃上堂。翠柳堤邊舞黃鸝。樹上鳴。瞿曇真實相。歷歷在而今。誰言入滅向双林。

無準和尚忌拈香。這箇老漢。殊無所解。不惟屈屈曲曲。且是頑頑賴賴。我昔沒興。見之直至而今。耐耐燒炷香。禮三拜。喫拳打拳。彼此莫怪。

結制上堂。今朝結制。號令宜先。三章約法。普示人天。身不可妄動。亦不可塊然。口不可妄開。亦不可默然。意不可妄學。亦不可罔然。依如是行。如是住。圓覺伽藍常現前。

謝秉拂上堂。獅子吼。無畏說。百獸聞之皆腦裂。如是則石龍恐怖。金鳳來儀。蕭水騰波。瑞山峯。寧不爲分。

外雖然。且道。昨日第一座。與第二座。說法還有優劣也。無良久云。藏頭白。海頭黑。上堂。晝也惺惺。夜也惺惺。既不掉舉。亦不昏沉。何須求白玉。只此是黃金。

上堂。召大眾云。從上諸佛。諸祖。千種施爲。萬般方便。只要諸人。知得。冬寒夏熱。夜闇晝明。三旬一月。一月三旬。以拂子擊禪床云。會麼。頻呼小玉。元無事。只要檀郎認得聲。

開爐上堂。夏熱乘涼。冬寒向火。自古自今。總恁麼過。不知二祖立雪。齊腰。畢竟圖箇什麼。良久云。會麼。以吾之不可學。柳下惠之可。

上堂。無禪。不參。無道。可學。只貴諸人。如醉而醒。如夢而覺。醉既醒。夢既覺。雖然。只是舊時人。却與舊時相遼遼。

住隆興府泐潭山寶峯禪寺語錄

參學

編

指三門云。從上諸佛。諸祖。皆從此門而入。且道。如何。是此門。良久云。有人動著。關。橫兩扇。東扇。西扇。

佛殿德山拆毀寶峯燒香二俱不惡一種不滅霍雲
元自面皮黃

陞座祝

聖罷問答
不款

乃云法無定相遇緣卽宗至道

無難惟嫌揀擇真如不守自性隨緣應用萬差高謝
古劍津垂楊兩岸一片沙鷗管領獨秀峰滴翠千尋
羣飛野鴨廣漢簾箕拈起東簾西簾關西水磨試把
左推右推贊化育於兩間致昇乎於四海普天和氣
匝地春風正恁麼時功歸何所良久云千峯朝華嶽
萬派肅滄溟復舉三聖道我逢人卽出出則不爲
人興化道我逢人卽不出出則便爲人真淨云這兩
箇老古錐竊得臨濟些子活計各自分疆列界使明
眼衲僧只得好笑師云真淨恁麼批判只見錐頭利
不見鑿頭方亦使明眼衲僧只得好笑殊不知二大
老兄不兄弟不弟自相矛盾喪盡臨濟門風新寶峰
恁麼批判且道還免衲僧笑麼具眼者辨取
當晚小參泐潭之潭澄澄澄月寶峰之寶焰焰發輝
親到此峰必獲此寶旣獲此寶直須擊碎不留影迹
始得親到此潭直須吸乾了無涓滴始得然後於無

◆ 跋語

涓滴處與雲作雨霑溉大地草木而不作霑溉之想
於無影迹處開無盡藏賑濟一切貧窮而不起賑濟
之念便見貧窮富足草木敷榮無一物不遂其生無
一夫或失其所然雖如是忽被山僧拂子將泐潭寶
峰一口吞却是汝諸人向甚處安身立命以拂子擊
禪床云切不得離却這裏復舉馬祖大師因僧問
參次祖畫一圓相云入也打不入也打僧纔入祖便
打僧云和尚打某甲不得祖靠拄杖休去師拈云馬
祖畫出這個圈子盡大地人跳不出這僧恁麼祇對
且道還跳得出麼

留兩班并謝新命日光長老上堂召大眾云萬般施
設不如常又不驚人又久長山僧自入院以來傷風
咳嗽一般無可施設喜得大寂祖師面目元只如常
見前大眾頭頂天脚踏地元只如常東邊底辨取東
邊事西邊底辨取西邊事元只如常日裏三晝夜間
一寢元只如常雖則如常就中却有些子驚人處昨
朝陰雲四合雨正霽之際忽然一道日光從南而
下把泐潭山千巖萬壑透頂透底一一融通不知日

光之爲渤潭。渤潭之爲日光。所謂其光遍滿。無壞無雜。見者聞者。歡喜踊躍。皆曰。希有之事。驚人之舉。雖則驚人。要且久長。如何見得。不見道。佛法無多子。久長全在人。

延慶佑聖二長老。至上堂。召大衆云。開門待知識。知識喜來過。兩兩不成雙。一一無回互。共臥不共床。同行不同步。昭然在目前。目前不可親。雖則不可親。我獨知其故。諸人還知麼。良久云。聖容菩薩來。西天盧仙夏人在東土。

再住寶峰上堂。雲無心而出。袖功不浪施。水有時而回。淵法無定。相行固不厭。住亦不忻。昨從主而爲賓。去不出門。今從賓而爲主。來不入戶。既不出門。又不入戶。明明來去。無來去歷。歷主賓非主賓。渤潭元自碧沉沉。獨秀依前高突兀。然雖如是。只如再呈舊面。重理新詞一句。又作麼生。擊拂子云。拍拍是令。

謝管幹撥田上堂。舉東山演祖頌云。山前一片閑田地。叉手叮嚀問祖翁。幾度賣來還自買。爲憐松竹引清風。老東山雖則買賣自由。末上未免叉手問人在。

寶峰卽不然。山前一片閑田地。無意求之。却宛然幾許風光。都買盡。不曾費著一文錢。

解制上堂。今朝解制。且作麼生。從前約束一槩放行。萬里秋天飛一鷄。東西南北任縱橫。

九月旦雲居歸上堂。昨從天上去。元不離地下。今歸地下。來亦不離天上。上下無間。來去無差。天河秋一雁。砧杵夜千家。

上堂十五日。已前卽心卽佛。十五日已後。非心非佛。正當十五日。不是心。不是佛。不是物。便恁麼會。頭上安頭。不恁麼會。斬頭覓活。總不恁麼時。如何良久云。丁人干干。上下十卜。

開爐日。白塔東山二老并維那道士至上堂。召大衆云。悅分忽。其中有物。是什麼物。忽分悅。其中有象。是什麼象。依稀鋤斧之。既閑彷彿。砧槌之。已放渤潭。不欲破。二作三重。重起模畫樣。恍忽恍忽。置而勿論。物象象物。亦休定。當今日開爐。且燒火向。

佛成道日上堂。六年雪嶺竟無成。練得身形似鶴形。盡謂見明星悟道。何曾悟道見明星。入山何富出山。

何貧知心能幾人

基首座本藏主昭侍者至上堂召大眾云參禪學道豎起拂子此爲基本。儻得基本可以爲人天眼目。作叢林表儀。演出一大藏。演入一大藏。無施不可。其或未。然布毛吹起。處子細好生觀。

佛涅槃上堂拈拄杖召大眾云世尊最初於般若會上垂教云。若以色見我。以音聲求我。是人行邪道。不能見如來。末後却於涅槃會上。以手摩訶告衆云。汝等善觀吾紫磨金色之身。瞻仰取足。無令後悔。這老漢顯異。或衆前後相違。業既自作。悔不容追。昔年已陷泥犁。去卓一下云。今日重移過鐵圍。

上堂春風料峭。春雨連綿。桃花逐浪。新竹籠煙。香巖已往。靈雲去一度。春深一惘然。

上堂召大眾云。乾坤之內。宇宙之間。中有一寶。祕在形山。所謂髮毛爪齒皮肉筋骨髓腦垢色。皆歸於地。唾涕膿血津液涎沫痰淚精氣。大小便利。皆歸於水。暖氣歸火。動轉轉風。且道。實在什麼處。良久云。桑疇雨過。羅紈膩麥。隴風來。餅餌香。

無準和尚忌日拈香。這老凍儂。惺惺懜懜。分明無一絲毫剛道。有三斤重。只知恁麼脫空相誑。不知其饒甚於戴天之不共。辨香。今蘇夫何爲。願百劫千生。永陷泥犁。無出期。

城歸上堂舉南禪師道去時。一溪流水送歸來。滿谷白雲迎一身。去住非去住。一物無情似有情。師云。大小南禪師。話作兩橛。既是去住非去住。爭得有送迎。寶峰卽不然。去從闌市紅塵去。歸向白雲深處歸。因甚更無迎與送。去來寸步不曾移。

上堂召大眾云。細不可減。大無以加。近在眼睫。遠過天涯。是著卽錯。擬之又差。缺齒老胡。會不得。空携隻履。返流沙。

端午上堂。以拂子書空云。五五午時書。妖邪盡掃除。一堂風悄悄。千古意如如。蒲飲先春雪。櫻餐明月珠。舌頭如具眼。醉飽樂無餘。

中秋劔州生監寺綿州泰首座至上堂。一月在天影。含衆水。只如雙劔峯。頭月何似芙蓉溪。上月蓉芙溪。上月何似潞潭潭。底月若道同東西。各一涯。若道別。

天無第二月。既然如是。畢竟作麼生。不見道。白雲巖上月。太平松下影。深夜秋風生。都成一片境。

九日上方西堂。至上堂。召大眾云。今日重陽。寶峰相與諸人登高去也。所謂登山不到頂。不知山之高。然而未到高處。各宜努力。切不可如存若亡。直饒得到高處。一覽衆山小。舉手摩穹蒼。亦未可在。何故更有靈蹤在上方。

延慶長老至上堂。雨暗西山。雲飛南浦。老盧僂腰。遷騎鶴朝度黃茅。八凸獨秀峰。草木泉石爲之鼓舞。因甚如此家貧願隣富。

佛成道上堂。拈起拂子。召大眾云。霍曇未解這一著。雪嶺六年空卜度。不知眼病見空花。認作明星一何錯。自累猶可。更累兒孫。擊禪床云。珊瑚枕上兩行淚。半是思君半恨君。

上堂。歲盡年窮。多少人脚忙手亂。惟有寶峰恬然不管。何故。來年更有新條在。惱亂春風卒未休。

住隆興府黃龍山崇恩禪寺語錄

參學

編

指三門。從上佛祖建立這箇門戶。只要盡大地人把手同歸。新黃龍又作麼生。不向如來行處行。

佛殿我與黃面老漢。有千古不忘之恨。甚欲爛槌一頓。今日因甚放過老。不以筋力爲能。

方丈踞此室坐。此座佛來。祖來一一按過。莫有超佛越祖底麼。勘過了打。

陞香拈香祝。聖罷乃云。渤潭深處泛明月。棹穩波平。幕阜峰前對落暉。鳥啼花笑。此卽彼彼卽此。拈又放放又拈。打開石門於三關之前。巨關三關於石門之後。俾到者到不到之地。歸者歸無歸之鄉。已過關者掉臂而行。未過關者從門而入。益無所益。爲無所爲。鼓舞皇風。優游聖世。正當恁麼時。如何蒲團靜倚。無餘事。永日寥寥。謝太平。復舉三聖問。雪峯透網金鱗未審。以何爲食。公案師拈云。金鱗振鬣擺尾。搖蕩乾坤。鱉鼻噴毒。揚威崩騰。雲霧諸人要知。二大老落處麼。等閑相見處。莫作等閑看。

當晚小參。我手何似佛手。十指參差。我脚何似驢脚。四蹄踏地。人人盡有生緣。如何是上座生緣。耳朶兩

片皮牙齒一具。骨節參會得便見。積翠老人面目見。在時時與諸人同一飲啄。同一受用。不肯一人不向。一人念。念與諸人向第二義門談不二法。不住本際。不離本際。雖然如是。因甚十箇有五。双蹉過也不知。拍禪床云。只爲分明極。翻令所得遲。復舉黃龍南禪師問隆慶閑禪師得坐披衣公案。師拈云。積翠老人何用繁詞。當初待他道遇方。即方遇圓。即圓痛與三十棒。不惟彼此免帶唇。齒管取隆慶別有長處。元宵興化兜率長老至上堂。未離兜率已離王宮。纔過一關三關俱透。全賓全主。全主全賓。正恁麼時。如何樓臺上下火照。火車馬往來人看人。

慧日西堂蓬萊二道士至上堂。以拂子畫一畫。三畫。斷迷雲。打一圓。相放開。慧日照破老君肝膽。脫似瞿曇骨髓。一家胡越。一合乾坤。渾崙休剖破。剖破又渾崙。上堂拈拄杖召大眾云。諸人不是不將來。老僧不是不分付。將來既是分明。分付亦非莽鹵。且畢竟是箇什麼。擲下拄杖云。各自認取。

上堂目前無法密密綿綿撥不開。意在目前千討萬

討討不見討不見。却或現樓欄葉散夜叉頭。芍藥花開菩薩面。

佛生日上堂。召大眾云。世尊初生下來。三業便不清淨。一手指天。一手指地。周行七步。目顧四方。身業不清淨。天上天下。惟吾獨尊。口業不清淨。起此念作此說。爲此舉。意業不清淨。因此三業不清淨。遂感異報。一年一度受鑊湯之苦。還脫得也。無良久云。假使百千劫所作業不忘。因緣會遇時。果報還自受。

謝秉拂上堂。雨注河傾。共談無義。陳蒲鞋倒退三千。睡虎子讓一頭地。有問如何。若何。不能以手夾鼻。何故。切忌錯恠老僧。

上堂。涅槃心差別。智明之既難會之。不易如千手。異執千目。異顯元同一身。以萬派爭流百川。競注皆歸一水。雖然如是。差之毫釐。謬以千里。

上堂。舉永嘉大師道直截根源。佛所印。摘葉尋枝。我不能與麼已。帶枝葉了。作麼生得直截根源去。良久云。時暑不宜久立。

城歸上堂。昨日動未常動。今日靜未常靜。所以道靜

謂之性心在其中矣。動謂之心性在其中矣。只如心性俱泯。動靜兩忘。時如何。一片白雲橫谷口。數聲幽鳥語林阿。

解制上堂。昨朝結制。鑽夢闌空。今朝解制。眼開天曉。且道結底是解底。是孤鶩高飛。越落霞。長天一色。如秋水。

請淨頭上堂。淨桶放光。等子踴跳。爲得諸人徹困了。也更教老僧說箇什麼。雖然如是。很藉不少。

上堂。古佛心卽如今。桂香滿院。葉墜疎林。水沉寒雁。影露冷。夜蛋吟。明眼衲僧。會不得。江北江南。徒訪尋。上堂。舉德山一日飯遲。自托鉢至法堂上。雪峯云。鐘未鳴。鼓未響。托鉢向甚處去。師着語云。妄起兵端。德山低頭歸方丈。一戰不施。折衝千里。雪峯舉似嚴頭。

討兵救援。頭云。大小德山。未會末後句。在。挾天子會。

諸侯。德山聞得。令侍者喚嚴頭問云。汝不肯老僧那一擒一縱。嚴頭遂密啓其意。詐納降款。德山休去。夫人旣降殺之不祥。山次日上堂。果與尋常不同。其然。次置其然乎。嚴頭於僧堂前。擡掌呵呵大笑云。且喜。

老漢會末後句。天下人不柰伊何。雖然如是。只得三年。恭而無禮。克由巨耐。師拈云。大衆。德山托鉢話。古今以爲奇特商量。殊不知這老漢。飢過心荒。顛倒錯亂。被他二子上當。只得歎氣吞聲。雖然如是。若無舉鼎拔山力。千里烏雞。難不易騎。

上堂。今日如是。明日如是。一日復一日。一年復一年。百千萬億年。究竟只如是。月落烏啼。霜滿天。紛紛黃葉。飄庭際。以拂子擊床云。會麼。善男子。起法性。如是。天真化主。入蜀。兼謝照都寺上堂。照而常寂寂。而常照。灩澦雲開。玲瓏月皎。巍巍玉殿。與瓊樓。已見鸞飛。主丈頭。

聖節上堂。寶祐五年正月初五。天地泰而上下交。聖人作而萬物覩。巍巍乎不可極。蕩蕩乎無能名。黃河三千年一度清。

上堂。舉洛浦遊歷。罷往夾山頂上卓庵。師着語云。更須行脚。始得。經年夾山。知乃修書。令僧馳到。箭不虛發。浦接得便坐。却再展手。索僧無對。浦便打云。歸寧似和尚。門庭施設。似則也。似僧。圓舉似夾山。山云。這。

僧看書三日內必來若不看書斯人救不得也性命已在夾山手裏三日後果來纔見夾山不禮拜當面叉手而立強惺惺棺木裏瞪眼夾山云雞棲鳳巢非其同類出去四十斤鐵鎚劈頭一下浦乃云自遠移風乞師一接一款便招夾山云目前無闍梨此間無老僧再下一鎚浦便喝伎倆已盡夾山云住住且莫草草匆匆雲月是同溪山各異截斷天下人舌頭則不無爭教無舌人解語截斷命根浦佇思一死更不再活夾山便打成終不打也好師云黃龍怎麼道諸人切不得怎麼會復拈云斷鼻聖者有運斤成風之手亦須受斧者有儼然不動之質然後二俱入妙夾山雖則有三千里外辨諸訛底眼目若非洛浦具舉一明三底體裁爭見針芥相投風雲際會雖然如是澤廣藏山理能伏豹元宵上堂人間月半天上月圓幸自一天明朗何須萬斛金蓮諸人睡眠豁開見得分曉不起于座卽起于然燈之前其或未然燈節元來是上元上堂昨夜天氣稍涼坐久不知瞌睡偶於瞌睡三昧

中夢得一段無上妙義其語簡約其理造詣及乎天曉眼開不謂一時忘却且待問主丈子看拈主丈云主丈子你還記得麼主丈子云若是無上妙義長老何曾夢見我自出廣長舌相爲諸人道去也卓一下云白日青天且莫說夢靠主丈下座無準和尚忌拈香我與這老漢元自不相識於不相識中刻骨成冤結愈久冤愈深至今恨深切澆之馬渤與牛渡蘇此一爐乾屎橛清溪和尚計音至上堂海湧山摧劒池水竭嘉州大像爲之含悲峩眉普賢泪如雨滴牽動靈源橋下水號湍激石聲嗚咽且道因甚如此子期去不返伯牙良可哀浴佛上堂佛眞法身猶若虛空還有染汚也無應物現形如水中月還假濯沐也無雖然怎麼也少這一杓不得因雪上堂萬木凝寒千山積雪少室門風宛然如昔惟有龍峯却較些夜深庭際無人立上堂舉澄州夾山善會禪師初住潤州京口時道吾

至上堂有僧問。如何是法身。答云。法身無相。如何是法眼。答云。法眼無瑕。師着語云。答得甚。師當切忌。怕人笑道。吾不覺失笑。不是好笑。貪他底。著他底。山便下座。請道吾問某甲。適來祇對僧話。必有不是。致令上座失笑。望不吝慈悲。果然。吾云。和尚一等是出世。未有師在。殺人刀。活人劍。山云。某甲甚處不是。望與說破。實頭人難得。吾云。某甲終不說。請和尚往秀州華亭。船子和尚處去。爲人須爲徹。一舉兩得。山云。此人如何。未見已前。不妨疑着。吾云。此人上無片瓦。下無寸土。莫謗船子好。和尚若去。須易服束裝。教人作竊。禮合如是。師乃散衆。易服直造華亭。丈夫志氣。不因楊得意。爭見馬相如。船子纔見。便問。大德住什麼寺。從苗辨地。山云。寺則不住。住則不似。熟處難忘。船云。不似又似。箇什麼。雖然。船裏無魚。明月也須搜過。山云。不是目前法。瞎別人。即得。船云。甚處學得來。將來擒之。必先縱之。山云。非耳目之所到。伎倆已盡。船云。一句合頭語。萬劫繫驢。撇肺問病。一時透見了也。船又問。垂絲千尺。意在深潭。離鉤三寸。子何不道。門上一針。山

◆浮屠語

擬開口。船便以篙打落水中。砒霜狼毒。纔上船。船又云。道道。山擬開口。船又打巴豆。黃連。山於此有省。乃點頭。慚愧。慚愧。通身白汗。藥不誤。眩厥疾。弗寧。船云。竿頭絲線。從君弄。不犯清波意。自殊大斧斫了手。摩拏去。砒劑進膏肓。山遂問。拋綸擲釣。師意如何。妙訣。丹方。不容不問。船云。絲浮綠水。浮定有無之意。草本不勞拈出。山云。語帶玄。而無路。舌頭談而不談。開得眼來。天□曉。船云。釣盡江波金鱗。始遇得箇魚兒。便喜歡。費力不少。山乃掩耳。滿面慚惶。無着處。船云。如是如是。龍頭蛇尾。竹篙在什麼處。船遂囑云。汝向去。直須藏身處。沒踪跡。沒踪跡處。莫藏身。鬼家活計。吾二十年在藥山。只明此事。鍾根阿師。汝今既得。他後不得。住城隍聚落。但向深山裏。饅頭邊。覓取一箇半箇。接續吾宗。毋令斷絕。前頭驚殺人。後頭笑殺人。山乃辭行。頻頻回頭。半是思君。半恨君。船遂喚閨梨。山回首。船豎起橈。云。汝將謂別有老婆心。切着。甚來由。乃覆却船入水而去。却較些子。已遲八刻。師拈云。一言可以喪邦。一言可以興邦。一言可以喪邦。一笑傾人城。再笑傾人國。每每以此。

語爲過今觀道吾船子夾山一言一笑一得一喪乃知是真語者實語者雖然如是這裏真有失笑者麼如無老僧自笑去也乃呵呵大笑云待別人笑麼作什麼

上堂召大衆云風蕭蕭雨蕭蕭山雲漠漠庭葉飄飄聳天匝地祖意活潑潑滿眼滿耳心印何昭昭便與麼去衲僧門下大故相遼何故行到水窮山盡處可中別有路通霄

住建昌軍資聖禪寺語錄

參學 編

指三門云盡大地是箇解脫門未嘗不與諸人同出同入今日因甚特地若不如是爭知如是

方丈佛來不顧祖來不顧有三十棒未敢分付何故箇中無肯路

法座一著高一著一步闊一步墮在平常一著亞一著一步却一步失在巖嶮二俱不涉七達八通龍袖拂開全體現象王行處絕狐蹤

陞座拈香祝 聖罷乃云白雪深處終朝兩眼掛枯松

黃葉落時旱地一聲轟霹靂禍從天降回避無門未免重整欄衫再呈舊面向松溪深處開箇小小戲場空擲金圈橫拋栗棘俾未透者透未吞者吞透得過底銀山鐵壁粉碎無餘吞得下底毒藥醍醐融成一珠坐斷千差萬別頓超十地三賢處處通方頭頭得妙致君堯舜上再使風俗淳風舞鸞翔河清海晏正當恁麼時如何殊方喜見梯山貢四野欣聞擊壤歌復舉保壽開堂三聖推出一僧保壽便打公案師拈云二大老似鴛鴦鴛鴦如鸞鵲免收來放去足有可觀子細點檢將來未免俱偕這僧鼻孔出氣若要扶豎臨濟正宗且緩緩

當晚小參一水護田將綠遶激揚少室家風萬山排闥送青來漏泄威音消息恁麼會得禪迦不出世達磨不西來佛法遍天下談禪口不開何必高推臨濟喝似雷奔獨羨德山棒如雨點人人脚跟下十日炳爛箇箇肉髻中百寶光明無邊利境靡不流輝十世古今舉無遺照日月有顯晦此則未嘗有顯晦天地有盈虧此則未嘗有盈虧不離當處常湛然覓則知

君不可見。所以道目前無法。意在目前。不是目前法。非耳目之所到。雖則非耳目之所到。爭奈意在目前。雖則意在目前。爭奈非耳目之所到。這裏一咬咬斷。一觀觀透。便見夾山眼睛。鼻孔元是自家鼻孔。眼睛其或未然。莫道西江風浪惡。錢塘更有海門潮。

復舉南泉示衆云。王老師自小牧一頭水牯牛。公案師拈云。馬師道。惟有普願獨超物外。因甚。自牧一頭水牯牛。莫擬如何頓放。且道過在什麼處。有人辨得。許你親見南泉。

洪首座至上堂。能誦法華經。誦三千部。曹溪一句忘塵塵。皆寶所處處。是家鄉。雲淨天如洗。潭清月愈光。須知遠煙浪。別有好商量。

上堂召大衆云。直下是直下。是這邊那邊。滿眼滿耳。綿綿兮長存。湛湛兮不痕。擬議依前隔海門。

上堂雨滴空階。溪流新漲。風起天末。葉墜疎林。喚作物却非物。喚作心不是心。缺箇老胡會不得。九年面壁空沉吟。

請後堂并義穀掌會上堂。摩訶衍法離四句。絕百非。

香飯普熏遍十方。第三際我此一衆。總是諸方羅籠不住底。且道爲法來耶。爲飯來耶。良久云。莫鈍置。開爐上堂。豈拂子召大衆云。這箇如大火聚。近之則燎。却面門是汝諸人。如何湊泊。若也湊泊得去。盛夏不熱。嚴冬不寒。其或未然。終日雖在火爐頭。未免總是凍殺底數。

上堂召大衆云。佛法只在日用。日用百發百中。只如諸人折旋俯仰。應對酬酢。飲食起居。無非日用中事。且道佛法在什麼處。良久云。一滴水一滴凍。

上堂十月小春已過了。三之一。愛日融和。脫似三春天氣。西舍打禾。東家蓋屋。終日忙忙地。惟有衲僧閑不徹。被閑使得沒巴鼻。有巴鼻。晝晴免得撥寒灰。夜暖偏宜伸脚睡。

上堂名不得。狀不得。取不得。舍不得。不可得。只麼得。趙州東壁掛葫蘆。觀音院裡有彌勒。

請耆舊修田并謝兩序上堂。百丈開田說大義。究竟寧免費脚手。松溪修田無可說。擊鼓陞堂但良久。知事頭首俱歡顏。見者聞者皆失笑。且道笑箇什麼。良久。

久云好篇大義一字不少

佛涅槃上堂諸佛出世亦無有涅槃年年二月半枉自嚼悲酸此意只令誰共委令人拍案玉關千

上堂萬法本閑人自著一箇不立世界蟬噪三賢任你三賢十聖從他十聖遶四天下究竟不離這裡何故惟此一事實

上堂道在諸人如春在萬物雖無形色可見而周遍於形色之間雖無聲臭可聞而著見於聲臭之內是以若草若木含英吐華無非陽春發越而然諸人含齒帶髮頂天履地居萬物之上爲萬物之靈莫非道力資持而然因甚問著如何是道十箇有五雙面熱汗下鉗口結舌雖然甕裡何曾走却鼈

上堂此事沒諸訛人人不柰何柰何不得處合眼跳黃河跳得後如何元來佛法苦無多

結夏上堂今朝結制如何結內不放外不放入壁立千仞千仞壁立這箇猶是諸方普請邊事且道松溪如何喫茶珍重歇

謝秉拂上堂宗通說通抹過西東無兩舌頭有雙箭

鋒因甚如此問蜀同風

上堂計較不得處不知計較不得底畢竟是誰馳求不息時自是馳求者當頭蹉過不蹉過是什麼門外青山一朶兩朶三朶五朶千萬朶

瑞州黃蘗山報恩光孝禪寺語錄

參學

編

指山門云千人排門不如一人拔關且道誰是拔關者喝一喝

佛殿德山推倒雲門打殺黃蘗燒香般人以柏方丈這裡如大火聚近之則燎却面門直饒佛祖到來未免退身有分何故無你棲泊處

法座此座高廣誑嚇阿誰吾不能升賣弄不少舍利弗恁麼新黃蘗不恁麼何故因行掉臂

陞座拈香祝 聖罷乃云放下松溪竿頭絲線整頓祇園舊日家風九枝樞鬱鬱蒼蒼一溪水清清淺淺猿啼疊嶂鳥語疎林佛法大意觀面當機黃蘗宗旨當機觀面這裡有人荷紹得去今日開堂功不浪施其或未然卓拄杖一下云只將這箇真消息仰祝吾

皇億萬年。復舉同光帝問興化和尚云。朕收中原。獲得一寶。公案師拈云。同光帝兩手捧來。莫非至寶。老興化一言合轍。歡動龍顏。雖然借看。則易酬價。則難留。將千古與人看。

常晚小參。六十山藤婆心太切。三拳肋下癡漢呈乖。了知佛法本無多。開得眼來天大曉。直饒栽種得。不。是棟梁材。黃蘗乍到此間。人事倥傯。若有此等奇特。後生來問佛法大意。雖有拄杖。未暇分付。待伊走到。大愚灘頭。甦省歸來。且緩緩地卸下衲衣。痛與一頓。免得上頭上面。通相鈍置。雖然若無舉鼎拔山力。千里。烏雞不易騎。復舉當山祖師示衆云。汝等諸人。盡。是噇酒糟漢。公案師云。諸人要見祖師麼。眼高四海。空無人氣。吞餘子不足數。

上堂。春雪乍晴。春光愈好。不必遠討幽探。不用談空。說有何故。村村自花柳。

上堂。拈拄杖召大衆云。登山須到頂。入海須到底。登山不到頂。不知山之高。入海不到底。不知海之深。海深所以容魚。龍山高所以容虎。豹提起拄杖云。只如。

拄杖子。身材既小。高又不高。深又不深。且道容得箇什麼。卓一下云。此中空洞。渾無物。何止容君數百人。靠拄杖下座。

上堂。心不是佛。智不是道。拋却深村。又入荒草。只如以一重去一重。不知轉交涉。轉料掉。畢竟如何。心不是佛。智不是道。

上堂。召大衆云。九十春光已過了。三之二是處園林。滅紅添翠。鶯遷喬。木燕壘新巢。也自忙忙地。衲僧門下。又且如何。鑪香靜坐。一物不爲。日日一般。朝朝如是。拍禪床云。未能如是。安能如是。

上堂。一明一切明。一了一切了。道無不是。無道有元。非有毗婆尸。佛早留心。直至如今。不得妙。

無準和尚忌拈香。含笑吟吟。懷毒深深。左搓芒繩。生縛鬼子。倒拈蝎尾。殃害平人。我雖蹉脚。跨他門。幸不遭他毒氣。熏如何。見得插香云。只此爲憑。

上堂。古者道開方便門。示真實相。以拄杖劃一劃云。方便門開也。真實相在什麼處。卓一下云。數片白雲。籠古寺。一條綠水遶青山。

四月八上堂摩耶昔產一塊鐵無可名之名悉達鑄鑄金鑄不成無端鑄成一大錯錯錯至今累我東土人年年轉洗轉埃塵

上堂召大眾云祖師道汝學佛法如下種子我說法要譬彼天澤以是知種子所常有天澤不可無然而雨多則苗稼有傷言多則却道轉遠且如何得相應去攬苗助長非吾事塊雨條風不汝欺

上堂畢教中道此事惟我能知又云惟佛與佛乃能知之又道如人飲水冷煖自知如是則諸佛出世祖師西來未免勞而無功雖然不因柳毅傳書信爭見龍王宮殿深

解制上堂一結一切結一解一切解結解兩忘通身瀟灑絕瀟灑脫離籠巨魚縱大壑一雁入高空

謝秉拂上堂意句俱到不入深村入荒草意句不到珊瑚樹林日杲杲只如一言道盡意況不及時如何良久云到江吳地盡隔岸越山多

宣首座至上堂捧鉢孟於南泉位上陷虎機深致臨濟於黃蘗面前爲人心切如是眼目如是作用古今

無間前後無差孤鷺高飛趁落霞

上堂召大眾云三玄三要五位君臣說偏說正分主分賓未免重添眼裡塵拈拄杖劃一劃云盡情劃斷空濶無垠孤鴻杳杳知何處門外蕭蕭落葉頻中秋道舊至上堂雅愛中秋月多情似故人在天何皎皎照我更頻頻圓影隨流水清光絕點塵孤高攀不及覲面最相親

上堂九秋強半不寒不暖風細細雨霏霏水冷冷雲淡淡正當恁麼時還有西來祖意也無良久云一棹烟波蘆花兩岸

佛成道上堂六年雪嶺幾番雪不是今番徹骨寒半夜三更禁不得無端北斗面南看瞿曇瞿曇開得眼來天大曉不知紅日已三竿

上堂拈起拂子召大眾云這一捏子從上諸佛諸祖以至天下老和尚盡不奈何諸人還奈何得麼莫道諸人山僧也不奈何既不奈何畢竟如何良久云雪消知地暖雲靜見天高

住袁州仰山太平興國禪寺語錄

參學 編

師於咸淳元年五月十七日入院。踞方丈云。昔老維摩起模畫樣。分明兩箇五尺。剛然道有一丈。諸人如不信。後五日無事試來量看。

省劄。祖師道如人在千尺井中。不假寸繩。如何出得。自做艱難作什麼。今日太傅平章。因公以幹旋造化之手。向九仰重泉之下。等閑拈出一箇嘉嘉直直不唧。啗漢絲毫不犯致之雲端。盡大地人只眨得眼。且道據箇什麼。良久云。劄。

諸山江湖疏。琢雪雕冰。攢花簇錦。鄰義昭昭。友義爛爛。扶人上樹。推人下井。劫石可消。此恨難殞。

法座高不過尋尺。廣不過尋尺。舍利弗道。吾不能升。何乃甘自屈抑。看看仰山今日平步去也。

陸座拈香祝

聖罷問答不錄

乃云。據令四藤棒頭有眼。

明如日。特書卮字。碧眼胡僧笑揭天。雖則雷厲風飛。已是烏焉成馬。所以道言語動用沒交涉。非言語動用亦沒交涉。纔擬恁麼。便不恁麼。斬新拈掇。覷面提持。袁州城裡春臺壁立。平如砥。集雲峯下古廟香爐。

口向天。薰風南來。涼生殿閣。這裡領略得去。不孤山僧五百餘里。冒暑而來。堪報不報之恩。共助無爲之化。其或未然。千峯朝華。嶽萬派肅滄溟。復舉乳源和尚示衆云。西來的意。不易舉唱。時有僧出源便打云。是什麼時節。汝出頭來。便歸方丈。師拈云。布袋裡盛錐子。不出頭是好手。乳源怪者。僧不知時節。卽且置。乳源還知麼。乳源不知。卽且置。新仰山還知麼。達磨當年無板齒。只因強自出頭來。

當晚小參。德山小參不答話。高高峯頂立。趙州小參却答話。深深海底行。二大老。雖則力敵勢均。未免徐六擔板。一人於龍潭手內接得。少許紙燭。將作一條白棒。佛來也。打祖來也。打向當武界上。風高放火。月黑殺人。一人於南泉臥次。度得幾句。譚語裂轉舌頭。曾到也。道喫茶去。不曾到也。道喫茶去。向幽燕那畔。賣狗懸羊。指鹿爲馬。使二老當初知有。請僧門下。佛祖奈何不得底。一著子必不作此去。就殃害平人。本欲盡情鞠勘。貶向他方。適以入院之初。人事倥傯。且與放過。雖然。且道仰山今夜小參。畢竟是答話不答。

話良久云一朝權在手看取令行時。復舉當山祖師一日有異僧乘空而至祖云近離何處僧云西天祖云幾時離彼僧云今早祖云何太遲生僧云遊山玩水祖云神通妙用則不無尊者佛法須還老僧僧云我來東土禮文殊却見小釋迦由是出貝多葉示之騰空而去師拈云明鏡當臺胡來胡現漢來漢現則故是因甚這僧當面塗糊集雲自有正令却與放過意在於何良久云千鈞之弩不爲鼯鼠而發機中夏上堂六月中夏諸方放假大仰不然繩頭緊把常住百無一有不能掛懷只憂兄弟不會徇子無佛性話雖然常啼菩薩賣心肝風前狼籍誰人買上堂赤肉團上有一無位真人眼裡耳裏鼻裡口裡頻頻出入出入頻頻能言能喚能屈能伸能好能惡能喜能嗔諸人若也未曾證據便請證據集雲今日爲汝保任其或未然無位真人是什麼乾屎橛無禪和尚至上堂寶劍出匣精金躍冶色澤星輝光鑑斗射投之重津而光愈發越加之烈火而色無少假行爲人間報不平定應索起遼天價

上堂雁入高空。蛩吟古砌。劇談不二門。單明第一義。瞎却眼。塞却耳。聽得分明。見得親。不必龍華親授記。中秋上堂。召大眾云。從上佛祖善巧方便。千說萬說。只說得光影邊事。後代兒孫貪觀天上。蹉過目前。或掉棒打。或水中捉鰈。轉沒交涉。且道如何得相應。去以拂子打圓相云。此夜一輪滿。清光何處無。重九上堂。談玄談妙。將油洗皂。行棒行喝。剗肉成瘡。諸方多是誇張作說。集雲只據見定商量。何故年年九日是重陽。上堂風動心搖。樹雲生性起。專只如雲未生。風未動。已前心性在什麼處。諸人還知麼。若也知得。旋嵐偃嶽。而常靜。江河競注。而不流。野馬飄鼓。而不動。日月歷天。而不周。其或未然。不覺日又夜。爭教人少年。上堂今朝臘月二十五。明朝臘月二十六。風前唱起。仰山歌。人皆道是雲門曲。是則也是。只是音韻有些不同。如何見得良久云。絲與竹不同。肉。歲旦上堂。元正啓祚。萬物咸新。覓一毫舊相了。不可得。千年桃核裡。元是舊時仁。覓一毫新相了。不可得。

新舊之相既不可得。不可得亦不可得。道泰時清。萬國寧咸。淳二年正月一。

衆僧入城赴瀉山齋。歸上堂。召大衆云。飛雪亭前。宜春臺上。物有萬殊。春無兩樣。住不顧去。底猶欠劈面。拏去不顧住。底好與攔腮掌。直饒去住兩忘。如龍似象。未免卸下衲衣。連揮痛棒。棒折也不放。且道是罰是賞。不見道爲人須爲徹。殺人須見血。

上堂。仰山上元。令節笙歌。且靠一壁雪。晴山色按藍。凍解溪流瀨石。滿眼看。不盡滿耳聽。不徹諸人若向這裡知歸。不須更授然燈記別。

上堂。召大衆云。有祖以來。談玄說妙。斬新拈掇。格外提持。總是外邊打之邊。徑截一句作麼生。道良久云。春風料峭。凍殺年少。

佛涅槃上堂。是夜雷雨。佛滅二千有餘載。五逆兒孫。渾不採一夜雷轟雨。霧霈諸天。亦爲之耐。耐汝等諸人。且莫錯怪。元是這老漢。在娑羅雙樹下。震法雷。擊法鼓。布慈雲。兮洒甘露。演說一路涅槃門。涅槃門一路集雲與麼告報。是真實邪。虛妄耶。不見道。謂吾滅。

度非吾弟子。謂吾不滅度。亦非吾弟子。

上堂。拈拄杖。召大衆云。你有拄杖子。我與你拄杖子。你無拄杖子。我奪你拄杖子。芭蕉老人。雖則一期與奪。可觀未免扶強不扶弱。集雲則不然。有亦不與。無亦不奪。自家拄杖。自家提掇。遂卓一下云。應用臨機。活潑潑。靠拄杖下座。

上堂。諸人分上。各有一所。清涼寶殿。六門虛豁。八窓玲瓏。薰風拂拂。來無時。畏日炎炎。曾不到。泉流屋上。四時雨。鶴立松梢。萬境閑。汝等諸人。還知也。無若也。知得各自歸家。穩坐。其或未然。三條椽下。七尺單前。試將瓦子敲門看。

解制上堂。結却布袋頭。三世諸佛。無出氣處。放開斗門。開百萬魚龍。有路轉身。振鬣擺尾。搖乾蕩坤。轟雷掣電。鼓風雲。雖然也。須是照顧始得。且道。照顧箇什麼。照顧向齋裏淹殺。

謝兩序上堂。召大衆云。天無私覆。以三光地。無私載。以五嶽。定國安邦。以文武百辟。匡徒領衆。以東西兩班。一或有虧。萬有不就。拈拄杖云。只如拄杖子。平日。

撐天拄地。支險扶危。還假他力也。無卓一下。靠杖伸
手。云拈起放下也。少這箇不得。

上堂。八月秋何處。熟稻花吹香。疎林減葉。三點五點
不時雨。一聲兩聲何處笛。若向這裡聞。無有聞證。入
圓通斯爲第一。

中秋上堂。吾心似秋月。秋月似吾心。双照纖塵淨。俱
清萬籟沉。十分明又白。一樣古猶今。不是寒山子。何
人解此吟。

上堂。九月授衣。無衣可受。納僧門下。別有要妙。如何
見得。不見道。新糊紙被烘。來煖一覺。和衣到五更。聞
得上方鐘鼓動。又添一日在浮生。

上堂。召大衆云。百尺竿頭。進得一步上。無攀仰。下絕
已躬。萬煨爐中。煉得十成。撲之不破。擊之不散。雖然
更須知有向上三昧。何故。萍蕪盡處。是青山。行人更
在青山外。

重九上堂。秋雨乍晴。秋天如洗。九日菊花新。千林黃
葉墜。人人只知驟步登高。往往蹉過自家穩密田地。
莫有不蹉過底麼。良久云。切忌切忌。

上堂。召大衆云。萬法本無一心。何有絕慮忘緣。默默
自守。儻能朝於斯夕於斯。自然虛而靈。空而妙。正當
恁麼時。遂伸手云。我手何似佛手。

上堂。集雲不會禪。不會道。橫畫不識。豎畫不曉。日裡
三餐。夜後一覺。年來老且病。轉見不唧。啣裙子。褊衫
箇也。無袈裟形相。些些有。遂提起袈裟云。見麼。要底
將取去。其或未然。莫怪老僧好。

謝四頭首秉拂上堂。召大衆云。四葉紅蓮。一音宣演。
其語巧妙。其義深遠。前印威音。一點不差。後證彌勒。
不差一點。離四句絕。百非卽不無。只如一人恁麼。一
人不恁麼。一人恁麼中不恁麼。一人不恁麼中却恁
麼。又且如何。良久云。造作不同。一般米麪。

蟠龍鑑首座至上堂。納僧家無本據。鑑在機先。妙在
轉處。問。溷堂上半座。平分集雲峯前。孤風絕侶。看看
九萬搏扶搖。垂天之翅。摩雲霄。

入城歸上堂。初二出城。歸來初五十字街頭。撞見張
三元。是山前舊時李四。面目如前。語言如故。再三道。
佛法澆漓。衆生難度。不必按牛頭。喫草不用將針合。

成斧何故甜瓜微蒂甜苦瓠連根苦

上堂二月初五。群花競吐。或逞天紅。或誇雅素。月下精神。風前態度。明明祖意。無回互。堪悲堪笑。老靈雲。錯認桃花作眼。睛至今猶自不惺惺。

上堂。召大眾云。薰風南來。涼生殿閣。諸佛出身處。昭昭在心。目當機。觀面回避。無門只要。諸人披襟領略。其或未然。開眼也著。合眼也著。

上堂。一月復一月。此月又過五。兩輪日月。何奔忙。百年彈指如虛度。物不遷還知否。不是佛。亦非祖。且道畢竟是箇什麼。良久云。流水不腐。戶樞不蠹。

謝兩班并秉拂上堂。入理深談語。非語默。非默量材補職。武是武。文是文。用舍臨時。制裁在我。我只如將丈六金身。作一莖草。用將一莖草。作丈六金身。用又作麼。良久云。寶中天子。勅塞外將軍令。

中秋上堂。我心似秋月。道似又還別。秋月有虧盈。吾心無損益。人人只知登樓賞。斷向天邊覓。殊不知自己衣單下。有箇光明藏。子十分圓滿。十分皎潔。信得及。見得徹。非惟一夕歡。千古可怡悅。

上堂。不思善。不思惡。孤迥迥。活鱖鱖。不用追尋。不勞捉摸。只貴諸人知著。落知著。落楊岐。驢子三隻脚。

上堂。召大眾云。楊岐栗棘蓬。吞著礙喉嚨。東山鐵鉢。餚渾崙。苦徹徹。諸人若要省力。不如參一箇平實。且道是那箇平實。不見道。楚王渡江。得萍實。大如斗。赤如日。剖而食之。甜如蜜。

上堂。若論此事。諸人分上。本自具足。初無欠少。三世諸佛。競出頭來。不過指似得你。歷代祖師。天下耆和。尙互相提唱。不過說向得你。集雲今日。鼓兩片皮。不過勸勉得你。何故不見道。舜何人也。予何人也。有爲者亦若是。

住福州雪峯崇聖禪寺語錄

參學

編

師於咸淳五年三月二十一日入院。據室南山一條鼈鼻蛇。多少人向這裏弄死了也。拈拄杖云。今日拈來活弄。將去。鄒丈云。汝等諸人。各須照顧。陞座。祝聖。罷。乃云。法無定相。時止則止。時行則行。遇緣卽宗。在秦爲秦。在楚爲楚。放下仰山。鉢子。輟起雪峯。木毬。

雷動七閩風行百越俾未見者見未聞者聞聞見雖然。是箇什麼這裏頭略得去。開山祖師在你脚底。然山未到。成道多時。象骨未登。說法久矣。然雖如是。今日開堂。又作麼生。豎拂子云。只將這箇真消息。仰祝吾皇壽萬年。復舉開山祖師問僧甚處來。僧云。江西祖師云。江西與此間相去多少。僧云。不遙。祖師豎起拂子云。還隔這箇麼。僧云。若隔這箇。即遙也。祖師便打師拈云。問處分明。答處端的。且道江西與此間畢竟相去多少。若少若也。知得便。新雪峯去。楚來。閩不移寸步。其或未然。豎拂子云。何止隔這箇。常晚小參。盡大地是自己。水是山。山會四海爲一家。胡白胡漢。自漢於其中間。覓一毫爾我之相了。不可得。覓一毫內外之相。亦不可得。既無爾我又無內外。通上徹下。是箇大解脫門。如千鏡圍繞。無你回互處。如十日並照。無你遮掩處。只要箇上無攀。仰下絕已。躬寸絲不挂底。荷負得去。便見千五百人善知識面目。見在其或未然。任從滄海變。終不爲君通。復舉開山祖師一日。參次有僧出珍重。便去。祖師云。

總似這箇師僧。省我多少氣力。玄沙云。和尚恁麼接人。瞎却閩中一城人眼。去在祖師云。汝又作麼生。玄沙云。好與三十棒。祖師云。已後無人奈汝何。師拈云。古今盡道玄沙有超師之作。殊不知被祖師好好。竊箇坑子。深深埋了。直至而今。出不得具眼者。辨取上堂。人人頭頂天。脚踏地。眼裏放光。鼻孔出氣。與他諸佛諸祖。無別無異。因甚。握節當臂。聽我謾你。莫有不被謾麼。我且問你。雞寒上樹。鴨寒下水。畢竟是祖意是教意。直覺祖師忌日上堂。昔日不生。今日不滅。出入飛鷲。嶺未曾有。出入洞山。不曾到。投子不相識。若道嗣德山。未免自屈。抑且道。今日設忌。還來應供也。無良久云。象骨巍巍。壑壑碧空。寒泉皎皎。浸明月。中秋上堂。節屆中秋。涼颼四起。萬里無雲。一天如洗。明皎皎。月上孤峯。香拂拂。桂飄庭際。以拂子擊床云。會麼。以我爲隱乎。吾無隱乎爾。無準和尚忌日拈香。三十年前無交涉。處有交涉。三十年後有交涉。處無交涉。須無交涉。飲恨難忘。含悲。

含笑一爐香

結夏上堂二千年前冬寒夏熱二千年後夏熱冬寒
雪峯今日安居不過只要諸人順時保愛而已若是
踞菩薩乘修寂滅行他家有座主在諸人切不得
錯恠老僧何故卓丈云主丈生根休用剪鉢盂無柄
不勞安

城歸兼謝辨藏主上堂綠水青山紅塵鬧市一大藏
教滿眼滿耳這裏有人揀辨得出入則箇箇歸元出
則無無不是雖然只如馬祖震威一喝百丈三日耳
聲又作麼生良久云破草鞋見水

正日上堂辛未元正有則語大地無人知落處屋角
山禽破曉啼爲人一一從頭舉且道說箇什麼歲旦
無風甲子不雨

中秋城歸上堂自夏及秋頻頻出入送舊迎新奔馳
不歇十字街頭忽喫癩起來拾得胡餅隻今日不辭
舉似諸人以拂子打圓相云見麼團團圓圓皎皎潔
潔十成脫似中秋月

上堂一年十二月是膺月年尾膺月三十日過了二

之二雪峯晝裏夜裏波波掣掣手不釋杓脚不離地
理會甚底忽然被人道千五百人善知識因甚也脚
忙手亂又且如何支遣良久云老僧住持事繁
上堂一葉落天下秋殊不知象骨峯頂一葉未落已
前秋已到多時了也如何見得良久云六月山房冷
似冰

上堂祖師道望州亭與你相見了也烏石嶺與你相
見了也僧堂前與你相見了也祖師與麼與人相見
猶隔海在何故盡大地撮來如粟米粒大望州亭烏
石嶺僧堂前甚處得來老僧未出瞿塘關已與諸人
相見了也莫有信得及底麼良久云萬古長空一朝
風月

上堂衲僧行處孤風凜然動無妄動言無妄言如履
薄冰如臨深淵不須明祖意只此是單傳
上堂大作業人安禪入定大修行人披枷帶鎖恁麼
會得清淨行者不入涅槃破戒比丘不入地獄好與
一狀領過雖然如是莫將閑學解埋沒祖師心
上堂節屆中秋風清月朗盡大地人爭先賞翫賞翫

即不無我且問你月來眼裏眼往日邊有人道得許
你廣寒宮裏高折桂枝其或未然莫辭終夕看動是
隔年期

退院上堂召大眾云馬師一喝大雄峯直得三日又
耳聾今日松山颺更甚半年不復聞鼓鍾依稀鈍鐵
彷彿頑銅只好投之火聚中火餘坦地通紅幾多
錯認鳥啼月落燈燈曉星明向東

住慶元府太白名山天童景德禪寺語錄

參學 編

師於咸淳九年三月十一日入院指三門天門一合
十方無路似海之深如山之固且道如何造入良久
云步

佛殿舉香云謂這箇不是佛謗沉無香謂這箇是佛
增金以黃二俱拈却一倒一起築著磕著
方丈這裏是普請盡大地人成佛底去處牙如劍樹
口似血盆未敢相許只如嫌佛不做底到來時如何
良久云三十棒且待別時

勅黃天人群生類舉起云皆承此恩力且如何是此

恩力囊中 天子勅

府疏一畫未形三噴已且恁麼見得光焰何啻萬丈
長其或未然言外領取

山門諸山江湖疏函蓋乾坤句道波逐浪句截斷衆
流句三句盡在此不多一字不少一字衆眼難瞞分
明學似

法座向上一路只在脚底切恐諸人尙未知且行一
轉似與你遂驟步登座

拈香此一瓣香芽摩於混沌未分之際歷世滋多馥
郁於乾坤既定之餘騰芳愈久薰向爐中恭爲
今上皇帝祝延聖躬萬歲萬歲萬萬歲陛下恭願一
人有慶致四海於昇平萬壽無疆同兩儀而永久次
拈香一瓣奉爲太傅平章魏國公大丞相樞使國公
簽書相公伏願作股肱耳目與天齊休爲舟楫陳梁
同心共濟次拈香云此一瓣香九回拈出四海共知
奉爲前住徑山先師佛鑑圓照無準禪師大和尚非
圖報德酬恩且要熏天炙地遂跌座問答不錄乃云
飛鸞渡口細柳含烟宿鷺池邊長松蔽日大光明藏

不離當處。覺城東際。只在目前。溪山各異。雖則二十里之遙。雲月是同。灼然無一毫之隔。所以道。心同虛空。界示等虛空法。證得虛空時。無是非法。既無是非法。又無非法。且聽主丈子。逞神通去也。拈主丈卓一下。云。歡晴正法眼。畫一畫。云。畫斷破砂盆。俾今日一會聞者。見者。脫離聞見。獲大總持。透過威音那邊。復見古道顏色。民康物阜。海晏河清。萬姓樂堯仁。八方歌舜化。正恁麼時。如何。靠主丈蒲團。靜倚無餘事。永日寥寥。謝太平。復舉僧問投子和尙。如何。是一大事。因緣。投子云。尹司空與老僧開堂。師拈云。投子古佛如大富長者。踞庫藏中。信手拈來。無非明珠大貝。惜乎撞著這僧。寧免暗投。今日或有人問。如何是一大事。因緣。只向他道。老僧四十年前。曾到此間來。當晚小參。昔年曾到危樓傑閣。縱然今日重來。啼鳥野花。猶識山中故人。知我至爭來問訊。今何似。獨有隰州老人。蹙頰而言曰。法道下衰。無甚今日。佛佛要機。無人探著。祖祖機要。誰解論量。所謂水清徹底魚行遲遲。空闊莫涯。鳥飛杳杳。底消息。蔑聞也。既荷遠

來。毋忘悲願。重新拈撥。啓迪後來。此外無禱。因謂之曰。茲承告誡。敢不遵從。第新來乍到。未知廚竈。廚竈尙未知。況廚竈外事。雖然這裏。莫有佛佛要機。祖祖機要。盡情颺下。渾不探著。底麼。却許他是箇衲僧。出來掀倒禪床。呵叱古佛。未爲分外。其或未然。休將傳說爲傳說。莫把曾參作魯參。復舉寶公令人傳語。思大何不下山教化衆生。一向目視雲霄。作麼思大云。三世諸佛。被我一口吞盡。何處更有衆生可度。師拈云。鍾山南嶽。以手指口。云。總被這箇癡一人開了。合不得一人吞了。吐不得。直至如今。奈何不得。天童還柰何。得麼。良久云。早知今日事。悔不愼當初。留兩序併謝諸山上堂。舊時日月。舊日山川。東西不易。南北不遷。水雲雜沓。龍象駢闐。古佛家風。尙儼然。如何見得。良久云。雨過千林開翠幄。月臨双沼浸銀蟾。無準和尙忌日。拈香。舉香云。咄。這老漢。不堪共語。寬而不廓。纖粟詎能容質。而不文。麤拳爲正句。我昔錯擔脚踏門。至今有恨無雪處。有雪處。麤若一杯臭煙。

一炷

結制上堂拈拄杖召大眾云。法性土中幸自太平無事二千年。前剛被黃面老漢。忘記兵端。直至如今。年團結防拓未已。天童雖則老。不以筋力爲能。未免拈起無柄鐵荅。掃蕩煙塵。俾復見劫初無事之日。卓丈一下云。且喜太平。

訪諸山歸上堂。召大眾云。走盡四天下。只在一塵中。不離一塵中。周遍四天下。不是神通。亦非力假。有人知得著落。許你入妙喜世界。是不動。如來其或未然。一任鑽龜打瓦。

上堂召大眾云。休去歇去。玲瓏巖上落花雨。消焉息焉。路入清關。別有天。塵不到。暑不到。行亦禪。坐亦禪。高蹈威音未朕前。正恁麼時。如何契。粥契飯過聽風聽雨眠。

上堂諸莊荒旱。吾總不憂。只憂兄弟不會。狗子無佛性。話東山演祖。恁麼道。若以事上看。老婆心切。卽不無。若以理上看。屈抑諸人也不少。何故。舜何人也。予何人也。有爲者亦若是。

回祿後上堂。鼓報四更地。搖六震火。焰爲三世諸佛說法。三世諸佛立地聽。聽則不無。且道說箇什麼。虛空有盡。大道無窮。窮則變。變則通。卓丈一下云。信手拈將。莖草插瓊樓。玉殿凌蒼穹。

元宵上堂。兼謝新都寺召大眾云。排難解紛。還他敏手。回生起死。須是其人。既得其人。可以定禍亂。可以致太平。復三代禮樂於今朝。開萬解金蓮於此日。元宵共慶。良夜同歡。雖然。猶是尋常遊戲邊事。極則一句。又作麼生。疾風和勁草。版蕩識誠臣。

上堂召大眾云。仲春漸暖。是處花開。天桃烘日。暈生臉紅。杏吟風笑。滿腮是今。彌勒是古。如來是一。分身不用猜。有人一見便見。取保老兄。未徹何故。卽色卽聲。求不可離。聲離色覓。猶乖。

蘇湖行化。歸上堂。去時元只空。及手歸日依前。及手空。底事兩肩擔不起。打開畚塞滿玲瓏。且道是箇什麼。良久云。姑蘇明月。蒼雪清風。

上堂召大眾云。泯志灰心。參禪學道。無煩惱中。自討煩惱。何不向老胡未來已前。試著眼看自己。分上有。

何欠少。天童恁麼道。不入深村入荒草。畢竟何如。不許夜行投明須到。

佛涅槃上堂。謂吾滅度。未免落斷見。謂吾不滅度。未免落常見。二見俱遣。除十方佛皆現。且道釋迦老子。是滅度耶。不滅度耶。莫有辨明得底麼。良久云。桃花著雨洗紅粧。楊柳舞風拖綠線。

前瑞巖希叟和尚至上堂。斗粟可春。尺布可縫。情深義重。山包海容。載笑載言。喜而欲舞。何故。豈無他人。不如我同父。

上堂。菩提離言說。從來無得人。所以世尊道我於燃燈佛所。若有一法可得。則燃燈佛不與我授記。既是無一法可得。用授記作什麼。若不授記。爭知無一法可得。恁麼看來。以言說求菩提。固不可。離言說求菩提。亦不可。畢竟如何。渡河須用筏。到岸不須船。復云。夏令更新。春歸奏勳。秧田鋪翠。麥隴翻雲。日猶舒暖。風已來熏。目擊道存。如不委更。饒一喝。主賓分。乃喝。一喝云。且道是主是賓。

謝化士歸上堂。召大眾云。見可而進。知難而退。未出

常流戰無不勝。攻無不取。方爲好手。烟塵眯目。白刃滿前。赤手空拳。奮身不顧。所過者化。所存者神。所嬰者摧。所敵者破。休征罷戰。奏凱獻俘。一句作麼生道。壓殺兩肩擔不起。滿船和月載將歸。

上堂。秋風清秋月。白秋水共長天一色。不是心外境。亦非目前法。可中一見。便知歸平步。廣寒攀桂枝。

上堂。海山雨歇。水國雲藏。薰風南來。殿閣生涼。佛出身處。昭然孔彰。堪笑當年奚老子。無端好肉上剜瘡。宏智祖師。忌拈香。偏中正。正中偏。正偏不及處。別是一壺天水澄澄。風細細。雲澹澹。月娟娟。金針兮。纖纖玉線兮。綿綿。以此續洞脉於旣微。以此大丹霞之正傳。作與太白。特遊戲之餘焉。今不在後。昔不在前。光明藏中。初無間然。一盃麤茗。一爐煙。

天寧覺庵和尚至上堂。拈拄杖。召大眾云。故人義重。訪我巖扉。鳥啼花笑。雲淡風微。莫恠坐來卓主。丈三下。頻勸酒。自從別後。見君稀。

上堂。十五日已前。棒如雨點。十五日已後。喝似雷奔。正當十五日。棒也不拈。喝也不架。閣諸人向甚處見天。

童歷歷分相珠在盤。剔起眉毛還蹉過。

一切希叟和尚兩訃音至。上堂召大眾云。去秋双義。摧今夏芝嚴。墜松江松慘然。花嶼花流涕。惟有長空。孤月圓。東西分照。兩無偏。

元宵上堂。召大眾云。天童今日著堅固。鎧奮不顧身。卓丈云。將德山棒。掃除四境。魔軍貴圖安靖。以臨濟喝。叱退三邊強寇。過至清平。然後打禾山鼓。奏凱回戈。歸馬於華山之陽。放牛於桃林之野。作金牛舞。唱太平歌。風以時雨。以時五穀。熟民人育。且道是神通妙用。法爾如然。良久云。我見燈明佛。本光瑞如此。淨慈東叟和尚遺書至上堂。拈辭世頌。南山末後句。未舉先分付。生也何曾生。死也何曾死。生本不有。死亦無。空湖光。晴漱澗山色。雨濛瀧。

中秋上堂。并謝離相西堂。一月在天影。含衆水。且道有相可離。無相可離。若道有相可離。月以何爲。相若道無相可離。爭奈一月在天影。含衆水。諸人還知麼。萬古碧潭空界。月再三撈。擬始應知。

環溪和尚語錄卷上

環溪和尚語錄卷下

小參

九旬禁足。截鶴續鳬。三月安居。穿牛絡馬。二千年前。黃面瞿曇。於一針鋒上。分疆立界。俾一切人。依如是住。從古暨今。未嘗有踰越者。東山自小入衆。不曾受人抑勒。而今四十八歲。匡徒領衆。只據見定。三春持鉢。九夏出鄉。朝往羅浮。暮歸檀特。鬧市紅塵。拋沙撒土。深山窮谷。嘯月眠雲。樓閣重新。彈指間。風光占斷。無邊際。然雖如是。還有佛法道理也無咄。清平世界。切忌訛言。

結制口吸西江。不與萬法爲侶。且居門外耳聞。一喝直得三日。聾未許參堂。寶峰不是鑿空架。虛深溝高壘。蓋緣這裏無你棲泊處。無你摸索處。一潭湛如海。龍不許蟠重。關險似天鳥。飛不度。須是具威音王已前眼目。達磨未來時。機用方許陞寶峯堂。入寶峯室。見寶峯主。其或未。然九十日中。一任東卜西卜。結制。衝開碧落松千尺。仰彌高。鑽彌堅。截斷紅塵水。

一溪澄不清。攬不濁。這裏挨得入。進得步。便可達顯源。源截顯源。流竭顯源。水大顯源。派覺長河。爲酥酪。變大地。作黃金。撥亂乾坤。掀翻海嶽。有何制。可結有何生。可護出。則無無不是。入則个个歸源。靜作不痕。卷舒絕朕。然雖如是。更須知有松溪向上一路。始得。且道路頭。在什麼處。良久云。苦生也。

除夜臘月盡。是歲除夜。明朝又是正月。一年去年來。無盡期。拈拄杖云。拄杖依前爲律。律拄杖子。我且問你。老僧與你相見。看看六十有餘年。今年也只怎麼。爲律。律地。明年也只怎麼。爲律。律地。殊無長進。何耶。因甚得名爲拄杖。耶。卓一下云。我自墜劫以來。身如枯柴。不與時遷。不與歲改。惟守寂默。不妄開言。今夜旣蒙發問。不敢不告。卓一下云。我姓拄名杖子。天地以我爲主。無我則不能覆載。日月以我爲主。無我則不能運行。四時以我爲主。無我則不能代謝。萬物以我爲主。無我則不能生成。貴爲天子。以我爲主。無我則不能掌握乾坤。賤爲庶人。以我爲主。無我則不能成家立業。三世諸佛。六代祖師。天下老和尚。諸方善

知識。以我爲主。無我則不能說法度人。五湖四海。禪和子。見前大眾。以我爲主。無我則不能尋師訪道。以至三千大千世界。百億四天下。若草若木。若飛若走。羽毛鱗甲。含蠢蠕動。以我爲主。無我則不能得活。若有一物。不以我爲主。而得活者。無有是處。以是得名爲拄杖子。拄杖子。我看你身量。不過七尺。大不盈一握。許多神通妙用。從甚處得來。卓一下云。我此神通妙用。不從人得。當體具足。用之則有。不用還無。若信得及。便見我分上有許多神通妙用。若信不及。未免只道我終身爲律。律地。殊無長進。既然如是。我此寺門。種種缺乏。百無一有。今夜除夕。無可分歲。何不爲我一衆。略施設耶。卓一下云。太無厭生。

歲夜世尊有密語。嶺上梅花漏泄多。時迦葉不覆藏。庭前爆竹燃。然而說。怎麼會得是法住。法位世間相。常住歲輪迭。更而不易。璇璣妙轉。而不移。雲峯峯頂。南山雲起。北山雲雪。谷中岩上。雪飛。岩下雪。於其中間。覓一毫新舊。去來之相。了不可得。新舊去來之相。既不可得。叔季精神。元似舊。慧慈面目。只如新。來

結夏橫行海上。呼喚不回頭。方堪禁足坐。碧油幢殺。

如是日中一食。如是夜後一寢。如是畚田。如是種粟。

透於一切處無有不如是底時節便是無足可禁無

粟畚田還司遊戲雖然猶是諸方普請邊事雪峯叩

之帝舜禹雖多日可夢三矣中帝有夏年通也古云

者。不。二。粒。才。美。身。乃。曰。曰。果。源。越。山。樞。回。露。出。乃。乃。

插此花。酌此泉。管顧我見前一衆去也。諸人因甚渾

除夜當頭坐。斷不求諸聖。不重己靈線。路放開同手。

新年胡步三黑李四把手司權王大姐鄭道婆擊家

新年胡張三黑李四把手同權王大姐鄭道婆挈家

山。如。往。來。絡。繹。處。處。綠。楊。堪。繫。馬。家。家。門。底。挂。燈。毬。

不離塵中獨超象外然雖如是猶是尋常行履處斬

解夏心司靈空界示等靈空去還有吉祥也無登尋

三番入。二更三鼓。夏行三鼓。人又三鼓。宿三鼓。堂

空。虛。空。又。這。裏。辨。得。出。許。你。證。得。虛。空。便。解。向。

作佛事。金龜潭底推開紅日象。骨峯頂漲起滄溟。繫

可得非法不可得。虛空亦不可得。不可得亦不可得。

證得虛空始得其或未然豁達空發因果莽莽蕩蕩

○

天聖地熱。諸人初寒。煮所轉老。僧轉寒。煮於日前。盛

夏中洒雪飛霜窮冬裡轟雷掣電火官遽嘆水侵骨
青女俄驚暖似春歲之餘閨不較後先月之大小那
知晦朔臨機裁剪信意安排金剛圈栗棘蓬時時供
養諸人鄭州梨青州棗不能特地施設吞得下吐得
出底夜夜上元朝朝冬至慶無不宜吉無不利其或
未然莫辭今夜醉動是隔年期

除夜今歲今宵盡日日從東畔出明年明日來朝
朝難向五更歸恁麼見得威音已前亦如是彌勒已
後亦如是咸淳五年咸淳六年亦如是以至十年百
年千年萬年萬萬年亦如是舊歲去未嘗去新歲來
未嘗來梅開嶺上似昔馨香柳舞隄邊如常顏色堪
笑北禪老把不定剛道年窮歲盡無可與諸人分歲
且烹露地白牛炊黍米飯向楮拙火唱村田樂何也
免致倚他門戶傍他牆却被時人喚作郎這老漢雖
則游刃肯綮風馳電激薄批細切膾炙人口爭奈筋
骨滿地狼藉直至而今收拾不上雪峰今夜不免爲
他收拾去也拈拄杖卓一下云狼藉愈甚
結夏以大圓覺爲我伽藍蝦跳不出翻身心安居平

等性智鈍鳥泊籬頭若是俊快底羅籠不住呼喚不
回如倚天長劍凜凜霜寒如擘海金翅胡往不利縱
橫自在舒卷無拘月沉水沉月無可寫之蹤珠走
盤盤走珠無可留之影呵叱留香尊者謾自點胸點
肋竊笑斫牌玄沙未知嶺外風光一拳拳倒黃鶴樓
一踢踢翻四大海雖然且道我此一衆還有個樣稱
僧麼良久云喚來與老僧洗脚

冬至六花峯頂光搖銀海眩生花三山中凍合玉
樓寒起粟惟有寒泉皎潔古澗冷然澄不清攪不濁
取無禁用無竭夏熱也恁麼冬寒也恁麼陰極也恁
麼陽生也恁麼逗到臘月三十日明年更明年以至
百千萬億年也只恁麼雖然只如祖師道證目不見
底趙州道苦二員古佛還有優劣也無良久云夏之
日冬之夜

除夜臘月二十八九家家戶戶盡有不是北禪露地
牛便是清源白家酒羅列杯盤同懽共笑惟有雪峰
清寥寥自滴滴死火寒灰大家□□雖然今夜豈可
空過拈拄杖云未免倩拄杖子作化菩薩前往兜率

內院天廚裡許。借取醍醐上味。瓊漿玉液。管顧我見前一衆。拄杖子。於是奉命而行。到慈氏菩薩所。頭面禮足。具陳上事。以七寶鉢盛滿上味。而回。豎起杖云。見麼。擲下云。即今拋向諸人面前。一任饜飽。取足無令後悔。是則是。須是舌頭具眼者。方可取食。其或未然。醍醐上味。爲世所珍。遇斯等人。翻成毒藥。

結夏一厨便了。狼藉不堪。眨上眉毛。早已蹉過。擊石火閃。電光構得。構不得。未免喪身失命。除非知有莫能知之。雖然。官不容針。私通車馬。所以道。言語動用。沒交涉。非言語動用。亦沒交涉。若向言語動用中。構得是第三句。非言語動用中。構得是第二句。且道如何。是第一句。諸人若也知得。當甚破草鞋。其或未然。百二十日。長期快著。脚手。晝裡夜裡。茶裡飯裡。動裡靜裡。東卜西卜。看忽。然卜著。也不定。

解夏一物不爲。切忌坐在這裡。重關既透。更須轉過那邊。所以道。寸絲不挂。赤肉猶存。萬里無雲。青天尙在一毫頭。聖凡情念。未盡。未免入驢胎馬腹裡。去一毫頭。聖凡情念。淨盡。亦未免入驢胎馬腹裡。去恁麼。

見得剋期。取證。掘地覓天。驗定。蠟人開眼。作夢。天童這裡。萬年一念。一念萬年。眼挂枯松。苔封古路。百二十日前也。恁麼。百二十日後也。恁麼。百二十日裏也。恁麼。二時清水。白米。外斷不敢加一毫。外料。麝象諸人。幸而諸人。水乳和同。善自保愛。如崑山玉。似麗水金。纖瑕微翳了。不可得。眞實貴重。無可議者。雖然。一夏空過。耶不空過。耶良久云。幻人相逢。撫掌呵呵。

冬節地凍。天寒。双沼澄澄。浸月陰。剝陽復。萬松鬱鬱。吟風。君子道長。寒谷生春。小人道消。冰河起焰。衲僧門下。長也不可得。消也不可得。剝也不可得。復也不可得。獨超象外。不墮塵中。晝明夜暗。此則晝夜一如。春妍秋靖。此則春秋不涉。不是無寒暑處。亦非超究竟天。或謂空劫前。或曰然。燈後。包萬有而無迹。含六塵而不痕。活鱗鱗。絕羅籠。赤洒洒。脫窠臼。諸人十二時中。全體在裏。許受用。莫有知得底麼。若也知得。鄭州梨。青州棗。信手拈來。東咬西咬。其或未然。遂高聲云。侍者。撥退菓卓。

結夏。踞菩薩乘。蹲身荒草。修寂滅行。刺腦膠盆。所以

雲門道我事不獲已向你諸人道直下無事早是相埋沒了也何況開粥過夏商量兩錯寧免辜負自己屈物平人天童這裏只據見定玲瓏岩上石大底大小底小雨洗光生潘家園裡竹短底短長底長風來翠舞無勞揀擇不涉安排諸人一見便見九十日內飢食渴飲倒臥橫眠有什麼過其或未然夏月多蟻蠟慈悲觀地行

解夏三月安居白刃滿前常坦坦九旬禁足胡塵眯目只如如如無似有降伏鏡裏魔軍將有作無成就夢中佛事枯牛管甘水草蠟人幸得完全且無一事到心頭但見萬松桂眼底池內游魚三个五个林間幽鳥一聲兩聲夕陽樵唱嶺頭雲靜夜漁歌江上月向上向下未曾將口輕輕道著全提半提盡教諸方浩浩商量雖然好一釜羹切忌鼠羹碗却以拂子擊禪床云今夜無端打落兩顆
冬夜三玄宗要瓦礫場中不輟舉揚五位君臣斤斧聲中慣骨拈撥玉線金針當陽顯赫電光石火觸目輝騰正偏回互繩墨下轉見乖張棒喝交馳普請處

非常狼藉是處是慈氏無門無善財妙高臺塞破十虛光明藏融通三際有甚陰剝陽復暑往寒來清關別是一壺天抹過威音空劫外恁麼會得已非俊流更待小參重新告報堪作什麼雖然莫恠山翁無伎倆祇將官路當人情

結制十五日已前欲證圓覺未極圓覺十五日已後終日圓覺未嘗圓覺正當十五日具足圓覺住持圓覺諸人若向這裏會得一夏九日日日無虛弃工夫一日十二時時時有斬新活計舉足下足覺無不圓這邊那邊圓無不覺只如圓是菜園覺是牛角又作麼生良久云三十三天踢氣毬

解制上無攀仰下絕已躬坐斷千差壁立萬仞激之不濁揚之不清攪之不動撥之不轉九旬禁足朝游東土暮往西天三月護生逢佛殺佛逢祖殺祖天魔落膽外道摧心凜凜神威阿誰敢擬住則便住千年推不去去則便去萬牛挽不回融大千沙界於一塵會十世古今於當念橫該豎抹七穴八穿正恁麼時如何如王寶劍隨王意揮斥縱橫得自由

拈古

僧問興化。四方人面來時如何。化云。打中間底。僧禮拜。化云。昨日赴村齋。中路遇暴風。卒雨却向古廟裡。彈得過。

師云。善竊者鬼神不知。興化向古廟裡。彈得過。擬圖謾得這僧。殊不知却被鬼神觀破。要做臨論白拈種草。且緩緩。

洞山示衆云。秋初夏末。兄弟東去西去。公案。

師云。洞山恁麼道。全身已墮草窠裡了也。石霜雖然盡力相扶。畢竟也扶不起。東山卽不然。秋初夏末。兄弟東去西去。切忌向萬里無寸草處去。何故。臥龍長怖碧潭清。

陳操尙書一日訪資福。福見來。便畫一圓相。尙書云。弟子恁麼來。早是不著。便那堪更畫圓相。福於中著一點。尙書云。將謂是南蕃船主。資福便歸方丈。閉却門。

師云。大開東閣。延接高賓。資福手頭不吝進之以禮。退之以義。尙書逸格作家。只如末後尙書道。將謂是。

南蕃舶主。資福便歸方丈。閉却門。意恁麼生。良久云。伯牙與子期。不是閑相識。

昔有一秀才。問趙州。佛不違一切衆生之願。是否。州云。是才云。乞和尚手中杖子。得麼。州云。君子不奪人所好。才云。我非君子。州云。我亦非佛。

師云。嘗聞古者道。可以取。可以無。取。取傷廉。可以與。可以無。與。與傷惠。未以爲然。今觀二人。一卷一舒。一放一收。前言信之矣。

昔有一秀才。問長沙。岑和尚。百千諸佛。但聞其名。未審居何國土。沙云。黃鶴樓。崔浩題後。秀才曾題否。才云。不曾。沙云。無事。題取一篇好。

師云。秀才向舌頭上。放出百千諸佛。光明因甚。不知所居國土。且道。長沙還知麼。若道知。必不恁麼答。若道不知。必不恁麼答。惠力分明。爲諸人道破。良久云。會麼。黃鶴樓前。無限意。得閑題取一篇詩。

同安問僧。甚處來。視其所以。僧云。五臺。詣實供通。同安云。還見文殊麼。觀其所由。僧展兩手。文殊文殊。同安云。展手頗多。文殊誰觀察其所安。僧云。氣。

急殺人不可更有二文殊。同安云：不觀雲中鴈焉知沙塞寒。人焉度哉。人焉度哉。僧云：遠趨丈室乞師一言不可放過。同安云：孫臏門下徒話鑽龜形。於未兆見於未然。很藉不少。僧云：名不浪施。克由匠斷。同安云：喫茶去。前居後恭。是何心行。僧珍重便出。作家作家。同安云：雖得一場榮。則却一雙足放過不可。

師云：視其所以。觀其所由。察其所安。同安以之造次。必於是。顛沛必於是。是這僧以之。雖然。同安末後道。雖得一場榮。則却一雙足。是肯這僧不肯這僧。

永嘉大師見曹溪一宿公案

師云：李白不攀丹桂。直入翰林。永嘉一宿曹溪。橫行祖域。雖然如是平地喫交。

德山示衆云：問著卽錯。不問猶乖。時有僧出禮拜。山便打僧云：某甲話也未問。何得打某甲。山云：待你開口。堪作什麼。

師云：德山令下雷。破山風振海。有所不知。這僧勇爲赴湯蹈火。蹈白刃。有所不顧。惜乎只是有眼無耳。呆底。

漢使其當時聞得待你開口堪作什麼。便與掀倒禪床。直饒德山棒如雨點。也只得束之高閣。古德道人。息不居陰界。出息不涉萬緣。常轉如是經百千萬億卷。

師云：古人恁麼可煞奇特。點檢將來未免覺礙爲礙。而不自在。松溪息黥補劓。有個道處。入息居陰界。出息涉萬緣。常轉如是經不動著一字。

趙州一日向雪中倒。叫云：相救相救。時有僧便去。身邊臥趙州便起去。

師云：放憨賣箇趙州。慣得其便。所幸撞著這僧。若是今時。師僧冷眼相看。殊不採著。趙州要起去。且緩緩。僧問趙州。學人乍入叢林。乞師指示。州云：喫粥了也未。僧云：喫粥了。州云：洗鉢盂去。其僧有省。

師云：將常住物。當人情。趙州惠而不費。平地等閑歸闍苑。這僧事出偶然。雖然如是。二俱鈍置。

東寺問仰山。甚處人。相見之初。不容不問。仰云：廣南人。著實祇對寺云：聞說廣南有鎮海明珠。是否。就身打劫。仰云：是。我輩承當寺云：此珠作何形狀。

恐未真實。難爲模。選仰云。白月即現。黑月即隱。道地所產。宛爾不同。果然。寺云。將得來麼。隨身受用。仰云。將得來。已領出了也。寺云。何不呈似老僧。猶嫌少在。仰云。昨到瀉山。蒙索此珠。直得無言可對。無理可伸。滿地狼藉。好與二十棒。寺云。眞師子兒。善能哮吼。如蠅。與虫。向蚊子眼睫上作窠。於十字街頭。大尉云。土曠人稀。相逢者少。惡水。渡人。掀倒禪床。

師云。可惜二俱不了。東寺末後。若能據令而行。方見具向上爪牙。不認爲眞師子子。仰山問東寺。恁麼道。若能翻轉面皮。亦免得鎮海明珠。只作豌豆羅却。歸宗南泉。麻谷禮觀。國師於路上。盡圓相公案。師云。三人行。必有我師。焉擇其善者而從之。今觀南泉。歸宗。麻谷。如是斯言。不誣矣。

圓悟陞堂。舉僧問雲門。如何是諸佛出身處。門云。東山水上行。今日忽有人問天寧。如何是諸佛出身處。薰風自南來。殿閣生微涼。大慧在座下聞之。豁然大悟。

師云。這僧問處。口過威音。已前雲門答處。相去彌勒不遠。後來圓悟。恁麼道。可謂通其變。使民不盡。只如大慧。悟去時。如何入地獄。如箭射。

清平問翠微。如何是佛法的大意。微下禪床。引清平入竹園。指云。這一竿得恁麼長。那一竿得恁麼短。清平於是。是有省。

師云。翠微引清平入竹園。未免善因而招惡果。

臨濟示衆云。有一人常在途中。不離家舍。一人常在家舍。不離途中。

師云。臨濟恁麼道。果然只具一隻眼。盡大地撮來。如粟米。大甚處得途中家舍。

松源示衆云。有時堆堆坐禪。有時一向打闕。年來行脚衲僧。都是這般病痛。報君知。休打闕入門。擠却箇渾身頭頭。自有生蛇弄。

師云。松源恁麼道。雖則切中。今時衲子。膏肓未免執之失度。龍峯即不然。打闕坐禪。坐禪打闕。病痛一般。一般病痛。不坐禪不打闕。如箭射地。發無不中。雲門大師道。釋迦老子與天帝釋。在中庭相爭。佛。

法正問

師云。雲門大似青天白日。眼見鬼好。與三十棒。然。雖如是。真實不虛。

洞山示衆云。須知有佛。向上事時。有僧問。如何是佛。向上事。山云。非。佛。雲門云。名不得。狀不得。所以言非。

師云。洞山初解題目。雲門後釋本文。若是正經一點。不曾動著。或有人問。龍峯如何是佛。向上事。只向他道。佛也不知。

梁山示衆云。南來者。與三十棒。北來者。與三十棒。雖然如是。不當宗乘。後來瑯琊道可。惜梁山一片真金。作頑鉄賣。却瑯琊即不然。南來者。三十棒。北來者。三十棒。一任天下。衲僧。貶剝。

師云。瑯琊只知梁山。將真金作頑鉄賣。殊不知自己。把真珠作豌豆。羅龍峯即不然。南來者。一任。南來。北來者。一任。北來。三十棒。未到你在。

夾山定山同行論生死中有佛無佛公案

師云。生死中有佛。平地起堆高。突兀生死中。無佛大。

海無風波。浪作親者。不問問者。不親。大梅分曉。成瀝。滔不迷生死。無生死。定山夾山。何太錯錯。錯。瘥病。不假驢。驢。藥。

文殊三處度夏。迦葉白。毘。擯。出。乃見百千文殊。迦葉用盡神。通。隨不能舉。世尊云。你。擬。擯。出。那個文殊。迦葉無對。

師云。七佛祖師。敗缺處。被金色頭陀。點檢。金色頭陀。敗缺處。被黃面瞿曇。點檢。黃面瞿曇。敗缺處。今日。被集雲。點檢。且道。集雲。敗缺處。還有人。點檢得麼。良久。云。衆。眼。難。瞞。

僧坦然問安國師。如何是祖師。西來意。國師云。何不問取自己。意。然云。如何是自己。意。國師云。當觀密作用。然云。如何是密作用。國師以目開合示之。然於言下。知歸。

師云。譬如琴瑟笙篴。須有妙音。若無妙指。終不能發。今觀國師之於坦然。不其然乎。

雪峯夏滿於僧堂。前坐衆。纔集。峯拈起拄杖云。我這個。爲中下根人。有僧問。或遇上上根人來時。又。

作麼生雪峯便打

師云。象骨老人。竊得周金剛一條白棒。收來放去。足有可觀。惜乎不曾打著。上上根人。總似這般。師僧打得千萬个。有什麼益。集雲這裏。莫有上上根器底麼。卓拄杖一下云。比擬張麟兎。亦不遇。

雪峯一日問安國。翰云。盡乾坤是個解脫門。把手教伊入。不肯入。翰云。和尚恠某甲不得。峯云。爭奈背後許多師僧。何。

師云。千五百人善知識。眼通三世氣。字如王。凡出一言。施一令。不問有情無情。若草若木。惟恐奉承之。不暇。因甚被安國道个恠某甲不得。直得顧左右以言他。何也。龍蛇易辨。納子難瞞。

黃蘗開田次。百丈問云。運闍黎。請田不易公案。

師云。和之煦之。霜之雪之。雄峯父道。不爲不明。善繼其志。善述其事。黃蘗子職。不敢不勉。雖然。父子酬唱。足有可觀。謂得大機之用。三生六十劫。

僧問報慈。承古有言。情生智隔。想變體殊。只如情未生時。如何。慈云。隔。僧云。情既未生。隔个什麼。慈

行誦出

云。這梢子未遇人在。

師召大衆云。獅子咬人。韓獪逐塊。

丹霞參南陽忠國師。万展坐具。國師云。不用不用。寶主。雖然。丹霞退身。三步。國師云。如是如是。寶主。始終寶主。則始終主。丹霞進前。三步。國師云。不是。寶主。中有主。主中有寶。丹霞遶禪床一匝而出。國師云。去聖時遙。人多懈怠。三十年後。討這個師僧也難得。全寶。全主。全主。全寶。

師復召大衆云。要見二大老麼。甚逢敵手。難藏行詩。到重吟。始見工。

金峯示衆云。事存函盖。合理應。箭鋒柱。還有人道得麼。若有人道得。老僧分半院與他住。易開終始。口難保。藏寒心。時有僧出禮拜。峯云。相見易得好。共住難爲人。便歸方丈。果然。

師云。諸人要識金峯麼。雖有周公之才之美。使驕且吝。其餘不足觀也矣。

臨濟中夏上黃蘗。問訊舊病再發。見黃蘗看經次。乃云。將謂是箇人。元來淹黑豆底老和尚。只好棒。

打趁出住數日乃辭去。人多詐藥云汝破夏來何不終夏了去。醒醒毒藥濟云暫來禮拜和尚。精木裏瞋眼藥便打趁令去。惜乎太過。臨濟行數里疑此事却回終夏敗也敗也。

師復云黃蘗當時若能一向牙關咬定教這風顛漢子更疑三十年。

福州烏石靈觀禪師因新到來參偶引麪示之美食不中飽人喫其僧便出果然觀晚間問首座新到在什麼處不可放過座云當時便去從來疑着這漢觀云是即是只得一槩放過不可。

師復云老雀爪下分餐不道不是俊鷹快鷄爭免末後被他一啗直至而今動不得。

雪峯示衆云看看東邊底看看西邊底汝若要會拋下拄杖云向這裏會取。

師呵呵大笑云真覺祖師苦苦抑逼人作什麼山僧卽不然日中有飯教你喫夜後有床教你眠但管自倒自起休看東邊西邊會與不會拈放一邊何故鵠不待粉而後白鳥不假墨而後玄。

長沙一日遊山回首座問云和尚甚處去來沙云始隨芳草去又逐落花回首座云大似春蔥沙云也勝秋露滴芙蓉。

師云大小岑大虫却向平田淺草裏覓當初待他問和尚向甚處去來便與劈臂一踏不惟截斷許多葛藤亦免後人向去來來處卜度。

雪峯普請破柴次燒一堆火云大眾進前向火時長慶拋一槩柴向火中云與和尚結緣。

師云破柴燒火雪峯忒煞傷慈拋柴結緣長慶無禮太甚當時忽被雪峯道別處容你不得又作麼生。

雪峯一日召玄沙云備頭陀何不遍參去沙云達磨不來東土二祖不往西天雪峯然之。

師云大小雪峰龍頭蛇尾當時見他怎麼道好與三十棒何故誣人之罪以罪加之。

玄沙一日見三人新到自去打普請鼓三下却歸方丈云新到被我勘破了也。

師云黨理不黨情黨義不黨勢龍峯敢道玄沙怎麼勘破新到失却一隻眼。

瀉山問仰山子一夏不見上來公案

師云君臣父子之間天下真情所在。瀉仰怎麼互相徵詰。是真情耶。非真情耶。有人知得。二大老落著許你具擇法眼。其或未然。且聽諸方斷看。

北禪分歲烹露地白牛公案

師云羹藜含糗者。不足與論太牢之滋味。當時不得遇上座北禪烹个露地白牛。幾成虛設。具眼者辨取。

僧問智門蓮華未出水公案并舉雪竇頌

師云和氏場中美玉價重連城。及乎雕琢將來。分文不直。或有人問蓮花未出水時。如何一花一葉出水後。如何一葉一華。且道與古人是同是別。

僧問乾峯十方薄伽梵一路涅槃門未審路頭在

什麼處峯以拄杖劃一劃云在這裏其僧將此語

請益雲門門云扇千蹄跳上三十三天築著帝釋

鼻孔東海鯉魚打一棒雨似盆傾

師云伏羲畫卦文王重爻一人發端於其前一人成終於其後易道之妙方始著見今觀二大老怎麼指示不亦宜乎

三聖問雪峯透網金鱗以何為食公案

師云有大鵬垂雲之翼始可以搏九萬里扶搖。非九萬里扶搖不足以展大鵬垂雲之翼。舍二大老其將誰歸。雖然未知有向上一著在。

頌古

教中道大通智勝佛十劫坐道場佛法不現前不得成佛道

劫初鑄就毗盧印古篆雕虫尙宛然堪笑慈悲人不敢却嫌字畫不完全

楞嚴經云見見之時見非是見見猶離見見不能及

荷盡已無擎雨蓋菊殘猶有傲霜枝一年好景君須記正是橙黃橘綠時

文殊是七佛之師因甚出女子定不得

絕毫絕釐日面月面號令四馳凡行草偃拔山超海杳無蹤風從龍兮雲從龍

僧問洞山寒暑到來如何回避山云何不向無寒暑處去僧云如何是無寒暑處山云寒時寒殺闍

黎熱時熱殺闍黎

無寒暑處。報君知。不離寒時。與熱時。熱則乘涼。寒向火。不須回避。不須疑。

僧問風穴和尚。語點涉。離微如何。通不犯風穴云。常憶江南三月裏。鷓鴣啼處。百花香。

鷓鴣啼處。百花香。劫外風光。不覆藏。往往遊人多蹉過。却從上苑探羣芳。

僧問曹山世間什麼物。最貴曹山云。死貓頭。僧云。

爲什麼死貓頭。却貴山云。無人酬價。

不堪提掇。死貓頭。日炙風吹。臭未休。底事罕逢人。著價只緣貴。重世無儔。

雪竇和尚在南岳福嚴爲藏主。李殿院同雅長老。

入藏院師。出接時有道士秀才到殿院。遂問云。三

教中那教最尊。雪竇側身而立。殿院云。有口何不

道。雪竇云。對夫子難言。

不落宮商太古音。無勞絃上發清聲。高山流水有餘

意。除却子期誰解聽。

朱行軍到南際寺齋僧行香次。乃云。直下是直下。

是時有濟上座云。直下是個什麼。行軍便喝。濟云。

行軍幸是佛法中人。惡發作什麼。行軍云。你作惡發會。那濟便喝。行軍亦喝。濟云。鉤在不疑之地。

直下是直下。是上是天下。是地日暖風和。花酣柳醉。玉笛纔轟。朱絃奏起。音響和同一會家相逢。彼此各天涯。

藥山一日坐次石頭問云。汝在這裏作什麼。山云。

一物不爲公案。

一物不爲千聖不識。靜夜霜鐘。澄潭秋月。清音絕聽。清影難窺。藥嶠石頭曾未知。

臨濟栽松黃蘗問云。深山裏栽許多樹。作麼濟云。

一與山門作境。致二與後人作標榜。公案。

臨濟栽松一椎兩當。山門境致。後人標榜。鋤頭打地。

滅却吾宗。陰涼大樹起清風。

僧問馬大師如何是佛。大師云。卽心是佛。

卽心是佛。毗霜狼毒起死回生。不消一服。

院主問馬大師尊位如何。師云。日面佛。月面佛。

和尚尊位如何。突出日面月面。光艷燦破乾坤五眼。

觀之不見觀得見何似尋常臘月扇

僧問九峯虔和尚如何是學人自己峯云更問阿誰僧云便恁麼承當去時如何峯云須彌還更戴須彌麼

自己將來更問誰須彌還更戴須彌九峯末上能行令免得重重涉水泥

僧問疎山如何是冬來意山云京師出大黃

白雲鼓起沒絃琴一曲冬來意甚深清韻至今猶未泯江南江北少知音

文殊三處度夏迦葉白毬搥之毬不能舉

金毛獅子奮全威百億毛頭獅子兒不是飲光毬不舉惜伊無地可埋屍

龐居士辭藥山山命十人禪客相送至門首士指

空中雪云好雪片片不落別處公案

龐公幸是一家人藥嶠何須禮過勤只爲禮繁偏致亂那堪雪也落紛紛

龐居士問馬大師不與萬法爲侶者是什麼人大師云待汝一口吸盡西江水卽向汝道

萬法不爲侶一口吸盡西江水玉磬纔動金鐘應手撞三三元是九兩兩不成雙此意憑誰委令人憶老龐臨濟示衆云赤肉團上有一無位眞人公案無位眞人活鍛鍛赤肉團上爲窠窟縱橫妙用可憐生七出入沒難捉摸推不去挽不住擬議尋思無覓處無覓處在這裏遂握起拳云見麼良久云握則一拳復展開云開則五指

閻王問雪峯擬蓋一所殿去時如何峯云大王何不蓋取一所空王殿王云請師樣子雪峯展兩手雲門道一舉四十九

眞覺祖師展兩手雲門一舉四十九空王殿已峭巍巍千古萬古猶仍舊

趙州訪二菴主公案

老倒趙州無本據翻手爲雲覆手雨靚面當機不覆藏往往少人知落處知落處是甚閑家具

臨濟辭黃蘗公案

烏藤約住未爲過禪板焚來也是閑最苦河南與河北雷轟一喝誑癡頑

僧問法眼。如何是曹溪一滴水。眼云。是曹溪一滴水。其僧惘然。時韶國師在座下。聞之。有省。

武帝求僊不得。僊王喬端坐却升天。有心用處。還應錯無意。求時又宛然。

黃蘗一日。普請鋤穀。次臨濟在後行。蘗回頭見濟空手。乃問。鑊頭在甚麼處。濟云。有人將去了也。蘗去近前來。共汝商量。濟近前叉手。蘗豎起鑊頭云。只這個。天下人拈掇不起。還有人拈掇得麼。濟就手掇得。豎起云。爲什麼在。義玄手裏。蘗云。今日自有人。普請便歸院。

藥山養子。忒婆心。斫了摩訶。不憚勤。悖逆兒郎。渾不顧鑊頭。掇得氣凌雲。

雲居問雪峯。云。門下雪消也未。雪峯云。一片也無。消个什麼。雲居云。消也。

雪裡垂絲古釣臺。錦鱗拂拂上釣來。紅頭撥轉歸何處。又向蘆花深處挨。

僧問泐潭興禪師。如何是曹溪門下客。師云。南來燕僧云。學人不曾。師云。養羽候秋風。

曹溪門下南來燕。終日呢喃話祖翁。話盡離微人不會。不如養羽候秋風。

僧問古德。雪覆千山。因甚孤峯不白。古德云。須知有異中異。

雪覆千山未厭多。孤峯不白意如何。單單突出千峯外。似異還同永不麼。

趙州問二新到。上座曾到此間否。云。不曾到。趙州云。喫茶去。又問。那人曾到此間否。云。曾到。州云。喫茶去。院主問。不曾到。教伊喫茶去。則且置。爲什麼曾到。也教伊喫茶去。州召院主。院主應喏。州云。喫茶去。

來去客情千樣別。高低主禮一般施。相逢不飲空歸去。明月清風也笑伊。

僧問古德。風性常住。無處不周。意旨如何。古德遂搖扇。其僧有省。

風性無周無不周。手中扇子等閑搖。風前吹起無根樹。不作柔條作柳條。

僧問香林。如何是衲衣下事。林云。鴈月火燒山。

縱火燒山臘月時。衲衣下事爲全提。幾多機草瞻風底。燎盡眉毛總不知。

瀉山問仰山。天寒人寒。仰山云。大家在這裏。瀉山云。何不直說。仰山云。適來也不曲。

瀉嶠冬天轟霹靂。仰山夏月降嚴霜。鐵鎚兩箇都無孔。打就乾坤自斷當。

雲門垂語云。且道古佛與露柱。相交是第幾機。目代云。南山起雲。北山下雨。

發機外機。遣句中句。明眼衲僧。不知落處。知落處。南山起雲。北山下雨。

雲門垂語云。人人盡有光明。在看時不見。暗昏昏作麼生。是諸人光明。自代云。厨庫三門。又云。好事不如無。

水中鹽味。渾相似。色裏膠青不較多。暗不謂無明。不有看時。不見轉諸訛。沒諸訛。太平何必動干戈。

趙州問南泉。離四句絕百非。請和尚道。南泉下座。便歸方丈。公案。

電光石火。箭鋒機。父倒行兮子逆施。力敵勢均難辨。

別一雙無孔鐵門槌。

僧問古德。年窮歲盡時。如何。古德云。東村王老夜燒錢。

烏飛兔走。晝還夜臘。盡春回年復年。無盡無窮窮盡處。東村王老夜燒錢。

臨濟在黃蘗。栽松公案。

將鋤打地。自拋扇。怎奈黑天臭氣。何老倒蘂山。禁不得。却將伊頂再三摩。

僧問趙州。如何是和尙家風。州云。高聲問老僧耳。背僧高聲問。州云。你問我家風。我識你家風。

問我家風。識你家風。將謂耳背元來耳。響指南爲北。問西答東。阿呵呵。趙州恰恰似天童。

普說

無外一精明。六合同出自。若能知本原。佛亦不相似。諸人還知本原麼。無外一精明是也。此一精明。馬祖所謂。卽心卽佛。南泉所謂。不是心。不是佛。不是物。臨濟所謂。有一無位。真人常在。汝等面門出入是也。名雖異。體則同。說雖別。意不別也。所謂六合同出自者。

眼與色合耳與聲合鼻與香合舌與味合身與觸合意與緣合教中道元是一精明分成六和合是也若能知本原佛亦不相似殊不知了本原蘊在腎次正是大病要得快活須是忘却此知可也此六根門雖與六塵合然造道之士舍此無由而入所以靈雲遍參三十餘年一日忽見桃花便道自從一見桃花後直至如今更不疑香嚴久居南陽菴因除瓦礫擊竹作聲當下省發乃云一擊忘所知更不假修持百丈被馬祖扭鼻頭忍痛失聲因而警地看得從上佛祖以來入道蹊徑非但六根如楞嚴會上五五開土或從六根而入或從六塵而入或從六識而入及乎所證無二圓通諸人逐日坐臥經行總在裏許剗地蹉過往往握節當宵却向曲条床上老禿口頭取辦是則名爲可憐憫者雖然見聞覺知是道道雖見聞覺知若守住見聞覺知不肯放捨所謂見聞不脫如水中月不見百丈侍馬祖行次見野鴨子飛過祖云是什麼丈云野鴨子祖云什麼處去也丈云飛過去也祖遂扭百丈鼻頭丈作忍痛聲祖云何曾飛去丈

化驗地

一證必

因而有省次日祖陞堂丈出來卷席百丈貧兒乍富氣宇如王殊不知脚跟下紅線未斷在後來再參侍立丈祖以目視禪床角拂子丈云即此用離此用祖云你向後開兩片皮將何爲人文取拂子豎起祖云即此用離此用丈挂拂子於舊處祖震威一喝百丈直得三日耳聾噫百丈若無這末後一解未免一生只在聞見裏著到安有獨坐大雄峯底消息尋常室中每見兄弟來下咄下喝豎指擎拳或撫掌或點頭或提起坐具做盡伎倆老僧未免向化道不是多是不意而去噫兄弟老僧向你道是未必是向你道不是未一不是若自家手中握底果是一塊真金管人道是與不是作什麼昔有一僧到章敬遶禪床三匝振錫一下敬云是是又到南泉處依前如是泉云不是不是此是風力所轉終成敗壞僧云章敬道是和尙爲什麼道不是泉云章敬即是汝不是蓋緣這僧病在見聞覺知處被南泉輕輕點破更去不得初非南泉強移換他自是他未到脫離見聞之地所以道百尺竿頭立底人雖然得入未爲真百尺竿頭須

進步十方世界露全身這裏與有百尺竿頭能進步底麼若有遇桂牌日來吐露看

法語

示淨明月長老

百丈已前無住持事刀耕火種隱遁過時學者聞其風而師之主伴相依力究已事捍勞忍苦不易初心願力既堅大光明悟深藏密護不忍輕售一朝爲人所迫踞曲柔床自然光明盛大照映千古所謂根本固則枝葉茂也去古既遠入根益浮纔與僧倫便作住院之想一旦爲人所誤打自大鼓任情肆意撥無因果及乎緣謝其爲則闕有不可勝言者蓋由初心不根於道名利所牽差之毫釐謬以千里也長老早歲出家早歲行脚叢林去處亦已遍歷時節既至操住山斧固非分外然院無大小弘之在人儻以從上佛祖爲標格切切行持雖對聖僧喫飯亦無愧矣何患檀信不歸美聲名不馨香龍天不加被四恩不畢報夫如是稱曰長老豈徒然哉佛祖三經寄去每日得暇披翫一遍依而行之轉以授人庶不忝爲黃面

老子兒孫也至祝至祝

示果侍者

道在日用常行之間然即日用常行以爲道固不可離日用常行以爲道亦不可視聽言動飲食起居無一或妄無一或非不爲氣所便不爲境所奪不以廣聞博見爲已解不以奇言妙語富本參似兀如癡只守閑閑地如鴈過長空影沉寒水鴈無遺蹤之意水無沉影之心視昔趙州文遠闕劣不闕勝似金博金國師耽源三呼三應如水與水直饒恁麼更須知有稍憎門下佛祖奈何不得底一著然後入魔入佛無可不可逆行順行等皆方便雖然也須是一回汗出始得若果得一回汗出白雲所謂一莖草上現玉殿瓊樓豈虛語哉果侍者兩地相從恰半十載燒香問訊了無錯謬更能向上加鞭不惟拍肩文遠就源高出一頭地乃善臨別需語爲日用警因其請而告之

示龍維那

祖師西來教外別傳不立文字單提獨掇不過只要人去却箇中物喪盡日前機知得自己一段光明且

古且今照天照地處聖不增居凡不減不以夜而晦
不以晝而明十日難昧千手難掩卽此謂禪非禪也
卽此謂道非道也離此別求大似去河覓水捨燈求
火也所以迦文老漢雪嶺六年纔見明星之後便云
一切衆生具有如來智慧德相但以妄想執著而不
能證得子細看來卽今高打行纏挑包行脚妄想也
江上江南尋師訪道妄想也終日面壁坐破蒲團妄
想也朝參暮請廢寢忘食妄想也總不恁麼須是个
猛烈底漢纔聞舉著如鷹搦兔似鷲拏鳩披襟承當
赤手荷負未爲分外然雖如是切忌坐在這裏更須
知有轉身底時節始得所以道百尺竿頭立底人雖
然得入未爲眞百尺竿頭須進步十方世界露全身
且道百尺竿頭如何進步豈不見興化和尙一日謂
克賓維那曰汝不久爲唱道之師賓曰某甲不入這
保社興化云會了不入不會不入賓曰總不恁麼興
化便打乃云克賓維那法戰不勝罰錢五貫設饋飯
一堂至明日興化白腿云克賓維那不得喫飯卽便
出院只如興化恁麼意在於何爲人須爲徹殺人須

見血克賓恁麼又作麼生路遙知馬力歲久見人心
雖然百尺竿頭二俱進步未得在

示宗侍者

我宗無語句亦無一法與人德山老漢恁麼道已是
狼藉不少旣無語句一法亦無畢竟以何爲我宗若
非吹滅紙燭處喪盡鬼家活計安能赤手空拳別立
生涯一條白棒佛來也打祖來也打以至拆佛殿遣
羅漢見處諦當用處軒豁如疾雷迅風破山震海無
你近傍處無你睥睨處豈近世央庠淺根之士可得
而彷彿耶傳云希顏之人亦顏之徒歟若是俊流壁
立萬仞一日千里得失不顧危亡不知寬作程限急
著脚手期於徹證到佛祖不到之地見佛祖未見之
處特立獨行孤風凜凜如獅子出窟踞地哮吼群狐
屏跡假使周金剛再世亦當讓雄也切宜勉旃

佛祖讚

出山相

天將有大任于厥躬必先苦其心志勞其筋骨餓其
體膚不然爭得二千有餘載百億四天下仰之如日

星愛之逾父母乎

觀音

耳門圓照日月兩間悲願洪深衣被四海方便智慧
靡不圓融見聞覺知無能障礙人間天上獨優游是
則名為觀自在

馬郎婦

雲開天竺月照金沙心心妙法念念蓮華未必將身
許馬家

魚籃

鐵喇籃中活錦鱗風前提起不辭頻幾回遶盡長沙
市賣與買人無買人

文殊

或草爲衣或獅爲與千變萬化無二文殊雖然覓則
不可得五臺山色猶如如

布袋

逢人乞一文袋裏敵國富不是下生遲嫌佛不肯做

達磨

西來十萬里北渡一莖蘆剛道來傳法還曾傳得無

維摩

凜然夷齊之風。憐然巢許之態。橫作竺乾之華。崛起
釋門之害口。吧吧地說盡萬千。究竟不知有這一解
人。皆謂金粟如來。示現毗耶。我只道病多諸藥性底。
耆年婆羅門者也。

黃蘗斷際禪師

大機磅礴。大用縱橫。要掌大中天子掌中突出。
要棒便棒。齊北大樹。棒頭挺生。大唐國裏。只一人千
古仰之。日月明。

裴相國

咄。這措大。極是。叵耐。操我戈矛。入我疆界。撲滅圓覺。
大光明藏。溼乾圭峯。無邊義海。所至皆望。風退。衲末
後。遭蘂山和賊。捉敗。納款投降。願爲弟子。奉事無懈。
雪峯真覺祖師。

弄出鸞鼻蛇。彈起廣陵曲。清韻難可掩。毒氣不可觸。
瞻之不足聽。不足千古萬古福。城福。

朝陽穿破袴

一條屈曲無絲線。半寸拳拳穴鼻針。補得完全成。一

片舉頭紅日到天心

對月了殘經

古教只知遮老眼。銀蟾不覺上孤峯。看來看到無看處。光境俱忘一卷終。

偈頌

歷中佛事

幾回走巷復穿衢。貨賣南方鎮海珠。一搭棹都傾出了。不知酬價有人無。

物外生涯

三十餘年海上遊。未曾容易下金鈎。等閑拋擲絲綸處。蝦鱉魚龍一網收。

松風度曲

大夫噫氣撼青冥。餘韻蕭騷入戶庭。遞到高山流水意。不知誰解眼中聽。

荷露跳珠

優曇初現葉團圓。錯落明殘走碧盤。沉瀝莫將魚目比。看時容易覓時難。

定翁

日用千差萬別中。如如不動等虛空。春妍秋靖幾更變。此老何曾改舊容。

古堂

過去威音佛已前。向虛空裏架梁椽。至今景定年之。二往却門風尚儼然。

鏡空

團團荷葉不相似。豁豁大虛難比倫。箇裏洞然無一物。擬於何處拂埃塵。

野航

遠泛飄然一葦輕。水天上下鏡無塵。自從碧眼胡歸後。著脚那知是甚人。

月浦

孤明歷歷曲彎彎。色與蘆花彷彿間。多是滿船空載去。幾人親得見珠還。

危峯

似側如欹杳靄間。冰稜劒刃不多爭。可中不是通玄頂。切莫癡心向上行。

懶牛

鼻繩拽脫了無拘攔有餘兮。頭有餘芳草滿前。渾不顧眠雲臥月只如如。

南牕

百一十城煙水外。玲瓏八面自天開。等閑坐斷東西北。無限薰風拂拂來。

虛舟

內亦空兮外亦空。不施檣棹不張篷。聽它東去又西去。誰管漫天鼓黑風。

坦翁

山未爲高水未深。賤非泥土貴非金。自來一種平懷看到老。何曾有二心。

可山

三拜起來依位立。孤高不與衆峯齊。自從得髓歸來後。便見乾坤宇宙低。

寄雪竇希叟

舌本瀾翻千丈雪。眼青錦鏡一壺冰。踏驢種草有如此。滅却凌霄正續燈。

寄天寧雪庭

● 一作

一本凌霄秋後瓜。遲遲九月裏開花。霜前結子須彌大。壓倒東西浙五家。

看石田語

語言硬淨如生鐵。眼目高明燦太陽。今日江湖無此作。令人三嘆憶平羌。

送僧遊南嶽

一口盡吞三世佛。近來出盡佛猶多。爲吾問訊老思大底事。不能開口何。

吉州圓上人之浙

廬陵米價沒諸訛。半說低兮半說高。此話要圓緘却口。聽他江浙鬧嘈嘈。

瓊上人之杭

懷抱瓊瑤一段奇。通身富貴少人知。四藤擊碎還收拾。擬向皇都賣與誰。

風幡亮上人游浙

動在風幡動在心。集雲降下已分明。而今百越三吳去。肯聽它家熱盞鳴。

月華崧上人之杭

月華如水夜沉沉。一曲簫韻韻更清。曲罷莫言無覓處。西湖後夜轉堪聽。

傳上人之吳

達磨西來有底傳。賺人掘地覓青天。況今楓落吳江冷。去去休容易泊紅。

暫到

騎鯨捉月莫辭勞。海角天涯打一遭。後夜再三撈攬得。碧天雲靜一輪高。

送曇知客歸感山

嬾向人前送。又迎飄然去。路一身輕。到家有閑到家。句雨過瀟湘秋月明。

刀鐻黃陳二生

手持刀鐻謁桑門。叉手擎拳笑語溫。且說工夫精妙處。斷然毫髮不容存。

双手乖如双眼乖。等閑淨出頂門埃。幾多鐵額銅頭漢。總被渠儂按過來。

禮疎山塔二

造塔當年事。喧傳直至今。示人千古意。與匠兩三金。

不得羅山語。誰知矮叔心。瓣香來作禮。肯顧白雲深。江橫一練平。山色四時青。水足柴猶富人多。饔不停。無絃猶自韻。有耳幾曾聽。稿矣齊簷柏。頻看涕忽零。

送孚藏主歸江西

雲臥胷中蟠萬卷。舌端筆端皆具眼。評今論古知幾何。寥寥百年骨不冷。有孫挺特尤掀騰。富有蘊藉如弗能。韜光鏤彩事枯硬。不學乃翁牽葛藤。壁立萬仞出一語。佛祖應無啓口處。有時一默淵且深。盡大地人難指。注脚尖。踢倒凌霄峯。揮劒活屠潭底龍。三條椽下四世界。破蒲團邊兜率宮。秋風忽起故山興。歸本無歸語。何剩江湖所額應。望君莫作秤鎚落深井。將赴雪峯示圭上人。

上人辭我去行脚。我亦早晚行脚去。天涯海角或重逢。鉢飯莖藿又相聚。自笑年登六十七。眼昏耳聾脚無力。觸事無能只面牆。百千追悔有何益。少壯學道宜加鞭。危亡不顧勇往直前。如一人與萬人敵。破堅挫銳成萬全。放牛歸馬群務息。好是太平無事日。塞北歸鴻截霧飛。江南野水連天碧。

見侍者乞語爲入道蹊徑

入道蹊徑無蹊徑日用現行何不省和南問訊已乖
張應對賓朋曾不隱同孟共飯況三年話破那知萬
萬千今日炷香重覓語許時聚首成徒然老僧更不
能忉忉痛掌寧辭當面搭從教負痛走出門呼天怨
罵齒沒舌禿口未合

題跋

跋妙喜與管盈叔居士頌

管公盈叔居蘿湖幸自不爲藤蘿纏倒無端誤入花
木瓜林惹得通身荊棘江湖敏手不能爲之善解從
而加以爛葛爲蔓滋甚予恐秀亦墮此頰脫無繇故
揮以金剛王寶劍云

跋古巖送微妙峯歸南嶽偈

昔老妙峯佩南堂正印虎視諸方而所居之利枯茅
敗屋僅庇風雨人不堪其憂而師獨安之三十年不
改其樂予嘗升其堂每以人境不侔爲恨今觀古巖
贈其歸衡嶽之語雖靈山授記不是過矣吁

爲龍維那跋高原和尚煥髮頌

珠回玉轉錯落金盤高原和尚示人之舍利也龍維
那既能寶之幸毋以瓊豆魚目混之乃善

跋癡絕與嗣子明老法語并書明曾做維那

養子不須教落賺自然會累紙香幅之語何婆嫗如
是耶當時興化打克賓底主杖幸自不在別人手裏
因甚放過儻能盡令而行則玉山今日未到如此茲
因郁禪人持來乞語炷香展觀殊爲老叔惜

跋中洲鄭居士佛牙舍利頌軸

佛牙舍利世所希有中洲藏之甚祕猷翁訝露向人
雪峯一衆讀之罵之無非五綵畫虛空也讀罵不及
處却請居士道

爲見侍者跋無準癡絕書

昔遊鐘阜凌霄之門見其提唱呵叱佛祖不啻塵垢
糞穢今觀與南屏書敬之愛之雖祥麟瑞鳳不是過
但不知敬愛與呵叱孰是見既寶此當時以求頂門
具眼者訂之庶見二大老用處迥出常情不然鼠聚
乾薑何益哉

跋佛鑑佛海法語後

予父兄平昔多病。頗諳藥性。所說方子。雖各不同。點檢將來。皆經驗者。若依此修。合必無謬。誤若不依此。修合亦無謬。誤何故。纔形紙筆。已非妙訣也。韓子謂火其書。予於此軸亦云。

題谷源不無軒朱文公墨跡後

丁巳之夏。庚暑正隆。齋餘靜坐。粟中世界有大比丘名曰舟者。合掌而前曰。吾祖雲谷與晦菴朱文公爲方外交。文公扁其軒曰不無。閱歲滋久。厥義未聞。願爲宣說。予曰。坐吾語汝。予非義學者。不無之義。又安能說。且以子舉此意。爲此來扣我門。入我室。伸此問。謂非不無可乎。子十二時中。折旋俯仰。嬉笑怒罵。語默動靜。應對進退。謂非不無可乎。三八五日。陞堂入室。鞠躬叉手。攝衣趨隅。目觀耳聞。心開意解。謂非不無可乎。文公未書爾祖未揭不無之名。已不可得而掩矣。子亦未舉予亦未答不無之義。已粲然在前矣。逮乎書而後揭。揭而後請。請而後說。不無爲無。無爲不無。紛然是非。殆將不可得而辨。欲求所謂不無。予未敢保。任候阿逸多出世。請往彼問舟。蹶然而起。再

拜曰。不無之義。得之矣。乞書以爲證。於是乎書。

題佛照諸老墨跡後

雨霽初秋。風清萬壑。響春巖溜。香噴水沉。政爾橫刀而眠。有客扣門。呼童。眎之。乃南浦元藏主也。稽首作禮。出示巨軸。與炷展觀。恍然如揖拙菴父子兄弟。覺範補之諸大老。於座間。喜不覺舞。因謂之曰。一軸之作。字字句句。曲盡世出世間之妙。非今時藻繪語也。不知緊切爲人處。子知之乎。元良久曰。直截根源。腳踏實地。無踰此矣。若夫歛容默照。湛寂無依。探淺深。輕去就。不過持身策也。予曰。然。但其間俗漢子。道荒山藏古寺。見旁水梅開一枝三四。予竊恠焉。子以爲如何。元笑曰。將謂是個俗漢。旣知如是。併宜寶之。

題群牧圖

雨過桃林。草正肥。休征牧放。恰相宜。擎頭戴角。群然樂喜。見太平無事時。

題草虫圖

長莖短莖。芳草翠。東个西个。秋虫寒。平白祖翁田一片。時人莫作畫圖看。

小佛事

倫首座秉炬

六十八年北山之北南山前風清月白南北絲毫元不隔霹靂一聲喪盡生涯無一星崖崩石裂螺江江水連天碧這箇是月巖首座末後句子山僧從而註破還得相應也無其或未然重繫以詞以火炬打圓相云見麼劫火洞然毫末盡巖前依舊月輪孤

月上座秉炬

見月休觀指猶有月在歸家罷問程猶有家在只如鳥啼月落家破人亡時如何通身是火通身水烈焰堆中鼓怒濤

則上座秉炬元宵

見成有則舊公案抵死拈來翻覆看碎地折兮爆地斷上元定是正月半因行掉臂誤入長安燈火燒空奪夜寒

眞上座入塔

皮膚脫盡眞實獨存如珠似玉輝乾輝坤大地不可得而藏無常不可得而吞落在雪峯手裏且道如何

折合一分奉釋迦牟尼佛一分奉多寶佛塔

黃維那秉炬

以火炬打圓相云祇這箇還會麼廣大配天地光明逾日月佛眼觀不破佛手遮不得一鉗百雜碎何處尋蹤跡擲下火炬云石火光中明

善上座秉炬

以火炬打圓相云某人還會麼只這便是不思善不思惡父母未生已前本來面目便恁麼領略得去如睡夢覺如蓮花開如病得汗如死得活一得永得更無退轉雖然如是擬議不來火蛇燒面

佳上座秉炬

脫罷仕途致身林下橫草不拈豎草不把去來自在生死優游烈焰堆中輟綉毬

圭都寺秉炬

顧我老且瞶咨汝爲肘臂共扶破沙盆建黃蘗宗旨是事未究竟燉變卒然至我方歎一夢汝已行千里挽旣挽不住呼亦呼不起將謂之何處舉起火炬云元來在這裏打圓相云見麼鼻直眼橫活卓卓地高

乘露地白牛車。火宅門前恣遊戲。

毒果因西堂秉炬

毒果之毒。非常毒類。栗棘蓬固不足儔。金剛圈亦難可擬。鼻著頂門。裂斷幾多衲子命根。觀著眼睛。枯抑又見觸體遍地。今其已矣。舉炬云。衲子尙存。擲下云。擲向亘天紅焰裏。從教毒氣滿乾坤。

自讚

小師惠林師孫法濟請

齒豁頭童。眼昏耳聾。不忘所嗜。乾屎橛。示忍輕拋。栗棘蓬。以此踞叢林。以此濟貧窮。只緣真實不脫空。故得孝子慈孫寫真而繪容。

奇都管請

牧以卑守。以規迅雷疾風。鐵石不移。須彌其頽。隻手力持。電光石火裏。驅耕奪食。春風和氣中。摧枯拉萎。極等沒意。智闔國少人。知知之梓府牛峯奇。

小師惠彰請

願我遊世間。如雲在天上。任緣而去住。不作去住想。南北信所之。東西無定向。爲人少方便。動便攔腮掌。

恁地去離泥水底。本師如何却喚作環溪和尚。

雪峯化士請

葛藟苴苴。瀟瀟灑灑。嚴冷時溫。若陽春偏急處。寬踰大海。纔開口。平日說脫空。却嫌人無事。誘般若有時。突出一句鄉談。佛也不能觀。他縫罅。從來閩蜀本同風。相逢自有知音者。

禪人請讚

赤土畫簸箕。冬瓜作碓背。春碎鐵蒺藜。簸出長粳米。不須淘汰。不須炊飽。盡世人人不知。

太白名山天童景德禪寺住持比丘普明校正

環溪和尚語錄卷下終

行狀

師諱惟一。環溪其自號。資州墨池賈氏子。父寵母史。在娠中屢有吉徵。及誕。安詳年甫十歲。里中大疫。師與母俱患。母疾革。撫師謂其父曰。吾兒雖幼。器質不

今一作令

頂作項

撥一作撥

同衣併捐以助興建餘僅取足後事而已。覺此嘗謂佛鑑之道如大龍普樹一雨所潤初無揀擇而卉木藥草隨其根性受益有異。今佛鑑之嗣奉勅董大招提者前後背頂相望卓然在人耳目。至於因果明白行解相應宗說俱通師可謂兼之矣。若夫應機說法提唱宗乘則備見於九會錄云。覺此昔侍師側師之出處知之爲詳。今猥以行實見屬輒不撓荒斐敬百拜稽首直書其事述而不作將求當世之

大手筆者刻諸金石以昭示不朽焉。至元十九年

月日住秀州海鹽天寧禪寺嗣法小師覺此狀

說法不應機總是非時語。今觀環谿法兄九會錄可謂是應機如雷霆應時如雲雨也。始從篇首終至卷末子細點校將來得非說法如雷如雲如雨者耶。故予當時執侍先師見其瑞世師遂鳴鼓集衆以從上所傳三斤車底拄杖子兩手分付由是一向單提獨弄盡有餘態然後方顯授之者故不虛授而受之者亦不妄受耳。覽斯錄者當於言外著眼信知文

不在茲乎

至元癸未元正

住天童弟 普明 跋

觀夫二帙吾環溪老人平日攪醒酬爲毒藥底方子。西江閩浙九坐道場死盡衲子偷心可勝計哉。其小師呂禪人不憚三千里持行狀來求塔銘於丞相。杭翁作夏三關一日出以示余且欲爲著語。余曰是錄丞相杭山已序其前月坡鄉翁復跋其後余何敢贅邪。既不得辭於是。以五彩描寫虛空耳後之中毒深者請試閱之。倘或起死回生則環溪老人肉猶暖在。

癸未夏月既望

住黃龍比丘 覺性書

劍關子益禪師語錄

宋
•
善 劍
珙 關
等 子
編 益
撰

劍關禪師語錄序

曹溪之傳馬駒散天下莫盛於李唐此師則蜀珍也其後始有德山圭峰出焉至我

朝中興則圓悟尤盛爾來敷歷五山有若癡絕無準諸老皆表表於時余雖聞其語而不及識其人乙丑劍關入閩來玉融相求於溪上余方外友雖多而識蜀人則昉乎此挹其容義然聽其言洒洒然了暢而通明則南宗之學也豪特而亢爽則西州之氣也來往語移時若有意於余者心甚奇之每惜其匆匆而去無何聞已示寂矣為之咨嗟累日轉臂三霜却未知此錄已刊之怡山矣庚午秋澤兄乃以寄似雖三持杓柄諸作俱在鋒稜峭峻霜凜芒寒殺活縱橫無所撈摸真風穴楊岐種子但室中機緣恨不一見偈贊拈誦亦不應止此豈傳者遺落不具耶抑此老棄擲不留耶因為之亂曰禪本無覺非覺無見也道本無言非言無傳也因言而覺則此編之傳足矣若背覺而迷言則是甜是苦皆為毒藥雖多奚以哉劍關名子益劍州人法子崇澤也今主席鄉之慶成咸

淳庚午重九日中大夫新除祕閣修撰提舉建寧府武夷山冲佑觀林希逸書

劍關注兄袖藏七首不立孤危鍊頭銅頭望風乞命今雖亡矣芒刃霜寒舐蜜之者各宜照顧淳已南至雪峰弟惟一拜手書

劍關和尚語錄

目次

序

隆興府興化禪寺語錄

隆興府雲岩壽寧禪寺語錄

福州西禪怡山長慶禪寺語錄

小參 拈古 頌古

偈讚 小佛事

法語

劍關和尚初住隆興府興化禪寺語錄

侍者 善珙 德修 編

師於嘉熙三年正月入院

指三門。我此一門。初無關鍵。半合半開。東扇西扇。雖然千聞不如一見。

踞方丈。不行喝。不行棒。負命衲僧。不釣自上。

山門疏。一字不著。畫八字。沒兩ノ。文彩甚分明。何待重饒舌。

江湖疏行不到處。行一步說不到處。道一句徑山諸公見義。勇爲靈隱師伯拔劍相助。且道節文在甚麼處。眼睛裏聽取。

拈法衣。黃梅夜半雞足峯前。承虛接響。互相熱瞞。益上座。只今瞞你諸人去也。遂搭衣。

提綱。伏虎崑崙。高風生萬壑。青龍水急。浪湧千尋。古佛門庭八字打開。第一義諦。熾然宣說。新長老到這裏。通身是口。通身是舌。更說箇甚麼。卽得未免。只據見成公案。舉似諸人。俊快底。承當得去。便見三邊肅靜。四海晏清。塊雨條風。民康物阜。正恁麼時。如何道泰。

不傳天子令。時清休唱太平歌。學三聖道。我逢人卽出。出則不爲人興化。道我逢人卽不出。出則便爲人。拈云。大衆還知二大老落處麼。亞夫金鼓從天落。韓信鎗旗背水陳。

當晚小參。問答不錄。長劍倚天。鋒鋦不露。三賢莫辨。十聖那知。聖主杖云。看看鋒鋦露也。寒光射斗。勁氣凌霄。逢佛殺佛。逢祖殺祖。盡大地人。誰敢正眼覷著。這裏莫有不頭。危亡向刃下翻身底麼。卓主丈放過一著。復舉馬大師令僧馳書往徑山。國一祖師處。一發絨乃見一圓相。遂於圓相中下一點。封回。忠國師聞得。乃云。欽師猶被馬師惑。拈云。馬大師用盡平生伎倆。到國一面。前不消一點。因甚。南陽却道。欽師猶被馬師惑。良久云。人必自侮。國必自伐。上堂。寂初句向上。機瞿曇不會達。磨不知知。不知雨餘千嶂碧。春水一溪肥。

觀靜二維那。至上堂。一槌便就瞞瞞肝肝。不假一匙。無端無端。畢竟如何。忙裏工夫閑處覓。關中消息靜中觀。

中秋上堂天上月圓人間月半明眼被僧見似不見
見麼鄰下拂子蓋子撲落地樸子成七片

上堂向上一路千聖不傳未曾擬議早隔大千所以
雪峰輓毬禾山打鼓仰山插锹地藏種田雖然短綆
那汲深泉

至節上堂去年今日逢冬節撲頭撲面迎霜雪今年
冬節又來臨屋角梅花弄曉晴拍膝笑它魯史謾書
雲

上堂與麼寒何處避冰稜上深雪裏有來由沒巴鼻
丹霞燒木佛院主眉鬚墮

上堂拈拂云信手拈來萬選萬中輕若鴻毛輕重似
丘山重擔拂云雖是死蛇也要活弄

上堂四九三十六夜眠如露宿銀海眩生花玉樓寒
起粟翻笑二祖立雪謾齊腰活埋一片無瑕玉

上堂昨日雨今日晴桃花開口笑無處覓靈雲今日
莫有不釣自上者麼良久云掩彩殺人

佛生日上堂二千年前通身是垢二千年後滿面埃
塵直饒九曲黃河水洗到驢年也不清

謝首座藏主秉拂上堂潑天聲價陳睦州咬人火急
瞋睡虎行不到處行一步道不到處道一句德山臨
濟眼搭瞋棒喝交馳無所措與化忍俊不禁卓主丈
隨例赫日光中飛白雨蕭召大衆照顧濕却袈裟角
上堂世事悠悠不如山丘臥藤蘿下塊石枕頭所以
許由洗耳巢父飲牛又有底道何不鋪其糟而啜其
醕隨其波而混其流這一隊擔板漢能收不能放能
放不能收且如何是全收全放底句以拂擊禪床大
鵬展翅蓋十洲離邊燕雀空啾啾

端午上堂舉拂子召大衆云還見麼名不得狀不得
脫胎換骨方起死回生訣信得及底不消一服諸病
頓除脫體安樂何必善財重採藥

中夏上堂一日復一日眨眼過半夏與化老無知鉢
盂安兩欄引得四海參玄人三三兩兩聚頭商量這
个話阿呵呵六月賣松風人間恐無價

請監收上堂欲明此道須遇其人其人既遇十倍收
成且道是那个道字良久云明破即不堪

重九上堂秋未霜菊正芳千朵萬朵香吐藥二枝兩

枝金樣黃。不作世諦流布。亦非佛法商量。九月九日是重陽。

上堂。恠得深夜寒。破曉清霜重。雙澗水無聲。千峯雲欲凍。這裏冷秋秋。那邊熱。閑閑不知那個得便宜。慚愧楊岐老凍膿。

謝西堂首座藏主上堂。聖佛云。格外提持。斗轉星移。智藏不會。海兄不知。耐睦州擔板漢。教壞臨濟小。斯兒拍床云。此意明明說向誰。

上堂。見見之時。羯諦羯諦。見非是見。波羅羯諦。見猶離見。波羅僧羯諦。見莫能及。菩提薩婆訶。蕭召大眾云。還見釋迦老子麼。便下座。

上堂。天寒地冷。晝短夜長。死灰撥盡。沒可商量。昨夜三更月到窗。

上堂。作無所作。爲無所爲。灰頭土面。帶水拖泥。怎麼要見變化。快須照顧兩莖眉。

上堂。如來禪。只在口皮邊。祖師意。不過方寸地。因甚十个五双。知似不知。見如不見。良久云。只爲太近。聖節上堂。正法輪輕撥轉。日出中天。雲開嶽面。如優

曇花時一現。

上堂。有一人在百尺竿頭。闊行大步。口不能言。有一人在萬人叢裏。罵雨呵風。足不能履。且道那個優。那個劣。卓主文云。分。

浴佛上堂。佛身長三尺。杓柄長三尺。佛身長丈六。杓柄長丈六。佛身長無量。百千萬億那由他。由旬此之杓柄。亦復爾。青龍將底報深恩。隨例香湯灌頂門。

舊住至上堂。立沙不出嶺。拄杖生根。休用剪。保壽不渡河。鉢盂無柄。不須安。只如善財童子。於覺城東際。受文殊教。遊歷百一十城。參五十三善知識。末後於彌勒樓閣。彈指聲中。還有這個消息也。無乃云。蘇噓蘇噓。

六月望上堂。酷暑炎災。何處避。不在鑊湯爐炭裏。北窗一枕黑甜。餘細聽松風雜流水。

謝首座藏主秉拂上堂。一見便見。天回地轉。宗通說通。風虎雲龍。只如百丈被馬祖一喝。因甚三日耳聾。良久云。閩蜀同風。

上堂。日可冷。月可熱。衆魔不能壞。眞說且作麼生是。

眞說屋頭泉溜響無休。砌下寒蛩聲更切。

上堂。一日復一日。一秋復一秋。從頭屈指數。屈指又從頭。鳥飛兔走幾時休。召大眾云。莫有不隨世態炎涼底麼。拍禪床下座。

修橋上堂。得路塞路。過橋斷橋。不拘兩岸。不滯中流。直饒你會得。步行騎水牛。我更問你。空手因甚把鋤頭。

上堂。冬前冬後。沙飛石走。時節到來。不容袖手。變化雖無。颺風走電之謀。也要應個時候。卓主文云。一九二九。

謝維那知客。副寺典座上堂。十聲槌下定綱宗。送去迎來事一同。豎百橫千有通變。策籬無柄召春風。上堂。般若鋒金。剛鐵觀面。當機突出。難辨堅淨云。見麼。春風一陣來。落花飛片片。

黃龍寧首座至上堂。憶昔玉几時分紙。不合火今日嘉相逢。依然衆恁麼。不恁麼。睦州檐板雲門脚跛。

住隆興府雲岩壽寧禪寺語錄

侍者 慧澄 銳彰 編

聖如上堂。心如虛空不可量。聖君壽量亦如是。卓主丈將如是法報皇恩。天上人間更無比。上堂。一夏九十日半月已過了。有問。鴉人水鼻孔。仍依舊。遂展手云。我手何似佛手。

上堂。是句亦剎。非句亦剎。總山焚疏鈔。臨濟燒禪板。堪悲堪笑。一對無孔。鐵鎚。驢年夢見正法眼。

上堂。古佛心即于今。春風浩浩。春雨霖霖。卓主云。高山流水少知音。

佛涅槃上堂。法身充塞太虛空。出沒何曾有定蹤。獨許波旬知此意。半偷歡喜半絕望。

上堂。時節既至。其理自彰。井井秧浮綠。村村麥弄黃。半箇山月白。一枕竹風涼。笑倒山前鄧八郎。

謝藏主維那侍者上堂。進以禮退以禮。錄得語一篇。不在紙衣裏。所以智藏被馬師塗。阿克賓遭與化鉤。

置千古之下。掛人唇。三恩大難。醉痛入骨髓。檢點將來。立沙道底。

解夏上堂。覺性海中圓。無不融。聞時富貴見後貧窮。窮則變。變則通。獨下主丈草鞋。摩似虎主丈活如龍。

中秋上堂十五日已前明似鏡十五日已後曲如鎌
正當十五日以兩手拏膝云無人知此意令我憶南
泉

重九上堂秋江清秋月白登高雙眼空獨步乾坤窄
隻手未曾舉黃菊已盈握好彩從來奔覲家隨分一
盞茱萸茶

修後架上堂東司頭糞坑上臭氣薰天如何近傍一
屬便了底痛與一錐的卓卓底三十主丈何故有
功者賞

上堂常光現前壁立萬仞以拂到一對者裏一劃劃
斷別有一條捷徑明眼人因甚落井

遊寶山觀佛頂舍利兼訪九蓮兜率歸上堂親從寶
山來收得寶山寶舉拂云一片玉無瑕千峰雲脫帽
九蓮峰畔無處藏兜率宮中卒難討歸來打鼓普請
看脚下拂子盤走珠吟珠走盤

至節上堂拈拄云六陰既窮群魔自殄一陽來復吾
道大亨主丈豎十方世界一時豎主丈橫十方世界
一時橫卓一下云兵隨印轉將逐符行

佛成道上堂未入山時氣衝牛斗出得山來衣穿露
肘更言午夜見明星不知面皮厚多少

因雪上堂六出花飛無地卓錫填溝壑絕毫絕厘
頃忽驚捲盡青山去又喜重携春色歸

上堂至玄至妙至奧至微不可以識識不可以智知
與麼會得咄咄囉哩不與麼會鳳林吒之

正日上堂主丈生根劫外春斬新拈出示諸人以主
丈劃一劃云肇開華岳千峰秀放出黃河一派清

福州西禪怡山長慶禪寺語錄

侍者 心寧 慧恭 編

師於咸淳元年五月入院陞座拈香祝

聖罷問答不錄乃云聖諦第一義高不可仰深不可
窺無上妙覺心大包天地細入無間諸佛親證而無
所得百姓日用而不知金鷄啼處露堂堂青鳳舞時
明歷歷向這裏負荷得去靈山一會總在目前堪報
不報之恩共助無爲之化還委悉麼天上有星皆拱
北人間無水不朝東舉孝宗皇帝問佛照禪師云世
尊雪山六年所成者何事佛照奏云將謂陛下忘

却臣僧今日借水獻花。輒成一頌。問處分明。答處親。
太平天子。太平臣等。閑喝散千峰。雪。此土西天一樣
春。

留兩班上堂。現成公案了。無遷變。入得門來。一見便。
見左顧則獅子。顧呻右盼則象王。迴轉靈山。一會儼。
然存捏。聚春風成一片。

上堂九十長期三分過。二覺海浪平。鐵缸無底寒山。
子水牯牛作麼生。切不得道。大家在這裏。

上堂伏暑未收。金風漸作。彈指聲中。門開樓閣。諸人。
還見彌勒麼。垂下一足。

重九上堂。菊花黃。茱萸香。時節既至。其理自彰。且如。
何是自彰之理。德山低頭。歸方丈。鵝湖驟步入僧堂。
黃檗寂而和尚。至上堂。作家相見。啐啄尤乖。達士相。
逢。握轡回首。檢點將來。已落第二。且道。怡山今日與。
樂山如何相見。彈指云了。

臘八上堂。六載雪山。修幾手。沒合殺。半夜觀明星。和。
盲勃睅瞎。更言奇哉大地。一切衆生。具有如來智慧。
德相。但以妄想執著。不能證得。若據衲僧門下。當甚。

臭皮囊

謝虛庵首座秉拂上堂。語底默底。不是非語。非默。非。
非。虛庵有一轉語。用處絕毫絕厘。衆中或有箇纔出。
來。以指天鼻。又作麼生支遣。只向它道三十年後。清。
平渡水。

上堂春已過。半百花競芳。有些佛法。如何商量。拍床。
云。千言萬語。無人會。又逐流鶯過短牆。

上堂。結主丈召大眾云。有主丈與主丈。擊木無聲。無。
主丈。奪主丈。敲空作響。還見芭蕉和尚麼。
莫妄想。

佛涅槃上堂。雲色相。紫金容。雨後青山。掃半空。觀。
面當機。如不。滿桃花依舊。咲春風。

上堂定本無門。從何而入。坐斷兩頭。中亦不立。沒可。
把。絕承當。風來一陣。菱荷香。

乾會節上堂。舉僧問壽山。年多少。山云。與虛空同年。
僧云。虛空年多少。山云。與壽山同年。頌云。虛空年與。
壽山同。答處由來在。問宗但見皇風成。一片不知何。
處是羅封。

上堂六月中三伏節到處去到處熱還有不熱者麼
盡一聲下座

上堂世尊不說說迦葉不聞聞兩個無孔鐵鎚打就
一合乾坤衆中或有个出來道我會也我會也怡山
敢保裏子渾崙吞

上堂直下是直下是賺殺人疑殺你以拂子指上云
上是天指下云下是地疑个甚麼良久云參

上堂崑山求玉玉不在於崑山赤水尋珠珠豈藏於
赤水益上座空奮双拳盡虛空界內恒河沙數一一
撮來無有不是寶者因甚麼主丈喚作主丈拂子喚
作拂子良久云莫謾人好

元旦上堂律管吹灰勾芒布令六國風清九天雲靜
有般漢不知時節更出來道如何是新年頭佛法只
對它道伏惟懽慶

佛涅槃上堂二月十五瞿曇滅度文殊頓足普賢悲
外道拈掌波旬舞拍床云甜而徹帶甜苦瓠連根苦
上堂識得一萬事畢佛法屬在它万世法拈靠一壁
有問奇特因緣立秋已過五日

之非忍亦

中秋上堂盡拂子云此段光明輝天鑒地靈山錯話
曹溪錯指霧暗雲屯兮歷歷常明地陷天崩兮也只
如是獨下拂子云賺殺你

上堂有一則語久欲拈出未動舌頭遍界狼藉且作
麼生收拾便下座

上堂臘月二十五一曲重新舉唱寡兮和稀頭高兮
調古堪悲堪笑老東山謾說豆子山前打瓦鼓

結夏小參

宗乘一唱三藏絕詮祖令當行十方坐斷天無四壁
地絕八荒一切處圓覺伽藍一切時平等性智以此
九旬禁足以此三月護生大家水乳和同同入大光
明藏衆中或有个裂裂掣掣棒打不回底出來道長
安雖樂不是久居又作麼生支遣良久云不因紫陌
花開早爭得黃鸝下柳條

是句亦剗非句非剗斷貫禦飛龍佛來也打祖來也
打簸箕擡鷄子豈不見藥山問石頭三乘十二分教
某甲粗知嘗聞南方直指人心實未明了乞和尚慈
悲指示欸出囚口石頭云恁麼也不得不恁麼也不

得恁麼不恁麼總不得折節攪黃河藥山佇思不快
漆桶石頭云子因緣不在此江西見馬大師去知子
莫若父藥山至馬祖處復如前問熟處難忘祖云有
時教伊揚眉瞬目有時不教伊揚眉瞬目有時教伊
揚眉瞬目者是有時教伊揚眉瞬目者不是也不較
多藥山於是有省遂作禮已遲八刻祖云見个甚麼
便禮拜山云某甲在石頭處如蚊子上鐵

如是宜善護持面

不如此去西天十萬程
覺海倘或

解夏小參

解開布袋結頭蛟龍得雲雨掀翻平等性智鷲鷲在
秋天轉一步萬象點頭垂一機千波競注全生全殺
全主全賓去無所從來無所住青龍門下司空見慣
應是尋常衲僧面前不妨許你東去西去去則不無
前途或有人問畢竟作麼生祇對拍禪床云若無學
頂拔山力千里烏雞不易騎

得路便行離逢快便見機而作盤裏明珠轉轉活
鑼鑼便是八臂那吒也退捺不住汝等諸人一夏在
這裏每日長連床上衲帔蒙頭心灰口醃七村裏土
地相似還知有這個消息也無有則與化贈以之中
倘或未然還我九十日飯錢來

冬至小參

以思無思之妙費力不少返觀靈焰之無窮一冬二
冬思盡還源鼻孔依前在口邊性相常住冬至寒食
一百五理事不二山是山水是水真佛如如莫將魚
目作明珠瀉山劃窠書朱與化順朱填墨莫有未言
先領未學先知底麼有則出來大家證據其或未然
我且問你真佛在什麼處

真正舉揚法堂前草深一丈古德恁麼道早是入草了也還有共相證據底麼有則許你融五岳混滄溟移南辰轉北斗未爲分外設若未然長裙短袖抹土搽灰大家隨例賀書雲管甚堂前草淺深

智不到處信口便道地轉天迴行不到處信脚便行崖崩石烈有个漢口不能言足不能履如一片頑石相似直是無你理會處無你提掇處一向死葛怛地只恁麼過且道一陽來復君子道長小人道消於它分上還有消長也無良久云三生六十劫

節屆書雲日南長至一點無風千波競起爭如興化這裏脫粟淡黃蘊飽後和衣睡更說甚麼以馬喻馬之非馬以指喻指之非指今冬也如是來冬也如是縱經百千萬劫也只如是拍膝云堪笑當年老玉泉赫赤布視無換替

除夜小參

道不可學學而得之非實學禪不可參參而得之非實參從空放下兩手撒開機境頓忘心法雙泯直下如大火聚如太阿劍近之則燎却面門覷之則喪身

失命禪之與道境之與心向甚處著正恁麼時只如七十二候二十四氣還管帶得它也無卓主丈云且置是事

祖師心印七四八凸向上一關通途共轍晨昏不禁今古一如來者自來去者自去豈不見古者道已透關者掉臂徑去未透關者從關更問可否似這般底豈堪共語設使機先領旨句外明宗石火裏爭衡針鋒上奪路更須升興化堂入興化室見興化人始得見卽見了且道新年頭還有佛法也無和禪床云山因底事亦頭白柳到幾時方眼青

舊歲已去爆竹聲中留不住新歲復來秤鎚落地也生芽明得去處便知來處來處既明更須知有先天後地不動不變超佛越祖底一著子始得聖佛云見麼到江吳地盡隔岸越山多

迎新送故總是平常佛法有無陳年舊話聖主丈云惟此一事實要且沒可把孤迥迥峭巍巍露髯素洒洒四序不能遷通身無縫罅不問佛來也打祖來也打魔來也打四方八面來四方八面打或有個漢

出來道。總不恁麼來時如何。卓主文云。泊合放過。

拈古

魯祖見僧來。便面壁。南泉云。我尋常向伊道。直須向佛未生已前。究取。尚不得一个半个。他恁麼驢年去。

師云。王老師恁麼道。且道是肯它不肯它。良久云。會麼。言迹之與異途之所由生也。

寶峯問岩頭與麼與麼。作麼生。會頭云。不恁麼。不恁麼。又作麼生。峯云。是平實語。頭云。腰帶無鉤結。峯云。作麼生。頭云。上腰不得。峯云。是平實語。

師云。恁麼恁麼。拔劍攪龍門。不恁麼。不恁麼。陣雲橫海上。爲甚麼却成平實語。莫言咫尺。渾無事。咫尺人間事。不同只如巖頭道。腰帶無鉤結。上腰不得。又作麼生。基逢敵手。難藏行。琴遇知音。政好彈。

嚴陽尊者問趙州。一物不將來時如何。州云。放下。著陽云。既是一物。不將來。放下箇什麼。州云。放不下。檐將去。遂於言下大悟。

師云。人人只知嚴陽於趙州言下悟去。殊不知檐一

檐惺惺。換得兩籬漏。湑且道。輕重如何。良久云。檐折

方知

古德云。譬如牛過窗欄。兩角四蹄俱過了。因甚尾巴過不得。

師云。人無遠慮。必有近憂。

潯山寄鏡與東平。平接得示衆云。道是潯山底。又在東平手中。道是東平底。又是潯山寄來。道得卽留取。道不得卽撲碎。衆無語。遂撲下。

師云。潯山好一面鏡。惜手分付不著人。東平雖善品題。要且撲它不破。

新羅僧參天仙。方近前。仙把住云。未離本國。道將一句來。僧無語。仙便推出云。問你一句。便道兩句。師云。大衆盡道。天仙以強凌弱。殊不知納敗愈甚。這僧如何。元不離新羅。

福州臥龍球禪師。因僧問去却僕從。便請相見。龍云。眨上眉毛看。僧云。不恁麼時如何。龍云。山北去也。

師云。臨機應變。無蹲坐處。則不無臥龍。借手未能斬

釘截鐵。或有人問。變化去却。僕從便請相見。只向它道家無小使。不成君子。

魔居士問石頭。不與萬法爲侶者。是什麼人。石頭以手掩其口。又問馬祖。祖云。待汝一口吸盡西江水。卽向汝道。

師云。大衆二大老。一等是垂手爲人。寧免入泥入水。要見魔公麼。也只是个俗漢。

三平問大巔。不用指東劃西。請師直指巔云。幽州江口石人蹲。平云。此猶是指東劃西。巔云。若是鳳凰兒。不向那邊討。平便禮拜。巔云。若不得後語。前話也難圓。

師云。三平上門。上戶疾如風。磨牙利齒。猛如虎。當時若不是大巔深辨來。端安得這漢。腦門著地。

乾峯示衆云。舉一不得。舉二放過。一著落在第二。雲門出衆云。昨日有人從天台來。却往徑山去。乾峯云。典座來。日不得普請。

師云。一人高高峰頂立。一人深深海底行。且道那個在前。那個在後。拍膝云。賊賊。

臨濟侍德山。次山云。我今日困濟云。麻語作麼山。擬拈棒。濟便掀倒禪床。

師云。二大老如毒龍。攪海金翅。騰空檢點將來。二俱弄嶮。

廓侍者問德山。從上諸聖。向什麼處去。德山云。作麼作麼。廓云。勑點飛龍馬。駁驚出頭來。山休去。明日浴出。廓過茶與山。山遂撫廓背云。昨日公案作麼生。廓云。這老漢今日方始警地。

師云。背手抽金鏃。翻身控角弓。不無廓侍者爭奈老德山。有當斷不斷。不招其亂底。劍雖然寧免旁觀者哂。

頌古

趙州訪茱萸

心手相忘。二俱得妙。箭箭中的。未脫窠臼。脫窠臼好。手手中呈好手。

芭蕉示衆。你有主丈子。我與你主丈子。你無主丈子。我奪你主丈子。

多處添些。已是訛少處減些。還是誑幾多著眼看機。

輪誰知不在機輪上

僧問趙州。狗子還有佛性也。無州云。無。

狗子佛性無。鐵紅水上浮。順風帆未掛。已過洞庭湖。
岩頭纔跨德山門。便問。是凡是聖。山便喝。頭便禮拜。

鈍如出匣吹毛劍。快似堅剛百煉鎚。直下低頭禮三拜。得便宜處落便宜。

僧問智門。蓮花未出水時如何。門云。蓮花出水後如何。門云。荷葉。

出與未出。蓮花荷葉。老倒智門。舌頭無骨。

趙州勘婆

盡道趙州勘婆子。不知婆子勘趙州。有意氣時添意氣。不風流處也風流。

六祖風幡

不是風兮不是幡。活人只在笑談間。面前坦坦平平路。背後重重疊疊山。

香嚴擊竹

拋磚引玉。老香嚴打著南邊。動北邊。聽事不真。鍾作。

變至今千古錯流傳

靈雲見桃花

撥草瞻風。尋劍客。桃花一見便忻然。直饒真到不疑地。放下更參三十年。

地藏栽田

地藏栽田博飯。飯大似飢。過心荒。聽它三三兩兩佛法。浩浩商量。杓柄那知有短長。

仰山摘茶

據樹良久好手。手中呈好手。得用得體。一不成。兮二不是。三十主丈放渠。儂大似賊。過後張弓。

法語

澤長老出世慶成需藹

澤長老英傑者。流荷負楊岐重擔。爲衆所喜。余自江西來。主斯席。見其穩重一言半句。皆不妄發。卓然自有立志。私竊喜曰。此慈明會中再來人也。未幾果爲慶成而出。臨別袖紙需語。余曰。我宗無語。句亦無一法與人。只責眼親手辦。直下承當。向未畢已。前領覽得去。方知老僧無說。汝亦無聞。無說無聞。是真般若。

非惟觀破空生敗闕處亦乃自得受用至於執佛祖柄倒行逆施與一切人開方便門示真實相無施不可更有一事不可不知慶成山中一隊小果聲聞一箇箇點胷點肋自謂渾鋼打就生鐵鑄成知它是果有所證耶果無所證耶新慶成到日一一爲我從頭按過至祝至祝

偈讚

出山相

捏雙拳衣露肘謂悟明星有甚分曉本爲修行利濟人誰知變作不唧啗

觀音

楊柳枝頭琉璃瓶裏一滴渾無千波競起步步金蓮藕足生何曾踏著自家底

啞子觀音

贊者舌禿盡者口啞籃裏錦鱗愈增高價

維摩

俗氣不除病在一默扁鵲盧醫醫你不得

達磨携履

赤雙脚携隻履自東自西誰不識你最難拖是富門齒

布袋

布袋橫拖肚皮捺下行貨有些没人耐價拚背覓錢真奉化

寒山把蕉葉執筆

吟詩吟未就執筆且搜枯欲寫芭蕉上依前一字無

拾得携苕帚

往來雙趺路脚下起塵埃苕帚忙忙掃何曾掃得來

靈照女

家業盡拋離沿街賣粥籬胷中無限意不許老龐知

朝陽

者邊才補了又見那邊穿不覺日又夜爭教人少年

對月

黑豆忙忙數教休不肯休幸然明似鏡何用曲如鉤

佛鑑和尚

雨過五峯雲橫玉几日面月面只這便是道是佛鑑舌拄梵天道非佛鑑眉毛拖地更言兩對君王三奉

詔旨看來元是陰平界上雍師波誰不識你

自讚慶成長老請

怡山頂不露上有通天竅事事總不知虛明肯自照
个樣慕荳川僧如何描邈得就慶成許露人前早是
外揚家醜不用別舉話頭我手何似佛手

禮開山伏虎祖師塔

羊腸知幾折行盡水村村捫壁穿雲棧攀蘿過石門
尋蹤知虎在繞塔見師存他日重來地松枝拂薜痕

綿州疊上人求語上徑山

解唱東山瓦鼓歌不知節拍有請訛要教聲響如當
日快向凌霄走一遭

祥侍者化供

祥禪爲衆下山來七十高僧笑滿腮袖裏金鎚曾未
動千門萬戶一時開

偶成

那得工夫過一關從空放下絕追攀松風不入是非
耳竹巡肯通人我山有問對談惟莫莫無心袖手只
閑閑忽聞枝上靈禽語似笑山翁癡復頑

一上人之徑山

一處纔通處處通凌霄突兀對青龍道途不涉寂親
句只在平常日用中

欽禪人之天童

興化三門開兩邊聚頭喧飯不談禪天童有問其中
事收拾今年勝去年

傳上人之徑山

佛祖不傳希世寶千人萬人覲不破五峯相見索看
時切忌傾出一櫬毫

全上人之仰山

集雲峯下四藤條千載誰知恨未銷去去全身擔荷
得石龍依舊碧岩峩

祖典座往南嶽

寂寞相從恰四年不曾談著祖師禪杖藜七十二峯
去點破蒲湘水底天

化夏供

興化年來徹骨貧口生白醃面生塵不知那个無思
算來飽無心閑道人

贈月蓬相士

月蓬岩下電相心不相面。劒關不露鋒向甚處相見。

小師慧清遊山

行脚不遇人不如屋裏坐。那事本現成何須外邊討。
東行西行。驚忽築著脚指頭。定笑立沙錯認橋皮喚作火。

題瑞雲峯

山行百折路重重。到頂回頭眼界空。但覺衲衣冰樣冷。不知身在瑞雲峰。

題幽林寺

幽林卓錫地。香火續深禪。但見樹迷戶。不知頭頂天。
雲開青嶂崢嶸。瀑濺雪珠懸。一脉來何處。曹溪萬丈淵。

謝東禪月湖以諸祖偈頌見示

家貧路富鼻遼天。各立門風辱祖先。爭似太平無事客。長伸兩脚放憨眠。

小佛事

佛遙忌拈香二

捏拳頭上作女人拜。老倒楊岐不勘自敗青龍今日。

一爐香一任時人話短長

有些臭氣沒些巴鼻。你不識我。我不識你。因甚今日。
腦門著地。迦毗香云。美不美。鄉中水。

爲開元毒海和尚秉炬

庚申八月是誰生。眼上眉毛八字橫。乙丑六月是誰。
滅鼻孔。遼天高突兀。機輪拽轉上頭看。毒海波瀾徹。
底乾。六月炎炎飛片雪。眞實道人行履別。這個是毒。
海和尚。末後所供口歎。怡山一一爲花鑿了也。且道。
如何是移身換步轉位回機底。一句以火把打圓相。
云。閃電光中轉法輪。正法眼藏隨瞎滅。

德善淨頭下火

衲僧臭氣苦無多。炙地熏天誰敢觸。盡情併蕩急翻身。
六六不成三十六。正與麼時。不思善。不思惡。如何。
是德善淨頭父母未生已前本來面目。當下火把云。
照顧火燭。

徹侍者入塔

火後壘甬目前包裹。若非徹證根源。要且覷它不破。
覷得破。多子塔前迷達磨。

悟藏主火

迷悟兩忘。藥病俱遣。八面玲瓏。不礙自轉。面門拶著。火星飛。下火炬。腦後依前欠一樞。

和上座火

了事禪和。只消一箇掀翻。本地風光。生死罕關。抹過。纔與麼便。不與麼。昨夜三更失却牛。天明起來失却火。


小師慧燈火。籠蓋果木

四十有九年。所成者何事。能回寒谷。春會接無根樹。計窮力盡。忽抽頭。失腳踏。翻生死路。有佛處。急走無佛處。莫住。火把云。老僧末後。踏汝這一段光明。是謂大夜之明燈。昏衢之慧炬。

劔關和尚語錄終

絕岸可湘禪師語錄

宋
•
妙 絕岸可湘
恩
等 撰
編



絕岸和尚語錄

目次

嘉興府流虹興聖禪寺語錄

温州鴈山能仁禪寺語錄

越州九巖慧雲禪寺語錄

天台護國廣恩禪寺語錄

臨安府崇恩演福禪寺語錄

温州江心龍翔興慶禪寺語錄

福州雪峰崇聖禪寺語錄

再住雪峰崇聖禪寺語錄

拈古 頌古 法語

頌 小佛事 跋

絕岸和尚初住嘉興府流虹興聖禪寺語錄

住泉州開元禪寺嗣法門人 妙恩 等編

師於寶祐元年癸丑十月二十八日在上栢實聖寺
受請入院指三門云祖翁闢域撲地掀天親切一回
打透不妨垂手入廊

●等語用
開法乳之恩

據室以竹篋橫案云摩竭陀國親行此令從上以來
孰敢違命靈禪床便起

陞座拈香祝

聖罷次拈香云文武火中拈得真實獨存天星湖上
揭開臭氣難掩奉爲

前住徑山佛鑑禪師無準大尙□□□□□□□□

跌坐闕答乃云對百萬衆拈□□□□□□□□

年面壁與賊過梯所以奇特因緣還遇奇特人激發

殊勝大事須向殊勝處舉揚一句當機直得鐘聲鼓

聲板聲魚聲驚天震動千車合轍不論有學無學義

學立學把手同歸疏秀水之末流接曹溪之餘瀝便

與麼去免得新興聖更學一釋迦二元和三佛陀阿

呵阿團樂且唱太平歌

上堂文殊普賢廣談理事德山臨濟單行棒喝諸人

還知興聖用處麼擲下主丈云雖是死蛇解弄也活

上堂獨目未嘗無臨機道什麼錢是足陌物是定價

坐破七箇蒲團卷簾方見天下千里追風非駭馬

上堂黃鸝打臨濟義出豐年興化趕克賓蝦爲子屈

其功蓋代。只要重論一火鑄成金彈子。棒頭敲出玉麒麟。

上堂拈主丈召衆云。德山以此撒火飛星。趙州以此登山打狗。與聖以此撐門拄戶。衲僧以此渡水穿雲。若喚作主丈子。入地獄如箭射。卓主丈下座。

上堂淨保保赤洒洒。娉娉柳底花間。依約風前月下。拍床一下云。僧繇妙筆難描畫。

二月初十遊山歸上堂。舉長沙一日遊山歸至門前。首座問云。和尚什麼處去來。沙云。遊山來。座云。到什麼處來。沙云。始隨芳草去。又逐落花回。座云。大似春意。沙云。也勝秋露滴芙蓉。頌云。□□□理機梭偏向園林織綺羅。唯有黃鸝知此意。纔方偷眼又春過。上堂舉瀉山與仰山摘茶次。瀉云。終日只聞子聲。不見子形。仰乃撼茶樹。瀉云。只得其用。不得其體。仰云。和尚又如何。瀉良久。仰云。和尚只得其體。不得其用。瀉云。放汝三十棒。拈云。風不來樹不動。瀉仰父子互呈體。用三十烏藤話已行。萬牛回首丘山重。結夏小參。以主丈卓一下云。通身無影像。遍界絕遮。

◆□□□□
歸去不知再

攔裂破古今。見成標致。剛被釋迦老子曲設多門。長夏九十日中。逼得雄鷄生卵。可謂無影像重生。影像絕遮。攔再立遮。攔既曰。以圓覺爲伽藍。何處非安居之地。視塵勞皆自己。那些爲可護之生。是知清淨本然。染因名相。縱橫無礙。泥在修持。衲僧門下言之。總不消得。既然我輩喫佛針。著佛衣。不可全說佛非遽革。佛制與聖將錯。就錯也者。箇話端而今諸人行。但行莫踏古皇道。住但住莫守異草青。坐但坐莫靠黑山。邊臥但臥莫著淨地上。何故。長安雖樂。不是久居。復舉洞山夜參不點燈。有僧問話。退山令侍者點燈。喚適來問話僧出來。僧近前。山令取三兩粉與之。其僧拂袖而退。因有省僧遂罄衣資設齋。三年後却來辭洞山。山云。善爲時。雪峰侍立。次問云。只如者僧去後幾時。却來山云。他只知一□□□□來。其僧歸衣單下。化去。及來報山。山云。猶較老僧三生。在拈云。洞山與者僧絲來線去。綿密可觀。泊被雪峰一拶。針鋒驚露。只如衣單下化去。因什麼。猶較老僧三生。在還會麼。蝦爲子屈。

靈隱前堂寮結夏秉拂退與聖歸

提綱靈隱前天竺後平如鏡面險如崖衣單下鏤頭
邊捏不成團壁不破堪笑惠理三藏見處誦訛剛指
面前一峰來自靈鷲所謂蓋田射石虎誤殺李將軍
殊不知世界未彰峭巍巍而獨露烟雲雖變青黯黯
以常凝三期克證無越於斯九夏安居全憑者箇以
拂畫一畫云且嗅土知機一句作麼生道風勁龍從
泓底作月高猿出洞門吟

夜來方丈舉琅琊和尚示衆云汝等諸人來我者裡
過夏與你點出五般病公案拈云琅琊老人慈悲之
甚於四百四病中爲人點出五般病可謂瞑眩之藥
雖然如是檢點將來設若五病頓除其奈藥忌未忘
去却藥忌道將一句來喝一喝師拈云點出病源琅
琊不妨親切去却藥忌堂頭徹底老婆爭奈良醫之
門病者愈甚就中有可調理底不妨進者一九以拂
敲床角一下云忌口忌口

温州鴈山能仁禪寺語錄

嗣法門人 正從 妙恩 等編

○口正

入三門示衆云未舉念周遊華藏未下足超越毗盧
若道一法在門外笑倒文殊
佛殿撥塵見佛佛亦是塵山僧脚布作炊巾眼不見
爲淨

陞座祝 聖罷問答不錄乃云法無定相擬之卽差道不

遠人突出難辨宛似雲開鴈宕奇巒恠石星布基分
亦猶瀑瀉龍湫白日青天雷轟雨驟往往點而不到
護聽口耳相傳到而不點尤多只作目前境會不作
境會即可商量千聖頭邊開口眼一莖草上現瓊樓
謝兩班上堂薄福住常雲生涯只任眞憐龍懸露柱
北斗對南辰法法皆依位機機合見人大家齊努力
扶起破沙盆

上堂悉達出頭來賣弄醜舉止雲門打不殺德山呵
不起曉間園裡聽鶯啼昔日毗嵐今宛爾以主丈卓
一下云於斯薦得同證如來淨法身其或未然空費
蕩湫一杓水

結夏小參生佛未分迥絕去來之相形名纔兆遂與
解結之端立箇圓覺伽藍破甌算道箇平等性智盤

脫丘盡底將來撥撒了。也正好九十日內。二六時中。畫斷鴈山雲。飽翫龍湫月。然雖與麼。更要問你。常雲峰與載仁峰。開額是第幾機。自代云。落七落八。

謝都寺幹結夏齋。上堂。秋寺雖然冷落。更點且不失時。但看前日結制事。事頗合常規。眉毛長短則未問。以手握拳云。如許大饅頭。一人喫得幾枚。良久云。無人知此意。令我憶楊岐。

解夏小參。一言道盡。硬似蠟人冰。一著當機。軟如鐵彈子。渾崙無縫罅。恍惚絕名模。三賢十聖罔達此宗。東土西天孰明斯旨。縱使深深克證了。了常知觀體全。真是箇什麼。以主丈卓一下云。共汝問酬都不會相逢。只解那斯祈。

復舉僧問雲門。樹彫葉落時。如何。門云。體露金風。拈云。雲門老子三句。可辨一簇遼空。眨上眉毛。早已蹉過。能仁以的破的。諸人急著眼看。以主丈卓一下云。中。

分債上堂。三漏鼓罷。簇簇上來。踏步進前。案債相似。若論索債。近日張提轄李路分。空倉竭廩了。也有甚

屎窖到你邊。不必窮斯煎餓斯炒。但聽主丈子。將無作有。別行標撥。卓一下云。鼠牙地。穀粒粒如珍。打尖量不盡。只要兩平分。連卓兩下。

十月半上堂。幽壑鼓寒濤。霜林木葉飄。普通年遠事。歷歷在今朝。參。

冬至小參。全提半提。空中釘橛。橫說豎說。石上栽花。豎起主丈云。卽此天柱一峰。至竟無人道著。若道得著。便見水河發焰。鐵樹開花。脫或不然。轉作展旗峰。與大衆觀看。以主丈橫按云。還見麼。天地以此覆載。日月以此運行。佛祖以此出興。衲僧以此消長。卓一下云。剗更用剪刀。峯剪斷了也。卽今休去。便休去。欲覓了時。無了時。

復舉洞山冬節夜。請太首座喫菓子。次乃問。有一物上挂天下挂。地黑似漆。常在動用中。動用中收不得。你道過在什麼處。太云。過在動用中。山便喝令掇退菓子。卓拈云。黑似漆。底鐵菓一枚。老不識差。恣意賣弄。若使太首座牙牀快利。何處更有洞山。

冬至上堂。初三十一中。九下七。今朝總入書雲筆。以

拂書空云大書特書兼屢書祖師兩眼黑如漆喝一喝

聖節上堂。臘月五無別語。握起須彌。隨打動虛空鼓。五日風十日雨。聖人作而萬物覩。

謝元藏主上堂。一大藏教了。無關鑰。奇峰峩峩。幽石落落。撥轉機輪。話已行到底。不留元字脚。

元宵上堂。謝道舊。應都寺。每怜紙撚盪。無油將底光。輝古蕩。湫今日元宵時節。至也。還水上掛燈毬。以拂擊左邊云。箇裡點著。同聲相應。以拂擊右邊云。者邊領去。同氣相求。一莖草上現瓊樓。

佛涅槃上堂。胸摩已字。弄假像真。槲示双趺。弄真像假。柳垂金線。舞春風。演說涅槃。猶未罷。卓主丈下座。

越州九巖惠雲禪寺語錄

嗣法門人 正從 妙恩 等編

入三門示衆云。門外門內一時分付。若是俊流。何必重舉。

佛殿老瞿曇。沒碑記。占慈氏機。先埋通天界。至雖然也。須還我坐具地。

提綱鳴。唧唧。賣弄小兒。窮伎倆。有麼有麼。拖條斷貫。逞風流。盡情裂下。不守故常。索手出來。別成活計。主則始終主。賓則始終賓。咬定牙關。八風難撼。是以得無住本。用不停機。入佛入魔。入大入小。鬼角丈頭。開舜日。龜毛拂上湧。曹源卓主丈一下。喝一喝。

復舉藥山。久不上堂。院主白云。大眾久思。示誨山云。打鐘著。大眾集定。山下座。歸方丈。院主隨後問云。和尚許爲大眾說法。因甚一言不措。云云。拈云。院主只求黃葉藥山。硬捏黃金。一隊親到寶山。剗地空手回去。當時事且止。卽今作麼生。又莫教新惠雲。重重狼藉好。

當晚小參。九仞巖前。風吹石臼。三家村裡。牛動尾巴。居常十箇有五。双似泗州人。見大聖。謾道。缺齒胡深埋。熊耳黃頭老活。陷雪山。殊不知當處湛然。隨機建立。從朝至夜。對汝小參。全彰鸞嶺。真規。漏綻少林。妙訣。有般漢。聞得便笑。新長老弗解。上山斫棒。祇來傍港。撐船。是則是不諱。汝道。忽若毗嵐捲地。洪浪拍天。又向甚處搏量。以手拍禪床云。放過一著。

復舉德山不答話公案。拈云。僧是新羅人也。恠伊不得。德山威震雷霆。爭奈令行一半者。一半却聽新惠雲。與他了却。卓主丈下座。

上堂。佛祖眼睛。納僧命脉。觸境遇緣。單重交拆。卓主丈云。挑花紅李花白。

結夏上堂。拶透大圓覺。平地沉山岳。顰笑刻舟人。無繩徒自縛。

解夏上堂。橫按主丈云。四月十五結也。如是七月十五解也。如是此土西天皆同一致。召衆云。莫看漁翁把釣竿。會須識取鉤頭意。

上堂。冬節前後。砂飛石走。忽憶瀉山兩鳳毛。進前退後。揚家醜。畢竟九巖作麼生。面南看北斗。

臘八上堂。釋迦老子於臘月八夜。星明月晝之時。換得黑漆漆地。眼珠兩顆。從上以來。更相拈掇。莫知重輕。試聽九巖將定盤等。一等看以拂子作秤勢。見得了也。左邊擊床云。左眼半斤。右擊云。右眼八兩。

上堂。舉僧問曹山。雪覆千山爲什麼。孤峯不白山云。須知有異中異。頌云。言中彼此帶幽玄。盡向言中辨。

正偏孤負一條官驛路。茫茫沉在月明前。

謝玉侍者相訪上堂。舉德山因廓侍者問諸聖公案。拈云。者箇公案。切忌作得失是非論量。正是猛虎出林。引子蹉跳。恁麼批判。惟證乃知。脫或未然。客路如天遠。

上堂。中秋令節。陞堂指月。卓主丈云。眨得眼來。楚天空闊。

開爐上堂。舉南泉與杉山向火。次乃云。不用指東畫西。本分事直下道將來。杉山以火筴插向爐內。泉云。直饒如是。猶較王老师一線道。如前問趙州。州遂打圓相。中心下一點。泉云。直饒如是。猶較王老师一線道。拈云。挑灰撥火。不無三大老兒。若論本分事。說什麼。猶較一線道。直是未在。

結夏小參。十方同聚。曾睹驪趺。大隊箇箇學無爲。眉上更安眉。此是選佛場。屎窖立封疆。心空及第歸。擬鈍者還稀。龐公頂枚烏紗帽。子自謂十分氣。槩被惠雲捋下。無地掩羞。非是抑他。威光滅他。聲價比論曹溪路上。烏得有此俗談。須知山河大地是沙門自。

已光盡十方世界。是沙門一隻眼。無爲作麼生學佛。又作麼生選纔涉思。惟百裂了也。說甚心空。及第九夏安居。不與麼時如何。拍禪床云。放下便了。

上堂。德山棒。臨濟喝。喚作衲僧巴鼻。妄生芽蘗。不喚作衲僧巴鼻。臨河叫渴。去此二途。如何道得一句。與古人相見。拍床云。仲夏極熱。

九月旦上堂。參玄衲子。應舉書生。陌路相逢。較量勳業。一人道我於七尺單前。著力。一人道我已十年廳下。加工。加工者何。乃曰選官。著力者何。乃曰選佛。閉門造車。雖異出門。合轍。一同惠雲。未能詰問。應舉書生。且要勘辨。參玄衲子。因達磨大師是你主文。出甚題目。莫有祇對得底麼。喝云。早已批白。

臘八上堂。黃面老初成道。誇詫一場。相鼓倒雪嶺。我義雪未消。星河湛湛。星猶皎。諸人冷地眼開時。莫似貧兒拾得寶。

上堂。一年十二月過了無多日。乃事竟如何。茫然黑似漆。休休。休空悠悠。前許多時何處去。大寒然後索衣裘。

佛涅槃上堂。岸柳駸駸綠。巖花漸漸紅。摩胸一段義舒卷。在春風。分明點與諸人了。切忌朦朧在夢中。上堂。古者道說法不應機。盡是非時語。所以應下機人。宜說世間法。應中機人。宜說出世間法。應上機人。宜說世出世間上上法。其或一法互應。三法投空。爲師爲徒。俱不能了。今日且聽惠雲看孔著楔。拍禪床云。練成白雪。桑重綠。割盡黃雲。稻正青。參。

請監取上堂。道道非常。道踏不嗔。闊浩浩。莫管自家知不知。但看大熟秋成早。拍床云。今日無端入荒草。履畝上堂。祖翁活業無減。無增。縱不挨究。亦自分明。拈主丈卓云。古田蓄水。重重綠。野燒迎春。漸漸青。上堂。如來禪。與祖師心。不在靈山。及少林。日轉柳陰。蓮沼靜。亂蟬鳴。咽衆蛙。噲。

喫抽粉上堂。幾次淘澄。半生熬煉。直教氣息全無。脫體精明。自現。纔細短長。突出難辨。以拂打圓。相不是心。不是佛。不是物。是什麼。分曉一團銀繡線。

天台護國廣恩禪寺語錄

嗣法門人 自永 妙恩 等編

據方丈咬定牙關。金提殺活剗文殊。經援維摩舌。更有一機不說不說。

拈山門。疏多處添少處。滅家常用度。文不加點。

謝東巖知府。龍訪上堂。量外機奇特。事恒赫富陽。拈主文卓一下云。只這便是裴相國印妙心。於黃檗無越於斯。老松隱授顯訣於此庵。亦由是矣。如燈分照。如水傳器。東山西嶺。孕翠流芳。萬壑千巖。瞻奇仰秀。心傳有自家法。森嚴盡戟門。開見墜仙。

元宵上堂。乾紙燃燭。燈盞茫茫。蹉過人何限。以拂手打圓相云。當頭點出許誰看。三世如來同箇眼。

上堂。舉黃檗示衆云。汝等諸人。盡是唾酒糟漢。與麼行脚。何處有今日。還知大唐國裡。無禪師麼。時有一僧出云。只如諸方。臣徒領衆。又作麼生。檗云。不道無禪。只是無師。拈云。黃檗老漢。眼空四海。氣槩諸方。其奈鼻孔落在者僧手裡。

結夏小參。我宗無語句。亦無一法與人。屏列三峯門。開八字。可能直截。何待克期。分賓立主。劒去刻舟。簇簇上來。討甚麼碗。驚然有箇漢出來。掀倒禪床。喝散。

大衆又且如何。阿呵呵。般動。猷佛不假香多。

上堂。心不是佛。智不是道。唯此一事。如何尋討。赤水得之。非珍崑崙。拾來非寶。寒山子言了。了解道。微風吹幽松。近聽聲愈好。

解夏小參。德山小參。不管話。舌上帶干。將洞山夜參不點燈。塚根埋暗箭。三峯門戶。只據尋常。夜即點燈。問即答話。抽身歸衆。去三兩粉。且待別時。拚命跨舷。來半計棒。未容輕付。要津坐斷。別是乾坤。布袋頭開。斬新日月。正與麼時。畢竟如何。體解碧落。競將蒿箭。射須彌。誰把藕絲牽。

復舉翠岩夏末示衆云。一夏爲兄弟。東語西話。看翠岩眉毛。在麼。保福云。作賊人心虛。長慶云。生也。雲門云。關拈云。翠岩老漢。忒煞慈悲。非但落盡眉毛。亦乃和鼻孔。夫却三大老。輪息。鯨補刺之手。貴作全人。不可復也。拍床便起。

佛涅槃上堂。黃面老漢。至死脫空。分明病背。特故摩胸。當日無人。知此意。年年花鳥。訴春風。結夏上堂。以主丈畫一畫云。諸人向者。裡瞥去。只是。

九十日爲一夏。更無如之若何。脫或顧杼停機。寧免將布袋口一結。設使討得路見。轉得身來。終有幾場熱在。

八月旦上堂。南來北來上載下。載趙州老兒法久成。弊三峯建箇門庭。提起主丈云。除此別無體。制任是宿覺經過也。只一樣看待。分什麼南贍部。湖北警單。越西瞿耶。尼東弗于逮卓主丈云。嶮。

上堂舉睦州和尚示衆云。你等諸人未得箇人頭處。須得箇人頭處。若得箇人頭處。不得辜負老僧木庵和尚道。若得箇人頭處。颺下箇人頭處。始得三峰不然。若得箇人頭處。須再去見人。召衆云。一人斫山通。道一人過水斷橋。一人矢上加尖。註脚了也。巡堂喫茶。

臨安府崇恩演福禪寺語錄

嗣法門人 自承 妙恩 等編

據方丈拈主丈云。古佛以慈悲爲室。山僧以怒罵爲室。且要活捉生蛇。逼教角出。卓主丈便起。

勅黃開天門。闢地戶。震法雷。擊法鼓。作什麼。乃云明。

宣號令

省割割住智老。頰舌割出達磨骨。髓呈割云。見麼。長劍倚天。寒光燄燄。

指法座。身不離座。座不離身。須彌燈王。又是何人喝。一喝。老來擡脚重千斤。

提綱拈主丈云。列三乘分五教。落井攀欄離四句。絕百非。關空鎖夢。以主丈畫一畫云。盡底列下了也。釋迦已去。彌勒未來。正當今日。大宋比丘某向長安城畔。龍床角頭開拓。封疆行摩竭令。應是天台普請南岳遊山。舞筭擎叉。毘毘打鼓者。一隊漢盡來伏聽處。分助揚正化。只如恩崇山岳。福演洪源。一句如何話。會撥轉上頭關。捩子却來把手御街行。

復舉裴相國入大安寺看壁間畫。高僧像指問僧云。眞儀可觀。高僧何在其僧無對。遂召黃檗理前問。檗朗聲曰。裴休公應諾。檗曰。在甚麼處。公當下開悟。拈云。展活國手。平章少室門庭。用陷虎機。揭出仲尼日月。固則一時。歆艷殊塗。同歸檢點。將來猶欠回互一著。在卓主丈云。天高群象正。海闊百川潮。

當晚小參。世尊拈花落。迦葉達磨分髓。污染神光。諸大老雖異目超宗。上流下接。較之無師。自悟底天。地相遠。所以向上一機。諸聖不授。擬心動念。匪隔卽差。未知迦葉神光。所明何事。便乃吟吟微笑。默默投機。於斯見徹宗猷。猶是倚門傍戶。要得南山起雲。北山下雨。須識大虫元是虎。

次日公主祠堂上堂。大圓無內銷鑠。群昏妙應。無方虛含。萬象出沒於寶明。空海遨遊於十二玉樓。一名無邊身。又曰密嚴國捨生。誕生。以此受用。惟佛與佛。乃能知之。知底事。絕疑猜。是處是慈氏。無門無善財。上堂。二月春將半。夭桃盛放。花靈雲歸。去後香艷落。誰家只如道。直至如今。更不疑。不疑箇什麼。遇飯喫飯。遇茶喫茶。

三月旦。謝般若栢堂和尚。至上堂。春日遲遲。春花爛爛。般若靈光。顯然無間。豈拂子云。見麼。敲床云。捏不散。聚兮撥不散。結制上堂。一徑直。二周遮。不循舊制。別立生涯。藕絲數裡。翻筋斗。麥浪堆中。釣得蝦。

上堂。日月如梭。光陰似箭。目前一機。萬化千變。甚處見得。以主丈卓云。西風一陣來。落葉兩三片。蟻隱退。耕和尚遺書至上堂。凌霄隊裡。昔曾合火。分賊小朵峰前。善賈不停死貨。橫身那畔。鵲眼迷蹤。歸根深得。旨落葉舞西風。

遠磨忌上堂。一脚踏西天。隻履駐東土。缺齒老臊胡。自來行闊步。兒孫遍地覓蹤。由長憶年年十月五。豎起主丈云。還見祖師麼。卓主丈云。噫。噫。兮。塞雁鳴雲。凜凜兮。霜風襲戶。

歸新僧堂。謝平章國公上堂也。大差也大差。天台華頂秀直下。是直下。是南嶽石橋高。張佛祖之不傳。撐乾坤而獨露。拈主丈左邊卓云。者邊會得。如日麗天。右邊卓云。箇裡明來。猶水赴壑。以此剷除一切。以此成就二嚴。以此安帖三邊。以此平章百姓。分珍羞於香積。剗妙喜於針鋒。大用現前。功歸何所。千歲鶴翹松月。冷半閑人對竹。聰明。

上堂。鳴鼓了也。燒香了也。諸人合下便見。是大寒節候。又待老僧掉三寸舌。豈非雪上加霜。

謝寮元并道舊上堂旃檀藥林旃檀圍繞荊棘藥林
荊棘圍繞荊棘藥林旃檀圍繞旃檀藥林荊棘圍繞
透者四重關了許伊作箇本分衲僧且道甚人透得
無面目黑皴皴衝開華頂月踏破石橋雲卓主丈
謝石坡和尚相訪上堂吳山青越山青揖讓分賓主
低昂見弟兄中間一句風靜潮平滿堂皆顧陸捉筆
畫難成

新承天一如和尚至上堂拈主丈云灌頂雲收幾眉
月畫父翁一片肝腸宛如生鐵鑄就弟應兄呼全機
漏逗且道漏逗箇什麼蘇州菱邵伯藕卓主丈

上堂春山疊亂青春水湛虛碧豁開樓閣門分身千
百億一念差雲霧善財無路尋知識

佛生日上堂撞出娘胎海嶽昏指天指地若無人年
年傾盡西湖水難洗瞿曇滿面塵

上堂不是心亦非佛玉兔東昇金烏西沒循環不暫
停究竟知何物那箇男兒腕力强一槌擊碎精靈窟
卓主丈一下

臘八上堂雪山高幾何疊疊在天表咄哉竺土仙六

年登不到登得到絕之邊背手摘南辰下視衆峰小
謝泉州承天木禪和尚并法石上堂拈主丈卓一下
云石說法又卓云不談禪句句皆含妙明明不在言
難將耳聽只貴心傳此外別求玄路入洛陽橋上望
長安

佛誕日上堂瞿曇出母胎膽志大如斗方學小兒行
便作獅子吼水在湖杓在手乘時蕩向無何有也勝
雲門老古錐藥囊空掉喪車後

結夏小參拈主丈云衲僧性命宗社紀綱把定放行
總由者裡橫按主丈云若論把定青山不敢青白雲
不敢白如將布袋一結聖凡喘氣無門卓主丈云若
論放行洞深鳴水樂湖淨疊荷錢是皆圓覺伽藍儘
可安居受用只如不把定不放行一句又作麼生靠
主丈云唯有子規知此意聲聲啼破月三更

復舉黃檗問百丈從上宗乘如何指示丈據坐檗云
後代兒孫如何傳授丈云我將謂汝是箇人便歸方
丈拈云黃檗踏步進前不辭落節雄峰愛忘其醜肯
顧傍觀雖然隨卽彌縫必竟難瞞衆眼何以見得師

子教兒迷子訣擬前跳擲早番身

謝知事維那開長生庫上堂楊岐家法森嚴人無異議興化棒頭峻硬禍不單行假二老之梯階開一乘之庫藏卓主丈云梅雨過竹風涼湖光淡蕩菱荷香咄狼藉不少

八月旦謝書記殿主上堂東去西去南來北來銅頭鐵額馬面驢腮毫端上打踣跳燈影裡舞三臺演福且搭箇樣子要得好親見一回卓主丈云睡眠朦朧壁不開

九月旦上堂袈子奔相看相看莫相負飲水須賁脉入門富弁主問訊時揖茶處總爲諸人開活路若是謝三郎揚眉便歸去卓主丈

謝法眷前仰山愚極和尚至上堂舉仰山問双峯云師弟近日見處如何公案拈云參師莫若參友輸他仰山双峰只不合立知見分能所今日仰山師兄若問演福見處直得無言可對無理可伸雖然亦未免疑殺天下人

元宵上堂召大衆云東家點燈西家暗坐一樣元宵

生涯各做暗坐底默默提撕點燈者明明照破照得破是什麼拈主丈卓一下云海壇馬子似驢大

溫州江心龍翔興慶禪寺語錄

嗣法門人 守靜 妙恩 等編

據方丈云了了無言薰胸一拳蜃江水急不許泊船拈省割云大化樞機中流砥柱歸吾掌握當見設施薰值狂瀾時如何乃云割

提綱法隨法行法幢隨處建立昨居演福祇知山中法門水樂喧闐風篁迭奏空谷答金鐘之韻疎林度樵子之歌今到龍翔又見江上境界波光蕩漾烟棹交橫譙樓傳畫角之聲風順近漁人之唱雖則溪山各異畢竟雲月是同心佛與衆生是三無差別正與麼時引得了菩薩出來道三千年黃河一度清
當晚小參隔江招手只可撈蝦蟇棹呈撓不中誤狗縱有賭懷香餌垂萬里鉤瞥過重溟布漫天網爭奈設心圖大撞著水寒夜靜月明滿船空載所以山僧到此一波未動片甲纖鱗聽其自若何故深水取魚長信命不曾將酒祭江神

復舉趙州晚參云今夜答話去也有解問者出來時有僧出作禮州云此來拋磚引玉只引得箇墜子拈云金將石試玉將火試人以語試者僧未曾開口便道是箇墜子何耶若不酬價爭辨真偽

次日高唐殿陞座云萬物爲己焉有自他四海爲家曷分邊表江月洞開金闕松風常闌玉音處處稱尊頭頭顯妙聖量泯除超佛國恩波流行福皇圖

結座追憶仙遊輦未還特輸忠赤舉風幡掣開玉殿黃金鎖最忌當頭觸聖顏

謝兩班上堂江上山山上寺門對斗城開東西分兩序總不得動著何故是法住法位世間相常住

端午上堂今朝五月五及時道一句無山可採藥有水堪競渡江心如許大龍舟聚棹梢郎同駕御彼岸不著此岸不居只箇中流住無所住機先奪得錦標歸石女木人爭起舞

謝報恩兜率奚翁東畊二法眷相訪上堂巾子峰頭雲開雲合龍翔江上潮落潮平師承底事的的分明風前不必兄呼弟見後毋勞弟應兄

上堂舉正覺逸和尚道憶得老僧年七歲時於村校書處得一法門超情離見絕妙絕玄若欲傳持宜當諦聽高厚畊種罷牽牘負薪歸深夜一爐火渾家身上衣諸禪德逢人不得錯舉師云老僧昨日因雪未免引古牽今憶得自家年三歲時亦在強裸中受一妙義拆妄窮元不空不有要明端的須假心聞春雪滿空來觸處似花開不知園裡樹那箇是真梅諸上座逢人但恁麼舉

涅槃上堂摩胸告展脚示有來由沒巴鼻佛滅二千年比丘少慚愧

愛雪峰請提綱建法幢立宗旨既承師訓合聽官差且宗旨法幢作麼生建立行船同一命方屯飛虎於江心打鼓召三軍又布長蛇於雪嶺海宇頓清猶帶甲心王親觀始休兵

福州雪峰崇聖禪寺語錄

嗣法門人 慈證 妙恩 等編

指三門云無門之門須得門而入無意之意須得意而通彈指云會麼一扇西兮一扇東

佛殿燒香云舉手拈香低頭作禮我爲法王於法自在

據室拈主丈云頭鈍以此銷路偏小以此彈擊直中曲曲中直老盧不會達磨不識

拈省割云一割當頭無咽喘氣大鈞播物易地生春佛祖都來聽處分

提綱落賺鰲山贏得話行千古單提鰲鼻莫知傷中幾人而今屬我權衡且要撲伊種類揀開眼底拖拽數條一條輓動蘆花通身紅爛一條震驚帝釋滿面慚惶一條穿七箇蒲團橫屍當路一條入九重城裡轉尾作頭更有一條突出難弁再三飄覆看元是萬年藤卓主丈一下

復舉裴相國見石霜霜奪相國笏問云在天子手中爲主在官人手中爲笏在山僧手中喚作什麼相國無語乃爲留下拈云爲主爲笏強立名模相國知機未肯人前輕漏泄石霜逞俊得便宜是落便宜當晚小參日月輪邊挨肩插足魚龍穴下錯節盤根固知屈辱宗風正定難逃造化觀上六花峯頂撐開

千聖妙門論相見時早遲入刻不見道望州亭與汝相見了也烏石嶺與汝相見了也僧堂前與汝相見了也雖然豈知新長老未渡飛鸞與諸人相見久矣畢竟以何爲據不見道千里未是遠

復舉三聖問真覺祖師云透網金鱗以何爲食祖師云待汝出網來却向汝道三聖云一千五百衆皆知識話頭也不識覺云老僧住持事繁拈云微三聖聲頭莫禁鰲蛇之口微祖師海量爭容透網之鱗道箇住持事繁可煞慣得其便

除夜小參田園穩密運足焉知路危游戲神通掉頭不顧屋漏返到年窮歲盡總皆手亂脚忙會須明自己而了目前還是了目前而明自己得體得用似車有輪全主全賓如鳥有翼卓主丈云青霄直透無留礙大道橫推盡自由

復舉藥山和尚夜參云我有一句子待特牛生兒却向你道時有僧出云特牛生兒也只是和尚不道山喚侍者點燈來其僧便抽身入衆拈云藥山近夜潑墨者僧露影藏形檢點將來二俱不了何故只有照

壁月且無吹葉風

上堂語是謗嘿。是誑語嘿。向上一機。佛祖聞而膽喪。曾郎輓三箇木毬。德山揮一條白棒。盡是弄精魂。呈影像。何似脚指築著。挨門拶著。卷簾見著。堪作衲僧榜樣。擊拂云。一聲鶴唳千峰上。

元宵有雨。謝天童環溪和尚上堂拈拄丈云。太白峰頭月寒泉。水底燈清光分上下。千里恰同明。同明且止。畢竟燈因誰燄。月自何昇。卓拄丈云。一點不來翻夜雨。難護迦葉老師兄。

謝衆寮修造并開田上堂拈拄丈云。烟樹新開曉月掛簷。嘶木馬嶺雲畊罷。春風吹雨吼泥牛。聲前領會無差。共樂法喜禪悅。卓拄丈打刀須是邠州鐵。

上堂今朝三月十五。眨眼又見春暮尺璧難酬寸陰白。日豈宜虛度。可憐杜宇一聲聲啼得血流無用處。佛鑑忌拈香云。仰天灣下。喝石嶺頭。昔年落賺覆水難收。當堂稱父子。背面是冤仇。影也不願再見。豈料界隨相逐。同到福州。莫莫休休。休休。麝香強撮土說破不爲譬。

結夏小參。以圓覺爲伽藍。頭上著枷。脚下著杻。認虛空作正體。東西不辨。南北不分。歷百二十日之長期。融過現未來於一念。猶是困魚止瀨。鈍鳥棲蘆。直饒跨得雪峰門。升得雪峰堂。入得雪峰室。見得雪峰人。向道未在此。乃云。莫謂此中山勢險。前頭更有最高峰。復舉當山真覺祖師道盡大地撮來。如粟粒米大。拋向面前。漆桶不會打鼓。普請看拈云。看則不無。還知雪峰立脚處麼。如定當得出。鸞鼻口裡正好安居。脫或未。然一任東卜西卜。

上堂十方國土中。惟有一乘法。如何是一乘法。梅雨過。菱荷香。薰風殿閣生微涼。會麼。下座。巡堂喫茶。上堂平明始立秋。冷已到山頭。談風說露。吟蛩蟬嘯。急詠砌吟牆。吟蟋蟀聲。浮不作佛法商量。不作時景話。會舉手云。觀世音菩薩。將錢買胡餅。放下手却是生鐵一塊。

上堂九日正當期。登高報衆知。黃花到處有。豈獨在東籬。難逢美景。採出一枝豎拂云。見麼。觸目無人明。此意何妨自插滿頭歸便下座。

冬夜小參拈主丈云。烏石嶺頭時時相見。三徑堂下。歷歷播揚。格外談冬來事。吉凶卦兆。盡現已躬。多不添一絲少不減一線。只爲元無智眼。淪入邪途。隨暑運以推移。共陰陽而消長。莫有挨開天地。捏定陰陽底麼。橫主丈云。一冬二冬。叉手當胸。

復舉定山和尚見首座洗衣。次山問作什麼。首座提起衣。山云。洗底是什麼。衣座云。福州使鐵錢。定山喚維那。移下挂搭。拈云。雪峰從來扶弱不扶強。偏愛斷者。公案定山機鋒少。密平地起堆。首座浣濯自如。辱而不屈。

謝兩堂秉拂上堂。洞山首座喫菓子。開口落空亡。雪嶠兩堂吞栗蓬。分頭張意氣。衲僧家手是秤。眼是秤。輕也知重也。知半斤八兩毫髮無虧。雖然爭奈未明。三八九難辨。力因希擊拂下座。

正月城歸上堂。金烏飛玉兔。馳歸來重會。面動是隔年期。鼻頭垂下元如舊。三昧依前各不知。散經上堂。舉昔有婆子。請趙州轉藏州。遶禪床一匝。傳語云。轉藏已竟。婆云。比來請轉全藏。如何。只轉半。

藏拈云。趙州轉藏。動必全真。婆子開絨語。驚時聽從。前汗馬無人識。只要重論蓋代功。

十一月旦上堂。傍家覓佛。著相參禪。何異釣魚於山上。聽水於爐邊。三冬今去。一眨眼過。殘年翻思。少室庭前。雪惟有神光得正傳。

謝承天并法石上堂。迦葉倒刹竿。熱謾慶喜。玄沙乞主丈。鈍置雪峰。爭似我與承天。法石相會。不倒刹竿。不付主丈。一見各自西東。何故如此。恐貽知己。嚼盡在不言中。

西禪栢堂和尚至上堂。兩潮江頭。屢呈烟棹。大瀉堂上。又展泥盤。得處深用。處活中峰。直下兒孫。必覓出。場自別。別底事作麼。生卓主丈云。君子可八。

謝前堂豐山首座上堂。人天眼目。佛祖淵源。如合浦夜光。水澄即現。似豐山九耳。霜降即鳴。若論快便。逢由是未忘。所待莫有不因。光而自現。不因鳴而自聞。底麼。乃云。三生六十劫。

涅槃上堂。釋尊初出世時。將那一著。對天地指注了也。及至後來。收拾不上。却道始從鹿野苑。終至跋提。

河於是二中間未嘗談一字。瞞得阿誰。既曰我寧不說法。疾入於涅槃。又乃胸摩卍字。標示双趺熟睡。饒譚語。此等膏肓之疾。作麼生醫。若也醫得。便見桃紅李白。真體湛然。其或拱手相看過去久矣。

觀音生日。提綱洪鐘在簾。大扣大鳴。小扣小鳴。皓月當空。東來東照。西來西照。猶如菩薩入三摩地。現諸色身。慈眼視衆生。福聚海無量。拈主丈召衆云。者箇是主丈子。那箇是觀音。且聽雪峰因齋慶懺卓主丈云。風暖鳥聲碎。日高花影重。

復舉歸宗因僧問和尚。豈無方便。令學人得入。宗云。觀音妙智力。能救世間苦。僧云。如何是觀音妙智力。宗敲鼎蓋三下云。還聞麼。僧云。聞。宗云。我何不聞。僧無語。宗以杖趁之。頌云。三聲鼎蓋普門開。苦海勞生喚不回。九十春光今又半。空飛花片點莓苔。

三月旦上堂。清明前寒食。後處處掃松。家家插柳。祖意甚分明。茫然不知有三皇。塚上絕人遊。芳草連天獨。骸吼。

月望謝仰山。愚極和尚上堂。舉仰山因景通上座參。

山閉目坐。客至無茶點。蒿湯備禮儀。通曰。如是如是。西天二十八祖。亦如是。中華六祖。亦如是。和尚亦如是。景通亦如是。隨風倒拖語。訖向右边翹一足而立。弄假像真。仰山起來打四藤条。養子方知父慈。通因此自稱集雲峰下四藤条。天下大禪佛。蝦蟇跳上秤。未住時。曾到霍山。亦如是。言天下大禪佛。參霍山呼維那打鐘著。通便走平地。咬交頰云。集雲法令不徒施。越起丹山白鳳兒。昨夜已飛霄漢去。平明空撼碧梧枝。

上堂打牛。卽是打車。卽是一種無絃琴。彈落知音耳。委不委。曹娥讀夜碑。且較三十里。

結夏小參。心王寧六國。清百川。潮落四海浪。平其如。轆轤情塵。當遵古佛制。若也沉昏道。眼還待。騰人水。心王遼邈。孰觀其形。記得栢巖問洞山。觀察使姓什。麼不委他。姓名什麼不委他。名殆傳尊貴。語舉目隔神京。相留過夏。曲徇人情。往往都來欠一程。

端午上堂。召衆云。眼若不睡。諸夢自除。心若不異。萬法一如。佛也。無魔也。無今朝五月五。何用釘桃符。

六月一上堂拍禪牀云直下便覺炎天降雪當今蹉者一回前面煞有酷熱那堪鐵彈鐺未成臘人永不結屈指云且過六月七月八月更聽松風動夢次中秋上堂世事悠悠美景難留不可寢於長夜須來共賞中秋卓主丈云天宇淨桂花浮一片月生海幾家人上樓

重陽上堂重陽節何可說籬菊新開剪金霜柑微露團團月元亮攢眉回去見境生情闍王特地緘來弄巧成拙卓主丈處處登高看不徹

冬夜小參拈主丈召大眾云兩肩擔不起壓倒世間人觀體常現前知他是什麼縱使六陰塞戶無欠亦無餘假饒一氣轉鈞同明復同暗瞿曇廣說達磨直指詰其端由全沒巴鼻薦見陽生第一爻九九元來八十二卓主丈

冬節上堂一陽生飄瑞雪喚轉鰲山底時節鐵樹開瓊花烏龜變白鰲普賢眼裡重添屑

上堂空中一片雲起滅渾無定或要下筆書或要用釘釘拈主丈云竹杖拈來畫斷休免得年年爲話

納以主丈畫一畫下座

達磨忌拈香我此震旦人到底少意氣放伊過界來波濤起平地直指單傳有甚巴鼻提起香云神光因爲這些著了娘生隻臂且道是旃檀是驢屎等閑一嗅腦門開二十八代西天記

再住雪峰崇聖禪寺語錄

嗣法門人 宗永 妙恩 等編

據室召大眾云前時向者裡抽釘拔楔而今却要添釘著楔前時向者裡解粘去縛而今却要添繩加索雖然如是罕遇奇人

提綱夢邊寒牕方得投閑之計日臨西崦忽聞剝啄之聲正與麼時如何排遣把定固知不可放行那免週遮警下龍翔還登象骨所以法無定相遇緣卽宗大地撮來盡是諸人命脉三綫輓動再張舊日家風鰲鼻上橫身干戈中立脚若不如如此爭見昇平然則正令當行功歸何所卓主丈云天上有星皆拱北人間無水不朝東

舉朱行軍入南際寺齋僧口不住云直下是直下是

有濟上座便問直下。是是箇什麼。行軍便喝。濟云。行軍。幸是佛法中人。惡發作麼。行軍云。你作惡發會。那濟便偈行軍云。鈎在不疑之地。拈云。朱行軍。威掩萬衆。特露太阿。濟上座氣蓋諸方。不顧性命。選佛若無。如是眼宗風。爭得到于今。

當晚小參。挾復歸方丈。有衆攀条打鼓。令三軍無夢。說夢小參。答話不答話。爭逞英雄。出則爲人不爲人。冬護疆界。從頭按下。換水養魚。冰泮斷崖。翻調雲門之曲。梅開雪嶺。再回少室之春。句外明宗。何當辨的。卓主丈云。蕩蕩一條官驛路。寅昏曾不礙人行。

舉玄沙問雪峰。大用現前時。如何。雪峰以三毬一齊輓動。玄沙作斫牌勢。拈云。回天關。轉地軸。有是父。必有是子。絕岸素非好手。也要効顰。拍禪床云。不知誰是斫牌人。

元宵謝兩藏主上堂。拈主丈云。大藏小藏。盡從者裡流出。放去千燈萬燄。收來一月當天。只如不收不放。一句作麼。生判。斷卓主丈一下云。上元定是正月半。普請摘茶上堂。馮仰兩爺兒。採茶機對機。只知呈體。

用不覺露槍旗。正值風和日暖。何妨把手同歸。子規啼破已多時。

上堂。踞菩薩乘。修寂滅行者。上間挂搭出佛身。血破和合僧者。下間鋪單雷同過夏。且從出格安排。未可何故。蓋渠能修不能破。能破不能修。欲窮千里目。更上一層樓。

上堂。始見桃花李花。又見榴花藕花。金色頭陀已歸。雞足靈雲老子。杳隔天涯。安得風流出當家。

結夏小參。萬法是心光。和泥脫繫。諸緣惟性。曉認奴作郎。本無迷悟。人只要今日了迷悟。本無了箇什麼。螞人爲驗。分明待兔守株。鐵彈稱功。彷彿隔靴抓痒。舊來活計。等與平沉。但以九旬通爲一夏。路遠夜長。休把火大家吹滅。暗中行。

舉雪峰道。鉢籬邊坐。餓死海水裡。浸渴死玄沙云。鉢籬邊坐。餓死漢。海水裡浸渴死。漢雲門云。通身是鉢。通身是水。拈云。飢逢餓不食。渴見水不飲。爲伊無下口處。則且置。既是通身是鉢。通身是水。因甚也。渴死餓死。試定當看。

涅槃上堂。娑羅双樹間。瞿曇展脚睡。一睡二千年。而今醒也未醒了也。足觀瞻打圓相云。山花開似錦。澗水湛如藍。

眞覺忌拈香。象骨飛冰片。鰲山吃雪團。家風嚴冷甚。覲著骨毛寒。聲價騰今耀。古馨香炙地。薰天插香云。年年不斷一爐烟。

上堂見鞭影而行已非良。馬聽板聲打坐。豈是禪流。參須自參。悟須自悟。少林孤坐。接神光更無一句閑言語。

中夏上堂。光境易消磨。看看中夏。過長連床上客。本分事如何。以拂子擊繩床云。本分事沒回互。石梯侍者曾有言。某甲實是上堂去參。

上堂藥山久不上堂。石中蘊玉。院主率先啓請。眼裡無珠。味一已而且從誤。三軍尤可憫。大似鸛鵲鳥守空池。魚從脚下過。鸛鵲總不知。召大衆云。逢人但恁麼舉。

冬至上堂。舉爲山問。仰山仲冬嚴寒。年年事。晷運推移。事若何。仰山進前叉手而立。師云。脚下泥深。爲山

云。我情知你答這話不得。師云。欲隱彌露。香巖云。某甲偏答得這話。師云。節外生枝。爲山理前話。香巖亦進前叉手。師云。慰斗煎茶不同。鏡爲山云。賴遇寂子。不會。師云。未必心頭似口頭。復云。還知爲山落處麼。家無小使。不成君子。

城歸上堂。嗟末法惡時世。諭之向上。關略不點頭。說及龍華會。何曾抽探。但見需撒花索苗米。惱得頭曰。逼得面黃。留香一鉢。飯渾是皺眉。糧今歲上供銀未解。來年新底又催綱。拍禪床云。歸堂快合休。糧方除夜小參。夫爲參學。一箇箇得似大軍臨陣。將五陰魔六結財。一刀兩段。天平地平。其或今日明朝。進寸退尺。非特家財被擄。亦兼無處逃生。逗到年終。凍殺餓殺大衆。臘月三十日也。閻羅王勾我也。古人與麼道。正是自傷己。命打水魚。疼然而一藥千金。且作死馬醫。看以拂擊床云。路遠夜長。休把火。大家吹滅暗中行。

上堂舉玄沙上堂。衆集定。以主丈一時越下。向侍者道。我今日險入地獄。如箭侍者云。且喜和尚再復人。

身拈云黃檗樹頭求木。橫立沙枉費精神。釣魚船上助歌謠。侍者堪稱良佐。只如今日衆集。雪峰又且如何合掌云。珍重。便歸方丈。

上堂我宗無語句。實無一法與人。旱地鞭雷。我空手去空手歸。青天撒雨。周金剛與老曾。郎有是父。兮有是子。何故甜瓜徹蒂甜。苦瓠連根苦。

上堂舉南泉示衆賣身公案。拈云王老師行畜生行。賣弄赤窮。趙州面諸布衫。又是明年方做。既已無人。酬得價。只堪分付與圓頭。

結夏小參。盡大地是沙門。眼豎四橫。三通十方。皆自己。光通上徹。下克期取證。含元殿裡。猶問長安。握節上來。黃檗樹頭。討甚木。權放下。卽爲圓覺。馳求便不安。居觀面一機。急須薦取。門前有箇長松。樹夜半子規來上啼咄。

舉藥山謂雲岩云。與我喚沙彌來。岩云和尚喚他作什麼。山云我有折脚鐺子。要伊提上。掣下。岩云怎麼則某甲與和尚各出一隻手。山休去。拈云藥山索鹽。雲岩奉馬父子一家風流儒雅。我也有箇木毬。亦要

輓上。輓下。頭視左右云。沙彌在麼。良久云。出手不來。還成滯貨。

拈古

舉幽溪因僧問。大用現前。不存軌則。時如何。溪遶禪床三匝。而立。僧擬進語。溪與一踏。僧歸位。立溪云。汝怎麼。我不怎麼。汝不怎麼。我却怎麼。僧擬進語。溪又與一踏。云三十年後。吾道大行。

師云。這僧撥撥蜂窠。彈身弗及。幽溪弄場戲劇。怪索俱形。到頭不解。翻交終竟。負他兩踏。

舉洞山同密師伯訪栢岩公案

師云。客路如天遠。非栢岩老子不能納。洞山侯門似海深。非洞山不能見。栢岩老子若論開粥過夏。因甚密師伯也得相留。不見道一人在朝。千人緩帶。

舉黃檗上堂。衆集。定以主丈。一時打下。復召大衆。衆回首。藥云。月似彎弓。少雨多風。

師云。打將下。喚教回。黃檗可謂老婆心切。是時若得一箇半箇擔。荷豈不快哉。而今檢點將來。彼此翻成鈍置。

學藥山久不上堂公案

師云。院主可煞懷懂。誤他三軍。始報打鐘著。豈不是正宗分。衆集便歸方丈。豈不是流通分。因甚推道經有經師。論有論師。還知藥山落處麼。菩薩龍王行雨。潤遮身。更上數重雲。

舉僧問龍牙和尚。十二時中如何用力。牙云。如無手。人行拳石門云。如無舌。人解唱歌。始得。

師云。惠雲也有箇道處。如合眼跳黃河。且道三人中。那箇合轍。若辨得出。免你陰界藏身。

舉趙州和尚示衆云。老僧除却二時粥。計是雜用心處。

師云。大衆不知這老漢粥飯之外。正當在那裡著。到若也檢點得出。許你與趙州把手共行。脫或未。然縱便十二時中。純一參究。亦是雜用心處。必竟獨脫一句。如何稱提好。同霜夜月。任運落前溪。

舉達磨西來不立文字。直指人心。見性成佛。六祖云。祖師說箇不立。早是立了也。

師云。嗔又是鈔解。疏疏解經。要扶直指宗綱。三生六

十劫畢竟如何。卓主丈喝一喝

舉僧問靈雲。君王出陣時如何。雲云。郭璞葬熊耳。僧云。意旨如何。雲云。坐見白衣天。僧云。當今何在。雲云。莫獨龍顏。

師云。者僧不顧危亡。挨開陣脚。靈雲欣逢快便。引出駕頭。子細檢點將來。可惜遇而不遇。

舉僧問趙州如何。是不遷義州。以兩手作流水勢。其僧有省。

師云。趙州機鋒迅捷。用力太過。者僧啐啄同時。敢保未徹。或有人問演福如何。是不遷義。只向他道放下。著知麼。免得通相負累。

舉資福和尚因僧問。學人乍入叢林。已經一夏。未蒙和尚提誨。乞師一句。福云。老僧自住持已來。未曾睹人眼。

師云。這僧只求一句。資福便答兩句。猶道未曾睹人眼。在瞞得阿誰。

頌古

世尊降生

右脇翻身已恠哉。那堪便解舞三臺。做模打樣無端甚。寧免傍觀臭口開。

陞座說法

當堂據坐寶花牀。真相從來本自黃。百萬參徒誰不見。何須重把紫金粧。

鷺嶺拈花

靈山結舌舉花枝。迦葉難瞞展笑眉。接響承虛到今日。兒孫棒喝競交馳。

雙林入滅

覆水難收滿竺峰。如何臨死更摩胸。說無說有成生滅。併付春風一夢中。

外道問佛

鞭影非惟示阿難。敲空作響孰知還。當時未必皆良馬。應妬清風起赤幡。

院主問病

撥開日面與月面。彷彿前三及後三。病在膏肓重燭艾。醫兜院主可無慚。

文殊領衆問疾

望見毗耶彼上人。十中有九喪精魂。只消一箇渾崙石。打破群賢不二門。

魔王問金剛齊菩薩

千年相逐太無知。你道金剛齊是誰。如是住時休說破。從教老漢自生疑。

七處徵心

七處徵它天外天。毫光直射阿難肩。瞿曇忒煞伶俐兒。切逼得鮎魚上竹竿。

八還辯見

還還還後更無還。一箇閑人天地間。昨夜大虫遭虎咬。皮毛落盡體元斑。

經題以字

不向經頭識本真。紙堆討甚法王身。未開梵夾承當去。免作循行數墨人。

有句無句

有句無句。藤倚樹大似旱天開水路。正當樹倒與藤枯。看看平地波濤注。

香巖上樹

上樹垂機值虎頭。自知覆水已難收。猶能覲面呵呵笑。轉却三春作九秋。

臨濟三頓棒

三番痛棒打驢腰。直往高安一歇招。急水灘頭番巨浪。信知家富小兒驕。

示衆

別傳一脉漲曹溪。萬法都來和不齊。葉落歸根至今日。江南猶有鷓鴣啼。

法語

示宗度禪者

釋迦不出世。達磨不西來。佛法徧天下。談玄口不開。古人曲盡慈悲。啓此直截之徑。操履有準。後學所宗。往往不本其由。癡狂外走。參禪學道。是外走尋言。遂句是外走。從空放下。近世罕聞。老僧開堂於演福之時。間有幾人度。亦一數。辛未秋。遷江上。次冬登雪峰。甲戌夏。客南山。太清此兄屹然。居于無量福海。八風難撼。較他褪花杏子。迥爾不侔。所謂霧豹澤毛。未嘗下食。庭禽養勇。全待驚人。倘能終始一如。老胡有望。

示靜侍者

夫撥草瞻風之士。究竟爲何必慮。生死輪回。要明生佛未具。一著子擬於靜處尋覓。他却。在鬧處躡身。更從鬧邊尋。他又在靜邊立地。若欲置之無事。甲裡又是一件活鐵。鐵底物如何便搆得。伊倘能動靜一源。古今一致。再三磨礪。勿以歲月爲拘。自然秋水澄渟。金波頓現。照破山河大地。萬別千差。但緣氣質不同。利鈍有異。豈不見老東山答部使者。栢樹子之問。頻呼小玉元無事。只要檀郎認得聲。是時圓悟爲侍者。觸著便轉。遂有投機頌云。金鴨香銷。遠翠幃。笙歌叢裡。醉扶歸。少年一段風流事。祇在停針不語時。可謂是俊快之流也。靜侍者覓語。故書大槩而酬之。若是伶俐衲僧。一嚮便知鼎味。靜宜審之。

示筌禪者

直指之道。豈涉語言。纔涉語言。便成曲指。古人稱達磨西來。爲賣卜漢。撥轉卦盤。則吉凶悔吝。盡在汝躬。以此可知。心是自家本有之心。佛是自家天真之佛。面目現在。瑩徹無瑕。罔究其源。只看畫樣。孰肯退步。

就已以古爲期。豈不聞趙州有言。你擠十年不語。若不參得禪。截取老僧頭去作尿杓。可謂病多諸藥。性經驗始傳人。蓋禪還信得及麼。若信得及。便請覲體承當打破漆桶。

示眞知客

一切語言是提婆宗。開眼入他群隊。百草頭邊有祖師。意長時掉在空閑。可憐末世宗徒。往往相仍。若是所以少林一脉。命似懸絲。今則賢聖隱藏。孰能援臂。一眞知客。曾辦事於長庚。資質可觀。烏得皮下無血。割借老僧鼻孔。出氣而自欺自昧者哉。與其一種平懷。混然自盡。便可去却藥忌。盡力道取一機。不然塞斷咽喉。孟浪通一口氣。卽見迦葉門前清風浩浩。曹溪路上白浪滔滔。自然八面玲瓏。圓滿一眞法界。頭頭物物盡聽處分。檢點將來。豈爲休歇之地。何故長安雖樂。不是久居。

示眞禪人號癡叟

有一禪自巾峰奚翥席中來。名眞號癡叟。訪余覓語。以證其癡。如此則眞得其癡耶。若眞得其癡。必須眼

見如盲口說如啞。枯形垢面與世偕忘。苟或不然。未可執予言爲實也。王老師道如斯癡鈍。世且還稀。眞不負余期。請於古人葛藤中默默自照。

示際山心長老

祖師心印狀似鎖牛之機。靈山首露鋒鉞。迦葉微笑。是此印也。少室密形圭角。神光倒戈。亦此印也。自後祖祖相傳。心心相印。或因甜而說蜜。或因蜜而說甜。謂言機似鎖牛。又安知鎖牛之機作何形也。太率參禪問道。聞說一物須尋一物之所在。聞舉一印須究一印之方圓。若從口角上明影子邊。遶宛似福州發足。要取長安大故遠。在豈不見百丈再參馬祖。將謂別有奇特。別有異聞。驚被截斷。脚跟震威。一喝直得耳聾三日。印文裂開。高踞大雄。網羅俊乂。鴻山黃檗皆被羅籠。一人聞背觸以翻身。一人聞耳聾而吐舌。其餘諸子終不若此二難。所謂見與師齊。減師半德。見過於師。方堪傳授。饒逾一十四代。密庵出焉。四翁鍾秀於三山。吾道盛行於千古。直下一派。惟岑山正續二師。逸秦墳。殘壁猶在耳。記得古人有語。莫住城

隍寺舍。須向深山裡。鑽頭邊。尋取一箇半箇。以爲種。草。奈何。魔強法弱。事與願違。偶福州際山德心長老。千里投誠。未及關防。隻脚已跨門裡。鍋兒大小杓柄。短長一一被它覷破。心迺前淨慈潛庵老子嫡裔。水有源流了。知印不離心。必解隨機應用。所以道三要。印開未點。窄未容擬議。主賓分要作臨濟兒孫。當如是矣。

示小師九峰長老

鑿池勿憚工夫。工夫圓而月自現。應世當觀時節。時節至其理自彰。九峰長老名福成。以月池自號。依余未久。連董兩山咸稱。時至理彰。池成月現。殊不知隨業受報。而致于茲。若論克志遠期。大不侔也。喻如霧豹澤毛。未嘗下食。庭禽養勇。意在驚人。以此較之。烏得無愧。雖然如是。古人多因住院之後。方參得禪。既曰有條攀条。亦可將勤補拙。其不然者。何緣服衆。耶更能儉以律身。寬以待物。勤修造辦。堂厨乃住持之常分。況今佛法凋謝。妄稱人師。境風扇搖。易爲流俗。要人宗仰。自須特立。獨行生子。當如孫仲謀。小師得

似保福展垂名後世可不勉諸

示善藏主

迦文廣說達磨直指。且道說箇甚麼。指箇甚麼。若是上根利智。點著便知其大。克志參尋。亦可薰習。而況年來師友泯滅。佛祖蔑聞。邪正兩路。不分藥病。二語不辯。茫茫蕩蕩。備伺眞如。孰知禪自禪道。自道。性自性。心自心。耶記得五十年前。在冷泉作夏。這邊打坐禪板下。竺鳴開講。鐘禪教爭。衡宗說並。駕莫擬。今夏有此消息也。無從善藏主。昨依予於雪峰。嘗煩歸侍司。一向坐病。且不曾爲蛇畫足。比同還浙。各自東西。彼此禪無一言。幸自好箇直指。聿來覓語。胡爲自生鈍鎖者哉。退思從上作家。如德山入龍潭。門便言潭。又不見龍。又不現潭。曰子親到龍潭。這裡正好焚鈔。待吹滅紙燭。方始瞥地。已過幾箇節文。臨濟扣黃檗。佛法大意。三度被打於此。正好驪交等。大愚點發。回頭早遲了。八刻後來。二師行棒行喝。便能於無佛處。稱尊殺活自由。不存師教。作千古參禪。徹佛祖巴鼻底樣子。善也。爲敏不言而可知。萬一見義勇爲。應道

彼既丈夫我亦爾

示禪人

祖師門風廣大非上根猛烈莫能造詣除却西天四七唐土二三自餘天下老和尚具超師之作者古今獨羨臨濟德山數人而已如黃檗云不道無禪只是無師之謂也且如德山據一条白棒佛來也打祖來也打自天皇龍潭直下何曾有此作耶不出自性宗通臨濟一喝如旱天霹靂橫也撲它不得豎也撲它不得這箇從百丈黃檗直下却有些子源流到它分外起滔天沃日之浪所以八傳而至東山聲名愈震方自三十年間遽爾湮沒汝今出一叢林入一保社莫問有禪無師但能一切放下以古爲期立堅固心奮拔山力驀割地如水底火發似崖石崩接續別傳一些子氣脉使迦葉出畢鉢羅岩達磨再還東土詎不蹉歟

宗門樞要不在出一叢林入一叢林衲子紀綱何消舍一知識取一知識使其隔牆見角者了然而可知更欲形之於語言好似戴嵩畫牛逼真終非活牛也

嘗聞祖師言教是整頓時人手脚手脚不蹉毋勞整頓祖佛言教是療狂子之方心神不狂毋勞治療惟有緊切二字當與識者言之不明自己無以敵死生不了目前那能辯邪正邪正已辨則由汝七縱八橫自己既明任你東湧西沒只如普賢道不見一法是大過失永嘉道不見一法卽如來差別兩關作麼生透予昨謝事雪嶺屏跡岑山適樞上人扣門講二十年之舊我方獻它新羅附子它便酬我舶上茴香既善知時故書大槩以塞其請

讚

出山相

峭巍巍孤迥迥弃王宮棲雪嶺分明凍得眼生星幡然踏破千峰頂

觀音

觀以耳觀聽以眼聽道不虛行谷不虛應施無畏之力滅煩惱之病與諸佛同一慈心與群生共一悲命若非菩薩超越世出世間焉能獲二殊勝聲色海中隨波發現駕一葉之優曇開普門之方便

洛伽山慈悲岸。無十萬億國之遠。

思惟相

聲以眼聞。色以耳見。萬法融通。六根互換。作是思惟。時十方佛皆現。

達磨二

萬里見梁王。無風波浪起。不得一莖蘆。幾乎沉殺你。一無聖。二不識。忠言逆耳。投江北。入水見長人。梁王方失色。千古萬古空相憶。

布袋

兜率宮長汀市。逆行順行誰弗識。你有些滯貨。不能藏到處。逢人亂拈起。

未下生。先行脚袋。却乾坤簸弄。自若一汀流水白。漫漫杖子何曾探得著。

破布袋甚奇特。背負肩駝不肯拋擲。只知入水去求。人爭奈脚跟浮逼逼。過水

寒山二

一句子少機杼。作是思惟時。吾心在何許。芭蕉葉上三更雨。

一見重岩壁立。挺然氣宇爭高。默默思量。竟句可。怕走却金毛。

拾得

生君常提在手。放下絕諸塵。轉掃復轉。有松門十里春。如畫。

麼墨。人下筆肚裡難禁。技癢頻頻。轉腦回頭。不知失了白象。

朝陽穿破袴

寸鐵在手。橫穿豎穿。割不入處。日輪昇天。

對月了殘經

黑豈未芽。朝數暮數。開得眼來。月圓當戶。

讚真覺像化姜布

喫德山惡辣。耐同參逼拶。蕩除露布。葛藤直得水底火。發阿剌刺。夫是之謂真覺菩薩。

真覺

德山全其顛岩。頭插其尾。逼成一箇老菸菟。兩眼眈眈。沒牙齒噴。

文殊

七佛命之爲師。法王稱之爲子。五時開演。始終輔贊。世尊三昧常行。談笑發揮。龍女會現。百千妙相。迦葉。惟不能舉自言。我真文殊。其餘是甚伴侶。

維摩

諸菩薩之法式。現居士之儀形。聞如來名。跳下妙喜。世界憫衆生苦。示疾毗耶離城。萬化出於神變。一啄猶如建瓴。泊扣不二之法。何得嘿而無聲。

馬郎婦

携魚籃呈粉面。勾動馬家郎。眼花山影轉。七軸蓮經。念到頭。乞與黃金骨一串。

靈照女

拋世業。蹈玄機。阿爺無藉賴。女子更頑皮。情知未若貧而樂。特故沿階賣笊簍。

玄沙

換却頭顱。脫謝家南臺。江上足生涯。爛膿滴滴無人會。笑倒白蘋紅蓼花。

船子

藥山之子石頭孫。飢過心荒浪裡奔。得箇錦鱗如許。

大看來當與道吾分

圓照和尚頂相奚翁請

一筆傳來是何形狀。彷彿宸封老樹王。亭亭撐出凌霄上。無些子枝葉。有十分氣量。端的藁林之榜樣。

石溪和尚頂相柏堂請

咄者老和尚。可煞慈悲相。清影落人間。香名透天上。彈瑕類於八方。迪精明於萬象。石骨峻。嶺溪光。蕩漾一筆傳來。衆工絕唱。凌霄峰頂堆青嶂。

佛光法師真相致藏主請

僧中英教中傑。掛宋朝金欄。肆台衡木舌。如天河翻。如巖石裂。萎花風掃。雨新奇。電影已收雷。未絕若是五逆兒郎。見徹明徹。描邈得徹。信知這老和尚已說。今說當如是。說白雲推出團團月。

自讚

我本無此相。硬畫箇模樣。譬夫天台華頂峰。陰晴顯晦。幾般狀。顧陸妙丹青也。只寫不像。寫得像。望他頂顙頭。何啻四萬八千丈。謂是絕岸眼裡著。楔謂非絕岸水中撈。月描不成見。

不徹分明頭戴雪山雪

衝開碧落癩碎斷崖箇般標致其誰與偕○噢

九巖常住請

單絲作線獨掌打拍改樣畫貓兒令一般體格攪得
蒙泉徹底渾領邊那免千斤輓

淨社莊長老請

似真非真似假非假遠遠描邈將來雙眉移在眼下
誰其爲之西山淨社切忌認驢而作馬

杭州普圓庵請

花插不萌枝衣披無縫襖百萬人前覩綉毬八十翁
翁忘却老挨開千聖門乾坤只把一毛吞撈透長安
道淨穢不禁荅帚掃當年曾蹈須彌盧而今覺見衆
山小布丹青打之遶貓兒洗面自道好

高峯妙長老頂相沈一居士請

去却一拈得七撈破疑團咄咄咄跳上天目山猿却
獅子窟返擲有餘態江湖聲響出且喜吾家有此郎
賽過天下大禪佛

頌

石壁

喝不開兮鑿不開春風幾度長每苦趙州主丈雖能
纔未必親曾靠著來

海南

大地山河滾浪花丙丁童子眼睜睜回頭打得重浪
透赤脚波斯進象牙

一山

萬機俱罷口門緘喚作如如落二三撈得通身鱗
壁善財不到別峰參

問庵

撞入柴門扣有麼趙州用打不防家僕前只把拳頭
豎未必蓄湯當得茶

雪巖

片片不於他處落當陽突出嶮崖機此時築著聲禪
客卒急龐公未得歸

空谷

者畔纔呼那畔聲萬千樵子逐虛聲探尋直是無蹤
跡只見青山青又青

獨山

兩洗風磨孤迥迥。樹凋葉落峭巍巍。惟茲一事無兼帶。澤廣如何掩得伊。

枕肱軒

全身放倒恣懸癡。肘臂分明曲向誰。更要夢中重說夢。我無木枕可來推。

漁浦接待

吳山那畔越山前。有針充飢有榻眠。到此縱能休歇去。帝鄉猶隔一潮船。

謝送圓照和尚法衣

迦葉師兄守底衣。四邊將見逐雲飛。雪峰知是吾家物。合掌低頭捧取歸。

送瑛首座歸溫州

江月松風何處無。戒珠心印強名模。煩君歸問老真覺。因甚闌梨氣不除。

示禪客

啓咨和尚意如何。一句相關早事多。問未絕聲猶一問。不知鷄子過新羅。

淨庵居士求

不書心字浣牕門。玉混泥沙體自分。萬慮頓忘諸穢息。碧天無滓水無痕。

送證侍者歸里

臨老三回住雪山。無絃琴子逐時彈。夜來一曲最高韻。瀉作西江十八灘。

送小師心印遊方

自從落腳出娘胎。一印何曾打失來。滿目春山春水綠。重重綿繆爲誰開。

忙古參政造金塔盛舍利

撒下摩尼六七顆。湧高窣堵十三層。分明一點鈞心現。豈是黃金煉得成。

寄神光末宗和尚

萬丈神光滌世昏。莫知誰信有乾坤。三山眼底多尊宿。那箇來敲老觀門。

大維那求自仰山來

仰山推枕玩嬌兒。等是機前展大悲。何必換頭呈素面。重堆脂粉畫娥眉。

寄秀峰烏石長老

三年魚鴈杳相聞。閩浙雖分意不分。幾度臨風揩老眼。冷看烏石嶺頭雲。

小佛事

誰翁嗣西堂塔

咄哉同契嗣誰翁。檀板曾敲秀水東。昨夜忽然翻別調。髑髏竅裡吼松風。餘音裊裊有跡無蹤。青山藏不得。明月恰相容。

爲國清清虎和尚起龜

下泥犁種發牀弩。機釘一箭於太湖。魚龍乞命展双趺。於更好寒拾攢眉。倒騎白額。佛眼難窺。昨夜三更過鐵圍。

璨維那火

興化打克賓。從鹽費醋。雲峰聞桶爆。接響承虛。擊碎重關。死中得活。既得活。正好投身參勝熱。

平侍者塔

臨濟掌黃檗。以不平報不平。烏窠吹布毛。無計較。立計較。觸醜著。地智者須知。木人把板。雲中拍石。女舍。

笙水底吹

慧上座火

日不離衆。夜不離衆。以慧爲體。以定爲用。雖則是箇死蛇。一生偏解活弄。定慧圓明。不滯空焦。塲打著連底凍。

珂直歲火

天晴刈却禾。雨落蓋却屋。祖意甚分明。動絃誰別曲。朝悠悠暮碌碌。死灰無燄。空馳逐。良珂良珂。照顧火燭。

石山藏主火

孤硬如石。端重如山。毗盧藏海。一踏踏翻到者裡。何名生死。何名涅槃。要識真金火。裡看。

湛上座起骨

灰寒火冷水。湛波停者裡。泊住賺殺師僧。何故猶較。曹溪半月程。

通藏主塔

通身是遍身。是照古照今。徹骨徹髓。自餘一大藏教。當甚拭瘡疣。紙從教颺在深雲裡。

戒知客火

見微賓中主。唱起還鄉曲。清淨行者不入涅槃。破戒比丘不入地獄。二塗抹過。甚處爲家。披毛遊火。聚帶角輓塵沙。

新戒落髮

輪王三寸鐵。用不犯鋒銑。毫髮無留碍。重輝頂上光。

付衣

梅嶺一傳只者一。著輕似鴻毛。重如山岳。披襟當去話。方行麒麟掣斷黃金索。

演福掛寺額

教是佛語禪。是佛心。古佛示此額。顯心之苗。今佛成此額。明語之本根。苗一體。心語同源。直得雲漢昭回。大地宏開。壽域鸞鳳飛舞。少林鼓躍。春風凡見聞悉。皆權榮而證入。不可思議。重重華藏。處處總持門。原其旨歸。由元勳之願力。獲茲殊勝。感二佛之發因。只如特卜良辰。高標此額。一句如何。提唱崇恩。恩勿極。演福無窮。

跋

密庵授笑庵法語齊侍者求

世尊有密語。迦葉不覆藏的。的相承。甚於蠱毒。到其家者。水可飲乎。然密庵而有笑庵。猶世尊而有迦葉。笑顏一破。密語乖張。直下子孫。無計遮掩。思齊侍者。對予告訐。故據欵而結云。

血書華嚴

釋迦老子七處九會。含血噴人。究竟將來。猶是傳言。送語本彰。維那向十指爪邊。深雖痛割。一筆書就。且非和墨。徇朱。雖然。畢竟傳誰之言。送誰之語。華嚴四種法界。莫擬是那法界中。收彰由此起疑。特求點出。予曰。豈不見善財童子遍參五十三知識。人推一人。末後得彌勒。指見文殊。文殊指見佛。佛所指者。是那些箇明眼阿師。切忌蹉過。

錢東巖侍郎書金剛經淵首座求

此經堅如金剛。豈容錐割。因空生道。箇希有起人。二十七疑。瞿曇憫物垂慈。節節破蕩。東巖侍郎。不忘其旨。從而筆之。字義炳然。急須著眼。

諸山金塔頌軸後

昔阿育王造八萬四千塔。奉釋尊舍利無量。爲一今大丞相製十三層窣堵。藏諸祖師寶珠。一爲無量。若以今之視昔。亦猶昔之視今。皆從正念。流來豈間然也。須知描不成時。金光燁燁。畫不得處。玉影團圓。致君爲堯舜之君。澤民爲堯舜之民。無出此爾。

靜庵頌軸後

寂靜奢摩他。非庵內不知。庵外事者。莫能證入。入則入。已忽有人云。還許專甲進步也。無只向道去。汝正開在。

書癡絕和尚出山相并達磨見梁王兩頌後

雪山凍餓不死流。毒世間被害者甚多。恨不早遇於韶石。是可毀也是不可毀也。逾海越漢而來。平欺東土。慈悲或鼓倒首。因蹉過於梁王。是可贊耶。是不可贊耶。

爲上禪人題送行軸之仰山鐘阜

當今法道彫零。師門淡薄。咸推集雲鐘阜爲大江獨步。上禪者一意瞻禮。仍問津於老者。故語之曰。一人向鷹窠中撒爪。一人於劒刃上橫身。近著則喪膽亡。

魂擬之則頭破額裂。汝欲親近。須解決其劒。竊其窠。不妨有入作分。不然切忌觸體遍地。

絕岸和尚語錄終

無文道燦禪師語錄

宋
•
無文道燦
惟康
編撰

無文南游入浙余初納交於中川暨登諸老門電激雷厲眼中無佛祖矣別二十年先余而逝閱三會語廬山之雲飛揚東湖之水漫汗無文之舌猶在就中有不在舌頭上一句子請於是錄著一隻眼癸酉秋仲穎拜手

道本無言因言顯道無文和尚不啓口不動舌三轉法輪言滿天下其嗣康上人不爲父隱而訐露之此話既行俾予著語予曰若謂無文有語是謗無文若謂無文無語口業見在閱者於斯著眼則此錄皆爲剩語矣咸淳九年冬靈隱庵舟普度跋

之目錄新作

無文和尚語錄目錄

序

初住饒州薦福禪寺語錄

南康軍廬山開先華藏禪寺語錄

再住饒州薦福寺語錄

小佛事

偈頌

題跋附

無文和尚初住饒州薦福禪寺語錄

小師 惟康 編

師於寶祐二年六月受請

指三門紅藕當門綠楊繞路新薦福八字打開了也這裏入得天下橫行

據室山僧今日開地獄門普請盡大地人造地獄業證地獄果若有一人成佛作祖我誓不成正覺

江湖疏惡毒相識惡毒呪罵通身是口分疎不下度疏云首座遮掩則箇

登座拈香云此一瓣香恭爲祝延

今上皇帝聖躬萬歲萬歲萬萬歲

次拈香云此香觀著不得觀著不得提掇不得棄舍不得冷地看來直是好笑笑須三十年薰向爐中奉

爲 前住慶元府阿育王山廣利禪寺笑翁大和尚用酌法乳之恩就座問答不錄迺云天高地厚日盈月昃

全提半提天地懸隔瓌上座平生只會著衣喫飯聞人說佛法二字如風過樹頭如水澆頑石今日裂破面皮喚作長老也欲與諸人論說一上無端冒五六

月大熱行二千里脩途一時打失了也雖然賴有拄杖子在拈拄杖云拄杖子試說看卓一下清平世界切忌訛言復舉三聖道我逢人則出出則不爲人與化道我逢人則不出出則便爲人師頌云弟兄財本不多爭共駕官船各自撐撐去撐來回首看依前不離蓼花汀

當晚小參問答不錄鼓棹揚帆駕沒底船橫行海上神頭

鬼面用無文印勘驗諸方二千里遠來住山單單地提持此事舉拂子云看看印文已露劃一劃錦縫已開若佛若祖若聖若凡盡向這裏一印印定直得盡乾坤大地風颯颯地衆中忽有一箇犯衆出來道長老你且莫要大驚小怪我在威音王佛世已證是三昧又作麼生以拂子擊禪床下座

上堂雲門放洞山三頓棒黃蘗打臨濟三頓棒滅龜添兵傷鹽費醬一不成單二不成兩多少蘆花對蓼紅時人只看絲綸上

修造上堂日用事無別當機誰辨的東撐西拄底老屋敗簷橫拋擲底磚頭瓦礫怎麼出世爲人直是

天地懸隔拍禪床下座

上堂諸佛法門祖師要妙夜來四簷雨說得盛水不漏汝等諸人若向這裏承當這裏保任以手搖拽云料掉料掉

上堂僧問古德如何是祖師西來意德云山前麥熟也未師頌云自小離家住日邊去家只道路三千從人問得來時路回首元來在目前

開爐謝耆舊踏田上堂趙州無賓主話田地穩密底開口便道著信脚便踏著若是東西不辨南北不分未免被人侵疆越界薦福門下總是田地穩密底人拈起香匙放下火筴一天真因甚如此公驗分明佛涅槃上堂諸行無常是生滅法生滅滅已寂滅爲樂釋迦老子死在這裏至今二千餘年未有能活之者薦福雖是臂長袖短試爲諸人活看合掌云容顏甚奇妙光明照十方

上堂卽心卽佛山無重數非心非佛水無重數不是心不是佛白雲又無重數薦福怎麼告報灞陵橋上望西川

上堂寒一上熱一上普通年事只在于今更無三般兩樣拈拄杖云這拄杖子見汝諸人不能順時保愛轟一聲霹靂散一陣風雨變作清涼境界了也若向這裏神清氣爽寒熱兩忘這拄杖子折也未放你在上堂大覺處一杓末山處半杓玉本無瑕妄自雕琢有年無德老睦州無端拶折雲門脚

上堂趙州和尚道老僧二時粥飯是雜用身心師頌云玉關度了久班師猶向人前動鼓鼙只道馬行荒草地不知身已陷重圍

上堂開浩浩閑寂寂不動一絲頭如對萬人敵惺惺直是惺惺歷歷直是歷歷諸上座捉象亦全其力捉兔亦全其力

結夏小參孟夏漸熱仲夏極熱自有天地以至于今無一絲毫許差別若有靈骨底衲僧纔出母胎便解知時識節去隨芳草歸逐落花具足見聞覺知受用見聞覺知無生可護無制可結雖然要會孟夏漸熱易要會仲夏極熱難要會仲夏極熱易要會孟夏漸熱難難九十日中君自看復舉五祖結夏上

堂云結夏無可供養大眾作一佳宴管顧諸人遂舉手云囉囉招囉囉招囉囉送莫怪空疎伏惟珍重師拈云老東山龍肝鳳髓百味具足爭奈美食不中飽人喫

上堂符不書藥不採起死禁不祥拈主丈幸有這箇在卓一下滿院薰風夏日長人在藕花香世界

上堂秋深夜長露寒月皎鐘聲短底短長底長蟲聲大底大小底小山僧聞得展轉反側不寐到曉何故一片祖師心狼藉知多少

上堂僧問古德如何是祖師西來意德云折東籬補西壁師拈云折東籬補西壁八角蒺藜當面擲眼睛定動要承當依前鐵壁復鐵壁

冬至小參丁一卓二道一句滴水冰生拋三放兩示一機崖崩石裂一切處解會不得一切處擬議不得所以寂子只解近前叉手香嚴只解叉手近前要會晷運推移日南長至未在拈拄杖云拄杖子從來死獼狙地今夜忍俊不禁踴躍出來將乾坤大地一時吞却了也若向這裏會得果從無影樹頭結其或未

然豆向寒灰爆出來 復學玉泉和尚示衆云晷運推移布靦赫赤不是不洗無永換替師拈云薦福當時若見卽向他道少賣弄

冬至上堂至日書雲雲作何色眼裏無筋青黃赤白上堂拈拄杖云有形段無首尾不可近傍難爲回避大小曾郎見不親剗地喚作南山鱉鼻

上堂上士聞道勤而行之著甚死急中士聞道若存若亡猶較些子下士聞道大笑之却有衲僧氣息三種人一時裂下了也且道那箇合受人天供養

上堂學道無難事第一要認取本來面目今時師僧只管這裏經冬那邊過夏輕輕拶著多是開口不得殊不知鼻孔大頭元來向下若也不信引手摸索看上堂江月照松風吹永夜清宵何所爲顧視大衆云薦福門下若有箇樣衲僧喚來洗脚何故無爲無事人猶是金鎖難

上堂漏盡夜沉沉山房風露深無雲生嶺上有月落波心山僧見了直是咬斷牙關何故三十年前也曾恁麼來

上堂長期百二十日已過七十五日諸人於過去法各已究竟各已成辦各已清淨未來法合作麼生置拂子云當依如是住

上堂學僧問石霜如何是祖師西來意石霜嚙齒示之石霜遷化後僧問九峰先師嚙齒意旨如何峰云寧可截舌不犯國諱僧又問雲蓋蓋云我與先師有甚冤讎師拈云諸人要知二老用處麼子爲父隱直在其中矣

開爐上堂寒涕垂頤團爐打坐說甚天之高地之最大最好笑是老楊岐拈起死柴頭未開口時先話墮上堂道在目前全無罅縫左之右之百發百中以手指旛云是風動是旛動

上堂臨濟四料揀洞山四賓主甜瓜徹蒂甜苦瓠連根苦倒腹傾腸說向人恰似杏花枝上雨

因雪上堂古人道若端的一回汗出一莖草上見瓊樓玉殿山僧從前疑著此語今日看來果然上堂登芝山望五老雲靜日月正眼高天地小達磨大師脊梁骨等閑踏折釋迦老子心肝五臟一時見

了因思擾擾塵寰茫茫宇宙手把夜明符幾箇知天曉
元宵上堂燃燈如來昨夜在善法堂上與風伯雨師
三轉法輪說燈明佛事釋迦老子不起于座證無生
法忍面授記前諸人長連床上閉眉合眼又何曾夢
見來

無文和尚南康軍廬山開先華藏禪寺語錄

小師 惟康 編

指三門無箇入處奔走殺人有箇入處礙塞殺人彈
指一下云重關擊碎了也入之一字甚處得來

結夏小參大華藏海渺無邊際江河溪澗流入其中
咸失本名魚龍蝦蟹游泳其中咸失本性三世諸佛
於中成等正覺一切衆生於中流浪生死現前大衆
於中成就無功用學拈拄杖卓一下云開先拄杖子
一口吸乾了也三世諸佛一切衆生現前大衆畢竟
向甚處行履良久云曹溪波浪如相似無限平人被
陸沉 復舉香巖云去年貧未是貧今年貧始是貧
去年貧尚有卓錫之地今年貧錫也無師拈云還會

麼正抓著開先痒處

上堂預借科敷不住催眼前百事費安排若還向上
宗乘事那得工夫說著來忽有人道無文話墮了也
以手掩口云罪過罪過

上堂南泉十八上便解作活計趙州十八上便解破
家散宅山僧當時若見各人脚跟下痛與三十何故
他家自是黃金骨不必旃檀入細雕

上堂趙州訪二庵主公案師頌云南枝向暖北枝
寒一種春風有兩般憑仗高樓莫吹笛大家留取倚
欄看

上堂開先入夏來不能爲諸人東語西話念誦入室
拈向一邊坐禪放參一時颺下得與麼自在得與麼
脫灑佛法若不現前山僧入地獄如箭射

上堂五日風十日雨江面不驚邊烽不舉眼前漸見
太平耳畔多聞好語山人只管看青山有口不須吞
佛祖

看青苗經兼謝日首座上堂諸佛所說法要如稻麻
穀粟一字一句咬嚼得破求絕飢虛受用不盡這般

說話開先既遇上等入也要拈出展兩手云今朝正是六月一

解夏舉老宿一夏不爲師僧說話師頌云一言已出駟難追道了如何悔得來冷地被入相訐露牙關咬定口慵開

上堂烏石嶺頭與汝相見三門頭與汝相見僧堂前與汝相見雪峰老人已是傷鹽費醬今時師僧入了門墮了堂見了主人剗地握節當曾更求指示箇入處啞黃連和根嚼未是苦

冬至小參滴水冰生未可歇去崖崩石裂正好進程直饒會得一線長要且未會長一線直饒會得長一線要且未會一線長所以鄉談相似州縣不同開先則不然擾擾匆匆晨雞莫鐘喚冬作夏喚夏作冬一線短長誰管得雪霜盡處是春風復舉僧問古德冬至後日長多少古德云長一線又問一古德日長多少古德云一線長師拈云一等共行山下路眼中各自別風煙

因雪上堂睚到虛空粉碎時空花一任眼前飛若還

別竟安心法客路漫漫何處歸

佛涅槃上堂今日則有明日則無天何高地何極謂吾滅度謂吾不滅度一箇死屍許多狼藉我觀靈山百萬大衆惟波旬却有丈夫氣息何故面亦不加語直

上堂臨濟一喝德山一棒霹靂電光寧容近傍雖然若論向上宗乘那裏泊在

訓山主上堂茶陵郁山主道我有明珠一顆久被塵勞關鎖今朝塵淨光生照破山河萬朵師拈云郁山主向驢前馬後連得些小便乃誇張銜耀以當平生參學拈拄杖卓一下云開先一鎚擊碎了也顧視云莫有不甘者麼靠拄杖下座

謝寶巖上堂不撥一境不露一機錦包特石綿裹秤椎開先見了直得百寶莊嚴而頂戴之何故有行鬼不識無心人未知

上堂天晴蓋却屋乘時刈却禾輪納王租了鼓腹唱謳歌師拈云打淨潔毬子誰人不曾開先則不然天晴蓋却屋乘時刈却禾輪納王租了秋冬事轉多阿

呵呵喚不回頭爭奈何

上堂雪峯老人三到投子九上洞山兩脚波波奔走
不歇拍膝一下云當時若得這箇消息入手拄杖便
可一時拗折諸人要知這箇麼江南兩浙春寒秋熱
中秋謝修造追嚴耆舊上堂土木場中輟一回平生
已眼豁然開廣寒宮殿無關鑰撞破羈縻歸去來

祈雨上堂一冬不雨一春不雨九土皆焦枯天高叫
無路拈拄杖云開先拄杖子忽然變作空行龍王油
然起雲霈然洪澍直得枯者榮甲者拆萌者吐卓柱
杖一下云發機須是千鈞弩

元宵上堂豎拂子云肥不剩肉瘦不露骨動地放光
明眼睛烏律律山僧見了未免合掌讚嘆道箇不是
心不是佛不是物

無文和尚再住饒州薦福禪寺語錄

小師 惟康 編

當晚小參去去實不去是法住法位來來實不來世
間相常住山僧屈指五載重到東湖荷盡已無擎雨
蓋春風猶在柳梢頭無一絲毫去來相無一絲毫新

舊相見則與諸人共見聞則與諸人共聞個中忽有
箇漢出來道無文將常住物作自己用者固有之你
也忒煞忒煞啞元來衆中有人在復學德山小參
不答話鉤在不疑之地時有僧出著了也山便打果
然僧云某甲話也未問因甚打某甲不識痛痒漢山
云你是甚處人第二下鐵鎚來也僧云新羅人和聲
送出山云未跨船舷好與三十棒雷聲浩大雨點全
無大衆大小德山可惜龍頭蛇尾却引這僧向草窠
裏頭出頭沒當時待他道某甲話也未問因甚打某
甲脚跟下痛與三十何故爲人須爲徹
上堂玄沙在雪峰所得法要不過是達磨不來東土
二祖不往西天一轉語便自氣宇如王將雪峰門戶
一肩荷負山僧當時若見只向他道浣盆浣盆
伏虎祖師忌拈香氣食萬牛風生萬籟有爪牙而不
能藏伏有文章而不能韜晦若到薦福門下伏聽處
分未爲分外何故樹上安身法他未夢見在
清明上堂桃花無數李花無數若向這裏活眼不開
平地上死人更是無數去年踏青人今年不來今年

上墳底明年何處日月急如梭生死無定據謹白參
玄人光陰莫虛度

上堂跌坐疊足問訊起手眼若透青一見便了更待
說心說性山僧未曾問人借得口

上堂風蕭蕭雨蕭蕭天高地厚水闊山遙達磨大師
無端遊梁歷魏二祖大師平白失了一臂水潦和尚
不合喫馬師一踏天下大禪佛枉自喫了四藤條說
著令人恨不消

上堂靜處具足鬧中境界鬧處顯示靜中消息達磨
面壁少林普化搖鈴鬧市皆是眼觀東南意在西北
若是向上巴鼻畢竟何曾會得

上堂今日雨明日雨春流兩岸深屋漏無乾處魯公
亭上望番城祇有湖水無行路

入浙歸上堂一出五六月往返三千里信脚踢得著
信手提得起不曾輕示人深藏懷袖裏歸來普請大
衆做箇入門歡是什麼浙東山浙西水

上堂舉瀉山與仰山摘茶公案師拈云仰山撼樹瀉
山良久說體說用互揚家醜且道放子三十棒又作

麼生展盡鎗旗用處窮依前輟入草窠中

壽崇節滿散二千年前四月八日西天竺國親曾出
現二千年後東震旦土依舊示生天上天下惟我獨
尊前身後身一夢兩覺長育萬物如春行地照臨萬
物如月行空承乾之運而無可見之功行坤之道而
無可見之跡臣僧一坐六十小劫入思惟三昧經八
十返求一語讚嘆不可得求一語名狀不可得於不
可得中廼見王母面授新熟蟠桃恭遇滿散未免和
梓托出良久太后舉觴今上拜九重春色異人間
乾會節滿散昨朝方祝聖人壽今朝又祝聖人壽天
地中間兩聖人同時出現相先後扶桑樹頭紅日方
昇蟠桃枝上春風未老直得東湖番湖交口讚嘆芝
山關山鞠躬稽首自有天地開闢以至于今如此盛
事希有希有祝聖人富祝聖人壽祝聖人多男子願
視大衆云可中忽有人出來問聖人富聖人多男子
不待問敢問聖人壽畢竟是多少豎起拂子云萬年
松在祝融峰

中夏上堂前中夏所作法門所修行願山僧已在西

山爲諸人演說後半夏所作法門所修行願山僧今在東湖爲諸人演說東湖所說與西山不同西山所說與東湖不別指槐罵柳證龜成鳖憐梵鉢提則耳聽舜若多神驚吐舌

上堂佛祖未與時天然一句子不東不西不橫不豎納僧家東咬西嚼從朝至暮橫也無奈何豎也無奈何拍膝一下云若向這裏進得一步自然和聲送出兩手分付若祇向冊子上學得來印板上脫將去山無重數水無重數

上堂一樹木犀供夜雨法身三種病二種光倒腹傾腸分明道取汝等諸人見似不見聞似不聞清香移在菊花枝了也覲漢歸堂喫茶去

上堂開眼便是開口便是舉手便是舉足便是雖然如是以手搖云未是未是

結夏小參實際理地不受一塵南瞻部洲本來清淨無端西天竺國有箇不識好惡底將一片爛麻皮結箇圈子安在平地經今二千餘年推不去拽不動邇代祖師大機大用如馬祖百丈正知正見如南陽大

隋手段惡辣如德山臨濟眼目端正如趙州雲門也只是傍觀有分啞青天白日有恁麼事大唐國裏可殺無人薦福雖則與他同路行且不與他同處宿今夏兄弟在此相聚遇飯喫飯遇茶喫茶熱則乘涼困則打睡九十日內第一不得道著解結二字道著貶向鑊湯爐炭地獄謹白復舉雲門問僧云今夏做什麼僧云和尚實問某甲卽道門云做賊人心虛師拈云雲門等閑致一問這僧便作佛法祇對克由耐不知這跛脚阿師當時打殺佛與狗子喫底棒在什麼處來夜間取首座

結夏上堂百不知百不會飽喫飯熟打睡要得尅期取證須證如是三昧

上堂如來禪祖師意兒啼子哭雞鳴犬吠是汝諸人瞥地也未

上堂舉僧問古德孤峯獨宿時如何德云問却七間僧堂不住誰教你孤峯獨宿師頌云堂奧雖深無鎖鑰包容大地與山河草窠裏輾人多少喚不回頭爭奈何

上堂今時參學人得到身心清淨正念現前便向這裏休去忽然被人將拄杖向面前橫兩橫便手忙脚亂如落湯蟬相似擊禪床一下爲伊欠這一解在還合麼湘潭雲盡暮山出巴峽雪消春水來

上堂我若有一句諸人便作有會我若無一句諸人便作無會我若拈東湖向芝山頂上拈芝山向藕絲孔中諸人又作麼生會不會趙壁隋珠泥團土塊上堂趙州和尚因僧辭去州云甚處去僧云諸方學佛法去州云有佛處不得住無佛處急走過三千里外逢人不得錯舉僧云與麼則不去也州云摘楊花摘楊花師拈云趙州說話如巫師祭鬼相似真實懇切要令病人當下安樂末後一道神呪雖然靈驗爭奈救這僧不得

上堂永嘉見六祖覺在一宿間天平見南院悔在三十年後諸上座誰家竈裏無煙第一莫受人處分他日忽然眼睛爆綻方知道山僧不是妄語冬至上堂僧問疎山如何是冬來意山云京師出大黃師頌云京師出大黃價直極相當未曾識道地枉

自費商量

上堂放開也在我捏聚也在我睦州擔板漢開口成話墮還知薦福爲人處麼熱則乘涼寒則向火

除夜小參威音王已前有本曆曰無七十二候無二十四氣以天荒地老爲一歲以松枯石爛爲一日山僧游乾闥婆城遇舜若多神親手授受叮嚀付囑後二千年當於薦福山中次第流布住院以來正月初一日覲到臘月三十日更無工夫說著今夜幸遇歲除拈起普示大衆去也展兩手云寒來暑往日遷月移盡在這裏可中忽有一箇出來道陳年曆日不勞拈出不特顯叢林有人亦表自己參學眼目雖然如是我更問你從來臘月三十日爲歲除夜今年因甚却欠一日復舉明招示衆云此處風頭稍硬且歸暖處商量師著語云鉤頭有餌大衆隨後到方丈黃連和根嚼未是苦明招云纔到暖處便即瞌睡以拄杖一時趕散可惜黃金如糞土明招先鋒有作殿後并吞可惜衆中無人當時若見他道此處風頭稍硬且歸暖處商量一時散去教這老漢要歸方丈未可

在

上堂溪東是國王水草溪西是國王水草隨分納些些佛法休尋討堪笑水潦和尚枉被馬師踏倒薦福與麼告報猶較王老師一線道

笑翁和尚忌并供養無準癡絕和尚以香指眞云玷辱無用是這老漢落賺薦福是這老漢諸人若也不信問取徑山兩翁看

上堂韶國師道通玄峰頂不是人間心外無法滿目青山師頌云蓬底欹眠醉復醒君山只在兩眉青渾家不管興亡事一味和雲看洞庭

上堂語言上著到身心上著到要透衲僧關料掉復料掉何故功德天黑暗女有智主人二俱不受

重九上堂天地一東籬萬古一重九黃花三兩枝東湖隨分有逢人不拈出只麼空雙手醉殺天下人不

是茱萸酒

上堂香至國王之子從西域來如優曇花出現東震旦土延蔓不已深紅深紫徧滿天地近時師僧多向枝葉上著到如浮花浪藥看不上眼薦福百不如

人若是三花兩藥隨分也有些小拈拄杖卓一下云不知春色落誰家

上堂舉殿頭參德山纔跨門便問是凡是聖山便喝頭禮拜洞山問云不是龐公也大難承當頭云洞山老人錯下名言我當時一手擡一手搦師頌云重圍深入脫身難再拜投降得活還手脚一時都露了如何遮掩得傍觀

上堂釋迦不是佛達磨不是祖佛法滿天下諸人還知否青草池塘處處蛙黃梅時節家家雨

上堂從上佛祖提持此事如蠱毒藥如塗毒鼓如太阿劍無你回避處無你入作處這般作用薦福不欲拈出何故彼自無瘡勿傷之也

上堂諸人病是山僧病山僧病是諸人病諸人痛處山僧能忍山僧痛處諸人欲忍不能拈拄杖卓一下單方一服當下和平不必松根採茯苓

上堂古塔主住當山日僧問如何是佛法大意主云莫莫師頌云北人偶與南人會借問如何喫荔枝口未開時先話鹽香甜二字且耐伊

上堂瞿曇火化普化風化華亭水化石霜坐化圓照
臥化隱峰倒化這一隊漢造妖捏怪弄真成假只可
誑誑闍闍若到衲僧面前不堪共話且道衲僧有甚
長處東家作驢西家作馬

上堂盤山道向上一路千聖不傳深諦律尼娑婆訶
慈明道向上一路千聖不然蘇盧悉喇娑婆訶諸人
與麼領會歌羅歌羅

謝新天寧并秉拂上堂信口道一句栗棘金圈皆露
布信脚行一步柳陌花衢非活路未開口未舉足已
前薦得許你有箇入頭處拍床云東湖一箭落雙鷗
鳳棲不在梧桐樹

上堂無蒲團禪板與諸人厮睚無金圈栗蓬與諸人
吞吐水清月分明雲散山呈露山僧結夏來贏得緊
閉戶

上堂雨不來旱彌烈草木枯金石裂江流斷井泉竭
盡大地生意絕東湖上乾坤別最清涼無惱熱優曇
花正開清香來不徹

中秋上堂拍禪床云山僧今日豁開廣寒宮殿千門

萬戶六通四關普請盡大地人穩步而昇操三寸戈
與萬人敵雖然仙桂第一枝畢竟是誰折得

小佛事

珠浴主下火

家家門前火把子臨機應用無不可香水海裏動地
放光生死路頭一時照破某人還見麼以火把打圓
相云切忌喚作明珠一顆

議上座起骨

向上一機滿眼滿耳如過風疾談不容湊泊如倚天
長劍不容擬議何故轉腦回頭橫屍萬里

南庵主起棺

見了天童便跟跟佛來有口不能吞莓苔綠遍門前
路坐看春風四十年無禪道可論無佛法可傳拾薪
樵子無可尋之跡柳花飛鳥無可見之緣折脚鐺中
爛煮乾坤清氣長柄杓內舀乾滄海根源了生死去
來之如幻觀涅槃寂滅之現回首鑑湖青山未老
笑携藜杖白首言旋這箇又是某人可見之蹤跡設
若放闊步於藕絲孔中入正定於微塵影裏諸人又

向甚處與此老相見闔浮樹在海南邊

慧上人起骨

慧日高懸普天匝地燦破佛祖眼睛揭示衲僧巴鼻
雖然覲體全真認著依前不是何故差之毫釐失之
千里

薑頭下火

盡力事犁鋤無意除鬚髮老去志益堅生薑不改辣
大地忽鋤翻一死不再活看看開先今日活汝去也
擲下火把云火蛇劈面來虛空連底脫

讚

觀音

聲以眼聞色以耳見下與衆生同一悲仰上與諸佛
同一悲願大海枯磐石爛我此大心方了辦

又包媚嶼請

如嶼兮媚川如山兮倚天大哉圓通之道民無得而
名焉

布袋

布袋無口拄杖無枝靠定這有甚了期

又觀月

明皎皎暗昏昏未曾舉首燦破面門若更停機行思
苦哉彌勒世尊

寒拾

蒼崖鎖寒色題目分明極無端書兩字剗地失平仄
颺却筆放却墨一句了然超百億

又題詩磨墨

淡墨磨虛空秃筆蘸滄海點污天台山是他這一對

半身達磨

毒藥醫不活風雪凍不死自己欠一半說甚傳宗旨
天自天地自地枉自東游十萬里

臨濟

開眼受睦州熱瞞甘心喫黃蘗痛棒握空拳以當平
生除一喝別無伎倆何曾夢見無位真人剛要滅却
正法眼藏見人家財盡情藉沒併與性命一時掃蕩
不可聞名如何近傍自有佛法以至于今少曾見有
箇樣不觀是底和尚

商山四皓

橘大天地窄眼高秦漢小一片隱淪心商山青未了

呂洞賓

提起條頭垂下衣袖信脚闊步行親見黃龍後

自讚崇福顏長老

頭小面狹眼橫鼻直難親易忘易見難識剛道笑翁
手脚緩緩無準癡絕尺寸短窄視泰山喬嶽不過一
拳視長江大河不過一滴西天此土要橫行有祖以
來無此僧

又

讀書不識字行脚不會禪有拳爺不識有口佛不吞
惟康第一莫學他學他陷汝到黃泉

偈頌

佛成道

迷是誰兮悟是誰山僧贏得眼如眉新糊紙被烘來
暖睡到天明日上時

釣雪

百尺竿頭一縷絲沒提撕處急提撕鉤三寸忽拋
却正是虛空粉碎時

送東上人

上頭上面得人憎少見生輝箇樣僧莫道無文輕放
過病來無力舉烏藤

贈禪客

空拳打入長蛇陣殺氣連雲戰更酣戰到了無交涉
處牛頭向北馬頭南

贈相士

面如生鐵鑄崑崙有底榮枯到你論說說青青亭畔
竹春風幾箇有兒孫

一庵

萬法須從歸處參難將歸處與人談簷頭昨夜風和
雨說得分明落二三

送人之圓通

無數飛花舞曉風天開二十五圓通要知門戶從何
入問取溪邊石耳峰

摘茶

拈一旗兮放一鎗多從枝葉上搏量全身入草全身
出那箇師僧無寸長

送僊知客總侍者專使

對面相看千里隔，手持史君招隱檄。一條拄杖兩人扶，面帶東湖水碧口裏只安三寸匙。平生懶病無藥醫，菜羹白飯隨處有，誰能辛苦食住持。向來春風滿兩手，如今零落能多少。盡情包裹付二妙，散與青湖上柳。

松月軒

白雲巖上月，太平松下影。東山大導師，指作一片境。若作境會孤，東山不作境會隔。重關蓋天蓋地，這一著分明似鏡見。還難認作清涼轉炎熱，掃除光影成途轍。廣寒宮殿等虛空，不信問取蒼髯翁。

送奕上人

金華道人少而壯，學道苦心知趣向。俊如秋鷹方振揚，快似馬駒絕超放。無準軟頑癡絕癡，領過不消渠一狀。前年相別五峰巔，今年相見松江上。無影枝頭拾得春，要去北山呈伎倆。北山老人眼，瞎癡毒手惡拳難近。傍跨門一機，我識渠脚跟定與三十棒。

送覃侍者住庵

門上書心字，窗上書心字。長嘯住庵人，不知庵內事。除却煨芋頭，無力收寒涕。我觀從上來，懶瓚較些子。君勿輕住庵，住庵不容易。手中長柄鋤，上有千古意。前山栗自鋤，後山禾自刈。客來問有麼，牢把柴門閉。

送開上人

道人家住廬山寺，信脚東游二千里。三年飽喫浙西飯，不曾咬著浙西米。大川惡拳打不活，石溪淺水浸不死。自言辣手難近傍，祇有癡絕較些子。要從窻下看廬山，歸臥溪聲山色裏。了無元字流，胃懷肯將佛法掛。唇齒漠漠重湖五老前，袞袞九江千嶂底。空手携鋤種白石，赤脚提籃挈流水。有問參尋事，若何向道。今年秋芋多。

題跋附

題六祖渡江圖五祖操舟

左道惑衆竊負而逃，大天下後世之禍源本。此二老焚其舟，扼其腕，恨不身親見之也。

題船子扣舷圖

陷人非法，不能無愧。置身無地，愧孰甚焉。大江橫流。

不足洗此二愧也

跋圓悟禪師授佛日臨濟正宗記及持鉢住

庵法語

佛日見佛果於間關兵革之時佛果先示之以從上
爪牙以正其傳次授之以涉世斧斤以致其用末後
一矢允切中其病處佛日身受其矢而某也忍痛於
百二十年之後避地避世某亦從此逝矣時相似也
病相似也避世之心又相似也如師法不相似何道
力不相似何

書濟藥王看大藏經圖

無上法王以一切言教療衆生攢簇不得底病五千
四十八卷皆用藥法也濟公藥王取其緒餘偏治衆
生四百四病猶慮學佛者未知其方也盡出其書使
之讀之欲其皆得趣入皆得受用至於安樂田地而
後已其用心廣矣大矣雖然佛病祖病少有能療之
者其藥爲何其方安在

題羅漢像軸

五百開士中惟十有六人破佛律儀受佛呵叱子莫

知爲誰今乃於此軸見之極欲貶之二鐵圍山管城
子殷勤致請曰盡法無民且與放過

跋血書華嚴經

七處九會所說山河大地草木叢林以耳聽後五百
世最後成佛之人以眼聽又後五百世燈上人以手
聽耳聽者聾眼聽者盲手聽者痛徹骨髓所聽者不
同所證亦不同余曠大劫前蓋嘗以手聽矣獨無所
證何哉燈上人能下一轉語方許證阿字法門

跋天童淨和尚壽無量墨跡

無量拳頭能殺而不能活天童拳頭能活而不能殺
閒雲親中二老之毒山河大地草木叢林至今忍痛
未已也虛空霹靂未嘗不殷然天地間雅維那於展
卷處忽然轟入觸骸政恐不及掩耳

題天台三隱圖

小點大癡出沒五峯雙磎間無足怪者蒼顏白髮彼
何人斯亦甘心入其保社無端以實事誣人人又從
而誣之幾不免虎口吾不知孰爲點孰爲癡也寒巖
漠漠瑤草離離安得執鞭其後擇其善者而從之

書虎谿三笑圖

三老形服不同教法不同而風期未嘗不同軒渠一笑聲滿天地遺音餘響至今猶在山南山北萬壑松風九江春水更相應和日夜不絕口也千載風流易見難識誰其識之長松片石

跋大慧墨跡

寺大僧衆終日汲汲不了目前此先大慧示人以日用常行之道其曰歡喜忍受蓋直叙自己受用三昧也後世師家以日用現行為重累以受用三昧爲極苦六鑿相攘學天地萬物皆爲已蔽正恐此老笑人

題華嚴經

余舊閱雜華甚精熟又嘗手書置之疎山反復詳味不能無惑善財北遊而曰南詢文殊在覺城西偏而曰東際彌勒樓閣無門無戶而曰有開有閉盈天地萬物皆善知識而曰善財所參止五十三人此余所未解嘗欲持此惑質諸賢首之學者未暇紹曇上人持其師克祐比丘所書華嚴求跋因志余惑不知祐師行墨結字時毛錐子曾爲說此法乎

題法華經

是真精進是名眞法供養如來吾聞其語矣未見其人也今觀祐上人手書法華筆精墨妙自首至尾無一毫怠意心之精微浮動翰墨間非精進歟祖述經意作爲詠歌被之音聞佛事非眞法供養歟後五百世增上慢比丘非祐而誰哉

題蓮社題名集社名懷故鄉

故鄉不在十恒河沙外惟懷歸者能知之然十方無壁落故鄉果安在脫屣世紛問津淨社倦遊思返也香雲發光燭花吐紅迷途向導也落日沈西金相現前鄉關主人也紅藕放水水清沙白故家舊業也由是而休去歇去樂哉一念合塵則客路天遠矣雖然四明大士卽一具字包括天地萬有樂邦化國不在具外木庵老子發揮四明絕學使一切人開示悟入佛之知見不歷化城徑歸寶所何往非故鄉哉

跋圓悟諸老墨跡

圓悟禪師受草本於老東山已而傳之先大慧自是人傳一人學天下不復知有正本而吾江西之士受

惑尤甚使當時有具辨風雲別氣色底眼目學而納諸水火其患豈止今日而已賢維那後諸老百年而出既不能略試焚溺之手又將寶之以爲大訓開眼受惑不自知覺嗟夫

跋石鏡頌軸

皎日麗天寸雲尺霧油然而起大明逝矣石鏡之明亦復若是加以藻繪萍穢清明爾長歌短偈非藻繪歟余欲碎而石鏡去而藻繪東平老子謂余曰卿自用卿法不必逼人

題遷廉谷禪會圖

余歸南曷廉谷分座天童書來問無恙以此十偈爲介紹後五年來西湖復觀於關西辯侍者處抑揚縱奪老手甚武然中有一人搖手掩耳不受讚嘆余欲語之而廉谷不可復見矣

題持首座華嚴指掌圖

橫說豎說空拳諱小兒約而爲圖猶拳作掌也殊不知善財未曾發足持首座未曾下筆百千法門已在吾手中矣

題山谷書修山主頌後

龍濟說不出處山谷寫得出山谷寫不出處龍濟說得出兩翁千載人也片語隻字皆可爲千載之傳扼其吭而衿其臂後世必有千載人余姑置而不問

跋無準凝絕北磬送演上人法語

三老不可復見太虛亦不可作軸中惟物初獨活演上人若見一會儼然於一念未萌之時則不須壅著脚指頭而山川已歷遍矣

跋大慧禪師送曾兩府彌勒像

彌勒大士像妙喜臨般涅槃以遣海野老人者妙喜以是日入滅海野以是日初度海野書讚謂彌勒下生者蓋自況也余以爲彌勒未嘗示生妙喜未嘗滅度海野與之各夢同床而不自知覺乃以今昔同別自疑何哉吾將遣最後成佛之人質之於龍華會上

題寄賀縉雲鑑老頌軸

本翁罪大惡稔貶在縉雲山中江湖諸公又交口詛詛吾知其頂上鐵枷卒未有脫去時也

跋敬簡翁出世頌軸

斗大院子不足以榮簡翁。闕頌舌不足以讚簡翁。然盛大光明常胚胎於火冷雲寒之際。三十年後此話大行。方知此軸皆真語實語也。

書西耕頌軸後

盡大地撮來如粟米粒。大東西南北何處安立受維。那於此下得一犁。則十萬億國土卽跬步也。跬步卽十萬億國土也。困於鋤耨。勤於耒耜。老歲月於畛畦。而欲望道。一作習難哉。

跋癡絕和尚墨跡

余昔從老子游。惟學佛法。至於世法未嘗半語及之。出游人間。方知佛法外不曾別有世法。欲質諸老子。而恨不可復見。今觀此語。乃知佛法世法豈有兩般乎。然有當於人心者。又甚恨其當時不明以告我也。書此以授紫湖。持歸東林。舉似阿翁。爲我發一大笑。

題蓮社圖

晉室南遷中原多故。有志於天下者多以道術自晦。廬山遠師乃以淨土三昧籠絡諸賢。其待之淺矣。抑不知卽無明爲大智。視極樂爲大患者。孰爲淨土耶。

跋大慧回大禪軒山長老書

得少爲足。發爲狂言。狂行此固學道者大患有。知識如先大慧。敏於爲道者。如大禪軒山。猶不免是過。近世師道不明。士氣益下。雖未見神見鬼。已舞其狂於叢林。如病風喪心。不可救藥。觀此書者。庶幾其有悟乎。

無文和尚語錄終

虛舟普度禪師語錄

宋
•
淨虛舟普度
伏等撰
編

虛舟和尚語錄目次

序

建康府半山報寧禪寺語錄

鎮江府金山龍游禪寺語錄

潭州鹿苑褒忠禪寺語錄

撫州疎山白雲禪寺語錄

平江府承天能仁禪寺語錄

臨安府中天竺天寧萬壽永祚禪寺語錄

臨安府靈隱景德禪寺語錄

臨安府徑山興聖萬壽禪寺語錄

小參 偈頌

真讚

自讚

小佛事 行狀 跋

瓊林昔年絕海遊宋往來吳越多侍

先師於武林湖山間每聽火爐頭話聞學平昔提唱

以其未許學者流通紙襖所錄才竺峰冷泉兩會語

耳別

德三十年不見大篇全章爲恨痛切不意忽獲八會

全錄喜不自勝卷不釋手觀其語句詞氣簡古機鋒脫略如侍座隅親聞激勵真末法光明幢也然深恐此書湮沒則非爲人後者職故命工鐫梓垂之無窮儻閱此而知有

松源太師祖的傳之旨則孰謂無補於宗門哉如曰不然子雲未生寥寥千載世界無太玄法言乎

嘉元改元冬至日見山庵嗣法小師瓊林謹書

大宋國虛舟和尚語錄

住杭州靈隱禪寺法嗣 淨伏 編

師初住建康府半山報寧禪寺

入寺指山門云前不構店後不迭村當陽坐斷上下

平分更看直透雲霄之頂獨步乾坤

佛殿悟道染泥沙佛祖生冤家新半山爲甚燒香禮

拜明珠絕類皓玉無瑕

踞室有主有賓無踈無親直饒七佛到來各與三十

拄杖何也少喜多嘆

拈府帖奪佛祖之機佐雨霖之手黃鐘大呂白雪陽

春眼處聞聲有幾人

陞座拈香祝

聖罷乃云一佛出世千佛讚揚十方坐斷獨露真常
山蒼蒼雲蒼蒼半開半合隱顯全彰汝等諸人便恁
麼領略得去新半山一周事畢其或未然鍾山橋畔
日遲遲王謝堂前燕子飛

復舉三聖道我逢人則出出則不爲人變化道我逢
人則不出出則便爲人師拈拄杖云同一隻眼共一
隻臂豎起臨濟正宗則不無二大老檢點將來總好
與三十拄杖新半山義出豐年放過一著靠拄杖下
座

上堂拈拄杖示衆云拄杖子無向背東拄西撐登山
涉海卞壁驪珠泥團土塊卓拄杖一下云一時粉碎
又卓拄杖一下云話在

佛涅槃上堂拈拄杖云有一事諸人不得不知釋迦
老子卓拄杖一下云命根斷也說甚今日卽有明日
卽無是處春山啼鷓鴣

上堂上士聞道勤而行之朝打三千暮打八百中士

問道如存若亡蠱毒之家水莫管下士問道大笑之
甜瓜徹蒂甜苦瓠連根若半山恁麼提唱大有人橫
點頭在必竟如何斫倒門前老松樹了得三年五穀
燒

佛生日上堂釋迦老子初生便道天上天下唯吾獨
尊那知更有老雲門雖坐一棒打不殺至今千古也
成痕諸人且道是報恩耶五逆耶卓拄杖一下云總
出者一杓惡水不得

上堂絕名言超今古佛身無爲不墮諸數恁麼恁麼
則易不恁麼不恁麼則難既是佛身無爲因甚有難
有易不見道甜瓜徹蒂甜苦瓠連根苦

上堂雨滌炎威秋雲自在一片兩片拄杖頭或卷或
舒林木外白壁明珠泥團土塊放去收來顆顆圓填
溝壑壑無人會阿呵呵六隻骰子滿盆紅有采無采
大家別賽

重九上堂說禪說道撒土撒沙半山終不也隨邪重
陽定在九月九東籬何處無黃花恁麼則事因叮囑
起且歸堂喫茶

上堂扶驪龍額意在得珠破蟠桃核要見其仁其仁
既見珠作麼生卓拄杖一下云海神知貴不知價留
與人間光照夜

鎮江府金山龍游禪寺語錄

住杭州靈隱禪寺法嗣 淨伏 編

師入寺指山門云龍門萬仞到者還稀不犯清波如
何進步喝一喝

佛殿立底是什麼坐底是什麼提起坐具云不出者
箇

踞室前佛性命後佛紀綱開口卽喪閉口卽錯卓拄
杖一下云癡病不假驢駝藥

拈府帖毫末非輕丘山非重按佛祖雲頭穿衲僧鼻
孔剖破方知無罅縫

法座諸法空爲座早是起模畫樣了也新金山終不
隨他轉喝一喝

陞座拈香祝

坐罷乃云隔江招手萬象森羅笑點頭洗脚上船鐵
壁銀山俱靠倒便見孤危不立迥絕躋攀截斷衆流

寧容湊泊放開一縷天平地平浪靜風恬魚龍起舞
正恁麼時如何有星皆拱北無水不朝東

復舉李翱尙書問藥山和尙如何是道山以手指天
復指瓶云會麼李云不會山云雲在青天水在瓶李
大悟乃投偈云鍊得身形似鶴形千株松下兩函經
我來問道無餘說雲在青天水在瓶師拈云手擎仲
尼日月腰佩毗盧正印則不無李尙書若是藥山意
未會在

元宵上堂一燈千燈千燈一燈未免只坐在光影裡
以拂子打圓相云只如者箇在內耶在外耶良久云
瞎

癡絕和尚至上堂破沙盆沒巴鼻盡大地人扶持不
起玉山路上荊棘參天鍾阜山前清風匝地壁破寶
公面皮德雲無處回避何故理合如是

上堂十五日已前只許老胡知不許老胡會十五日
已後只許老胡會不許老胡知正當十五日會不會
知不知風細細日遲遲卓拄杖一下云不惜黃金爲
彈子牡丹花下打黃鸝

道舊至上堂大海揚塵高原出水。狹路相逢。知心有幾。明明玉鑑。光中浩浩。煙波萬里。鸞鷺擎頭。金鱗擺尾。江北江南。絕望時一聲霹靂。清颺起。

上堂。推不去。挽不來。南天台北。五臺大地。寥寥兮何者。當情春風浩浩。兮雨打莓苔。見成公案。不涉安排。豈在見桃花。而後眼開。

上堂。雲取海山橫。月印江天曉。擾擾紅塵中。青春有多少。鐵壁銀山一拶開。落花流水空徘徊。喝一喝。是何言哉。

維揚回兼謝秉拂幹齋。上堂。棒喝交馳。全提半提。是真精進。是名真法。供養東山。鐵餞餚壁。破者方知。坐看楊州跨鶴歸。瓜洲古渡對斜暉。

上堂。今朝五月五。諸方盡鳴鼓。不說藥病相治。便說書符呪土。金山伎倆。既無未免。別行一路。卓拄杖一下。云。日輪當午。

知府判還下。填莊田。上堂。一見便見。一得永得。四邊界至。故是分明。一寸筆頭。萬鈞之力。三十年異苗。飄茂千萬古中流。偉勳阿呵。阿呵。知不知。青氈元是吾家。

物好看金牛作舞時。

立秋上堂。火雲影裡。一葉落。玉鑑光中。便見秋。一任秋來。又秋去。大江依舊向東流。無變易。有來由。塞鴻何處白鷺滄洲。數聲漁笛。煙村晚。狼藉斷霞。閑釣舟。喝一喝。

上堂。雨洗炎威。秋磨霄漢。風傳麴糵。香鼓腹。寒岩辟位。轉功回。木馬嘶。劫外不須重。借伴喝一喝。巡堂喫茶。

解夏上堂。布袋頭開。天地大。翠岩眉毛。在不在。一聲鴻鴈海門。秋行人已在青山外。

上堂。千說萬說。不如親見。有時怒濤。竄底。有時水清。月現。風颼颼。冷啾啾。雖然。舊關閑田地。一度贏來。方始休。

上堂。月冷天高。風號怒濤。提殺人劍。用活人刀。雲淡。寒江。鴈影。山渺。渺。落日危巢。見成題目。駝上眉毛。萬機頓罷。歸來也是徒勞。喝一喝。

上堂。拈拄杖示衆。云。說到行不到。行到說不到。斫額望蓬萊。弱水三萬里。直饒行說俱到。金山拄杖。未到。

汝諸人喫在何故。若無舉鼎拔山力。千里烏雞不易騎。

冬至上堂。群陰剥盡。一陽來復。鐵樹花開。清香馥郁。眼皮開未。開枝南復。枝北凹凹。凸凸破沙盆。何似鎮州大蘿蔔。

上堂。清明寒食節。韶光爛漫時。野花迷古逕。回首暮雲低。紙錢飛處。杜鵑啼。不是苦心人。不知喝一喝。果州飯布。

上堂。說得一丈不如行得一尺。行得一尺不如離却一寸。何也。山高分水深。青天分白日。喝一喝。

諸山相訪上堂。舉鹿門和尚。一日有僧相訪。僧問云。如何是鹿門家。風門云。有鹽有醋。僧云。如何是道中人。門云。口似鼻。孔僧云。忽遇客來。將何祇待。門云。柴門草戶。謝子經過。師拈云。鹿門家風大。展水洩不通。既無受壁之心。安有割城之意。今日忽有人問金山。如何是金山家風。只向他道。八面玲瓏。如何是道中人。直出直入。忽遇客來。將何祇待。餅飢江上月。鱸縷屋頭雲。且道金山與麼答話。與鹿門相去多少。擊拂。

子一下云。酒逢知己飲。詩向會人吟。

謝秉拂幹齋上堂。玉鑑光中。波澄月現。展屠龍手。提金剛劍。栗棘金圈。一拶開從。君細嚼。渾崙。嶺嶺有照。有用有舒。有卷。楊岐消息未全。灰優曇華。笑春風。面卓拄杖一下。喝一喝。

歲旦上堂。年年是好年。日日是好日。新年人看舊年人。舊年日是新年日。潮生漲舊痕。潮落石頭出。萬物有遷流。遷流無變易。有變易。卓拄杖一下。云上上大吉。

涅槃上堂。釋迦老子弄精魂。死了依前似不曾。一樹落花春過後。遠山無限碧層層。

上堂。風來江上月。到波心。水月交光。秋空一色。大丈夫兒。阿誰無一坐具地。是汝諸人。還得相應麼。擊拂。子一下云。武林春已老。臺榭綠陰多。

上堂。圓同太虛。無欠無餘。良由取捨。所以不如三祖大師。大似與賊過梯。不覺自傷已命。金山莫有道處麼。卓拄杖一下云。驢鞍橋不是你阿爺下頷。雪中示衆上堂。一夜江風攪玉塵。孤峰不白轉精神。

從空放下從空看徹骨寒來有幾人

結制上堂南北東西幾路頭來來同載一扁舟月明
夜靜滄浪裡一掣綿鱗隨直釣雖然如是莫有不吞
香餌底麼卓拄杖一下云生殺盡時消息盡不風流
處也風流

夏
● 梓印本作

謝秉拂幹齋上堂智不到處不妨道著吸盡長江衝
開碧落的金圈栗棘一一天花乳酪楊岐消息儼
然存大用機前活卓卓山僧合掌有分諸人如何啗
啄玉鑑光中宇宙寬双双放出遼天鶻

上堂山之高水之深非古亦非今老胡打失一隻履
葱嶺那邊無處尋

上堂風號寒霜凜冽屋浪崩騰飛銀撒雪截流過者
未稱全提作死馬醫暖氣相接倒腹傾腸一線通月
明不借蘆花白

上堂長長出不得短短出不得四大海不寬藕絲數
不窄非耳目之所到非心意之所及自西自東自南
自北落霞與孤鶩齊飛秋水共長天一色喝一喝巡
堂喫茶

潭州鹿苑褒忠禪寺語錄

住杭州靈隱禪寺法嗣 淨伏 題

師入寺指山門云此是黃面瞿曇始初開法度度群
有方便門新長老與誰同行同到驟步云把手殺
不入

佛殿佛身無爲不墮諸數者一殿功德爲什麼盡是
色裝泥塑良久云無今不成古

踞室烹佛煉祖鍛錫凡殺活在手寶剎光寒意在
星兮不在盤

陞座祝

聖罷乃云古鏡無光當臺自照森羅絕影觀面難逃
行不言之令坐致太平贊無爲之化六國晏清天高
地厚水綠山青山青青水泠泠湘西古渡夕陽明岳
足當簷開畫屏

復舉寶壽開堂三聖推出一僧寶壽便打三聖云恁
麼爲人非但瞎却這僧眼瞎却鎮州一城人眼在壽
歸方丈師拈云這棒合是寶壽三聖自喫何也盡道
是臨濟二子義出豐年殊不知正是儉生不孝

上堂李白桃紅桃紅李白或雨或晴或寒或熱一一是諸人放身捨命處因甚不肯承當忽有箇漢出來道長老豈無方便爲人只向他道口是福門

上堂大盡三十日小盡二十九忽然春盡夏來不覺夜穿露肘貧無絲繫蟻內外空諸有拄杖聞得踴躍歡喜作是言曰曹山曾語稅關梨清原白家三盞酒卓拄杖一下

上堂擊鼓陞堂說無義語有一句到汝諸人家國興盛無一句到汝諸人四海晏清拈露柱向燈籠上將露柱掛燈籠邊飢來喫飯困即打眠有甚麼事若也不曾五月黃梅爛石白

上堂七佛已前然燈已後無人道著因甚驢嶺拈花飲光微笑國清才子貴家富小兒嬌

佛涅槃上堂十五日已前今日有十五日已後明日無正當十五日是有耶是無耶石頭大底大小底小野猿啼破千山曉

上堂舉教中道遠離顛倒夢想究竟涅槃拋却甜桃樹汾山摘醋梨者些消息子能有幾人知若也知滿

山花發杜鵑啼

撫州疎山白雲禪寺語錄

住杭州靈隱禪寺法嗣 淨伏 編

師入寺指山門云白雲高灘水急不動腳頭全身直入

佛殿前佛夜半逾城去後佛天宮未下來且道喚阿那箇作現在底佛插香云因我得禮你

拈府疏花簇簇錦簇簇吟不足詠不足的的無絃琴上曲

陞座拈香祝

聖罷乃云大機圓應大智無方左右逢原七穿八穴萬疊雲山一抹過十八灘頭聲浩浩遇貴即賤賤即賤法隨法行法幢隨處建立要津把斷縱奪臨時風細細日遲遲四海浪平龍睡穩九天雲淨鶴高飛復舉雪竇明覺大師一日與李殿撰坐次有一秀才一道士從外入來撰云三教中那教最尊雪竇起身側立撰云有口何不道雪竇云對夫子以難言師拈云大小明覺大師被殿撰一問直得側身而立然

雖如是要見雪寶則易要見殿撰則難也不難也不易必竟三教中那教最尊卓拄杖一下云。基逢敵手密行難藏。琴遇知音希聲乃布。

當晚小參。四十年前錯訪尋。瓦爐煙斷白雲深。如今再到經行處。却憶無絃是賞音。是以法無異法。心不自心。用不停機。隨宜應變。旃檀林裡噴伊蘭。無角鐵牛眠石室。不關萬象幽旨互融全。主全賓十方通暢。正與麼時。如何委悉。靠拄杖云。三尺冷光摩竭令。普天和氣少林春。

復舉三聖示衆云。我逢人則出。出則不爲人。與化道我逢人則不出。出則便爲人。師拈云。燕南趙北各據封疆。可惜臨濟些子活計。被二子一時花孽了也。新疎山忍俊不禁出來。爲他作箇中人。也是賊過後張弓。卓拄杖一下。

上堂。謝川人俊。西堂春風卷。春雨春樹生。春烟作家相見不談禪。天寒燒榾柮。雲外煮清泉。更有一般風味。在從來附子出西川。

涅槃上堂十五日已前過山尋蟻跡。十五日已後渡。

水覓魚蹤。正當十五日作麼生。道自徒一到。拘尸後依舊金烏出海東。

重九示衆上堂。西風蕭蕭急。未急塞。鴈聲寒未寒。欲對黃花問時節。有誰同倚玉欄干。拍膝下座。退院上堂。塔前黃葉兩三片。門外白雲千萬重。寄語善財休所額。德雲不在妙高峰。

平江府承天能仁禪寺語錄

住杭州靈隱禪寺法嗣 淨伏 編

師入寺指山門云。此門廣大。未嘗不與諸人同出同入。只是總踏不著。因甚如此。一步是一步。

佛殿麻三斤。乾屎橛。不是五逆漢。此話憑誰說。喝一喝。

踞室開口。卽錯。閉口。卽啞。釘嘴鐵舌。一時列下。何故。碧玉盤無縫罅。

拈府帖筆頭。有眼主中主。號令無私公。至公妙用當機全。殺活一新佛祖舊家風。

法座先聖道。若欲高陞此座。先須作禮。須彌燈王如來。住住莫來攔我毬門路。祝。

聖罷復拈香云此香枝葉全無一味真實觀著則兩目全枯嗅著則打失鼻孔不從外域而來只是江西道地奉爲

前住常州褒忠顯報華藏禪寺先師無得和尚燕向爐中用酬法乳之恩

跌座乃云白雲青嶂春風秋月徘徊趙璧燕金關市紅塵喝采攔街截巷痛割深錐倒拽橫拖七穿八穴一任南來北來說甚船到陸到雙戟起舞萬佛點頭左右逢原隨宜應變必竟承誰恩力青山不鎖長飛勢滄海合知來處高

復舉寶壽開堂三聖推出一僧壽便打三聖云怎麼爲人瞎却鎮州一城人眼在師拈云寶壽據碧油幢百發百中三聖向大虫口裡分食美則美矣殊不知向者僧面前盡納敗闕雖然不入驚人浪難逢稱意魚

退院上堂來何遲去何速十七日緣今已足拄杖橫擔歸去來一笑出門山水綠

臨安府中天竺天寧萬壽永祚禪寺語錄

住杭州靈隱禪寺法嗣 淨伏 編

師入寺指山門云樓閣門開了無回互既是家裡人便請直入

佛殿過現未來總在者裡提起坐具云拜即是不拜即是義出豐年

踞室面皮上刮得霜枯骨裡敲出髓轉得身吐得氣不是不是

拈省割回天關轉地軸普會人天一時諦聽

陞座祝

聖罷乃云鷲嶺峰高萬象森羅齊斫額少林花發普天和氣絕遮欄高低圓應今古混融蕩蕩堯風熙熙舜日東澗水流西澗水南山雲起北山雲佛祖之玄關巨闢神僧之正眼豁開至化無私十方通暢便恁麼去未當宗乘何故憤從五鳳樓前過手握金鞭賀太平

復舉太宗皇帝幸大相國寺開寶塔次 皇帝問卿是何人僧云塔主帝云既是寡人塔因甚卿作主僧無對師頌云寶塔層層面面開當機一拶語如雷信

知恩大難酬處一段風光遍九垓

捧勅黃望闕謝恩。天書頒自九重來。萬壑煙雲盡豁開。竺土大仙燈燦爛。融融和氣鬪樓臺。捧起云。萬歲萬萬歲。

中秋上堂。吾心似秋月。碧潭光皎潔。有月則似月。無月又似箇。什麼可笑寒山子。是亦不是。非亦還非。還我清光未發時。

上堂。舉梁山和尚示衆云。南來者三十棒。北來者三十棒。雖然未當宗乘。瑯琊和尚道梁山好一片真金。却作頑銅賣了。瑯琊即不然。南來者三十棒。北來者三十棒。一任諸方檢責師拈云。二大老一人八字打開。一人水洩不通。中竺門下一任南來北來。要且無棒到你喫在何故。真金自有真金價。終不和砂賣與人。

上堂。上士聞道勤而行之。中士聞道如存若亡。下士開道大笑之。若是衲僧門下。却許他大笑。底有些骨氣。白雲和尚與麼說話。大似扶強不扶弱。雖然如是。賣劍賣與烈士。中竺亦有箇道處。上士聞道勤而行。

之斷腸愁聽峽猿啼。中士聞道如存若亡。一聲鴻雁過斜陽。下士聞道大笑之。落葉辭柯滿竹扉。道道何處尋。今即古。古即今。曹溪波浪。浪如相似。無限平人。被陸沈。

冬至上堂。舉僧問一老宿云。一陽後日長一線。未審佛法長多少。云。一線長。其僧有省。今日中竺應時納祐。下箇注脚。長一線。一線長。眼聞耳見。不用商量。流水斷橋。梅破。萼枝南枝北。一般春。

雪中就謝諸庫上堂。白玉樓臺爛銀世界。一時撒在諸人面前。平等受用。直得普賢老人隱身無路。却向中竺拄杖頭上開張鋪席。東頭賣貴。西頭賣賤。豈百橫千甚生意氣。拄杖子。道住住。諸人要見普賢老人麼。卓拄杖一下。驚鷺立雪。非同色。明月蘆花不似他。德嚴佑長老瑞世。明州天王上堂。妙德嚴中宴坐時。釋梵天王同讚喜。地搖六振雨花飛。一聲霹靂清鷺起。滄海頭青海尾。楊岐毒種靈苗。殃害兒孫未已。佛生日上堂。手指天。腳踏地。目顧四方。眞少兒戲。自言。惟我獨尊。天上人間。誹誚中竺。尋常不欲將惡水。

潑人今日獲不得已何故法王法如是

謝秉拂化扇上堂正法眼破沙盆零敲碎打不直分文一一銀山鐵壁一一電掣雷奔是則固是鹽官道。扇子既破還我犀牛兒來又作麼生卓拄杖一下云。頭角已全露一見勝千聞。

重九上堂有一句甚瀟灑端的勝黃金只在東籬下見便見切忌躊躇是不是良由取捨且莫之乎者。石霜虎巖伏長老法嗣書至上堂猿啼枯木虎嘯斷巖一燈發焰萬象同觀拄杖子未免手之舞之足之蹈之卓拄杖一下云何也世尊無密語迦葉不破頭佛生日上堂七步周行九龍灌沐赤條條地渾身誰道福足慧足韶陽打殺却堪誇斷弦自有鸞膠續佛成道上堂正覺山前明星皎皎夜半打失鼻孔將謂一了便了中竺看來有些短處不說也好開得眼來天大曉。

師母訃音至上堂當初已是錯投胎鬼面神頭相賺來裂破虚空無罅縫豎起拂子云龜毛拂子舞三臺辭衆赴靈隱上堂垂垂白髮老成魔異類中行罪過

多業債既深償未足又拖犁杷出煙蘿

臨安府靈隱景德禪寺語錄

住杭州靈隱禪寺法嗣 淨伏 編

師入寺指山門云向上一闢盡大地人入作無門新靈隱今日八字打開普請諸人從這裡入

佛殿德山拆却雲門打殺正令全提沒對頭展坐具云漫天網子一時収

踞室拈拄杖云明頭來明頭打暗頭來暗頭打總不與麼來時如何靠拄杖便起

拈勅黃省劄衲僧命脉佛祖眼睛不消一割且道向上事又作麼生良久云勅下曾聞六國清

法座欲陞此座先須作禮須彌燈王如來新靈隱則不然但有路可上更高人也行

陞座祝

聖罷乃云鷲嶺拈花百萬人天瞻仰有分少林直指二三四七那覓蹤由洞明摩醯正眼發揚向上真機彌滿十虛纖塵不立正與麼時如何是開堂祝 聖底句心似錢塘江上水無言日日向東流

復舉太宗皇帝。因僧朝見。奏云。陛下還記得臣僧否。帝曰。何處相見。僧云。靈山一別。直至如今。帝曰。以何爲驗。僧無語。師云。臣僧普度。快便難逢。輒成一頌。舉似大衆。德合乾坤。御九天祥光。瑞氣靄山川。當機覲面。全提處。一會靈山。又儼然。

當晚小參。豁開戶牖。一時和氣。少林春大坐。當軒三尺。冷光摩竭。令法隨法行。法幢隨處建立。橫拋栗棘。豎擲金圈。今古混融。聖凡路絕。雖然。如是卓拄杖一下。云。人歸大國。方爲貴水。到滄溟。始是波。

復舉法燈和尚。云。山僧本欲深藏巖竇。養道過時。奈緣先師有箇未了底公案。燈拈拄杖打云。福禪不了。如何是先師。不了底公案。燈拈拄杖打云。福禪不了。殃及兒孫。僧云。過在什麼處。燈云。過在你殃及我師。云。山僧亦欲深藏巖竇。養道過時。無奈松源師翁有則未了公案。殃及先師。展轉至于今日。諸人要識松源師翁未了底公案麼。夜深久立。

上堂。邪人說正法。正法悉皆邪。邪人說邪法。邪法悉皆正。卓拄杖一下。邪耶。正耶。又卓拄杖一下。說邪不

◆ 釋經

說耶。向這裡擇辨得出。黃金爲屋。木爲貴。玉食錦衣。何足榮。

上堂。頭陀石被莓苔裹。擲筆峰遭薛荔纏。羅漢院裡。一年度三箇行者。歸宗寺裏。參退喫茶好。諸禪德。眞淨和尚。是關西人。尋常慣弄大旗鼓。爲什麼到這裡。絲毫不敢動著卓拄杖一下。須信來源萬仞高。一條界破青山色。

上堂。萬法是心光。諸緣惟性曉。本無迷悟人。只要今日了。既無迷悟人。了箇什麼。卓拄杖一下。千言萬語。無人會。又逐流鶯過短牆。

上堂。心王不妄動。六國一時通。罷拈三尺劍。休弄一張弓。與麼舉。似也是與賊過梯。諸人要見黃龍和尚麼。拂石坐來。衫袖冷。踏花歸去。馬蹄香。

上堂。舉雲門和尚示衆云。汝等諸人在此過。夏山僧深不欲向你道。惜取眉毛。好師拈云。雲門和尚靈龜曳尾。拂跡跡生。靈隱卽不然。汝等諸人在此過。夏山僧直截句。向你說口是禍門。

上堂。舉黃龍草堂和尚示衆云。上上根人。一聞千悟。

得大總持家貧難辦素食中根人須假言說方顯其道事忙不及草書下下根人執言定旨滯礙迷封俊鷄不打籬邊雀黃龍和尚秤稱斗量毫髮無差靈隱卽是和麤糲麵菽麥不分雖然如是不知那箇無思算喫著通身冷汗流

謝何山長老并典座上堂滅正法眼佩毗盧印提鋤斧子拍拍是令白水田頭小谿深處一千五百人善知識杓頭上舀來頭正尾正鹽鹹醋淡活計現成斤兩自定諸人還知落處麼卓拄杖一下物見主眼卓豎

謝監取上堂衲僧命脉卓拄杖一下總在這裡有放有收入泥入水把得定作得主萬斛明珠奏凱歸帶刀只麼噉眠去

道場無等和尚遺書至上堂虎巖巖下虎咬人齒不露踞地坐耽耽南北無行路驪身一擲更無蹤虛空拍掌須彌舞萬家森羅一時痛苦石人木人淚如雨上堂舉臨濟和尚道有一人論劫在塗中不離家舍有一人離家舍不在途中那箇合受人天供養師拈

云兔馬有角牛羊無角寸毫尺釐天地寥廓潘閬倒騎驢擲殺黃番趕

上堂十五日已前銀山鐵壁十五日已後鐵壁銀山正當十五日一塵不立天地寬那知更有上頭關卓拄杖一下

上堂祖師門下討甚巴鼻東行西行無是不是忽然籬下菊花黃此時決定是重陽

關爐上堂火爐頭有一句道得完全未敢相許靈隱不是壓良爲賤卓拄杖一下物若見主兩眼卓豎佛成道上堂夜半逾城明人不作暗事凍餓六年自作還他自受只如觀明星時悟箇什麼衆眼難瞞上堂諸佛行不到處進取一步諸佛說不到處道取一句直饒行說俱到正好喫拄杖何故覓火和煙得擔泉帶月歸

上堂豎拂子云只這箇便是萬里望崖州離此別求臨崖看滌眼桃紅李白水綠山青不借亦不借法法本如是只如轉位回機時如何夜月不隨流水去片雲多向故山歸

結夏上堂布袋頭一結百城消息絕。蠟人永不冰。萬里一條鐵。珊瑚枝枝撐著月。

上堂一期九十日。鐵壁復鐵壁。四方八面來。只是跳不出。落霞與孤鶩齊飛。秋水共長天一色。

五月望出歸上堂。短棹輕帆。風恬浪靜。溢目湖光。鏡樣平。漁歌未起。同誰聽。萬壑千巖。高低蒼蘆。狼藉斷霞殘照。中船頭撥轉。都收盡。正與麼時。如何卓拄杖。一下云。麼。提國親行此令。

上堂從上以來的。的相承。咬定牙關。不通水洩。可中三三兩兩。有席卷三秦之略。嫌佛不做。若到靈隱門下。又且如何。也免三十棒不得。

謝雪峰絕岸和尚。上堂。靈符在手。大用全彰。木毬輾處。雷動風行。鼉鼻拈來。橫拋豎擲。魔外望崖而退。佛祖窺覷。無門坐斷。要津十方通暢。正恁麼時。且道如何。是接手底句。相見又無事。不來還憶君。

上堂。日可冷。月可熱。衆魔不能壞。眞說且道。如何是眞說。成住壞空。

上堂。舉劉賓國王敬重三寶。一日仗劍問師。子尊者。

曰。師得蘊空否。尊者曰。已得蘊空。王曰。離生死否。尊者曰。已離生死。王曰。既離生死。可施我頭。尊者曰。身非我有。有何恁於頭。王遂斬之。師云。作家。劉賓國王尊者。首湧白乳數尺。師云。好手。手中呈好手。王之左臂。隨即墮地。師云。得人一牛。還人一馬。諸人且道。劉賓國王與師子尊者。是酬恩報德。耶。是冤憎會苦。耶。若向這裡。緇素得出。十二時中。功不浪施。其或未然。數聲羌笛。離亭晚。君向瀟湘我向秦。

上堂。八月二十五。洞山離查渡。咄哉老雲門。多却末後句。桃花浪煖。禹門高。霹靂一聲。燒尾去。

佛成道上堂。老瞿曇。眼孔小。一星半。星容不得。說迷說悟。何時了。衲僧分上。那有許多般。雪晴海闊。千峰曉。

上堂。達磨西來。只箇不識鐵壁。銀山挨拶不入。因甚分皮分髓。飛來峰高。冷泉碧。

百丈和尚送猿。至上堂。舉僧問百丈。如何是奇特事。丈云。獨坐大雄峰。師頌云。巍巍獨坐大雄峰。萬水千山列下風。相見不談奇特事。一聲猿叫翠微中。

端午上堂不釘桃符不懸艾虎。駕鉄牛。機擊塗毒鼓。千妖百怪盡潛蹤。靈鷲峰高日卓午。

雲峰和尚赴蔣山上堂。肩拄杖云。寶公和尚來也。拄杖頭上寸長尺短。剪拂分明。便與麼下山。教化衆生。去入泥入水。要津把斷。虎踞龍蟠。可中有箇不受商量。剪拂不去底。又且如何。排遣卓拄杖一下云。放開鐘阜山頭月。斷送踏蘆人渡江。

上堂。雪竇云。直釣釣鯢鯨。曲釣釣龜鼈。曲釣若在鯢鯨。理應未可。直釣若在龜鼈。情亦不甘。辨龍蛇。擒虎兇。還他雪竇老人。要釣鯢鯨。龜鼈未敢相許。靈隱釣無曲。直任是鯢鯨。龜鼈一切不問。何故釣竿斫盡。重栽竹。不計功程得便休。

本覺虛室滿長老。至上堂。大機圓應。大用無方。撲碎破沙盆。滅却正法眼。要津把定。佛祖潛蹤。正案傍提。百發百中。便怎麼去。且道是誰家風。月橋李亭前摩竭令滿天。和氣少林春。

上堂。八月九月不寒不熱。盤山擲劒揮空。正是箇般時節。無古無今。無間無歇。凝雲卷盡。雨聲收。千里萬

里一條鐵

上堂。舉白雲端和尚示衆云。若端的得一回汗出。向一莖草上現瓊樓玉殿。若未得一回汗出。縱有瓊樓玉殿。被一莖草蓋却。師拈云。白雲和尚慈悲之故。有落草之談。靈隱門下。不管你端的不端的。縱有瓊樓玉殿。亦無著處。諸人且道是醍醐句。是毒藥句。幾度見君深問訊。養雞意在五更初。

重九兼謝支提和尚上堂。露滴滴。風淒淒。黃花香滿路。何獨在東籬。高低普應。步步相隨。有時朱徑江上。玉線輕垂。船頭撥轉。天冠元在。支提何故。逢強即弱。故舊至上堂。落葉飄飄。秋江清淺。烈士相逢。干戈不展。何故言多去道轉遠。

開爐上堂。普天寒色。大地爲爐。但見清風壁立。不知石爛松枯。丹霞燒木佛。因甚院主墮眉鬚。卓拄杖一下。若無這些火種。討甚碧眼老胡。

焦山足翁和尚遺書至上堂。海門一夜波濤惡。玉麟攔折黃金角。魚龍蝦蟇盡潛蹤。蹤大悲千手難摸。索本馬悲嘶石人淚。落諸人且道。足翁和尚生耶死耶。長

汀拖布袋。普化搖鈴鐸。

上堂。休去歇去。一念萬年去。一條白練去。古廟香爐去。喝。一喝。若不得流水。還應過別山。

徑山虛堂和尚遺書至上堂。拔地凌霄峰。峩峩倚寥泬。一夜天風忽吹折。木馬悲嘶。石人哽咽。曉來雲散谷風清。千古虛堂照明月。

無得和尚忌辰拈香云。東湖輓底怒濤青山。參天荊棘。兩處狹路相逢。拶得渠儂上壁。恩難酬。怨難酬。熱羹冷泉流水濃點淡茶一甌。

留兩班上堂。卓拄杖云。有權有實。有照有用。有些些鬼眼睛。臨機要活弄。弄得活。沒疎親。誰知席帽下。都是舊時人。

謝首座秉拂都寺齋上堂。聲前一句。斗換星移。石火莫及。電光罔追。栗棘蓬當面擲。全剛劍信手揮。卓拄杖。一下。少林消息。斷花綻不萌枝。

慶元府萬壽庸叟中長老廣福梅巖默長老岳林南坡岳長老瑞世上堂。一卽三。三卽一。達磨不曾離少室。父子雖親妙不傳。一花五葉成狼藉。海風吹起怒

濤寒。截流過者。脚不濕道。在中庸梅香巖石鼓沙盆子響玲瓏。要在當人善拋擲。以拂子打一圓相。又擊一下。汝等諸人。還知落處麼。若也未知。更待當來問彌勒。

端午上堂。文殊雖令善財採藥。佛病祖病。未曾醫著。靈隱病亦無藥。亦無趙州東壁掛葫蘆。

佛生日上堂。二千年前毗藍園裏。地動山搖。福胎忽起。雲門瞎棒打不死。後代兒孫空切齒。休切齒。杓柄短長。澆潑在你。

上堂說禪說道。易成佛作祖。難突出門前大案山。成佛作祖。易說禪說道。難南海波斯念八還。也不難。也不易。衲僧敲處。遼天鼻卓拄杖。一下。這裏是什麼。所在說難說。易又卓拄杖。一下。官不容針。私通車馬。上堂教中道。善現問舍利弗。以何爲佛。眼舍利弗云。以性空爲佛。眼善現云。善哉。善哉。從上諸佛。皆以性空爲佛。眼師拈云。針鉸膠粘。涓滴不漏。諸人且道。畢竟以何爲佛。眼喝一喝。

平江萬壽困叟和尚遺書至上堂。昨夜毗嵐撼山岳。

七十二峯俱倒卓太湖萬頃涓滴無黃葉亂飄星斗
落要見困更和尚麼玉兔挨開八詠樓金烏啄破琉璃
殼

上堂舉僧問法眼秋風纔動貧者何依眼云若能知
恩方解報恩師云這僧抱賊叫屈法眼著賊不知雖
然法眼慈悲之故有落草之談其奈知音者少靈隱
與麼舉唱莫有知音者麼良久云黃葉飄飄滿庭際
一聲砧杵落誰家

婺州雙林松關至上堂開口不是禪閉口不是道只
是箇輪槌拈來用恰好一擊大門開萬象俱靠倒狹
路忽相逢拍掌呵呵笑且道笑箇甚麼相見又無事
不來還憶君

雪中謝諸莊庫并監取上堂入荒田出荒田信手拈
來顆顆圓橫三千豎三千雖曰眼底空花直是明白
洞然衲僧分上有放有取有開有合作麼生紅爐一
點雪

謝南臺高臺上封三利長老上堂巖頭雪嶠與欽山
共轍同途豈等閑要識南臺真白額從來虎體一般

斑便恁麼去靈山百萬大衆又何止金色頭陀破顏
一時滅却正法眼把手獨行天地寬

上堂舉古德因僧問如何是大修行底人德云擔枷
帶鎖僧又問如何是大作業底人德云修禪習定師
云古德言中有響句裏藏機如人善射箭不虛發且
道還有出身路也無甜瓜徹蒂甜苦瓠連根苦

石樓和尚赴平江萬壽上堂妙喜黑竹篋有背還有
觸兒孫用得親通身是眼目正令全提轉轉花簇
簇錦簇簇直教佛祖亦頭低宇宙空來更有誰

佛涅槃上堂拘尸那城有生滅我此世界生滅無桃
紅李白花時節是處江山開畫圖釋迦老子自是隱
身無路爲什麼道今夜入般涅槃蒼天蒼天

何山覺菴和尚至上堂用鋤斧子非重非輕拈起放
下肘後符籙直得連雲翼翼雲水粼粼布小谿漫天
鐵網活捉金鱗必竟以何爲據開口不在舌頭上

上堂清明前寒食後花雨漫天雲滿岫誰家小犢力
未完但知逐隊隨群走阿呵呵索頭只在翁翁手當
機一掣掣斷時野犴便作師子吼雖然如是知恩者

少

上堂。船來也。到陸來也。到船來。陸來。紅日杲杲。白雲
缺處。燒痕青春。在少林元不老。且道。向上還有事也。
無踏著不嘆。

上堂。結夏已十日。那事無消息。雲在嶺頭。閑水流何
太急。法法不隱藏。古今無朕迹。豈不見盤山道。譬如
擲劍揮空。莫論及之不及。良久云。一日鉢盂兩度濕。
上堂。秧入土。麥上場。豐年已兆。比屋盈倉。飢來喫飯。
熱來乘涼。東倒西播。隨緣遇方。更無餘事。可商量。夜
來却被子規啼。斷腸因甚如此。閻羅老子要飯錢。

請監取上堂。舉五祖和尚云。四五百碩麥。二三千秤
稻。好箇休粮方。耆婆不得妙師拈云。奇哉五祖老兒。
無中唱出有處全收。一時撒向諸人面前。只是咬嚼。
不破。何故。飯籬邊坐有飢人。

上堂。見身無實。是佛見了。心如幻。是佛了了。得身心
本性。空斯人與佛何殊。別坐底坐立底立。觸目遇緣。
更非他物。必竟阿那箇是佛。良久云。野老不知堯舜
力。擎擎打鼓祭江神。

上堂。拶著便動。舉一明三目。機銖兩也是。隔海望蓬
萊。弱水三萬里。衆中聞得恁麼道。莫有耳卓朔地不
甘底麼。出來商量。看其或未。然新秋簾幕千家雨。落
日樓臺一笛風。

壽崇節上堂。一佛出世。祥光布地。一念萬年。壽山增
翠。曉來風起。滿庭香吹。綻蟠桃三五藥。

上堂。是法住法位。世間相常住。昨日大風潮吹折山
前樹。雲自向天飛。水流朝海去。此猶是世間相。如何
說箇常住底。卓拄杖。千虛不博一實。

退耕和尚入祖堂。用文武火運。惡鉗鎚。死學者偷心。
開人天眼目。大用機前。轉轉。十分慈。悲。十分惡。毒。
六踞名蓋。爭一笑來。歸青燈。夜寒。香風馥馥。

集慶寺侵占山前地段。承省割撥。還上堂。山前一片
閑田地。曠大劫來。無界至今。朝恢復。又歸來。坐斷脚
頭。併脚尾。東也是西。也是。南北東西。無不是。處。竟作
麼生。酬恩報德。直指堂前。香一炷。十里荷花九里松。

臨安府徑山興 聖萬壽禪寺

住杭州靈隱禪寺法嗣 淨伏 編

師入寺拈割云佛祖眼睛人天命脉總在這裏諸人若信得及不妨側耳

拈山門疏。屋裡有金外頭有秤鹽醃醋淡斤兩自定自然左右逢原管取拍拍是令

拈江湖疏。人相忘於道術魚相忘於江湖既曰相忘拈起疏云却要這箇作什麼

法座古者道此座高廣吾不能陞是何言歟脚力盡時山更好

陞座拈香祝

聖罷次拈香云此一瓣香三十年八回拈出更看末後慇懃奉爲前住常州褒忠顯報華藏禪寺先師無得和尚。蘇向爐中用酬法乳之恩。跌座乃云豁開戶牖萬山排闥送青來。大坐當軒百鳥不來春。晝永高低普應聲。色全真把斷牢關不通水洩。堯風蕩蕩舜日熙熙。不涉見聞百發百中。畢竟承誰恩力。青山不鎖長飛勢。滄海合知來處高。

復舉寶壽開堂三聖推出一僧。壽便打聖云。怎麼爲人瞎却鎮州一城人眼。在師云。寶壽鎮鄕在手正令

當行者僧見義勇爲抱賞歸家。諸人要見三聖麼。從來汗馬無人識。只要重論蓋代功。

當晚小參八十翁翁輓繡毬。誰知輓得意休休。如今逗到凌霄上。雲自高飛水自流。昔年行處石頭大小依然今日重來樓閣高低何在。德山棒如雨點臨濟喝似雷奔徑山門下總用不著。何故臂健尙嫌弓力軟。眼明猶識陣雲高。

復舉三聖道我逢人則出出則不爲人興化道我逢人則不出出則便爲人師。頌云。雙雙把手上高樓。唱拍相從各應酬。歌鼓散時人盡醉也。無懽喜也無愁。解制上堂今朝七月十五。衲僧拄杖起舞頭頂西天脚踏東土。游歷百城不移寸步。阿呵呵白雲綻處青山露。

蔡講書熙書記至上堂學道吾示衆云。高不在絕頂富不在福嚴樂不在天堂苦不在地獄相識滿天下知心能幾人。後來大慧道徑山則不然。高在絕頂富在福嚴樂在天堂苦在地獄。誰知席帽下元是昔時人。師云。二大老一人船行一人步到狹路相逢掀眉。

一笑何故酒逢知己飲詩向會人吟

開爐上堂天無四壁大地爲爐籬頭吹簫栗鴈一聲孤老胡若不渡江去至今火種一星無

無得和尚忌辰上堂以拂指云卽那青青處山高雲半垂面栽荆棘遊人到者稀寥寥五十載昨是何非太湖三萬六千頃月在波心說向誰

上堂江月照松風吹永夜清霄何所爲永嘉大師上無片瓦遮頭下無卓錫之地向十字街頭揚聲大叫土曠人稀相逢者少山僧向他道且緩緩直饒百鍊精金也入紅爐再煅

謝兩班上堂以拂子左邊擊一下云東邊也怎麼拂子右邊擊一下云西邊也怎麼提起折脚鐺大家扶則箇扶起與放下豎起拂子云總不離這箇阿呵呵鎮州蘿蔔從來大

謝首座秉拂上堂震法雷擊法鼓玉角金鱗興雲吐霧機前拶倒凌霄峰大地撮來無寸土殺活全提平欺佛祖雖然且如何是人天眼目良久云□行化歸上堂驕陽正酷火雲飛一雨霽徹四維穠

極吹香民已樂山川草木亦光輝此猶是諸人受用現行三昧且道建化門中事又作麼生向道是韻關不信果然奪得錦標歸

解制上堂鐵網漫漫面面開百城幾度去還來二千年結知誰解又著三文買草鞋

上堂佛法無人說雖慧不能了幸然平似鏡何用曲如釣又教中道無法可說是名說法千鈞之弩不爲鼯鼠發機諸人且道說則是不說則是卓拄杖一下云不是不是

上堂時臨秋九不寒不熱瓦礫鳴秋蛩茅簷掛殘月各自著便宜正是好時節只如祖師道葉落歸根來時無口又作麼生迦葉面皮黃達磨牙齒缺

上堂一日三三日九只知暑往寒來不覺鼯鼯老朽退一步絕難微百花開盡後黃菊在東籬歸堂喫茶無得和尚忌辰拈香云憶昔當年錯訪尋被他用盡毒肝心賺來賺到凌霄頂火冷雲寒恨轉深冤可解不可結必竟如今甚時節打拳何似喫拳時此理明明向誰說旋汲龍函萬丈深爛煮春茶點白雪

元宵上堂徑山一碗上元燈不是攢花剪簇成等閑
拈起當陽掛爍破諸方鬼眼睛

藏叟和尚入祖堂踏斷洛陽橋直上妙峰頂拈得家
傳黑竹筵攪動龍淵千尺井四五處雷動風行八九
十春花月影爲人端的無情獨脫單提誰領竹筵雖
折典刑存聞見猶能發深省且道藏叟和尚生耶死
耶青燈夜寒篆煙晝永

龍王歸殿拈香願力弘深威靈有異六百載梵剎重
興千大界光明照世爲霖爲雨沃大地之焦枯爲瑞
爲祥福生靈於遐邇陰功懋密聖恩罔既新寶殿以
回鑾奉宸旒而正位聰明正直不容私只因錯受靈
山記

小參

門人 行佑 德珍 瓊林 等編

結夏聲前一句格外一機不墮古今寧存凡聖妙高
臺上玉鑑光中日日安居時時禁足風恬浪靜海晏
河清長期短期平等受用諸人還知麼闌干同倚不
同倚消得龍王多少風

結夏學道先須有悟由賊無種相鼓儻還如曾關快
龍舟碧眼胡僧笑不休雖然舊閣閑田地物見主眼
卓豎一度贏來方始休綠楊影裏戴嵩牛如是安居
如是禁足如投身於火悉皆成火似鎔像爲金莫不
□□若也節外生枝祈願望蓬萊弱水三萬里其或
未然掣取六鯨隨手去莫教空到海山

結夏機輪警轉智眼豁開縱無礙神通闡不窮妙用
全超玉鑑獨步妙高無理不伸有言咸暢既隨處而
發生必隨處而解脫衲卷百城煙水優游樂業安家
不涉功勳全彰意氣若約衲僧門下猶較九十日程
在且道衲僧家有甚長處良久云若不同床睡焉知
被底穿

結制大道無說說則成謗拈花微笑帶水拖泥面壁
安心起模畫樣凡聖路絕觀體全真寥寥千古無依
寂寂神光不昧中竺一路荊棘參天水月光中風雲
有異還信得及麼把定牢關無箇事長嘯一聲煙霧
深

解制布袋頭開乾坤蕩豁十方坐斷六合風清孤迥

過寸草不生。峭巍巍纖塵不立。東西南北絕蹤。由邁古超今。活卓卓。任爾德山臨。濟窺觀無門說。甚長期短期。一筆勾下。何故佛手遮不得。人心似等閑。

結制祖師門下。道絕人荒。萬仞崖頭相逢者。少磊磊落落。廓徹混融。若作佛法商量。未免墮坑落堑。護生禁足。貼肉汗衫。著則易脫。則難謹守。蠟人粘牙。綴齒吞則易吐。則難思而知慮。而解望梅林止渴。有甚快活。不見道。斫倒門前老松樹了。得三年五載燒。

□□萬機休罷。千眼頓開。正按傍提百發百中。飄飄□□墜虎庭。歷歷寒泉瀉。清碧功勳不立。聖解頓忘。舒卷自由。縱橫得妙。自是不歸。歸便得。五湖煙景有誰爭。

冬節暑運推移。日南長至。巍巍飛來峰。歷劫只如是不動。亦不遷。無變亦無異。背巖石筍暗抽條。雲外千峰鎖寒翠。君子道小人道。自消自長。如來禪。祖師禪。卓錫無地。東村王老。夜燒錢。野鬼閑神。爭意氣。若是衲僧門下。不消噴嚏一聲。管取魂飛膽碎。且道。衲僧門下有甚長處。良久云。只因少室錯流芳。五葉一華。

香撲鼻

歲除平賈道路。敲磕門庭。豎抹橫該。高低普應。頂額上一向壁立。脚跟下不露絲毫。逢佛掩面。聞法嗽口。凡盡聖除。風行草偃。夜深方見。把針人倚闌靜看。千山雪一任春回。歲盡從教換舊移。新去年三百六十日也。怎麼今年三百九十日也。怎麼多亦無餘少。亦不欠看看。拶到交結頭。不覺臘月三十日。前不至村後不迭店。是為途路之客。如何到得家去。所以古人道道無心。合人人無心。合道會得箇中意。一老一不老。諸人要見一不老底麼。只為分明極。纔令所得。過冬至一劃未形。混然無際。形名既兆。黑豆生芽。晝短夜長。寒來暑往。從上已來。若佛若祖。盡向無中唱出。節外生枝。拈一花航一葦。無風起浪。鼓蕩四溟。盡大地人無措手處。靈隱今夜要與諸人於陰消未消之際。陽長欲長之時。露箇消息。卓拄杖一下云。千峰鎖寒色。一樹暗香浮。

解制布袋頭。開十方通暢。信口道一句。塞斷老胡咽。喉信脚行一步。踏斷瞿曇脊。骨盡大地人無立作處。

四聖六凡結舌有分。所以道九旬禁足。畫地爲牢。三月安居。敲空作響。若是英靈。上士氣宇。驚群如金鱗。透網游泳。波瀾似俊鶴。出籠翱翔。霄漢是則是。只如萬里無寸草處。出門便是草。又是什麼人行履。處江北江南。問王老一狐疑。了一狐疑。

冬節拈來使用。當陽撒出夜明珠。大施門開。直下何人共酬價。門庭敲唱。觸處皆真。直截當機。高低普應。寒冰冰脫體。無依峭。巍巍纖塵不立。窮則變。變則通。一畫既形。地雷已震。陰消陽長。鐵樹花敷。香風四馳。天地寥廓。通人分上。合作麼生。霜天月落。夜將半。誰共澄潭照影寒。

至節五峰峭峙。萬壑雲寒。覲體現成面目。全露踏得這些田地。從教陰極陽生。瓦礫光輝。萬象失色。石頭大大小小。脩竹曲曲斜斜。天爲雲高。水因月現。靈明廓徹。今古混融。便恁麼去。坐守寒灰。終非上策。若是英靈。上士五逆丈夫。掀翻從上。門庭則立自家活計。□□。臍前消息。梅英小。更待春風著舊枝。□□。向上一路。直截現前。用不停機。住無作相。天地

自天地日月自日月。覆載晦明。絲毫不易。容合萬有。象外齊昭。從教陰極陽生。一任寒來暑往。所以老瞿。晏於三七日中。思惟如是。事竟箇啓口處。酌然了不可得。理能伏豹。卓拄杖一下。云。到這裏轉得身吐得氣。開得眼行得到。遼鶴三千。鵬九萬。盡大地撮來。粟米粒大。豈不暢快。生平成就大丈夫事業。其或未然。梅花一去無消息。惟有春風喚得回。

歲除今歲。今宵盡。明年明日來。寒隨一夜去。春逐五更回。只如春不回。寒不去。諸人又作麼生。凌霄峰下。卓拄杖一下。云。這一片田地。不屬陰陽。寧拘造化。日月不能照。寒暑不能侵。無變無遷。無來無去。上至非非。想天下極空輪水際。迥無邊表。不隔絲毫。三世諸佛。絕行蹤。南北東西。總如舊。無北禪之牛。可烹。無青原之酒。可酌。山前山後。野狐兒聲聲盡。唱村田樂。樂則樂矣。誰知年盡夜。更有未歸人。

偈頌

悼天童晦巖和尚

恩怨重重分未分。再來不見舊時人。娟娟宿鷺亭前。

月。忍。照。西。風。吹。白。蘋。

送文上人遊台蕩

文彩全彰拄杖頭。吳山楚水與悠悠。江聲一夜催行色。踏斷石橋方始休。

送森知客

清遠溪邊剡塞時。春風簇簇露槍旗。誰知喚客喫茶處。萬別千差一道歸。

送高郵友上人

死生事大方行脚。徹骨貧窮未到家。一百十城回首處。大淮南畔有高沙。

送雲上人

柳標杖頭懸日月。草鞋跟底帶山川。逢人問著吾家事。靈鷲峰前是冷泉。

送鑒上人

鑒在機先已是遲。電光石火亦難追。鷲峰點著使回去。終不重安眼上眉。

送達州先上人

吾道從來沒正偏。就中達者便爲先。花前一笑卽回

首。此。去。西。川。路。八。千。

付法衣與瓊林侍者

楊岐擔子無輕重。上得肩時便著行。咬定牙關提正令。卷舒殺活任縱橫。

示食三白通菴主

舌端異味已全拋。松竹煙雲作淡交。有口不吞三世佛。一天風月任蕭騷。

送僧

瘦坐清行合澗邊。衲衣楚楚濕蒼煙。春光盡逐杖藜去。留得暮山啼斷猿。

送小師淳志遊方

參禪不是小因緣。立志當如鐵石堅。百城靠倒無依倚。回首歸來喫痛拳。

示倪居士

一切塵中堅密身。塵塵頓現本來人。了知此外更無佛。野鳥山花別是春。

示馬路鈴

參禪乃是丈夫事。良馬從來不用鞭。六窓盡啓乾坤

大萬里無雲一片天

送僧歸天台

龍門浪裏翻身出。凜凜風生氣宇清。歸到石橋君自看。杖頭猶帶怒濤聲。

送楷維那

輓底怒濤千丈雪。轉空明月一天秋。贈行莫道□□。窖歷歷君家拄杖頭。

送淨頭道者

糞埽堆頭拾得來。花前不覺笑顏開。靈山寫作送行句。留與叢林作禍胎。

送小師淳真參雪竇

千丈巖垂雲萬疊。老龍高臥見還稀。子今決志攀鱗角。莫顧巖前雪浪飛。

送怡齋周居士兼簡湯東澗

我羨怡齋去。又來澗邊無一點塵埃。高風凜凜照今古。有口不談聲似雷。

送見上人歸劔州

見處分明得處親。直於劔刃上翻身。連雲棧閣重回

首。已是昔人非昔人。

送僧之雪峰

南山鼉鼻死多時。何苦崎嶇要覓伊。無底籃兒收拾得。不妨挑取杖頭歸。

墨梅

常憶西湖處士家。疎枝冷蕊自橫斜。精明一片當時事。只欠清香不欠華。

大疑

此心未決應須決。決了而今更問誰。日用堂堂無向背。春山一任鷓鴣啼。

金山修塼岸

長江萬里湧金鰲。屹立中流氣勢豪。直下放教根脚穩。任教八面起風濤。

印藏經

分明印板脫將來。只爲勞生眼未開。破一微塵翻得出大千。沙界起雲雷。

焙經

兒孫一代錯商量。抖擻瞿曇爛肚腸。三昧火熏三毒

火家私那許外人揚

錢清接待

短策輕囊稱野情。懂懂何事過錢清。入門喫飯出門去。莫道沃洲山水青。

贈醫牙道人

先生得道醫牙齒。痛令不痛消彈指。飽飯吾今八十年。未嘗咬著一粒米。

碑匠

點劃縱橫一脫新之乎者也。轉精神只於黑白分明處。驗盡尋行數墨人。

淨髮

工夫用處沒躊躇。心手相應合自知。毫髮盡時消息盡。不妨眼上又安眉。

真讚

出山相

萬乘尊榮都棄了。六年雪嶺受飢寒。明星一見便回首。到底依前被眼瞞。

觀音

苦海橫身一葉輕。黑風吹墮任縱橫。要令險處人回首。月在補陀天際生。

馬郎婦

神清風韻高。鬢綠雲鬟小。賺盡好郎君。法華都誦了。到頭姻婭不成。雙金沙月影空相照。

達磨二

竺國太平思泛海。中華禍起向東來。當時不遇梁天子。只好深衣掘地埋。

梁皇法令豈徒勞。帶貨私通價轉高。盧葦蕭蕭驚耳月。至今大地是波濤。

寶公

剪刀拂尺高。挂金錫賣狗懸羊多。虛少實掉發武帝。趕達磨過江五葉一花從此。狼藉首十二面觀音。正面有誰識得因。

布袋

兜率內宮不肯住。杖挑布袋紅塵去。不知開口笑何人。待你下生人。唉你阿呵呵。寬著肚皮等著他。

猪頭和尚

金華聖者無人識相逢便討猪頭喫回首還從舊路歸春風一陣香狼藉

蛄子

不釣鯨鰲只撈蛄得些滋味與偏佳拈來塞斷娘生口一段風光屬當家

寒山

沒伎倆愛吟詩一句子少人知寥寥靜聽松風吹拾得

生掃帚用得親休指注枉辛勤本來田地絕纖塵

藥山

瓶內水松下經有人來問覲面相呈白雲散盡秋天青

懶瓚

山窮窵路羊腸紫泥下詔御墨猶香報道我儂煨芋忙

德山

擔疏鈔行脚大負不平氣失脚到龍潭未愜平生意吹滅紙燈時撈著娘生鼻便將一炬火燒却閑故紙

從茲憤憤竟冤讎一條白棒掀天地

臨濟

黃蘗山頭兀坐開口咬著生鐵高安灘上躡身也似掉棒打月從茲便解赤手白拈以楔出楔別別無位真人乾屎橛

佛光法師

蕩蕩慈風彌宇宙滔滔辯瀉四河清毗盧海印全身佩香擁優曇滿帝城

虛堂和尚

戲海獐龍出山猛虎眼蓋乾坤氣吞佛祖嚴法令則滴水冰生提向上則超今越古九據名藍三奉詔旨無愧當年面壁人只是口門多一箇

覺城夏大師

隱峰有女弟我亦有女弟雖然各自行必竟同時至花開花落覺城東兒孫代代長相繼

自讚

畫得十分且信一半脚尾脚頭渾無畔岸一點鬼眼睛黑豆終難換徐行緩步五峰頭一輪明月凌霄漢

穹窿森長老請

渠儂面目盡則不似只因伎倆全無重負楊歧擔子
棒喝機前阿誰敢擬橫拋豎擲破沙盆通玄峰頂清
風起

日本瓊林侍者請

百醜千拙無法可說一箇拳頭硬如生鍊放開則日
耀扶桑捏聚則乾坤黯黑冤家莫與惡相從正法眼
藏瞎驢滅

小師淳縝請

工夫縝密描畫不及正令全提佛也不識十分惡毒
得人憎付與破家五逆

小師淳元請

據坐胡床風生萬壑無說而說無作而作聲前的
有來源必竟不留元字脚

小師淳密請

頭白眉鬢白胸中無點墨說禪不入時樣一味點胸
點肋密意分明生汝邊何待當來問彌勒

郁維那請

這漢醯毒元無面目描畫難成下筆則觸瞎衲僧正
眼滅老胡種族殃害叢林卒未休一時付與清江郁

益侍者請

面目可憎胸中條直勿彼勿此何捐何益不將佛法
當人情一任破沙盆狼藉

寮前老郎請

心直如絃性急似箭翻手覆手日面月面零敲碎打
破沙盆我見人見衆生見壽者見

小佛事

照維那秉炬

十聲槌斷萬機休罷寂照光明一時擬下淨裸裸赤
洒洒到頭生死竟無蹤家家門前有火把

曇堂主秉炬

群陰剝盡一陽方至出死入生如同遊戲曇堂主休
擬議破屋從教野火燒一朵曇華香撲鼻

琛新戒秉炬

早歲爲僧早歲亡曇花結果未經霜秋風不是相催
促布袋頭開拄杖忙有佛處不得住無佛處急走過

生死牢關俱拶破。且道拶破後如何。我喚作火。你不得喚作火。

秀上座秉炬

傲雪凌霜松栢獨秀。葉落歸根來時無口。古德恁麼道。生死何曾有盡情。燒作一堆灰。看取神光射牛斗。

一藏主秉炬福州人。密菴三世孫。

打圓相云。只這箇的。自破沙盆而出。八十年受用不盡。一大藏教。詮注不及。颺下住山。鉏斧笑傲。清泉白石。利鎖名韁。不可拘鼻。孔遠天人不識。來無蹤去無跡。石火光中。歲月長任。是鐵蛇鑽不入。

立上座入塔

一塵不立。銀山鐵壁。生死牢關。佛也不識。硬骨頭底。從這裏入。

拱大師入塔

圓寂拱大師。今時劉鐵磨。只這硬骨頭。嫌佛不肯做。一去又回來。必竟無兩箇。曾經爐韗裏。翻身多子塔前重按過。

台淨人秉炬

富貴不羨三台學道要齊盧。老踏翻生死牢關說甚丹霞。剗草恁麼也好。不恁麼也好。臘月火燒山。雪擁千峰曉。

葉十老郎秉炬

夢裏來來不記秋。但知白却小年頭。聞經聽法依僧住。生死無拘得自由。草鞋緊峭脫體風流。不須撥火覓浮漚。

侍淨人秉炬

侍吾左侍吾右。合掌進前叉手退後。確坊米白。翻身不墮黃梅窠。白不盡。偈不傳。衣豎火把。看取紅爐片雪飛。

辭世頌

八十二年駕無底船。踏翻歸去明月一天。

虛舟和尚語錄終

行狀

師諱普度。維揚江都人。號虛舟。姓史氏。始丹陽有閩。

之吳頭陀者。白頭黑面。年八十餘。旦夕兀坐如枯椿。槌磬禮補陀。像口常暗誦妙蓮華。經嘗與師祖父荆吳間相識。每持鉢過淮。輒返其家宿。祖父遇之特厚。一日早炊罷。祖母坐堂上。頭陀自外直趨將產之室。祖母怪其故。躡其蹤至產所。無有也。尋走家奴詣其居。問居人曰。曉鐘三杵。時頭陀坐匡牀脫去矣。已而誕師。異香發。諸舍徹諸其隣。類甚舊久之。及晡。隔江見金山浮屠。便能合爪。遇比丘客過門。輒抱持其衣。躍然喜。稍長。雖粗習詩禮。世書絕無處俗意。母夫人以其宿志不可奪。命依郡之天寧出家。時年十二矣。踰二年。會畢將軍再遇。飯僧于院。與語大奇之。指謂主簿者曰。此兒短小精悍。音吐如鐘。他日法中向上爪牙也。携以歸中都。時思蘭若圓頂日。且大集禪講。碩德爲之證。淨慈少林崧爲之落髮。靈隱鐵牛印爲之付衣。木郡東堂院龍溪祖信爲之受業。師納戒已。歸東堂。服勤信左右者五年。一夕忽奮謂同列曰。吾觀達磨神光以來。龍馳虎驟。鳳擊鵬搏。皆博地凡夫。直躋祖位。彼能是我。乃不能是耶。黎明挈一笠。趨鐵

牛印。印以法語壯其行。江東西湖南北由是遍歷焉。無得通禪師時。唱松源之道于番禺。薦福因決意扣請。以厭初願。其遷福嚴華藏。皆挾袂與之俱。偶入室。次通問曰。不與萬法爲侶。是甚麼人。師曰。金香鑪下鐵崑崙通曰。將謂者矮子有長處見解。乃爾師曲躬作禮曰。謝和尚證明。自此磁鐵相契。法務無難。易歷試之。居數年。辭通以所得質。當世天童晦巖光大慈石巖蓮虎丘石室。迪一見器異爲不可及。因留典法務于三師間。淳祐初。制府趙信菴以建康半山敦請出世。學香嗣無得潤之金山潭之鹿苑。撫之疎山。蘇之承天。繇此階級而升師之居。金山癡絕居玉山有傳其雪中示衆一夜。江風攪玉塵。孤峰不白。轉精神之句。癡絕大驚。親挈舟訪之曰。老夫當退三舍。其勝德使人歸重如此。已乃謝事居靈隱之西堂。聲譽日益。洋溢景定間。太傅賈魏公以其名聞于上。出補中天竺虛席。六年。會靈隱退耕寧公物。故魏公復奏師繼所統。居其寺。七年來者。川會雲委。法席號爲甚盛。適有挾私忿致瘡痍於當軸者。師即棄去。不顧至元。

丁丑被命徑山山中大火。祿地之餘。竭心極力。圖興復。方將有成。俄示微恙。遽索筆大書曰。八十二年。駕無底船。歸去。明月一天。怡然跌坐。而化。實庚辰四月二十有四日也。越七日。全身塔于寺東十里。壘愿塢之陽。寧如其偶。坐夏六十八度。弟子二百。稟法訓徒者。彌江瀾。烏乎。師之標表。一世真可法也。哉。唱道鮮離蟲篆刻。語居位茂。喔咿儒兒態。規行矩步。隆寒盛暑不移。而維道人。或不堪其嚴峻。至于歸真之日。天下知不知。咸嗚咽流涕曰。叢林典刑。自此陸沉矣。其小師淳朋。請余掇平昔爲之狀。將俟銘大手筆。余嘗從師徑山。知師出處甚詳。故直書不讓。謹狀。至元二十年十月。日天台沙門。行端。狀。

破沙盆。零敲碎打。正得其傳。折脚鎗。左掣右提的有分付。運一。

虛舟盡載南北無家之客。冷泉亭下。呈機五鬢峰前。下載合兩朝之日月。垂百世之光明。非福足慧足。安得盛大之若是也哉。徒弟淳眞侍者。遠持八會錄。請。

雪巖法弟祖欽編次書此以記歲月云至元甲申中秋節謹跋

橫川行珙禪師語錄

宋
•
本 橫川行珙
光 撰
等 編



言無展事。語不投機。承言者喪。滯句者迷。總不與麼。
有甚交涉。昆明池裏失却劍。曲江江裏撈得錦。鷗鷺
鷺。且過時。莽莽鹵鹵。河沙數。禪人集余語。因書此示
之。戊子冬。

橫川和尚語錄目次

上卷

自序

靈巖錄

能仁錄

育王錄

下卷

室中學古

拈古

頌古

讚

偈頌

目次終

橫川和尚語錄上

門人住持鴈蕩山羅漢禪寺本光 等集

師於咸淳四年九月十五日。臨安府淨慈禪寺首座
寮。受瑞安府鴈蕩山靈巖禪寺請。二十八日入寺。

據室云。此室深廣不可思議。譬如虛空。具含衆象。於
諸境界。無所分別。

拈堂劄云。平章國公昔在靈山。親受付囑。諸上座徹
底會取。令法久住。

指法座云。須彌頂上白浪。觀紅塵三世聖人。六代開
士。天下老和尚。沒觜。

陞座拈香云。此一瓣香。薰向寶爐。恭爲祝延
今上皇帝聖躬萬歲萬歲萬歲。陛下 恭願山

嶽爲壽。日月齊明。

次拈香云。昔年行脚到太白山中。撞著督黃牙老和
尚。舉南山篲笋。東海烏賊。擬開口。便遭其打。今日恩
量。痛入骨髓。不似臨濟道。我在先師處。喫六十拄杖。
猶蒿枝拂相似。薰向寶爐供養。前住慶元府太
白山天童景德禪寺楊岐第九世天目大和尚用闕。

法乳之恩

就座。僧出問。欲行千里一步爲初。如何是最初一步。師云。蹉過了也。僧云。三十年後有人舉此話在。師云。莫亂。統僧云。且喜楊枝正脉通。師云。向你道。莫亂。統僧禮拜。師便喝。

乃云。問話且止。古者道問之與答。俱是贏得邊事。諸禪德。今日國王之恩。如何報答。但識我心。從甚處生。識得生處。便識得十二時中用處。識得十二時中用處。便識得無量劫來用處。所以諸佛出來。只要悟明本心。以爲究竟。若能如是。自然一時報畢。不必他爲。若去他爲。卽是有爲邊事。焉足以報無爲之恩。劫石有消日。君恩無盡時。

上堂。僧問。如何是教外別傳底句。師云。不落玄妙。問恁麼。則直入如來地。師云。且緩緩。問。如何是學人行履處。師云。你適間從甚處上來。問。如何報得四恩三有。去。師云。但從適間路下去。問。虎逼臨崖時。如何。師云。命若懸絲。進云。相救相救。師拈拄杖擲與之。乃云。諸和尚。子親明自性。莫得認寒則向火。熱則乘

涼底。是莫得認地水火風散時。一念不動底。是莫得認老僧開口動舌底。是古人云。此性本來清淨。具足萬德。但以隨染淨二緣。而有差別。故諸聖悟之一向淨用。而成覺道。衆生迷之一向染用。沒溺輪迴。其體不二。卓拄杖一下。喝一喝。

夜參云。少室無門戶。如何便得。迺夜寒寧。對立聽我話。西東。

上堂。智慧刀裂破。有漏愛網金剛。毘碎無明窠窟。無位真人。乾屎橛。正法眼藏。破沙盆。明眼衲僧。辨別不出。

上堂。各各分上。誰不當機。禪客問來。老僧答去。一舉四十九。

上堂。古佛與露柱。交參。猫兒咬殺猛虎。鷲拈拄杖云。出門撞著。須菩提。拶破虛空。全體露一片。虛凝絕。謂情萬里。清光飛玉兔。

上堂。般若如大火聚。著得一絲毫麼。一拳拳倒黃鸝樓。一踢踢翻鸚鵡洲。有意氣時添意氣。不風流處也風流。

上堂翠竹亭亭香。一擊忘所知。紅桃灼灼靈雲一見絕。疑惑鐘樓上念讚。床脚下種菜。勝首座道猛虎常路坐。喝一喝云。若無舉鼎拔山力。千里烏雞不易騎。

上堂百千明鏡。光影相照。塵塵刹刹。各不相借。黃檗打臨濟六十拄杖。臨濟築大鼎肋三下。拳天高地厚。水關山長。諸人向父母未生前。道取一句來。

上堂聰明靈利。意識解生死。根本爲山。問仰山。佛法向上道。取一句作麼生。道仰山。擬開口。瀉山便喝。凡三問三擬答。總被喝。仰山低頭垂淚云。百丈道教我更遇人。始得今日。便是遇人也。喝一喝云。生死根本。

上堂。僧問中觀論云。正覺無名。相隨緣卽道場。如何是正覺。無名。相師默然。問如何是隨緣。卽道場。師垂下一足。問如何是祖師。西來意。師云。多此一問。進云。如何多此一問。師云。古人問如牛毛。

乃云。諸佛時常出世。說法度人。不曾間歇。何得衆生無一箇發真歸源。謂其貪愛難斷。非也。謂其業重難。

消非也。若諸佛不出世。不說法度人。則衆生自然發真歸源。此是對治法門。切須究取。

上堂。踏破天關。迥然廓落。老僧與你把手共行。忽有人問。如何是佛。踏破天關者是。

上堂。一毛吞海。海性無虧。纖芥投鋒。鋒利不動。龍潭吹滅紙燈。德山倒地禮拜。今年桃李貴。一顆直千金。佛忌上堂。三界心盡。卽是涅槃。山花紅似錦。澗水湛如藍。

上堂云。大隋燒畬。見一蛇。以杖挑向火中。咄云。這箇形骸。猶自不放捨。你向這裡死。如暗得燈。處世界如虛空。如蓮花不著水。心清淨超於彼。

上堂。世界未成。無佛名。無衆生名。世界纔立。便有許多名目。雖有許多名目。只是假名。初無實義。莫得認著無事珍重。

除夜小參。僧出衆云。達磨不來東土。二祖不往西天。師云。張公草鞋賣與誰。僧休去。

師乃云。初祖云。心心如木石。二祖云。兀爾忘緣。曹溪云。善惡都莫思量。他是尋常語話。多少人坐在他語。

脈裡他無如何。只要你究心。此心從本不生。亦不會滅。不生不滅。猶如木石。自然忘緣。善惡何有。文殊道心如虛空。虛空無朕跡。日月却循環。又云。卽今是臘月三十日夜。

上堂相見不揚眉。君東我亦西。相逢欲相喚。脈脈不能語。總是粥飯氣。貼貼底無縫。罅能有幾箇。温州城裡何限數。

上堂盡大地冷啾啾。遍十方開浩浩。拈拄杖云。放過布袋和尚。穿却解空鼻孔。

佛誕日上堂。華陰山前百尺井。井中有寒泉。徹骨冷。誰家女子來。照影不照其餘。斜領悉達太子生也。爲亨監寺入塔。三脚驢子弄蹄行。踏破大涅槃城。觸骸裏生青草。

上堂。德山見僧入門。拽拄杖便打。睦州見僧入門。便云。見成公案。放你三十棒。不是要他平地成佛。只要他放捨得盡。如今叢林淡薄。無人葢緣箇箇不肯放。捨大眾面前所見底。放捨著在甚處。曾中所藏底。放捨著在甚處。

爲徹殿主下火。你爲殿主來。知得麼。殿裏佛是了事底人。眉間放出白毫光。燦破大地衆生。觸火把子亦無著處。

天目和尚忌拈香云。巴陵不爲雲門設齋報答。祇憑三轉語。靈巖今日先師天童和尚忌。不設齋亦無三轉語。諸人還委麼。麼先師在日向他面前一切伎倆。使不著。生既如是。死後亦然。

爲行者下火。願衆云。他是慮行者。火後收取墜腰石。上堂。地大水大火。大風大。若一念無疑。地不能礙。若一念無愛。水不能溺。若一念無瞋。火不能燒。若一念無喜。風不能飄。如此卽是無依道人。佛從無依生。若悟無依。佛亦無得。

上堂。諸法無相。觸目皆形。般若無知。對緣而照。薰直示汝。汝若不會。直處成迂。

開爐上堂云。雪峰道。三世諸佛在火燄裏轉大法輪。雲門道。火燄爲三世諸佛說法。三世諸佛立地聽大衆。諸佛轉底親。火燄說底親。欲得不招無間業。莫謗如來正法輪。

上堂撥轉虛空一塵不立。薰拈拄杖云。汝諸人還見靈巖拄杖麼。良久云。將謂猴白。更有猴黑。

上堂僧問。如何是祖師西來意。師云海。水不生冰。

乃云。惟一堅密身。一切塵中現。薰拈拄杖橫按云。韓信臨朝底。十方世界空。索索三千刹。海冷沈沈。

上堂山河大地都盧是箇金剛眼睛。亦是自己。通万作者。共相證明。大道無向背。至理絕言詮。迴出三乘高超十地下座。

上堂巖中宴坐。天雨寶華。也是臭肉來。蠅少林面壁。斷臂安心。頗類燒錢引鬼。直饒脫去古人窠臼。朝打三千暮打八百。

上堂德山道無生死。可怖無涅槃。可得無菩提。可證只是尋常一箇無事人。與麼說事。生也。事生爭不怖生死。既怖生死。便有涅槃。可得菩提。可證兄弟一切語言不可採集。

上堂拈拄杖云。性海無垠。山河大地是浪。日月星辰是浪。三世諸佛。浸爛鼻孔。你諸人要得出頭。且緩緩上堂。僧問。有問趙州狗子。還有佛性也。無州云。無此。

意如何。師大笑一聲。問和尚一笑。某甲莫曉。師云。笑你漆桶不快。問又問一切衆生皆有佛性。爲甚狗子無佛性。州云。爲伊有業識在。還端的不師云。有甚不端的。問又有問狗子還有佛性也。無州云。有趙州年七百甲子。爲甚有兩箇舌頭。師云。老人家偏是如此。問又問因甚入這皮袋。州云。知而故犯。請和尚明示。師云。我暗了多少。

乃云。鳥窠吹布毛。侍者悟去。拈拄杖云。天外雲斷草裏蛇驚。

示衆此事。只要當人自悟。三世諸佛無傳受法。六代祖師無傳受法。天下老和尚無傳受法。僧問臨濟師唱誰家曲。宗風嗣阿誰。臨濟云。我在黃檗處三度發問。三度被打。僧擬議。臨濟便喝。隨後打云。不可向虛空裏釘橛去也。虛空裡如何釘橛。又有座主問三乘十二分教。豈不是明佛性。臨濟云。荒草不曾鋤。座主云。佛豈賺人也。臨濟云。佛在什麼處。座主無語。臨濟云。對常侍前。擬瞞老僧。速退速退。看他怎麼有甚傳受。悟底亦無從無量劫來。到今日。如是以諸人分上。

此論各各無絲毫欠缺喫粥了也洗鉢盂去有時或自道一句或對人一句總無虛實老僧即今道一句去碎須彌山爲微塵纖四大海水入一毛孔於一義作無量義於無量義作一義薰風自南來殿閣生微涼衆生顛倒迷已逐物若能轉物即同如來如來者無所從來亦無所去故名如來這箇說話不用搜尋但觀五蘊皆空四大無我直下頓了無位真人赤骨律却向北斗裏藏身衆裏往往作禪會却且問你如何是禪一念虛明底不是寂寂底不是參底不是悟底不是太末蟲處處能泊唯不能泊於火燄之上衆生能緣唯不能緣於般若之上。一筆勾下石室行者蹈確忘却移脚向什麼處去

上堂色身是相法身是性一切善惡盡由法身不由色身法身若作惡色身不生善處法身作善色身不墮惡處凡夫惟見色身不見法身不能行無住相布施不能於一切處行平等行不能普敬一切衆生見法身者即能行無住相布施即能普敬一切衆生即能修般若波羅蜜行此是真實相爲汝等諸人離却

四大五蘊出來與老僧相見

爲益上座下火我此法印爲欲利益世間故說八萬四千毛竅悉皆出火燒盡菩提之種凋殘功德之林上堂云王老師教向異類中行以手捻拳安頭上云是驢是馬明日將一束草來

爲正上座下火玄沙云亡僧面前正是觸目菩提舉火把云劫火洞然大千俱壞惟菩提不壞

上堂僧出問某甲半年在和尚座下看柏樹子話無入頭處今日望和尚慈悲方便開示師喝云你要來裨販我那僧禮拜師云阿誰信你

乃云大衆直饒掀翻大海踢倒須彌喝散白雲打破虛空也未做得半箇衲僧我此門風廣大威德自在是故靈山會上廣額屠兒放下屠刀云我是千佛一數大集會中大力魔王待一切衆生成佛了衆生界空然後發菩提心真獅子兒善獅子吼

上堂召大衆云色聲爲無生之鳩毒受想是至人之坑穽便下座

上堂舉百丈侍馬祖行次忽見野鴨飛過祖云是什麼

麼丈云野鴨子祖云甚處去也丈云飛過去也馬祖
擣丈鼻頭丈負痛失聲云阿哪阿哪祖云又道飛去
也元來只在這裏丈直得浹背汗流因茲有省却歸
侍者寮哀哀大哭同事問汝父母喪耶丈云無同事
云被人罵耶丈云無同事云汝哭作什麼丈云我鼻
被大師擣得痛同事云有甚機緣不契丈云汝自問
取和尚同事乃問馬祖祖云是伊會也汝自問他同
事回寮丈乃呵呵大笑同事云汝適來哭如今爲甚
却笑丈云適來哭如今笑次日馬祖陞堂衆纔集丈
乃出捲却拜席祖便下座歸方丈却喚丈問我適來
上堂未曾說法你爲什麼便捲却席子丈云某甲昨
日被和尚擣得鼻頭痛祖云你昨日向什麼處留心
丈云今日鼻頭又不痛也祖云你深知今日事丈乃
禮拜而退丈再參馬祖侍立次祖以目視禪床角拂
子丈云卽此用離此用祖云汝向後開兩片皮將何
爲人丈取拂子豎起祖云卽此用離此用丈掛拂子
於舊處祖振威一喝丈云直得三日耳聾
師云鼻頭被擣負痛失聲與野鴨飛過去有甚干涉

哭一上笑一上狂性所發馬祖道是伊會也何不用
本分草料陞堂捲席謂昨日被和尚擣得鼻頭痛轉
沒交涉馬祖云你昨日向什麼處留心答云今日鼻
頭又不痛也馬祖云你深知今日事此是一問一答
再參馬祖頭上安頭喝一喝便下座
結夏小參十方同聚會啾啾唧唧箇箇學無爲勞勞
攘攘此是選佛場咄心空及第歸既是心空有何所
歸龐居士是夢言老僧亦是夢言此夢若破一法無
留一法無留萬法縱然薰風自南來殿閣生微涼鐵
船水上浮喝一喝盲龜跛鼈空流浪枉使漁翁把釣
竿
爲總副寺下火橫千豎百總由上座敲冰取火得問
老僧擲下火把云燒你眼睛
達磨祖師忌拈香云度流沙十萬里半雨半風坐少
林八九年花開花落琅琊云師心分戴
上堂上座生死事大諸佛只要體取無生無死底道
理如何是無死無死卽是死如何是無生無生卽是
生僧問鼓山生死沈淪如何出得山云你在裏許多

少時潛麼說話且道他出得生死出不得生死

咸淳八年十月二十四日堂割改差住持本府能仁禪寺受請畢辭衆上堂舊觀復還方爲慶愜豈料朝文荐至改住能仁無門迴避姑且隨緣道伴高流切希珍重

馬山能仁禪寺語錄

常日入寺陞座拈香祝

聖罷就座僧問如何是佛法大意師云臨濟三度問黃檗黃檗三度打六十拄杖

乃云大衆去來不以象動靜不以心豈謂茲山虛席京畿諸寺宿德名員請于廊廟抑俾來此開堂且今日說箇什麼即得九山突兀四水滌迴道是爲諸人舉話必謂實諸所有盡十方世界無一微塵許法與諸人作見聞覺知必謂空諸所無大迦葉聆爭起舞目健連雙足越坑理應如是干戈纔偃息四海樂昇平

常晚小參只箇住山寧有意向來成佛亦無心山僧來此出於諸人諸人爲佛法之故佛法不屬山僧山

僧證明而已然證明亦非易事卽今道是得麼道非得麼非之與是一時截斷得麼此是眞實相爲直得上無攀仰下絕已躬常光現前壁立萬仞卓拄杖一下喝一喝

上堂娑婆世界以音聲爲佛事香積世界以香飯爲佛事執之失度必入邪路能仁這裡以一切處爲佛事過去未來塵沙諸佛在你諸人腳跟下還知麼上堂僧問如何是一塵入正受師云達磨面壁問如何是諸塵三昧起師云雲門扇子

乃舉教中道身心清淨諸境清淨楊岐道諸境清淨身心清淨喝一喝云你道這一喝落在那邊乃云一喝分賓主照用一時行會得箇中意日午打三更上堂無佛處云是佛無法處云是法無僧處云是僧是名轉法輪不是轉法輪蓋子撲落地碟子成七片天清地寧君王長壽萬民安樂

上堂從人至佛是聖情執從人至地獄是凡情執凡聖淨盡人卽是佛佛卽是人有情無佛性無情有佛性總是妄見

上堂鷺池鷺嶺海甸菴園不異這裏你道卽今說什麼法若意根尙滯直須向前決擇保福有言擊石火閃電光構得構不得未免喪身失命

上堂舉僧問百丈如何是佛丈云阿誰僧云某甲丈云汝還識某甲否僧云分明箇丈舉拂子云汝還見麼僧云見丈良久乃云靈光獨耀迴脫根塵體露眞常不拘文字心性無染本自圓成但離妄緣卽如如佛師云某甲便是某甲何用還識某甲否未舉拂子靈光獨耀迴脫根塵舉起拂子靈光獨耀迴脫根塵體露眞常不拘文字心性無染本自圓成但離妄緣卽如如佛須彌山塞你咽喉大海水浸你鼻孔

上堂歷劫來來無盡燈不曾挑剔鎮長明夜行摸壁人無數試問如何恁麼生

上堂大丈夫漢別有生涯靈不在己聖不慕他三三七水月空花

聖節上堂河清海晏皇基壯雨順風調百姓安三世如來同祝讚龍樓曲奏萬年歡

上堂今日生來日死千年田八百主郎當屋舍没人修還會麼火官頭上風車子

上堂離四句絕百非老僧愛瞋不愛喜箭過西天十萬里向大唐國裡等候

上堂雪峯道望州亭與你相見了也烏石嶺與你相見了也僧堂前與你相見了也有甚麼事鵝湖無端驟步歸方丈保福入僧堂豈不是累他雪峯好與二十棒拈拄杖云什麼處去也

結夏小參諸上座一秋一冬一春東西南北撥草瞻風踏破施主幾緇草鞋一夏三箇月赫日炎炎全身放下便是清涼國以大圓覺爲我伽藍身心安居平等性智黑牛臥死水出身句作麼生道

上堂猪肉案頭有悟底菩提路上無歇人便下座達磨忌拈香云古者道達磨不來東土又有道攜隻履西歸走作多少兄弟今日爲你見前一衆燒香供養他看他香煙起處戒香定香慧香解脫香歸依佛

歸依法歸依僧

中秋上堂。馬祖百丈智藏南泉。既月各呈自己見解。於月有甚交涉。月輪有圓有缺。孤光透徹。謂之月光。菩薩照破山河大地昏暗。開一切衆生心地昏暗。老僧出母胎時。正當今夜。拈却門前大安山。放你諸人東去西去。

至日上堂。萬靈同轍。千聖共行。底路子撥開了也。陰去陽來。鳥飛兔走。明眼衲僧。一場莽鹵。

除夜小參。業識茫茫。無本可據。逗到臘月三十日夜。一似落湯螃蟹。五更鐘動。曙色平分。交慶新年。六六依然三十六塵沙劫。來流浪生死。如汲井輪。無有停息。

上堂。三衣覆體。四事供需。若也知慚知愧。是真釋子。莫道。裏劫修來。非從今日。

上堂。心外無法。法外無心。南嶽磨鉢。作鏡。馬師坐禪。成佛。日面佛。月面佛。五帝三皇。是何物。須彌山上走馬。大洋海底藏身。

爲石直歲下火。似地擎山。不知山之孤峻。如石含玉。

不知玉之無瑕。松直棘曲。直底爲材。用曲底作柴燒。上堂。六國未寧。雲擎雨色。六國已寧。日放山光。石牛攔古路。一馬生三寶。便下座。

上堂。僧問汾陽和尚。示衆。夫說法者。須具十智同真。若不具十智同真。邪正不辨。縈素不分。不可爲人天眼目。如何是十智同真。師云。我不辭向你說。只恐你不信。問如何是一同。一寶。師云。山河大地。問如何是二同。大事。師云。百草頭邊。薦取。問如何是三總同。參。師云。文殊普賢。泥猪疥狗。問如何是四同。真智。師云。對面不相識。問如何是五同。徧普。師云。西天此土。問如何是六同。具足。師云。一聲遍在。諸人耳。問如何是七同。得失。師云。灰頭土面。問如何是八同。生殺。師云。你問我答。問如何是九同。音吼。師云。丙丁童子。念摩訶。問如何是十同。得入。師云。金毛獅子。問與什麼人同。得入。師云。善財拄杖子。問與誰同音。吼。師豎起拂子。問作麼生。同生殺。師云。你喫得棒也未。問何物同得失。師云。據虎頭收虎尾。問那箇同具足。師云。步步踏著。問何物同徧普。師云。上座因什麼只得一半。問

何人同真智師云金屑雖貴落眼成翳問孰能總同參師云破草鞋問那箇同大事師云寒山拈掌拾得呵呵問何物同一質師云藕絲牽大象

乃云不用學古只論如今諸人在這裏聽法將什麼聽將耳聽耳有根如何聽將眼聽眼有根如何聽將心聽心有根如何聽我法無相你聽無形臨濟大師道若欲生死去住脫著自由即今識取聽法底人無形無相無根無本無住處

爲滋上座下火聽吾火把子爲汝說妙偈滋蔓不可圖縛住生與死千劫萬劫中箇箇皆如此

上堂百丈陞堂黃檗出問從上宗乘如何指示丈良久檗云不可教後人斷絕去也丈云將謂汝是箇人乃歸方丈檗隨後入云某甲特來丈云若爾則他後不得辜負吾師云百丈坐得斷不歸方丈去黃檗有箇悟處

上堂僧出問丹霞燒木佛院主因甚眉鬚墮落師云正是我疑處問和尚是善知識爲什麼也有疑處師云盡大地人不疑我則無疑問清淨行者因甚不入

涅槃師云從來與麼問破戒比丘因甚不入地獄師云汝自應知問文殊出女子定不得罔明爲甚出得師云罔明却能彈指問百丈不落因果爲甚麼墮野狐身不昧因果爲甚麼脫野狐身師云差之毫釐失之千里問牛頭未見四祖時如何師云百鳥銜花問見四祖後如何師云百鳥不銜花

乃云心清淨是佛心光明是法阿那箇不清淨光明至於山河大地日月星辰悉皆清淨光明是故佛法遍一切處大唐國裏打鐘魚鼓板師僧隊隊入僧堂新羅國裏打鐘魚鼓板師僧隊隊入僧堂

上堂多學何益直須退步孤明自照省悟諸塵纖毫不立猶是過患

上堂天普蓋地普擎日月普照達磨西來跋涉流沙後代兒孫弄巧成拙

新到相看師問甚處來僧云雪峯來師云鼉鼻蛇咬人無藥可醫是否僧云某甲親遭一口師云如何得命到這裡僧擬開口師便打

上堂各各有箇世界大地載不起虚空包不盡山僧

底拈來拋向諸人面前。諸人底拈來拋向山僧面前得麼。

上堂。仁者不教你取一法。如微塵。人不教你捨一法。如微塵。許不教你便恁麼休去下座。

上堂。諸上座。莫只管如韓獪逐塊。當念無常。凡世間有形相者。皆被無常吞却。無常又被無常吞却。若能省悟無常之無常。卽是上座自己。

除夜小參。靈山拈花迦葉微笑。少林面壁二祖安心。老僧從年頭到年尾。語默動靜更無一箇采著。任你人人本具箇箇圓成。至於鐘聲鵲噪。可契真源。作麼生道將一句來。

上堂。雲門大師道。幻泡等無礙。一切處不是幻泡。一切處不見無礙。師云。雲在嶺頭。閒不徹。水流澗下。太忙生。又拈拄杖云。總是幻泡。總不是幻泡。總是無礙。總不是無礙。

上堂。舉百丈普請鋤地。次忽見一僧。聞鼓鳴。舉起鋤頭大笑。便歸丈云。俊哉。此是觀音入理之門。丈歸乃喚其僧問。適來汝見什麼道理。便恁麼。僧云。某甲聞。

鼓聲歸。喫飯去來。丈乃笑而已。師云。此便是觀音入理之門。

師一日見兄弟舉古。舉今問他。於你自己分上。有甚交涉。僧無語。師打一棒云。舉古舉今。是你開口不得。是你。

端午上堂。龍牙云。學道先須有悟由。還如曾翻快龍舟。雖然舊開闢田地。一度贏來方始休。拈拄杖。擲下。便歸方丈。

上堂。僧問。如何是聞復竊根。除師云。一不成。二不是。如何是塵消覺圓。淨師云。漏木杓。破茶籠。

乃云。木女穿針。山色秀石人牽線。海雲生高茅座。主赤雙脚。直向毗盧頂上行。

上堂。目前無法。法法縱然。心外無機。機相副。日面佛。月面佛。五帝三皇。是何物。星河秋一鴈。砧杵夜千家。

謝秉拂齋上堂。食輪轉法輪。轉老僧合掌頂戴。經云。其施汝者。不名福田。供養汝者。墮三惡道。

爲聰副寺下火。汝一生聰明利智。千計萬算。到這裏。

總用不著。便好死却身心。莫待火燄上添草。

上堂。壯士展臂。不借他力。善舞太阿。不傷其手。拈拄杖云。橫身當宇宙。一句定綱宗。

上堂。一法若有毗盧墮。在凡夫永劫不復。萬法若無普賢失其境界。沒處去。

施主上堂。處處壁立千仞。歷歷常光現前。教中道初日分中。日分後。日分皆以恆河沙等身布施。

上堂。舉百丈陞堂。雲巖最出問云。和尚每日區區爲阿誰。丈云。有一人要晟云。因甚不教伊自作。丈云。他無家活。師云。要底人在甚處。雖無家活。教伊自作始得。

上堂。無三界可出。是衆生也。無菩提可求是。諸佛也。諸佛衆生。非一非二。所以道。性相平等。菩提解脫業障煩惱。

上堂。寒暑荒却心。田草智慧刀。無用底物。便下座。

上堂。夜來地動。葭灰起。百草頭邊一寸春。抖擻精神急薦取。生老病死不饒人。

月旦上堂。雲門大師道盡乾坤大地。無纖毫過患。猶

是轉句。不見一色。始是半提。須知更有全提時節。

師拈拄杖云。拄杖子。在你諸人頭上。轉大法輪。三世諸佛在你諸人脚下。轉大法輪。一切衆生成等正覺。延慶和尚下火。成住壞空。成者四大假合。一箇已身。是也。住者。據曲木床底。是也。壞者。四大分離。已身無有。是也。空者。明暗色空。無絲毫隔礙。是也。舉火云。火性元空。成住壞空。不相棄離。一切如是。見徹根源。石上栽花。

上堂。拈槌豎拂。好肉剜瘡。舉今舉古。開眼尿床。設使別有生機。也是露布。總不與麼。無孔鐵鎚。

上堂。惡是罪業。善亦是罪業。罪業消除。青天白日。西河弄獅子。豐干騎猛虎。老玄沙。卓牌鄧師伯。打瓦鼓。結夏上堂。十五日已前。即不問十五日已後。不暇問。普正當十五日。道將一句來。道得來。只是半句。護生禁足。西天令嚴。佛入涅槃。已二千二百二十載。無有不遵守者。以拄杖劃一劃。便下座。

上堂。入凡入聖。入穢入淨。入真入俗。何以如此。蓮花生淤泥。復頌云。蓮花牛淤泥。標格天然。別出水未出。

時餒魚并餒鼈

爲疑副寺下火莊下監造僧衆米滿頭滿面是埃塵
歸來跳入火中浴超出毗盧清淨身

上堂僧問有問趙州如何是西來意云庭前柏樹子
有問慶雲云庭前無柏樹一等是問西來意爲甚答
不同師云不是閨梨問老僧也不知

乃云大洋海底不宿死屍如來藏裏不停一法柳標
橫擔不顧人直入千峯萬峯去

爲玉首座下火玉將火試若是和璞懸黎垂棘結絲
千鍛萬練其質愈潤其色愈潔猶雲門被睦州拶折
隻脚去死十分擲下火把云果然

上堂五千四十八卷是黃葉止啼若是箇漢撥著便
轉

爲總首座下火平地上死人無數透過荊棘林者是
好手今日不可總道堂中上座有長處也舉火云噤
喇噤喇

謝秉拂齋上堂食供養一飽忘百飢法供養心花發
現照十方利可謂功不浪施拈拄杖云趁得老鼠打

破油甕

爲僧行普請下火汝諸人各各具一點妙明真性劫
火洞然世界俱壞此性不壞看經坐禪開單展鉢行
益普請出生入死動轉施爲全是此性只爲一念迷
妄背覺合塵不知落處吾爲汝點破了也退後退後
火蛇來穿你觸體擲下火把

上堂舉臨濟禪師到龍光光上堂臨濟出問不展鋒
鈍如何得勝龍光據坐臨濟云大善知識豈無方便
龍光瞪目臨濟以手指云這老漢今日敗闕也師
云今日衆裏總道臨濟問不展鋒鈍如何得勝龍光
據坐屈哉作家相見豈在形言三千里外知得他也是
鈍漢

示衆堂中諸兄弟到方丈上請告香普說仰見作成
叢林盛心但此事不在語言秘魔一生只是擎杈俱
抵一生只是豎指打地和尙一生只是打地分開太
華裂破黃河尙接不得一箇半箇我若說得天花亂
墜更用不著你一衆箇箇是大丈夫漢十二時中無
絲毫滲漏紅塵堆裏波波挈挈青山影中飄飄飄飄

便是屠兒放下屠刀立地成佛底時節。只不得與麼會。若與麼會。落在知解之數。被知解束縛。胡亂轉動。一步不得明。被明礙。暗被暗礙。色被色礙。空被空礙。語言被語言礙。所以沈墜生死苦海中。無出頭分。古人脚跟下穩實。自然八面玲瓏。拈條死蛇。便解活弄。豈不見僧問馬祖。如何是祖師西來意。馬祖喚近前來。僧近前來。祖便打云。六耳不同謀。黃龍南和尚云。古人尙道六耳不同謀。何況三百五百浩浩地商量。禍事。禍事。知解底如何。搏量搏量到彌勒下生。無你討頭處。除非知解忘伎倆。盡猶明鏡中看萬象。纖毫無隱。一切處既無隔礙。指鹿爲馬。將南作北。放去收來。著著自由。方可以出來垂手。不瞎學者之眼。松源師翁臨終垂語。久參正路行者。有只不能用黑。豈法難以荷負正宗。臨濟佛法到此平。沈痛哉。痛哉。師翁之言。切有深旨。討正路行者。如星中揀月。況用黑。豈法者耶。兄弟。你若是箇一刀兩段底漢。黑豈法有甚難用。智門和尚道。黑豈好合。誓只這便是年來叢林荒涼。看不上眼。蓋緣據曲木床。盡是知解之徒。道這

一箇公案。是爲人處。那箇公案。不是爲人處。喜人單提獨弄。謂之向上。巴鼻。怕人說心說性。謂之佛法道理。又有一等專造新奇語句。謂之出格。引誘新入衆者。若如此。吾宗豈到今日。看他德山臨濟。趙睦二州雲門諸老。是何標格。有頭面到你見麼。有。你湊泊處。麼。千古之下。炳焉如懸諸日月。六祖示衆云。吾有一物。無頭無尾。無名無字。無背無面。諸人還識麼。時有荷澤神會出云。是諸佛之本源。乃神會之佛性。六祖打一棒云。這饒舌沙彌。我喚作一物。尚不中。豈況本源佛性。此子向後設有把茅蓋頭也。只成箇知解宗徒。法眼云。古人授記。終不錯。如今立知解爲宗。卽荷澤是也。參禪不具這般眼腦。空住黃面老子屋。喫黃面老子飯。反不如三家村裏種田公子。兄弟就已退步。向脚跟下。默默提撕。具得這般眼腦。生老病死苦。總被你照破。只是能仁未放過。在我此門中。如大海水。愈入愈深。直須到底。始得。且如何得到底。去。但辨肯心。必不相賺。珍重。

謝秉拂齋上堂。以食供養諸人者。是好心。以法供養

諸人者是好心。三文錢。鑿箇黑老婆頭。不梳面。不洗。知他是凡是聖。喝一喝。

上堂。有一句。舉似諸人。各各斂念。聽取這一句。卽是父母未生前底句。古人不喚作一句。喚作一句。成死句。所以不參死句。只參活句。路逢死蛇。休打殺。無底籃子。盛將歸。

上堂。小屎坑。大屎坑。浸不殺底出來。我有一句。向你道。如何是佛。乾屎橛。

結夏。上堂。老僧與諸人。諸佛及衆生。情與無情。皆是布袋裏物。教誰結却布袋口。

上堂。舉百丈。因齋上座來。參喫茶了。丈云。有事相借問。得麼。齋云。幸自非言。何須割室。丈云。與麼則許借問也。齋云。更請一甌茶。丈云。收得安南。又憂塞北。齋撥開。曾云。與麼與麼。丈云。要且難構。要且難構。齋云。知卽得知。卽得。師云。一等相見。就中要妙。齋上座。撥開胸云。與麼與麼。百丈道。要且難構。要且難構。老僧只擡得他。擡不得他。

上堂。諸法從本來。常自寂滅相。春草青青。夏木森森。

秋風浙浙。冬冰片片。拈拄杖云。你諸人。從朝至暮。走上走下。

明州阿育王山廣利禪寺語錄

至元二十年三月念六日

都總攝自燕京遣僧使持。劄至温州。鴈蕩山放牧寮。請師住持。明州阿育王山廣利禪寺。前住持東湖震巖道貫。製江湖請疏云。

鄮嶺東震之鷲峯。鷲峯西天之鄮嶺。眞身塔涌。卽佛現前。彈壓山川。實得人物相稱。

能仁東堂橫川禪師。宗旨續臨濟楊岐應菴之脈。說法無雕琢藻繪入時之辭。眞摧邪魔山之金剛王寶杵也。燕京鴈蕩相距數千里之遙。

總攝除檄。專僧敦請。尊其道也。如此。雖則閉居宜老。應物非時。當念祖道。靡委淪胥。來作中流砥柱。

師於八月初二日入寺。

佛殿燒香云。三十二相。天人仰八十種好鬼神驚。聖座拈香云。此一瓣香。祝延。

今上皇帝聖躬萬歲萬歲萬萬歲。次拈香云。奉爲。

皇太子壽筭千秋闔朝官屬增崇祿位

次拈香云奉爲

國師大師總攝大師增崇法筭

就座僧出衆來擬問師以手約退上座且住聽老僧處分

乃云十方世界佛法顯然其中有味根塵之故所以達磨大師道吾本來茲土說法救迷情一花開五葉結果自然成茲者稱提便合頓悟眼見色不被色礙耳聞聲不被聲礙至於諸根俱無所礙皇風成一片慧日鎮長明

上堂諸上座達自心了自心居淨土無喜住惡世無嫌且作麼生達作麼生了有底道大盡三十日小盡二十九恁麼則種種法生有生卽有滅生滅不停爭得了達直須子細

上堂說甚麼諸佛出世不出世祖師西來不西來單提是大過患演說是大過患總不與麼是大過患上堂目視雲霄壁立萬仞灰頭土面拖泥帶水野犴鳴獅子吼獅子吼野犴鳴三十年後有人悟去

結夏小參一堂龍象古來無道貌冰霜照四圍選佛場開無可選心空及第亦無歸老僧不用敲床豎拂亦不用東語西話西家杓柄短東家杓柄長亦不要大家論量今日喫甚菜二年同一春接手句作麼生道

至元二十一年四月十二日恭奉

聖旨俾住持本寺領衆焚香望

闕謝恩罷

陞座乃云黃河三千年一度清聖人五百世一度出皇皇上帝統御金輪東盡嵎夷西及昧谷南放交趾北屬幽都六軍萬姓悉稟威靈亦猶釋迦如來舍利寶光照四天下慶元府路古鄆山中兩蒙

聖旨恩寵尤多化瓦礫場爲夜摩兜率之宮致貧道入於休歇解脫之域皇風永扇寶曆彌新鶴禁迎祥駕行詠德卓拄杖云虚空可量風可繫無能盡說佛功德

結夏小參立三期限這蛇化龍蠟人爲驗西天使得護生殺生事涉兩頭兩錯商量空徒氣力鋤一片畚

種一籊粟辛勤不少。日中一食。夜後一寢。未出常情。育王寺裡僧。箇箇得人。憎你有拄杖子。我與你拄杖子。你無拄杖子。我奪却你拄杖子。

上堂。凡夫與聖人有異。其性無異。天熱。凡夫道熱。聖人不可道不熱。天寒。凡夫道寒。聖人不可道不寒。匝地普天如此。只要見性。見性成佛。佛即凡夫。凡夫即佛。

上堂。僧問。清淨本然。云何忽生山河大地。師云。你因甚有此一問。

乃云。擊開大解脫門。識取無面目。底全放。全收。全殺。全活。十方世界一團鐵。虛空背上白毛生。

示衆。我宗無一法與人。達磨西來作證而已。箇箇本自具足。無量劫來到今日。折旋俯仰。應機接物。屢屎送尿。出生入死。不欠一絲毫。不剩一絲毫。可大師只禮三拜。依位而立。紹續祖位。如今人道是有禪有道。攜囊挈鉢。東西南北。馳求情生智隔。想變體殊。更撞著一等邪師。指東劃西。愈增顛倒。但馳求之心。歇去。本來境界。自然發現。如何得歇。要歇。不能得歇。十二

時中行住坐臥。都是你歇處。演若達多。失却頭。求心歇處。即無事。佛是無事人。昔年老僧。初行脚時。亦信有禪。晝三夜三。提箇無字。橫看豎看。看不透。胸中開開地。如熱鐵團。無理會處。及到先師。會下一日入室。舉南山笠。笋東海鳥。賊擬開口。便被打當下廓然。一箇無字。百雜碎。諸佛何有自己。何有萬法。何有即是本來境界。無事安樂田地。郁山主因有遊山僧。到其所住之處。問他禪如何。參僧向道。你但看百尺竿頭。如何進步。郁山主信得及。只管提起。看騎驢過橋。忽遭攔起來。便道。我有明珠一顆。久被塵勞。羈鎖如今塵盡。光生。照見山河萬朵。是他胸中流出。蓋天蓋地。非從人得。後來楊岐問白雲。你本師有悟道頌。學看本師。即是郁山主。白雲舉了楊岐一笑。白雲問。有什麼不得處。和尚發一笑。楊岐道。你見打驅。饑麼。他要人笑。你怕人笑。白雲於是。是有省。楊岐一笑。即不論白雲省去。得箇什麼道理。兄弟脚跟下。踏著實地。佛法玄妙淨盡。信手拈來。信手便用。鑊湯爐炭。刀山劍樹。轉大法輪。一切衆生。成等正覺。若絲毫見地。不脫面。

前都是礙膺之物。豈不見真點胸自謂百了。千當勘辨諸方善侍者。耐他拈一塊石。安地上問。此是什麼義。真點胸云。無雲生嶺上。有月落波心。善侍者叱云。這般見解。敢說勘辨諸方。且道善侍者具什麼眼目。真點胸却問。慈明向他道。你問我。真點胸又手云。是什麼義。慈明云。無雲生嶺上。有月落波心。真點胸方始警地。講訖在甚處。這些子透不過對面。何啻千里萬里。善侍者乃云。這回勘辨得諸方。三頭兩面。真點胸云。却勘辨不得。諸方便有逆水之波。信之此事不在語言。無絲毫授受。無你搏量處。無你湊泊處。直須發勇猛志。將平日所保重底。盡底掀翻。自然著著有出身之路。

上堂說底也多。參底也多。只是無悟底。若要悟。須待須彌粉碎時。有僧問。幾時粉碎。師云。悟時粉碎。上堂本無纖塵法礙。你眼睛何得自昧東西。不辨南北。不分千聖不傳底事。只在你面前。不可蹉過。上堂先佛有頂額一機。祖師有末後一句。總向諸人面前拈出。破知解窠窟。截生死根株。正體獨露妙用。

全真一壘中。現寶王刹。毛端上轉大法輪。

謝秉拂齋上堂。咬破鐵酸餚。百味具足。拶透父母未生前底句。一法無留。與我拈佛殿來。

上堂龍門無宿客。不是點額人。孤峯無宿客。不是守株人。紅日繞須彌。清風遍寰宇。

上堂形影一生苦。樂隨至。形影一滅。苦樂何有。當觀生滅是諸佛之本源。是衆生之幻化。拈拄杖云。明暗色空皆是幻化。

恩鑒義請上堂。崇安院比丘尼慧恩到。阿育王山一觀。如來真身舍利寶光。頓悟無上妙道。思念故秘閣奉議元吾府君王公。癸亥命十月二十五日子時生。享年七十四歲。丙子年九月二十九日辰時卒。于正寢。深恐遊魂凝滯。請老僧陞堂開示。達者先知。賢明早悟。不待花開葉落。即今納須彌於芥子。擲大千於方外。鶴有九臯難翫。翼馬無千里謾追風。

上堂如何轉得山河國土。歸自己。去如何轉得自己。成山河國土。去昨夜山前虎咬大蟲。

上堂汝諸人。曾得箇入頭處也。未睦州道。若未得箇。

入頭須得箇入頭。若得箇入頭。不得辜負老僧。乃云。
鷄子過新羅。

上堂。驢前馬後。不何著脚。諸佛地上。不可著脚。老僧
今日有大過患。

上堂。一塵飛而翳天。一芥墮而覆地。一花開而見佛。
一葉落而知秋。雪峯輾三箇木。毘盧卓牌於鬧市。
上堂。搆不得底。死在搆不得下。搆得底。死在搆得下。
臨濟喫黃檗六十棒。向大愚肋下築三拳。總是依草
附木。

上堂。一千里路。二千里路。橫擔拄杖。長連床上。三條
椽下。高掛鉢盂。似刺蝟子。有甚用處。蓋拈拄杖云。西
風吹渭水。落葉滿長安。

上堂。天得一以清。地得一以寧。金剛神合掌。歸依佛
法僧。

除夜小參。獨狗吠時。天地合。太雞啼後。祖燈輝。一年
光景。今宵盡。萬里更無人來歸。

謝秉拂齋上堂。食輪法輪俱轉。四百箇衲僧鼻孔。遼
天拈拄杖云。陳如尊者爲首。參新僧堂去。

上堂。鼓聲咬破七條。只著偏衫去也。老鼠滿地走。拖
取貓兒來。

張朝奉設齋。請上堂。盡十方世界。是釋迦佛。舍利寶
光。盡十方世界。是阿育王。檀越我朝奉張公。具大智
具大見。未舉先知。未言先領。故入山來。以香花燈燭。
茶果珍羞。供養佛。供養法。供養僧。目前底是僧。何者
是法。五千四十八卷。何者是佛。清淨無爲。此一段奇
特大事。不可思議。所獲利益。亦非小小。福如滄溟之
水。壽若太華之山。子孫顯揚。寶藏充滿。卓拄杖云。但
願春風齊著力。年年吹入我門來。復說偈。施供養者
受供養者。俱無住著。獲波羅蜜。

上堂。目前無法。意在目前。不是目前法。非耳目之所
到。青蘿黃綠。直上寒松之頂。白雲淡泞。出沒太虛之
中。

昌國廣福和尚。至上堂。大洋海底火。發鯉魚跳出龍
門。南山起雲。北上下雨。

爲熙菴主下火。穿破衲。凍日熙熙了。殘經白月團圓。
生老病死了。無干涉。更明婆子燒菴話。始是親曾見。

育王

上堂當處解脫得大安穩展鉢喫飯開單打眠孤峯頂上十字街頭十字街頭孤峯頂上卓拄杖云寒山拾得

天童止泓和尚至上堂天童和尚垂訪陞堂陳謝因舉一則古話非惟供養和尚且要諸兄弟知得從上尊宿相見無絲毫相見底道理韶國師云心外無法滿目青山

上堂抖擻眼中塵共照無私鏡胡來胡現漢來漢現胡漢不來時如何湛湛也

爲禮上座下火大衆火把子空却世界去也昨日燒化淳維那今日燒化禮上座

解夏小參一夏九十日不依倚一物解開布袋口得見本來人本來人只是舊時人三文錢娶箇黑老婆頭不梳面不洗千年桃核破覓甚舊時仁江南兩浙春寒秋熱喝一喝云耶舍塔中敲鐵磬天台鴈蕩絕人行

上堂當下超凡入聖不被衆魔惑亂喚作大事已辦

假使鐵輪頂上旋定慧圓明終不失卓拄杖下座

上堂妙明心印印佛則一手指天一手指地印法則狗銜敕書諸侯避道印僧則箇箇鉢盂口向天還有自印者麼自印則行住坐臥一一明了靈山會上傳此心印少室峯前傳此心印

永藏主赴定水請上堂如來藏中不留一法將其麼流通拈却破沙盆活却衲僧眼拈拄杖云黃河三千年一度清

上堂開市裏天子百草頭上祖師總爲你諸人舉了也若也不會不可向蝦蟆窟裡作活計拈拄杖畫一畫云一句該通五千餘首蘇盧婆訶

上堂問一句來答一句去佛法不是這箇道理五臺山上雲蒸飯佛殿塔前狗尿天利竿頭上煎餿子三箇糊獮夜簸錢

除夜小參年窮歲盡時家家燒紙錢滴滴落地千神俱醉不可作佛法商量不可作世諦流布若作世諦流布瞎却眼睛若作佛法商量爛却舌頭卽心卽佛非心非佛不是心不是佛不是物東海鯉魚打趺跳

新羅國裏無寸土

達磨祖師忌拈香云亦不觀惡而生嫌亦不觀善而勤措亦不捨智而近愚亦不拋迷而就悟達大道兮過量通佛心兮出度不與凡聖同躋超然名之曰祖師舉了以香扣爐三下復問衆云會麼淨智妙圓體自空寂

上堂無一法從內出無一法從外入不斷生死而絕生死不求涅槃而至涅槃

授典座下火古今無傳授底法將五味換却衆人舌頭是你自家本有底法舉火把云燒却十方世界去也

開爐上堂僧出云丙丁童子來求火師云歸去生柴帶葉燒

乃云古鏡闊一丈火爐闊一丈火燄爲三世諸佛說法三世諸佛立地聽你諸人長連床上坐地聽

上堂大智非明真空絕跡曲木床上老和尚有甚共語處

上堂參禪學道古德喚作妄上心不息古廟香爐去

一條白練去一念萬年去燈籠露柱笑殺你去

上堂臨濟云佛者心清淨是法者心光明是道者處處無礙淨光是師云急水上打毬子

上堂閻黎眼皮蓋須彌山老僧拄杖穿過乾坤如來說一合相卽非一合相

上堂大無外小無內一卽三三卽一薦拈拄杖云路逢道伴交肩過一生參學事畢

上堂萬法從甚處起雲門道糞堆頭萬法從甚處滅育王道糞堆頭復頌云糞堆頭上無人觀著萬法紛紜自起自滅

爲受藏主下火你爲生苦你爲老苦你爲病苦你爲死苦此四種苦無有脫時破屋不堪住從教野火燒施主寄庫上堂堅牢庫藏各各有珍寶且非金與銀今日婆婆須認取將來免得問他人

上堂世界因地水火風建立然地水火風之性各不相知自相攝入及至分散世界何有空劫已前事則不論拄杖子吞却拄杖子如何

上堂百千法門同歸方寸河沙妙德總在心源大衆

喫粥了也未喫粥了也洗鉢盂去無悟底法無迷底法亦無不迷不悟底法各自究取珍重

上堂不歷僧祇劫超出法王前還有這般底麼燈籠與露柱相交是第二機

爲先副寺下火機先一著構不著將筭子筒踢倒著五蘊山頭火光爍爍

爲行者下火放出自己三昧火光照破歷劫生死昏衢菩提本無樹明鏡亦非臺

除夜小參今夜是年窮歲盡時節大家聚集小時相暖熱俗諺謂之守歲初非老僧要施設佛法況佛法無可得施設投子云諸人變現千般總是自擔帶將來僧問他如何是佛法答云佛法又問如何是法中法答云法中法良久云來年更有新條在惱亂春風卒未休

上堂古人道一切境界本自空寂山嶽嶢嶢江河流注萬象森然如何得空寂去爲物所礙者不少爲空所礙者亦不少空與物無二無一要你自己了了無所了是名真了

爲謙上座下火墮一切疑網被有無等縛是謙上座破一切疑網出有無縛等是謙上座譬如火光明滅無有二性

上堂春夏秋冬是物不遷義生死去來是諸人不遷義黃河因甚向北流

爲純維那下火一擲便扶不起平生所做純熟底工夫打失無留十尊古佛卽今在火燄上與你說法好生聽取

爲智掌財下火觸體打破智慧泯絕三十六筭子撒在火裏燒作堆灰去也

爲行者下火不著佛求不著法求不著僧求十方薄伽梵一路涅槃門顧左右云夜來何處火燒出古人墳

佛涅槃上堂日暖風和二月春桃紅李白遍山林涅槃路上絕來往一箇無爲清淨身

東臯友山和尚至上堂發古佛心行菩薩行建梵剎於十字街頭南來者休去歇去北來者休去歇去三十年後破草鞋向甚處著

爲默維那下火打破生死關見微動靜語默本源卽是桶縮爆底時節雖然學道如鑽火逢煙未肯休直待金星現燒脚又燒頭

元正上堂一塵入正受諸塵三昧起元正啓祚萬物咸新東海鯉魚打一棒雨似盆傾

爲聖僧侍者下火汝名仁洽仁德無形沾洽萬有汝還知麼丹霞爲甚騎聖僧汝道得麼石火電光休擬議坐斷毗盧法報化

上堂通身是飯通身是水浸殺底有甚數飽殺底有甚數拈拄杖云歸堂去

上堂僧問不作佛見不作衆生見還得否師云二鐵圍山萬仞高

乃云直下無一絲毫頭遍界全彰奇特事山花開似錦澗水湛如藍傳大士騎牛入你眼睛鼻孔裏去結夏小參安居法門說了也只要奉行舉足下足自然不傷物命護生須是殺殺盡始安居這箇法門亦不可不奉行鐵船浮水上久已傳諸方今日青海頭木船浮水面

爲行者下火你不知生處死處是心未了鬚髮不曾得除是身未了我一把火都與你了却祖師道了得身心本性空斯人與佛何殊別

元宵清涼西堂至請新知事上堂然燈佛與清涼山萬菩薩共說無生法忍育王寺新請職事箇箇是了事底人舉手云蘇嚕蘇嚕

上堂薪火相交識性不停上至諸佛下至衆生拈拄杖云扶過斷橋水伴歸明月村

解夏小參世尊慈悲故出現於世立長期短期今夏是短期九十日已過八十九日尙有一日在你諸人有所證無所證不可辜負世尊不可辜負自己自己非泡幻者是亦非昭昭靈靈者是南天台北五臺走得遍還自知

開爐上堂三世如來說妙義炎炎火燄雪火飛面前總是聽法底識取當頭底是誰

冬夜小參國無定亂之劍四海晏清諸人脚跟下蕩蕩地更無一塊泥埽礙著你歸堂去明日起來慶賀新陽二十四氣七十二候分布四時八節雲門扇子

踽踽上三十三天。築著帝釋鼻。孔東海鯉魚打一棒。
雨似盆傾。

佛誕日上堂。哇地一聲。諸境現周行。七步更多能老。
僧不是多饒舌。要與諸人絕謂情。

歲日上堂。元正啓祚。萬物咸新。是第二句。還我第一
句來。

天童月坡和尚遺書至上堂。從上來死衲子。心能有
幾人活衲子。眼能有幾人。昨夜玲瓏巖吞却太。白峯
月坡和尚遷化去也。

上堂。百千三昧門。百千神通門。百千妙用門。你總入
不得。你爲三昧礙。神通礙。妙用礙。直饒不礙。也入不
得。

月舟西堂至上堂。千丈巖前看瀑布。卽是西來祖意。
鄮嶺山中把手言。語卽是西來祖意。拈拄杖云。庭前
柏樹子。一夜風吹落。

冬至小參。群陰欲去未去之際。一陽欲來未來之時。
樓上鐘鳴。堂前鼓響。凡聖交參。一期事畢。開口不在
舌頭上。不在舌頭上。在甚麼上。瞎却天下人眼。現前

一衆滴水冰生。

上堂。百草頭上泄天機。鬧市頭邊露眞智。釋迦老子
無藏身處。卽且置你諸人衲衣。下一句作麼生道。

歸新僧堂。上堂。古人道。居此堂者。有利有害。老僧道。
居此堂者。無利無害。將頭不猛。累及三軍。陳如尊者。

一坐坐斷四百箇衲。僧上無攀。仰下絕已。躬常光現。
前壁立萬仞。拈拄杖云。有利無利。不離行市。今年桃

李貴一顆直千金。

上堂。無邊身菩薩。不見如來頂相。才說無邊。便有限
量。爭見如來頂相。如來頂相。只在諸人面前。巍巍堂
堂。離一切見。

解夏上堂。長期百二十日。短期九十日。無繩自縛。底
有甚數。十字縱橫。底有甚數。

上堂。諸佛不著。便諸祖不著。便今日老僧不著。便你
諸人上來也不著。便。

顯掌財下火。要與你顯露本有靈光。你三度爲掌財。
來情慶濃厚。紅爐鍊上雪花飛。

上堂。眞人面前一點伎倆。用不得九鳥射盡一翳。猶

存一箭墮地。天下不黑。

上堂。諸上座。體取佛意。無事安樂底。便是一得永得。不同善財。暫時斂念。樓閣門開。

上堂。性非垢淨。湛然圓滿。諸佛菩提。衆生煩惱。焉拈拄杖。擊香臺云。針眼魚吞却。嘉州大像。

上堂。明暗色空。不曾礙人。一念周沙界。日用萬般通。湛然常寂寂。常轉自家風。

園頭下火園中種。作不違時。是汝爲頭。都得知。莫謂茶毗沒分付。老僧不見一莖眉。

上堂。明上座。悟去六祖。與他道什麼。不思善。不思惡。正當恁麼時。那箇是明上座。本來面目。若因此老僧。今日亦恁麼舉。諸人何不悟去。明上座禮拜。問曰。上來密語密意外。還更別有。意否。祖曰。我與汝說者。卽非密也。汝若返照自己。面目密却在。汝邊頭上著枷脚下著鎖。

上堂。舉百丈。因一僧哭上法堂來。丈云。作麼。僧云。父母俱喪。請師擇日。丈云。明日來一時埋却。師云。百丈只能埋。却不能擇日。

上堂。諸上座。本無恁事。你自起疑。此疑從甚處起。識得起處。當下廓然。三世諸佛是你。六代祖師是你。你是阿誰。

上堂。魯祖三昧。最省力。纔見僧來。便面壁。育王三昧。又省力。纔見僧來。便合掌。南山北山。如牛拽磨。脚瘦草鞋寬。地肥茄子大。

上堂。拈拄杖云。是風動。是旛動。不是風動。不是旛動。二僧與祖師。從你諸人脚跟下。過去了也。

覺菴和尚遺書至上堂。四大合成。一箇幻身。以幻身出學者之幻。四大分離。幻身何有。正當與麼時。還有與覺菴和尚相見者麼。

解夏小參。雲門道。你諸人。忽然今夜悟去。早起將刀截却我頭。我說了也。他是壓良爲賤。現前一衆箇箇是大丈夫。漢自然超越。不用老僧纖毫氣力。解夏之後。或往諸方去。誰勘辨得你。鉢盂草屨。拄杖針筒。隨身道具。不可不將帶。

解夏上堂。三期罷了。不施功。萬里秋天。西北風。無孔鐵鎚成隊走。苦哉滅却少林宗。

佛忌上堂。教中道一切無涅槃。無有涅槃。佛無有佛。涅槃遠離覺所覺。今朝是二月十五鳥啼花笑水綠山青。

歲旦上堂。舊年說話新年說話。一法從萬法生。萬法無一法。實月影有若干。眞月無若干。諸源水有若干。水性無若干。森羅萬象有若干。虛空無若干。

結夏小參。護生須是殺。恁麼那殺。盡始安居。老僧有好月。特地過滄洲。文殊普賢起。佛見法見。見見向二鐵圍山。東山五祖道。今後更敢也。無又道一度被蛇傷。怕見斷貫索。以拄杖劃一劃云。你諸人總在鐵圍山裏。

上堂金陵報慈遂禪師問僧從什麼處來。僧云撫州曹山來。師云幾程到此。僧云七程。問云行却許多山林溪澗。何者是你自己。僧云總是師云衆生顛倒認物爲己。僧云如何是學人自己。答云總是師云一等道箇總是有認物爲己有不認物爲己。退院上堂。各各未出母胎。夙緣已是無差。老僧來住。

此山首尾六年。仰荷諸耆舊作成。四海五湖兄弟同聚。擊碎今時窠窟。喚回二三百年前舊話。俾知有臨濟一宗。未曾斷絕。況瓦礫堆中復成梵宇。此日辭退。深慰卑懷。大衆珍重。

橫川和尚語錄上

橫川和尚語錄下

室中學古三十四則

舉毗婆尸佛云。身從無相中受生。猶如幻出諸形象。幻人心識本來無。罪福皆空無所住。

師拈拄杖云。拄杖子亦從無相中受生。

舉尸棄佛云。起諸善法。本是幻造。諸惡業亦是幻身。如聚沫。心如風。幻出無根。無實性。

師云。此幻即是實性。善惡皆從實性中出。

舉毗舍浮佛云。假借四大以爲身心。本無生因。境有前境。若無心。亦無罪福。如幻起亦滅。

師云四大分離何者是身境與心有甚交涉

舉拘留孫佛云見身無實是佛身了心如幻是佛幻了得身心本性空斯人與佛何殊別

師云佛身無實亦無虛佛幻非幻

舉拘那含牟尼佛云佛不見身知是佛若實有知別無佛智者能知罪性空坦然不怖於生死

師云罪性本空生死循環

舉迦葉佛云一切衆生性清淨從本無生無可滅即此身心是幻生幻化之中無罪福

師云破戒比丘不入地獄

舉釋迦牟尼佛云法本法無法法亦法今付無法時法法何曾法

師云稽首禮無上尊

舉須菩提說法帝釋雨華尊者問曰此華從天得耶帝曰弗也從地得耶帝曰弗也從人得耶帝曰弗也從何得耶帝釋舉手尊者曰如是如是

師云總去帝釋舉手處會未舉手時作麼生會

舉教中道居一切時不起妄念於諸妄心亦不息滅

住妄想境不加了知於無了知不辨真實

師云天是天地是地日月星辰草木叢林有什麼過

舉楞嚴經云衆生顛倒迷已逐物若能轉物即同如來

師云是你早晨喫粥了洗鉢盂去乃拈拄杖云趙州古佛

舉教中道凡夫實謂之有二乘析謂之無圓覺謂之幻有菩薩當體即空

師云衆色歸早早歸何處虛空無月夜獨自坐淒然

舉教中道惟一堅密身一切塵中現

師云是你從朝至暮走上走下拈拄杖云臭皮袋舉古德道柏樹子成佛虛空落地

師云磬碎你諸人觸體

舉雲門云你諸人擔鉢囊行脚不知有佛法佛殿上臨吻却知有佛法

師云常州草蟲宣州花木瓜

舉疎山問僧什麼處來僧云嶺中來山云曾到雪峯麼僧云曾到山云我到時是事不足如今作麼生僧云如今足也山云粥足飯足僧無語雲門云粥足飯足

師云雲門是代這僧語是出這僧語時有僧擬開口師便打

舉夾山云百草頭上薦取老僧關市裡識取天子

師云拄杖頭邊見取古佛

舉雲門云頭上霹靂卽不問你脚下龍過道將一句來自代云朝起雲夜降雨

師召衆云老僧與他重舉你頭上雨淋淋脚下水漫漫

舉僧問大隋如何是學人自己隋云是我自己僧云爲什麼却是和尚自己隋云是汝自己

師云張公喫酒李公醉李公喫酒張公醉

舉雲門大師道天帝釋與釋迦老子在中庭裏相爭佛法甚闊

師拈拄杖云拄杖子穿過你諸人眼睛鼻孔山河

大地疼痛

舉雲門云眞空不壞有眞空不異色

師云青青翠竹盡是眞如鬱鬱黃花無非般若舉一切聲是佛聲一切色是佛色

師云衆生無染

舉馬祖上堂僧出問作麼生祖云自從胡亂後三十年不曾少鹽醬

師云是恁麼

舉夾山云百草頭上薦取老僧關市裏識取天子

師云十方薄伽梵一路涅槃門

舉僧問雲門如何是佛雲門云乾屎橛

師云是什麼語話大慧云超出法報化也是抑而爲之拈拄杖云三千里外逢人不得錯舉

舉僧問雪峯乞師指示峯云是什麼其僧便於言下

有省雲門云雪峯向伊道什麼

師云諸人合向雲門言下悟去

飯去

舉古終

一日云山門頭點燈。佛殿後燒香。新婦騎驢阿家牽。
師有時云。從苗辨地。因語識人。昨日有人從南嶽來。
却往天台去。

師一日云。一念不生。是文殊境界。一念生時。是普賢
境界。五九四十五。還我第一句來。

師有時云。兀兀無趣。向又云。蟻子不食鐵。

師一日云。闍梨無問。老僧無答。闍梨有問。老僧有答。
風不來。樹不動。無事珍重。

師一日拈拄杖。劃一劃云。不落第二。伏惟尚饗。

師一日云。昨朝栽茄子。今日種冬瓜。放汝三十棒。自
領出去。

師有時云。向鬼窟裏作活計。有甚數。不向鬼窟裏作
活計。有甚數。自代云。長安城裏。

拈古四十八則

舉世尊臨入涅槃。文殊請再轉法輪。世尊咄云。文殊。
吾四十九年住世。未曾說一字。汝請再轉法輪。是吾
曾轉法輪耶。

師云。山僧若作文殊。只云再轉法輪已竟。

舉臨濟道。赤肉團上。有一無位真人。常從汝諸人面
門出入。未證據者。看看時。有僧出問。如何。是無位真
人。濟下禪床。把住云。道道。僧擬議。濟托開云。無位真
人是甚麼。乾屎橛。便歸方丈。

師云。汝諸人。拈得鼻孔。失却口。

舉台州瑞巖彥禪師。問夾山云。與麼則。易不與麼則。
難與麼。與麼則。惺惺不與麼。不與麼則。居空界。與麼
不與麼。請師速道。山云。老僧瞞闍梨去也。彥喝云。這
老和尚。如今是什麼時節。便出去。後僧舉似巖頭頭。
云。苦哉。將我一枝佛法。與麼流將去。

師云。那裏是瞞闍梨處。彥禪師便出去。是受他瞞。
是不受他瞞。巖頭道。將我一枝佛法。與麼流將去。
此語遍天下。

舉潯山問仰山。什麼處去來。仰山曰。田中來。潯云。田
中多少人。仰插鋤而立。潯云。今日南山。大有人刈茅。
仰拔鋤而去。師云。田中來。問田中多少人。插鋤而
立。可謂數目分明。問今日南山。大有人刈茅。意在於
何。拔鋤而去。即可不以數目論。玄沙云。我若見。

卽踏倒鉢子。師云不在鉢子上。後有僧問鏡。

清仰山插鉢意旨如何。清云狗銜敕書諸侯避道。

師云見得太過。又問只如玄沙踏倒鉢意旨如。

何。清云不奈船何打破屎斗。師云這一句恰是。

又問南山刈茅其意如何。清云李靖三兄久經行。

陣。師拈拄杖卓一下云利劍不斬敗將便下座。

舉昔有老宿一夏已來並不與師僧說話有僧自歎。

云我只恁麼空過一夏不敢望和尚說佛法得聞正。

因兩字也得老宿問乃云閨梨莫瞞速若論正因一。

字也無與麼道了扣齒云適來無端不合與麼道隣。

壁有老宿問乃云好一釜羹被兩顆鼠糞汚却雪竇。

云誰家鍋釜無一兩顆。

師云老宿不是不與人說話古者道言多去道轉。

遠其僧自歎空過一夏可謂是末法比丘少知慚。

愧鼠糞汙却一釜羹只因不能始終閉口藏舌雪。

竇云誰家鍋釜無一兩顆你諸人還知麼。

舉維摩因須菩提持鉢到乃取鉢滿盛香飯謂尊者。

曰若能於法等者於食亦等乃至入諸邪見不到彼。

岸住於人難不得無難同於煩惱離清淨法汝得無。

諍三昧一切衆生亦得是定其施汝者不名福田供。

養汝者墮三惡道爲與衆魔同一手作諸勞侶汝與。

衆魔及諸塵勞等無有異於一切衆生而有怨心謗。

於佛毀於法不入衆數終不滅度汝若如是乃可取。

食須菩提聞此茫然不知以何答置鉢欲去。

師云維摩只要入泥入水無一毫奇特之相須善。

提當時見他開口便好捧鉢飯而行。

舉清平山遵和尚在衆時請益一老宿名曰惠勤勤。

曰吾久侍丹霞今旣垂老倦於提誨汝可往謁翠微。

卽吾同參也遵至翠微問如何是西來的的意微云。

待無人卽向汝道。

師云勤老宿指謁翠微作死馬醫翠微道待無人。

卽向汝道埋向大屎坑裏卓拄杖下座。

舉灌溪見臨濟扭住良久放之溪云領溪住後謂衆。

曰我見臨濟無言語直至如今飽不休。

師云腦後猶欠一椎在放過也好免見兒孫斷絕。

舉興化謂克賓維那云汝不久爲唱導之師克賓云。

我不入這保社化云會了不入不會了不入克賓云
沒交涉乃打之白衆曰克賓維那法戰不勝令捨衣
鉢錢伍貫文設飯一堂趁出院

師云那裏是法戰不勝處莫是我不入這保社麼
莫是沒交涉麼克賓出院你諸人作麼生

舉佛奧和尚拈拄杖示衆過去也恁麼見在也恁麼
未來也恁麼 師云齊人歸齊 歸宗誠和尚道

過去也不恁麼見在也不恁麼未來也不恁麼 師

云楚人歸楚 拍禪床云春色漸隨人意好秋風行
逐馬蹄輕

舉僧問大梅持齋護戒意爲生靈今既居山種田豈
不是損於物命而招惡業大梅云我教汝斲地種穀
種麥不教汝斲蟲汝死自死怪我不得

師云本色住山人且無刀斧痕

舉僧問趙州和尚二龍爭珠誰是得者州云老僧只
管看

師云莫是看者得之深山大澤有天地之寶無意
於寶者得之操舟於河舟之逆順與水之曲折忘

於水者見之

舉鏡清問僧門外是什麼聲僧云蛇咬蝦蟆聲清云
將謂衆生苦更有苦衆生

師云調達入地獄

舉安國球禪師示衆云我此間粥飯因緣然與兄弟
舉唱終是不常如今欲得省要却是山河大地舉明
其事却常亦能究竟又云若從文殊門入者一切有
爲土木瓦礫悉皆助汝發機若從觀音門入者一切
善惡音響乃至蝦蟆蚯蚓爲汝舉揚若從普賢門入
者不動步而到我今以此三門助汝方便如將一隻
折筯攪大海水使彼魚龍要知水爲命離水一分魚
龍不全性命還會麼若無智眼而審之任你百般善
巧不爲究竟

師云德山棒臨濟喝到這裏總無用處

舉潯山示衆云老僧百年後於山下作一頭水牯牛
左肋下書潯山僧某甲正當恁麼時喚作潯山僧又
是水牯牛喚作水牯牛又是潯山僧且作麼商量
師云道是兩頭只一頭鼻孔無繩夜不取

舉臨濟示衆云。夫爲法者。不避喪身失命。我二十年。在黃檗先師處。三度問佛法的大意。三度蒙他賜棒。如蒿枝拂著相似。如今更思得一頓棒喫。誰人爲我行時。有僧出衆云。某甲行得濟拈棒與他。其僧擬議濟便打。

師云。臨濟喫黃檗棒。未曾暢快。更思得一頓喫。老僧行棒去也。

舉首山示衆云。咄哉巧女兒。穿梭不解織。貪看鬪雞兒。水牛也不識。咄哉拙郎君。巧妙無人識。打破鳳林關。穿靴水上立。

師云。總有來處。拈拄杖云。上大人。丘乙己。化三千七十士。

舉肅宗皇帝問國師。百年後所須何物。云與老僧造箇無縫塔。帝云。就師請塔樣。國師良久云。會麼。帝云。不會。國師云。吾有付法弟子。耽源却諳此事。請問之。後詔問耽源。源乃有頌云。湘之南。潭之北。中有黃金充一國。無影樹下。合同船。瑠璃殿上。無知識。

師云。無縫塔實難會。若去國師良久處。會瞎却自

己眼。若去國師道。吾有付法弟子。耽源却諳此事。請問之處。會瞎却自己眼。若去肅宗皇帝道。就師請塔樣處。會瞎却自己眼。若去耽源四句偈裏。會瞎却自己眼。

舉首山示衆云。老僧擬欲歸鄉。什麼人隨得去。時有僧問。未審和尙什麼時去。山云。待有伴。卽向你道。僧云。無伴底事。作麼生。山云。盡日不逢人。明明不知處。僧云。忽遇一人。又作麼生。山云。迷子不歸家。失却來時路。僧云。請師指箇歸鄉路。山云。枯木藏龍。不存依倚。僧云。和尙什麼時節。却回。山云。一去不知音。六國無消息。僧云。正當歸鄉底事。又作麼生。山云。獨唱胡笳曲。無人和得。齊僧云。忽遇知音。在時如何。山云。山上石人齊拍掌。溪邊野老笑呵呵。僧云。歸鄉回來底事。又作麼生。山云。八國奉朝衣。四相無遷改。僧云。未審居何位次。山云。文殊不坐金臺殿。自有逍遙竹拂枝。

師云。這僧問得子細。首山答亦不草草。以拄杖畫一畫云。老僧擬欲歸鄉。什麼人隨得去。

舉僧問趙州學人乍入叢林乞師指示州云喫粥了也未僧云喫粥了州云洗鉢孟去其僧有省雲門云且道趙州有指示無指示若有指示向伊道什麼若無指示這僧爲甚悟去

師云雲門見得趙州親切無許多話

學風穴一日見念法華立次乃垂涕告之曰不幸臨濟之道至吾將墜於地矣師云吾向別處念

法華云觀此一衆豈無人耶師云不妨具眼

風穴云雖敏者多見性者少師云深念法華

云如某者如何師云密風穴云吾雖望子之

久猶恐耽著此經不能放下師云路入桃源

念法華云此亦可事願聞其要師云有什麼要

風穴上堂舉世尊以青蓮目觀視大衆迦葉正當

與麼時且道說箇什麼若道不說而說又是埋沒先

聖且道說箇什麼師云無說而說念法華拂

袖而退師云雲從龍風穴擲下拄杖便歸方

丈師云風從虎侍者隨後入室請益念法華

爲甚麼不祇對和尚師云侍者眼熱風穴云

念法華會也師云穿却天下人鼻孔

舉臨濟問黃檗如何是祖師西來的的意檗便打如是三轉問三轉被打濟不會辭黃檗去檗指往大愚濟到大愚愚問什麼處來濟云黃檗來愚云黃檗有何言教濟云問西來的的意如是三問三度被打不知過在什麼處愚云黃檗恁麼老婆爲汝得微困猶覓過在濟於是大悟云元來佛法無多子愚乃扭濟衣領云適來道我不會而今又道無多子是多少濟向愚肋下築三拳愚托開云汝師黃檗非干我事

師云臨濟與黃檗六十棒味却西來的的意

舉長生問靈雲混沌未分時如何雲云如露柱懷胎生云分後如何雲云如片雲點太清裏生云未審太清還受點也無雲不答生云恁麼則含生不來也雲又不答生云直得純清絕點時如何雲云猶是眞常流注生云如何是眞常流注雲云如鏡長明生云向上更有事不雲云有生云如何是向上事雲云打破鏡來與汝相見

師云問來答去無有是處無有不是處兩處不答

多少人上他絲線打破鏡來相見是第二機

舉風穴初見南院不禮拜問云入門須辨主端的請師分院以左手拈膝穴喝院以右手拈膝穴又喝院舉左手云這箇即從閨梨又舉右手云這箇作麼生穴云瞎院撥拈拄杖穴云作什麼奪拄杖打著和尚莫言不道院云三十年住持今日被黃面浙子上門羅織穴云和尚大似持鉢不得詐道不饑院云閨梨幾時曾到南院穴云是何言歟院云老僧端的問汝穴云也不得放過院云且坐喫茶

師云南院當時見他來不禮拜問云入門須辨主端的請師分便歸方丈教他伎倆無用處超然迥出威音外一道神光照世間

舉首山謂衆云佛法付與國王大臣有力檀越令燈燈相照相續不斷至于今日大眾且道相續箇什麼良久又云今日須是迦葉師兄始得

師云明明道佛法付國王大臣有力檀越令燈燈相照相續不斷又道相續箇什麼又道須是迦葉師兄始得可謂是頭上安頭佛法二字道不得已

立箇名目萬里神光都一照誰人敢竝日輪齊

舉僧從潯到西院旬日乃云莫道會佛法人覓箇講話底人也無院聞而默之潯一日上法堂次院召從潯潯舉首院云錯潯進三兩步院又云錯從潯復近前院云適來兩錯是上座錯西院錯云是從潯錯西院云錯又云上座且在這裡過夏共商量兩錯潯打肯便去後住天平舉前話云我行腳時被惡風吹到汝州有西院長老勸我連下三箇錯更留我過夏商量我不疑恁麼時錯我當時發足向南方去便知道錯了也

師云天平大似無佛處稱尊西院下兩錯不是華嶽連天秀黃河輓底渾天平後恁麼道瞎却天下人眼睛

舉香嚴垂語云如人上樹口銜樹枝手不攀枝脚不踏樹樹下有人問西來意不對則違他所問若對又喪身失命當恁麼時作麼生卽是

師云香嚴只要人無棲泊處
舉三聖道我逢人則出出則不爲人與化道我逢人

則不出出則便爲人

師云二大老若踏著臨濟正脈自然不涉兩途

舉石頭因藥山問三乘十二分教某甲粗知嘗聞南方直指人心見性成佛實未明了伏望和尚慈悲指示石頭云與麼也不得不與麼也不得與麼不與麼總不得汝作麼生山佇思頭云子因緣不在此江西馬大師子往彼去應與汝說山至彼準前問大師云我有時教伊揚眉瞬目有時不教伊揚眉瞬目有時教伊揚眉瞬目者是有時教伊揚眉瞬目者不是山於是有省便作禮大師云子見箇什麼道理山云某甲在石頭時如蚊子上鐵牛大師云汝既如是宜善護持

師云此語契得馬大師未契得石頭何故石頭見

青原馬師見南嶽

舉僧問六祖黃梅意旨什麼人得祖云會佛法人得僧云和尚還得不祖云我不得僧云和尚爲甚麼不得祖云我不會佛法

師云噫黃梅意旨祖師尚不得今之妄相訟襲其

可得乎

舉雪峯因僧來問云見說大德曾爲天使來是不僧云不敢峯云爭解與麼來僧云仰慕道德豈憚關山峯云汝猶醉在出去僧便去峯乃召云大德僧回首峯云是什麼僧亦云是什麼峯云這漆桶僧無語峯却顧鏡清云好箇師僧向漆桶裏著到清云和尚豈不是攔欵結案峯云也是我尋常用底忽若喚回是什麼被他道這漆桶又作麼生清云成何道理峯云一等是恁麼時節其間有得有不得清云不見道醒翻上味爲世所珍遇此等人翻成毒藥

師云窮到源底還他雪峯相頭買帽須是鏡清雖然也只是兩枚漆桶

舉洞山和尚道貪瞋癡太無知賴我今朝識得伊行便打坐便槌分付心王子細推無量劫來不解脫問汝三人知不知神鼎和尚道貪瞋癡實無知十二時中任從伊行即往坐即隨分付心王擬何爲無量劫來元解脫何須更問知不知

師云洞山猶欠勦絕神鼎老而無籍諸禪者貪瞋

癡知不知入死出生全是伊

舉僧問保福雪峯有何言句。得似羚羊挂角時。福云。我不可作雪峯弟子不得。

師云。誰敢道你不是雪峯弟子。

舉龍牙和尚問翠微。如何是祖師西來意。微云。與我過禪板來。牙取禪板與翠微。微接得便打。牙云。打即任打。要且無祖師意。又問臨濟。濟云。與我過蒲團來。牙取蒲團度與臨濟。濟接得便打。牙云。打即任打。要且無祖師意。

師云。龍牙道無祖師意。莫是臨濟翠微索短不攜深泉麼。

舉僧問百丈。如何是奇特事。丈云。獨坐大雄峯。僧禮拜。丈便打。

師云。百丈放去。取來失利不少。這僧雖則於石火電光中能存機變。腦門著地。

舉僧問巴陵。如何是提婆宗。陵云。銀碗裏盛雪。

師云。這老漢返披袈裟去也。

舉唐朝因禪師。微時常運。施擊土塊。次見一大塊。敲

毘毘擊之。應碎。忽然大悟。後有老宿聞云。盡山河大地。被因禪師一擊百雜碎。

師云。老宿錯下註脚了也。因禪師擊破大塊時。一箇自己不知落處。

舉徑山有五百衆。少人參禪。黃檗令臨濟到徑山。乃曰。汝到彼作麼生。云。某甲到彼。自有方便。濟趂裝到徑山上法堂。見徑山。山方舉頭。濟便喝。山擬開口。濟拂袖便行。尋有僧問徑山。這僧適來有什麼言句。便喝。和尚徑山云。這僧從黃檗會裏來。你要知自去問他。徑山五百衆。太半分散。

師云。臨濟一喝。起得五百衆。疑徑山云。這僧從黃檗會裏來。你要知自去問他。是成禪。伊不是成禪。伊

舉睦州謂衆曰。汝等諸人。未得箇入頭。若得箇入頭。已後不得孤負老僧。時有僧出禮拜曰。某甲終不敢孤負和尚。州云。早是孤負我了也。

師云。勤。越別曲。葉落知秋。現前一衆。未得箇入頭。若得箇入頭。已後不得孤負老僧。

舉京兆利禪師問石頭。如何是學人本分事。頭云。汝何從吾覓。利云。不從師覓。如何。即得。頭云。汝還曾失却麼。

師云。利禪師從實而問。石頭從實而答。本分事屬自己。不屬他人。

舉僧問石頭。如何是解脫頭。云。誰縛汝。又問。如何是淨土頭。云。誰垢汝。又問。如何是涅槃頭。云。誰將生死與汝。

師云。石頭只要他自解脫。自淨土。自涅槃。水月鏡像。豈有生滅。

舉佛陀和尚常持一串數珠。念三種名號。一釋迦二元和三佛。陀自餘是什麼。碗。匙。丘一箇。

師云。念三種號。有三種報應。一消災。二集福。三安樂。自餘是什麼。碗。匙。丘一箇。出三界去也。

舉僧問藥山。學人擬歸鄉時。如何。山云。汝父母偏身紅爛。臥在荊棘林中。汝歸何所。僧云。恁麼。即不歸去也。山云。却須歸去。汝若歸鄉。我示汝箇休糧方。僧便請。山云。二時上堂。不得咬破一粒米。

師云。父母遍身紅爛。臥在荊棘林中。須用歸去。二時上堂。不得咬破一粒米。好箇休糧方。

舉仰山示衆。汝等諸人。各自回光返照。莫記吾言。汝無始劫來。背明投暗。妄想根深。卒難頓拔。所以假設方便。奪汝羶。豈如將黃葉止啼。有什麼是處。

師云。老僧見諸上座。記憶言句。舉這話。子除去宿習。然宿習不易除。所謂一法立。一弊生。諸上座。須是將說底。學底。盡底。掀翻。顯露一段本有光明。照十方刹。仰山有什麼過。老僧有什麼過。上座有什麼過。

舉仰山在潯山牧牛時。第一座曰。百億毛頭。百億獅子。現山不答。歸侍立。第一座上問。訊山畢。前話問云。適來道。百億毛頭。百億獅子。現。豈不是上座。座云。是。山云。正當現時。毛前現。毛後現。第一座云。現時不說。前後山乃出。潯山云。獅子腰折了也。

師云。潯山此語。坐斷兩邊。百億毛頭。百億獅子。現。諸人作麼生會。

舉梵志詩云。梵志死去來。魂魄見閻老。讀盡百王書。

不免被捶拷風穴云一稱南無佛皆已成佛道

師云獅子一滴乳迸散六斛驢乳

舉僧問西堂和尚有問有答賓主歷然無問無答時如何堂云怕爛却那僧問長慶有問有答賓主歷然無問無答時如何慶云相逢盡道休官去林下何曾見一人

師云總向語脈裏轉却有問有答賓主歷然無問無答時如何一年春已老臺榭綠陰多

舉鶴林素禪師一日有屠者禮謁願就所居辨供素欣然而往衆皆訝之素曰佛性平等賢愚一致但可度者吾卽度之復何差別之有

師云屠者禮謁願就所居辨供佛性也素禪師欣然而往佛性也衆人訝之佛性也所謂佛性平等賢愚一致

頌古四十四則

世尊在靈山會上拈花示衆是時衆皆罔措唯迦葉尊者破顏微笑世尊云吾有正法眼藏涅槃妙心付摩訶大迦葉

世尊拈花迦葉微笑正法眼藏涅槃妙心

世尊在靈山會上有一女人近佛而坐入於三昧文殊白佛云何此女人得近佛坐而我不得佛云汝但覺此女令從三昧起汝自問之文殊遽女人三匝鳴指一下乃托至梵天盡其神力而不能出世尊云假使百千文殊亦出此女人定不得下方過四十二恒河沙國土有罔明菩薩能出此女人定須臾罔明從地湧出作禮世尊世尊敕罔明出此女人定罔明却至女人前鳴指一下女人於是從定而出後有老宿問僧文殊是七佛之師爲什麼出女人定不得罔明爲甚却出得

是定出得不得關捩初無多子文殊神通太過罔明輕輕彈指

二祖問達磨請師安心磨云將心來與汝安祖云覓心了不可得磨云與汝安心竟

覓心不得疑情息與汝安心萬事休十萬里沙來又去杖挑隻履在肩頭
殃崛摩羅尊者於一長者家持鉢適值其家一婦

人產難長者遂白尊者曰。尊者。是佛弟子。如何。教得我家產難尊者曰。我乍入道。未能相救。當去問佛尊者。遂往見佛。具陳斯事。佛言。汝但去。說我自從賢聖法來。未曾殺生。尊者依佛所說。往告長者。婦人聞之。當時分免。

我輩曇佛具正偏知子母分解只在當時

僧問地藏以字不成八字不是未審是甚麼字藏云看取下頭註脚

問你地藏知不知下頭註脚萬千千筆沙入海徒疲倦不若教他了目前

耽源辭忠國師問某甲到南方人問極則事向他道什麼國師云幸自可憐生剛要箇護身符子作麼

真正道流行脚去護身符子不須擔國師實爲耽源切不是臨岐作對談

閩王封柑橋各一顆令使送上雪峯問既是一般顏色爲甚名字不同雪峯遂封回閩王復馳問玄沙沙將一張紙蓋却

一般顏色兩般名紙蓋難瞞衆眼睛雪嶺當時便封轉閩王猶未息疑情

朗州刺史李翱仰慕藥山道風久矣屢請不赴乃特入山致敬肅裝客禮直造座前山端然看經殊不顧視刺史乃云見面不如聞名拂袖便出山却召刺史史回首山云何得貴耳而賤目刺史遂頂禮起問如何是道山以手指天指瓶刺史云不會山云雲在青天水在瓶刺史拜謝乃呈詩云鍊得身形似鶴形千株松下兩函經我來問道無餘事雲在青天水在瓶

相公問道古來有指水指天只藥山總是祇園聽法者如今分布在人間

玄沙示衆諸方盡道接物利生忽遇三種病人且作麼生接患盲者拈槌豎拂他又不可見患聾者語言三昧他又不可聞患啞者教伊說又說不得若接不得佛法無靈驗

曲設多方驗作家有誰親見老玄沙耳聾口啞眼睛瞎五濁衆生數似麻

瀉山與仰山摘茶次瀉云終日只聞子聲不見子形。仰山撼茶樹瀉云子只得其用不得其體。仰云某甲只恁麼和尚作麼生。瀉良久仰云和尚只得其體不得其用。瀉云放子三十棒。

聞聲不見形。撼樹却惺惺。體用何須論。歸家落日明。丹霞到一荒院。遇夜取木佛燒火向院主乃呵責曰。何得燒我木佛。霞以拄杖撥火云。燒取舍利院主云。木佛何得有舍利。霞云。若無舍利更取兩尊來燒。院主嗣後眉鬚墮落。

荒院天寒燒木佛。一堆紅燄對枯床。渾身終夜烘烘暖。罪過難教院主當。

達磨見梁武帝問如何是聖諦第一義。達磨云廓然無聖。帝云對朕者誰。達磨云不識。

廓然無聖。真實語對朕者誰。心未息本光燦爛。照十方無量劫。來到今日。

雲門大師云。聞聲悟道。見色明心。作麼生是聞聲悟道。見色明心。乃云。觀世音菩薩將錢買胡餅。放下手却是饅頭。

補陀巖上白衣觀音聞聲悟道。見色明心。

僧問趙州。學人乍入叢林。乞師指示。州云。喫粥了也未。僧云。喫粥了也。州云。洗鉢盂去。

只將乍入來伸請。一到叢林志便高。喫粥了也洗鉢盂。去宗師不用更切切。

僧問洞山。如何是祖師西來意。山云。待洞水逆流。卽向你道。

洞水無緣會逆流。見他苦切故相酬。西來祖意實無意。妄想狂心歇便休。

臨濟訪平田。路見一嫂使牛。乃問嫂。嫂平田路向什麼處去。嫂將牛打一棒云。這畜生。諸處走到這裏。不知路。濟云。我問你平田路。甚麼處去。嫂云。這畜生養來五載。尚使不得。濟云。欲觀前人。先觀所使。便有抽釘拔楔之意。

白水田邊問路頭。雪眉婆子打耕牛。草鞋泥滑青山遠。不是愁人也著愁。

黃龍室中垂語我。手何似佛手。我脚何似驢脚。人有人有箇生緣。那箇上座生緣。

佛手。隨脚容易見。最難道處。是生緣。黃梅不是周家子。七歲傳衣。便會禪。

大隋菴邊。有一龜。僧問。一切衆生。皮裹骨。這箇衆生。爲甚骨裹皮。大隋以草鞋蓋於背上。

千載靈龜。菴下出。團團骨上卦。重重草鞋蓋。却無頭尾。且聽傍人定吉凶。

龍潭在俗時。常供餅十枚。上天皇。皇食已。每留一餅。與之曰。惠。汝以蔭子孫。潭問之曰。餅是某甲將來。何返云。惠。汝皇云。是汝將來。復汝何答。潭因有悟。遂投出家。

受惠當思報。將他一餅。回家緣法。到當下得心灰。僧問趙州。牛頭未見。四祖時如何。州云。飽柴飽水。見後如何。云。飽柴飽水。

學者疑心。尚未休。飽柴飽水。坐牛頭。子期不用黃金鑄。末世知音有趙州。

馬祖與百丈。行次見野鴨飛過。祖曰。是甚麼。丈曰。野鴨。子祖曰。甚麼處去。丈曰。飛過去也。祖遂攔百丈鼻頭。丈作忍痛聲。祖曰。何曾飛去。

心燈不可付。祖印亦難傳。野鴨飛過去。獨得鼻頭穿。南泉因兩堂首座爭貓兒。泉乃提起云。大衆道得。卽救。取道不得。卽斬。却衆無對。泉遂斬之。至晚趙州自外歸。泉舉似趙州。州脫草履。安頭上而去。泉云。汝若在。卽救得貓兒。

一刀成兩段。釋得二僧爭草鞋。頭戴出。貓兒無再生。昌黎韓侍郎問大顛和尚。春秋多少。顛提起數珠云。會麼。侍郎云。不會。顛云。晝夜一百八。明日復來。門首見首座。遂問和尚。道晝夜一百八。意旨如何。首座叩齒三下。侍郎至。方丈復問。晝夜一百八。意旨如何。大顛叩齒三下。侍郎云。元來佛法不別顛。云。侍郎見何道理。侍郎云。適來問首座。首座亦恁麼。祇對顛。請首座問。適來恁麼。祇對侍郎。是否。座云。是。顛乃打趁出院。

牙齒唇皮包。不過吾家密事。俗人知首座出院。未爲過長老。罰油方合宜。

魯祖凡見僧來。便面壁。

人來面壁成多事。爭得心開見本源。空劫已前諸佛。

子話頭不舉自然圓

藥山久不陞堂。院主一日白云。大眾久思和尚示誨。山云。教打鐘著。時大眾方集。山便下座。歸方丈院主續問和尚。既許爲衆說法。爲甚一言不施。山云。經有經。師論有論。師爭怪得老僧。

鐘鳴衆集。歸方丈。苦殺堂頭。請法人。法本本來無一法。若言無法。法纏身。

德山一日飯遲。先托鉢下堂。雪峯時作飯頭。纔見便問。這老漢。鐘未鳴。鼓未響。托鉢向什麼處去。德山便歸。方丈。雪峯學似巖頭。頭云。大小德山。不會末後句。德山問學令侍者喚巖頭來。問你不肯老僧。那頭密啓其意。德山來日上堂。言語異常。頭於僧堂前撫掌大笑云。且喜得堂頭老漢。會末後句。向後天下人不奈他。何雖然如是。只得三年。三年後果遷化。

托鉢回身去。鐘鼓未鳴時。不會末後句。只有靈心知。密啓深深意。禪和不用疑。恰得三年活。言中果有期。秘魔殿和尚。凡見僧來。提起木杈云。什麼魔魅教。

你出家什麼魔魅教你行脚道得也。杈下死道不得也。杈下死。速道。速道。

秘魔提杈起。驗你本來人。得在杈下死。不負此生身。僧問趙州。狗子還有佛性也。無州云。無。僧云上。從諸佛下。及螻蟻皆有佛性。狗子爲什麼却無。州云。爲伊有業識在。

螻蟻皆有佛性。爲甚狗子却無。趙州觀音院裡壁上掛箇葫蘆。

趙州問僧。甚麼處來。僧云。雪峯來。州云。雪峯近日有何言句。雪峯道。盡大地是沙門。一隻眼。汝等諸人向甚麼處。州云上。座若去。爲我寄箇鉢子與雪峯。

大地一隻眼。誰敢扇。其中鉢子。寄將去。那知到雪峯。有一古德。一日不赴堂。侍者來請赴堂。德云。我今日在莊裏喫油糍飽。侍者云。和尚不曾出入。德云。你但去問取莊主。侍者纔出門。忽見莊主歸。謝和尚到莊喫油糍。

不曾出門。去莊上喫油糍。莊主歸相謝。侍者不得知。

僧問巖頭浩浩塵中如何辨主頭云銅砂羅裏滿盛油

塵中辨主問巖頭心識如何會得休鼻孔眼睛都要見銅砂羅裏滿盛油

陸州喚僧大德僧回首云擔板漢

擔一片板在肩頭如何得到空王地陸州云多垂綫要你自家放捨去

藥山看經次僧問和尚尋常不許人看經爲什麼却自看山云我只要遮眼某甲學和尚得麼山云你若看牛皮也須穿

你若學他看牛皮眞箇穿長年橫案上字義自然圓馬祖住菴時常坐禪讓和尚將輓於菴前磨祖云磨輓作什麼讓云作鏡祖云磨輓豈得成鏡讓云磨輓既不成鏡坐禪豈得成佛祖云如何卽是讓云譬如牛駕車車若不行打車卽是打牛卽是坐禪成佛生妄見磨輓作鏡妄尤多打車打牛俱是妄攪得心腸沒奈何

藥山謂雲巖云與我喚沙彌來巖曰喚他作什麼

山云我有箇折脚鐺子要伊提上提下巖曰怎麼則共和尙出一隻手

豈要共出一隻手只教喚著沙彌來鐵鐺無脚又無耳墻下春深薺葉開

南泉麻谷歸宗同去禮拜忠國師泉於地上畫一圓相云道得卽去蜀宗於圓相中坐麻谷便作女人拜泉云怎麼則不去也宗云是什麼心行

圓相中間坐底誰便施女拜各呈機國師道大偏天下未許尋常人得知

玄沙令僧馳書上雪峯峯開見是白紙遂呈示大眾云會麼衆無語峰云不見道君子千里同風僧回舉似玄沙沙云山頭老漢踉蹌過也不知

千里同風見不差僧持此語報玄沙不知踉蹌過如何也莫是玄沙踉蹌過他

賓頭盧尊者因阿育王問承聞尊者親見佛來是否尊者以手策起眉毛良久云會麼王云不會尊者云阿耨達池龍王請佛齋吾是時亦預其數尊者策眉王不會十方刹土古風清佛齋勝會親曾

預不是尋常粥飯僧

昔有一婆供養一菴主經二十餘年令一二八女
送飯給侍一日令女子抱定云正當與麼時如何
主云枯木倚寒巖三春無暖氣女子歸來舉似婆
婆云我二十年來祇供養得箇俗漢遂趁出放火
燒却菴

二十年來不具眼茅菴燒却是徒爲三春暖氣無多
子真實之言亦可師

廓侍者問德山從上諸聖向什麼處去山云作麼
作麼廓云敕點飛龍馬跋鼈出頭來山休去明日
浴次山將木杓打廓一下云昨日公案作麼生廓
云這老漢今日方始瞥地

只一箇休去伎倆自然消諸聖在甚處脚下路條條
歸宗鋤草見一條蛇便斬却僧云久嚮歸宗到來
只見箇籬行沙門宗云是你籬我籬

斬蛇却非小小事直是教他脫苦輪座主高茅心未
泯如何胡亂妄通言

僧問雲門如何是透法身句門云北斗裏藏身

北斗裏藏身虛空中出沒道得一句來日頭東畔出

甘贊行者往南泉設粥云請和尚念誦泉自打槌
云請大衆爲狸奴白牯念摩訶般若波羅蜜贊禮
拜便出去泉後問典座行者在麼云去也泉遂打
破粥鍋

設粥殷勤請念誦白槌各爲念摩訶上來功德要圓
滿復去厨頭打破鍋

藥山手中書佛字問道吾是什麼字吾云佛字山
云這多口阿師

藥山手中書佛字問他端爾要心開只將佛字爲酬
對元是曾持五戒來

讚

彌陀懸鼓相

彩雲縹緲懸紅日瞻彼慈容大導師四十八願丘山
重衆生雜念亂如絲

寒山

做詩無題目只要寫心源心源雖難構淺深在目前
白雲抱幽石藤花樹上紆豐干不識你道你是文殊

拾得

是誰拾得你。便名爲拾得。手把蠶繭。要打天邊月。
埽地却有功。眼界得淨潔。閻丘太守來。也解生欣悅。

豐干

人心既無虎心。亦無騎來騎去。是汝是吾。松門杳杳。
朗月輪孤。

禪月大師畫羅漢像

禪月羅漢。應身畫出。羅漢形像。絲毫無得。滲漏虛空。
捏作一團。拈來掛虛空中。咄咄咄咄咄。

達磨大師

破六宗已見。固是折筮。蘆渡江還。非大道等。虛空非。
虛空之量。大道同日。月踰日月之明。一華開五葉。結。
果自然成。

六祖大師

曹溪本無波浪。是他來者。激起日月星辰。萬象總被。
陸沈出頭不得。

臨濟大師

得馬祖百丈黃檗之旨。發自己胸中。本有底光明。見。

僧入門便喝。謂之臨濟一宗。三世諸佛。搆不著。狸奴。
白牯。搆不著。

德山和尚

吹滅紙燈。眼前黑暗。拈得白棒。胡揮亂揮。黃河放出。
太華裂開。大千沙界。絕塵埃。

雲門大師

睦州拶折脚。如何。嗣雪峯一句內三句。外星飛電。捲。
搆得著。搆不著。總是死漢。

趙州和尚

有底道。趙州說。禪近在口皮邊。遠過河沙國。總描邈。
不著。鎮州出大羅。箇頭是他親。見南泉。觀音院壁上。
掛箇葫蘆。風吹不落。

慈明和尚

得人怕得人。憎嚇得神。鼎頭縮面。青燒火未著。晚參。
鼓鳴。

楊岐和尚

屋老四壁疎。雪珠床上跳。猶有閑情懷。對白雲發笑。

虎丘隆和尚

睡虎一嘯虛空撥轉。南辰居北。北辰居南。驢作驢鳴。犬作犬吠。外道消滅。正宗亦無。

天目和尚

不道先師具大眼目。只道先師無肯路。還有知得者。麼楊岐之衣。到松源師祖。不傳臨終。謂兄弟久聚。正路行者。有只不能用黑豆法。難以荷負。正宗臨濟。佛法到此。平沈痛哉。痛哉。以此見先師深得師祖之旨矣。

天目和尚讚松源和尚像永長老請讚

我祖之真是真。非真我父之讚是讚。非讚非真是真。非讚是讚。塞破虛空。斷楊岐旨。滅臨濟宗。分付定水。打鳳羅龍。

禪人畫師像請讚

不破古人玄關。而玄關自破。不碎今時窠臼。而窠臼自碎。鴛峰之衣。爛却西丘之話。無傳尺壁千丈。石寸金萬里。沙揀辨俱不得。達磨返流沙。黃檗不是臨濟。爭打六十拄杖。較之七佛。已前都無許多勞攘。既是吾真種草。何須特地寫像。

持刀殺人人。心不死。赤手殺人人。心不死。伎倆俱盡。人心自死。

一喝從馬師起。臨濟承虛。接響。病叟本無氣力。不能學這般承。

栽菜根。向上種。豈要取穀。不必生疑。訝今年六十六。不是心。不是佛。不是物。新羅國裏打鼓。大唐殿上作舞。天上天下人。癡癡七佛。傳來六祖。

道遠乎哉。觸事而真。羅公照鏡。李婆映水。鼻孔各別。娘生一般。會與不會。福州使鐵錢。

孚維那命畫師寫吾幻影。請讚有一問答得。即讚克賓法戰不勝。輿化罰錢出院。那裏是法戰不勝處。孚答曰。今日某甲合罰錢。合出院。真獅子兒。只書此以記歲月。

甲申夏五。明州李世珍畫妙勝殿衆菩薩像。因爲吾幻影。惟介請讚。讚曰。離四句。絕百非。

偈頌

日影每從窓外過。知他奔逐幾時休。虛空落地須彌碎。三世如來不出頭。

吾家不甚遙。看取脚下路。紅日上山頭。石羊草裏臥。
人間一百年。彈指聲中過。柴門無鎖鑰。白雲自來去。
寒山做詩無題目。發本有天眞子。獨處山寮眼見
耳聞底。皆清淨性中流出。不覺形言。凡二十首。戊
子夏午。

過竹田西堂無相菴房

懶舉話頭嫌鼻祖。燒香那肯禮西方。空房消盡閑心
識。日往月來不見長。

清藏主歸鄉省親

入我門來先割愛。胡爲舊路又重行。娑婆世界多寒
暑。一箇皮囊幾度生。

送契首座住鴈山靈峯

曷送住持芝下寺。祖翁一箇破砂盆。寒酸固是難開
眼。煮飯猶堪煮菜根。

示椿藏主

一夏工夫打不徹。百千億劫不消磨。金烏玉兔長相
逐。鴈蕩峯頭見也麼。

到中山寶首座房

巖房終日冷沈沈。經案塵埃一寸深。五十餘年如此
過。道人行世太無心。

永藏主到鴈蕩山放牧寮請益

老來自病救不了。佛病祖病孰能排。壁上葫蘆風打
落。床頭拄杖被塵埋。

寄予藏主

要成大樹作陰涼。放教片心如泥去。雲門一舉四十
九。臨濟大師無本據。

示莫侍者

參禪只要見得盡。見得盡時無障礙。六箇門頭長日
開。馨香味觸常三昧。

寄明藏主

一顆如來藏裡珠。靈光燦破衆人疑。大千沙界無塵
土。即是塵勞未脫時。

寄息首座

黃檗三度打臨濟。睦州合喫棒。三千乾坤儻侗無今
古。猛將不來邊上眠。

示然侍者

以法傳法獅子吼。以心傳心鐵牛機。十方世界無行路。圓覺空中有路歸。

送權侍者遊洞庭

七十二峯波面出。盧公去後石屏存。高歌數曲遊三日。圖畫又添僧一尊。

寄梓巖西堂和尚

每問往來與寢事。惟言閉戶自安禪。西丘壽到八十。四住院都虛無十年。

寄寶藏主

識塵消落盡本性。自圓明動靜無差異。語言只似常。後到不過此。先來亦只寧。坐禪一片石。松樹長青青。

送明藏主

門內天地闊。門外山水長。一句未脫口。遍界是冰霜。寒光奪夜月。鬼神不敢當。本來清淨性。胸中無留藏。拾得是我弟。寒山是我兄。明朝相隨去。一錫兼一瓶。

示收侍者

人言不是面通紅。此病流來自劫空。拈出洞山三頓棒。慈明老漢得黃龍。

送靈石齊物長老

方丈守職莫輕忽。自然久久見全功。楊岐只是會監寺。踢出驢兒振祖風。

寄端書記

青猿長短壁。獨自倚廊柱。三際俱不來。一片冷泉水。非唯無衆生。無佛亦無已。短句與長吟。還與適意耳。半夜落霜華。日輪正卓午。寥寥天地間。只有寒山子。

送茂侍者

一鶚度秋空。秋空無影跡。千人萬人海。聚頭空脚。點黑楊岐衣。驚峯藏得密。寒暑知幾年。分付當有日。談玄說妙者。脫去情塵執。

示明侍者

布毛吹起便悟去。未吹布毛何不悟。三三九九八十一。雲門大師有抽顧。

寄灌頂長老

半夜鶴鳴山月吟。山翁獨坐破柴床。幾番劫石成灰去。一點靈光照世明。

示至侍者

我宗無語亦無法。欄猴各佩古菱花。皆衝燭破無今古。大地衆生盡到家。

送一維那

扣我山寮門。乃是我法姪。來情不用推。一一皆著實。生柴帶葉燒。新水敲冰汲。難得再相逢。今年六十七。歸去望東溟。天岸一團日。

送琦上人

萬里無寸草。出門便是草。十年歸不得。忘却來時道。今歲秋事早。涼風生木杪。拄杖挑鉢囊。銳志不小小。孰顧他洞山。瀏陽寒拾老。衲僧家行履。不可得尋討。

寄雪竇千峯琬西堂

千丈崖根芋火香。天上日輪正卓午。東土西乾無祖師。白頭老僧七十五。

道藏主號物外因作此偈

何處是物外。徒然勞指註。物物皆唯我。我實無比喻。去却我一字。動靜隨所寓。靈光遍寰宇。今古絕來去。

寄海藏主

佛佛授手無多子。祖祖相傳似海深。昨夜西風撼門。

屬天明無跡可追尋。

送徽上人遊台鴈

多人乞語過台鴈。上人亦向那邊遊。寒拾不能登妙覺。只爲貪著山水幽。巨羅長年抱膝坐。癡癡更是不知休。春花正開香滿路。日輪卓午山氣收。乘興去時宜速速。乘興回來莫悠悠。

送眞藏主

達磨不曾來東土。二祖亦不往西天。一條古路生荆棘。更無佛法可流傳。

示霞上人

一大藏教言外。萬十方利土。目前看老僧。住世無多日。只要團圓心地安。

寄靈仲通姪

一樓山色好。山是飛來山。座上方外友。身心俱閉關。秋來幾夜夢。踏月到其間。更轉語方定。瓦爐香未殘。一偈聊相寄。山寮長日關。

拄杖歌

老龍蛻骨空山樵。人惠我作杖。靠在繩床角。頭圓團。

圍繞萬象打狗打雨敲風總是顛倒妄想有人拗作
兩撇伏惟尙鑒

歸山

衰老歸山寮山寮無雜事柴床石枕頭長伸兩脚睡
寒拾約不來豐干騎虎至虎性本不馴蒼苔都踏碎
春風補得完八八六十四

此菴歌

吾結此菴寄殘影有問此菴壞不壞一語發出甚奇
怪隨他口下答不壞凡屬形相皆是壞爲甚此菴却
不壞六憲俱透無一物常光無內亦無外劫火洞然
大千壞吾結此菴實不壞行住坐臥於其中只是尋
常箇境界有時松風閒舉話萬象森羅齊爽快

示恩藏主

道在目前無變易只緣體悉有親疎黃梅夜半傳衣
鉢七百人中一老盧

寄琢間和尚

聞得去年交院事世間誰識老師心青山綠水門前
有淨土西方不去尋

塔偈

塔銘

午夜彌伽吟山空片月明西方無淨土只有彌陀經

病叟今年六十六死日將至火化好土化好西堂唯
菴貫和尚云古鄮山中有片荒地因疊石爲塔爲銘
曰

天生一穴藏吾枯骨骨朽成土土能生物結箇葫蘆
掛趙州壁永脫輪迴超三世佛

橫川和尚語錄下終

雲谷和尚語錄

宋
•
宗 雲
敬 谷
等 慶
撰
編

雲谷和尚語錄目次

卷上

聖壽禪寺語錄

本覺禪寺語錄

開元禪寺語錄

雲岩禪寺語錄

卷下

小參

告香普說

偈讚

小佛事

跋

雲谷和尚語錄卷上

雲谷和尚初住平江府聖壽禪寺語錄

參學 宗敬 編

今開聲開次

師於寶祐四年八月入院。指三門云。有拔開力具透。開眼總未入得聖壽門。新長老今日放行去也。喝。佛殿不著佛求。不著法求。用禮作麼。提起坐具云。放過不可。

今集錄

據室磨竭掩室毗耶杜詞拍床云。太湖三萬六千頃。月在波心說向誰。

拈衣雞足峯守得定。大庾嶺提不起。提法衣云。這個

響以我為隱乎。吾無隱乎爾。

陞座拈香云。此一瓣香恭為

今上皇帝祝延。聖壽萬歲萬歲萬萬歲。

遂就座垂語云。萬頃煙波四橋風月千尺絲綸直下。

垂三山大鰲輕一掣。菓有不貪香餌底麼。

問答不錄

提綱文彩未彰。蘇州有常州。有絲毫纔露。主山高峩

山低一切處不留。一切處成就。紅塵鬧市放兩拋三

白浪堆中呈撓舞。棹南垂虹西合浦。從汝諸人往來

從汝諸人點首。只如保壽開堂三聖推僧。保壽便打

意在於何。橫按鑊鐺行正令。太平寰宇斬癡頑

晚小參問答罷。乃云。德山小參不答話。奮巨靈分太

華之威。趙州小參要答話。展金翅壁滄溟之勢。若是

舉一明三目。機銖兩如。鎡石見鐵相似。輕輕一引便

動。說甚好與三十說。甚拋磚引磬。今夜不動功。動不

觸風化革。轍通途海行條貫。會麼。太湖跨三州。

復學寶公令人傳語思大何不下山教化衆生目視雲漢作麼思大云三世諸佛被我一口吞盡有甚衆生可化師拈云二大老一人口甜心苦一人扶著便醉於唱教門中則故是若約納僧門下直須血滴滴地卓拄杖一下云車不橫推理無曲斷

上堂入院二十日波波復擊拏逢僧深問訊見俗低相揖因甚十個有五双當機蹉過雖然禍不入慎家之門

佛涅槃上堂生滅滅已寂滅爲樂黃面瞿曇死了活不得麼育告衆擲示双跌黃面瞿曇活了死不得聖壽有个祕傳方法死得活底活得死底遂拈拄杖卓一下云活也活也諸人還見老瞿曇麼靠拄杖云不是不是

謝天台靖首座淨慈王藏主上堂江南兩浙春寒秋熱明明道得不知有明明知有道不得良久云豐干騎底大虫元是南山白額

上堂舉僧問風穴語默涉離微如何通不犯風穴云長憶江南三月裏鷓鴣啼處百花香師拈云黃面浙

子念一道神呪盡將大地人一禁禁定直是喘氣不得聖壽未免誦普同向真言到江吳地盡隔岸越山多

刊入方珠玉上堂靈山正法眼中峯破沙盆扶持不起搖乾蕩坤喝一喝云我行荒草裏你又入深村上堂心火炎炎境風浩浩顯德山臨濟大機大用破塵勞衆生七顛八倒會麼善賈之家不停死貨

謝無外首座上堂一葉落天下秋恁麼會又爭得一塵起大地收不恁麼會又爭得恁麼不恁麼鐵壁復鐵壁雖然若非明眼人也大難委悉

謝徑山翔藏主温州杭侍者上堂一大藏教切鉢羅娘滿口嚼冰霜親到曹湊邊床振錫平地栽荆棘舉也舉了也拈也拈了也會麼川僧蠢直浙僧瀟灑上堂舉僧問香林如何是衲衣下事香林云鴈月火燒山師拈云鴈月火燒山言端語亦端白雲收谷口明月浸欄干

鴈八大雪徑山偃溪和尚至上堂二千年前二千年後奇哉奇哉希有希有等是出山下山教化衆生莫

有眼明心悟底麼。如無聖壽向雪上加霜去也。卓柱杖下座。

元正上堂。今朝正月一。說話多忌諱。若說佛法。又道說佛一字。漱口三日。若說世法。又道祖師門下。不許俗談。拈丈云。柱杖子。試露个消息。看卓一下。牛進千頭馬進百匹。

元宵上堂。天上月圓。人間月半。一灯百千萬億灯。是處光明。皆燦爛。忽然霧擁雲興。乾坤黑漆。灯在什麼處。良久云。翻憶香林證龜成鱉。

上堂。舉僧問雲門。光明寂照遍河沙。雲門云。豈不是張拙秀才語。僧云。是雲門云。話墮也。師拈云。石火機前。電光影裏。擬欲追蹤千里。萬里雖然如是。那裏是這僧話墮處。良久云。路不拾遺。君子稱美。

上堂。春日遲。遲春色。依依見桃花。更不疑。聞擊竹忘所知。因甚。一人道。未會。一人道。未徹。良久云。大冶精金。應無變色。

覽徑山佛海語。上堂。靈山單傳。少林直指。始從昇元。闍終至凌霄峯。於是二中間總。未曾說著。諸人還知。

佛海落處。麼。文彩已彰。

謝藏主副寺上堂。一大藏教。當甚橫頭。日黃符這些說話。非瞋睡虎。不能詮釋。非賣生姜。漢不能顯。示其餘道。得黑豆好。合醬白米好。做飯聖壽。未肯點頭。何故。家住西州。

結夏上堂。拈柱杖卓一下。向這裏領略得去。靈山一會。儼然未散。儼或不然。且聽柱杖子說安居。偈卓一下。云。太文彩生。

上堂。百丈遭馬祖喝。臨濟喫黃柏棒。刺腦膠盆。投身憲網。只如這邊那邊。三百五百。浩浩商量。皮下還有血麼。卓柱杖一下。云。鐵鞭多力。恨無歸。

上堂。衲僧家具。行脚眼目。顯向上巴鼻。提金剛。毆碎聖凡。窠臼。秉智慧劍。斷佛祖命根。一大藏經卷。是拭瘡疣。破故紙。千七百傳灯。乃弄胡騷。閑家具。喝一喝。未必善。因而招惡果。

上堂。達磨面壁。雲門念七。旱地轟雷。炎天赫日。古人恁麼。聖壽不恁麼。一棒一條痕。一摑一掌血。必意如何。六月不熱。五穀不結。

● 畫堂作竟

解制上堂萬里無寸草出門便是草俊鵲稍空猛虎當道拍床云明眼衲僧看不破

中秋雨上堂兩暗平湖雲籠青嶂不知心月孤圓往往貪觀天上諸人還猛省麼正好修行正好供養重建圓照堂并方丈上堂深一丈闊一丈佛祖揩摸古今榜樣只如圓照堂夜來與三高堂闊額是第幾機良久云衆眼難瞞

開爐上堂對聖僧坐禪與泥像說法二千年前宿火已是深深撥開諸人還覺通身汗下麼不然放待冷來著

嘉興府本覺禪寺語錄

參學 道傑 編

踞室橫按拄杖云正令全提鐵壁鐵壁卓拄杖一下云百丈耳聾黃蘗吐舌

拈帖正法眼藏靈山付囑正在今日如何是今日事帖是嘉興府出

上堂盡力道不得底句三過堂說了也一擊軒說了也有底聞恁麼道咬斷拇指有底聞恁麼道斲却雙

眉雖然如是一得一失

上堂謝龍安和尚兼周檢閱大明西堂與聖首座侍者曾參一唯迦葉一笑燎原之禍起於一燠至於擔睦州板提破沙盆盡是潑油救火其焰益張喝一喝云白日青天有恁麼事

淨慈介石和尚遺書至上堂無常生死法突兀南山倚天末於我不相干激騰西湖浸月寒更說珍重個八九分明七十二虛空成兩邊少處感兮多處添个是介石老人錯供死款壽山今日盡底活翻會麼若教頻下淚滄海也須乾

謝藏主上堂舉僧問五祖和尚一大藏教是个切脚未審切什麼字五祖云鉢囉娘頌云一句全提梵字經舌顯當滴帝都丁不知將謂平平仄仄到了元來仄仄平

上堂是句也刻非句也刻逼得雄雞生鵝卵恁麼也得不得恁麼也得放下死蛇拈活蝎本覺與麼道意在於何開山靜慧師親見龍牙老

上堂舉應菴和尚問密菴和尚如何是正法眼密菴

云破沙盆師拈云密菴老人向大徹堂前轉唯觸諱
直得正宗掃土諸人還知麼劫石易消鄉談難改

佛海忌日拈香云移風於太白峯前撿人左語再參
於靈山會上貫耳大雷從茲恨氣蟠臂也要辱他門
戶老和尚我不重汝解粘只重汝添縛不肯汝全取
只肯汝全放慙慙此兜樓是名真法供養

元旦上堂今朝欲說新年頭佛法已被鏡清說了也
欲說不遷底句又被法昌說了也未免只據現定說
與諸人卓拄杖一下云三段不同收歸上科

謝臨安林提幹徑山應侍者萬壽堅侍者靈隱俊藏
主上堂淨名一默國師三呼雲取碧漢雷轟太虛只
如一大藏教還有這個消息也無咄長安城裏休問
皇都

開爐上堂冷水冰地一解六年雪嶺九載嵩山不得
一半山僧擬欲行之盡法無民且與麼和光同塵火
家煖熱良久云火爐關何似古鏡關

上堂舉藥山坐次僧問兀兀地思量个什麼山云思
量个不思量底僧云不思量底如何思量山云非思

◆ 題詞

量頌云輪囷古木倚寒林雪壓霜埋春信深忽地好
風輕撼動細聽渾是者龍吟

◆ 題詞

啓建聖節上堂一句無私當陽顯露電繞星樞虹流
華渚直得普天亞地有情無情悉皆鼓舞何故聖人
作而萬物觀

◆ 題詞

謝法華希叟和尚源別潤首座上堂舉瑯琊覺因法
華舉相訪遂問近離甚處舉曰兩湖船來陸來曰船
來船在甚麼處曰步下不涉程途一句作麼生道舉
以座具據一據曰杜撰長者如麻似粟便拂袖而出
瑯琊問侍者此是甚麼人曰舉上座瑯琊遂親下旦
過堂問莫是舉上座麼莫恁適來相觸忤舉便喝復
問長老何時到汾陽曰某時到舉曰我在潮江早聞
你名元來見解只如此何得名播寰宇瑯琊遂作禮
曰慧覺罪過師拈云一人如龍戲滄溟四海水立一
人如虎踞巖麓萬籟風生全主全賓全生全殺古人
則且致即今主賓相見又且如何噫知是般事便休
上堂信口道句句朝宗信手用機機相副只如臨濟
縮劫舌頭德山關起拄杖向甚處相見良久云下座

巡堂喫茶

上堂豎起拂子云。向者裏見得一塵飛而翳天一芥墮而覆地。其或未。然拂子穿灯籠入露柱。向蟪蛄眼裏開張世界去也。擲下拂子。

上堂舉高亭初參德山。隔江問訊。德山以手招之高亭。橫趨而去。更不回顧。後法嗣德山大慧拈云。高亭橫趨而去。許伊是靈利。稍僧若要法嗣。德山則未可。何故。與德山猶隔江在。癡絕和尚云。德山有含沙射人之毒。高亭一死。更不再活。師拈云。德山有運斤之手。高亭有受斤之質。當時更得澧州魚羹爛膾一頓。門風未到寂寞。只如大慧和尚癡絕老人與麼道。是褒是貶。疾風知勁草。版蕩識良臣。

結夏上堂。百二十日。長期今朝是第一日。諸人寬作程。浪急作手脚。蕭然知得。眼在眉下。鼻在唇上。只許你知不許你見。要見麼。以手摸鼻云。何似生。

謝秉拂夏齋上堂。一句子百味具足。都寺拈出了也。一句子淡乎無味。首座拈出了也。使我一衆飢虛。頓除聞見。俱泯山僧亦有一味。只是辛辣。也要諸人吞。

吐卓拄杖云。今日供養何似昨日。

上堂僧問馬大師。離四句絕百非。請師直指西來意。祖云。我今日勞倦。不能爲汝說得。問取智藏。智藏云。我今日頭痛。不能爲汝說得。問取海兄。海兄云。我到者裏。却不會。僧舉似馬祖。祖云。藏頭白。海頭黑。師拈云。興於詩立。於禮成。於樂則。故是還知。直指爲人處。麼。良久云。民可使由之。不可使知之。

上堂舉僧問洞山。寒暑到來如何。回避山云。何不向無寒暑處。回避僧云。如何。是無寒暑處。山云。寒時寒殺。閻梨熱時熱殺。閻梨頌云。一曲新豐雪。子吟雲籠古殿夜沉沉。普天匝地無回互。莫把商音作羽音。保苗上堂。舉南嶽讓和尚與馬大師說。汝學心地法門。如下種子。我說法要。譬彼天澤。汝緣合故。乃見其道。師云。這般說話。只是尋常日用事。驅馮山牛。耕雲掘月。荷麻谷鋤。淺種深耕。去無明草。滋養靈苗。喚作汝學心地法門。如下種子。得麼。密布慈雲。遍洒甘露。高懸慧日。別振玄風。喚作我說法要。譬彼天澤。得麼。五穀豐登。萬寶秀實。渾家一飽。頓忘百飢。喚作汝緣。

合故乃見其道得麼。拍禪床一下云。笑倒金州和尚。
謝蘇新恩程宣教昇侍者上堂。迦葉笑中旨。伏羲畫
外傳。蛟龍得雲雨。鵬鵠在秋天。

出城歸謝故舊上堂。十字街頭回頭轉腦。只爲等个
人來。村草步頭捏住鼻端野鴨。何曾飛去。恁麼見得。
傾盖如故。其或未然。西秦東魯。

解夏上坐。十五日已前住。住無所住。十五日已後去。
去無所去。正當十五日。也不去。也不住。本覺堂中解
夏齋。那蘭寺裏托鉢舞。

佛海禪師忌日上堂。庭柯一葉飄。大地皆秋色。堪嘆
參玄人。幾个知時節。拍膝云。趙州當日見南泉。解道
鎮州出嘉禾。

上堂。舉僧問雲門。樹凋葉落時如何。雲門云。體露金
風。師拈云。應時如風。應機如電。則不無雲門。老人仔
細看來。太煞傷筋動骨。

謝大機首座上堂。額大機影。大用破的。破塵百發百
中。起萬年正續。滅東山正統。證其所竊之羊元。在長
廊蜂桶。

老

黃

起

清
滿
次

九月旦上堂。舉慈明謝故舊頌云。颯颯涼風景。同人
訪寂寥。煮茶山下。水燒鼎。洞中樵。慈明者人富而不
驕。約而不儉。雖然未免費用。常住本覺。則不然。颯颯
涼風景。同人訪寂寥。砒霜和狼毒。白飯糝美椒。且道
與古人是同是別。

重九上堂。金風淅淅。玉露瀼瀼。紫更施。紫黃菊施。黃
王孫公子。在在處處。登高吟賞。林下道人。三三兩兩。
聚頭商量。且道商量底。是什麼事。九月九日是重陽。
上堂。舉三角示衆云。若論此事。眨上眉毛。早是蹉過。
麻谷出衆云。蹉過卽不問。如何是此事。三角云。蹉過。
麻谷掀倒禪床。三角便打雪竇。拈云。兩個有頭無尾。
漢眉毛未曾眨。上說什麼蹉過。僧便問。眉毛因甚不
眨。超雪竇便打師。拈云。二大老。一人向石火機前垂
手。一人向電光影裏挨肩。全放全收。全生全殺。雪竇
因甚道。兩個有頭無尾。漢具眼者。辨取。
上堂。釋迦頂骨達磨眼睛。在谷蒲谷。在坑蒲坑。拍禪
床云。擊碎了也。天平地平。
至節上堂。金烏飛。玉兔急。一陽生。是今日。拈拄杖云。

這個薑辣梨。通身黑似漆。還有生長也。無乃提起主
丈云。七尺八尺。

上堂。電掣電轟。崖崩石裂。掩耳不及。眨眼不及。千古
寥寥。知者誰。黃鸞聞之。驚吐舌。

小參
註下

佛成道上堂。正覺山前。凍不死。餓不死。底老和尚。迫
到明臺現時。未免自欺。自註。咄。禍胎住也。人間天上。
謝明藏主上堂。祖師巴鼻。從上爪牙。會則事同一家。
不會則萬別千差。只如經。歸藏。禪。歸海。作麼生。會。
壁無瑕。却有瑕。

小參
註下

遶街祈晴上堂。兼謝徑山道場。道舊靜中。底間中。底
非則總非。是則總是。盤山向肉案頭。倒跟樓子。於歌
聲中。管地是汝。諸人連日遶街行道。莫有同途共轍。
底麼。啞龍門。無宿客。虎穴却生彪。

小參
註下

上堂。舉文殊是七佛之師。因甚。出女子定不得。罔明
有何神通。而出女子定師。云。出得出不得。即且置。還
知世尊。敗闕處。麼。玉印不離天子手。金箱豈可庶人。

建寧府開元禪寺語錄

參學 惟能 宗岩 編

據室拈拄杖卓云。與麼提持。盡大地人。望風輪。疑靠
拄杖云。到則不點。

陞座拈香祝。聖罷。問答不緣乃云。諸佛不出世。明歷歷

月皎長空。祖師不西來。孤迥迥雲生。深谷直得紫芝

峯靈苗秀。異丹青閣。溢目光華。非惟七州管內。莫就

無憂。普使盡大地人。太平坐致。雖然如是。必竟功歸

何所。良久。千峯朝華。默。萬派肅滄溟。

復舉建州夢筆和尚。僧問。如何是錦。答云。不註。汝僧

云。莫便是否。答云。汝誑也。師頌云。一句全提不誑汝。

擬披襟處。自欺瞞。多看月色和雲白。不覺泉聲帶露

寒。

中秋上堂。僧出問云。今朝八月十五。正是月圓。當戶

雖然。匝地普天。要且絲毫不露。師云。坐在覆盆之下。

又爭怪得進云。露柱放光明。灯笼齊起舞。師云。且莫

服花進云。對境憑誰話。此心令人長憶寒山子。師云。

寒山子道什麼。進云。記得昔日有院主問馬大師。近

日尊位如何。大師云。日面佛。月面佛。師云。和尚吐出

進云。日面月面。突出難辨。明眼宗師。一見便見。師云。

腦後見腮莫與往來進云且道見後如何師云日面
佛月面佛進云西風一陣來落葉兩三片師云恁麼
要見馬大師三生六十劫進云心月孤圓光吞萬像
光非照境境亦非存光境俱忘復是何物師云描不
成畫不就進云莫是月印長空江河流影麼師云正
是光影裏行進云靈山話曹溪指何曾識得自家底
師云月灣進云擬心便被黑雲遮認著依前還不是
師云燦破觸體猶未覺進云不認著不擬議是个什
麼師云禮拜著

師學寒山云吾心似秋月碧潭光皎潔無物堪比倫
教我如何說拈云既說不得就模子脫出一个吾心
秋月印中天到處相逢到處圓普請且歸林下坐好
看光影未生前

謝首座并空谷和尚上堂托鉢據南泉位誰是主誰
是賓長老甚年行道智過禽獲得禽威音已前猶是
王老師兒孫老鼠孔裏頭出頭沒有甚共語處若欲
發明大智門風須是耳聾三日始得喝一喝云却將
舊斬樓蘭劍換得黃牛教子孫

鴈八上堂四九三十六夜眠如露宿霍疊冷地被星
瞞剛道一切衆生智慧德相具足咄開眼說夢

謝南劍光孝北山和尚上堂舉長慶云路逢道伴交
肩一生參學事畢師拈云芝山與南山三十年道伴
東西兩浙南北山中幾回聚首幾度交肩只不曾說
著參學二字何故彼此識羞

浴佛上堂身口意清淨是名佛出世滿面埃塵身口
意不清淨是名佛滅度通身泥水於此明得恩無重
報其或未然竭建溪水轉洗不清何故水不洗水

上堂舉長沙和尚游山回首座問云甚處去來沙云
游山來首座云到甚處長沙云始隨芳草去又逐落
花回首座云大似春意長沙云也勝秋露滴芙蓉頌
云一步纔行一步隨等閑身在武陵溪洞中無限春
消息自是時人去路迷

謝靈峯石平首座不赴龍光請上堂舉三聖問雪峯
透網金鱗以何爲食云拈云龍門萬仞透底須是
其人象骨千層到頂還他作者古人且置今日新龍
光與芝峯相見合談何事良久云去路一身輕似葉

高名千古重如山

中夏上堂一年過半一夏過半丹青閣東行西行長連床喫粥喫飯盡道現成公案無事不辦我且問你因甚達磨來梁摩騰入漢參

上堂說心說性學古學今墮在葛藤窠裏機前領旨意外明宗亦墮在葛藤窠裏畢竟如何免得墮下拄杖云切忌

上堂向上機險崖句三條條下默默提撕十字街頭堂堂顯露喝一喝俊鷹不打死兔

上堂舉黃蘗問百丈和尚從上宗師如何指示於人百丈據坐黃蘗云後代兒孫作麼生傳授百丈云我將謂你是個漢便歸方丈師拈云嘗聞百丈家法森嚴門庭高峻因甚黃蘗輕輕一拶便見堂奧俱開雖然今古有誰親到來

解夏上堂禁足安居按牛頭喫草尅期取證打草要驚蛇若是眼裏有筋皮下有血箕未風而巢覺畢未雨而穴知諸方浩浩地踏步向前討什麼碗上堂風蕭蕭雨蕭蕭機相副物物全超恁麼會去

八月二十五其或未然針袋子

開爐上堂今日開爐有一則語火筋香匙渾是鐵轆上堂默時說說時默鏤壁重重銀山疊疊雪峰九到入作無門臨濟三回痛打不徹何故只爲分明鑑浴佛上堂乳兒生下便乖宗半是真誠半脫空今日不行韶石令大家厚水潑頭銅

辭衆上堂南閩山西浙水高無極深無底入則个个歸源出則無無不是一輪明月杖頭挑四海五湖星化裏

平江府虎丘山雲岩禪寺語錄

侍者 祖祿 道傑 編

入寺指三門云出城見塔入寺登山正是門外句如何是門內句踏著不噴

據室這裏是吾父翁烹佛煉祖煨聖鎔凡底大爐藉山僧今日盡底掀翻只要諸人望風警地拍床一下拈省割當陽一割吹毛出匣吳越令行風清六合山門疏句句無私頭頭合轍洞裏桃花屋頭春色陞座拈香祝

老僧

則个

聖罷次拈香云根塵迥脫枝葉全無。在壁巴邊無人秋采著。被个碎破砂盆。披白雲衣。吵吵鬧鬧。公是公非底者。和尚一觀觀破。今日薰向爐中。也要辱他。則个遂就座。問答提綱罷。復舉保壽開堂。三聖推出。一僧保壽便打。三聖道。怎麼爲人。非但瞎却這僧眼。瞎却鎮州一城人眼去。在保壽擲下主丈。歸方丈師云。石火光中。排兵列陣。擬陷英雄。電光影裏。奪鼓攬旗。功高汗馬。只如擲下主丈。歸方丈。又作麼生。輪王三寸鐵。遍界是刀鎗。

直

小參。乃云。揚岐的旨。東山暗號。識不可識。智莫能知。二千里。閩山浙水。三十日涉險。波波處處。全真頭頭顯露。及到雨花亭前。頑石點草。轆轤聲裏。睡虎擡眸。累我祖父。千方百計。設陷藏機。總未構得。一半山僧。既入其穴。據其頭。取其尾。倒捋其鬚去也。拍禪床云。吽吽。

復舉五祖和尚云。老僧遊方數十年。參數人。善知識將謂百了千當。及到圓鑑會下。直是開口不得。末後到白雲和尚處。因咬破一个鐵酸餡。直得百味具足。

手

溫

且道餡子一句作麼生。道花發鷄冠媚。早秋誰人能染紫。絲頭有時風動。頻相倚。似向塔前聞不休。師云。餡子一句。渾崙咽却。却是惡心。何況細嚼了吐與人。雖然川僧。直也輕他不得。

佛涅槃上堂。諸人要見紫磨金色之軀麼。以手指空云。蒼天蒼天。復摩訶云。冤苦冤苦。令人恨氣填膺。年年二月十五。

三月旦上堂。舉三角和尚上堂云。大凡言語。須是應時應節。有僧出云。四黃四赤。時如何。三角云。三月杪頭。桃僧云。爲什麼滿肚肝氣。三角云。爭奈一條繩。何僧云。作麼生吐氣去。三角云。須待皮穿拈云。應時如風。應機如電。則不無三角。這僧似个鼠粘子。被他粘著。無可奈何。山僧當時見他。道四黃四赤。時如何。只對他道。霑衣欲溫。杏花雨。爲什麼滿肚肝氣。吹面不寒。楊柳風。如何得出氣去。和聲便打。

上堂。海湧峰高。劒池水碧。須是親到一回。一點瞞他不得。只如三春擾擾。冠蓋駢闐。豈不是親到及乎。問著。便道。一年一度遊山寺。不上雲岩。即虎丘。咄。劒去。

久矣爾方刻舟

浴佛上堂。指天指地。有甚巴鼻。唯吾獨尊。浣盆浣盆。韶陽正見。太阿倒持。藥橋全機。狐裘返衣。虎丘今日。只要諸人。向水不洗。水處爲渠。潄洗以拂。子作浴佛。勢云。攻乎異端。斯害也矣。

開建乾會節上堂。二千年前。靈山會上。金口所宣。仁王護國經一卷。今辰開建乾會節。重爲翻譯去也。卓主丈云。下座大佛殿開建。

結夏上堂。九旬禁足之初。三月安居之始。雲岩固守家法。誰敢違條越制。一是。二是。是一事得理。融理由心契。良久。瞎驢不受靈山記。

雲谷和尚語錄卷上

雲谷和尚語錄卷下

小參

至節朕兆未分。天高地厚。一言道盡。夜暗晝明。所以洞山撥退菓子。掉慈明揭榜。僧堂前用盡自己心。笑破他人口。其餘闢釘。新鮮說黃道黑。檢點將來。一時靈醲了也。聖壽只據見定和盤托出。一个个相似。要汝諸人。東咬西咬。忽然咬破。一个見裏頭。仁方知道。一陽生於子。

舉雲門示衆云。十五日已前。卽不問。十五日已後。道將一句來。衆無語。雲門代云。日日是好日。拈云。雲門老人。白日青天。顯言倒語。聖壽也。有一問。十五日已前。卽不問。十五日已後。道將一句來。卽向他道。今朝是十六。

除夜撲落非它物。縱橫不是塵。山河并大地。全現法王身。只如洞庭七十二峯高。而無上仰不可及。太湖三萬餘頃淵。而無下深。不可測。喚作法王身得麼。不是目前法。亦非目前事。古往今來。增一絲毫不得。年

窮歲盡滅一絲毫亦不得。驚拈主丈卓云。大地山河。向者裏百雜碎。直得鴟夷子與天隨子。手舞足蹈大顛小怪出來道。奇哉奇哉。我自來有耳。不曾聞與麼說話。有眼不曾見與麼奇。特靠主丈云。住。住。曹谿門下。不許俗談。

舉黃蘗示衆云。汝等諸人。盡是噇酒糟漢。與麼行脚。何處有今日。還知大唐國裏。無禪師麼。時有僧出來云。只如諸方。臣徒領衆。又作麼生。黃蘗云。不是無禪。只是無師。拈云。黃蘗老婆心切。爲人徹困。誠哉。只是閩人鄉談。不改古今。錯會者多。今日下一轉語。不特別其鄉談。要見佛法眼目。良久云。哥哥。哥哥。

結夏小參。靈山舊制。震旦新規。置禽於籠。置獸於檻。直須聲色頭上坐。聲色頭上臥。信口道著。學步踏著。何生可護。何行可修。豈不見汾陽於干戈叢中。六人成大器。妙喜向風波嶮處。打發十三人。聖壽者裏。個個頭頂天。腳踏地。寅朝喫粥。齋時喫飯。咄。何似參退喫茶。

舉僧問馬大師。如何是祖師西來意。馬大師云。近前。

本則當作臥

來向汝道。僧近前。馬師打一掌云。六耳不同謀。後來黃龍南禪師云。古人尙乃六耳不同謀。而今諸方三百五百。浩浩地。福事福事。師拈云。馬駒踏殺天下人。則故是。只如黃龍。恁麼道。意在於何。良久云。曾經巴峽猿啼處。未到三聲已斷腸。

解夏小參。太湖浸月。釋迦老子。眼睛打失。不知長橋則波達磨大師。舌頭爛却不識。既不知。又不識。得人憎。是這些兒。亘古亘今。無變易。諸方尅期取證。固守蠟人。正是繫縛盲驢。斷送未劫山僧。一夏保疆守界。只恁麼過。諸人一夏安時處順。也只恁麼過。雖然如是。畢竟所成者。是什麼事。良久云。前三三後三三。舉僧問風穴和尚。九夏實勞。請師言。薦穴云。一把香。藕拈未暇。六環金錫響。搖空。師拈云。買鐵得金。風流千載。何故重賞之下。

冬至小參。空劫已前。空劫已後。有一句。子十分成現。從上以來。未有一人。蹉口道著。正眼觀著。本覺今夜。向陰極陽。生處盡情裂破。以拂子擊禪床云。靈光已兆。萬彙含虛。空一氣潛通。花開世界起。恁麼會去。仲

冬嚴寒不恁麼會去季冬極寒

舉僧問香嚴直截根源佛所印香嚴乃拋下拄杖空手而去師拈云香嚴當陽顯示不負來機若是豫令而行莫道者僧釋迦老子也無回避處

除夜小參諸佛不出世松自直棘自曲祖師不西來烏必玄鷄必白無端六年雪嶺九載嵩山頭上青灰口邊白醭作法於涼其弊猶貪至於孤村漏店帶水挖泥鬧市人叢欄街截巷作法於貪弊將若何忽有个漢出來道長老只管論量古人有甚了期正當臘月三十日各人衣單下有一件大事又作麼生但向他道東風漸解簷前凍一歲嚴凝又且休

舉僧問趙州萬法歸一一歸何所州云我在青州作一領布衫重七斤師拈云趙州老兒只知淚出痛腸不覺舌在口外忽有人問壽山萬法歸一一歸何所和聲便打

結夏小參不是心不是佛不是物當機突出遼天鵬非風動非幡動非心動倚天長劍逼人寒若是未舉先知未言先領棒未到折在那更開粥飯相待明窗

之花語托

下安排按牛頭契草有甚活路本覺今夏六十餘僧十五軍州人事人人眼寒湖海个个氣壓乾坤總是嫌佛不肯做底何故義出豐年

舉定上座問林際如何是佛法大意林際下禪床擒住與一掌便花開定佇思傍僧云定上座何不禮拜定禮拜大悟師頌云六十山藤恨未消無端覩面觸聲頭當機一著如風疾佛法須教掃土休

解夏小參橋李雲閑白越三吳山青水碧斗門浪靜上載下載北往南來把定疊疊銀山放行歌謠滿路老杠子三十年畢明此事一撓即在朱涇駛雲門一平生眼冷諸方行脚不離兜率見角知牛萬中無一守株待兔十个五双今當自恣之辰壽山解開布袋盡情抖向諸人諸人各自檢點家私看良久搆得十成猶虧一半

舉瀉山一日方丈坐次仰山從面前過瀉云若是百丈先師子須喫痛棒始得仰云今日事作麼生瀉云合取兩片皮仰云此恩難報瀉云非子不才老僧年邁仰云今日親見百丈師翁瀉云子向什麼句中見

先師仰云。不道見只是無別。瀉云。始終作家師拈云。一挨一撈。玉振金聲。一放一收。頭正尾正。則不無若是人。用現前。莫道仰山。瀉山也。免不得卓主丈。

除夜小參拈花。未曾萬象森羅。悉皆微笑。覓心無處。山河大地。早已平沉。可憐這邊那邊。東走西走。胡餅裏討汁。虛空中覓縫。殊不知自大年朝。弄到臘月三十日。都無虛棄工夫。總是自家受用。雖然如是。切忌坐在者裏。何故。今歲今朝。盡明年明日來。

舉荷澤見青原思和尚。思問甚處來。澤云。曹溪來。思云。曹溪意旨如何。澤振身而立。思云。猶帶瓦礫在。澤云。者裏莫有真金。與人麼。思云。設有向什麼處。著師拈云。一人奢而不儉。一人儉而不奢。子細看來。未分真金瓦礫。在拈主丈。卓云。者裏見得瓦礫。解放光又卓云。者裏見得黃金。如糞土。靠拄杖云。可惜許。

告香普說

參禪學道。別無玄門要路。須是當人自悟。始得若端的一回悟。去見山不是山。見水不是水。然後見山是山。見水是水。若不悟去。見被見礙爲物。所轉爲境。所

◆開普作會

迷。所謂業識忙忙。無本可據。不見古德。道參禪。須是悟悟了。須是遇人。若不遇人。盡是依草附木。精靈又道。參禪無別路。徹底須自悟。悟與未悟時。毫髮不差。互豈虛語哉。譬如諸子百家。百工伎藝。亦各有悟門。若得悟去。自然脫白露淨。便有精妙之理。顏子坐忘。胃子曰。唯。豈非脫白露淨。般投其斧。良斡其策。豈非精妙之理耶。吾宗如德山。負大經論。開大講席。爲學者所宗。自註金剛疏鈔。閱南方有教。外別傳之旨。憤憤排排。將所註底疏鈔。載之出蜀。擬欲去其窠穴。掃其種類。甚生氣字。方到潭州近龍潭寺。忽肚飢。見婆子賣油糍。遂買點心。婆云。首座所載者。是什麼。鈎在不疑之地。山云。金剛疏鈔。一鈎便上。婆云。我有一問。若答得。不要錢。喫油糍。若答不得。便去遶天索價。山云。但問將來。真个相似婆。云。金剛經中。道過去心不可得。現在心不可得。未來心不可得。你點那個心。羅緝奪食。山無語。漏逗不少。婆云。你喫油糍。未得在第二下。鐵籠來也。山云。此間莫有禪寺麼。婆云。近有龍潭老子。具大眼目。驅羊入屠門。山不得油糍。喫徑上。

龍潭移方丈。問云。久嚮龍潭。及手到來。潭又不見。龍又不見。面目全露。龍潭背地裏。答云。子親到龍潭。歎結。案山無語中毒了也。山遂倒戈卸甲。住了一夜。侍立龍潭。至更深。出門見外面黑。潭點紙燭度與之。山纔接潭。卽吹滅三寸七首。用事山當下大悟。一失人身。萬劫不復。山遂將所載底疏鈔焚之云。窮諸玄辯。似一毫致於太虛。竭世樞機。若一滴投於巨壑。古今榜樣。後住德山。拆却佛鈔。正令當行。只據一條棒。凡見僧入門。便棒。慈悲似海。深岩頭雪峯。皆死棒下。一日雪峯辭德山。同岩頭到鰲山店中。岩頭一味打眠。雪峯一味坐不睡。岩頭云。何不睡。眠似七村裏土地。相似他時。異日魔魅人家男女。去在生風起草峯。以手點曾云。我者裏未穩。一欸便招岩云。我將謂是個漢。他後向孤峯頂上結草庵去。猶作者个語話。在殺人不用刀。峯云。我實不敢自瞞。性命已在岩頭手裏。頭云。若據汝見處。一一通來。是則爲你證據。不是爲汝剗却提上。挈下。峯云。我初見鹽官。舉色空義。有个人處入之一字。也不消得。頭云。此去三十年後。切

忌。舉著爲人須爲徹。又因洞山過水頌云。切忌從他覓。迢迢與我疎。驢前馬後。若云。若如此。自救不了。殺人須見血。峯云。我請益隱山。從上宗乘。中學人還有分也。無抱轡叫屈。山便棒云。道什麼。血滴滴地。當下如桶底脫。相似未敢相許。山云。我宗無語句。亦無一法與人。前箭猶輕。後箭深。岩頭喝云。不見道。從門入者。不是家珍。迅雷不及掩耳。峯云。而今作麼。生求生不得。生求死不得。死頭云。你從今若欲播揚大教。一從自己。曾中流出。蓋天蓋地。去末後殷勤。峯跳下禪床云。今日始是鰲山成道也。是貧兒拾得錫者。个是從上參學底樣子。若無龍潭。辨古今底眼目。不足爲人之師。若非德山。直下披襟去。卻奉重底。不足爲人弟子。又如岩頭之善。琢磨雪峯之不自滿。深雖痛割。令到不疑。大安樂之地。方見其師友也。兄弟既來。此間道集。今日告香。請普說告香。乃前輩爲新掛搭兄弟之設。從上參學。纔到一所在。須是先請益。因緣方許入室。後來見人多了。索性夏前告香。普同請益。一次諸兄弟。從今而後。若做工夫。但向自己。行住坐

臥處參究參來參去參到無參之處。因地一聲便見德山雪峯性命。在諸人手裏。不特二大老從上諸佛諸祖性命。亦在掌握中。到者裏十二時中。自然得力。生死岸頭。亦乃得力。觸境遇緣。不爲物轉。上人門戶。勘辨諸方。著著有出身之路。不坐在是非得失窠臼中。至於一大藏教一千七百公案。語言文字。精妙之理。一點著不得。雖然著不得。處事事著得。何故。地靈步步雪山草。僧實人人滄海珠。久立珍重。

秉拂

徑山結夏。聲前旨向上。機石火莫及。電光罔追。二千年前黃面老漢。道個圓覺。伽藍平等性智。將四聖六凡情與無情。一禁禁住。錯二千年中。列祖出興。將錯就錯。於其中間。晝食夜寢。開畚種粟。三百五百。東說西話。用盡自己心。笑破他人口。錯二千年後。徑山堂上。坐致太平人。人鼻直眼橫。个个保疆守界。行看五峯雲。坐聽双澗水。透頂透底。無是不是。錯只如山上。有鯉魚井裏有蓬塵。又作麼生錯錯。當機拗折驢龍角。

舉芭蕉主丈子話。弁靈泉雅白雲。頌師頌云。與奪之機。覲面提拏。天拄地。峭巍巍。觸體一擊百雜碎。狼藉春風。無盡時。

解夏諸佛祕印。破糞箕禿荅。蒂列祖玄關。瀾泥團鐵門限。與麼提持。與麼顯露。鷹睛鵝服。窺觀無門。進前則。還上險絕。退後則。徹下孤危。九十日內。四世界中。風颯颯。地誰敢違條犯令。豎起拂子云。看看印文露。沈擊拂云。裂破玄關。倒用橫拈。無施不可。萬里無寸草處。手躍出焦尾大虫。出門便是草帶角。毒蛇當路臥。正恁麼時。九夏賞勞。誰是得者。喝。

舉灌溪初參臨濟。纔跨門。濟嘉曾擒主。溪云。領領濟。便托開應庵和尚。拈云。灌溪氣宇如王。被臨濟活埋。在鎮州十字街頭。當時若是光孝棒折也。未放他在。何故。家肥生孝子。國霸有謀臣。方丈拈云。動絃則曲。葉落知秋。則不無灌溪。若使臨濟更具些子慈悲。免其前不憐村後不迭店。應庵云。棒折也未放他在。誠哉師拈云。臨濟如猛虎。當途遇物則噬。可惜灌溪性命。斃於爪牙之下。當時若善倒拈其鬚。非特托開未。

得亦免遭人檢責。雖然如是。那裏是臨濟不具些子慈悲處。虎斑易見。人斑難見。

偈頌

血書蓮經

眼底有筋皮有血。自家針割自家知。一毫頭上能通變。紅菌舊花三四枝。

天衣悟道井

雲根鑿斷碧沉沉。寂苦天衣喫賺深。泥水通身無雪處。月明鴈影落波心。

南叟號

蒲口蠻音滅。正傳盡闔浮界是兒孫。文殊指點不能到。連累善財曾倒跟。

寄呈靈隱石谿和尚

照雪全提生殺令。親曾移向死邊過。而今剗地思量著。無奈寒毛卓豎何。

枯骸擔人我擔

一物百駭無子異。負他自負幾時休。只今放下便放下。一擔何曾有兩頭頭。

悼双杉和尚

海湧波騰釵化龍。不須惆悵碧潭空。松窗月冷尋思去。枯木猶吟半夜風。

石鏡號

一著當機聲斷崖。明明非像亦非臺。看來著去都頭了。羞見娘生面目來。

不傳號

破除竺國冬瓜印。掃盡真丹刻子禪。一一曾漂流出底。正宗滅却瞎驢邊。

徑山火後重開大慧語

板共八百有零片。字計三千餘萬言。石火光中看得破。奚翁三寸舌猶存。

牧坡號蘇省元取牧羊之義

漢節親持入虜庭。羝羊眠處草深深。至今平地成堆阜。渾是孤忠一片心。

送慧居士

瞿曇天子本同參。有口從來各自緘。剗地臨歧成漏泄。你儂長揖我和南。

送無機小師明兄

未展炊巾便托開。却令坐地喫茶盃。十分禮意慙思了。爲汝遭爺教壞來。

贈陳梅坡說史

版圖盡復喜時平。誰挽天河洗甲兵。好說放牛歸馬事。熙熙四海樂樵耕。

書華嚴經

二千年事已模糊。白紙拈來黑字書。泄盡南詢些子意。始終成敗是文殊。

讀佛祖

坐岩石大士

蒼崖參萬仞瀑布。千尋几坐磐陀石。慈悲似海深。

魚籃

雲鬢亂垂垂。風姿有如許。著意在錦鱗。蹉過全提處。

草衣文殊普

髮垂肩衣紉草。持如意明什麼。稽首七佛師。毗耶遭靠倒。

行願海深無底。手中經明舉似瓶。瀉二千酬墮在草。

策裏

夾山見紅子

大德住何寺。漫天設網羅。點頭三下處。猶欠幾紅篙。

香嚴聞擊竹

一磬千鈞重。當陽爲發機。觸體轟破後。遺恨竹依依。

朝陽

目前機通一線。貫完全無漏綻。指囉靈寒通身白汗。

對月

手中底貝多葉。流通分曾未徹。呼願兔熱字黑紙白。

寒山執掃帚

不是我同流。拔本得索性。此人若行時。奪汝舊帚柄。

拾得執經卷

問姓姓不知。問名名不識。全提一卷經。何似叉手立。

五祖送六祖渡江

只是長行一確夫。踏翻窠臼命如絲。扁舟一夜撐明月。養子方知是父慈。

紅子

靠却蘭橈坐。寥寥双眼空。冷看紅蓼岸。意在碧潭龍。

嚴陽

一物不將來。全肩擔荷去。者些毒害心。寧可是猛虎。

小佛事

真大師起骨歸泉州

聲色純真。見聞不礙。道得卽住。略露半提拂袖便行。
猶欠一解。吽吽靈山門下。未著你在。

延淨頭起骨

東司頭延壽裏淨地上放。觸觸體前已見。便恁麼去。
未有地。頭畢竟如何。家住東州。

義藏主火曾在徑山推那

豎火把云。此義幽深。無人能到。親曾法戰。千七百。
人總聽全提。酬問字。偈一大藏教。不消一睡。擡省雲岩。
岩上雲。珊瑚枝。枝日日。旦義藏主見麼。不得喚作火。

永上人鎖龕

□人這一捏。渾是鐵死。却見行一得。永得門掩清風。

□□閑紛紛。花雨空。狼籍

遵書記入塔

用黃龍一機。遵七佛儀式。一點不加文。通身赤骨力。

天何高地何極。鐵壁銀山從者裏入。

補陀吉西堂奠茶

某人東礪靈苗。叢林本色。玉几峯前。分座提持。補陀。
岩畔雲濤。翻雪蕩盡。諸方五味。禪換却衲僧三才舌。
別別喫茶珍重。歇。

自明書記火暫到死

某人自明而誠。自誠而明。夫子命脉。楊岐眼睛。恁麼。
會去。萬里客程。只今併卻。唇吻速道。速道。擲下火把。
云。丙丁童子來求火。

志典座火

其志可尙。其趣亦可尙。解道生薑不解辣。又言黑豆。
好合醬。醬轉一機。口耳俱喪。作麼生。諸方活埋。這裏。
火葬。

空海寶西堂炬

睡虎機前。龍困深處。碎破砂盆。折黑竹筵。此是空海。
具行脚。遍參底眼目。南屏峯下。正受堂前。據南泉位。
擔睦州板。此是空海。分座提綱。底機用。燄烹金爐用。
□晴法示衆生病。卷毗耶舌。又是空海。入鄮垂手。□

□□只如攢簇不得底病。正覓起處。不得空海。如何
理論。擲下火把。云肝膽此時俱裂破。如水與水火與
火。

爲沙彌落髮付衣

頂額一機分明說破。未動蜂針。鬚髮自墮。
佛佛授手。祖祖相傳。線蹊不露。塔在左肩。

跋謙首座書松源師翁普說後

病多諳藥性。經効始傳方。松源師翁侍應庵師。祖於
鐘山。得此經効之方。普施而瘳衆疾。遜翁謙首座選
對治而筆之。暴白愈甚。所謂呪咀諸毒藥。還著於本
人。切宜謹之。

雲谷和尚語錄卷下終

南堂說法。或誦貫休山居詩。或歌柳耆卿詞。謂之不
是禪可乎。近世尙奇怪生矯。苟見處不逮古人。如優
場演史。談劉項相似事。便體之者。忘倦其奚非真史。
也。若有所見。雖無此錄。誰無此錄。既無所見。雖有此

錄。誰有此錄。或曰。子論太高。天下無語錄矣。雲谷望
士安可使之。無傳。余拱手謝曰。善。賔得罪。得罪。戊辰
九月朔日書。

高峰原妙禪師禪要

宋
•
高峰原妙
持正
洪喬祖
撰錄編

參禪雖以不立文字不假修證爲宗然既可參則必有要者何如網之有綱衣之有領使人一舉而徑得其直遂者是也。萬目非不綱也。捨綱舉目網必不張。萬縷非不衣也。遺領舉縷衣必不振。永嘉云。摘葉尋枝我不能。枝與葉非要根本固要也。學者復味其根本。羯湖云。要在當人能擇上擇善而從可也。學者往往差決。擇於發軔終適越而北轅。乃至從上祖師遺編山續一話一言固無非綱領。奈何世降聖遠。情僞日滋。心意識有以蠱蝕之。則視綱領爲目縷者。蓋摠摠矣。我

師高峰和尚自雙峰而西峯二十餘年。念此之故。不獲已示人剋的。如神藥刀圭而起死靈符。點畫而驅邪。故有探其奇方秘呪。將以爲學徒綱領者。或曰。縷禽在目不在綱。禦寒在縷不在領。八萬四千法門。門門可入目與縷。果非要耶。將應之曰。世尊法門信廣大無邊。顧乃設爲方便狹小一門。使諸子出火宅而入大乘。是攝目縷爲綱領耳。然則綱耶目耶。領耶縷耶。要耶非要耶。未具項門正眼。未可以易言也。喬祖

預西峰法席以來。每抄集示徒法語之切於參決者。名之曰禪要。久欲與有志者共之一日。舉似姑蘇永中上人欣然。欲募緣錢梓且俾喬祖爲之序。喬祖既已承命。復告之曰。師別有一要語在綱領外。藏之虛空骨中。兄欲殺我。欲序皆不能。尙俟他日更作一番揭露。

至元甲午重九日天目參學直翁洪喬祖謹書

古靈以閱經爲鑽故紙。輪扁以讀書爲味糟粕。良以道不可以言語文字求也。然道無方體無形似。非言語文字何從而明之。是以吾佛世尊雖隨機化誘。曲成密庸而不能不談十二部法。達磨西來雖不立文字而授受之際口傳面命亦不能以忘言。蓋道雖不在於言語文字。實不離於言語文字。特精微之旨具於辭說之表。未易窺觀。世之學者往往沈著於語下。不能體會其精微。徒觀標月之指不覲當天之月。遂以言語文字爲礙。致俾古靈輪扁激而爲故紙糟粕之譏。然言語文字正所以發明心華。模寫道妙。初

何嘗礙道哉

高峰和尚說法如雲如雨直翁洪君撮其奇秘名曰禪要永中上人從而錄梓以廣其傳學網而得綱挈裘而振領將俾學者因法語之要以會道體之全其開牖後學之心可謂篤矣學者於此果能優游以求之厭沃以趨之渙然氷釋怡然理順則工夫次第進趣操略

老師已和盤托出悉在此書矣特患學者未能猛烈承當耳吁扁鵲方中具有靈藥或名神丹或名無憂散回生起死功在利那具眼目著精神盡心力汲汲而求之未有不得者

老師之言豈欺汝也學者慎無錯認古靈輪扁之言而忘老師諄諄之誨庶幾直翁永中功不虛施亦使觀語錄而得發明者不專美於前矣

至元甲午十月哉生魄

參學清苕淨明朱頴遠謹跋

高峰和尚禪要

侍者持正錄

參學直翁居士洪喬祖編

開堂普說

僧問十方同聚會箇箇學無爲此是選佛場心空及第歸龐居士恁麼道還有爲人處也無師云有進云畢竟在那一句師云從頭將問來進云如何是十方同聚會師云龍蛇混雜凡聖交參進云如何是箇箇學無爲師云口吞佛祖眼蓋乾坤進云如何是選佛場師云東西十萬南北八千進云如何是心空及第歸師云動容揚古路不墮悄然機進云恁麼則言言見諦句句朝宗師云你甚處見得僧喝師云也是掉棒打月進云此事且止只如西峰今日十方聚會選佛場開畢竟有何祥瑞師云山河大地萬象森羅情與無情悉皆成佛進云既皆成佛因甚學人不成佛師云你若成佛爭教大地成佛進云畢竟學人過在甚麼處師云湘之南潭之北進云還許學人懺悔也無師云禮拜著僧纔拜師云獅子咬人韓獪逐塊師

乃登滿召大眾云。此是選佛場。心空及第。歸。伶俐漢。若與者裏見得。便見龍居士。安身立命處。既見龍居士。安身立命處。便見從上佛祖。安身立命處。既見佛祖。安身立命處。便見自己。安身立命處。既見自己。安身立命處。不妨向者裏。勘折拄杖。高掛鉢盂。三條椽下。七尺單前。咬無米飯。飲不濕羹。伸脚打眠。逍遙度日。若是奴。鄙不排菽麥。不分抑不得。已按下雲頭。向虛空裏書一本上。大人教諸人。依樣畫。描兒去也。山僧昔年在雙徑。歸堂未及一月。忽於睡中。疑著萬法歸一。一歸何處。自此疑情頓發。廢寢忘餐。東西不辨。晝夜不分。開單展鉢。屙屎放尿。至於一動一靜。一語一默。總只是箇一歸。何處更無絲毫異念。亦要起絲毫異念了。不可得。正如釘釘膠粘。撼搖不動。雖在稠人廣衆中。如無一人。相似。從朝至暮。從暮至朝。澄澄湛湛。卓卓巍巍。純清絕點。一念萬年。境寂人忘。如凝如兀。不覺至第六日。隨衆在三塔。諷經。次擡頭。忽覩五祖演和尚。真驚然。觸發日前仰山老和尚。問拖死屍。句子。直得虛空粉碎。大地平沈。物我俱忘。如鏡照

鏡。百丈野狐。狗子佛性。青州布衫。女子出定。話從頭密舉。驗之無不了。殺若妙用。信不誣矣。前所看無字。將及三載。除二時粥飯。不曾上蒲團。困時亦不倚靠。雖則晝夜東行西行。常與昏散二魔。覷作一團。做盡伎倆。打屏不去。於者無字上。竟不曾有一箇閒省力。成片自決之後。鞠其病源。別無他故。只爲不在疑情上。做工夫一味。只是舉。舉時。即有不舉。便無。設要起疑。亦無下手處。設使下得手。疑得去。只頃刻間。又未免被昏散。打作兩橛。於是空費許多光陰。空喫許多生受。略無些子進趣。一歸何處。却與無字不同。且是疑情易發。一舉便有。不待返覆思惟。計較。作意。纔有疑情。稍稍成片。便無能爲之心。既無能爲之心。所思即忘。致使萬緣不息。而自息。六窓不靜。而自靜。不犯纖塵。頓入無心三昧。忽遇喫粥喫飯處。管取向鉢盂邊。摸著匙筯。不怕甕中走却鼈。此是已驗之方決。不相賺。如有一句誑惑諸人。自招永墮拔舌犁耕。現前學般若菩薩。必要明此一段大事。不憚山高水闊。得得來見西峰。況兼各各然指。然香。立戒。立願。礪齒。

磨牙辦鐵石志既有如是操略如是知見切須莫負自己初心莫負父母捨汝出家心莫負新建僧堂檀信心莫負國王大臣外護心直下具大信去直下無變異去直下壁立萬仞去直下依樣畫貓兒去盡來盡去盡到結角羅紋處心識路絕處人法俱忘處筆端下驀然突出箇活貓兒來因元來盡大地是箇選佛場盡大地是箇自己到者裏說甚龐居士直饒三乘十地膽喪魂驚碧眼黃頭容身無地然雖如是若要開鑿人天眼目發揚佛祖宗猷更須將自己與選佛場鏤作一團圓在百千萬億世界之外轉身移步向威音那邊更那邊打一遭却來喫西峰痛棒大衆既是和自己颺了又將甚麼喫棒忽有箇不顧性命底漢子聞恁麼舉出來掀倒禪床喝散大衆是則固是要且西峰師子巖未肯點頭在

示衆

三世諸佛歷代祖師留下一言半句惟務衆生超越三界斷生死流故云爲一大事因緣出現於世若論此一大事如馬前柏撲又如電光影裏穿針相似無

你思量解會處無你計較分別處所以道此法非思量分別之所能解是故世尊於靈山會上臨末梢頭將三百六十骨節八萬四千毛竅盡底掀翻雖有百萬衆圍繞承當者惟迦葉一人而已信知此事決非草草若要的實明證須開特達懷發丈夫志將從前惡知惡解奇言妙句禪道佛法盡平生眼裏所見底耳裏所聞底莫顧危亡得失人我是非到與不到徹與不徹發大忿怒奮金剛利刃如斬一握絲一斬一切斷一斷之後更不相續直得胃次中空勞勞地虛豁豁地蕩蕩然無絲毫許滯礙更無一法可當情與初生無異喫茶不知茶喫飯不知飯行不知行坐不知坐情識頓淨計較都忘恰如箇有氣底死人相似又如泥塑木雕底相似到者裏驀然脚蹉手跌心華頓發洞照十方如杲日麗天又如明鏡當臺不越一念頓成正覺非惟明此一大事從上若佛若祖一切差別因緣悉皆透頂透底佛法世法打成一片騰騰任運任運騰騰灑灑落落乾乾淨淨做一箇無爲無事出格眞道人也恁麼出世一番方曰不負平生參

學之志願耳。若是此念輕微。志不猛利。穩穩穩穩。穩穩穩。今日也。怎麼明日也。怎麼設使三十年二十年。用工一如水浸石頭。相似看看。逗到臘月三十日。十箇有五雙。懺懺而去。致令晚學。初機不生敬慕。似者般底。漢到高峰門下。打殺萬萬千千。有甚麼罪過。今日我之一衆。莫不皆是俊鷹快鷂。如龍若虎。學一明三日。機銖兩。豈肯作者般體態。兀兀度時。然雖如是。正怎麼時畢。竟喚甚麼作一大事。若也道得與汝三十拄杖。若道不得。亦與三十拄杖。何故。卓主丈一下云。高峰門下。賞罰分明。

予假此來二十四年。常在病中求醫服藥。歷盡萬般艱苦。爭知病在膏肓。無藥可療。後至雙徑。夢中服斷橋和尚所授之丹。至第六日。不期觸發。仰山老和尚所中之毒。直得魂飛膽喪。絕後再甦。當時便覺四大輕安。如放下百二十斤一條檐子。相似。今將此丹普施大衆。汝等服之。先將六情六識。四大五蘊。山河大地。萬象森羅。總鎔作一箇疑團。頓在目前。不假一鎗一旗。靜悄悄。地便似箇清平世界。如是行也。只是箇

疑團。坐也只是箇疑團。著衣喫飯也只是箇疑團。屙屎放尿也只是箇疑團。以至見聞覺知。總只是箇疑團。疑來疑去。疑至省力處。便是得力處。不疑自疑。不舉自舉。從朝至暮。粘頭綴尾。打成一片。無絲毫縫罅。撼亦不動。趨亦不去。昭昭靈靈。常現在前。如順水流。舟全不犯手。只此便是得力底時節也。更須慙其正念。慎無二心。展轉磨光。展轉淘汰。窮玄盡奧。至極至微。向一毫頭上安身。孤孤迥迥。卓卓巍巍。不動不搖。無來無去。一念不生。前後際斷。從茲塵勞頓息。昏散勦除。行亦不知。行坐亦不知。坐寒亦不知。寒熱亦不知。熱寒不知。茶喫飯不知。飯終日默。恁恁地。恰似箇泥塑木雕底。故謂牆壁無殊。纔有者境界現前。即是到家之消息也。決定去地不遠也。已得搆也。撮得著也。只待時刻而已。又却不得見。怎麼說起。一念精進心求之。又却不得將心待之。又却不得要一念縱之。又却不得要一念棄之。直須堅凝正念。以悟爲則。當此之際。有八萬四千魔軍。在汝六根門頭伺候。所有一切奇異殊勝善惡應驗之事。隨汝心設。隨汝心

生隨汝心求隨汝心現凡有所欲無不遂之汝若瞥起毫釐差別心。疑生識。聖妄想念。即便墮他圈。橫即便被他作主。即便聽他指揮。便乃口說魔話。心行魔行。反誹他非。自譽真道。般若正因。從茲永泯。菩提種子不復生芽。劫劫生生。常爲伴侶。當知此諸魔境。皆從自心所起。自心所生。心若不起。爭如之何。天台云。汝之伎倆。有盡我之不采。無窮誠哉是言也。但只要一切處放教冷冰冰地去。平妥妥地去。純清絕點去。一念萬年去。如箇守屍鬼。子守來守去。疑團子欬然爆地一聲。管取驚天動地。勉之勉之。

示直翁居士誤新思

終日共談不二。未嘗舉著一字。復問此意如何。不免遁相鈍置。父母非我親。誰是最親者。盲龜跛鼈。靈利漢向者裏薦得。便見無邊剎境。自他不隔於毫端。十世古今。始終不離於當念。其或未然。不妨撇轉機輪。便就盲龜跛鼈上。著些精彩。起箇疑情。疑來疑去。直教內外打成一片。終日無絲毫滲漏。硬硬于懷。如中毒藥相似。又若金剛圈栗棘蓬。決定要吞。決定要透。

但盡平生伎倆。憤將去。自然有箇悟處。假使今生吞透不下。眼光落地之時。縱在諸惡趣中。不驚不怖。無拘無絆。設遇閻家老子。諸大鬼王。亦皆拱手。何故。蓋爲有此般若。不思議之威力也。然則有諸現業。畢竟般若力勝。如箇金剛種子。鑽之不入。撼之不動。世人出於豪勢門。牆亦復如是。一切官屬吏卒。無不畏之。又若擲地墮地。重處先著。目即雖有成住壞空之相。如龍脫殼。如客旅居。其實本主。無生無滅。無去無來。無增無減。無老無少。自無始劫來。至於今生。頭出頭沒。千變萬化。未嘗移易絲毫許。堪嗟一等學人。往往多認者箇識神。不救正悟不脫生死。置之莫論。今生既下此般若種子。纔出頭來。管取福慧兩全。超今越古。裴相國李駙馬。韓文公白樂天。蘇東坡張無盡。卽此之類也。雖沈迷欲境。亦不曾用工。纔參見善知識。一言之下。頓悟上乘。超越生死。雖在塵中。遊戲三昧。不忘佛囑外護吾門。咸載祖燈。續佛慧命。此輩若不是宿世栽培。焉得便恁麼開花結子。福足慧足。是則固是。今日山僧却有箇般凡成聖底藥頭。不假栽培。

底種子說則辭繁略舉一偈欲明種子因熟讀上人若到可知禮盲龜跛鼈觀

結制示衆

大限九旬小限七日。蠲中有細細中有密密無間。纖塵不立正恁麼時。銀山鐵壁進則無門退之則失。如墮萬丈深坑四面懸崖荆棘切須猛烈英雄直要翻身跳出。若還一念遲疑佛亦救你不得。此是最上玄門。普請大家著力。山僧雖則不管。因非越列與諸人通箇消息。……

示衆

皮穿肉爛筋斷骨折。具無礙辯橫說豎說。若謂向上。一關敢保老兄未徹。直須虚空粉碎大海枯竭。透頂透底。內外澄澈。正恁麼時。猶是眼中著屑。大眾且道。如何是到家底句。泥牛喫鐵棒。金剛迸出血。若論此事。如大火聚。烈燄亘天。曾無少間。世間所有之物。悉皆投至。猶如片雪點著。便消。爭容毫末。若能恁麼提持。剋日之功。萬不失一。儻不然者。縱經塵劫。徒受勞矣。

海底泥牛。銜月走巖前。石虎抱兒眠。鐵蛇鑽入金剛眼。崐崙騎象驚鷺。牽此四句內。有一句能殺能活。能縱能奪。若檢點得出。許汝一生參學事畢。

若論此事。譬如人家屋簷頭。一堆檯檯相似。從朝至暮。雨打風吹。直是無人覷著。殊不知有一所無盡寶藏。蘊在其中。若也拾得百劫千生取之無盡。用之無竭。須知此藏不從外來。皆從你諸人一箇信字上發。生若信得及。決不相誤。若信不及。縱經塵劫。亦無是處。普請諸人。便恁麼信。去免教做箇貧窮乞兒。且道此藏。即今在甚處。良久云。不入虎穴。爭得虎子。

解制示衆

九旬把定繩頭。不容絲毫走作。直得箇箇皮穿骨露。七零八落。冷眼看來。正謂掘地討天。千錯萬錯。今日到者。裏不免放開一線。彼此無拘無束。東西南北。任運騰騰。天上人間。逍遙快樂。然雖如是。且道。忽遇鑊湯爐炭。劒樹刀山。未審如何棲泊。良久云。惡。

示衆

若要真正決志明心。先將平日習中所受一切善惡。

之物盡底屏去。毫末不存。終朝兀兀如癡。與昔嬰孩無異。然後乃可蒲團靜坐。正念堅凝。精窮向上之玄機。研味西來之密旨。切切拳拳。兢兢業業。直教絲毫無間。動靜無虧。漸至深密幽遠。微細微細。極微細處。譬如有人遠行。他方漸漸回途。已至家舍。又如鼠入牛角。看看走至尖尖盡底。又如捉賊討賊。拷主情理俱盡。不動不退。無去無來。一念不生。前後際斷。卓卓巍巍。孤迥迥。如坐萬仞崖頭。又若停百尺竿上。一念纔乖。喪身失命。將至功成九仞。切須保任全提。忽於經行坐臥處。不覺因地一聲。猶如死在漫天荆棘林中。討得一條出身活路。相似豈不快哉。若是汨沒塵勞。不求昇進。譬如水上之浮木。其性實下。暫得身輕。不堪浸潤。又如庭中之花。雖則色香俱美。一朝色萎香滅。無復可愛。又如農夫之種田。雖有其苗。而工力不至。終不成實。便如貧窮乞兒。得少爲足。久久萌芽再發。荆棘復生。被物之所轉。終歸沈溺。無上清淨涅槃。無由獲覩。豈不枉費前功。虛消信施。若是有志丈夫。正好向者裏。晦迹韬光。潛行密用。或三十年二

十年。以至一生。終無他念。踏得實實落落。穩穩當當。直教纖塵不立。寸草不生。往來無礙。去住自由。報緣還謝之日。管取推門落臼。若只恁麼紙裏茅纏。龍頭蛇尾。非特使門風有玷。亦乃退後學初心如上所述。管見莫不皆是褻褻之類。飽人不堪供養。以俟絕陳之流。終有一指之味。往往學道之士。忘却出家本志。一向隨邪逐惡。不求正悟。妄將佛祖機緣。古人公案。從頭穿鑿。遍相傳授。密密珍藏。以爲極則。便乃不守毗尼。撥無因果。人我愈見。煇耀三毒。倍加熾盛。如斯之輩。不免墮於魔外。永作他家眷屬。若有未遭邪謬。不負初心。當念無常迅速。痛思苦海沈淪。越二時粥飯。見成百般受用。便當便好。乘時直入。莫待臨嫁。贅壘此乃從上佛祖之心。印無礙解脫之妙門。設使機緣不偶。工力未充。切須捨命忘形。勤行苦行。至死撐生。一心不退。復有葛藤未盡。不免重說偈言。此心清淨。本無瑕只爲貪求被物遮。突出眼睛全體露。山河大地是空華。東西十萬南北八千纖塵不立。寸草不生。往來無礙。

妙用縱橫直饒親到者裏。正是棄本逐末。引禍招殃。且道如何是本。主人云。拋出輪王三寸鐵。分明逼界是刀鎗。

低頭覓天。仰面尋地。波波掣掣。遠之遠矣。驀然撞著徐十三郎。腹元來只在者裏。以手拍膝。一下云。在者裏。臘月三十日到來。也是開眼見鬼。

立限示衆

五陰山中。魔強法弱。戰之不勝。休擬議著。寶劍全提。莫問生殺。奮不顧身。星飛火撒。有功者賞。無功者罰。賞罰既已分明。且道今日喫棒。底上座是賞耶。是罰耶。若向者裏。縋素得出。便見興化於大覺棒下。悟契棒底消息。

示衆

參禪若要剋日成功。如墮千尺井底。相似從朝至暮。從暮至朝。千思想萬思量。單單只是箇求出之心。究竟決無二念。誠能如是。施工或三日。或五日。或七日。若不徹去。西峰今日犯大妄語。永墮拔舌犁耕。有時熱鬧。閑有時冷冰冰。有時如牽驢入井。有時如

庚子年

順水張帆。因此四魔更相殘害。致使學人忘家失業。西峰今日略施一計。要與諸人掃蹤滅跡。良久云。捷兄弟。家成十年二十年。撥草瞻風。不見佛性。往往皆謂被昏沈掉舉之所籠罩。殊不知者昏沈掉舉四字。當體即是佛性。堪嗟迷人。不了妄自執法。爲病以病攻病。致使佛性愈求愈遠。轉急轉遲。設使一箇半箇。回光返照。直下知非。廓然藥病兩忘。眼睛露出。洞明透。磨單傳。徹見本來佛性。若據西峰點檢將來。猶是生死岸頭事。若曰向上一路。須知更在青山外。若論此事。正如逆水撐船上。得一篙退去十篙上。得十篙退去百篙。愈撐愈退。退之又退。直饒退到大洋海底。撥轉船頭。決欲又要向彼中撐上。若具者般操志。卽是到家消息。如人上山。各自努力。此事的實用。工切處。正如搭對相撲。相似纔有絲毫畏懼。心纖塵差別。念蘊于胸中。何止十撲九輸。未著交時。性命已屬他人了也。若是鐵眼銅睛。憤憤排排。直要一拳打碎一口吞却。假使喪身失命。以至千生萬劫。心亦不忘。諸上座果能如是知非果。能如是著。

鞭剋日成功。斷無疑矣。勉之勉之。

晚參

參須實參。悟須實悟。動轉施爲。輝今耀古。若是操心。不正。悟處不真。粧粧點點。翻釘釘。被人輕輕拶著。未免喚燈籠作露柱。且道如何是實參實悟底消息。良久云。南山起雲。北山下雨。

示信翁居士洪上舍

大抵參禪。不分縑素。但只要一箇決定信字。若能直下信得。及把得定。作得主。不被五欲所撼。如箇鐵橛。子相似。管取剋日成功。不怕甕中走鼈。豈不見華嚴會上。善財童子。歷一百一十城。參五十三善知識。獲無上果。亦不出者。一箇信字。法華會上。八歲龍女。直往南方。無垢世界。獻珠成佛。亦不出者。一箇信字。涅槃會上。廣額屠兒。踰下屠刀。唱言。我是千佛一數。亦不出者。一箇信字。昔有阿那律陀。因被佛訶。七日不睡。失去雙目。大千世界。如觀掌果。亦不出者。一箇信字。復有一小比丘。戲一老比丘。與證果位。遂以皮毬打頭四下。卽獲四果。亦不出者。一箇信字。楊岐參慈。

明和尚令充監寺。以至十載。打失鼻孔。道播天下。亦不出者。一箇信字。從上若佛若祖。超登彼岸。轉大法輪。接物利生。莫不皆由此。一箇信字。中流出。故云。信是道元功德母。信是無上佛菩提。信能永斷煩惱。本信能速證解脫。門昔有善星比丘。侍佛二十年。不離左右。蓋謂無此一箇信字。不成聖道。生陷泥黎。今日信翁居士。雖處富貴之中。龍具如是。決定之信。昨於壬午歲。登山求見。不納而回。又於次年冬。拉直翁居士同訪。始得入門。今又越一載。齋糧裹糒。特來相從。乞受毗尼。願爲弟子。故以連日。詰其端由。的有篤信趣道之志。維摩經云。高原陸地。不生蓮華。卑濕淤泥。乃生此華。正謂此也。山僧由是。憮之將箇省刀。易修曾驗底話。頭兩手分付。萬法歸一。一歸何處。決能便恁麼信去。便恁麼疑去。須知。疑以信爲體。悟以疑爲用。信有十分。疑有十分。疑得十分。悟得十分。譬如水漲船高。泥多佛大。西天此土。古今知識。發揚此段光明。莫不只是一箇決疑而已。千疑萬疑。只是一疑。決此疑者。更無餘疑。既無餘疑。卽與釋迦彌勒淨名。屬

老不增不減無二無別同一眼見同一耳聞同一受用同一出沒天堂地獄任意逍遙虎穴魔宮縱橫無礙騰騰任運任運騰騰故涅槃經云生滅滅已寂滅爲樂須知此樂非妄念遷注情識之樂乃是眞淨無爲之樂耳夫子云夕死可矣顧回不改其樂曾點舞詠而歸咸佩此無生眞空之樂也矣苟或不疑不信饒你坐到彌勒下生也只做得箇依草附木之精靈。莫不散底死漢教中言二乘小果雖入八萬劫大定不信此事去聖逾遙常被佛訶直欲發大信起大疑。疑來疑去一念萬年萬年一念的的要見者一法子落著如與人結了生死冤讐相似心憤憤地卽欲便與一刀兩段縱於造次顛沛之際皆是猛利著鞭之時節若到不疑自疑寤寐無失有眼如盲有耳如聾不墮見聞窠臼猶是能所未忘偷心未息切宜精進中倍加精進直教行不知行坐不知坐東西不辨南北不分不見有一法可當情如箇無孔鐵鎚相似能疑所疑內心外境雙忘雙泯無無亦無到者裏舉足下足處切忌踏翻大海踢倒須彌折旋俯仰時照顯

中書

觸瞎達磨眼睛。磕破釋迦鼻孔。其或未然。更與添箇注脚。僧問趙州。和尚萬法歸一。一歸何處。州云。我在青州作一領布衫。重七斤。師云。大小趙州。拖泥帶水。非特不能爲者。僧斬斷疑情。亦乃賺天下。衲僧死在葛藤窠裏。西峰則不然。今日忽有人問萬法歸一。一歸何處。只向他道。狗舐熱油。鐺信。翁信。翁若向者裏擔荷得去。只者一箇信字。也是眼中著屑。

示衆

兄弟家十年二十年以至一生。絕世忘緣。單明此事。不透脫者。病在於何。本分衲僧。試拈出看。莫是宿無靈骨麼。莫是不遇明師麼。莫是一暴十寒麼。莫是根劣志微麼。莫是汨沒塵勞麼。莫是沈空滯寂麼。莫是難毒入心麼。莫是時節未至麼。莫是不疑言句麼。莫是未得謂得。未證謂證麼。若論膏肓之疾。總不在者裏。既不在者裏。畢竟在甚麼處。咄。三條椽下。七尺單前。若論此事。如登一座高山。相似三面平夷。頃刻可上。極是劣力。極是利便。若曰。回光返照。點檢將來。耳朶

依前兩片皮牙齒依舊一具。骨有甚交涉。有甚用處。若是拏雲攫霧底漢子。決定不墮者。野狐窟中埋沒自己靈光。辜負出家本志。直向那一面懸崖峭壁。無棲泊處。立超佛越祖心。辦久久無變忘。不問上與不上。得與不得。今日也拚命跳。明日也拚命跳。跳來跳去。跳到人法俱忘。心識路絕。驀然踏翻大地。撞破虛空。元來山即自己。自己即山。山與自己。猶是冤家。若要究竟。請僧向上。巴鼻直須和座。轉在他方世界。始得。

一二三四三二一。鈎鎖連環。銀山鐵壁。覲得破跳。得出大千沙界。海中漚一切聖賢。如電拂。若是覲不破跳。不出切須。翻天覆地。離巢賊窟。便就一歸何處。上東擊西。敲橫拷豎。逼來逼去。逼到無棲泊不柰何處。誠須重加猛利。翻身一擲。土塊泥團。悉皆成佛。若是不遑不趁。半進半出。蛇吞蝦蟆。西峰致道。驀年始得。

結制示衆

以拂子。三大衆還會麼。若也會得。如來禪祖師禪。

栗棘蓬金剛圈。五位偏正。三要三玄。無不貫。非無不窮。源到者裏。說甚長期短期。空觀假觀。得念失念。無非解脫。成法破法。皆名涅槃。若也不會。汝等一衆。既是各各齋糧。裏糝發大心來。九十日中。十二時內。切切惺惺。兢兢業業。莫問到與不到。得與不得。牢絆草鞋。緊著脚頭。如水稜上行。劒刃上走。捨命忘形。但恁麼去。纔到水窮雲盡處。烟消火滅時。驀然踏著本地風光。管取超佛越祖。直饒恁麼悟去。猶是法身邊事。若曰。法身向上事。未夢見在。何故欲窮千里目。更上一層樓。

示衆

若論參禪之要。不可執蒲團爲工夫。墮於昏沈散亂。中落在輕安寂靜裏。總皆不覺不知。非唯虛喪光陰。難消施主供養。一朝眼光落地之時。畢竟將何所靠。山僧昔年在衆。除二時粥飯。不曾上蒲團。只是從朝至暮。東行西行。步步不離心。心無間如是。經及三載。曾無一念懈怠心。一日驀然踏著自家底。元來寸步不曾移。

覺沈掉舉喜怒哀樂即是真如佛性智慧解脫只緣不遇斯人。醍醐上味。翻成毒藥。靈利漢。假饒直下。知非全身擔荷。正好朝打三千。暮打八百。何故。豈不見道。知之一字。衆禍之門。

若論此事。如蚊子上鐵牛。相似更不問如何。若何。便向下背。不得處。拚命一鑽。和身透入。正恁麼時。如處百千萬億香海中。取之無盡。用之無竭。設使志不堅心不一。悠悠漾漾。東飛西飛。饒你飛到非想非非想天。依舊只是箇蚊蚊子。

端陽示衆

三十年來。橫草不拈。豎草不踏。單單只合得。一服快活。無憂散其藥。雖微。奏功極大。不問佛病。祖病。心病。禪病。凡病。聖病。生病。死病。是病。非病。除禪和子。一種毛病之外。聞者。見者。無不靈驗。且喚甚麼作毛病。良久云。各請歸堂點檢看。

示衆

若謂著實參禪。決須具足三要。第一要有大信根。明知此事。如靠一座須彌山。第二要有大憤志。如遇殺

父冤讐。直欲便與一刀兩段。第三要有大疑情。如暗地做了一件極事。正在欲露未露之時。十二時中。果能具此三要。管取剋日功成。不怕甕中走鼉。荷闍其。一譬如折足之鼎。終成廢器。然雖如是。落在西峰坑子裏。也不得不救咄。

拈主丈云。者一著子。從上佛祖求之。雖歷千萬萬難。萬死千生。如水東流。不到滄溟。決定不止。以此推之。大不容易。若要點鐵成金。與千聖同城。豈淺識小見者。所能擬議。直須具舉鼎拔山力。包天括地量。斬釘截鐵機。打鳳羅龍手。果有如是操略。主丈助以發機。卓一下云。有意氣時。添意氣。又卓一下云。不風流處。也風流。若是跛鼈盲龜。止跳得一跳兩跳。伎倆已盡。西峰門下。總用不著度。主丈喚侍者云。送在師子巖頭。一任東湧西沒。

若論此事。真正用工。決定不在行住坐臥處。決定不在著衣喫飯處。決定不在屙屎放尿處。決定不在語默動靜處。既然如是。畢竟在甚麼處。齊若向者裏。知得落處。便見未出母胎。已自行脚了。也已自來見高。

峰了也已自心空及第了也已自接物利生了也。設使無明垢重不覺不知未免先以定動後以智拔。良久喝一喝云。一隊無孔鐵鎚。

示理通上人

大抵學人打頭不遇本分作家。十年二十年者。邊那邊或參或學。或傳或記。殘羹剩飯。忘知惡覺。尖尖滿滿。築一肚皮。正如箇臭糟。瓶相似。若遇箇有鼻孔底。聞著未免惡心。嘔吐到者裏。說要知非悔過。別立生涯。直須盡底傾出。三回四回。洗七番八番。泡去教乾。乾淨淨無一點氣息。般若靈丹。方堪趣向。若是忽忽草草。打屏不乾。縱盛上品醍醐。亦未免變作一瓶惡水。且道利害在甚麼處。咄。毒氣深入。

示衆

良醫治病。先究其根。纔得其根。無病不治。禪和子。成十年二十年篤信守。一不明生死者。蓋爲不究其根。須知人我卽生死之根。生死卽人我之業。要去其業。必先除根。根既除已。其業何存。然雖如是。爭知此根從曠大劫來栽培深固。若非舉鼎拔山之力。卒難勦。

除未免借拄杖子威光。特爲諸人出熱去也。卓主丈一下喝一喝云。勞而無功。

若論此事的的用工。正如獄中當死罪人。忽遇獄子醉酒睡著。敲枷打鎖。連夜奔逃。於路雖多。毒龍猛虎。一往直前了無所畏。何故只爲一箇切字用工之際。果能有此切心。管取百發百中。卽今莫有中底麼。以拂子擊禪床一下云。毫釐有差。天地懸隔。

拈拄丈云。到者裏人法俱忘。心識路絕。舉步則大海騰波。彈指則須彌峯岩。泥團土塊。放大光明。瓠子冬瓜。熾然常說。然雖如是。若到西峰門下。未免臂長袖短。露出一撇直須廓頂門正眼。覷破空劫已前自己。與今幻化色身。無二無別。且道如何是空劫已前自己。齊卓主丈一下云。金剛喫鐵棒。泥牛眼出血。

解制示衆

若論此事。無尊無卑。無老無少。無男無女。無利無鈍。故我世尊於正覺山前。臘月八夜見明星悟道。乃言奇哉衆生。具有如來智慧德相。又云。心佛及衆生。是三無差別。又云。是法平等。無有高下。既無差別。亦無。

高下從上佛祖古今知識乃至天下老和尚有契有證有遲有速有難有易畢竟如何譬如諸人在此各有箇家業。蕭然一日回光返照。思憶還源。或有經年而到者。或有經月而到者。或有經日而到者。或有頃刻而到者。又有至死而不到者。蓋離家有遠近之殊。故到有遲速難易之別。然雖如是。中間有箇漢子。無家業可歸。無禪道可學。無生死可脫。無涅槃可證。終日騰騰任運。任運騰騰。若也點檢得出。釋迦彌勒。與你提瓶挈鉢。亦不爲分外。苟或不然。以拂子擊禪床。兩下喝兩喝云。若到諸方。切忌錯舉。

示衆

若論此一段奇特之事。人人本具。箇箇圓成。如握拳展掌。渾不犯纖毫之力。祇爲心猿擾擾。意馬喧喧。恣縱三毒。無明妄執。人我等相。如水澆冰。愈加濃厚。障却自己靈光。決定無由得現。若是生鐵鑄就底漢子。的實要明。亦非造次直須發大志。立大願。殺却心猿。意馬。斷除妄想塵勞。如在急水灘頭。泊舟相似。不顧危亡得失。人我是非。忘寢忘餐。絕思絕慮。晝三夜三。

成語

心心相次。念念相續。剗定脚頭。咬定牙關。牢牢把定。繩頭。更不容絲毫走作。假使有人取你頭。除你手足。剗你心肝。乃至命終。誠不可捨到者。裏方有少分做工夫。氣味。嗟乎末法去聖時遙。多有一等泛泛之流。竟不信有悟門。但只向者邊穿鑿。那邊計較。直饒計較得成。穿鑿得就。眼光落地時。還用得著也。無若用得著世尊。雪山六年。達磨少林九載。長慶坐破七箇蒲團。香林四十年。方成一片。趙州三十年。不雜用心。何須討許多生受。契更有一等漢子。成十年二十年。用工。不曾有箇入處。者只爲他宿無靈骨。志不堅固。半信半疑。或起或倒。弄來弄去。世情轉轉。鈍熟道念。漸漸生疎。十二時中。難有一箇時辰。把捉得定。打成一片。似者般底。直饒弄到彌勒下生。也有甚麼交涉。若是真正本色。行脚高士。不肯胡亂打頭。便要尋箇作家。纔聞舉著一言半句。更不擬議。直下便恁麼信得及。作得主。把得定。孤迥迥。巍巍淨裸裸。赤灑灑。更不問危亡得失。只恁麼睡將去。蕭然繩斷。契斷。絕後。再甦。看他本地風光。何處更覓佛矣。又有一偈舉

似大衆急水灘頭泊小舟。切須牢把者繩頭。驚然繩斷難迴避。直得通身血迸流。

萬法歸一一何歸。只貴惺惺著意疑。疑到情忘心絕處。金烏夜半徹天飛。

若窮此事用工極。際正如空裏栽花。水中撈月。直是無你下手處。無你用心處。往往纔遇者境界現。前十箇有五雙打退鼓。殊不知正是到家底消息。若是孟八郎漢便就下手。不得處。用心不及時。猶如關羽百萬軍中。不顧得喪。直取顏良。誠有如是操略。如是猛利。管取彈指收功。利那成聖。若不然者。饒你參到彌勒下生。也只是箇張上座。

臘月三十日時節。看看至。露柱與燈籠。休更打瞌睡。覷面當機提。當機覷面覷。驚然觸瞎眼。晴照顧爛泥裏有刺。

除夜小參

生死事大。無常迅速。生不知來。處謂之生。死不知去。處謂之死。大只者。生死一大事。乃是參禪學道之喉襟。成佛作祖之管轄。三世如來。恒沙諸佛。千變萬

化。出現世間。蓋爲此生死一大事之本源。西天四七。唐土二三。以至天下老和尚。出沒卷舒。逆行順化。亦爲此一大事之本源。諸方禪衲。不憚勞苦。三十年二十年。撥草瞻風。磨砢擦袴。亦爲此一大事之本源。汝等諸人。發心出家。發心行脚。發心來見高峰。晝三夜三。眉毛厮結。亦爲此一大事之本源。四生六道。千劫萬劫。改頭換面。受苦受辛。亦是迷此一大事之本源。吾佛世尊。捨金輪王位。雪山六年苦行。夜半見明星。悟道亦是悟者一大事之本源。達磨大師。入此土來。少林面壁。九載神光。斷臂於覓心。不可得處。打失鼻孔。亦是悟者一大事之本源。臨濟遭黃蘗六十痛棒。向大愚肋下還拳。亦是悟者一大事之本源。雲從花。香從擊竹。長慶卷簾。玄沙壓指。乃至從上知識。有契有證。利生接物。惣不出悟者一大事之本源。多見兄弟家。雖曰入此一門。往往不知學道之本源。不能奮其志。因循度日。今來未免葛藤引。如上佛祖入道之因。及悟道之由。以爲標格。晚學初機。方堪趨向。且道如何趨向。不見古人道。若要脫生死。須透祖師關。

畢竟將甚麼作。闢喚作竹筴。則觸不喚作竹筴。則背不得。有語不得。無語若向者裏。著得一隻眼。覷得破。轉得身。通得氣。無關不透。無法不通。頭頭示現。物物全彰。無邊剎境。自他不隔於毫端。十世古今。始終不離於當念。所以水潦和尚見馬大師。禮拜起。擬伸問。間被馬祖攔臂一踏。踏倒起來。呵呵大笑。云。百千法門。無量妙義。惣向一毫頭上。識得根源去。德山見龍潭。向吹滅紙燭處。豁然大悟。次日遂將疏鈔於法堂上。爇云。窮諸玄辯。若一毫置於大虛。竭世樞機。似一滴投於巨壑。到者裏。有甚麼禪道。可參有甚麼佛法。可學有甚麼生死。可脫有甚麼涅槃。可證。騰騰任運。任運騰騰。臘月三十日到來。管取得大自在。去住自由。故云。自從認得曹溪路。了知生死不相干。然雖如是。豈拂子云。且道者箇是生耶。是死耶。若也道得。便可向無佛處。稱尊。無法處。說法。其或未然。山僧不懼羞慚。更與諸人露箇消息。以拂子作釣魚勢。云。夜冷魚潛空下釣。不如收卷過殘年。

復舉北禪分歲烹露地白牛百味珍羞。悉皆具足。高

峰分歲。雖則百孔千瘡。也要將無作有。細切嶺頭雲。薄批潭底月。尖新堆釘出。格安排。要使箇箇盈腸塞。腹人人永絕飢虛。且道與古人是同是別。舌頭具眼底。試辨看。

示衆

若論剋期取證。如人擔雪填井。不憚寒暑。不分晝夜。橫也擔。豎也擔。是也擔。非也擔。擔來擔去。縱使經年越歲。以至萬劫千生。於其中間。信得及。踏得穩。把得定。作得主。曾無一念厭離心。曾無一念懈怠心。曾無一念狐疑心。曾無一念求滿心。果能有恁麼時。節果能具恁麼氣。槩到者裏。管取人法雙忘。心識俱泯。形如槁木。朽株志若嬰兒。赤子。驀然擔子卒地。斷曝地。折永嘉道大千沙界海中。漚一切聖賢如電拂好與三十痛棒。若謂此事。參也參得。悟也悟得。說也說得。行也行得。來也來得。去也去得。然雖如是。更須三十年始得。何故。兩角四蹄都過了。尾巴過不得。若論此事。如萬丈深潭中。投一塊石。相似透頂透底。了無絲毫間隔。誠能如是。用工如是。無間一七日中。

若無倒斷某甲永墮阿鼻地獄

結制示衆

封却拄杖頭結却布袋口。禁在鐵圍山枷上重增紐。有中搗出無中搗出。有痛楚百千般。不離者窠臼。大衆且道。喚甚麼作窠臼。直饒明辨得出。要見西峰那邊更那邊。爲人不爲人。一著子。且待三十年後。

示衆

拈拄杖召大衆云。還見麼。人人眼裏有睛。不是瞎漢。決定是見。以拄杖卓一下云。還聞麼。箇箇皮下有血。不是死漢。決定是聞。既見既聞。是箇甚麼。以拄杖○見聞卽止。只如六根未具之前。聲色未彰之際。未聞之聞。未見之見。正恁麼時。畢竟以何爲驗。以拄杖○。①吾今與汝保任。斯事終不虛也。以拄杖○。②三十年後。切忌妄通消息。靠拄杖下座。

若論此事。只要當人的。有切心。纔有切心。眞疑便起。眞疑起時。不屬漸次。直下便能塵勞頓息。昏散屏除。一念不生。前後際斷。纔到者般時節。管取推門落臼。若是此念不切。眞疑不起。饒你坐破蒲團。百千萬箇。

依舊日午打三更

迷中有悟。悟復還迷。直須迷悟兩忘。人法俱遣。衲僧門下。始有語話。分大衆既是迷悟兩忘。人法俱遣。共語話者。復是阿誰。速道。速道。

若論此事。如登萬仞高山。一步一步將攆至頂。唯有數步壁絕。攀躋到者。裏須是箇純鋼打就底。捨命拚身。左睚右睚。睚來睚去。以上爲期。縱經千生萬劫。萬難千萬。此心此志。愈堅愈強。若是根本不實。泛泛之徒。何止望崖。管取聞風而退矣。

除夜小參

一年三百六十日。看看逗到今宵。畢十箇有五雙。參禪禪又不知學道道。亦不識只者不知不識四字。正是三世諸佛骨髓。一大藏教根源。靈利漢。纔聞舉著。如龍得水。似虎靠山。天上人間。縱橫無礙。雖然如是。點檢將來。猶是者邊底消息。若謂那邊更那邊。一著子。直饒西天四七。唐土二三。以至天下老古。雖敢保未徹。在山僧與麼告報。忽有箇漢子。心憤憤口排排。出來道。高峰高峰。你有甚長處。開得者般大口。只向

他道來年更有新條在。惱亂春風卒未休。

示衆

終日著衣未嘗掛一縷絲。終日喫飯未嘗咬著一粒米。既然如是。且道即今身上著底。每日口裏喫底。是箇甚麼。到者裏。不論明與不明。徹與不徹。寸絲滴水。也當牽犁拽杷。償他何故。一片白雲橫谷口。幾多歸鳥自迷巢。

若論此事。正如傍牆逼狗。逼來逼去。逼至尖角落頭。未免翻身。遭他一口。即今莫有遭他底麼。卓拄杖一下云。阿耶阿耶。

學道如初不變心。千魔萬難愈惺惺。直須敲出虛空髓。拔却金剛腦後釘。

若論此事。用工之際。正如打鐵船入海。取如意寶珠相似。莫問打得打不得。但孟八郎打將去。驀然一旦打得成。入得海。獲得珠。將來呈似老僧。不免與伊一槌擊碎。何故。豈不見道。有之以爲利。無之以爲用。若論實參實悟。正如八十公公。向逆風逆水裏。牽一隻無底鐵船相似。不問上與不上。微與不微。直須心

心無間念念無虧。一步一步盡平生伎倆。睡將去。睡到著脚。不得處。筋斷骨折時。驀然水轉風回。即是到家消息。即今莫有到家底麼。卓拄杖一下云。十萬八千。

若論此事。不假長劫重修積功累德。亦不問賢愚利鈍。久習初機。只貴孟八郎漢不顧危亡得喪。發大憤志。起大疑情。如善財童子參勝熱婆羅大火聚中投身而入。正恁麼時。入法俱忘。心機泯絕。左之右之。擊著磕著。不是洞山麻三斤。定是雲門乾屎橛。若還穩穩穩穩。鸚鵡鸚鵡。莫道親見高峰。直饒向老胡肚皮裏打一遭。依前乾沒一星事。

答直翁居士書

來書置問。皆是辨論。學人用工上疑惑處。當爲決之。俾晚學初機。趣向無滯。問平常心是道。無心是道。此平常心。無心之語。成却多少人誤。却多少人往往不知。泥中有刺。笑裏有刀者。何啻如掉棒打月。接竹點天。古人答一言半句。如揮吹毛利刃。直欲便要斬人命根。若是箇皮下有血底。直下承當。更無擬議。若撞

著箇不知痛痒底。縱饒饒偏地也。乾沒星子事。又如石中藏玉識者。知有連城之璧。不識者只作一塊頑石視之。大抵要見古人立地處。不可向語句上著到。且道既不在語句上。畢竟在甚處著到。若向者裏薦得。便知此事不假修治。如身使臂。如臂使拳。極是成現。極是省力。但信得及。便是何待瞠眉豎目。做模打樣。看箇一字。儻或不然。古云。莫道無心云。是道無心。猶隔一重關。何止一重。更須知有百千萬重。在。苟不發憤志。精進下一段死工夫。豈於木石之有異乎。凡做工夫。到極則處。必須自然入於無心三昧。却與前之無心。天地相遼。老胡云。心如牆壁。夫子三月忘味。顏回終日如愚。賈島取捨推敲。此等即是無心之類也。到者裏。能舉所舉。能疑所疑。雙忘雙泯。無亦無。香嚴聞聲。靈雲見色。玄沙壓指。長慶卷簾。莫不皆由此無心而悟也。到者裏。設有毫釐待悟心。生纖塵精進念起。即是偷心未息。能所未忘。此之一病。悉是障道之端也。若要契悟真空。親到古人地位。必須真正至於無心三昧。始得然此無心。汝譬頗明。吾

復以偈證之。不得者。箇爭得。那箇既得。那箇忘却者。箇然。雖如是。更須知道者。箇那箇。總是假箇的。真底。嚕陽燄空華。

通仰山老和尚疑嗣書

昔年敗闕。親曾剖露。師前今日。重疑不免從頭拈出。某甲十五歲出家。十六爲僧。十八習教。二十更衣入淨。慈立三年死限。學禪請益。斷橋和尚令參箇生從何來死從何去。意分兩路。心不歸一。又不曾得他說做工夫處分曉。看看擔閣。一年有餘。每日只如箇迷路。人相似。那時因被三年限逼。正在煩惱中。忽見台州淨兄。說雪巖和尚常問你做工夫。何不去一轉。於是欣然懷香詣北磻塔頭。請益方問。訊插香被一頓痛拳打出。卽關却門。一路垂淚。回至僧堂。次日粥罷。復上始得親近。卽問已前做處。某甲一一供吐。當下便得勦除。日前所積之病。却令看箇無字。從頭開發。做工夫一遍。如暗得燈。如懸得救。自此方解用工處。又令日日上來一轉。要見用工次第。如人行路。日日要見工程。不可今日也。怎麼明日也。怎麼每日纔見。

入來便問今日工夫如何。因見說得有緒。後竟不問。做處一入門。便問阿誰與你拖者死屍來。豈未絕便以痛拳打出。每日但只恁麼問。恁麼打。正被逼拶有些涯際。值老和尚赴南明請臨行。囑云。我去入院了。却令人來取你後章。絕消息。即與常州澤兄結伴同往。至王家橋俗親處。整頓行裝。不期俗親念某甲等年幼。又不曾涉途。行李度牒。總被收却。時二月初。諸方掛搭。皆不可討。不免挑包上徑山。二月半。歸堂忽於次月十六夜夢中。忽憶斷橋和尚堂中所學萬法歸一一歸何處。話自此疑情頓發。打成一片。直得東西不辨。寢食俱忘。至第六日辰巳間。在廊下行。見衆僧堂內出不覺觀於隊中。至三塔閣上。誦經。擡頭忽觀五祖演和尚真贊。末後兩句云。百年三萬六千朝。返覆元來是這漢。日前被老和尚所問。拖死屍句子。驀然打破。直得魂飛膽喪。絕後再甦。何曾如放下百二十斤擔子。乃是辛酉三月廿二。少林忌日也。其年恰廿四歲。滿三年限。便欲造南明求決。那堪適夏諸鄉人亦不容直至解夏。方到南明。納一場敗闕。室中

雖則累蒙煅煉。明得公案。亦不受人瞞。及乎開口心下。又覺得渾了。於日用中。尚不得自由。如欠人債。相似。正欲在彼終身侍奉。不料同行澤兄。有他山之行。遽違座下。至乙丑年老。和尚在道場作掛牌時。又得依附。隨侍赴天寧中間。因被詰問。日間浩浩時。還作得主麼。答云。作得主。又問。睡夢中。作得主麼。答云。作得主。又問。正睡著時。無夢無想。無見無聞。主在甚麼處。到者裏。直得無言。可對無理。可伸和尚。却囑云。從今日去。也不要你學佛學法。也不要你窮古窮今。但只飢來喫飯。困來打眠。綿眠覺來。却抖擻精神。我者一覺主人公。畢竟在甚麼處安身立命。雖信得及。遵守此語。奈資質遲鈍。轉見難明。遂有龍鬚之行。即自誓云。拚一生做箇癡漢。定要見者一著子明白。經及五年。一日寓庵宿。睡覺正疑此事。忽同宿道友。推枕子。覆地作聲。驀然打破疑團。如在網羅中。跳出追憶。日前所疑。佛祖諸訛公案。古今差別。因緣恰如泗州見大聖。遠客還故鄉。元來只是舊時人。不改舊時行履。處自此安邦定國。天下太平。一念無爲。十方坐斷。

如上所供並是詣實伏望尊慈特垂詳覽

室中三關

杲日當空無所不照因甚被片雲遮却
人人有箇影子寸步不離因甚踏不著
盡大地是箇火坑得何三昧不被燒却

高峰禪要終

上以延弘 國祥下以普濟含靈

皇明隆慶四年庚午之春有一道人慧澄等欲廣禪
要之傳以惠後學募緣鏤梓流布萬歲焉非深有
慕於佛祖之風者其能若是乎後之有志學者寬
斯禪詮而頓發心華則其教化之功德何可勝數
哉

大施主金達未兩主 供養大施主信俊 布施
大施主鄭終必兩主 施主金末祥兩主 化士
印珠

無等山安心寺開刊 校正大選雪岩

又一本卷末天明矣卯偶覽朝鮮板本校正

上以延弘 國祥下以普濟含靈

皇明嘉靖大歲己亥之春有一道人靈祉者欲廣禪
要之傳以惠後學乃至何可勝數哉

施主性修 衍熙 學通 坦器 信述 鐵牛

曹哲金 趙元

刻手秩敬希信崇 惠聰 炊飯 戒澄

智異山南臺庵開板以傳神奧寺幹善道人靈祉

校正靈觀 性牛

金義忠兩主

徐貴進兩主 姜石孫

施主卓守 和密 玉熙 敬祖此等吾鄉閩山

而常修梵行人

證明鐵牛 鍊板 印空 覺成

禪要一卷通計五十四葉

安永二年癸巳孟春上澣寓于長州瀨城師子菴借

洞春禪寺所藏之朝鮮本寫焉

高峯大師語錄

宋
•
王 高峯原妙
柔 妙
等 撰
編

元高峰大師語錄序

始予乍閱內典得經論并古今雜著共數帙中有大師語驚喜信受如闇逢炬至於今猶然蓋自來叅究此事最極精銳無逾師者真似純鋼鑄就一回展讀一回激發人意氣俾踴躍淬礪忘倦雖悟處深玄不敢以凡臆窺測而但覺其直截根源脫落窠臼近有慈明妙喜之風遠之不下德山臨濟諸老偉哉堂堂乎可謂照末法之光明幢也獨恨大藏未收坊刻尙少快快於胸中者三十年迺今以其舊本重壽諸梓而蓮社行人有相顧耳語者謂予旋轉萬流指歸淨

高峰語錄序

一

土奈何復殷勤稱讚是編意者念阿彌陀佛不及看萬法歸一耶遂洵洵搖動嗟乎但了念佛是誰不必問一歸何處茲有人焉知生我是父又自疑身從何來聞者寧不絕倒古尊宿云如人涉遠以到爲期不取途中強分難易諸仁者方便門多歸元路一願勿以狐疑玩愒歲時便應往疾趨爲到家計既到家已千丈巖七寶池有智主人二俱不受

萬曆二十七年歲次己亥佛歡喜日雲棲株宏謹識

高峰大師語錄

湖州雙髻菴法語

師自咸淳甲戌春就菴示衆乃云談玄談妙說性說心攢花簇錦巧妙尖新如麻似粟從古至今莫不皆是乘虛接響底漢倚草附木精靈山僧雖是他家種草決定不向遮裏藏身既然如是且道今日爲衆開堂斬新條令一句又作麼生喝一喝云符到奉行示衆有一物明歷歷佛祖覷不破大地無人識常在舌頭尖盡力吐不出吐得出也是胡餅裏呷汁示衆有句無句金烏吞玉兔如藤倚樹癩馬繫枯椿

高峰語錄 雙髻

一

樹倒藤枯一冬燒不盡句歸何處石虎當途踞呵呵大笑龍頭蛇尾捺倒爛泥裏剛刀不斬無罪之人且道馮山過在甚麼處乃呵呵大笑下座示衆千嶺萬山雪五湖四海水清光成一片物物盡皆明且道趙州柏樹子雲門乾屎橛洞山麻三斤畢竟是個甚麼喝一喝云明星當午現猶待曉鷄鳴歲旦示衆百年難遇歲朝春姪女梳粧越樣新惟有東村王大姐依前滿面是埃塵

解制示衆九旬把定繩頭不容絲毫走作直得箇箇皮穿骨露七零八落冷眼看來正謂掘地討天千錯

萬錯今日到遮裏不免放開一線彼此無拘無束東西南北任運騰騰天上人間逍遙快樂然雖如是且道忽遇鑊湯爐炭劍樹刀山未審如何棲泊良久云惡

示衆萬里不掛片雲虛空突出一竅雙髻峰踣跳上三十三天拄杖子向十字街頭揚聲大呌且道咄箇甚麼以拂子擊禪牀云炎炎六月火生水夜半日輪當午照

示衆一夏九十日看看又將半面門無位人急著眼睛看冷地驀相逢脚跟紅線斷掌內握乾坤翻身遊

高峯語錄 雙髻

二

碧漢堪笑當年老瑞巖惺惺石上重呼喚乃豎起拂子云大衆遮箇是瑞巖主人公耶是臨濟無位真人耶若也定當得出許你一生參學事畢脫或不然擲下拂子云撒向堦前來朝打筭

示衆五湖春色十分肥正是功圓果滿時玉蝶穿花零碎錦黃鸝柳柳亂垂絲靈雲打失娘生眼備老重添八字眉無限水邊林下客謾將竹杖度須彌

示衆三世諸佛說不到開口道著歷代祖師行不到動步踏著行說俱到時如何正好行脚

歲旦示衆山僧去年三十六今年又添一歲諸人共

知拈拄杖云且道拄杖子年多少擊禪牀云元正啓祚萬物咸新

示衆舉南泉示衆云文殊普賢昨夜三更起佛見法見各與二十棒貶向一鐵圍山所供並實趙州出云棒教阿誰喫泉云過在甚麼處一對無孔鐵槌州便禮拜泉歸方丈蒼天中更添怨苦南泉和尚雖則頂門具眼賞罰分明點檢將來也是虛空裏釘橛若無趙州後語未審如何折合高峰不然忽有人起佛見法見但向他道善哉善哉時節若至其理自彰

示衆百千諸佛歷代祖師乃至天下老和尚以拂子

高峯語錄 雙髻

三

擊禪牀一下云總向遮裏墮坑落壑還有跳得出底麼又擊一下云三生六十劫

示衆舉丹霞因過一院值疑寒遂於殿中見木佛乃取燒火向院主偶見呵責曰何得燒我木佛霞以杖撥灰云吾燒取舍利主云木佛何有舍利霞云旣無舍利更請兩尊再取燒之院主自後眉鬚墮落師拈云丹霞燒木佛爲寒所逼豈有他哉院主眉鬚墮落偶爾成文何足疑矣若作佛法商量管取入地獄如箭擲拂子

座下

示衆歸宗拭却眼睛二祖安心斷臂雲門拶折一足

玄沙聖破脚指遮一火隨樓披漢以拂子卅卅云蚤知有遮般消息免見血淋滿地

示衆以拄杖橫肩顧左右云大衆會麼柳標橫肩不顧人直入千峰萬峰去

△杭州西天目山師子禪寺法語

至元丁亥冬衆請師開堂遂就石室內拈香祝聖罷次拈香云此一瓣香不假壺中日月亦非劫外春風幾番親遭毒手直得八面玲瓏如今放下也地搖六震拈來則塞破虛空且道不拈不放一句又作麼生喝一喝作女人拜焚向爐中供養前住仰山戴角披

高峰語錄 天目

四

毛無鼻孔底老和尚用酬法乳之恩遂就座僧問十方同聚會箇箇學無爲此是選佛場心空及第歸龐居士恁麼道還有爲人處也無師云有進云畢竟在那一句師云從頭問將來進云如何是十方同聚會師云龍蛇混雜凡聖交參進云如何是箇箇學無爲師云口吞佛祖眼蓋乾坤進云如何是選佛場師云東西十萬南北八千進云如何是心空及第歸師云動容揚古路不墮悄然機進云恁麼則言見諦句句朝宗師云你甚處見得僧喝師云也是掉棒打月進云此事且止只如西峰今日十方聚會選佛場開

高峯大師語錄

畢竟有何祥瑞師云山河大地萬象森羅情與無情悉皆成佛進云既皆成佛因甚學人不成佛師云你若成佛爭教大地成佛進云畢竟學人過在甚麼處師云湘之南潭之北進云還許學人懺悔也無師云禮拜著僧纔拜師云獅子咬人韓獹逐塊師乃豎拂召大衆云此是選佛場心空及第歸伶俐漢若向遮裏見得便見龐居士安身立命處既見龐居士安身立命處便見從上佛祖安身立命處既見佛祖安身立命處便見自己安身立命處既見自己安身立命處不妨向遮裏拘折拄杖高掛鉢囊三條椽下七尺

高峰語錄 天目

五

單前咬無米飯飲不濕美伸脚打眠逍遙度日若是奴郎不辨菽麥不分抑不得已按下雲頭向虛空裏書一本上大人教諸人依樣畫猫兒去也山僧昔年在雙徑歸堂未及一月忽於睡中疑著萬法歸一一歸何處自此疑情頓發廢寢忘食東西不辨晝夜不分開單展鉢屙屎放尿至於一動一靜一語一默總只是箇一歸何處更無絲毫異念亦要起絲毫異念了不可得正如釘釘膠粘撼搖不動雖在稠人廣衆中如無一人相似從朝至暮從暮至朝澄澄湛湛卓卓巍巍純清絕點一念萬年境寂人忘如癡如兀不

覺至第六日隨衆在三塔諷經次擡頭忽覩五祖演和尚真蹟驚然觸發日前仰山老和尚問拖死屍句子直得虛空粉碎大地平沉物我俱忘如鏡照鏡百丈野狐狗子佛性青州布衫女子出定話從頭密舉驗之無不了了般若妙用信不誣矣前所看無字將及三載除二時粥飯不會上蒲團困時亦不倚靠雖則晝夜東行西行常與昏散二魔輓作一團做盡伎倆打屏不去於遮無字上竟不會有一餉間省力成片口決之後翻其病源別無他故只爲不在疑情上做工夫一味只是舉舉時卽有不舉便無設要起疑

高峯語錄 天目

六

亦無下手處設使下得手疑得去只頃刻間又未免被昏散打作兩橛於是空費許多光陰空喫許多生受畧無此子進趣一歸何處却與無字不同且是疑情易發一舉便有不待返覆思惟計較作意纔有疑情稍稍成片便無能爲之心既無能爲之心所思卽忘致使萬緣不息而自息六窓不靜而自靜不犯纖塵頓入無心三昧忽遇吃粥吃飯處管取向鉢盂邊摸著匙筯不怕甕中走却鼈此是已驗之方決不相賺如有一句誑惑諸人自招永墮拔舌犁耕現前學般若菩薩必要明此一段大事不憚山高水濶特特

來見西峯况兼各各然指然香立戒立願礪齒磨牙辦鐵石志既有如是操畧如是知見切須莫負自己初心莫負父母捨汝出家心莫負新建僧堂檀信心莫負國王大臣外護心直下具大信去直下無變異去直下壁立萬仞去直下依樣畫描兒去畫來畫去畫到結角羅紋處心識路絕處人法俱忘處筆端下驀然突出箇活描兒來因元來盡大地是箇選佛場盡大地是箇自己到遮裏說甚龐居士直饒三乘十地增長竟驚碧眼黃頭容身無地然雖如是要開鑿人天眼目發揚佛祖宗猷更須將自己與選佛場

高峯語錄 天目

七

鑄作一團圓在百千萬億世界之外轉身移步向威音那邊更那邊打一遭却來喫西峯痛棒大眾既是和自己已颺了又將甚麼吃棒忽有箇不顧性命底漢子問恁麼舉出來掀倒禪牀喝散大眾是則固是要且西峯師子巖未肯點頭在

上堂無邊刹境自他不隔於毫端十世古今始終不離於當念只如山僧每日在張公洞裏橫眠豎眠或歌或詠諸人還知麼諸人每日在選佛場前東行西行或嘆或喜山僧還知麼若也彼此知得不免分身碓搗拔舌犁耕若也彼此不知管取釋迦拱手彌勒

皈依因甚如此不見道知之一字衆禍之門

上堂萬法歸一一歸何處乃顧視左右下座

上堂盡十方世界是箇鉢盂汝等諸人吃粥吃飯也

在裏許屙屎放尿也在裏許行住坐臥乃至一動一

靜總在裏許若也識得達磨大師只與你做得箇洗

脚奴子若也不識一時粥飯將甚麼吃衆

元正上堂新年頭行新令露柱燈籠急著眼聽竈頭

西南角有片方磚惺惺伶俐伶俐惺惺念茲在茲必

恭必敬因甚如此徐十三郎行年本命

上堂愛之欲其生惡之欲其死愛惡兩重關以拄杖

高峰語錄 天目

八

○總向遮裏起直饒識得根源更買草鞋行脚三十年以拄杖世一何曾踏著遮裏擲拄杖云你有拄杖子與你拄杖子

上堂卓拄杖云師子窟師子吼師子兒無前後驀然

直下翻身便解人前開口卽今莫有翻身底麼擲拄

杖云鰕跳不出斗

結制上堂大限九旬小限七日庵中有細細中有密

密密無間纖塵不立正甚麼時銀山鐵壁進則無門

退之則失如墮萬丈深坑四面懸崖荆棘切須猛烈

英雄直要翻身跳出若還一念遲疑佛亦救你不得

此是最上玄門普請大家著力山僧雖則不管閑非

越例與諸人通箇消息①②③④

因從一禪人有省上堂二十餘年布箇綬天綱子打

鳳羅龍竟不曾遇著一箇鰕螬今日不期有個鰕螬

蟲撞入網中固是不堪上眼三十年後向孤峰絕頂

揚聲大叫且道叫箇甚麼大地山河一片雪

上堂昨夜夢中作得一偈舉似大眾良久云忘却了

也驀拈拄杖云拄杖子還記得麼良久云同坑無異

土浴佛上堂舉世尊纔生下乃一手指天一手指地周

高峰語錄 天目

九

行七步目顧四方云天上天下惟吾獨尊師云見怪

不怪其怪自壞大眾會麼更聽一頌指天指地展戈

矛直至如今戰不休假使羣靈都殺盡一身還有一

身愁

祈時上堂天關久鎖不開客日夜滂沱鼓黑風以拂

子擊禪牀一下云憤性一槌俱擊碎頂門迸出一輪

紅

中夏上堂以拂子○四十五日前薦得非特日消

萬兩黃金亦乃能應四天下供養四十五日後薦得

寸絲滴水也當牽犁拽杷償他以拂子擊禪床一下

云曾經巴峽猿啼處不是愁人也斷腸

上堂忘却當年密授句枉教一衆吃辛苦夜來枕上忽憶著年年五月黃梅雨

上堂一葉落天下秋一塵起大地收喝一喝云有意氣時添意氣不風流處也風流

上堂海底泥牛銜月走巖前石虎抱兒眠鐵蛇鑽入金剛眼崑崙騎象鷺鷥牽此四句內有一句能殺能活能縱能奪若檢點得出許汝一生參學事畢

直翁居士至上堂山僧有一奇特因緣未嘗輕易拈出今日幸遇直翁證明供養大衆良久云美食不中

高峰語錄 天目

十

飽人食

冬至上堂陰向鼻端滅陽從眼裏生會得箇中意更參三十年

上堂夜夜抱佛眠上大人朝朝還共起丘乙已起坐鎮相隨化三千語默同居止七十士纖毫不相離尔小生如身影相似八九子欲識佛住處佳作仁只遮語聲是可知禮也傳大士和聲吐出耀古騰今妙上座矢上加尖一場好笑伶俐漢纔聞舉著如珠在掌如芥投針若是機思遲鈍三搭不回昔年吾佛世尊由斯之輩二七思惟計盡情忘不免全身放倒今日

高峰語錄 天目

十一

山僧到遮裏也只得依條攀例按下雲頭倒轉鎗旗就窠打劫直教一箇箇不假乘舟鼓棹游戲如來大圓覺海以拂子打圓相云還見麼以拂子擊禪床一下云還聞麼蒼天蒼天正所謂有耳不聞圓頓教有眼不見舍那身說甚長期短期百千萬億阿僧祇鼻孔依前向下垂擲下拂子喝一喝下座

普請上堂禪不在參道不須悟動轉施爲山嶽鼓舞孟八郎漢便恁麼去爭似西峰搬石運土

上堂昨夜東西兩天目議論狗子有無佛性話儘儘爭之不已山僧未免 向他道說有說無總未夢

見在於是二邊慊懽而退大衆既謂有無俱不是畢竟合作麼生八角磨盤空裏走三脚驢子弄蹄行

因事上堂水中鹹味色裏膠青決定是有不見其形豎拂子云見其形失却山前一村人眼睛

上堂八十日中千說萬說說也說到無說時聞也聞到無聞處既是無說又無聞功成果滿憑何舉吹龍笛擊鼗鼓暗齒歌細腰舞桃花亂落如紅雨

結制上堂西峰今年結夏有一奇特事不得不告報諸人且道是甚奇特事龍蛇混雜凡聖同居

上堂大海無魚大地無草大富無糧大悟無道若人

透此四重關非特親見高峰眉毛長短鼻孔淺深猶如赫日當空萬別千差無不照雖然喚作拂子則觸不喚作拂子則背畢竟喚作甚麼

中夏上堂豎拂子召大眾云到遮裏進前一步也不得退後一步也不得總不恁麼也不得畢竟如何不得不得

解制上堂布袋頭開餒驢餒馬要騎便騎要下便下若到江西湖南撞著焦尾大蟲切莫道在西峰度夏上堂吃粥了也洗鉢盂去矢上加尖一場敗露西峰今日忍俊不禁却要向鶯鶯腿上割股良久云便恁

高峰語錄

十一

麼去

開爐上堂豎起拂子云遮些火種自靈山傳至西峰已得一千二百二十餘載今日幸遇開爐特爲諸人拈出以拂子吹一吹乃擲下云照顧燒却眉毛

冬至上堂良久云一陽來復萬物咸新恭惟盲龜跛鼈鬼怪妖精莫問前長後短大家扶起破沙盆

臘八上堂黃面瞿曇夜半成道正是喚奴作郎魔得一場好笑山僧恁麼告報也是細姑嫌嫂

晚叅叅須實叅悟須實悟動轉施爲輝今耀古若是操心不正悟處不真粧粧點點鬧鬧釘釘被人輕輕

拶著未免喚燈籠作露柱且道如何是實叅實悟底消息良久云南山起雲北山下雨

上堂西峰今日啓建圓覺長期有四件切要事告報大眾第一不得隔壁聽聲第二不得暗裏偷光第三不得指東話西第四不得鬧中取靜汝等諸人誠能遵行此令管取尅日成功超凡入聖若也不然縱歷阿僧祇敢道未徹在

上堂舉鵝湖和尚示衆云未了底人長時浮逼逼地設使了得底人明得知有去處尚乃浮逼逼地上大人丘乙巳雲門舉問首座云適來和尚道未了底人

高峰語錄

天目

十三

浮逼逼地了得底人浮逼逼地意作麼生座云浮逼逼地可知禮也門云首座在此頭白齒黃作遮箇語話曲則全座云上座作麼生門云要道卽得見卽便見若不見莫亂道枉則直座云只如堂頭和尚道浮逼逼地又作麼生門云頭上著枷脚下著杻重言不當吃座云恁麼則無佛法也親言出親口門云此是文殊普賢大人境界是何言歟二老披肝瀝膽西峰雪上加霜還見鵝湖也無若道見端的在那一句若道不見諂訛在甚麼處具眼底試點出看

冬至上堂世間動不動法皆屬陰陽遷變驀拈拄杖

云惟有山僧木上座能爲萬象主不逐四時凋乃靠拄杖云無形本寂寥

上堂低頭覓大仰面尋地波波望望遠之遠矣驀然撞著徐十三郎噀元來只在遮裏以手拍膝一下云在遮裏臘月三十日到來也是開眼見鬼

上堂舉香嚴和尚一日上堂時有僧問不慕諸聖不重已靈如何嚴云萬機休罷千聖不携臘月扇于此時疎山在衆作嘔聲曰是何言歟低聲低聲嚴云阿誰衆曰師叔嚴云不肯老僧那出云是胡來胡現嚴云汝莫道得麼山云道得平地干戈嚴云汝試道看

高峰語錄 天目

西

山云若教某甲道須還師資禮始得赤眼撞著火柴頭嚴乃禮拜舉前話問之山曰何不道肯諾不得全草賊大敗嚴云直饒恁麼道也須倒屣三十年設使住山無柴燒近水無水吃分明記取棒打石人頭曝曝論實事後住疎山果如前記大衆二老互相屈辱西峰從頭解注還分優劣也無若謂不分因甚倒屣三十年若謂分漏逗在甚麼處伶俐漢縑素得出非惟截斷天下人舌頭穿却天下人鼻孔釋迦彌勒與你作奴亦不爲差其或不然更聽一頌洞徹是非如夢幻轉身未免墮深坑須知別有通霄路不許時人

造次行

上堂拈拄杖召大衆云還見麼人人眼裏有時不是瞎漢決定是見以拄杖卓一下云還聞麼箇箇耳裏有窠不是死漢決定是聞既見既聞是箇甚麼以拄杖○見聞卽止只如六根未具之前聲色未彰之際未聞之間未見之見正恁麼時畢竟以何爲驗以拄杖○吾今與汝保任斯事終不虛也以拄杖○三

十年後切忌妄通消息靠拄杖下座

雪巖和尚忌拈香昔年瞎却我眼今朝穿却你鼻冤冤相報無休莫若克己復禮遂插香以袖掩面作哭

高峰語錄 天目

五

聲復以坐具搭左肩上作女人拜云非惟和光同塵免得遁相鈍置

上堂一年已減五日光影如駒過隙直須如救頭然切莫隨情放逸卓拄杖云夜來一兩雪消鎔萬疊青山如洗出

元宵上堂叅禪須是鐵漢著手心頭便判只如雪覆千山孤峰不白作麼生判擲拄杖云上元定是正月半

上堂舉百丈和尚問潞山云併却咽喉唇吻道將一句來山云却請和尚道師拈云大小潞山推惡離已

今日忽有人問西峰併却咽喉唇吻道將一句來卽向他道柴荒米貴忍饑無暇祇對

涕涅槃上堂周行七步猶成跡柳示雙趺豈易收微

雨灑花千點淚淡烟籠竹一堆愁

晚叅身貧道貧無法可親一味盲枷瞎棒聞者見者莫不生嗔卓拄杖云黃金自有黃金價終不和沙賣與人

結制上堂西峰今年結夏全然不成保社一日兩頓薄粥大家忍飢無暇雖有真如佛性菩提涅槃和聲擲拄杖云權且颺在師子巖下

高峰語錄 卷六

上堂終日著衣未嘗掛一縷絲終日吃飯未嘗咬一粒米既然如是且道卽今身上著底每日口裏吃底是箇甚麼到遮裏不論明與不明徹與不徹寸絲滴水也當牽犁拽杷償他何故一片白雲橫谷口幾多歸鳥自迷巢

上堂若論此事只要當人的有切心纔有切心眞疑便起眞疑起時不屬漸次直下便能塵勞頓息昏散屏除一念不生前後際斷纔到遮般時節管取推門落臼若是此念不切眞疑不起僥你坐破蒲團白千萬箇依舊日午打三更

高峯大師語錄

上堂迷中有悟悟復還迷直須迷悟兩忘人法俱遣納僧門下始有語話分大衆既是迷悟兩忘人法俱遣其語話者復是阿誰速道速道

上堂諸方拈槌豎拂接物利生祇解指虚空說虚空指燈籠露柱說燈籠露柱於是藥頭無驗誤人多矣西峰要向未有虚空名字以前說虚空未有燈籠露柱以前說燈籠露柱要使聞者見者親著磕著一得未得一證永證大衆未有名字以前畢竟憑何施設以拂子擊禪床一下又連擊兩下

高峰語錄 卷七

杖杖頭一點紅馨香遍界無人顧大衆顧不顧卽且止畢竟一歸何處擲拄杖下座

解制上堂一夏以來諸人懺懺山僧亦懺懺懺逢懺懺彼此無空過今朝聖制告圓不免更說些懺懺懺懺得大家俱懺懺如何是懺懺懺懺咄猛火著油煎除夜小叅一年三百六十日看看逗到今宵畢十箇有五雙叅懺懺又不知學道道亦不識只遮不知不識四字正是三世諸佛骨髓一大藏教根源伶俐漢纔聞舉著如龍得水似虎靠山天上人間縱橫無礙然雖如是點檢將來猶是遮邊底消息若謂那邊更

那邊一著子直饒西天四七唐土三三以至天下老古雖敢保未徹在山僧與麼告報忽有箇漢子心憤憤口排排出來道高峰高峰你有甚長處開得遮般大口只向他道來年更有新條在惱亂春風辛未休直翁居士施僧鞋上堂以手指云以此施者入無間獄施者受者既遭此報汝等諸人還知利害處麼以手合掌云難消
結制上堂封却拄杖頭結却布袋頭大家團樂頭赤眼火柴頭喫正是冤家共聚頭不妨頭上更安頭以拄杖打散

高峰語錄 天目

六

中夏上堂前四十五日何處去焦尾大蟲入鬧市後四十五日何處來三脚驢子上高臺俊鷹快鷂便合乘時跛鼈盲龜徒勞蹕跳
上堂今年一期有五件好事特爲諸人分明揭示第一好僧堂第二好後架第三好知事第四好廚堂第五好衲子若作佛法商量掉棒打月若作世諦流布接竹點天畢竟合作麼生師子巖有個焦尾大蟲夜來惡發被山僧劈脊一棒化爲微塵却借陳如尊者四大五蘊以爲出入游戲之具你一隊瞋睡漢驢年也未夢見在喝一喝下座

上堂舉風穴和尚因真園頭同念法華問訊次穴問真云如何是世尊不說說迦葉不聞聞真云鶻鳩樹上啼穴云你作許多癡福作麼何不體究言句又問念法華云你作麼生念云動容揚古路不墮悄然機穴却顧真園頭云你何不看念法華下語念自茲印可名振四方師云山僧昔年侍立先師次亦曾被問此話擬下語問遂遭一頓熱棒打出直得三日忍痛不已大眾端的要見二老優劣但將妙上座吃棒處看
雪巖和尚忌拈香巴陵設忌二轉語西峰單單只一

高峰語錄

九

句且道是那一句聾遂插香云逢人切忌錯舉上堂舉凌行婆問浮杯盡力道不得底句分付阿誰杯云浮杯無刺語婆云未到浮杯不妨疑著杯云更有長處不妨拈出婆斂手哭云蒼天中更添怨苦杯無語婆云語不知偏正理不識倒邪爲人則禍生後有僧舉似南泉泉云苦哉浮杯被遮老婆摧折一上婆聞得笑云王老師猶少機關在時有幽州澄一禪客詣婆乃問南泉爲甚少機關婆哭云可悲可痛澄一罔措婆云會麼一合掌而立婆云跣死禪和如麻似粟後澄一舉似趙州州云我若見遮臭老婆問教

伊口啞一云未審和尚作麼生問伊州便打一云爲甚却打某甲州云似遮般跣死禪和不大更待何時婆聞却云趙州合吃婆手中棒州聞得哭云可悲可痛婆聞乃歎云趙州眼光燦破四天下州聞得令人去問云如何是趙州眼婆乃豎起拳僧回舉似趙州州乃有頌與婆云當機覩面提覩面當機疾報爾凌行婆哭聲何得失婆有頌答云哭聲師已曉已曉復誰知當時摩竭令幾喪目前機師拈云山僧始者一看將謂總是白拈賊及手再辨端倪却有浮杯較些子何故不因漁父引爭得見波濤

高峰語錄 天目

三

佛誕上堂拈天指地一棒打殺鳩屎毗霜合造毒藥颺在三千世界中不知那個親遭著卓拄杖一下結制上堂西峰結制不尋常殺滿倉今僧滿堂既得遮些根蒂固大家搖扇取風涼上堂門外有一人用盡機謀要入入不得門裏有一人做盡伎倆要出出不得入不得門且置且道門外人與門裏人相見時如何愁人莫向愁人說說向愁人愁殺人開爐上堂三千世界作爐百億須彌爲炭生鐵鑄就禪和炙得通身紅爛正恁麼時莫有驪得過底麼左

右顧視云噯將謂水不能溺火不能焚元來總是一隊爛額焦頭漢

上堂十五日已前毬毬毬毬毬十五日已後巍巍堂堂煒煒煌煌正當十五日虛空爲鼓須彌爲槌輕輕擊動佛祖攢眉即今莫有解擊底麼以拂子擊禪床云若將耳聽應難會眼處聞聲方始知薦亡上堂入我法中不論凡聖動轉施爲咸遵舊令要明少室格外新條驀拈拄杖云未免借伊鼻孔出氣卓拄杖云開甘露門劃一畫云示甘露味大地衆生頓超十地惟有今辰覺成上座營齋報薦考妣二

高峰語錄 天目

三

位亡靈不在其內何故擲拄杖云分明一對黃金骨不必旃檀入細雕雷兩班上堂九旬把定重關今朝放開一線頂門具眼納僧自合知機識變乃展手云依舊平分局面復舉靈雲見桃花悟道刺腦入膠盆瀉山道從緣入者永無退失咬牙封雍齒玄沙道諦當甚諦當收保老兄未徹在位淚斬丁公伶俐漢直饒向遮裏見得更買草鞋行脚三十年却來吃西峰痛棒上堂一不成二不是紅底桃白底李紅紅白白不相瞞因甚達磨大師被流支三藏打落當門齒

通寧智願菴主送法被至上堂裁蜀錦剪吳綾披白玉間黃金打成一片時針割不入羅紋結角處線路難尋雖然只如西峰以諸法空爲座以拄杖指被云還著得遮箇麼靠拄杖云天香影散莓苔石五葉花開蒼荀林

結制上堂一百禪和三十州無繩自縛萬山頭誰是護生誰是殺白雲影裏鐵船浮

上堂舉雪峰因僧來參峰問甚處來僧云浙中來峰云船來陸來僧云二途俱不涉峰云爭得到遮裏僧云有甚麼隔礙峰打趂出僧後十年再來峰云甚處

高峰語錄 天目

三

來僧云湖南來峰云湖南與此間相去多少僧云不隔峰舉拂云還隔遮箇麼僧云若隔爭得到遮裏峰亦打出僧住後每見人必罵雪峰同行聞特去相訪遂問你因甚罵雪峰遮僧舉前兩段因緣同行痛罵與伊點破遮僧遂悲泣每於中夜焚香望雪峰禮拜師拈云遮箇公案頗類德山托鉢話諸方商量者極多錯會者亦不少具眼底但於德山低頭處見得便會雪峰打意於巖頭不肯處見得便會遮僧罵意又於巖頭密啓處見得便會同行點破意於巖頭撫掌處見得便會遮僧悲泣意又於巖頭受記處見得便

會遮僧遙禮意西峰今日將一老父父子縛作一束拋在諸人面前了也諸人要見二老則易要見西峰則難何故有眼無耳塚六月火邊坐

晚參萬法歸一一歸何處狹路相逢兩手分付違得便行黃河三千年一度清

上堂意句不到宗說不通盲龜跛鼈意句俱到宗說俱通盲龜跛鼈西峰恁麼告報莫有離此之外別有生涯底麼盲龜跛鼈

佛誕上堂呱聲未絕便稱尊攪得三千海嶽昏惡水一年澆一度知他雪屈是酬恩

高峰語錄 天目

三

妙湛無爲長老至上堂舉劉鐵磨來參潯山把髻投衙山云老特牛汝來也引狗入寨磨云來日臺山大會有齋和尚還去麼癩兒牽伴潯山作臥勢隨邪逐惡磨便出咄直饒違得便行也是韓獪逐塊冬至舉僧問古德云一陽來復日長一線未審佛法長多少德云長一線後又有古德云一線長師拈云就窠打劫還他二老本分鉗鎚若謂佛法短長端的未夢見在今日忽有人問西峰佛法長多少只向他道東西十萬南北八千

鄉林居士至上堂此事如欲登天目大山相似未到

山時不免蘊一座山於八識田中洎至一到所蘊之山恍焉消殞因甚如此豎起拂子云只緣身在此山中

復舉老子道湛兮似或存吾不知其誰之子象帝之先師拈云咄哉遮漢錯下注脚湛兮似或存吾不知其誰之子毘耶城裏老維摩

上堂舉雲門大師到乾峰云請師答話舍血噴人先污其口峰云到老僧也未赤眼撞著火柴頭門云恁麼那恁麼那河裏失錢河裏攬峰云將謂猴白更有猴黑好手手中呈好手紅心心裏中紅心

高峰語錄 天目 五

雪巖和尚忌拈香阿師示寂來彈指恰八載將謂入黃泉面目儼然在大衆面目既在拈起香云莫是遮箇麼拈香云認著依前猶隔海

上堂工夫不到不方圓寬著程途急著鞭但得此心常不昧從教滄海變桑田

解制上堂識得拄杖子被拄杖子縛不識拄杖子亦被拄杖子縛卓拄杖云不是弄潮人徒勞遭點額復舉金陵則監寺初叅青峰問云如何是學人自己峰云丙丁童子來求火後謁法眼眼云曾見甚麼人來則云青峰來眼云有何言句則舉前話眼云上座

作麼生會則云丙丁屬火以火覓火如將自己覓自己眼云恁麼會又爭得則云某甲只恁麼和尚作麼生眼云汝問我我與汝道則云如何是學人自己眼云丙丁童子來求火則於言下頓悟師拈云遮則公案自古至今覓箇不錯會底人如星中揀月相似只如則監寺於法眼言下悟去要且不是順朱具眼底試辨看

高峰語錄 天目 五

復舉慈明和尚每室中以水一盆上剗一口劍下著一柄草屨膝上橫按拄杖凡有僧入門便指纔擬便棒師拈云大小慈明勞而無功西峰不動一鎗一旗從教鳬短鶴長何故年年九月九遍地菊花香上堂舉永首座同慈明辭汾陽後相從二十年不得休歇一夕圍爐夜深明以火筋敲炭召云永首座永首座永咄云野狐精明以手指云訝郎當漢又恁麼去永於言下頓悟師拈云遮箇公案若曰依條直斷慈明無端坑陷平人合吃三十棒永首座不合隨風倒拖亦當代吃十棒忽有倒拖不平底出來道西峰

聳則向他道心不負人面無慚色

雪巖和尚忌拈香咄哉老賊偷心未息石灰布袋到處成跡若謂子爲父隱畢竟曲不藏直今日因齋慶讚未免乘時拈出

上堂一年又過一月今日又從頭起循環鳥兔如梭百歲光陰有幾以拄杖卓一下云諸上座休瞋睡直饒火急翻身四大海水早已傾在汝耳裏

結制上堂今年龍象頗多權作三堂結夏雖然名字不同是法本無高下中間有箇肉身菩薩現與諸人同結同修同眠同坐若也點檢得出說甚黃面瞿曇

高峰語錄 天目

美

西來達磨不然且待七月十五却與諸人說破

後舉僧問雲門如何是諸佛出身處門云東山水上行又僧問圓悟如何是諸佛出身處悟云薰風自南來殿閣生微涼師拈云二老雖具頂門正眼慙其本源天地懸隔

上堂資生貴圖求富參禪貴圖求悟求悟若學資生箇箇成佛作祖咄甜瓜徹蒂甜苦瓠連根苦

復舉僧於馬祖前作四畫上一畫長下三畫短云不得道長不得道短離四句答某甲始得祖乃畫一畫云不得道長不得道短答汝了也後僧舉似忠國師

師云何不問我師拈云字經三寫烏焉成馬西峰忍俊不禁特爲諸人改正去也召侍者云分明記取

上堂舉僧問長慶衆手淘金誰是得者慶云有伎倆者得僧云學人還得也無慶云大遠在師拈云西峰不然今日忽有人問衆手淘金誰是得者只向他道阿誰無分又云學人還得也無猶少在

上堂千疑萬疑祇是一疑若能決此一疑免教節上生枝卽今莫有決得底麼若也決得賞你一錠金若決不得亦賞你一錠金何故豈不見道至道無難惟嫌揀擇

高峰語錄 天目

毛

復舉僧問法眼聲色二字如何透得法眼召大衆云若會得遮僧問處透聲色也不難師拈云明修棧道暗度陳倉

解制上堂拈拄杖卓一下云打開布袋頭放出百千牛縱隨芳草去終不被人收一日歸來重會面半含容笑半含羞大衆羞卽且止畢竟笑箇甚麼又卓一下云休

復舉芙蓉一日告辭馬祖祖云裝却包了來與你說一上佛法芙蓉於次日至方丈侍立少頃祖云時寒善爲道路芙蓉至法堂上忽然有省師拈云馬祖佛

法恁麼流布拈花微笑命若懸絲今日凡有人來告辭總與草鞵一綱

上堂今朝八月一行脚禪和出不識自家珍却向途中覓直饒走過一百一十城叅見五十三善知識功超十地三乘位等釋迦彌勒若還來到西峰未免一棒打折你驢脊

起期上堂山僧久病服藥不瘳大眾久叅於心不悟所以病到筋斷骨折處叅到情窮理極時一一檢點將來全無些子靈驗記得去年有一則未了公案今日擬循舊例別創新條以八十日劃地爲牢要諸人

高峰語錄 天目

天

各各通箇口款不得將無作有不得指東話西不得舉意博量不得擬心湊泊若有箇不顧性命底漢向事未著罪未彰以前一款盡招西峰拄杖子當爲伊據款結案

辭衆西峰三十年妄談般若罪犯彌天末後有一句子不敢累及平人自領去也大眾還有知落處者麼良久云毫釐有差天地懸隔

示禪人

世諸佛歷代祖師畱下一言半句惟務衆生超越二界斷生死流故云爲一大事因緣出現於世若論此大事如馬前相撲又如電光影裏穿針相似無你思量解會處無你計較分別處所以道此法非思量分別之所能解是故世尊於靈山會上臨未稍頭將三百六十骨節八萬四千毛竅盡底掀翻雖有百萬衆圍繞承當者惟迦葉一人而已信知此事決非草草若要的實明證須開特達懷發丈夫志將從前惡知惡解奇言妙句禪道佛法盡平生眼裏所見底

高峰語錄 示禪人

无

耳裏所聞底莫顧危亡得失人我是非到與不到徹與不徹發大忿怒奮金剛利刃如斬一握絲一斬一切斷一斷之後更不相續直得胸次中空勞勞地虛豁豁地蕩蕩然無絲毫許滯礙更無一法可當情與初生無異吃茶不知茶吃飯不知飯行不知行坐不知坐情識頓淨計較都忘恰如箇有氣底死人相似又如泥塑木雕底相似到遮裏驀然脚蹉手跌心華頓發洞照十方如果日麗天又如明鏡當臺不越一念頓成正覺非惟明此一大事從上若佛若祖一切差別因緣悉皆透頂透底佛法世法打成一片騰騰

任運任運騰騰洒洒落落乾乾淨淨做一箇無爲無事出格真道人也。恁麼出世一番方曰不負平生參學之志願耳。若是此念輕微志不猛利，還堪堪颺颺。颺颺今日也恁麼明日也恁麼，設使三十年二十年用工，一如水浸石頭相似，看看逗到臘月三十日，十個有五雙慊懣而去，致令晚學初機不生敬慕，似遮般底漢到高峯門下，打殺萬萬千千有甚麼罪過。今日我之一衆莫不皆是俊鷹快鷄如龍若虎，舉一明三日機鋒兩豈肯作遮般體態。兀兀度時，然雖如是，正恁麼時畢竟喫甚麼作一大事，若也道得與汝。

高峯語錄

三

三十拄杖若道不得，亦與三十拄杖何故。卓拄杖下云：高峯門下賞罰分明。兄弟家十年二十年以至一生，絕世忘緣，單明此事，不透脫者，病在何本。分衲僧試拈出看，莫是宿無靈骨麼？莫是不遇明師麼？莫是一暴十寒麼？莫是根劣志微麼？莫是汨沒塵勞麼？莫是沉空滯寂麼？莫是雜毒入心麼？莫是時節未至麼？若論膏肓之疾，總不在遮裏，既不在遮裏，畢竟在甚麼處？咄！三條椽下七尺單前。

若論此事，如大火聚，烈焰亘天，曾無少間。世間所有。

之物悉皆投至，猶如片雪點著，便消。爭容毫末若能恁麼提持，尅日之功萬不失一。儻不然者，縱經塵劫，徒受勞矣。

若論此一段奇特之事，人人本具，箇箇圓成。如握拳展掌，渾不犯纖毫之力，祇爲心猿擾擾，意馬喧喧，恣縱三毒，無明妄執。人我等相，如水澆水，愈加濃厚。障却自己靈光，決定無由得現。若是生鐵鑄就底漢的，實要明亦非造次，直須發大志立大願，殺却心猿意馬，斷除妄想塵勞，如在急水灘頭，泊舟相似，不顧危亡，得人我是非，忘寢忘食，絕思絕慮，晝三夜二，心

高峯語錄

三

心相次，念念相續，剗定脚頭，咬定牙關，牢牢把定繩頭，更不容絲毫走作。假使有人取你頭除你手足，剗你心肝，乃至命終，誠不可捨到遮裏方有少分做工。夫氣味嗟乎末法去聖時遠，多有等泛泛之流，竟不信有悟門，但只向遮邊穿鑿，那邊計較，直饒計較得成，穿鑿得就，眼光落地時，還用得著也。無若用得著世尊，雪山六年達磨，少林九載，長慶坐破七箇蒲團，香林四十年方成一片趙州。三十年不雜用心，何須討許多生受吃，更有一等成十年二十年用工，不曾有箇入處者，只爲他宿無靈骨，志不堅固，半信半

疑或起或倒弄來弄去世情轉轉純熟道念漸漸生疎十二時中難有一箇時辰把捉得定打成一片似遮般底直饒弄到彌勒下生也有甚麼交涉若是真正本色行脚高士不肯胡亂打頭便要尋個作家纔聞舉著一言半句更不擬議直下便恁麼信得及作得主把得定孤迥迥峭巍巍淨裸裸赤洒洒更不問危亡得失只恁麼捱將去驀然繩斷吃擲絕後再甦看他本地風光何處更覓佛矣又有一偈舉似大眾急水灘頭泊小舟切須牢把遮繩頭驀然繩斷難迴避直得通身血迸流

高峰語錄 示禪人

三

生死事大無常迅速生不知來處謂之生大死不知去處謂之死大只遮生死一大事乃是參禪學道之喉襟成佛作祖之管轄三世如來恒沙諸佛千變萬化出現世間蓋爲此生生死一大事之本源西天四七唐土二三以至天下老和尚出沒卷舒逆行順化亦爲此一大事之本源諸方禪衲不憚勞苦三十年二十年撥草瞻風磨鏡擦袴亦爲此一大事之本源汝等諸人發心出家發心行脚發心來見高峰晝三夜三眉毛厮結亦爲此一大事之本源四生六道千劫萬劫改頭換面受苦受辛亦是迷此一大事之本源

高峰大師語錄

吾佛世尊捨金輪王位雪山六年苦行夜半見明星悟道亦是悟遮一大事之本源達磨大師入此土來少林面壁九載神光斷臂於覓心不可得處打失鼻孔亦是悟遮一大事之本源臨濟遭黃蘗六十痛棒向大愚肋下還拳亦是悟遮一大事之本源靈雲桃花香嚴擊竹長慶捲簾玄沙聖指乃至從上知識有契有證利生接物總不出悟遮一大事之本源多見兄弟家雖曰入此一門往往不知學道之本源不能奮其志因循度日今來未免葛藤引如上佛祖入道之因及悟道之由以爲標格晚學初機方堪趣向日

高峰語錄 示禪人

三

道如何趣向不見古人道若要脫生死須透祖師關畢竟將甚麼作關喚作竹篋則觸不喚作竹篋則背不得有語不得無語若向遮裏著得一隻眼覷得破轉得身通得氣無關不透無法不通頭頭示現物物全彰無邊利境自他不隔於毫端十世古今始終不離於當念所以水潦和尚見馬大師禮拜起擬伸問間被馬祖攔胸一踏踏倒起來呵呵大笑云百千法門無量妙義總向一毫頭上識得根源去德山見龍潭向吹滅紙燭處豁然大悟次日遂將疏鈔於法堂上藝云窮諸玄辨若一毫置於太虛竭世樞機似一

滴投於巨壑到遮裏有甚麼禪道可參有甚麼佛法可學有甚麼生死可脫有甚麼涅槃可證騰騰任運任運騰騰臘月三十日到來管取得大自在去住自由故云自從認得曹溪路了知生死不相干然雖如是豎拂子云且道遮箇是生耶是死耶若也道得便可向無佛處稱尊無法處說法其或未然山僧不懼羞慚更與諸人露箇消息擲下拂子云夜冷魚潛空下釣不如收卷過殘年

兄弟家成十年二十年撥草瞻風不見佛性往往皆謂被昏沉掉舉之所籠罩殊不知只遮昏沉掉舉四

高峯語錄 示禪人

蓋

字當體卽是佛性堪嗟迷人不了妄自執法爲病以病攻病致使佛性愈求愈遠轉急轉遲設使一箇半箇回光返照直下知非廓然藥病兩忘眼睛露出洞明達磨單傳徹見本來佛性若據西峰點檢將來猶是生死岸頭事若曰向上一路須知更在青山外若論此事正如逆水撐船上得一篙退去十篙上得十篙退去百篙愈撐愈退退之又退直饒退到大洋海底撥轉船頭決欲又要向彼中撐上若具遮般操志卽是到家消息如人上山各自努力

若論此事如萬丈深潭中投一塊石相似透頂透底

了無絲毫間隔誠能如是用工如是無間一七日中若無倒斷妙上座永墮阿鼻地獄

法門廣無邊叅禪第一義若真師子兒不入他羣隊直下便翻身異獸皆迴避毘盧頂上行生死海中戲佛祖不知名衆魔爭敢迴避奇哉此妙門寂寞無人思若有發初心須具大根器內外絕諸緣屏心立堅志譬如人架屋先須實基址基實屋無傾志堅道成易提箇趙州無截斷有無意豎起鐵脊梁急著眼睛覷密密與綿綿絲毫無間棄譬如人倒懸念念更無異日夜苦思量一心求脫離不分東與西寢食都忘記

高峯語錄 示禪人

蓋

又如初生兒呼喚渾不視用工到那時如人鑽火燧漸見黑黃烟知火必在此切莫顧危亡更須加猛利直待火星飛通身是焰熾余雖不會禪也會恁麼試只在剎那間可立而待至頂門眼豁開裂破娘生鼻海竭須彌崩虛空撲落地十方賢聖師盡是眼中刺微笑與拈花可煞不知愧更有葛藤根一千七百事嗚呼後代人盡食他殘體若更問如何拳頭劈口捶十二時中四威儀內寶劍全提如臨大陣纔有絲毫念起當急剉之一斷永斷莫令再續若能如是用工管取干戈永息天下太平有志之士思之遵之夜後

參前遞相警勵

此事的要尅日成功如善射者仰箭射空復以後箭射前箭筈筈承箭箭箭中筈首尾相資上下貫串住於空中經久不墮蓋是精進之功決非神力所致凡學般若菩薩亦復如是汝等應當精進如彼射空正恁麼時莫有善射底麼以拂作彎弓勢云看箭參禪一著莫遲疑念念如同救火時烈焰旦天渾不顧翻身直造萬重圍一朝火滅烟消後鼻孔依前向下垂

如人負重過急流溪行至中間忽遇黑風暴雨其水

高峰語錄

三

愈急其水愈深退亦不能進亦不能擬議之間喪身失命正恁麼時合作麼生參

若論參禪之要不可執蒲團爲工夫墮於昏沉散亂中落在輕安寂靜裏總皆不覺不知非惟虛喪光陰難消施主供養一朝眼光落地之時畢竟將何所靠山僧昔年在衆除二時粥飯不會上蒲團只是從朝至暮東行西行步步不離心心無間如是經及三載曾無一念懈怠心一日驀然踏著自家底元來寸步不曾移

若謂著實參禪決須具足三要第一要有大信根明

高峰大師語錄

知此事如靠一座須彌山第二要有大憤志如遇殺父冤讐直欲便與一刀兩段第三要有大疑情如暗地做了一件極事正在欲露未露之時十二時中果能具此三要管取尅日成功不怕甕中走鼃苟闕其一譬如折足之鼎終成廢器然雖如是落在西峰坑子裏也不得不救咄

若論此事無尊無卑無老無少無男無女無利無鈍故我世尊於正覺山前臘月八夜見明星悟道乃言奇哉衆生具有如來智慧德相又云心佛及衆生是三無差別又云是法平等無有高下既無差別亦無

高峰語錄

三

高下從上佛祖古今知識乃至天下老和尚有契有證有遲有速有難有易畢竟如何譬如諸人在此各各有箇家業驀然一日回光返照思憶還原或有經年而到者或有經月而到者或有經日而到者或有頃刻而到者又有至死而不到者蓋離家有遠近之殊故到有遲速難易之別然雖如是中間有箇漢子無家業可歸無禪道可學無生死可脫無涅槃可證終日騰騰任運任運騰騰若他點檢得出釋迦彌勒與你提瓶挈鉢亦不爲分外苟或不然亦拂子擊禪牀兩下喝兩喝云若到諸方忌錯舉

此事譬如人家屋簷頭一堆榼榼相似從朝至暮雨打風吹直是無人覩著殊不知有一所無盡寶藏蘊在其中若也拾得百劫千生取之無盡用之無竭須知此藏不從外來皆從你諸人一箇信字上發生若信得及決不相誤若信不及縱經塵劫亦無是處普請諸人便怎麼信去免教做箇貧窮乞兒且道此藏卽今在甚處良久云不入虎穴爭得虎子萬法歸一一何歸只貴惺惺著意疑疑到情忘心絕處金烏夜半徹天飛若窮此事用工極緊正如空裏栽花月中撈月直是

高峰語錄

天

無你下手處無你用心處往往纔遇遮境界現前十箇有五雙打退鼓殊不知正是到家底消息若是孟八郎漢便就下手不得處用心不及時猶如關羽百萬軍中不顧得喪直取顏良誠有如是操畧如是猛利管取彈指收功利那成聖若不然者饒你參到彌勒下生也只是箇張上座有時熱闌闌有時冷冰冰有時如牽驢入井有時如順水張帆因此四魔更相殘害致使學人忘家失業西峰今日畧施一計要與諸人掃蹤滅跡良久云捷若論此事如登萬仞之山一步一步將攔至頂惟有

數步壁絕攀躋到遮裏須是箇純鋼打就底捨命拚身左捱右捱捱來捱去以上爲期縱經千生萬劫萬難千魔此心此志愈堅愈強若是根本不實泛泛之徒何止望崖管取聞風而退矣

示直翁居士終日共談不二未嘗舉著一字復問此意如何不免遞相鈍置父母非我親誰是最親者盲龜跛鼈靈利漢向遮裏薦得便見無邊刹境自他不隔於毫端十世古今始終不離於當念其或未然不妨撇轉機輪便就盲龜跛鼈上著些精彩起箇疑情疑來疑去直教內外打成一片終日無絲毫滲漏鯁

高峰語錄

天

鯁千懷如中毒藥相似又若金剛圈栗棘蓬決定要吞決定要透但盡平生伎倆憤將去自然有箇悟處假使今生吞透不下眼光落地之時縱在諸惡趣中不驚不怖無拘無絆設遇閻家老子諸大鬼王亦皆拱手何故蓋爲有此般若不思議之威力也然則有諸現業畢竟般若力勝如箇金剛幢子鑽之不入撼之不動世人出於豪勢門牆亦復如是一切官屬吏卒無不畏之又若擲物墮地重處先著目卽雖有成住壞空之相如龍脫殼如客旅居其實本主無生無滅無去無來無增無減無老無少自無始以來至於

今生頭出頭沒千變萬化未嘗移易絲毫許堪嗟一等學人往往多認遮箇識神不求正悟不脫生死置之莫論今生既下此般若種子纔出頭來管取福慧兩全超今越古裴相國李駙馬韓文公白樂天蘇東坡張無盡卽此之類也雖沉迷欲境亦不會用工纔叅見善知識一言之下頓悟上乘超越生死雖在塵中游戲三昧不忘佛囑外護吾門咸載祖燈續佛慧命此等若不是宿世栽培焉得便恁麼開花結子福足慧足是則固是今日山僧却有箇般凡成聖底藥頭不假栽培底種子說則辭繁畧舉一偈欲明種子

高峰語錄 示人

四

因熟讀上大人若到可知禮盲龜跛鼈親示淨修侍者予假此來二十四年常在病中求醫服藥歷盡萬般艱苦爭知病在膏肓無藥可療後至雙徑夢中服斷橋和尚所授之丹至第六日不期觸發卽山老和尚所中之毒直得冤飛膽喪絕後再甦當時便覺四大輕安如放下百二十斤一條擔子相似今將此丹授之於汝汝欲服之先將六情六識四大五蘊山河大地萬象森羅總鎔作一箇疑團頭在目不前不假一鎗一旗靜悄悄地便似箇清平世界如是行也只是箇疑團坐也只是箇疑團著衣吃飯也只是箇疑團

高峯大師語錄

是箇疑團屙屎放尿也只是箇疑團以至見聞覺知總只是箇疑團疑來疑去疑至省力處便是得力處不疑自疑不舉自舉從朝至暮粘頭綴尾打成一片無絲毫縫罅撼亦不動趨亦不去昭昭靈靈常現在前如順水流舟全不犯手只此便是得力底時節也更須慙其止念慎無二心展轉磨光展轉淘汰窮玄盡興至極至微向一毫頭上安身孤孤迥迥卓卓巍巍不動不搖無來無去一念不生前後際斷從茲塵勞頭息昏散勤除行亦不知行坐亦不知坐寒亦不知寒熱亦不知熱吃茶不知茶吃飯不知飯終日說

高峰語錄 示人

四

恁恁地恰似箇泥塑木雕底故謂牆壁無殊纔有遮境界現前卽是到家之消息也決定去他不遠也巴得構也撮得著也只待時刻而已又却不得見恁麼說起一念精進心求之又却不得將心待之又却不得要一念縱之又却不得要一念棄之直須堅凝正念以悟爲則當此之際有八萬四千魔軍在汝六根門頭伺候所有一切奇異殊勝善惡應驗之事隨汝心設隨汝心生隨汝心求隨汝心現凡有所欲無不遂之汝若瞥起毫釐差別心擬生纖塵妄想念卽便墮他圈網卽便被作主卽便聽他指揮便乃日說

魔話心行魔行反誹他非自譽真道般若正因從茲永泯菩提種子不復生芽劫劫生生常爲伴侶當知此諸魔境皆從自心所起自心所生心若不起爭如之何天台云汝之伎倆有盡我之不永無窮誠哉是言也但只要一切處放教冷水冰地去平安安地去純清絕點去一念萬年去如箇守屍鬼子守來守去疑團子欬然爆地一聲管取驚天動地勉之勉之示信翁居士大抵參禪不分緇素但只要一箇決定信字若能直下信得及把得定作得主不被五欲所撼如箇鐵橛子相似管取尅日成功不怕甕中走鼃

高峰語錄 示人 望

豈不見華嚴會上善財童子歷一百一十城叅五十三善知識獲無上果亦不出遮一箇信字法華會上八歲龍女直往南方無垢世界獻珠成佛亦不出遮一箇信字涅槃會上廣額屠兒颺下屠刀唱言我是千佛一數亦不出遮一箇信字昔有阿那律陀因被佛訶七日不睡失去雙目大千世界如觀掌果亦不出遮一箇信字復有一少比丘戲一老比丘與證果位遂以皮毬打頭四下卽獲四果亦不出遮一箇信字楊岐叅慈明和尚令充監寺以至十載打失鼻孔道播天下亦不出遮一箇信字從上若佛若祖超登

彼岸轉大法輪接物利生莫不皆由此一箇信字中流出故云信是道元功德母信是無上佛菩提信能永斷煩惱本信能速證解脫門昔有善星比丘侍佛二十年不離左右蓋謂無此一箇信字不成聖道生陷泥犁今日信翁居士雖處富貴之中能具如是決定之信昨於壬午歲登山求見不納而回又於次年冬拉直翁居士同訪始得入門今又越一載齋糧裹糒特來相從乞受毘尼願爲弟子故以連日詰其端由的有篤信趣道之志維摩經云高原陸地不生蓮華卑濕淤泥乃生此華正謂此也山僧由是憚之將

高峰語錄 示人 望

箇省力易修會驗底話頭兩手分付萬法歸一一歸何處決能便恁麼信去便恁麼疑去須知疑以信爲體悟以疑爲用信有十分疑有十分疑得十分悟得十分譬如水漲船高泥多佛大西天此土古今知識發揚此段光明莫不只是一箇決疑而已千疑萬疑只是一疑決此疑者更無餘疑既無餘疑卽與釋迦彌勒淨名龐老不增不減無二無別同一眼見同一耳聞同一受用同一出沒天堂地獄任意逍遙虎穴魔宮縱橫無礙騰騰任運任運騰騰故涅槃經云生滅滅已寂滅爲樂須知此樂非妄念遷注情識之樂

乃是眞淨無爲之樂耳夫子云夕死可矣顏回不改其樂曾點舞詠而歸咸佩此無生眞空之樂也苟或不疑不信饒你坐到彌勒下生也只做得箇依草附木之精靈竟不散底死漢教中言二乘小果雖入八萬劫大定不信此事去聖逾遙常被佛訶直欲發大信起大疑疑來疑去一念萬年萬年一念的的要見遮一著子下落如與人結了生死冤讐相似心憤憤地卽欲便與一刀兩段縱於造次顛沛之際皆是猛利著鞭之時節若到不疑自疑寤寐無失有眼如盲有耳如聾不墮見聞窠臼猶是能所未忘偷心未息

高峰語錄 示人

星

切宜精進中倍加精進直教行不知行坐不知坐東西不辨南北不分不見有一法可當情如箇無孔鐵鎚相似能疑所疑內心外境雙亡雙泯無無亦無到遮裏舉足下足處切忌踏翻大海踢倒須彌折旋俯仰時照顧觸瞎達磨眼睛磕破釋迦鼻孔其或未然更與添箇注脚僧問趙州萬法歸一一歸何處州云我在青州作一領布衫重七斤師云大小趙州拖泥帶水非特不能爲遮僧斬斷疑情亦乃賺天下衲僧死在葛藤窠裏西峰則不然今日忽有人問萬法歸一一歸何處只向他道狗舐熱油鑪信翁信翁若向

遮裏擔荷得去只遮一箇信字也是眼中著屑示理通上人大抵學人打頭不遇本分作家十年二十年遮邊那邊或叅或學或傳或記殘羹餽飯惡知惡覺尖尖滿滿築一肚皮正如箇臭糟瓶相似若遇箇有鼻孔底聞著未免惡心嘔吐到遮裏設要知非悔過別立生涯直須盡底傾出三四回洗七番八番泡去教乾乾淨淨無一點氣息般若靈丹方堪趣向若是忽忽草草打屏不乾縱盛上品醍醐亦未免變作一瓶惡水且道利害在甚麼處咄毒氣深入答直翁居士書來書置問皆是辨論學人用工上疑

高峰語錄 示人

星

惑處當爲決之俾晚學初機趣向無滯問平常心是道無心是道此平常心無心之語成却多少人誤却多少人往往不知泥中有刺笑裏有刀者何啻有掉棒打月接竹點天古人答一言半句如揮吹毛利刃直欲便要斷人命根若是箇皮下有血底直下承當更無擬議若撞著箇不知痛痒底縱饒觸摸偏地也乾沒星子事又如石中藏玉識者知有連城之璧不識者只作一塊頑石視之大抵要見古人立地處不可向語句上著到且道既不在語句上畢竟在甚麼處著到若向遮裏薦得便知此事不假修治如身

使臂如臂使拳極是現成極是省力但信得及便是何待瞠目豎目做模打樣看箇一字儻或不然古云莫道無心云是道無心猶隔一重關何止一重更須知有百千萬重在苟不發憤志精進下一段死工夫豈於木石之有異乎凡做工夫到極則處必須自然入於無心三昧却與前之無心天地相達達磨云心如墻壁夫子三月忘味顏回終日如愚賈島取捨推敲此等即是無心之類也到遮裏能舉所舉能疑所疑雙忘雙泯無無亦無香嚴聞聲靈雲見色玄沙墜指長慶捲簾莫不皆由此無心而悟也到遮裏設有

高峯語錄 示人 哭

毫釐待悟心生纖塵精進念起即是偷心未息能所未忘此之一病悉是障道之端也若要契悟真空親到古人地位必須真正至於無心三昧始得然此無心汝譬頗明吾復以偈證之不得遮箇爭得那箇既得那箇忘却遮箇然雖如是更須知道遮箇那箇總是假箇的的真底響咄陽焰空華

通仰山雪巖和尚疑嗣書昔年敗闕親曾剖露師前今日重疑不免從頭拈出某十五歲出家十六爲僧十八習天台教二十更衣入淨慈立三年死限學禪遂請益斷橋和尚令參生從何來死從何去於是意

分兩路心不歸一又不曾得斷橋和尚說做工夫處分曉看看擔閣一年有餘每日只如箇迷路人相似那時因被三年限逼正在煩惱中忽見台州淨兄說雪巖和尚常問你做工夫何不去一轉於是欣然懷香詣北礪塔頭請益方問訊揮香被一頓痛拳打出卽關却門一路垂淚回至僧堂次日粥罷復上始得親近卽問已前做處某一一供吐當下便蒙勦除日前所積之病却令看箇無字從頭開發做工夫一遍如暗得燈如懸得救自此方解用工處又令日日上來一轉要見用工次第如人行路日日要見工程不

高峯語錄 示人 哭

可今日也恁麼明日也恁麼每日纔見入來便問今日工夫如何因見說得有緒後竟不問做處一入門便問阿誰與你拖遮死屍來聲未絕便以痛拳打出每日但只恁麼問恁麼打正被逼拶有些涯際值老和尚赴南明請臨行囑云我去入院了却令人來取你後竟絕消息卽與常州澤兄結伴同往至俗親處整頓行裝不期俗親念某等年幼又不曾涉途行李度牒總被收却時二月初諸方掛塔皆不可討不免挑包上徑山二月半歸堂忽于次月十六夜夢中忽憶斷橋和尚室中所舉萬法歸一一歸何處話自此

疑情頓發打成一片直得東西不辨寢食俱忘至第六日辰巳間在廊下行見衆僧堂內出不覺輓於隊中至三塔閣上諷經擡頭忽視五祖演和尚眞贊末後兩句云百年三萬六千朝返覆元來是遮漢日前被老和尚所問拖死屍句子豁然打破直得覓飛騰喪絕後再題何啻如放下百二十斤擔子乃是辛酉三月廿二少林忌日也其年恰廿四歲滿三年限便欲逃南明求決那堪適夏諸鄉人亦不容直至解夏方到南明納一場敗闕室中雖則累蒙煨煉明得公案亦不受人瞞及乎開口心下又覺得渾了於日用

高峰語錄 示禪人 哭

中尚不得自由如欠人債相似正欲在彼終身侍奉不料同行澤兄有他山之行遽違座下至乙丑年老和尚在道場作掛牌時又得依附隨侍赴天寧中間因被詰問日間浩浩時還作得主麼答云作得主又問睡夢中作得主麼答云作得主又問正睡著時無夢無想無見無聞主在甚麼處到遮裏直得無言可對無理可伸和尚却囑云從今日去也不要你學佛學法也不要你窮古窮今但只饑來吃飯困來打眠纔眠覺來却抖擻精神我遮一覺主人公畢竟在甚處安身立命雖信得及遵守此語奈資質遲鈍轉見

難明遂有龍鬚之行卽自誓云拚一生做個癡漢定要見遮一著子明白經及五年一日寓菴宿睡覺正疑此事忽同宿道友推枕子墮地作聲驀然打破疑團如在網羅中跳出追憶日前所疑佛祖誦訛公案古今差別因緣恰如泗州見大聖遠客還故鄉元來只是舊時人不改舊時行履處自此安邦定國天下太平一念無爲十方坐斷如上所供並是詣實伏望尊慈特垂詳覽

高峰語錄 示禪人 哭

人當遵佛行因甚不守毘尼△杲日當空無所不照因甚被片雲遮却△人人有箇影子寸步不離因甚踏不著△盡大地是箇火坑得何三昧不被燒却普說尋常教人做工夫看箇萬法歸一一歸何處公案看時須是發大疑情世間一切萬法總歸一法畢竟歸在何處同行住坐臥處著衣吃飯處屙屎放尿處抖擻精神急下手脚但恁麼疑畢竟一歸何處決定要討箇分曉不可捉在無事界裏不可胡思亂想須要綿綿密密打成一片直教如大病一般吃飯不知飯味吃茶不知茶味如癡如呆東西不辨南北不

分工夫做到遮裏管取心華發明悟徹本來面目生死路頭不言可知須要世間情念放教輕微道念自然濃厚古人云生處要熟熟處要生閑時不要看經消遣工夫不得成一片只要起身行道急著精神討箇一歸何處著落自然不用看經公案便是一卷不斷頭經晝夜常轉何須又要頭上安頭若作恁麼工夫天龍自然護持何須祈禱但要絕世緣省言語古人道二十年不開口說話向後佛也奈何你不得生死事大無常迅速如人上山各自努力勉之偈曰
紅塵堆裏學山居 寂滅身心道有餘

高峰語錄 示禪人

至

但得胸中憎愛盡 不叅禪亦是工夫

△拈古

世尊纔生下乃一手指天一手指地周行七步目顧四方云天上天下惟吾獨尊雲門云我當時若見一棒打殺與狗子吃貴圖天下太平

師云世尊大似靈龜曳尾自取喪身之兆雲門雖則全提正令也是爲他閑事長無明當時但於地上劃一圓相就圓相中書箇一字復展兩手示之管取水消瓦解

世尊一日陞坐默然而坐阿難白槌云請世尊說法世尊云會中有二比丘犯律行我故不說法阿難以

高峰語錄 拈古

至

他心通觀二比丘遂乃遣出世尊還復默然阿難又白適來爲二比丘犯律是二比丘已遣出世尊何不說法世尊云吾誓不爲二乘聲聞人說法便下座

師云世尊能挽千鈞之弩銀山鐵壁箭箭皆通阿難雖有隱身之術殊不覺觸體後中箭還有賺得過底麼

世尊有異學問諸法是常耶世尊不對又問諸法是无常耶亦不對異學曰世尊具一切智何不對我世尊云汝之所問皆爲戲論

師云異學有言若啞世尊無語如雷遮裏見

得分明正是增益戲論何故諦聽諦聽

世尊因自念日文殊三處過夏迦葉欲白槌擯出纔拈槌乃見百千萬億文殊迦葉盡其神力槌不能舉世尊遂問迦葉汝擬擯那箇文殊迦葉無對

師云文殊知底迦葉不知迦葉知底文殊不知彼彼不知且置百千萬億文殊那箇是真底

世尊昔在靈山會上拈花示衆是時衆皆默然惟迦葉尊者破顏微笑世尊云吾有正法眼藏涅槃妙心實相無相微妙法門不立文字教外別傳付囑摩訶

高峰語錄 拈古

至

迦葉

師云世尊扶頭迦葉扶尾直至如今擡舉不起莫有共著力者麼以兩手作扶勢云也只兀底

世尊於涅槃會上以手摩胸告衆云汝等善觀吾紫磨金色之身瞻仰取足勿令後悔若謂吾滅度非吾弟子若謂吾不滅度亦非吾弟子時百萬億衆悉皆契悟

師云黃面瞿曇四十九年顛之倒之橫說豎說貴圖末後慙慙殊不知賺他百萬億衆生

令墮在鐵圍山下無由解脫

馬大師因僧問離四句絕百非請師直指西來意師云我今日勞倦不能爲你說問取智藏去僧乃問藏藏云何不問和尚曰和尚教來問藏云我今日頭痛不能爲你說去問取海兄僧遂問海海云我到遮裏却不會僧回舉似師師云藏頭白海頭黑

師云馬師父子一門非特佛口蛇心亦善六韜三畧遮僧若無諸葛孔明之作管取喪身失命

僧問馬祖如何是佛祖云卽心是佛

高峰語錄 拈古

至

師云衆中商量皆謂心本是佛佛外無心故云卽心是佛苦哉苦哉若作遮般見解明後日吃鐵棒有分在旣然如是合作麼生石壓筍斜出崖懸花倒生

百丈和尚凡叅次有一老人常隨衆聽法一日衆退惟老人不退丈問汝何人也老人云諸某甲非人也於過去迦葉佛時曾住此山因學人問大修行人還落因果也無對云不落因果五百生墮野狐身今請和尚代一轉語貴脫野狐身遂問大修行人還落因果也無丈云不昧因果老人於言下大悟作禮

云某甲已脫野狐身住在山後政告和尚乞依亡僧事例丈令維那白槌告衆食後送亡僧大衆言議一衆皆安涅槃堂又無病人何故如是食後丈自領衆至山後巖下以杖挑出一死野狐乃依法火葬

師云大衆前云不落後云不昧還有得失也無若無因甚有墮有脫若有試舉出來分明道看有麼有麼總是一隊野狐精莫怪山僧壓良爲賤

忠國師因西天大耳三藏到京云得他心通肅宗帝命國師試驗三藏纔見忠乃禮拜立于右忠問汝得

高峯語錄 枯古

蓋

他心通耶藏曰不敢忠云汝道老僧卽今在甚處藏曰和尚是一國之師何得去西川看競渡船忠良久再問汝道老僧卽今在甚處藏曰和尚是一國之師何得向天津橋上看弄猢猻忠第三問藏良久罔知去處忠叱云遮野狐精他心通在甚麼處三藏無對

師云大小國師平生伎倆總被遮胡僧勘破雖然賴遇聖君證明

南泉住菴時一僧到泉乃云某甲上山作務請齋時作飯自吃了却送一分來其僧齋辦自吃了却將家事一時打破仍就床臥泉伺久不來遂歸見僧臥泉

亦去一邊臥僧便起去泉住後云我往前往菴時有箇靈利道者來直至如今不見

師云南泉雖則步步踏實未免隨人起倒遮僧縱解飽食高眠決定不知飯是米做高峯怎麼告報設有一字妄虛永墮拔舌地獄

趙州因僧遊臺山凡問一婆云臺山路向甚處去婆云驀直去僧纔行三五步婆云好箇師僧又與麼去後有舉似趙州云待我去勘過遮婆子明日便去亦如是問婆亦如是對州歸謂衆曰臺山婆子我爲勘破了也

高峯語錄 枯古

蓋

師云遮箇公案若據諸方判斷趙州勘破婆子若據高峯點檢將來正是婆子勘破趙州畢竟以何爲驗以手拍云驀直去

僧問趙州狗子還有佛性也無州云無

師云大小趙州拈出一粒巴豆子攪惱納僧腸肚設有吞吐得者亦不免喪身失命何故急急如律令

僧問趙州萬法歸一一歸何處州云我在青州作一領布衫重七斤

師云趙州一段綿密工夫風吹不入雨打不

濕惜乎不解相體裁衣翻成鈍置高峰則不然忽有人問萬法歸一一歸何處只向他道我二十年前曾向遮裏打失一隻眼睛至今指鹿爲馬大衆且道與古人相去多少甘贄行者聞接待凡有問行者接待不易者云譬如餒馬瑯琊云快把飯來五祖和尚云願行者長似今日

師云瑯琊和尚美則美矣只是做造憒忙不堪供養五祖和尚不鑑來風一鑊淡齋羹可惜着了許多鹽醋譬如餒馬只向他道

高峰語錄 古

美

殘羹餽飯不勞拈出大衆且道與古人是同是別定當得出日消萬兩黃金不然吃水也須防噎陸亘大夫問南泉弟子家中有片石亦曾坐亦曾臥如今欲鐫作佛得麼泉云得得大夫云莫不得麼泉云不得不得

師云南泉恁麼祇對正所謂聖人無常心以百姓心爲心也

大夫嘗問南泉曰弟子家中於一瓶內養得一鵝兒今年長大欲出此鵝且不得打破瓶亦不得損却鵝

禾審和尚有何方便泉召云大夫大夫應諾泉云出也

師云南泉潦倒手眼不親縱饒出得也是死貨高峰只向他道大夫還曾示人麼纔擬祇對便與亂棒打出非特爲遮漢脫却鶻臭布衫要使天下衲僧箇箇解粘去縛慶快平生本平問洛浦一漚未發時如何浦云移舟諳水脉舉棹別波瀾平不契又問盤龍龍云移舟不別水舉棹卽迷源平於此有悟後雲峰悅和尚云若於洛浦言下悟去猶較些子後來不合向盤龍死水裏浸殺

高峰語錄 古

美

師云若不是悅公泊合被他瞞却然雖如是且道盤龍請訛在甚處移舟不別水舉棹卽迷源

石鞏和尚凡見僧以弓架箭示之一日三平至鞏云看箭三平乃撥開胸云此是殺人箭活人箭又作麼生鞏乃扣弓絃三下平便作禮鞏云三十年架一張弓兩隻箭只射得半箇聖人遂拘折弓箭

師云石鞏張弓傍若無人三平承箭弄巧成拙然雖如是半箇聖人又作麼生落花片片隨流水流水無心戀落花

雪峰在德山作飯頭一日飯遲方晒飯巾次乃見德山自托鉢至法堂前峰遂問遮老漢鐘未鳴鼓未響托鉢向甚處去山便回方丈峰舉似巖頭頭云大小德山不會末後句山聞令侍者喚巖頭去問汝不肯老僧那巖遂密啓其意山乃休去至明日陞堂果與尋常不同巖至僧堂前撫掌大笑云且喜得老漢會末後句他後天下人不奈伊何雖然如是也只得三年

師云佛祖機緣古今公案其中誦訛無出於此或謂巖頭智過於師故有密啓其意殊不

高峯語錄 卷五

知犯彌天之咎萬劫遭殃且道利害在甚麼處撫掌大笑云侍者分明記取三十年有有人證明

雪峰示衆云南山有一條鼈鼻蛇汝等諸人切須好看時長慶出云今日堂中大人喪身失命雲門以拄杖攔向峰前作怕勢後僧舉似玄沙沙云須是棧兄始得然雖如是我則不然僧云和尚作麼生沙云用南山作麼

師云雪峰和尚雖慣作竊爭奈諸子不善參隨未免一場敗露至今千載之下惡聲猶在

僧問夾山如何是夾山境山云猿抱子歸青嶂裏鳥銜花落碧巖前後法眼道老僧二十年只作境話會師云大眾還會麼直饒向遮裏會得見法眼則易見夾山則難

僧問授子如何是十身調御子下繩床立又有問凡聖相去多少子亦下繩床立

師云一轉語天懸地殊一轉語言端語的具眼底試辨看

聲明三藏善別音聲劉大王請玄沙驗之沙乃將銅火筋敲鐵火爐問云是甚麼聲藏云銅鐵聲沙云大

高峯語錄 卷五

王莫受外國人瞞

師云大小玄沙能所未忘當時賴遇是劉大王若撞著箇本分衲僧管取一場漏逗

玄沙坐次見面前地上一點白指問侍者云見麼者云見如是二問如是二對沙云你也見我也見因甚麼道不會

師云大眾見即見會即會無復疑矣且道遮一點白決定是箇甚麼

仙天和尙因一僧參擬作禮次天云野狐兒見甚麼了便禮拜僧云老禿奴見甚麼了即便與麼問天云

苦哉苦哉仙天今日忘前失後僧云要且得時終不補失天云爭不如此僧云誰甘天呵呵笑云遠之遠矣僧以目四顧便出

師云一問一答有賓有主盡謂二俱作家若據高峰點檢將來遮僧猶自可仙天笑殺人和安通禪師因仰山作沙彌時常喚寂子與我拈床子來仰持至通云送舊處著復問寂子床那邊是甚麼曰無物遮邊聲曰無物通又召寂子子應諾通云去

師云潦倒和安用心不臧仰山命蹇爲魁所

高峰語錄 拈古

空

著山僧恁麼道也是逆風秉炬

僧問佛曰弼禪師如何是毘盧印弼云草屨踏雪僧云學人不會弼云步步成跡

師云佛日和尚雖則不負來機高提祖印殊不知古篆難明致令遮僧遇如不遇若是高峰則不然忽有人問如何是毘盧印但言文不加點又云學人不會但云要會作麼且道與佛日是同是別

僧問高安澄禪師舊歲已去新歲到來還有不受歲者麼澄云作麼生僧云恁麼則不受歲也澄云城上

已吹新歲角窓前猶點舊年燈僧云如何是舊年燈澄云臘月三十日

師云大小高安被遮僧隨後一逐如鼠入牛角相似直至如今轉身不得莫有救得底麼且待來年

雪竇和尚示衆云客從遠方來遺我徑寸璧中有四箇字字字無人識佛鑑師翁拈云客從遠方來遺我徑寸璧中有四箇字字字不必重拈出

師云一大老一人說易一人說難未免見有偏枯高峰則不然客從遠方來遺我徑寸璧

高峰語錄 拈古

空

中有四箇字字字無平仄

△頌古

世尊在靈山會上拈一枝花，
大衆時百萬人天惟迦葉破顏微笑。
世尊云：吾有正法眼藏，涅槃妙心，實相無相，微妙法門，付囑摩訶迦葉。

靈山拈出一枝花，百萬都來是作家。惟有飲光猶未瞥，那堪眼裏又添沙。

世尊昔因文殊至諸佛集處，值諸佛各還本處。惟有一女人近彼佛坐，入於三昧。文殊乃白佛云：何此人得近佛坐，而我不得佛告文

高峯語錄 頌古

空

殊汝但覺此女，令從三昧起。汝自問之：文殊，遠女人三匝，鳴指一下，乃托至梵天，盡其神力，而不能出世尊云：假使百千文殊，亦出此女人定，不得下方過四十二恒河沙國土。有罔明菩薩能出此女人定，須臾罔明大士從地湧出，作禮世尊，勅罔明出。罔明却至女子前，鳴指一下，女子於是從定而出。

兩兩成群，罪莫窮。謾將鼠伎逞英雄。當時若作今時世，縱使瞿曇也不中。

達磨大師一日命門人曰：時將至矣，汝等盍

各言所得。時有道副對曰：如我所見，不執文字，不離文字，而爲道用。祖曰：汝得吾皮，又尼總持曰：我今所解，如慶喜見阿闍佛國，一見更不再見。祖曰：汝得吾肉。又道育曰：四大本空，五蘊非有，而我見處無一法可當情。祖曰：汝得吾骨。最後慧可大師出禮拜，依位而立。祖曰：汝得吾髓，乃傳衣付偈。

死欵都來一口供，情窮理極卒難容。若將皮髓論高下，爭見花開五葉紅。

高峯語錄 頌古

空

人得僧云：和尚還得麼？祖云：我不得。僧云：爲甚麼不得？祖云：我不會佛法。

祖師不會禪，夫子不識字。棒打石人頭，曝曝論實事。僧問馬大師：離四句絕百非，請師直指西來意。師云：我今日勞倦，不能爲汝說去。問取智藏僧，問藏藏云：我今日頭疼，不能爲你說去。問取海兄僧，問海海云：我到遮裏，却不會僧回舉。似師師云：藏頭白，海頭黑。

攢花簇錦絕纖塵，一度拈來一度新。啼得血流無用處，不如絨口過殘春。

馬大師云卽心是佛又云非心非佛

殺人猶可恕再犯豈能容貶向無生國千聖不知蹤
藥山久不陞堂院主白云大衆久思和尚示
誨山示打鐘著時衆方集藥山便下座歸方
丈院王復白云和尚許爲衆說法因甚一言
不施山云經有經師論有論師爭怪得老僧
眉毛罽裏積山嶽鼻孔中藏師子兒南北東西無限
意此心能有幾人知

潞山云老僧百年後向山下作一頭水牯牛
左肋書五字云潞山僧某甲此時若喚作潞

高峰語錄 頌古

六

山僧又是水牯牛喚作水牯牛又云潞山僧
某甲且道喚作甚麼

綠樹陰濃夏日長樓臺倒影入池塘水晶簾動微風
起滿架薔薇一院香

甘贄行者因巖頭在家過夏一日把針次甘
贄前立頭乃以針作劖勢甘遂歸著衣擬出
禮謝妻乃問翁作甚麼甘云不得說妻云有
甚事也要大家知甘舉前話妻云從此二十
年後須知一度吃水一度噎殺人女子聞乃
云還知盡大地人性命被廢上座針頭上劖

將去也無

幸然無事鼓風濤激起洪波萬丈高直得渾家都浸
殺至今平地浪滔滔

趙州勘婆子

自小丹青畫不成年來始覺藝方精等閑擲筆成龍
去換却時人眼裏睛

趙州三佛

泥佛不度水毘風風忽起大地黑漫漫衲僧爭敢視
金佛不度爐鐵裝夜明珠一槌俱粉碎清光何處無
木佛不度火掣開金殿鎖內外絕遮欄時人猶懨懨

高峰語錄 頌古

奎

趙州無字

趙州狗子佛性無十分春色播江湖幾多摘葉尋枝
底空使洛陽花滿途

趙州一日在佛殿上見文遠侍者禮佛以拄

杖打遠一下遠云禮佛也是好事州云好事

不如無

禮佛修行不較多何須特地起干戈直饒打得回頭
後免子何曾離得窠

萬法歸一一歸何處

四面洪波萬丈深上天無路地無門箇中有理應難

訴不是愁人也斷寬

嚴陽尊者問趙州一物不將來時如何州云
放下著陽云一物不將來放下箇甚麼州云
看你放不下陽當下大悟

吞而復吐冷烟浮月落寒山猶未休重把絲綸輕一
掣豈知元只在釣頭

尼問趙州密密意州以腕上搯一搯尼云和
尚猶有遮箇在州云你猶有遮箇在

猛虎深藏淺草窠幾回明月入烟蘿頂門縱有金剛
眼未免當頭蹉過他

高峯語錄 頌古

突

臨濟示衆云赤肉團上有一無位真人常在
面門出入

颯颯秋風滿院凉芬芳籬菊半經霜可憐不遇攀花
手狼籍枝頭多少香

僧問興化四方八面來時如何化云打中間
底僧便禮拜化云我昨日赴箇村齋中途遇
卒風暴雨却向古廟裏彈得過

饑火炎炎燒斷腸親逢王僊不能嘗可憐併逐溪流
去百億滄溟透底香

肅宗皇帝問忠國師云百年後所須何物忠

云與老僧造箇無縫塔帝云就師請塔樣忠
良久云會麼帝云不會忠云吾有付法弟子
耽源却諳此事請問之後詔問源源乃有頌
云湘之南潭之北中有黃金充一國無影樹
下合同船琉璃殿上無知識

國師塔樣最尖新覲面拈來不露文却被耽源添一
線至今描邈亂紛紛
陸巨大夫問南泉弟子家中有一片石也曾
坐也曾臥擬鐫作佛得麼泉云得得巨云莫
不得麼泉云不得不得

高峯語錄 頌古

奎

楊柳溪邊垂綠線黃鶯枝上聲聲囀幾多貪翫不知
春空使落花千萬片

靈雲見桃花悟道

三十年來在夢中生涯喪盡絕行蹤自慚一見桃花
後依舊漫天鼓黑風

玄沙云諦當甚諦當敢保老兄未徹在

落花臺上重鋪錦瑪瑙堦前布赤沙情義盡從貧處
斷世人偏向有錢家

夾和尚示衆云我二十年住此山未嘗舉
著宗門中事一日有僧問承和尚有言二十

年住此山未曾舉著宗門中事是否山云是
僧便掀倒禪牀山休去至明日普請掘一坑
令侍者請昨日問話僧來山云老僧二十年
來只說無義語今請上座打殺老僧埋向坑
中便請便請上座若不打殺老僧上座自著
打殺埋此坑中始得其僧歸堂裝束潛去
紅輪杲杲正當空昨日今朝事不同盡謂古今都坐
斷誰知賊過後張弓

百丈云汝等爲我開田吾爲汝說大義僧開
田了曰云開田已竟請和尚說大義百丈行

高峰語錄 頌古

突

數步而立展開兩手

滯貨多年要脫身巧粧綺語說諸人及乎拈出當場
賣索價遼天誰敢親

雲門垂語云乾坤之內宇宙之間中有一寶
秘在形山拈燈籠向佛殿裏將三門來燈籠
上

弓絃走馬驀相逢覲面全提未見功拈出輪王三寸
鐵直教血濺梵天紅

僧問慈明如何是古佛家風明云銀蟾初出
海何處不分明

銀蟾出海照無私處處分明是阿誰見面不須重問
訊從教日炙與風吹

僧問慈明如何是不動尊明云提不起

不動尊提不起茫茫宇宙誰能委秋江清夜月澄輝
鷺鷥飛入蘆花裏

李駙馬問慈明我聞西河有金毛獅子是不

明云駙馬甚處得遮消息李喝一喝明云野
犴鳴李又喝明云獅子吼

逆風吹又順風吹鐵眼銅睛爭敢窺萬古碧潭空界
月再三撈捩始應知

高峰語錄 頌古

突

黃龍三關

佛手驢脚與生緣鬼面人頭有許般雲散碧天孤月
朗澄潭徹底影團團

五祖演和尚一日持錫遶廊云莫有屬牛人

問麼衆皆無語自云孫臏今日開鋪更無
一人垂顧可憐三尺龍鬚喚作尋常破布

無端平地起干戈爭似屬牛人更多滿面慚惶無著
處低頭依舊入烟蘿

五祖演和尚謝監收上堂人之性命第一須
是○欲得成此○先須防於○若是真○人

○○

一二三四五六圈心肝粉碎髑髏穿若將方木投圓
寂醜姦爭教得少年

高峰語錄 頌古

七

補遺

若要真正決志明心先將平日胸中所受一切善惡
之物盡底屏去毫末不存終朝兀兀如癡與昔嬰孩
無異然後乃可蒲團靜坐正念堅凝精窮向上之玄
機研味西來之密旨切切拳拳兢兢業業直教絲毫
無間動靜無虧漸至深密幽遠微細極微細處
譬如有人遠行他方漸漸回途已至家舍又如鼠入
牛角看看走至尖尖盡底又如捉賊討賊拷至情理
俱盡不動不退無去無來一念不生前後際斷卓卓
巍巍孤孤迥迥如坐萬仞崖頭又若停百尺竿上一

念纔乖喪身失命將至功成九仞切須保任全提忽
於經行坐臥處不覺因地一聲猶如死在漫天荆棘
林中討得一條出身活路相似豈不快哉若是汨沒
塵勞不求昇進譬如水上之浮木其性實下暫得身
輕不堪浸潤又如庭中之花雖則色香俱美一朝色
萎香滅無復可愛又如農夫之種田雖有其苗而功
力不至終不成實便如貧窮乞兒得少爲足久久萌
芽再發荆棘復生彼物之所轉終歸沉溺無上清淨
涅槃無由獲覩豈不枉費前功虛消信施若是有志
丈夫正好向這裏晦迹韜光潛行密用或三十年二

高峰語錄 補遺

七

十年以至一生終無他念路得實實落落穩穩當當
直教纖塵不立寸草不生往來無礙去住自由報緣
遷謝之日管取推門落臼若則恁麼紙裘茅纏龍頭
蛇尾非特使門風有玷亦乃退後學初心如上所述
管見莫不皆是藜藿之類飽人不堪供養以俟絕陳
之流終有一指之味往往學道之士忘却出家本志
一向隨邪逐惡不求正悟妄將佛祖機緣古人公案
從頭穿鑿遞相傳授密密珍藏以爲極則便乃不守
毘尼撥無因果人我愈見崢嶸三毒倍加熾盛如斯
之輩不免墮於魔外永作他家眷屬若有未遭邪謬

不負初心當念無常迅速痛思苦海沉淪趁二時粥飯見成百般受用便當便好乘時直入莫待臨嫁醫癭此乃從上佛祖之心印無礙解脫之妙門設使機緣不偶工力未充切須捨命忘形勤行苦行至死拚生一心不退復有葛藤未盡不免重說偈言此心清淨本無瑕只爲貪求被物遮突出眼睛全體露山河大地是空花

參禪若要尅日成功如墮千尺井底相似從朝至暮從暮至朝千思想萬思想單單則是箇求出之心究竟決無二念誠能如是施功或三日或五日或七日

高峰語錄 補遺

圭

若不徹去西峰今日犯大妄語永墮拔舌犁耕若論此事如登一座高山相似三面平夷頃刻可上極是省力極是利便若曰回光返照點檢將來耳朵依前兩片皮牙齒依舊一具骨有甚交涉有甚用處若是拏雲攫霧底漢子決定不墮這野狐窟中埋沒自己靈光辜負出家本志直向那一面懸崖峭壁無棲泊處立超佛越祖心辦久久無變志不問上與不上得與不得今日也拚命跳明日也拚命跳跳來跳去跳到人法俱忘心識路絕驀然踏翻大地撞破虛空元來山卽自己自己卽山山與自己猶是冤家若

要究竟衲僧向上已昇直須和座颺在他方世界始得

若論此事的用功正如獄中當死罪人忽遇獄子醉酒睡著敲枷打鎖連夜奔逃於路雖多毒龍猛虎一往直前了無所畏何故則爲一箇切字用功之際果能有此切心管取百發百中卽今莫有中底麼以拂子擊禪床一下云毫釐有差天地懸隔

若論尅期取證如人擔雪填井不憚寒暑不分晝夜橫也擔豎也擔是也擔非也擔擔來擔去縱使經年越歲以至萬劫千生於其中間信得及踏得穩把得

高峰語錄 補遺

圭

定作得主會無一念厭離心會無一念懈怠心會無一念狐疑心會無一心求滿心果能有怎麼時節果能具怎麼氣槩到這裏管取人法雙忘心識俱泯形如槁木朽株志若嬰兒赤子驀然擔子卒地斷曝地折永嘉道大千沙界海中漚一切聖賢如電拂好與三十痛棒

若論此事不假長劫熏修積功累德亦不問賢愚利鈍久習初機只貴孟八郎漢不顧危亡得喪發大憤志起大疑情如善財童子參勝熱婆羅門大火聚中投身而入正怎麼時人法俱忘心機泯絕左之右之

堅著噓著不是洞山麻三斤定是雲門乾屎橛若還
毚毚毚毚毚毚莫道親見高峰直饒向老胡肚
皮裏打一遭依前乾沒一星事

高峰語錄補遺

圭

△偈頌

頌趙州無字示陳太尉

澄潭千載毒龍蟠倒嶽傾湫誰解看直下一刀成兩
段虛空粉碎觸體乾

示如法禪人

識得根源認得伊全身猶墮在塵囿縱然和座都掀
倒尚有烟霞遠翠微
直造懸崖上上關白雲影裏轉身難箇中若使能通
變奪食驅耕總是閒
如如不動法中王舉足無非是道場不到水窮雲盡

處爭知覲面是檀郎

示如夢禪人行脚

閑處休居靜莫住轉入轉深轉幽固縱至深深盡底
時更須知有那一步昔日曹溪親到來今時往往多
差互若非喪盡目前機倒嶽傾湫無覓處

山中四威儀供佛鑑師翁韻

山中行步高身儘輕擬飛去惟恐世人驚
山中住黯淡雲無數誓相期共守無生路
山中坐靜看空花墮問何爲待結團樂果
山中臥月落猿啼過正堪眠石定從教破

高峰語錄例頌

圭

雲庵

或淡或濃拖雨去半舒半捲逆風來爲憐途路無棲
泊却把柴扉永夜開

示徒

學道如初莫變心千魔萬難愈惺惺直須敲出虚空
髓拔却金剛腦後釘
學道之心似鏡明纖塵纔染便忘形廓然照出娘生
面一簇青烟鎖翠屏
學道如撐逆水舟篙篙着力莫隨流忽然失脚翻身
去踏斷寒江月一鉤

又示徒

工夫果的有真疑動靜寒暄總不知枕子驚然開口笑鉢盂踈跳上須彌

示淳謙首座持鉢

千家萬家總是維摩丈室十斛百斛無非達磨眼睛若向遮裏會得何勞向外經營其或未然咄酒肆淫坊休放過龍宮虎穴要親臨

示徒二戒

開口動舌無益於人戒之莫言
舉心動念無益於人戒之莫起

高峰語錄 側頌

美

舉足動步無益於人戒之莫行

辭世

來不入死關去不出死關鐵蛇鑽入海撞倒須彌山

△小佛事

若瓊上座火

舉炬云向遮裏薦得拈一莖草卽是瓊樓玉殿不然瓊樓玉殿卽是一莖草擲下火云剔起眉毛火裏看

志足淨人火

生不足死有餘灰飛烟滅露全軀便怎麼有何拘六月炎炎火一爐

志藏淨人煨骨

一大藏教全體是火若有嶺南靈骨便好赤身擔荷雖然更入紅爐重煨過

高峰語錄 小佛事

美

二正上座煨骨

一人齒不壞

正上座兩不成雙一不成隻牙齒分明是具骨萬煨爐中色正輝泥牛觸碎蒼龍窟

志光居士火

吳士

以火打團相云姑蘇水天目山總是維摩不二關烈燄光中回首處依稀髣髴似人間

廣捨上座煨骨

取不得捨不得正恁麼時如何委悉咄剔起眉毛火裏看分明一具黃金骨

明山都管火

以火打圓相云遮裏見得便見山卽山水卽水大洋
海底火星飛天目峰頭波浪起不然擲下火云家家
門前火把子

志明道人火

只遮一著子今古無傳授惟有明道人始終能保守
守鐵牛火裏翻筋斗

得意化主入塔

得意忘言逆行順化常在途中不離家舍彈指一下
塔戶開了也遍界觸體無處藏遮裏全身俱放下

法雲上座火

高峰語錄

小佛事

无

汝名瞿曇佛名法雲分明舉似疑則別叅擲火云大
洋海裏火燒龕

△讚佛祖

觀音大士

大海波心磐陀石上眞觀淨觀是相非相如月在天
無水不現水月俱捐如何瞻仰咄切忌妄想

達磨祖師

開旗展陣入梁邦未視天顏早已降縱有神通難轉
欸翩翩一葦渡長江

三空請讚

未離西乾惡聲已布而壁九年一場敗露嘆不知賺
却多少兒孫直至如今釘椿橋櫓

高峰語錄

讚佛祖

无

△自讚

師子院明初院主請

鼻無兩竅眼露雙睛十分無面目一味得人憎將正
續三世之業等閒籍沒向白雲千峰之上特地掀騰
坐斷死關幸自惡聲難掩那更被伊描邈轉見可憐
生呵呵呵三十年後寧無人路見不平

大覺禪師祖雍長老請

中大仰毒奮師子威平生負重病舉世無良醫向蓮
峰插一莖草爲少室發千鈞機舌頭無骨額下生眉
喚作開山卽錯不喚作開山猶非從教後代亂針錐

西隱接待師立山主請

地名西馬勝

烏豆眼睛生鐵面具向孤峰頂上將無米飯塞斷天下衲子咽喉固是家常因其更教人參箇一歸何處

雙髻禪菴請

恣無明逞人我誹釋迦罵達磨雖是赤心返成話墮六年坐鋪賣不行至今被人喚作滯貨

禪人請讚

遮箇村僧只好聞名尾巴纔露天下人憎

不識巖頭密啓處剛言悟得仰山禪遮場敗露難遮

高峰語錄

今

益甫與兒孫萬世傳

△行狀

師姓徐諱原妙蘇之吳江人受業秀之密印雪巖欽禪師的嗣生宋戊戌三月二十三日申時受具癸丑寶祐□□行脚辛酉得悟丙寅隱龍巖苦行九載甲戌遷雙髻大元已卯上西峰辛巳入張公洞而死關不越戶十五年學徒叅請無虛日僧俗授戒幾數萬人開山師子大覺元貞乙未臘月朔焚香說偈告衆坐亡春秋五十八臘四十三度徒弟幾百人以是月二十一日庚申全龕塔于死關之內從治命也

行狀

孝小師明初嗣法比丘祖雍 識

師諱原妙號高峰吳江人俗姓徐母周氏夢僧乘舟投宿而孕宋嘉熙戊戌三月二十三日申時生纔離襁褓喜跌坐遇僧入門輒愛戀欲從之游十五歲懇請父母出家投嘉禾密印寺法住爲師十六薙髮十七受具十八習天台教二十更衣入淨慈立三年死限學禪一日父兄尋訪巍然不顧二十二請益斷橋偷令衆生從何來死從何去話於是脇不至席口體俱忘或如廁惟中單而出或發函忘扇鐺而去時同

高峰語錄

全

衆僧顯慨然曰吾已事弗克辦曷若輔之有成朝夕設侍惟謹時雪巖欽寓北欄塔欣然懷香往扣之方問訊卽打出閉却門一再往始得親近令看無字白此叅扣無虛日欽忽問阿誰與你拖箇死屍來聲未絕卽打如是者不知其幾師扣愈虔值欽赴處之南明師卽上雙徑叅堂半月偶夢中忽憶斷橋室中所舉萬法歸一一歸何處話疑情頓發三晝夜目不交睫一日少林忌隨衆詣三塔諷經次擡頭忽覩五祖演和尚真蹟云百年三萬六千朝返覆元來是遮漢驀然打破拖死屍之疑其年二十四矣解夏詣南明

欽一見便問阿誰與你拖箇死屍到遮裏師便喝欽拈棒師把住云今日打某甲不得欽曰爲甚麼打不得師拂袖便出翌日欽問萬法歸一一歸何處師云狗舐熟油鐺欽曰你那裏學遮虎頭來師云正要和尚疑著欽休去自是機鋒不讓次年江心度夏迤運由國清過雪竇見西江謀希叟雲寓旦過雲問曰那裏來師拋下蒲團雲曰狗子佛性你作麼生會師云拋出大家看雲自送歸堂暨欽挂牌于道場開法于天寧師皆隨侍服勞屢將有所委任辭色毅然終不可強一日欽問日間浩浩時還作得主麼師云作得

高峰語錄 行狀

全

主又問睡夢中作得主麼師云作得主又問正睡著時無夢無想無見無聞主在甚麼處師無語欽囑曰從今日去也不要汝學佛學法也不要汝窮古窮今但只飢來吃飯困來打眠纔眠覺來却抖擻精神我遮一覺主人公畢竟在甚麼處安身立命丙寅冬遂奮志入臨安龍鬚自誓曰拚一生做箇癡漢決要遮一著子明白越五載因同宿友推枕墮地作聲廓然大徹自謂如泗州見大聖遠客還故鄉元來只是舊時人不改舊時行履處在龍鬚九年縛柴爲龕風穿日炙冬夏一衲不扇不爐日搗松和糜延息而已

嘗積雪沒龕旬餘路梗絕烟火咸謂死矣及霽可入師正宴坐那伽甲戌遷武康雙髻峰蓋和菴主攀緣又上一稜層之意也及至學徒雲集然菴小難容乃拔其尤者居之丙子春學徒避兵四去師獨掩關危坐自若及按堵啓戶視師則又疇昔雪中之那伽也於是戶履彌夥應接不暇乃有柳棟橫肩不顧人直入千峰萬峰去之語已卯春腰包宵遁直造天目西峰之肩有獅子巖拔地千仞崖石林立師樂之有終焉之意弟子法昇等追尋繼至爲葺茅蓋頭未幾募贖之蟻復集師乃造巖西石洞營小室如舟從以丈

高峰語錄 行狀

全

衡半之榜以死關上灑下淖風雨飄搖絕給侍屏服用不澡身不雜髮截甕爲鐺併日一食晏如也洞非梯莫登徹梯斷緣雖弟子罕得瞻視乃有三關語以驗學者云大徹底人本脫生死因其命根不斷佛祖公案卽是一箇道理因甚有明與不明大修行人當遵佛行因甚不守毘尼儻下語不契遂閉門弗接自非具大根負大志鮮不望崖而退雪巖方往大仰凡三喚師堅臥不起遂有竹篋塵拂及綠水青山同一受記語來授師懷中瓣香始於人天前拈出道風所屈日益遠遂有他方異域越重海踰萬山而來者矣

鶴沙瞿提舉敬有年辛卯春得登山一瞻師顏恍如宿契惠然施巨莊瞻海眾師曰多易必多難吾力弗克勝堅拒之施心彌篤乃命僧議以此田歲入別於西峰建一禪刹請於官而後營之師欲不從不可得也爰得勝地名蓮華峰岡脉形勢天造地設得請以大覺禪寺為額請祖雍權管寺事田四稔所營亦既什三師有厭世之心矣師患胃疾已數年然起居飲食待人接物皆未嘗廢乙未十一月二十六日祖雍偕明初來省師師竟以未後事付囑遂取兩真軸口占二讚乃書之十二月初一日黎明辭眾云西峰

高峰語錄

金

三十年妄談般若罪犯彌天末後有一句不敢累及平人自領去也大衆還有知落處者麼良久云毫釐有差天地懸隔眾皆哀慟不已至辰已間說偈曰來不入死關去不出死關鐵蛇鑽入海撞倒須彌山泊然而寂啓龕七日端然如生緇素奔哭者填咽越二十一日庚申塔全身于死關遵遺命也壽五十八臘四十三弟子僅百人受毘尼及請益者數萬人示寂後遠邇之人恨不得承顏領誨於塔前慟哭然頂鍊臂者猶憧憧不絕師平日以慈悲為人自任其在龍鬚也有僧若瓊焚祠牒從師忽染病師告之曰病

高峯大師語錄

中絕緣正好做工夫汝臭皮袋皆委之於我但和病捱去決不相賺且往供給而啓發之因其思醋為遠乞以歸得酒焉復易之往返四十里以濟其一啜病亟索浴俯見湯影即有省喜笑如脫沉痾信宿書曰三十六年顛倒今日一場好笑娘生鼻孔豁開放出無毛鐵鵝師問如何是娘生鼻孔瓊豎起筆師曰又喚甚麼作無毛鐵鵝瓊擲筆而逝或有問予所紀詳一而遺眾何也喬祖曰彼亡而晦恐逸故書師自雙峰而至死關風勵學者入室不以時每見一期將終上堂誨示誨諄甚至繼以悲泣平居誨人世出世法

高峰語錄

金

皆懇懇切至軟語咄咄和易如坐春風中使人醉心悅服咸自謂得師意及至室中握三尺黑蛇鞭笞四崖龍象則絲毫無少容借來者如登萬仞山而躋冰崖雪磴進無所依退無所據莫不凜然失其所執設有不顧性命強爭鋒者師必據其案欵盡底搜詰破石驗璞刮骨見髓勸其深淺真偽定其是非與奪卸僧伽絮痛決烏藤以明正其賞罰嘗語學者曰今人負一知半解所以不能了徹此事者病在甚處只為坐在不疑之地自謂千七百則公案不消一喝坐却曲床床子及乎被叅徒下一喝則不能辭其邪正往

止一句來一句去如小兒相撲伎倆相角蓋是從前得處莽鹵故也直須參到大徹之地親見親證明得差別智方能勘辨得人方能殺活得人此是吃折脚鎗中飯底工夫做到未易以口舌爭勝負也假如兩人從門外來未見其面同時下一喝且道那一箇有眼那一箇無眼那一箇深那一箇淺還辨得出麼師之機用不可湊泊下語少所許可其門戶險絕如此復念今時學者不能以戒自律縱有妙語亦難取信於人乃有毘尼方便之設焉師寓南竺日嘗誤踏一筍取而食之其後賣衣告償拚新孽果見蟲復全而

高峯語錄 行狀 全

置之濾水囊終身不廢師之細行涅南山之竹莫能殫姑舉是數端以識其梗槩使後之欲見師而不可得者覽斯文亦足以景仰遺風於萬一云耳良渚信士全從進得師所剪髮盛以香奩朝夕供禮一日光明通室視奩中舍利纍纍如貫珠師隱山前後三十年爲已爲人惟其一出於真實故天下之人若僧若俗若智若愚上而公卿士夫下及走卒兒童識與不識知與不知皆合手加額曰高峯古佛天下大善知識也喬祖自師至西峰卽往叅觀歲或十餘往往必留旬浹承教詔警策者至矣示本分鉗鎚外時以孔

孟老莊微言要旨立難問而啓迪之益見師隨機設化之方也師未嘗握管今語錄中有一二偈讚十數頌古皆雙峰時所作爲弟子竊記者乃若示徒之語一句一字皆前所謂踐履真實中流出假言以顯道而已師貌清古體修偉常俛首而坐非問道不答聞說人過則首愈低久病癰其坡翁省夫禪師病有云瑟瑟寒松露骨耽耽老虎垂頭殆爲師傳神也十數年間兩處成道場而未嘗過目少干懷焉喬祖從師游最久交諸耆舊最多故知師之出處言行最詳師之徒弟明初以掇集之事見囑不敢以才謏辭敬焚

高峯語錄 行狀 全

香淲慮拜手以述將求銘於大手筆云謹狀

△塔銘

前朝請大夫眉山家 之吳 撰

夫子之道不憤悱則不啓發瞿曇之道不勇猛則不精進道固未易知也古之釋子山棲林巢草衣木食死灰墻壁其身心而不悔者爲一大事耳後之真能爲大事者千萬人一人高峯是已師名原妙吳江徐氏子母夢癰僧而免幼嗜跌坐稍長從嘉禾密印寺老宿法住出家習天台教不契入淨慈立死限學禪脇不席食不味見斷橋倫令叅生從何來死從何去

見雪巖欽令叅狗子無佛性且問誰拖汝死屍來應聲卽棒嘗疑萬法歸一一歸何處見雙徑五祖真贊疑始泮從欽南明欽申前問師喝欽拈杖師把住云今日打某甲不得拂袖徑出翌日欽又問萬法歸一話師云狗舐熱油鑊自此當機不遜尋過雪竇見西江謀希叟墨復從欽雪道場欽時居立僧與偕起天寧欲浼以事掩耳不顧欽嘗問日間浩浩作得主麼師云作得主夢中何如云作得主正睡著時無夢想見聞主在甚處師無語欽囑云從今不責汝學佛學法只飢飯困眠纔覺抖擻精神看此際主人翁克

高峰語錄

卷一

何在師益警省咸淳丙寅冬入龍鬚山臥薪飯松風塵日搏誓欲一著于明白粵五載中夜摧枕墮地有聲廓然大悟會積雪路絕數日人謂師已矣雪霽宴坐如初甲戌遷武康雙髻峰德祐丙子春大兵至師絕食兼旬危坐不動事定尸屢紛至已卯春避入西天目之師子巖卽石洞營小室丈許榜曰死關悉屏給侍服用破甕爲鐺併日一食洞梯山以升弟子罕面其築師子院以居有三關語示衆云大徹底人本脫生死因甚命根不斷佛祖公案只是一箇道理因甚有明與不明大修行人當遵佛行因甚不守毘尼

高峰大師語錄

弗次卽拒戶不納會欽寄竹篋拂子法語辭香拈出道價日隆遠方異域問道踵接運副鶴沙瞿君靈發敬慕師一見機契卽捨田庄爲供師辭不受君捨心益堅俾其徒以田別建一刹食卜蓮華距巖可十里請於官扁大覺禪寺以祖維攝寺事乙未子月二十七日師忽書二真軸以後事囑明初祖羅臘剎上堂云西峰三十年妄談般若罪犯彌天末後一句不敢累及平人自領去也大衆還有知落處者麼良久云毫釐有差天地懸隔別書偈云來不入死關去不出死關鐵蛇鑽入海撞倒須彌山泊然而逝度中奉遺

高峰語錄

卷一

命全歸死關師嘉熙戊戌三月二十三日生壽五十八臘四十三弟子百人受戒請益者萬數遠近奔赴燃香臂頂慟哭填咽師清明枯淡篤志求道頓悟之後屏居窮山跬步不出內心無喘外息諸緣欣然自得爲人至慈勤懇誨人善語和易或繼以泣及至室中行祖令鞭策龍象盡情勘覈絲粟無貸嘗戒學者今人負一知半解不能了徹叅徒一詰茫然莫辨邪正句來句去如手搏兒蓋得處鹵莽故也直須大徹親見親証明得差別智方解勘辨殺活機用嶮峻不可湊泊如此尤矜細行崇戒律雖剎兩剎目未嘗觀

而行解真實名震江湖識與不識皆手額讚歎曰古
佛善知識也余弱冠從無準翁遊師準孫也創院立
莊兩屬以記心降久矣諸徒持事狀求銘烏得辭銘
曰

高峰屹立	祖孫一律	妙年求道
力久真積	空山夜澄	撲地枕聲
玄關劃開	宇宙斬新	萬法歸一
一歸何處	熱油一句	大地起舞
西峰死局	餘三十齡	雲包雪笠
朋來于門	一絲不掛	萬仞如壁

高峰語錄 卷一

七

近不可泊	遠不可仰	斷納子命
了佛祖心	手抉重雲	霽日千林
鐵蛇入海	虛空百碎	我作銘詩
無在不在		

高峰禪師語錄 終

浙江嘉興府楞嚴寺般若堂本年坊費重刻
高峰語錄共字三萬二千三百十九箇
該共銀一十八兩七錢三分
康熙丁未年十月 日

雪巖和尚語錄

宋
•
昭雪巖祖欽
如
等撰
編

雪巖和尚住潭州龍興寺語錄

嗣法門人 昭如 希陵 等編

師於寶祐元年八月初一日入院指三門盡大地是箇院子且道門從何入八字打開青天白日

佛殿碧玉盤中珠宛轉琉璃殿上月徘徊是什麼人境界其或未辨端由且看新長老拈起坐具大展三拜

法座百千佛祖向這裏厠潑天臭氣徧滿娑婆新龍興未免傾湘江之水洗教淨潔去也狼籍轉多拈香祝

支那
源述

雪巖語錄卷上

二

聖罷斂衣就坐問答不錄乃云少林一曲五傳至于六祖山深水寒發太古之清音調翻南嶽九世至于慈明唱高和峻奏絕聽之希聲所以佛法盛於江西湖南恢恢然浩浩然不可得而名焉豈料三百年後土曠人稀道隨時變黃鍾大呂寂而不作鄭音衛響亦乃不聞欽上座固無長處既在浙江那畔被一陣業風吹到潭州城裏只得改聲換調向十字街頭重翻此曲去也且道是何節拍擊拂子云萬年歡

復舉趙州和尚云金佛不度爐木佛不度火泥佛不度水真佛內裏坐師拈云揭是如來正體發明向上

雪巖和尚語錄

卷上

宗猷趙州固是好事只是不合強生節目新龍興見處又且不然金佛度爐木佛度火泥佛度水真佛咏切忌話墮忽有個漢出來道你怎麼說正是強生節目拍膝一下將謂無人證明

上堂一見便見一得永得展手云撒開兩手大家看畢竟明明是何物潭州內外有一十八座城門白日行人千千萬萬往往來來一任東西南北

上堂純清純點正是真常流注打破鏡來未免一場狼籍不若遇飯喫飯遇茶喫茶曉來獨立空庭外閑對寒梅幾樹花

支那
源述

雪巖語錄卷上

二

冬至上堂展虛空作紙束虛空作筆謾寫書雲二字不分悔吝吉凶然雖如是龍興却要分似諸人去也上一畫短下一畫長形名會未兆文彩已全彰

看經上堂水綠山青鵲噪鴉鳴滿耳滿目非色非聲既非聲色却作麼生安名大方廣佛華嚴經

上堂昨夜日從西沒舊年已去今朝日自東升新歲又來新歲既來有何奇特風前鐵樹花開別是一般春色

上堂謝首座維那人天眼目佛祖綱維千差萬別一以貫之如何見得克賓法戰不勝南泉斬却猫兒

上堂春日晴燒痕青布穀催耕處處鳴雖然底事最分明只是不得將眼看并耳聽何故纔有一絲頭便有一絲頭

解夏小叅無解無結猶是空中丁櫬有修有證何異捕風捉月所以龍興一夏百二十日只與現前清衆早眠晏起淡飯糲茶如三家村裏田舍翁挈挈波波只與麼過不敢將一絲毫叢林規矩束縛諸人是汝諸人便與麼撒手撒脚履踐得去十二時中不妨七穿八穴東倒西欄逆順卷舒縱橫自在擊拂子云白雲更在青山外

支那

雪巖語錄卷上

三

復舉爲山問仰山子一夏不上來仰云鋤得一片畚種得一蘿粟爲云子可謂不虛過仰云和尚如何爲云日中一食夜後一宿仰云和尚亦不虛過道了乃吐舌爲云寂子何得自傷已命師拈云爲山與仰山是則子傳父業足可觀光逗到下稍又却遞相矛盾可謂父不父子不子矣龍興今夏亦無所作亦不空過且道與古人是同是別并底蟾蜍吞却月住湘西道林禪寺語錄據室此是老圓悟斷佛祖命根去處今日不肯兒孫合作麼生乃抽手云有甚閑工夫

拈香祝

聖罷斂衣就坐云老屋半千間啓聖煨凡潑天爐鑊烏藤六七尺振乃佛乃祖墜地宗綱風高月冷海闊山遙逆順卷舒縱橫在我有時怎麼有時不怎麼家家門首透長安怎麼也得不怎麼也得處處綠楊堪繫馬只如高超物表不墮見知畢竟如何是六國晏清一句寺門高開洞庭野殿脚挿入赤沙湖

復舉保壽開堂三聖推出一僧壽便打三聖云與麼爲人非但瞎却這僧眼瞎却鎮州一城人眼去在壽便歸方丈師拈云一收一放有主有賓蓋是尋常茶

支那

雪巖語錄卷上

四

飯就中保壽三聖猶較一着且如何見得若無舉鼎拔山力千里烏騅不易騎

當晚小叅問答不錄師云濟北之道出乎平常語默動靜脫體全彰三玄三要松直棘曲四賓四主鳬短鶴長所以老圓悟於諸佛出身處道熏風自南來殿閣生微涼帶累妙喜打失眼睛鼻孔徧界難藏山蒼蒼水茫茫無朕迹絕承當竹籬茅舍江村外遠浦歸帆掛夕陽

復舉麻谷訪臨濟問大悲千手眼阿那個是正眼濟云大悲千手眼阿那個是正眼速道速道谷拽濟下

禪牀却坐濟起云不審谷擬議濟拽谷下禪牀却坐谷便出師拈云二大老恁麼激揚雖則百千手眼一時俱露又爭免得個二俱瞎漢且道還有檢點得出底麼

上堂因事并謝首座十五日以前雷聲甚大雨點全無十五日以後時清道泰家國晏然正當十五日恭惟宿來各各道體起居萬福畢竟如何堂中首座人天眼目

上堂三月安居剋期取證始自今日且道今日以何爲始下座與大眾普同作禮

支那撰述

雪巖語錄卷上

五

上堂栽田且博飯隨分煮藜藿一任少叢林佛法不怕爛更說甚麼喝下闌楊棒頭取辦又誰管你大乘井索小乘錢貫道林贏得日長無事倚闌干望見嶽麓山前文帝廟後有一對翹松雪鶴元是烏髯老鶴端午上堂天悠悠雲悠悠輓底浪花翻雪競龍舟當是時也可笑三閭楚大夫正在死水裏浸殺浸不殺千古萬古湘江闊

上堂乳燕飛華屋梅子正香熟連核和皮一咬百雜碎元來祖意教意雪瀑挂層崖月欬啼寒木往往有般不知好惡漢聞道林恁麼道將謂以境示人拍膝

一下云眼裏無筋一世貧

上堂佛佛授受祖祖相傳西天梵語此土唐言風蒲獵獵弄輕柔欲立蜻蜓不自由五月臨平山下路藕花無數滿汀洲且道是唐言是梵語逢人不得錯舉上堂吹毛劒嚙鐵機肘後符頂門眼潭州城裏起五千間寨屋道林寺裏借一百名夫你輩後生晚進茄子瓠子喫現成飯知什麼碗

冬至上堂謝橫舟相訪曉天月白古岸舟橫一陽來復吾道大亨直得千年晉栢樹與千年陶公井起來又手當胸互相慶賀道且喜寒水發燄枯榦花開堂

支那撰述

雪巖語錄卷上

六

前露柱也懷胎

臘八上堂黃面老子六載辛勤尋得鼻孔打失眼睛且道落在什麼處雪山午夜一天星

上堂舉僧問趙州和尚如何是祖師西來意州云庭前栢樹子師頌云撮土成金古趙州據人來問直相訓聲前有意今誰委門外一江春水流

佛涅槃上堂若謂釋迦老子古已入滅又道佛身充滿於法界而常處此菩提座若謂釋迦老子曾本不滅面前觸目無非山河大地草木叢林桃紅柳綠燕語鶯吟畢竟那個是釋迦老子驀召大眾回首乃云

將謂瞋睡

上堂海水不可斗量虛空不可尺度淨地不可撒沙爛泥不可著脚這四轉語轉轉有落處且道落在什麼處東京大相國寺裏有樹芭蕉風吹雨打一似破袈裟

解夏小叅九旬禁足東廊上西廊下灼然寸步不移休夏自恣據此堂坐此座不妨走盡天下恁麼見得猶是露布葛藤未具透關眼在且作麼生是透關眼莫有向天地未形以前生佛既興以後知得落處者麼若有道林三百六十骨節從頂至踵被伊一時覷

支那
撰述

雪巖語錄卷上

七

透其或未然後五日去到諸方且居門外

復舉百丈和尚每上堂常有一老人聽法一日眾散老人畱身不去百丈問立者何人老人曰某甲於過去迦葉佛時曾住此山因學人問大修行底人還落因果也無對云不落因果墮野狐身今請和尚代一轉語老人乃問大修行底人還落因果也無百丈云不昧因果老人於言下大悟遂脫野狐身化去師頌云鐵牛對對黃金角木馬雙雙白玉蹄明舉似君如未會江南三月鷓鴣啼

上堂打板坐禪禪無可坐聚頭喫飯飯無可喫只如

每日鉢裏盛口裏嚙眼裏見耳裏聞畢竟是個甚麼莫有向這裏分分曉曉道得一句子坐斷主人翁不落第二見者麼如無白日只陪人事過青春那得再來時

冬夜小叅羣陰剝盡一陽復來萬里清湘寒水發籛千年古栢枯榦花開所以道小人道消君子道長四絕堂前地平如掌就中一人半人向這裏不移寸步挨拶得入便見主賓互換是非杳忘蒲團獨坐乾坤大愛日新添一線長

復舉臺山路上有一婆子每遇僧問臺山路向什麼

支那
撰述

雪巖語錄卷上

八

處去婆云驀直去師云錯僧纔行婆云好個阿僧又與麼去師云錯後有人舉至趙州和尚云待我與你勘破師云錯州至彼亦如是問婆亦如是答州回舉似大眾臺山路上婆子爲汝勘破了也師云錯婆子心肝趙州五臟一捏捏破撒在諸人懷裏了也且道是有勘破無勘破錯會者多

上堂豆好合醬鹽好煮羹飯能療饑茶可止渴從上以來的的相承逗到理極情忘處無越乎此因甚楊岐老漢却道弄蹄驢子三隻脚開眼也著合眼也著歲夜小叅一言道盡萬法平沉一句全提千差合轍

卽心卽佛非佛非心麻三斤乾屎橛我且與麼是汝諸人畢竟作麼生領解若能向未開口以前退步就已一腳踏著元來臘月三十日便是歲除夜更無奇特玄妙者也之乎乾坤一統清如鏡那個男兒不丈夫

復舉僧問趙州和尚萬法歸一一歸何處州云我在青州做一領布衫重七斤師拈云大小趙州正是脚下紅線不斷等閑問着便見牽東補西若是道林則不然萬法歸一歸於何處劈脊便與三十雖則大煞傷慈要且一時慶快只今莫有與麼問底麼放過一

支那
換述

雪巖語錄卷上

九

著

處州南明佛日禪寺語錄

入院小叅拈拄杖云我爲法王於法自在卓一下云鞭起巖前石虎咬殺無毛大蟲直得威震乾坤聲號萬籟佛殿脊金鷄踣跳上天廚堂口木魚走入滄海正恁麼時在諸人分上如何說箇自在底道理又喚那個作法不惜覲面當頭出來對衆道看其或口似碌盤靠拄杖云放過一著

上堂石門巖嶮玉峽潺湲未到此間不妨疑著到則到矣平展一句又作麼生古路鐵蛇橫

上堂衆無多寡道絕方隅小中現大塵包太虛丁此末法荒涼之運南明只得扶起森羅萬象熾然常說抑下從上佛祖盡作叅徒叅則固是且道以誰爲師且請歸堂挂搭

浴佛上堂四月八生悉達九龍吐水浴金軀雲門一棒要打殺是大神呪是大明呪是無上呪汝等諸人還見黃面老子麼以拄杖一時打散

結夏以拂子打一圓相云以大圓覺爲我伽藍安居有學無學萬象森羅發明所得非得平等性智於九十日中禁盡一切衆生之足而無住相斷盡一切衆

支那
換述

雪巖語錄卷上

十

生之命而無殺相乃至藏天地於一塵融古今於一念然後一塵塵各有一天地一念念各有一古今非延非促無自無他擊拂子云清茶淡飯衲僧家

復舉臨濟問洛浦從上一人行棒一人行喝阿那個親浦云總不親濟云親處作麼生浦便喝濟便打師拈云二大老雖是啐啄同時要且未曾轉身句在忽有人問如何是轉身句顧侍者云牢記取

上堂刀不自割鏡不自照火不自熱風不自涼恁麼體理得去見聞知覺合作麼生聲香味觸復是阿誰南明今日已是惡口小家不懼諸方笑怪莫有檢點

得出者麼若有合喫三十拄杖苟或不然幸自無瘡勿傷之也

上堂天不能益地不能載卽之本無棄之則在無本不無在卽不在金剛與泥神指背一拶粉碎

上堂秋風蕭蕭夜雨飄飄孤峯絕頂轉見寂寥曠劫前頭時節看來不異今朝聞南明怎麼說話連道兩個不是却較些子若要向這裏承當打折你腰

八月一日上堂方便門解脫門毗盧寶閣門以拄杖一擊八字俱開然雖如是只許向這裏暫時止宿一息一食而已若欲直指大休大歇大安樂田地前頭

支那撰述

雪巖語錄卷上

十二

大有活路在

上堂下一卓二見三下三和盤掇轉地覆天翻如來禪祖師意則且置逐日上山下嶺喫飯着衣如壯士屈伸不借他力何不瞥地咄賺殺你

上堂舉靈雲見桃花公案師頌云兩岸天桃花欲然一絲風動釣魚船莫言世上無仙客須信壺中別有

天

上堂杜鵑啼血滿花枝底事匆匆苦勸歸歸到故鄉還似客村村綠暗與紅稀函蓋乾坤句隨波逐浪句截斷衆流句向這裏薦得一串穿却楊岐驢子三隻

脚

上堂落花三月雨殘夢五更鐘聲色俱銷盡玄關又一重却不得道更須直下盡底掀翻何故須彌山

上堂纔怎麼不怎麼有來由沒來由下里灘頭廖鬍子釣得一雙紅鱗錦尾放下却是條鰕因甚如此斷岸孤舟

上堂謝困道講師復巖藏主一心三觀一句三玄會無彼此休分教禪迴途復妙也枯木巖前差路窮困極流今海底紅塵亘天只如一大藏教是箇切脚畢竟切什麼字卓拄杖云十卜千千

支那撰述

雪巖語錄卷上

十三

上堂竟日窓開坐寂寥巖前笋稚欲齊腰幽禽忽起藤花落礪瀑吹聲度石橋於此見得南明三十年只作境會若是眼瞎耳聾百尺竿頭欠一步在

上堂聲色已盡有未盡者存焉見聞已脫有未脫者存焉直得如木頭照鏡頑石聽鐘猶有木頭頑石在是汝諸人曾到遮田地無曾有遮時節無若是今日叅禪明日辦道善財手裏一莖草

上堂就理則失事盡十方覓一絲毫不可得就事則失理窮三際積嶽堆山眼觀東西意在南北則且置你尋常喫飯喫粥却作麼生山粟雜梗

中夏上堂前四十五日知進不知退後四十五日知退不知進正當今日進退兩忘季夏極熱薰風自涼卓拄杖云時聞一陣藕花香

上堂聞名不如見面見面不如聞名三十年不識箇一字元來却是校丁忽有箇漢出來道是不是是箇蜻蜓也許你不枉到南明

台州仙居護聖禪寺語錄

三門跨通方閫域示竭世樞機以手加額云是阿誰拈帖握乾坤於掌內運日月於胸中雖用孫武商君不犯之令與結繩之化元同如何見得半幅全封

支那
機迷

雪巖語錄卷上

三

據室斷臂立雪負石踏碓取人心肝克由耐護聖遮裏使不得你露面作竊以手約云且退且退

拈香祝

聖罷提綱云皇圖更統佛運亦新四海八蠻咸傾化日窮巖絕壑共舞陽春豎起拂子云直得拂子頭上百億毫端示現百億國土莫不梯山入貢率土來賓擊拂子一下云同轉如來正法輪

復舉法燈和尚云本欲深藏巖竇隱遁過時奈緣先師有未了底公案出來爲他了却時有僧出問如何是先師未了底公案燈拈起拄杖云祖禪未了殃及

兒孫僧云過在甚麼處燈云過在我殃及你師拈云跨竈起家法燈是則好手其奈自身不了殃及祖翁若是新護聖欲了先師公案別有人在且道是阿誰乃噴嚏一下

上堂謝一清叟并藏主秉拂夜月透靈犀寒光吞老蚌如是轉法輪平沉乎萬象直得純清純點固是真常流注打破相呈又成什麼伎倆拍膝一下云山僧恁麼道也是無風起浪

冬夜小叅并謝梅磻首座冬至月頭賣被買牛冬至月尾賣牛買被全提古佛規猷突出衲僧巴鼻可中

支那
機迷

雪巖語錄卷上

占

一箇半箇不受人瞞纔聞舉著剔起眉毛嗔叫吼地笑道二祖甘不丈夫斷臂求心埋沒自己殊不知深雪堆中自有磻底寒梅一樹清香旖旎卓拄杖云嗅得著只遮是舉洞山道有一物黑似漆常在動用中動用中收不得師云可煞自由過在什麼處師云兩手分付泰首座道過在動用中師云相隨去也若是護聖門下則不然有一物明似日不在動用中動用中無不得且道還有過也無若有箇漢出來道無山僧未免也拈出一顆斷江柑子聊陳薄供卓拄杖一下云莫怪空疎伏惟珍重

湖州光孝禪寺語錄

佛殿釋迦已滅彌勒未生於此二千年內有法誰說
有令誰行雲門鼻直德山眼橫

據室你有一丈還你一丈你有一尺還你一尺若只
咬定不肯回頭白日青天霹靂

拈香祝

聖罷提綱云伏虎巖前駱駝橋畔有一句子去來不
以象動靜不以心直得囊藏大地該抹古今三世佛
望風斂影六代祖却步沉吟欽上座固是向文彩未
彰以前和聲嚼碎忍俊不禁且聽拂子點頭自許臨

支那

雪巖語錄卷上

五

風對月流出胸襟擊拂子云四海五湖歸至化更看
比屋是黃金

復舉興化和尚云三聖道逢人則不出出則便爲人
興化則不然逢人則出出則不爲人師拈云二大老
所謂一條拄杖兩人拜被天寧拘作兩橛了也以拄
杖倚左邊云且聽各自平分

當晚小叅佛法本無多子堂堂日用之間只因自信
不及却於易處艱難今夜不免作此方便爲諸人豁
開戶牖撥碎疑團擊拂子云星在秤兮不在盤

復舉雲門大師示衆云聞聲悟道見色明心觀世音

菩薩將錢來買胡餅放下手却是饅頭師拈云跛脚
師撫髀愛子動是倒腹傾腸只是做造忽忙帶些粘
牙綴齒欽上座則不然聞聲悟道見色明心卓拄杖
云家家觀世音

上堂謝都倉副寺侍者并秀才叢林雖未整肅更點
却要分明粒米須還粒飯八兩定要半斤折衝剖斗
移風易俗固是格外提持爲什麼却道將謂汝孤負
吾元來却是吾孤負汝逢人但恁麼舉

二月十五日上堂就謝月溪侍者硯溪上人束布毛
爲筆借月溪爲硯磨無煙墨向虛空中大寫如來入

支那

雪巖語錄卷上

六

般涅槃四字正恁麼時點畫既成畢竟如何定當卓
拄杖云將謂義之楷法元來張顛草書

聖節提綱萬化之源萬物之母德被河沙量包海宇
聖中之聖主中之主慶會一時壽崇千古以坤自貴
月朗太虛以乾爲子紅日卓午正恁麼時香藹金爐
簾垂玉殿如何是蕩蕩無爲之句卓拄杖云含弘光
大品物咸亨

復舉智度菩薩母容受一切法而無分別相師頌云
一切法離分別相依前諸相自如如春風影裏乾坤
大無限江山開盡圖

追巖上堂第一義諦廓然本無對面者山摧海枯長憶江南啼鵲鳩

上堂急着手脚寬着限期提起斷命刀子自然無事不辦運到用力不得處忽然退步踏着時如何討什麼碗

追巖上堂雷聲斷梅陰霧豁開突出先佛未形之相生住異滅難該洞庭山子青崔嵬

中夏上堂前四十五日過去已過去後四十五日未來猶未來卓拄杖云正當今日且道還有過去未來之相也無更有一絲毫不去不來之相也無若問這

支那
換述

雪巖語錄卷上

七

裏定當得下五更洗面黃昏打睡齋時有飯晨朝有粥朝朝相似暮暮一般其或未然報恩昨日預做中夏今朝擊鼓陞堂使府迎奉觀音菩薩在設廳供養啓建祈晴道場

上堂是亦刻非亦刻令下無私棒頭有眼因思黃蘗大師道汝等諸人與麼行脚何處有今日也是睦州擔板

上堂就謝天竺侍者肯頌石省清夢默翁西堂生公臺上橫說豎說直得空花亂墜頑石點頭要且不若淨名室內一默全收報恩怎麼說話敢道更經三生

六十劫也未夢見在何故紅蓼岸白蘋洲夕陽西去水東流

開爐上堂死柴頭上有無煙火水晶宮裏烈焰燒空舜若多神眉鬚自墮拈拄杖云拄杖子聞與麼道是信耶是不信耶卓拄杖云雙破

歲夜小參年來年去去來不動乾坤歲舊歲新新舊一般時節蒼苔下山風骨自露太湖水徹底無波冷冷落落哆哆和和門外雪消春水滑庭前玉立桂婆婆復舉北禪賢和尚烹露地白牛分歲公案師拈云活剝耕牛北禪是則好手其奈墮墮不牢被箇販私鹽

支那
換述

雪巖語錄卷上

八

漢子和賊捉敗天寧則不然今夜無可管顧諸人不免烹箇獨角泥牛吹無米飯唱無聲曲與諸人分歲忽有箇漢出來道有公人索和尚筋角便與和聲一棒何故有功者賞

袁州仰山禪寺語錄

山門我此潑天門戶大地一網俱收若是祥麟瑞鳳從教戴角擎頭然雖如是總過這邊著

佛殿東土小釋迦指佛云看來卽是你敢問夢升兜率天宮說離四句絕百非明什麼道理齊之以禮法座寶鏡高懸寶花散亂固是人人知有且道須彌

燈王畢竟說什麼法趨七路八

拈香祝

聖罷乃云日中一食夜後一息只得其體不得其用
鋤一片畚下一籬種只得其用不得其體假使掀翻
大地撥轉晨昏體用雙全人法雙泯在我臨濟門下
正是萬里望崖州大遠在如何見得皇風蕩蕩皇天
闊和煦發生晴晝長

復舉興化和尚云三聖道我逢人則不出出則便爲
人興化則不然我逢人則出出則不爲人師頌云弄
晴微雨濕春風柳自青青花自紅寄語遊人急回首

支那
概述

雪巖語錄卷上

尤

歌樓不在畫橋東

當晚小叅佛法徧在一切處豈關七閩二浙江東江
西無過只是一箇夜暗晝明春寒秋熱而已就中忽
有通方上士在背地裏拍手一下咳嗽一聲道長老
將謂你來自冷泉亭上必新言語必異見聞元來伎
倆也只怎麼拍頰一下云仰山罪過

復舉僧問先仰山法身還解說法也無山云我說不
得別有一人說得僧云說得底人在什麼處仰山推
出枕头瀉山聞得云寂子用劍刃上事師拈云法身
說法已於問處流通推出枕头也只是箇信受奉行

瀉山老漢用劍刃上事雖曰列段分科若是正文敢
道不知落處

佛涅槃上堂岸柳搖金溪桃吐玉波旬無端起舞阿
難平地悲哭因甚如此親見如來面目

上堂春日遲遲綠暗紅稀耐耐深山百舌也學江南
杜宇聲聲報道不如歸仰山怎麼說話畢竟是實家
語主家語逢人不得錯舉

乾會節提綱健行不息之謂乾萬法歸一之謂會會
萬法歸自己者其惟聖人乎運乾德以位天者其惟
至理乎理之至也本乎無作人之聖也體乎無爲堯

支那
概述

雪巖語錄卷上

辛

風蕩蕩兮舜日熙熙

上堂洗面摸著鼻孔不知打破漆桶圍裏蓬頭道者
全無供養之心爛却瓜秧瓠種若也一向怎麼未免
道絕人荒山僧只得與諸人隨分整頓卓拄杖云天
地玄黃

上堂只聞子聲不見子形忒煞分明只得其體不得
其用可煞現成汝等諸人聞山僧怎麼道劈面便掌
上堂舉僧問夾山如何是相似句山云荷葉團團團
似鏡菱角尖尖尖似錐僧云學人不曾山云風吹柳
絮毛毬走雨打梨花蛺蝶飛師拈云大小夾山雖然

不負來機被遮僧勘破仰山則不然如何是相似句
荷葉團團似鏡菱角尖尖似錐學人不會風吹
柳絮毛毳走雨打梨花蛺蝶飛終是別些子

上堂水不洗水金不博金青天白日自古自今山僧
到此直是插手不入汝等諸人還信自己是仰山麼
曹溪波浪如相似無限平人被陸沉

上堂舉臨濟大師道赤肉團上有一無位真人在汝
等諸人面門出入未證據者看有僧出問如何是無
位真人濟下禪林扭住云道道僧擬議濟托開云無
位真人是什麼乾屎橛師拈云臨濟大師如金翅擘

支那
撰述

雪巖語錄卷上

三

滄海直取龍吞遮僧見義勇爲已是當仁不讓只如
被臨濟大師扭住畢竟是有語無語見月休觀指歸
家罷問程

上堂舉僧問魯祖如何是雙林樹祖云有相身中無
相身僧云如何是無相身祖云金香爐下鐵崑崙師
拈云魯祖恁麼答話始終只是說道理山僧則不然
若有人問如何是雙林樹秋來葉落春到花開如何
是春到花開那邊一片雲今日定下雨

上堂事有萬殊法無異說寒但言寒熱但言熱忽若
堂中露柱與庫司燈籠互相得失所爭多少卓拄杖

一下云了

上堂千說萬說不如親見一面千討萬討不如只在
手頭寒風蕭蕭黃葉飄飄鶴眠松頂雲卧山腰幾番
今日又明朝

上堂道在日用日用不知饑只喫飯寒只添衣晴天
愛日挂枯藟點檢溪頭梅樹向陽偷放南枝

上堂寒風凜冽遙空下雪非特紅爐焰上莫覓縱由
逗入蘆花深處猶難辨別往往到這裏十箇有五雙
盡道明一色邊事殊不知正是空中花眼中屑正恁
麼時且道是天寒人寒下座巡堂喫茶

支那
撰述

雪巖語錄卷上

三

冬至小叅羣陰剝盡天依舊是天一陽復來地依舊
是地因什麼又却道石筍抽條冰河迸起冷灰豆爆
枯木花開苟能於此見得徹去許你曾西來意其或
未然世間相常住是法住法位

復舉金峯問僧甚處來僧云東國來峯云作麼生過
得金峯關僧云行止分明峯云試呈似金峯看僧展
兩手峯云金峯關從來無人過得僧云和尚過得麼
峯云波斯喫胡椒師拈云過關須是透關眼守關須
是把關人金峯不覺瞌睡致被遮僧衝突雖然蕩蕩
一條官驛路晨昏曾不禁人行

上堂松直棘曲鳬短鶴長日移山影轉風送野花香
無非發佛祖秘密寶藏於未彰聲色之先是汝諸人
作麼生承當切忌認奴作郎

上堂春雨溟濛春雲靉靆忽然果日當空天不能遮
地不能載正恁麼時如來禪且置祖師禪未在即甚
如此只許叅不許會

上堂解語非千舌能言不是聲碧班班碧剝當滴帝
都丁訛聞誤聽認鳥作馬則且置一真末具以前如
何辨明鼠咬鐵釘

上堂進則撞頭磕額退則墮坑落壘動則犯手傷鋒

支那
撰述

雪巖語錄卷上

三

佛法何曾見面咄莫道仰山今日無爲人方便

結夏上堂護生須是殺自傷已命殺盡始安居難逃
業鏡會得箇中意鐵船水上浮莫也是虛空釘橛鉢
盂安柄仰山今日不遵古規且要別行條令作麼生
一切尋常只據現定

上堂如猫捕鼠雙目瞪視而不瞬蹉過了也似鼠搬
薑咬著全無滋味好箇消息仰山一不怕諸方笑
怪更爲下箇注脚作麼生無風荷葉動決定有魚行
上堂處處現成頭頭成現譬如關頭水急茶磨不撥
終日自轉正恁麼時忽然歇水停輪且道是轉不轉

薰風自南來殿閣生微涼

入新僧堂上堂插一莖草建梵剎捏雙空手豎僧堂
古今相去知多少七尺單前自較量莫有道得底麼
如無拄杖子代爲諸人通箇消息卓拄杖云天地玄
黃宇宙洪荒

中秋上堂暈入靈犀胎含老蚌正好修行正好供養
有人於此拂袖便行脚根下已喫三十拄杖何以見
得禪歸海經歸藏

上堂秋風生夜涼壞壁吟寒蟬的的祖師意明明不
覆藏然雖如是若以色見我以音聲求我非但不能

支那
撰述

雪巖語錄卷上

三

見如來猶恐善因招惡果

上堂父母未生前畢竟是什麼當體沒蹤由求之卽
蹉過不蹉過南北東西豈非我

上堂秋氣淒清秋光淡蕩鷺鷥飛下遙天明月蘆花
一樣古今多少人踏這田地不著又有多少人出這
田地不得仰山今日破二裂三與諸人平展去也卓
拄杖云不值半文錢

上堂修造工夫已辦龍神土地亦安因甚求雲來往
尚如月曉星殘山僧以是不禁冷淡未免總萬象於
一堂同時挂搭與諸人朝暮同叅卓拄杖云更添一

單

開爐上堂不冷不熱爐轡半真半假金鑰鑄作瓶盤
釵釧却成品字柴頭且道與趙州無賓主話相去多
少疑則別參

上堂是法非思量分別之所到是義非見聞覺知之
所造三冬和氣煖烘烘半夜日頭紅杲杲搭著便回
點卽不到已是無端入荒草

上堂火炙胸前煖風吹背後寒西來的的意親切不
相干既是親切因甚不相干德山見龍潭

上堂粥鍋新砌從教翻鼎內波濤法鼓新鞞且聽震

支那
換述

雪巖語錄卷上

五

空中霹靂只如見聞未兆聲色未彰諸人在什麼處
與仰山相見擡手云三門對佛殿

上堂好雨知時節當春乃發生倒栽石上無根樹枝
葉通身一夜萌豎拂子云情塵未脫有眼如盲

上堂心是根法是塵兩種猶如鏡上痕鏡已破法不
存疎影橫斜水清淺暗香浮動月黃昏

上堂南薰入奏殿閣生涼西來祖意切忌商量何故
向下文長

上堂去者有鈎鈎你直饒向萬里無寸草處去依前
寸步不移住者有錐錐你雖曰不離當處常湛然已

雪巖和尚語錄

卷上

在三千里外只如不去不住如何相見西風一陣來
落葉兩三片

中秋上堂非圓不知圓非圓不知闕圓闕本相因本
無圓與闕既無圓闕是汝諸人向甚處見月豎拂子
云團團離海嶠漸漸出雲衢打圓相此夜一輪滿清
光何處無

佛生上堂一棒打不殺千古阿刺刺是阿誰兮名悉
達更問如何兮四月八

上堂禪禪碌碌道道本頭會得全無巴鼻不會却有
來由何似雲門六不收

支那
換述

雪巖語錄卷上

六

上堂久雨得晴天清地寧恰似迷雲忽散皎若心月
孤明空洞生死照了諸相是則慶快平生只是不得
在他光影裏轉失却眼睛何故無一絲毫不現成

上堂坐本無拘何必曰放動靜但見一如日用自然
虛曠鵲噪鴉鳴水綠山青騰騰任運不知名也是錯

認定盤星

上堂卓拄杖有權有實有照有用匆匆夏影將殘颯
颯涼颿又動四時代謝日月如流萬法乘除有無似
夢獨有老趙州太惺惺復懷懂却道蘿蔔三斤重
上堂連朝淹黑豆黑豆已萌芽滿地天風起吹開劫

外花涅槃經中有三段義且道與法華經羊車鹿車牛車是同是別珊瑚枝枝撐著月

上堂油油開口不在舌頭莫莫滋味看來太薄細思量休卜度令人常憶老龍牙手裏把柄木杓

上堂謝興化首座人從興化來接得劍州信說道凌霄峯頂碁盤元是錢王石硯二十年前一共看今日重逢有何照證展手云面目見在

元宵上堂雨中燈雲中月最分明太皎潔汝等諸人聞恁麼道將謂夢中說夢殊不知荆棘林中一片田園迴別且道與仰山相去多少異車同轍

支那
撰述

雪巖語錄卷上

三

上堂一塵入正受諸塵三昧起鉢裏飯桶裏水身空萬法空衆類悉皆同柳自綠花自紅衆中莫有胸藏日月袖裏乾坤底麼出來露箇消息如無各自嘴盧都

無準和尚忌拈香巴陵三轉語大仰一甌茶有恩成怨恨無事是讎家杜鵑啼血染山花

上堂晨朝喫粥齋時喫飯人人盡知有開單展鉢拈匙放筯一一不借他人手因甚佛法二字等閑問著便千生萬受卓拄杖云只爲分明極翻令所得遲上堂有句無句如藤倚樹白鷺下田千點雪樹倒藤

枯句歸何處黃鸝上樹一枝花三千里外賣却布單不遠而來因甚放下泥盤呵呵大笑毗婆尸佛早畱心直至如今不得妙

上堂道無真體亦離見聞法無定相全超聲色所以道名不得狀不得取不得捨不得只如黃蘗痛打六十拄杖雪峯輒出三箇木毬却是什麼道理卓拄杖云吾無隱乎爾

結夏上堂圓覺伽藍天是天地是地平等性智山是山水是水畢竟九十日內十二時中如何踐履青絹扇子足風涼

支那
撰述

雪巖語錄卷上

三

上堂露地白牛黑黑是處尋他不得山青水綠似有無眼見耳聞依稀彷彿全不顧時蹄角却在纔動著時蹤由已沒月下閑將短笛吹風前休把長繩勒阿呵呵也奇特如今趣亦不去自在東西南北冬夜小參陽升陰伏漢宮添一線之長日愛霜明魯史書五雲之瑞直得飛雪谷發寒水光燄集雲峯抽石筍枝條君子道長小人道消鵬搏海運也九萬里而扶遙

復舉僧問青原和尚如何是佛法大意原云廬陵米作麼價師頌云市行高下不須疑問著平人自得知

紅豆啄殘鸚鵡粒碧梧棲老鳳凰枝

上堂雲影重重山色濛濛天晴日出柳綠花紅雲門大師颺下乾屎橛直得清香遍地散爲萬物春風汝等諸人聞恁麼道莫有掩鼻不甘底乃擘開胸云山僧有幾莖蓋膽毛

上堂閏月月望月卽尋常雲埋卽闇雲散卽光豎拂子云且道是雲耶是月耶切忌眼花

小釋迦祖師忌拈香插鉢而立去死十分拔鉢便去弄鬼精魂山鳥山花笑殺人慚惶炷此一爐薰

佛涅槃上堂焚三昧火自舉金棺阿難悲惱波旬喜

支那
換述

雪巖語錄卷上

三

謹總是如來清淨寂滅現前時節若謂明日卽無今日卽有何必瞞人自瞞直是令人大不甘

上堂集雲一關似平等閑看時容易透時卽難森羅萬象從教側目三世諸佛迴絕躋攀一徑古松苔蘚

斑

佛生日上堂東行西行指天指地盡謂如來降生我道魔王出世一棒打殺貴圖太平時當孟夏麥綠桑青

上堂呼六爲五破二作三眼觀東北意在西南仰山門下却不用遮般茶飯何故佛法不怕爛

上堂謝青原居士眼空東魯口吸西江機鋒峻捷不讓老龐仰山遮裏別無禪道佛法只有一口吹毛利劍凜凜如霜要爲人剪除毛病換骨洗腸長憶江南

三月裏鷓鴣啼處百花香

上堂高而無上低而無下上下三指彼此七馬臨濟大師到此咬嚼不破被黃蘗拄杖再三痛打今日落在仰山手裏莫有不負性命底麼卓拄杖幸自無瘡勿傷之也

無準和尚忌拈香成龍者升天成蛇者攬草將謂隨一切性任其所適誰知憤憤悱悱却成煩惱集雲峯

支那
換述

雪巖語錄卷上

三

高日杲杲

上堂我法妙難思亦復離言說百丈再參馬祖一喝三日耳聾直得黃蘗吐舌豎拂子云有甚交涉

浴佛上堂無憂樹下右脇誕生已是造妖捏怪那堪七步周行雲門一棒打殺未爲勦絕看來只好活葬解脫無底深坑依前日午三更

上堂結却布袋口拘折拄杖頭直得森羅萬象轉身無路三世諸佛吐氣無由集雲到此又却未免放開一線何也雨後青山翠欲流

佛生上堂九龍吐水七步周行雲門一棒打殺正是

摩頂授記葛藤枝蔓重生擲拂子云從教偏地縱橫
上堂因看弄傀儡鬼面神頭線索牽抽神頭鬼面牽
抽索線幾多觀底看底將謂是紅粉佳人當場妙舞
手裏把柄輕羅白扇山僧未免爲諸人揭翻布幕去
也卓拄杖云伶俐衲僧一見便見

上堂鋪帳簾青碧紗廚涼簾水鋪三伏暑威不到水
晶宮闕不如敢問諸人畢竟與洞山道向鑊湯爐炭
裏回避還有商量處也無卓拄杖云蚊子上鐵牛
上堂有物先天地以拂子打圓相無形本寂寥道什
麼能爲萬象主不逐四時凋話作兩轍向遮裏領略

支那

雪巖語錄卷上

三

得去不用低頭思慮三門走入佛殿燈籠倒挂露柱
上堂天寒人寒五蘊山頭仔細看風動幡動明眼人
前休說夢仰山今日爲汝保任此事直得左右逢原
是非合轍裏何曾走却轍

上堂休擬議莫商量無朕兆絕承當君不見江路野
梅無主自開自落分外馨香卓拄杖云一枝橫亞清
波上引得遊蜂上下忙

冬節小叅一線迎長石女纖腰細舞五雲書瑞木人
撫掌高歌直得天旋地轉陰伏陽升鐵樹花開水河
燄起只如老洞山撥退泰首座果卓與集雲峯面前

各下一分相去多少冬不寒臘後看

復舉僧問洞山寒暑到來如何迴避山云何不向無
寒暑處迴避僧云如何是無寒暑處山云寒時寒殺
閻黎熱時熱殺閻黎師拈云洞山與麼答話是則頭
正尾正只是鼻孔落在遮僧手裏明眼道流試檢點
看

上堂坐教直猛着力提箇狗子佛性無萬緣俱屏息
似銀山如鐵壁驀然一撥粉碎天地空人境忘寤寐
如死生一萬別千差盡空寂

上堂佛法世法一彩兩賽行住坐卧折旋俯仰著衣

支那

雪巖語錄卷上

三

喫飯坐禪打眠總是現前三昧還信得及麼話在
元宵上堂元宵令節且喜天晴高燒銀燭照佛光明
集雲峯無油不點非常烜赫迴出常情何也我見燈
明佛本光瑞如此

無準和尚忌拈香盡道先師今日死誰知今日是生
朝不知却有何憑據紫柏黃檀一處燒

上堂舉僧問趙州和尚學人乍入叢林乞師指示州
云喫粥了也未僧云喫粥了州云洗鉢盂去其僧有
省師頌云晝影當軒夏日長只知喫粥著衣裳光陰
倏忽催人老嫩綠髮已過牆

上堂已是葛藤陳爛又況塵蒸生醖風前提起反覆
看來未免零星星斷續續如來禪祖師意沒巴
鼻且作麼生是衲僧眼目卓拄杖云六六依前三十
六

上堂薰風自南來殿閣生微涼諸佛出身處切忌錯
商量縱使言前薦得句外承當仰山敢道未在何故
嫩竹敲風鳴翡翠菱荷翻雨潑鴛鴦

上堂天寒人寒大寒小寒熱則普天市地熱寒則普
天市地寒熱不自熱寒不自寒紅日上三竿當陽仔
細看

支那
撰述

雪巖語錄卷上

三

冬節小叅靈源湛寂不知節序循環大道冲虛靜看
陰陽消長所以道有物先天地無形本寂寥能爲萬
象主不逐四時凋豎拂子云還見麼擊拂子云還聞
麼只此見聞非見聞無餘聲色可呈君嶺梅破雪偷
開眼一點清香欲斷魂

復舉洞山和尚冬夜與泰首座喫果子次洞山云有
一物黑似漆執之失度必入邪路常在動用中動用
中收不得放之自然體無去住過在什麼處喝一喝
過在動用中相隨來也洞山撥退果卓酒逢知己飲
詩向會人吟只如末後一著畢竟是什麼果子洞庭

千樹橋新熟夜來霜

元宵上堂去歲元宵節無油不點燈今歲元宵節有
月照危層藥師琉璃光佛示現端嚴妙相一一在諸
人眉毛眼睫上放大光明還見麼見被見礙不見被
不見礙去却見除却礙三門與佛殿相對

除夜小叅歲舊年新夜暗晝明未嘗移易日遷月化
山青水綠依舊尋常小盡二十九大盡三十日也是
鎮州蘿蔔漢地生薑休咬嚼沒商量梅花紙帳一爐
香衲被蒙頭春晝長

復舉僧問古德年窮歲盡事如何德云東村王老夜

支那
撰述

雪巖語錄卷上

三

燒錢師頌云春風陌上郎得錢隨手使貨物忽相當
撞得恰好子

佛涅槃上堂不生不滅之性溪桃映水而紅岸柳和
煙而綠無去無來之相雪瀑噴空而下雲峯拔地而
高我佛如來正大法眼無量秘密寶藏盡底打開一
時分付了也只是道今日則有明日則無未可容易
注破何也長憶江南春雨後夕陽影裏鷓鴣啼
上堂湛湛澄澄孤明歷歷未足到家消息直饒盡底
掀翻不留朕迹其奈叅天荆棘仰山莫別有爲人方
便麼擲下拄杖卧龍纔奮迅丹鳳使翱翔

佛生上堂指天指地點胸點肋將謂六識未具初生孩兒元來通身是膽白拈正賊雲門老師道一棒打殺餒狗不妨奇特

祈晴上堂久雨不晴浸爛衲僧鼻孔如何是衲僧鼻孔浮雲散盡碧天寬赫赫金盆海裏湧

上堂禪樹上叫喧喧道門前風浩浩冷地思量真可笑笑什麼等閑拾得一顆蘇州梨看來却是青州棗解夏小叅九旬禁足三月護生逗到功成行滿依前日午三更龍困水風恬浪靜懶巡橋霧鎖雲橫去者自去住者自住坐者自坐行者自行因甚如此杖頭

支那
撰述

雪巖語錄卷上

三

縱有通霄路且共扶持折脚鐺

後舉夾山和尚示衆云開市門頭識取天子百草頭上薦取老僧與麼說話正是妄認前塵分別影事若是端拱垂衣孤峯獨宿未夢見在汝等諸人要見夾山麼還識仰山麼豎拂子云一狀領過

上堂動絃別曲葉落知秋大千沙界一舉全收豎拂子云一毛頭上師子示現百億毛頭

中秋上堂好供養好修行拂袖便去也不多爭何故此夜一輪滿清光何處無

開爐上堂火冷灰寒炭又無大家兀坐嘴盧都冷灰

堆裏忽豆爆大地通紅火一爐世界與麼闊火爐與麼闊則不問且道香匙火筴大小長短相去多少不得動著

上堂覓起處不得尋覓處無地見色元來見心見了元來不是是不是鏡不照鏡今水不洗水

上堂法逐心生心隨法變心法雙忘千花萬變扇子踈跳上三十三天祝著帝釋鼻孔盞子撲落地堞子成七片雖是一期方便豎拂子云聞名不如見面

上堂澄潭月影靜夜鐘聲不啻而照不待而鳴而亦離聞絕見非色非聲畢竟是誰見誰聽以拂子打圓

支那
撰述

雪巖語錄卷上

三

相擊一擊下座

上堂昏沉散亂莫非本地風光絕點純青正是真常流注非不非是不是差之毫釐失之千里噴嚏一聲幸然無此子事何須強說道理

上堂至理忘言至言無說無說與無言總是鉢盂安柄虛空釘櫪仰山與麼告報莫別有長處良久云也是第二月

佛成道上堂道本無形亦本無名未聞其壞安有其成黃面漢不合造妖捏怪指出夜半一星帶累後代兒孫盡是哺槽啜齕彷彿佛至今醉夢不醒山僧

拄杖子未免爲諸人別開一隻眼作金雞報曉一聲
卓拄杖云紅日升天萬國明

冬至小參隨例裝冬雪白糍糕切玉非常有果錦紅
龍荔生春天外寒風凜冽山中和氣氤氲二三百衲
子挨肩並足六七十老漢鼓舌搖唇一時運此食輪
法輪如意輪一陽來復日新日新日日新然雖如是
金屑雖貴落眼成塵

復舉疎山仁和尙因僧問如何是冬來事山云京師
出大黃師頌云晷影推移線日長無言童子自商量
雖然不是神仙著海上傳來第一方

支那
撰述

雪巖語錄卷上

三

上堂箇事本成現覓則不可見白圭本無瑕琢磨乃
成玷執之以實法空中生閃電視之以等閑脚下添
紅線若是學道人好好看方便作麼生莫看仙人手
中扇

上堂集雲峯頭獨立仰祝

聖壽無極百千甲子春秋臣僧今日七十乙酉正月

初一

上堂春風蕩蕩春日熙熙花開笑面柳展懽眉處處
呢喃紫燕聲聲睨睨黃鸝麻三斤乾屎楸庭前栢樹
子遮裏見得全理全事無是非坐斷集雲峯頂上

大家齊賀太平時

上堂一夜雨聲滴滴元是簷前雪消冷地令人憶著
相國寺裏芭蕉何也零零落落一似宜春臺上正月
八日趕齋和尚底七條

上堂時光荏苒已事朦朧安得桶箍忽爆連底俱空
內空外空內外空從上佛祖言教固是半字不留山
河大地何處覓針鋒擊拂云馬祖一喝百丈三日耳
聾

上堂久雨忽晴心光發明團團紅日寥寥太清非特
好曬眼亦乃好經營下秧種粟桑麻漸青綠楊枝上

支那
撰述

雪巖語錄卷上

三

曉鶯鳴長連牀上開單展鉢可煞現成卓拄杖一下
上堂至化無方至德有光遲日江山麗春風花草香
玉壺影裏劫春長乾坤獨露堂堂

上堂春山重重夜雨濛濛長連牀上閉眉合眼睡到
曉鐘心也空法也空不起第二念坐斷主人翁好安
樂也兄弟

上堂進無前退無後毫髮參差便成窠臼八月二十
五洞山離查渡雲門道放子三十棒却做麼生無端
無端生受生受

普說

仰山普說舉天依懷禪師舉古人云五蘊山頭一段空同門出入不相逢無量劫來賃屋住到頭不識主人翁後有古宿拈云既不識他當初問甚麼人賃天衣又云古人與麼拈大遠在何故須知死人路上有活人出身處活人路上死人無數那箇是活人路上死人無數那箇是死人路上活人出身處若明得拈却炙脂帽子脫却鶻鼻布衫妙喜云天衣古佛美則美矣善則未善遮一隊不啻嚼漢只知踏步向前不覺四稜塌地仰山不免爲伊從頭扶起五蘊山頭一段空髑髏裏眼睛同門出入不相逢擬向甚處迴避

支那撰述

雪巖語錄卷上

无

無量劫來賃屋住自家祖業却作他人契券到頭不識主人翁用識作甚麼既不識他當初問甚麼人賃更求牙保那古人與麼拈大遠在將謂無人證明何故須知死人路上有活人出身處點即到活人路上死人無數到即不點那箇是死人路上活人出身處作麼作麼那箇是死人路上活人無數低聲低聲若也會得拈却炙脂帽子脫却鶻鼻布衫添一重了也妙喜老漢道天衣古佛美則美矣善則未善慣將烏豆換人眼睛雖然妙喜不知已被天衣換却是汝諸人還知落處麼若也未知須向烏豆未萌已前挨

得一線路子透始得如何是烏豆未萌以前消息良久云遮裏領略得去便見五蘊山頭一段空真箇是同門出入不相逢無量劫來賃屋住且喜到家到頭不識主人翁話墮了也且道是古宿話墮天衣話墮妙喜話墮仰山話墮若也明辯得下雲門問僧光明寂照遍河沙豈不是張拙秀才語僧云是放過雲門老漢了也臺山路上有一婆子見僧問臺山路向什麼處去婆云驀直去僧纔行婆云好箇阿僧又與麼去後來傳至趙州州云待我去與汝勘破州至彼亦如是問婆亦如是答歸來道臺山路上婆子我爲汝

支那撰述

雪巖語錄卷上

无

勘破了也且道趙州勘婆子與雲門話墮相去多少若也向遮裏識得趙州心肝五臟雲門三百六十骨節被你一時穿透雪峯在德山作飯頭一日飯遲自托鉢下堂雪峯問云鐘未鳴鼓未響托鉢向甚麼處去德山低頭歸方丈死永不藏龍巖頭問云遮老漢未會未後句在遍地刀鎗德山喚巖頭問汝不肯老僧那翻轉面皮來也巖頭密啓其意錦包特石爛似泥團德山次日上堂果別巖頭拍手云且喜老漢會末後句雖然只得三年且道還出得德山低頭歸方丈也無系學漢須是具三千里外定肴訛底眼未曾

點著便知落處始得若欲向遮裏討他末後句勘破婆子話墮了也更待達磨面壁九年始得不然且待彌勒下生大凡須是揩磨自己明白揀辯古今是非明得自己不明古今是你工夫未到田地未穩明得古今不明自己是關鍵不透眼目不明當知自己即是古今古今即是自己古人因你自己不明爲你自己分上等閑拈出一星子放在面前直是蓋天蓋地照古照今何曾有一絲毫情彙知見到你穿鑿解會你纔向這裏起一念要去明他古今會箇自己便被他一箇明字與會字隔作兩段去也所以道情生

支那
撰述

雪巖語錄卷上

聖

智隔想變體殊只如情未生時隔箇甚麼須是向遮裏一咬百雜不見有古今自己始得莫只悠悠漾漾虛度時光直待臘月三十日眼光落地不知何往只如前日顯首座標上座二人死了燒了卽今在什麼處苟或不知去處撞入驢胎馬腹與異類中總不見得是汝諸人卽今在這裏兩脚著地還知去處麼若也知得便見死人面前有活人出身處活人面前有死人無數古今卽自己自己卽古今而亦不妨古今自古今自己自己已死人自死人活漢自活漢然後却向這裏打一箇回合塵毛剗海自他不隔於毫端

十世古今終始不離於當念復云提起卽有放下卽無作如是見便見親疎譬如鑄鏡成像像成後光在甚麼處通身沒可得遍界不會藏佛法下衰無甚此時全仗你後生晚進發大勇猛負大志願赤手扶持隻肩擔負兄弟可惜許法門廣大莫孤負佛祖建立垂慈法乳之恩莫孤負國王外護匡扶水土之恩莫孤負父母師長養育剝度之恩莫孤負自己出家行脚之志莫虛消信施莫虛度光陰時不待人轉眼便是來生此身不向今生度更向何生度此身莫待臨渴掘井莫待臘月三十日到來眼

支那
撰述

雪巖語錄卷上

聖

光欲落未落貪生怖死手脚忙亂一似落湯螬蟬到那時縱欲回光返照辨此道以破生死遲了也著手脚不辦了也莫教被一陣業風吹入十八重無間地獄中去被閻羅老漢與你打算火帳問你索飯錢有鐵枷枷你項有鐵棒打你骨髻到那時喚爺不應叫娘不聞縱有親爺親娘親兄親弟救你不得也平生所作善不善業一時現前確搗磨磨無有了日縱出離化生也只在六道中輪迴至爲蛇蛭螻蟻在厠坑中頭出頭沒誠謂是袈裟下失却人身真箇是苦何不趁如今身強力健五體康安四肢輕利打教徹去

討教明白去何幸又得在此名山大澤神龍世界祖師法窟安單僧堂明淨粥飯精潔湯火穩便你若不向這裏打教徹去是你自暴自棄自甘陸沉爲下劣愚癡之漢你若果是茫無所知何不也博問先覺凡遇五叅見曲杲床上箇漢胡說亂道何不也歷在耳根反覆自家尋思看畢竟是什麼道理三世諸佛謂之以一大事因緣故出現於世謂之開佛知見示佛知見悟佛知見入佛知見佛之知見別也無他只是你一切人十二時中一箇折旋俯仰見聞覺知而已只是你卽今在這裏挨肩並足聽曲杲床上箇漢鼓

支那
極述

雪巖語錄卷上

聖

兩片皮忉忉怛怛一段孤明歷歷者是自是你自信不及不能直下承當箇現成受用馬祖謂卽心是佛卽佛是心心外無佛佛外無心佛是覺義蓋謂你從無量劫來流浪生死背覺合塵爲生死漂蕩爲愛河汨沒爲無明煩惱昏沉散亂所罩要這一著子脫爾現前卒不能得所以勞他先聖遙相出興分宗列派激濁揚清餘波未流至今尚在兄弟佛法二字難遭難遇莫教打箇翻身墮異類中去便不聞佛法了也須是發大勇猛一往直前提起金剛寶劍向他佛祖頭上坐佛祖頭上卧始得山僧到這裏叨冒主席

已是匙挑不上行解荒蕪去古遠矣全仗你後生晚進憤一口氣出來爲他佛祖雪屈前日有兩箇兄弟來侍者寮說要上方丈請益我與侍者說每遇五叅須說做工夫一段他何不領略又何須到方丈聽說方纔便是這裏無口傳心授底佛法待此後五叅把我自己爲伊再說一遍山僧五歲出家在上人侍下聽與賓客交談便知有這事便信得及便學坐禪一生愚鈍喫盡萬千辛苦十六歲爲僧十八歲行脚鈍志要出來究明此事在雙林鐵轍遠和尚會下打十方從朝至暮只在僧堂中不出戶庭縱入衆寮至後

支那
極述

雪巖語錄卷上

聖

架袖手當胸徐來徐往更不左右顧目前所視不過三尺洞下尊宿要教人看狗子無佛性話只於雜識雜念起時向鼻尖上輕輕舉一箇無字纔見念息又却一時放下著只麼默默而坐待他純熟久久自契洞下門戶工夫綿密困人動是十年二十年不得到手所以難於嗣續我當時忽於念頭起處打一箇返觀於返觀處這一念子當下冰冷直是澄澄湛湛不動不搖坐一日只如彈指頃都不聞鐘鼓之聲過了午齋放參都不知得長老聞我坐得好下僧堂來看曾在法座上贊揚十九去靈隱挂搭見善妙峯妙峯

死召田繼席穎東叟在客司我在知客寮見處州來書記說道欽兄你這工夫是死水不濟得事動靜二相未免打作兩橛我被他說得著真箇是纔於坐處便有這境界現前纔下地行與拈匙放箸處又都不見了他又道叅禪須是起疑情大疑大悟小疑小悟不疑不悟須是疑公案始得他雖不甚做工夫他自不菴會下來不菴是松源之子說話終是端正我當下便改了話頭提箇乾屎橛一味東疑西疑橫看豎看因改這話頭前面生涯都打亂了也雖是封了被脇不沾席從朝至暮行處坐處只是昏沉散亂膠膠

支那
撰述

雪巖語錄卷上

聖

擾擾要一霎時淨潔也不能得聞天目和尚久侍松源是松源之子必得松源說話移單過淨慈挂搭懷香詣方丈請益大展九拜他問我如何做工夫遂與從頭直說一遍他道你豈不見臨濟三度問黃蘗佛法的大意三遭痛棒末後向大愚肋下築三拳道元來黃蘗佛法無多子汝但怎麼看又云泥源住此山時我做麈尾入室他舉話云現成公案未入門來與你三十棒了也但怎麼看天目和尚這箇說話自是向上提持我之病痛自在昏沉散亂處他發藥不投我不歡喜心中未免道你不曾做工夫只是伶俐

禪尋常請益末上有一炷香禮三拜謂之謝因緣我這一炷香不燒了也依舊日依我每常坐禪是時漳泉二州有七箇兄弟與我結甲坐禪兩年在淨慈不展被脇不沾席外有箇修上座也是漳州人不在此數只是獨行獨坐他每日在蒲團上如一箇鐵橛子相似在地上行時挺起脊梁垂兩隻臂開了兩眼也如箇鐵橛子相似朝朝如是日日一般我每日要去親近他與他說話些子纔見我東邊來他便西邊去纔見我西邊來他便東邊去如是二年間要親近些子更不可得我二年間因不到頭捱得昏了困了日

支那
撰述

雪巖語錄卷上

聖

裏也似夜裏夜裏也似日裏行時也似坐時坐時也似行時只是一箇昏沉散亂輒作一團如一塊爛泥相似要一須臾淨潔不可得一日忽自思量我辦道又不得入手身上衣裳又破碎也皮肉又消爍也不覺淚流頓起鄉念且請假歸鄉自此一放都放了也兩月後再來叅假又却從頭整頓又却到得這一放十倍精神元來欲究明此事不睡也不得你須是到十夜爛睡一覺方有精神一日我自廊廡中東行西行忽然撞着修兄遠看他但覺閑閑地怡怡然有自得之貌我方近前去他却與我說話就知其有所

得我却問他去年要與你說話些箇你只管迴避我如何他道尊兄真正辦道人無剪爪之工更與你說話在他遂問我做處如何與他從頭說一遍了末後道我如今只是被箇昏沉散亂打併不去他云有甚麼難自是你不猛烈須是高著蒲團豎起脊梁教他節節相拄盡三百六十骨節八萬四千毛竅併做一箇無字與麼提起更討甚麼昏沉散亂來我便依他說尋一箇厚蒲團放在單位上豎起脊梁教他節節相拄透頂透底盡三百六十骨節一提提起正如一人與萬人敵相似提得轉力轉見又散到此盡命一

支那
接述

雪巖語錄卷上

聖

提忽見身心俱忘但見目前如一片銀山鐵壁相似自此行也如是坐也如是清淨三晝夜兩眼不交睫到第三日午後自在三門下如坐而行忽然又撞見修兄他問我在這裏作甚麼對他道辦道他云你喚甚麼作道遂不能對轉加迷悶即欲歸堂坐禪到後門了又不覺至後堂寮中首座問我云欽兄你辦道如何與他說道我不合問人多了剗地做不得他又云你但大開了眼看是甚麼道理我被提這一句又便抽身只要歸堂中坐方纔翻上蒲團面前豁然一開如地陷一般當是時呈似人不得說似人不得非

世間一切相可以喻之我當時無着歡喜處便下地來尋修兄他在經案上纔見我來便合掌道且喜且喜我便與他握手到門前柳堤上行一轉俯仰天地間森羅萬象眼見耳聞向來所厭所棄之物與無明煩惱昏沉散亂元來盡自妙明真性中流出自此目前露裸地靜悄悄地浮逼逼地半月餘日動相不生可惜許不遇大眼目大手段尊宿爲我打併不合向這裏一坐坐住謂之見地不脫礙正知見每於中夜睡着無夢無想無聞無見之地又却打作兩橛古人有寤寐一如之語又却透不得眼若不睡諸夢自

支那
接述

雪巖語錄卷上

聖

除心若不異萬法一如之說又都錯會了也凡古人公案有義路可以咬嚼者則理會得下無義路如銀山鐵壁者又却都會不得雖在無準先師會下許多年每遇他開室舉主人公便可以打箇踣跳莫教舉起衲僧巴鼻佛祖爪牙更無你下口處有時在法座東說西說又並無一語打著我心下事又將佛經與古語從頭檢尋亦無一句可以解我此病如是礙在胸中者僅十年後來因與忠石梁過浙東天育兩山作住一日佛殿前行開自東思西忖忽然擡眸見一株古栢觸着向來所得境界和底一時颺下礙膺之

物撲然而散如暗室中出在白日之下走一轉相似自此不疑生不疑死不疑佛不疑祖方始得見徑山老人立地處正好三十拄杖何故若是大力量大根器的人那裏有許多曲折德山見龍潭於吹滅紙燭處便道窮諸玄辨若一毫置於太虛竭世樞機似一滴投於巨壑自此拈一條白棒掀天掀地那裏有近傍處水潦和尚被馬祖一路便道百千法門無量妙義盡向一毛頭上識得根源高亭見德山招手便乃橫趨永嘉見曹溪只是一宿覺你輩後生晚進若欲咨叅箇事步趨箇事須是有這箇標格具這箇氣

支那
撰述

雪巖語錄卷上

咒

槩始得若是我說底都不得記一箇元字脚記著則誤你平生所以諸大尊宿多不說做處與悟門見地謂之以實法繫綴人去也消不得是則固是也有大力量有宿種不從做處來無蹊徑可以說者也有全不曾下工夫說不得者也有半青半黃開口自信不及者誠謂刁刁相似魚魯參差若論履踐箇事如人行路一般行得一里二里三里四里五里便歇只說得一里二里三里四里五里話行得百里千里萬里見得千里萬里境界說得千里萬里話須知此事更在百千萬里盡乾坤之外那裏在那裏汝等諸人聞恁麼

雪巖和尚語錄

道須是自家具眼各能緇素是否揀擇青黃始得若也似鴨聞雷如水澆石便從達磨大師與釋迦老子肚裏過我道也只是開久立

道場山立僧普說禪客出問云天氣秋高玉露垂庭前黃菊綻東籬臨濟德山施棒喝不問知音更問誰答云知音知後更誰知進云與麼則水向石邊流出冷風從花裏過來香答云閑言語進云如何是德山棒答云穿過你骨髓進云如何是臨濟喝答云還聞麼進云記得昔日臨濟和尚示衆道我有時一喝如金剛王寶劍有時一喝如踞地師子有時一喝作探

支那
撰述

雪巖語錄卷上

竿

竿影草有時一喝不作一喝用此意如何答云從頭問將來進云如何是一喝如金剛王寶劍答云切忌傷鋒犯手進云如何是一喝如踞地師子答云真箇可憐生進云如何是一喝作探竿影草答云不得面前背後進云如何是一喝不作一喝用答云却須參始得進云探竿影草驗來人一喝須教海嶽昏不是法王親的子等閑誰敢踏渠門門答云且緩緩進云只如釋迦世尊四十九年橫說豎說說不盡底事今夜座元禪師如何布施答云猶嫌少在進云選佛若無如是眼宗風那得到如今師拈起拄杖云只這是德

卷上

山棒卓一下只這是臨濟喝伶俐漢向未舉已前一提提得水向石邊流出冷風從花裏過來香其或未更煩拄杖子借德山鼻孔與臨濟出氣去也卓一下金剛寶劍卓一下踞地師子卓一下探竿影草只如一喝不作一喝用與前三喝是同是別若謂是同臨濟大師未肯點頭在若謂是別爭奈被德山老漢一串穿却鼻孔畢竟德山臨濟二大老鼻孔與四十九年說不盡底相去多少乃靠拄杖復云既隆釋種須紹門風諦審先宗是何標格豈不見臨濟三度扣黃蘗被六十拄杖如蒿枝拂相似又不見德山於龍

支那
撰述

雪巖語錄卷上

至

潭吹滅紙燭處脫然悟去道窮諸玄辯若一毫置於太虛竭世樞機似一滴投于巨壑二大老可謂窮千聖之骨髓徹萬法之根源流芳後世垂範于叢林者矣今時參學道流又須帶些子眼筋覷破他古人敗關處始得若也覷得破便見黃蘗龍潭雖似金翅擘海直取龍吞要且未免作死馬醫臨濟德山是則不離當處獨跨大方其奈捨長就短埋沒已靈要稱百世宗師未得在道場門下不說覷破覷不破盡是在他頂額上放榻底漢如今既在這裏聚首片時欽上座未免借堂上老人威光掀翻海嶽撞碎太虛也要

大家證據雖然王令正嚴豈可攬行奪市今朝九月一打板坐禪首座謂之表率或恐一人半人新發意菩薩欲覷捕此道者未有人頭處未有下手腳處或工夫有間而不得成片段或少有歡喜不復加鞭以求正悟或已有悟門為悟所迷光影不脫礙正知見或為勝妙快樂所罩墮在解脫深坑轉身不得或於古今差別機緣有意味可以啗啄者一一計較得行無意味難於咬嚼者又却分疎不下或為一切奇言妙句與理玄文障在八識田中拋捨不下謂之雜毒入心如油入麵永取不出如今要得通上徹下一翻

支那
撰述

雪巖語錄卷上

至

翻轉須是將一則古人沒意智底話頭如生冤家與之作對直是撲一交倒地始得若是未有這箇消息直饒行脚走盡天涯海角口裏記盡落索春秋打問鋪席一似賣狼虎藥只益戲論誑惑後昆自己衣單下半文不直底一著畢竟不曾摸著若是真箇卒地斷曝地折底漢眼目動靜言語提持著去離泥水脫略窠臼一切處一切時只麼平帖帖地那裏恁麼生生惺惺吒吒沙沙道我無敵於天下者也這箇喚作西天九十六種之數誇張知解該抹聖賢望吾佛祖之道遠之遠矣若是具正因有志之士莫被這一種

盞圾性地泛濫心源須信有正宗之下單傳直截之妙始得如趙州一箇無字真箇是一口吹毛利劍可以破疑團斷生死空萬法融古今只貴利根上智撥著便轉撥著便行然後不妨與趙州老漢同一眼目同一受用以至總萬別千差之要開千差萬別之門全賓全主全體全用全放全收全生全殺而總不外此矣若是性根遲鈍操捨不行却須豎起生鐵脊梁向長連床上厚著蒲團挺身而坐盡三百六十骨節與八萬四千毛竅併作一箇無字握兩拳頭撐兩眼睛一提提起便欲斬爲兩段能如是著鞭如是用力的

支那
撰述

雪巖語錄卷上

至

何患乎不成片段何患乎不到頭似覺提不起時轉覺熱鬧悶時與昏昏擾擾時却須全體一放放下翻轉身來就地略行數步於行處亦如是著鞭如是用力的只當下別是一般精神又復翻身蒲團挺身而坐則胸次中酌然如銀山鐵壁虛勞勞地靜悄悄地何處有一絲毫動相有一絲毫異相到這箇時節却不得守在這裏又須翻身下地如坐而行然後又復如行而坐晝不足繼之以夜夜不足繼之以旦翻來覆去提去提來不知不覺忽然撥透如貧得寶似闇得燈如雲開見日如水底火發盡十方利海是箇大

圓鏡盡十方利海是箇自己謂之心空及第見徹父母未生前面目若說明大法透古今以盡佛祖之奧喻如入海方始插得脚前面洪濤際天巨浪沃日那裏更在那裏切不得聽人道悟是表顯之說箇事本來成現只消一笑知歸是則固是其奈隔壁搏謎青黃赤白長短方圓畢竟不曾親見被人掇在面前分明是差珍異寶却喚作瓦礫磚頭分明是瓦礫磚頭却喚作差珍異寶又不得聽人道參禪本是安樂法門那裏有許多生生受受勞勞攘攘只消默默提撕久久自契這箇喚作死水浸石頭永無醒動底分子

支那
撰述

雪巖語錄卷上

至

又不得聽人道只這無字是箇繫驢橛子只消提來頓在前面牢牢把定繫住這一念子念頭純熟自然到家殊不知這一念子如燈焰焰如水涓涓貶得眼來千里萬里自非潑撒一回那裏被你把得定繫得住又不得聽人道只消於聞聲見色處領覽折旋俯仰處承當開口道著動步踏著六根門頭一道神光晝夜未曾閒歇這箇喚作生死根本業識癡團急須斬作三段又不得聽人道從無住本立一切法本來無有山河大地明暗色空無佛無祖無衆生無凡無聖無善無惡無去無來無生無死這箇喚作豁達空

撥因果莽莽蕩蕩招殃禍又不得聽人道坐斷主人翁不落第二見著衣喫飯不借他力山是山水是水僧是僧俗是俗是法住法位世間相常住似則也似是則未是如上所說並是自作障礙自生退屈自棄自暴自殘自虐醫不得底偏僻之病除是下一服換骨靈丹出得一身白汗然後即知傷寒傷熱傷饑傷飽盡是大休歇大安樂田地與夫轉八萬四千毛病爲八萬四千陀羅尼門是身是病是草是藥亦能殺一切人亦能活一切人臨時加減對症修方一切在我若是根本不牢元氣不足莫教被人下一粒巴豆

支那
撰述

雪巖語錄卷上

五

便見通身發作面黑眼花一時性命都討不見若是識安危知休咎底漢但是醍醐毒藥與你對面一翻翻却於一毫頭別有通宵活路如今都是口耳傳習訛謬方書並不見一人有神聖功巧之妙悞人多矣往往指見聞覺知揚眉瞬目爲自己復引即心即佛與目前說法聽法一段歷歷孤明之語爲證然後舉是風動幡動不是風動不是幡動却喚這箇作初機公案教你向這裏淘澄見地剔扶根源然後又舉栢樹子麻三斤乾屎橛之類喚作單頭淺近公案教你開口處識取話頭然後又舉玄沙未徹趙州勘婆之

類喚作試金石子又喚作換眼睛烏豆然後又舉百丈野狐女子出定之類喚作宗門關鍵羅龍打鳳底鉗鎚然後又舉馬祖一喝巖頭末後句之類喚作向上爪牙衲僧巴鼻以至從上老凍膿一時垂慈利物之要莫不盡有印板上脫來底樣子教你從頭穿鑿從頭注解合著這箇樣子便喚作明大法透古今殊不知幸然自是一箇淨潔琉璃瓶子無端傾許多很很籍籍在裏了也抑不知從上若佛若祖與夫盡天下老和尚只是共一箇舌頭有時用一機千機萬機齊副有時道一句千句萬句合轍有時指千句萬句

支那
撰述

雪巖語錄卷上

五

只是一機有時提千機萬機只是一句直得搖乾蕩坤蓋天遮地如擊石火似閃電光構得構不得未免喪身失命那裏有你取意觀瞻將心湊泊底分又那裏似世間村秀才教小學自上大人讀到論語孟子毛詩周易一般若如是又何用九年面壁立雪齊腰只麼傳將去學將去便休將知箇事是出世間法須具出世間眼器量一肩擔取始得若只逐旋扭捏逐旋博量逐旋分別謂之以情意識測度如來不思議大圓覺海如取螢火燒須彌山終不能著縱饒築得一肚皮殘羹餽飯還有一點用得也無還瞞得一切

人也無縱饒瞞得他人還瞞得自己也無縱饒瞞得自已還瞞得燈籠露柱也無既瞞不得未免被森羅萬象在冷地笑你在只如欽上座今夜恁麼口勞舌沸說七道八且道還出得這一笑也無若謂出不得未免亦是西天九十六種之數若謂出得其奈有傍觀眼在且道傍觀眼在什麼處夜深久立伏惟珍重入室後普說兄弟且在這裏聚首片時待爲你扭捏鼻孔劈析太虛一上雖是好肉劍瘡畢竟刀子是鐵你還知一句中具三玄一玄中具三要麼又還知賓中有主主中有賓有時全賓是主有時全主是賓麼

支那
撰述

雪巖語錄卷上

五

又還知殺中有活活中有殺有時全殺是活有時全活是殺麼又還知開口不在舌上麼又還知一手擡一手搦麼若也於此明辯不下緇素不行未免見人道是便道是道非便道非正謂矮子看戲隨人上下安知青布幕內元來有人這箇說話莫道你未有田地底人摸索不著只是叅道者禪著青布衫漢十箇五雙渾侖吞棗莫說用意識搏量口耳沿習之輩隨語生解逐句穿鑿定矣須知道此逸格絕塵之妙不得思量擬議不涉見聞覺知又須知道人人具足箇箇圓成只爲無量劫來爲生死飄蕩無明業識蒙蔽

不得現前不得受用如今要得向威音王以前一翻翻轉須是信道這一著子真箇是我本有之物決定不從人得然後盡父母所生之體天地所稟之氣併作一口吹毛利劍將自己一條窮性命斬作兩段颺在萬仞懸崖之下直得森羅萬象徹底平沉方謂之心空及第海印發光苟或外此直饒叅得一肚皮築得一布袋臘月三十日未免手忙脚亂如落湯螬蟬某在無準癡絕會下時有箇朋友每每有一言半句膾炙人口於古人傍敲暗打處亦自盡知落著只是不曾做蒲團上自己工夫後來曾在諸方做藏主氣

支那
撰述

雪巖語錄卷上

五

高行輩一日因打數頭閑官司構架不徹爲他人所勝因此鬱氣嘔血致一疾弗救於臨終時直得千生萬受求死不得死每見朋友來問疾便道我叅禪平生不曾做蒲團上工夫不信有悟門只在冊子上著到將謂佛祖之道止於此矣今日到這裏一點也用不着勸你輩叅禪莫如我一般須是做靠實工夫始得說了又眼淚下這箇便是不信有悟門底樣子死不知去處生不知來處所謂生死事大無常迅速轉眼便是來生忽然一息不來前路茫茫不知何往撞入驢胎馬腹中總不見得你輩初機晚進何不趁身

強力健打教徹去這裏孤峯絕頂爐鞴之所叢林溫煖百事現成香積供養殊勝若不向這裏打教徹去可謂孤負佛祖孤負檀信孤負師友孤負自己一朝不恰好打箇手蹉脚跌自己若不明白粒米莖蘿悉用牽犁拽杷償他始得豈不見夏間許多亡僧各各燒作一堆灰送在三塔裏了如今在甚處安身立命還知麼若也不知豈不足死不知去處謂之死大卽今眼眨眨地在這裏問箇父母未生前面目開口不得豈不是生不知來處謂之生大灼然生死事大須是把當一件無大至人底大事豎起生鐵杵梁討教

支那

雪巖語錄卷上

无

明白始得十二時中莫雜用心莫只悠悠漾漾虛度時光須是打教成一片始得須是這一念子無絲毫間斷始得古者尚道看經看教是雜用心何況你白日起來只了逐東逐西七上八下爲人事役役者哉古者又道叅禪學道是雜用心叅禪學道既是雜用心却教你向那裏用心喝一喝含元殿裏何須更問長安自是你一念馳求不歇棄了現成活計却欲登天入地別討生涯別求佛法所以做盡伎倆受盡辛勤轉加顛倒若能直下頓歇馳求一念則萬法當體寂滅萬法依舊熾然行也得坐也得著衣喫飯不是

別人山青水綠夜闌晝明昏沉散亂生死涅槃總是自家縱橫遊戲得大自在法門無一法可棄無一法可取佛與衆生俱是假名殊無實義雖然你又須是已眼自開冷地一笑知道元在自己屋舍中當軒大坐始得若只逐旋扶籬摸壁傍人門戶又是認驢鞍轡作阿爺下領則沒交涉矣如適來爲兄弟舉話有一人半人開口不識語路踏步不知高低要登主人堂入主人室也恐未得在如今大事爲你不得小事各自知當彼此不須敗闕牌且納還上方

支那

雪巖語錄卷上

无

續焰門庭雖有五家般若同歸地位如何是五家宗旨答云有口只堪喫飯進云若不借問怎達本源答云未敢相許進云如何是僞仰宗答云父慈子孝進云如何是臨濟宗答云迅雷不及掩耳進云如何是曹洞宗答云三更不借夜明簾進云如何是雲門宗答云體露金風進云如何是法眼宗答云山自青水自綠進云五家宗派蒙師指向上宗乘事若何答云頭頂天脚踏地進云今日座元禪師爲衆普說還有爲人處也無答云你面皮厚多少進云但得雪消去自然春到來禮拜歸衆師乃豎起拂子云這一隊太

平奸賊割據一統乾坤有殃害平人之惡被拂子一時擒下縛作一束號令在這裏了也還見麼若也未見待與從頭點過以拂子擊一下三玄三要又擊一下五位君臣又擊一下一鏃破三關分明箭後路又擊一下三界惟心萬法惟識又擊一下絲來線去明暗相投既是賊証一一分明如今却作麼生結絕連擊兩下乃云佛法無人說雖慧不能了只如諸方老宿匡徒領衆三百五百一千浩浩地擊動牛皮鼓擺動牛尾巴又豈是無說又如盡大地人著衣免寒喫飯免饑更要了箇什麼又何待你板頭下一箇黃面

支那
漁述

雪巖語錄卷上

空

漢子攪起亂筋搖唇鼓舌作什麼雖然你畢竟喚什麼作佛又喚什麼作法了與不了又作麼生忽若有箇生鐵鑄就底漢捩轉面皮喝散大眾掀倒禪床豈不慶快平生話行天下若是邯鄲學唐步放過也恐未得在有麼有麼諸尊上既是袖裡藏鋒冷觀敗闕莫怪向淨潔地上撮些子沙土撒在你後生晚進眼裏去也山河大地明暗色空豈不是佛是法風動塵起鴉鳴鵲噪豈不是佛是法四時代謝萬物榮枯天晴日頭出雨落地下濕豈不是佛是法以致真如般若菩提涅槃盤無明煩惱妄想顛倒行住坐卧折旋俯

雪巖和尚語錄

卷上

仰豈不是佛是法這箇是諸方叢林中學得底家常茶飯有什麼交涉既無交涉又莫是泥龕塑像黃卷亦軸是佛是法麼又莫是卽心非心亦有亦無半合半開是佛是法麼又莫是麻三斤乾屎橛庭前栢樹子是佛是法麼又莫是觀世音將錢買胡餅放下手元來是饅頭蝦蟇踉蹌跳上天蚯蚓驀過東海是佛是法麼又莫是盡一千七百則主賓互換生殺之機與一大藏五時八教權實之旨是佛是法麼這箇又是諸方老凍膿嘔出底野狐涎唾又有什麼交涉既無交涉又莫是卽今口吧吧地與眼眨眨地是佛是法

支那
漁述

雪巖語錄卷上

空

麼這箇喚作鼓無明袋弄粥飯氣沒交涉中更沒交涉既無交涉畢竟佛法二字却教甚麼人說又教甚麼處了喝一喝若是師子便合翻身韓盧一任逐塊所以道赤肉團上壁立萬仞只此靈鋒阿誰敢擬亦能殺人奴呼菩薩婢視聲聞釋迦老子只好提瓶挈水達磨大師洗脚也未分據生死海爲大解脫遊戲之場滅佛祖燈如彼夢幻空花之影無去無來無得無失無古無今無他無自空牢牢活潑潑淨保保赤灑灑沒可把明明向你道沒可把因什麼十箇五雙動是扶籬摸壁無自由分又如駝一箇漢子在肩

上立地了行一步子也放手脚不得你若恁麼地使有駝起不駝起時一動一靜未免將自己口用打作兩齣要見寤寐一如生死無間不可得矣十二時中便未免有一半佛法一半世法互相取捨無有是處又於聲色堆裏逆順門頭有箇聞底見底有箇是底非底又有箇不聞不見不是不非底夾截自己受用之地要打成一片不可得矣只這打成一片底說話往往多是錯會了也將謂面前有一物在這裏教你著功用打了打成一片殊不知你但忘知忘覺絕見絕聞自然成一片矣却就這裏縱橫遊戲七出八沒

支那

雪巖語錄卷上

三

發大機顯大用則從上若佛若祖與盡大地人亦窮性命總在這沒天網子裏了也有時把定教你住也得有時放行教你去也得有時教你生也得有時教你死也得有時向你道是道非也得有時向你道有道無也得以致脫開漏架換斗移星指南作北總不離這一著子你如今不到這田地蓋謂是你情生智隔想變體殊棄了自己成現潑天活業却欲向見聞聲色之內僉疆立界自狹自小稍有越界侵疆便見契券不明作主不得從上若佛若祖與父翁遞代相承底蓋古今天地榛荒草穢是謂可憐憫者欽上座

到此索性不憚勞苦與你把手耕翻到底喝一喝云只這是古今天地只這是古今日月只這是從上佛祖只這是父翁契券只這是自己活業只這是無明種子只這是榛莽交叅只這是稻香果熟能於一喝未施一念未生一塵未立以前一踏踏着萬象森羅一時拱手更說什麼四至分明業歸本主直得盡大千剎海百億乾坤是上座自己窮廣大劫百億佛祖是上座兒孫以至變桑田爲滄海縮萬世爲一時法爾如然初無奇特你若不到這箇田地何以謂之明大法透古今又何以辯龍蛇擒虎咒你若不具殺人

支那

雪巖語錄卷上

三

不眨眼底氣槩便未免被五蘊四大牽入陰界中去也又其不然今日三明日四寒一上熱一上信一半疑一半安有成辦底時節安有到家底消息你須是奮不顧身一往直入百萬軍中直取顏良一箇頭子號令天下始得你若只畏猥猥惻惻殃殃祥祥東尋西討覷地覓針又濟得什麼事縱饒你忽然看得一句子透歡喜一上子從頭舉來一看將謂都是了也逗到明朝後日莫教築著一句子透不過待從頭舉來一照又都不是了也又聽你向這裏東咬西嚼頌古內合頌古內叅碧巖集上檢耳朵頭聽肚皮裏上忽

然卜著又透得這一句子又懽喜一上子又將謂都是了也忽然不恰好被箇沒意智漢將手向你面前劃一劃又透不得却又却不是了也無他益爲你疑團不破一向只在情意識內走逗到意路不行處頓在面前如銀山鐵壁橫也沒奈何豎也沒奈何你到這裏須是退一步一翻翻轉颺在背後始得你若逐旋扶逐旋援逐旋穿逐旋鑿直饒你討得些子罅縫爭奈銀山鐵壁只在你面前消化不得你又不見白雲端和尚道從上畱下一言半句未透者如銀山鐵壁及乎透了元來自己便是銀山鐵壁且道白雲道

支那
撰述

雪巖語錄卷上

室

底是欽上座道底是你若向這裏覷得透一千七百則閑家潑具如貫珠輪一時被你撥在後面了也其或不然未免銀山鐵壁只在你面前消化不得正恁麼時那箇上座自己喝一喝劒去久矣改旦令辰同列兩序合山尊衆各各道體起居萬福某夏間誤蒙方丈俾令掛牌甚愧才疎殊不稱職前月二十日再爲初機舉話一次復隨後怛一上本擬送牌納還了在冬節告閑茲因主人未歸今日是初一似覺堂中冷淡不免出來做箇熱鬧惟是天寒牽率大衆不勝戰汗有箇四句頌寤寐一如舉似大衆面前明暗

兩忘時莽蕩乾坤都不知到此若生毫髮見依前越國又依稀

湖州報恩普說三十三州七十僧驢腮馬額得人憎諸方若具羅龍手今日無因到淨明此是應菴老祖開了這般口至今合不得報恩今日道八十餘人十七州相看盡是惡冤讎諸方有道不肯學來共山僧作對頭今日到這裏有口却無開處未免向壁角落頭拈起一柄折頸刀子度與諸人所貴向情識未動以前一刀兩段便見著衣喫飯不是別人鵲噪鴉鳴初非外物設或信根遲鈍三搭不回自是你宿無靈

支那
撰述

雪巖語錄卷上

突

種也怪雪巖不得只如廣額屠兒在涅槃會上放下屠刀道我是千佛一數臨濟到高安灘上被大愚一點便道黃蘗佛法無多子德山於龍潭吹滅紙燭處見徹自己便道窮諸玄辯若一毫置於太虛竭世樞機似一滴投于巨壑這幾箇漢子豈不是一得永得一了便了底樣子豈不似你如今根浮脚淺這裏經冬那邊過夏這得些子殘羹餽飯築在肚皮裏莫教打一箇噫氣直得薰殺人點胸點肋道我會禪會道將一箇是字與非字頂在額角上到處去印證那禪牀角頭老骨樞似這般底有處著你在參須實參悟

須實悟閻羅大王不怕你多語勸你後生晚進何不
趁身強力壯一往直前退步就已打教徹去莫只悠
悠漾漾者也之乎鑽入骨董袋裏去也直須豎起生
鐵脊梁向蒲團上一捏粉碎直得虛空汗下大地平
沉始得若也未有這箇力量須是十二時中行坐時
著衣喫飯時屙屎放尿時單單提古人一則沒意智
底話頭如一座須彌山頓在八萬四千毫髮三百六
十骨節之間心心相續念念相承忽於用力不及處
盡底一翻翻却窮十方三際是箇大解脫場是箇大
光明藏便可與從上百千佛祖握手出沒遊戲其間

支那
撰述

雪巖語錄卷上

空

如置陶家輪於掌上可得而思議哉前晚僧衆齋香
上來禮拜了欲請爲衆普說叅頭出云某等愚昧蒙
無所知伏望不吝慈悲開示第一義諦令某等得箇
入處若論第一義諦正要蒙無所知何得頭上更要
安頭騎牛更要覓牛且問你喫飯還要問人借口麼
著衣還要問人借手麼行底坐底聞底見底又是阿
誰一切處一切時更欠少箇什麼可謂現成可謂省
力直下坐斷報化佛頭如白衣拜相平地登仙無第
二人無第二念盡大地只是一箇自己自是你自信
不及甘受陸沉又手當胸道箇咨和尚也大屈哉如

今不獲已向第二義中略借古人蹊徑更與你作箇
方便僧問趙州狗子還有佛性也無趙州道無只欠
一箇無字便是你父母未生前本來面目便是爲你
截斷生死夢幻根株底刀子便是爲你照破古今千
差萬別底鏡子只貴向未舉起前翻身一擲颺在那
邊更那邊直得灑灑落落八穴七穿大用現前不存
軌則雖然我恁麼道也是大海鑿池虛空釘橛望他
正宗下事遠之遠矣作麼生是正宗下事夜深不如
瞌睡好
百千異流咸歸大海百千異法咸歸此宗如天普蓋

支那
撰述

雪巖語錄卷上

空

似地普擎燕語鶯吟共演如來實相山青水綠單明
清淨法身若是英特上士便好喝散大眾掀倒禪床
將山僧爛槌一頓道且莫誤賺後人瞎將來眼豈不
慶快平生若也只麼握節當胸伏聽處分不免引些
陳爛葛藤牽惹諸人去也豈不見永嘉大師初叅六
祖至曹溪遶禪床三匝振錫一下卓然而立祖云大
沙門者具三千威儀八萬細行何得生人我慢永嘉
曰生死事大無常迅速祖曰何不體取無生了取無
速永嘉曰體本無生了本無速祖云如是如是永嘉
方整威儀禮拜須臾告辭祖曰返何速乎永嘉曰本

自非動豈有速耶祖曰誰知非動永嘉曰仁者自生分別祖曰爾甚得無生之意永嘉曰無生豈有意耶祖曰無意誰當分別永嘉曰分別亦非意祖曰善哉善哉少畱一宿叢林自此稱為一宿覺兄弟一等是發足超方尋師訪道就中永嘉較別你看他一動一靜一語一默自是蓋天蓋地耀古騰今更看他遶禪床三匝振錫一下卓然而立是什麼氣槩無端六祖道夫沙門者具三千威儀八萬細行何得生大我慢也大屈哉永嘉曰生死事大無常迅速面赤不如語直祖曰何不體取無生了取無速將謂有多少奇特

支那
換述

雪巖語錄卷上

完

永嘉曰體本無生了本無速謾費分疎祖曰如是如是冬瓜印子永嘉方整威儀禮拜須臾告辭且道與振錫一下卓然而立相去多少祖曰返何速乎又却世情流布永嘉曰本自非動豈有速耶少說道理祖曰誰知非動喝一喝永嘉曰仁者自生分別不如軟頑祖曰爾甚得無生之意又是冬瓜印子永嘉曰無生豈有意耶始終只認得一概祖曰無意誰當分別何不與本分草料永嘉曰分別亦非意三十棒一棒也較不得祖曰善哉善哉少畱一宿大小祖師放過永嘉了也如今兄弟跨人門戶是則也道箇生死事

大無常迅速祇是纔入僧堂裏便被一鉢五味羹換却舌頭一時忘却了也十二時中不是勾三攬四便是說七道八縱有一人半人真箇把作一件事在蒲團上不是昏沉便是散亂何曾有一斯須一頃刻如永嘉遶床三匝振錫一下卓然而立底時節又何曾知道體本無生了本無速又何曾知道分別亦非意日久月深未免打入長行粥飯羣中去也所以道既隆釋種須紹門風諦審先宗是何標格須是發大勇猛立大志願不顧危亡一往直前不問是生是死是無明是煩惱是真如是般若是昏沉是散亂一斬斬

支那
換述

雪巖語錄卷上

主

爲兩段赤骨律地跳將出來大洋海裏翻身須彌頂上著脚然後單單提起無上佛祖正印盡百億山河大地百億往古來今若聖若凡若草若木一印印定毫髮無餘豎起拂子云看看印文露也眼辦手親一連連得一任顛來倒去橫搭豎搭是神是鬼是邪是正悉與面門一搭教伊轉身無路回避無門喚作海印三昧亦謂之海印發光正恁麼時不見有生有死亦復離涅槃不見有無明煩惱昏沉散亂亦復離真如解脫般若菩提還信得及麼已得入手不妨拈出對衆一搭印破世世佛祖面門也要燈籠露柱相共證

明有麼有麼如無山僧不免借永嘉大師見六祖底柱杖畫一畫云畫開錦縫拈出正印普示諸人去也卓一下三要印開朱點窄未容擬議主賓分

告香普說光陰易老果是無常迅速夢幻不堅豈非生死事大有力量漢一翻翻轉直得大地平沉乾坤獨露萬里長空纖塵不立森羅萬象俯仰折旋全體是箇大光明藏佛與衆生同一受用絲毫不異只爲情生智隔想變體殊四聖六凡輪迴三界之內善惡趣中無由出離遂勞我先聖脫珍御服著弊垢衣與爾同生同死同來同去同住如來無上妙明性海開

支那

雪巖語錄卷上

主

佛知見示佛知見說無說有說是說非說空說假說權說實說正說偏說一乘圓頓至於教外別傳行棒行喝指空話空開三要玄門分四種料揀五位君臣一鐵破三關兩口無一舌卽色明心附物顯理麻三斤乾屎橛庭前柏樹子狗子無佛性是皆一時方便如將蜜果換苦葫蘆又如將一百二十斤重擔一放放在你肩上只要知道盡是自家珍寶自家受用無窮而已伶俐漢不受人瞞道縱是磚頭瓦礫殘羹餽飯不勞拈出大地山河本來清淨見聞知覺本自現成出生入死如同遊戲塵沙刹海自他不隔於毫釐

十世古今始終不離於當念自是你自生障礙自作艱難自信不及咄信箇甚麼頭上豈可安頭鉢盂豈可安柄你若抵死更不知歸堅欲捕風捉影不妨豎起生鐵脊梁盡三百六十骨節八萬四千毛竅併作一箇無字一提提起斬斷昏沉散亂掀翻明暗色空夜半突出金烏照了空花水月大千沙界海中漚一切聖賢如電拂仰山到這裏已是有舌如結言詞俱喪不免將自己抹作微塵供養盡大地人去也三千里外掩鼻橫趨已喫老僧三十拄杖聞香聽氣途路之客莫教認毒藥作醍醐通身瀉下腸肚通身換却

支那

雪巖語錄卷上

主

骨頭也須腦後一鎚死中再活自餘依依稀稀彷彿佛瞎驢趁大隊認魚目作明珠仰山這裏却用不著今夏三百六十僧多是諸方頭角罷參宿衲卽字堂前于木隨身探水而已忽若傾湫倒岳又却水泄不通你向什麼處與雪巖相見擬議之間莫怪霹靂閃電就中亦多有新發道意菩薩乍入叢林未知深淺切忌雜毒入心直須揀取一生不會下些實地工夫一踏到底始得切莫向古人冊子上尋今人口角下覓直饒學得盛水不漏莫教被明眼人一覷如水銀落地一時百雜碎了也參須實參悟須實悟閻羅

大王不怕多語若論宗門下事擊石火閃電光指南作北換斗移星動若疾燄過風那裏竟他縫罅所以道有實有主有體有用有收有放有殺有活有賞有罰有時全賞全罰有時全罰全賞有時賞中有罰罰中有賞有時賞即是罰罰即是賞賞罰俱明不明方見有賞有罰有時全生全殺有時全殺全生有時生殺同時俱不同時至於賓中有主主中有賓賓中賓主中主賓主交參主賓互換等閑拈起一微塵便有如是賓主有如是體用有如是收放有如是生殺有如是賞罰豈你杜撰長老杜撰衲子認此螢火之光

支那
撰述

雪巖語錄卷上

七

可以擬議者哉雖然太平不用閑戈甲一統山河似鏡清

告香普說叅方上士問道英靈舉足動步須看先輩典刑德山見龍潭吹滅紙燭徹法原底入門便棒打風打雨臨濟喫黃蘗三頓痛棒搜出心肝入門便喝如雷如霆自餘隔江招手望見剎竿鰲山店上畫角聲中總是路途之客無足道者你輩後生晚進不辨春秋不分晝夜被昏沉散亂縛作一束滯在無魂必死之鄉也道我叅方問道得不逢人愧悚者哉討掛搭時無一人不道生死事大無常迅速纔跨僧堂門

便不見有無常不知有生死但知趁大隊喫粥飯舂屎送尿隨人上下而已誰管你狗子佛性無麻三斤庭前栢樹子便生佛出世也只道是西天老比丘可謂是絲毫無繫直透大休大歇大安樂田地者矣其奈依稀相似端的不然脚又疼背又痛坐一霎禪喫一頓飯兩脚如槌打相似也好恹惶也好生受兄弟只這便是生死無常到來時節只這便是父母未生本來面目現前時節若能如是領略得去不越一念親證如來清淨法身不動一塵親入如來寶明空海歷三大阿僧祇劫不離當念遍十方恒河沙世界不

支那
撰述

雪巖語錄卷上

七

離目前演百千萬量妙義說百千無量妙法總不離這箇時節還信得及麼若信不及將此深心奉塵刹是則名爲報佛恩豎起生鐵脊梁提起一箇無字如一座須彌山頂在額角頭正恁麼時自然不見有昏沉亦不見有散亂脚也不疼背也不痛孜孜爾念念爾不覺不知噴地一下親見三世諸佛法報化金剛正體放光動地照塵沙刹盡是金色光明世界森羅萬象草木叢林盡是寶華王座出微妙音演微妙法普度一切羣生平等成佛現前清衆不分內外不問親疎不問上中下座有學無學已出世未出世盡是

在須彌燈王會中與釋迦如來同受記蒞於五百劫後同時成佛各據一國土各轉四諦法輪各度無量衆生轉度未度轉化未化直待衆生界空而後已是則故是却須迴光返照自家真箇是那箇成佛底面孔也無亦須各各自家檢點從朝至暮還得成片段也無還得一絲毫無間斷也無還得一絲毫不犯叢林兒矩像箇衲僧去就也無自其不然未免只是虛消信施唐喪光陰豈不孤負行腳本志動是二三百里二三千里拋離鄉井父母師長成得箇甚麼邊事豈不自家奮發自生勉勵勇猛更加勇猛精進更加

支那

雪巖語錄卷上

圭

精進提一箇無字如合眼跳黃河盡命一跳必有契悟底時節但要寬著期限急下手腳以悟爲則不得將心待悟便被一箇悟字一礙礙住直待彌勒下生也無箇悟底時節喝一喝悟箇甚麼直下坐斷報化佛頭無第二人無第二念一切處現成一切處成見山是山水是水僧是僧俗是俗直饒壁開太華透出黃河也只是箇山青水綠開看粉節過牆添得數莖新竹

聖恩寬大佛法中興無如此日祖道荒涼叢林凋喪無甚此時你這一隊漢一百里二百里一千里二千

里總道來仰山寺裏依附廣衆新近師友參禪學道究明已躬下生死大事却只麼隨羣逐隊業識茫茫爭人爭我爭是爭非爭先爭後驀越叢林埋沒自己唐喪光陰虛消信施輕欺天地傲慢佛祖略不勉勵抖擻自己返面自看是我畢竟有甚麼長處禪作麼生參道作麼生學死生大事作麼生透縱使有一知半見也是口耳沿習訛謬語言認驢鞍橋作阿爺下領指鹿爲馬喚鐘作甕所謂一盲引衆盲相牽入火坑者是也求一箇半箇向佛祖命根下直斷一刀佛祖頂額上倒行一步萬中無一多只察舍裏經案頭

支那

雪巖語錄卷上

圭

鐘樓鼓樓上佛殿藏殿裏長廊下聚頭接耳情識搏量識情解註傳授裏私佛法殊不知古人一時方便垂慈流落一言半句如蟲禦木偶爾成文你若着意追求著實理論又却全體不相似了也直饒注得明白又明白解得分曉又分曉隔截生死一念子還會破也未面前五陰六塵還曾開也未仰山門下論實不論虛我在江浙時有一種住大院尊宿口裏水漉漉地築一肚皮殘羹餽飯一味穿鑿古今拈起拂子東擊西敲撒出一肚皮野狐涎涕直得遍地狼很籍籍臭不可聞有一種不識好惡漢攬着這般臭氣喚

作醍醐上味爲世所珍蘊在八識田中如油入麵永取不出氣習薰陶枝蔓滋長子又生孫孫又生子莫不通相傳授互相證據各各自謂會禪會道自己未曾明白先要龜鑑他人開室舉話受人請益寫法語示因緣滿紙盈筆說相似葛藤誑惑江湖瞞瞞後學造地獄因緣無問果千佛出世不通懺悔正因行脚正因辨道正因做工夫本色道流直須寬作程限急著手脚以悟爲則若貪速効又貪易入便被這一種黨類勾引在草窠中成就野狐知見野狐伎倆半青半黃不分不曉朦朦朧朧彷彿佛如魂不散底死

支那
撰述

雪巖語錄卷上

壬子

人相似則是箇焦芽敗種若是有力漢直須揀取一生不會今生不了更求來生來生不了更有後世曠大劫來生死無明煩惱與天地同根要一翻翻轉超過三大阿僧祇劫與佛齊肩豈易事也哉今夏一衆老成亦多英俊不少半是擊頭戴角半是伏爪藏牙必欲與生死二字討箇明白是故諸路鄉頭力到侍者寮陳請必欲老僧爲衆告香我心裏道今年七十老不以筋力爲能成龍者從他上天成蛇者從他竄草而况老僧無禪無道無見無聞生平不事方冊又無記持說箇什麼卽得只有箇狗子無佛性話颺

下糞掃堆頭四十餘年了也只得拈出布施諸人從教西咬東咬橫嚼豎嚼忽然失口咬碎直得山河大地森羅萬象盡底平沉一大藏教五千四十八卷一千七百則葛藤冰消瓦解生死與去來不妨自由自在若是逐旋參逐旋透逐旋和會逐旋懽喜叢林大有人在非吾所知

雪巖語錄上

嘉興府楞嚴寺經房餘貲刻此
雪巖語錄卷上計字二萬八千七百六十箇該銀

四錢

弘光元年正月

般若堂識

支那
撰述

雪巖語錄卷上

壬子

雪巖語錄卷下

舉 嗣法門人 昭如 希陵 等編

上堂向上一關明如杲日絲毫擬議如隔鐵圍是汝諸人到遮裏如何理論試舉看釋迦老子在靈山會上拈一枝花瞬青蓮目普視大眾時百萬人天惟迦葉破顏微笑世尊云吾有正法眼藏涅槃妙心實相無相微妙法門付囑於汝汝當護持流通毋令斷絕敢問諸人畢竟喚什麼作正法眼藏既是實相如何說箇無相底道理微妙法門又從什麼處入遮一枝花在世尊手裏不會動著付囑箇什麼汝當流通毋

支那

雪巖語錄卷下

一

令斷絕又教什麼人流通還知麼若也未知更聽仰山爲汝從頭說破若是正法眼藏敢道釋迦老子自無半錢分實相無相惟共無相所以實相現前山青水綠鴉鳴鵲噪夜闌畫明風動雲起處處皆微妙法門除是離却見聞絕却現行不移跬步全身已在裏許然後見門裏出身易身裏出門難若是遮一枝花世尊未曾拈起已被迦葉與百萬人天和根撼碎了也更說什麼付囑汝當護持流通毋令斷絕自古自今接響承虛如稻麻竹葦如靈雲見桃花便道三十年來尋劍客幾回落葉又抽枝自從一見桃花後直

至如今更不疑香巖去除糞穢瓦礫擊竹作聲便道一擊忘所知更不假修治動容揚古路不動峭然機處處無踪跡聲色外威儀諸方達道者咸言上上機此二老可謂聽事不真喚鐘作甕又如太原聞畫角馮山撼門扇黃鸝吐舌龍潭吹滅紙燭臨濟喫三頓痛棒異端並起邪法難扶到遮裏須是箇漢始得有麼有麼如無更聽一頌無影伎頭一點春笑他無地可藏身黃金自有黃金價何必和沙賣與人上堂金不博金水不洗水啐啄同時劍去久矣且道是什麼人發明如是事試舉看達磨大師自西天竺

支那

雪巖語錄卷下

二

國而至金陵見梁武帝帝問曰如何是聖諦第一義達磨答云廓然無聖武帝曰對朕者誰磨云不識帝不契達磨因此折蘆渡江至魏後武帝舉問誌公公曰陛下識此人否曰不識誌云此是觀音大士傳佛心印帝曰當遣使去詔誌公曰莫道陛下合國人追他亦不回達磨與武帝一挨一揆如兩鏡相照間不容髮無端被誌公向明鏡上彩畫虛空翻成瑕翳武帝問云如何是聖諦第一義當時教法盛行敎家有真俗二諦之說第一義卽真諦也達磨云廓然無聖且道是爲武帝說答他語畢竟廓然無聖理作麼生

聖帝第一義義何所宗兄弟到遮裏也須是著些子眼腦揣摩始得往往盡道武帝被達磨當面熱瞞殊不知武帝自是箇作家君王到他面前一點子也用不著你看他纔被達磨道箇廓然無聖隨口便問對朕者誰好兄弟遮一句子大親切達磨到遮裏未免露出本來面目道箇不識武帝不契又是放開漫天鐵網了也只如折蘆渡江至魏且道出得梁朝天地也無帝後舉問誌公也要此話大行誌公云陛下識此人否臂肘不向外曲帝云不識達磨元來猶在誌云此是觀音大士傳佛心宗和聲便好一時屏出帝

支那
樞述

雪巖語錄卷下

三

云當遣使詔能縱能奪能殺能活公云莫道陛下合國人去他亦不回若回堪作什麼此是祖師門下第一箇話頭頌者拈者自古及今不知多少未免盡道武帝蹉過達磨誠謂刁刀相似魚魯參差一箭尋常落一鵬更加一箭已相饒直歸少室峯前坐梁主休云更去招此是白雲端和尚頌今時兄弟將謂一箭尋常落一鵬是頌廓然無聖更加一箭已相饒是頌不識若如是又是箇識情計較討什麼白雲端和尚也未後却道直歸少室峯前坐梁主休云更去招也只是尋常世俗之話大凡宗門下語言不說體便說

用不說事便說理却如何只怎麼說若向遮兩句下親見白雲和尚方知道遮兩句一句全體一句全用於二中間事理雙全然後則知白雲與達磨武帝在楊子江心握手却在鳳凰臺上相逢鳳凰臺上握手却在楊子江心相見雪竇和尚頌云聖帝廓然何當辨的對朕者誰還云不識遮四句一時頌了也爲他才地寬闊又向下面下箇注脚道因茲闊渡江豈免生荆棘遮兩句占了多少田地合國人追不再來千古萬古空相憶休相憶清風匝地有何極要緊是遮一句子若向遮一句下透得一千七百則公案許你

支那
樞述

雪巖語錄卷下

四

一串穿却且道遮一句落在什麼處遮裏有祖師麼喚來與老僧洗脚保寧勇和尚頌云煉得通紅打一鎚周遭無數火星飛十成好箇金剛鑽攤向門前賣與誰遮四句子却無你下口處亦無你計較處且道落在達磨分上武帝分上誌公分上須是參始得山僧效顰也有一頌西來十萬路迢迢智鑑當軒影莫逃四海浪平龍睡穩九霄雲淨鶴飛高上堂玉樹瓊林寶階銀闕皓若蘆花恍然明月直鉤垂釣自有金鱗上鉤地平如掌依舊七凹八凸且道是什麼人有如是照用得如是心髓了如是因緣試

舉看二祖神光於少林初參達磨時天大雪神光堅立雪中不動遲明積雪齊腰可謂是埋沒天地孤負自己達磨閱而問曰汝久立雪中當求何事已是和賊捉敗光悲泣曰願和尚慈悲開甘露門廣度羣品若不折蘆渡江幾被梁主毒手磨曰諸佛無上妙道曠劫精勤能行難行能忍難忍豈以小德小智輕心慢心欲繼真乘徒受勞苦神光聞師誨勵潛取利刃自斷左臂置于師前是名真法供養達磨知是法器乃曰諸佛最初求道爲法亡軀汝今斷臂吾前求亦可在因與易名慧可向什麼處著光問曰諸佛法印

支那撰述

雪巖語錄卷下

五

可得聞乎但盡凡情別無聖量磨云諸佛法印不從人得將謂自西天帶來光曰我心未安乞師安心喝一喝甘伏聽人處分磨曰將心來爲汝安光曰內外覓心了不可得一翳在目空花亂墜磨曰我爲汝安心竟賺了古今多少兒孫面壁九年將謂有多少奇特平地無端陷了神光白著隻臂是汝諸人且道立雪齊腰正怎麼時是有心耶無心耶於覓心不可得處與雪深三尺相去幾何遮裏著得一隻眼便見神光大師立地處便知諸佛法印不從人得利刀斷臂如斬太虛覓心不得處山河大地脫爾現前只改舊

時行履處依前只是舊時人所以白雲端和尚頌云終始覓心不可得寥寥不見少林人滿庭舊雪重知冷鼻孔依前搭上唇鼻孔在面上是定終不生在額下妙喜頌云覓心不得更何安嚼碎通紅鐵一團縱使眼開張意氣爭如不受老胡瞞立雪齊腰寒凍徹骨妙喜却云嚼碎通紅鐵一團何得句語相返畢竟意作麼生你兄弟家無事也須東咬西嚼自家卜度看忽然蹉口咬著方知道諸佛法印果然不從人得無爲子頌云九年面壁太多言接得門人一臂全京洛至今三尺雪天寒何止普通年九年面壁默然而

支那撰述

雪巖語錄卷下

六

坐他却道九年面壁太多言只遮太多言三字畢竟如何體解京洛至今三尺雪非獨京洛直得盡大地六月盡是嚴霜汝等諸人還覺寒毛卓豎麼其或未然聽取一頌利刀拈起白如霜可惜無端成自傷消盡少林三尺雪古今天地只尋常上堂明如日黑似漆取不得捨不得是什麼試舉看五祖大師示衆索偈欲傳衣法堂中上座呈偈云身似菩提樹心如明鏡臺時時勤拂拭無使惹塵埃過遮邊著六祖能大師和云菩提本無樹明鏡亦非臺本來無一物何處惹塵埃也是背後叉手北秀南能

大似徐六擔板各見一邊已爲諸人掃蕩了也仰山莫別有長處麼聽取一頌時勤拂拭與掀翻錯莫無端認定盤點石化爲金玉易勸人除却是非難

上堂三界惟心萬法惟識譬如擲劍揮空莫論及與不及真不掩僞曲不藏直畢竟如何辨的試舉看六祖能大師至法性寺暮夜風颺刹幡聞二僧對論禍不入慎家之門一僧云風動錯一僧云幡動錯往返未能契理一對無孔鐵鎚祖云還許俗流輒預高論否鼠口應無象牙祖曰仁者心動錯山僧在天目會中聞舉老佛照在室中要舉是風動是幡動遮僧如

支那
撰述

雪巖語錄卷下

七

何不是風動不是幡動甚處見祖師天目下語是風動是幡動遮僧如何貪觀白浪失却手撓不是風動不是幡動甚處見祖師揭却腦蓋佛照喜之後到松源會下因舉前話松源乃橫點頭且道是不肯佛照如此舉話耶是不肯天目如此下語耶汝等諸人若於橫點頭處見得祖師識破二僧便見法昌遇和尚頌云不是風兮不是幡黑花猫子而門斑夜行人只貪明月不覺和衣渡水寒畢竟遮一頌意作麼生只如道不是風兮不是幡黑花猫子而門斑却落在什麼處後面又道夜行人只貪明月不覺和衣渡水寒

雪巖和尚語錄

卷下

又作麼生如今有一等在情識意路上行底未免道是頌二僧只知是風動是幡動却不知是心動若果如是法昌堪作什麼當知道他古人著著自有出身之路豈不見保寧勇和尚頌云蕩蕩一條官驛路晨昏曾不禁人行渾家不是不進步無奈當門荆棘生不妨說得太煞明白山僧今日舉也舉了注也注了只是要見祖師與二僧大遠在聽取一頌兩岸桃花紅欲然洞中流出自涓涓仙家不會論春夏石爛松枯是一年

上堂依稀稀彷彿佛名不得狀不得三世諸佛

支那
撰述

雪巖語錄卷下

八

於此沒溺深坑帶累天下老和尚與盡大地衲子總跳不出試舉看南岳讓和尚往曹溪參六祖棄却衣下明珠却向外邊尋逐祖問甚處來曲開方便讓曰嵩山來道途跋涉曰什麼物恁麼來無端無端讓曰說似一物即不中大好大祖曰還假修證也無探竿影草讓曰修證即不無染汗即不得添得一重狼籍祖曰即此不染汗諸佛之所護念汝既如是吾亦是冬瓜印子然雖如是自古自今撐天拄地戴角擎頭者如稻麻竹葦要且未有一人脫得遮箇印子且道印文在什麼處豈不見汾陽頌道因師顧問自

何來報道嵩山意不回修證不無不染汗撥雲見日
便心開灼然要承當箇事須是如撥雲見日始得畢
竟那裏是他撥雲見日處莫是說似一物卽不中麼
不是遮箇道理又莫是修證卽不無染汗卽不得麼
不是這箇道理且道那裏是他撥雲見日處到遮裏
須是親面一見始得又不見保寧勇和尚頌云戴角
披毛恁麼來鐵圍山岳盡衝開閭浮踏殺人無數驀
鼻渾牽拽不回若要撥雲見日須是有遮箇氣槩始
得其或未然更聽一頌堂堂日用妙無痕纔涉纖毫
卽是塵照水銀蟾沉夜魄戀花香蝶醉芳魂

支那
撰述

雪巖語錄卷下

九

上堂白衣拜相平地登仙是人知有別無秘傳試舉
看馬祖在菴中坐禪死水不藏龍讓禪師往問汝在
此圖箇什麼打草驚蛇祖云圖作佛妄想不少讓乃
取一片磚去磨垂絲千尺祖云磨磚作什麼上勾了
也讓曰磨磚作鏡意在深潭祖云磨磚豈能成鏡已
是照天照地讓云磨磚既不成鏡坐禪豈能成佛露
出本來面目祖無對乃云如何卽是把定嚙喉了也
讓云如牛駕車車若不行打車卽是打牛卽是喝一
喝云汝等諸人若能於此一喝下承當得去莫問打
牛打車和讓禪師手內一片磚百雜碎了也直得寒

光炯洞洞徹山河讓禪師又謂祖曰汝學坐禪爲學
坐佛若學坐禪禪非坐臥若學坐佛佛非定相於無
住法不應取舍若學坐佛卽是殺佛若執坐相未達
其理祖聞師誨如飲醍醐古人根器敏利輕輕一撥
便轉豈似今人遲鈍終年卒歲從生至死只麼昏昏
醉醉憨憨癡癡何時是了何不也向十二時中思量
他古人道打車打牛畢竟意作麼生當知遮一句子
便是金剛圈栗棘蓬一句中具三玄一玄中具三要
也須東咬西咬試自咬嚼看忽然等閑咬著方知道
磨磚真箇成鏡坐禪斷不成佛聽取一頌萬法俱忘

支那
撰述

雪巖語錄卷下

十

百念灰等閑鼻拽將回鏡光一照明如日直得本
人心眼開
上堂世尊拈花迦葉微笑達磨九年面壁二祖立雪
齊腰所謂以器傳器如印印空過此以往且道還有
甚麼人發明如是事麼試舉看馬祖一日示衆曰汝
等各信自心是佛此心卽是佛心又曰心外無別佛
佛外無別心不取善不捨惡淨穢二邊俱不依怙達
罪性空念念不可得無自性故故三界惟心森羅萬
象一法之所印凡所見色卽是見心心不自心因色
故有汝但隨時言說卽事卽理都無所礙菩提道果

亦復如是於心所生即名曰色知色空故生即不生
若了此意乃可隨時著衣喫飯長養聖胎任運過時
更有何事馬簸箕與麼說話可謂傾盡自己心笑破
他人口說箇心已是強立名字更說此心即是佛心
所謂頭上安頭帶累後代兒孫迷頭認影至今無有
了口既知心外無別佛佛外無別心當知無亦本無
無亦不立到遮箇田地方可謂萬象森羅一法之所
印見色便見心汝等諸人即今各各見山見水見明
見闇一分曉一一明白自家本心還得親見也無
若也未見豈不聞釋迦老子道明還明闇還闇礙還

支那
撰述

雪巖語錄卷下

三

牆壁通還虛空不汝還者非汝而誰非汝而誰即汝
心也心不自心故不可見既不可見汝但隨時言說
即事即理都無所礙菩提道果煩惱無明但有其名
都無實義所以道心生則種種法生於心所生即名
爲色知色空故生即不生生既不生當恁麼時喚作
色即是心即是佛即是更討甚麼心覓什麼佛所以
妙喜頌云即心即佛莫妄求非佛非心休別討紅爐
燄上雪花飛一點清涼除熱惱且道紅爐燄上雪花
飛正恁麼時是什麼境界還有佛可求心可覓麼更
聽山僧一頌語默俱忘非是非聖凡情盡絕玄微穿

花蛺蝶深深見點水蜻蜓款款飛

上堂言發非聲色前不物當機覷面全提豈在拈槌
豎拂山河大地不礙眼光萬象森羅形端影直有麼
試舉看馬祖與百丈行次相將草裏覷見野鴨子飛
過切忌隨聲逐色馬祖云是什麼千聖莫能名百丈
云野鴨子錯認話頭馬祖云甚處去也明月蘆花兩
岸秋百丈云飛去也夕陽西去水東流馬祖回搥百
丈鼻頭果然落草百丈作忍痛聲遮禽獸馬祖云又
道飛過去誤賺人家男女百丈有省笑殺傍觀馬祖
尋常道凡所見色便見心心不自心因色故有色即

支那
撰述

雪巖語錄卷下

三

是心心即是色色本非色心即無心無心而心全心
即佛非色而色全色即心馬祖與百丈行次見野鴨
子飛過去大地山河全體獨露馬祖曲盡老婆心與
百丈當陽指出道是什麼百丈云野鴨子蹉過了也
馬祖又與隨後一拶道在什麼處百丈云飛過去依
舊不知歸馬祖到這裏未免傷鹽傷醋將百丈鼻頭
一搥百丈忍痛作聲牽得回來堪作甚麼豎起拂云
□寺諸人還見野鴨子麼放下拂如今在什麼處是
□諸人能於此掃破迷雲豁開慧目便見馬祖與百
□敗闕不少非但見得馬祖與百丈敗闕便見山谷

道人見晦堂論此道晦堂云論語中有吾無隱乎爾一句學士試解說看山谷盡平生伎倆千說萬說只是不契晦堂意山谷到遮裏不奈何請益晦堂晦堂云學士久久自會一日相與遊山忽聞桂花香晦堂遂問山谷云什麼香山谷云桂花香晦堂隨後云吾無隱乎爾山谷於此豁然契悟雖然鼻孔未免落在晦堂手裏且道與馬祖擲百丈鼻頭相去多少百丈見處與山谷道人見處是同是別汝等諸人若向遮裏緇素得出許你具叅學眼無垢狀元見妙喜與妙喜論正心誠意致知格物妙喜曰狀元只知格物不

支那
撰述

雪巖語錄卷下

三

知物格無垢曰如何是物格妙喜曰唐明皇幸蜀斬盡像其人在陝西頭落無垢聞如此道轉見茫然因如廁有省乃有頌子云子韶格物妙喜物格元來一貫兩箇五百汝等諸人到遮裏要會格物則易要會物格則難見得物格也未免被山僧拂子串却鼻孔拂子且置野鴨子即今在什麼處聽取一頌那下飛來水面浮却來遮裏問踪由只因回首不知處一捏通身冷汗流

上堂語是謊默是誑語默向上事畢竟如何近傍試舉看百丈再叅馬祖即日恭惟馬祖豎起拂子尊候

萬福百丈云即此用離此用強生分別馬祖掛拂子於舊處依舊孟春猶寒馬祖却問百丈汝以後開兩片皮將何爲人不可別更有也百丈亦豎起拂子好兒終不使爺錢祖云即此用離此用毫髮無差百丈掛拂子於舊處總離遮裏不得馬祖震威一喝醜舉止百丈於此大悟直得三日耳聾真箇麼往往盡道於喝下大悟殊不知阿魏無真水銀無假自古自今天下老和尚青黃不辨菽麥不分獨有雪竇較些子道大冶精金應無變色老汾陽頌云偶因無事侍師前師指繩床角上懸舉放却歸本位立分明一喝至

支那
撰述

雪巖語錄卷下

四

今傳順朱填墨不是作家真淨文和尚頌云客情步步隨人轉有大威光不能見突然一喝雙耳聾那吒眼開黃蘗面大力量人語默裏轉却妙喜頌云馬駒脚下喪家風四海從今信息通烈燄堆中撈得月巍巍獨坐大雄峯說道理則不無要見馬祖百丈大遠在兄弟若欲承當箇事如隔牆見角便知是牛隔山見烟便知是火又如奔流度刃疾談過風眨得眼來劍去久矣百丈當時纔見其豎起拂子便折作兩段尤較些子無端問箇即此用離此用鼻繩便落在他手裏了也便被橫拈倒拽至於震威一喝却道我

當時大悟直得耳聾三日也大屈哉還識羞恥麼山僧到遮裏路見不平令人剗削只是寡不敵衆未免隨後也與一頌一喝當頭雷電奔人聞說亦闍消碑看來何止聾三日直到如今海岳昏

上堂寰中日月量外乾坤舉起也千差萬別放下也不立纖塵試舉看百丈凡叅次有一老人隨衆聽法一日衆退老人不退丈乃問云面前何人老云非人也於過去迦葉佛時曾住此山因學人問大修行底人還落因果也無某甲對云不落因果五百生墮野狐身今請和尚代一轉語貴脫野狐身遂問大修行

支那
撰述

雪巖語錄卷下

五

底人還落因果也無丈云不昧因果老人於言下大悟作禮云某甲已脫野狐身住在山後巖下乞依亡僧例丈令維那白衆食後送亡僧食後丈自領衆至山後巖下挑出死野狐乃依法火葬至晚上堂舉前事黃蘗便問古人錯答一轉語五百生墮野狐轉轉不錯合作箇什麼丈云近前來藥近前打丈一掌丈拍手笑云將謂胡鬚赤更有赤鬚胡司馬頭陀舉前話問馮山山撼門扇三下汝等諸人能於馮山撼門扇處見得徹去卽知五百生前百丈卽是五百生後野狐五百生後野狐卽是五百生前百丈要會不落

因果麼拍左膝云遮裏是要會不昧因果麼拍右膝云遮裏是其或未然且更爲諸人重下注脚百丈凡叅次常有一老人隨衆聽法冷地看人長短一日衆退老人不退不是好心丈問云面前何人勾賊破家老人云非人也莫是野狐麼於過去迦葉佛時曾住此山且莫說夢因學人問大修行底人還落因果也無答云不落因果錯五百生墮野狐身卽今是第幾生請和尚代一轉語貴脫野狐爲甚却作人言遂問大修行底人還落因果也無答云不昧因果錯老人於言下大悟作禮云某甲脫野狐身且信一半住在

支那
撰述

雪巖語錄卷下

六

山後巖下敢告和尚乞依亡僧津送熟處難忘丈令維那白衆食後送亡僧齋後丈躬自巖下指出一死野狐依法火葬至晚上堂舉前事明破卽不堪藥便問古人錯答一轉語五百生墮野狐轉轉不錯作箇什麼大蟲元是虎丈云近前來將謂別有伎倆藥近前打一掌慣將虎鬚百丈拍手笑云將謂胡鬚赤更有赤鬚胡焦磚打著連底凍後司馬頭陀舉問馮山山撼門扇三下遮野狐精後來法昌遇和尚道雖則野狐脫去其奈吐下涎沫至今無人打屏法昌與麼道轉見很藉敢問諸人不落因果爲甚墮野狐錯不

昧因果爲甚脫野狐錯直饒道得落處分明未出野狐窠窩在錯法昌當時若見先與拈出雪峯古鏡教伊轉不得以與拈出紫胡狗子爲伊斷却性命也是強說道理豈不見後百丈政禪師頌云畫師畫地獄畫出百千般駐筆從頭看特地骨毛寒還覺頂門重麼遮箇公案邪解者多錯會者不少如今有一種義學沙門喚遮箇作差別智涅槃心我且問你逐日風動塵起夜闇晝明與遮箇是同是別山僧輒隨已見亦成一頌南山雲起北山雲上界鐘聲下界聞遙望衆僧行道處天香桂子落紛紛

支那
撰述

雪巖語錄卷下

七

上堂發越朕兆未形消息提持佛祖未行號令虛空斫額萬象拱聽且道是什麼時有恁麼事試舉看黃蘗斷際禪師示衆云汝等諸人盡是噇酒糟漢恁麼行脚何處有今日還知大唐國裏無禪師麼時有僧出云只如諸方匡徒領衆又作麼生蘗云不道無禪只是無師遮老漢三百六十骨節八萬四千毛竅一時捏碎撒在諸人懷裏了也若能於此直下承當得去可謂坐斷報化佛頭不費纖毫氣力儻或當面蹉過山僧未免矢上加尖爲你重下注脚汝等諸人盡是噇酒糟漢非但汝等諸人三世佛祖也恁麼恁麼

行脚何處有今日作麼生是今日事還知大唐國裏無禪師麼已是無風匝匝波時有僧出云只如諸方匡徒領衆又作麼生錯師云不道無禪只是無師擔板漢汝等諸人能於未開口未動舌以前識得黃蘗三世佛祖在你脚底脫或未然劒去久矣豈不見雪竇頌云凜凜威風不自誇端居寰宇定龍蛇大唐天子曾輕觸三度親遭弄爪牙大小雪竇盡力只道得箇端居寰海定龍蛇末後未免轉身無路却被風吹別調大慧老人頌云身上着衣方免寒口邊說食終不飽大唐國裏老婆禪今日爲伊注破了却較些子

支那
撰述

雪巖語錄卷下

八

仰山效顰也有一頌聲前一句蓋諸方指出乾坤是大唐但見皇風成一片不知何處是封疆上堂肇開大華放出黃河青天白日平地風波逗到伎窮力盡元來所得不多臨濟在黃蘗三年因首座教令上方丈問佛法的的大意坑陷人家男女被黃蘗打二十拄杖瞎如是三度被打銀山鐵壁既不契欲辭黃蘗却具些子丈夫氣息首座密啓黃蘗問話後生甚是不凡他日作一株大樹蔭涼天下人在來辭可方便指引著什麼死急臨濟辭黃蘗蘗云不須他處去只往大愚去臨濟到大愚愚問甚處來臨濟

云黃蘗來愚問有何言句濟舉三度問三度被打某甲過在什麼處過犯彌天大愚云黃蘗老婆心切與麼爲你得徹困更問有過無過在爲蛇畫足臨濟於言下大悟云元來黃蘗佛法無多子饑來喫飯困來眠大愚拗住云遮尿床鬼子適來又道有過無過如今又道黃蘗佛法無多子是多少嶮臨濟向大愚肋下築三拳那邊喫懶來遮裏翻交大愚托開云汝師黃蘗非干我事上大人丘乙巳臨濟遂返黃蘗依前只是舊時人只改舊時行履處黃蘗見問云汝又來作什麼濟云只爲老婆心切說着令人滿面羞蘗云

支那
撰述

雪巖語錄卷下

九

大愚老漢饒舌待他來痛與一頓黃蘗棒教誰喫濟近前打一掌知恩纔解報恩蘗吟吟而笑云遮風顛漢却來遮裏捋虎鬚憐兒不覺醜金翅擘海直取龍吞臨濟被黃蘗打三頓拄杖盡大地風颭颭地豈乎末後向大愚肋下築三拳問不容髮所謂以器傳器以金博金且道與二祖立雪齊腰末後禮達磨三拜是同是別若向遮裏定當得出許你會一句中具三玄一玄中具三要至於有時奪人不奪境有時奪人不奪人有時人境兩俱奪有時人境俱不奪當甚極脫丘後來白雲端和尚頌云一拳拳倒黃鶴樓一趂

趂翻鸚鵡洲有意氣時增意氣不風流處也風流且道遮一頌落在黃蘗邊臨濟邊汝等諸人於此緇素得出許你明大法其或未然山僧也有頌東君有令不虛行三頓烏藤大臉生龍得水時增意氣虎逢山色長威聲

上堂海岳震虛空裂萬象奔忙走不徹是什麼時節臨濟見僧入門便喝喝一喝云汝等諸人向遮裏直下承當得去大千沙界平沉三世佛祖拱手全聲卽色全色卽聲全體卽用全用卽體聲是體色是用用是聲體是色與麼會得便見有時一喝如金剛王寶

支那
撰述

雪巖語錄卷下

三

劍有時一喝如踞地師子有時一喝爲探竿影草有時一喝不作一喝用喝一喝那箇些兒是一喝不作一喝用那箇些兒是探竿影草那箇些兒是踞地師子那箇些兒是金剛王寶劍汝等諸人還辨明得出也無若也辨明不出山僧更爲你從頭注破又喝一喝豈不是金剛王寶劍豈不是踞地師子豈不是探竿影草豈不是一喝不作一喝用又喝一喝云恁麼會得總是熱碗鳴聲所以道有時先照後用有時先用後照有時照用同時有時照用不同時有時奪人不奪境有時奪境不奪人有時人境兩俱奪有時人

境俱不奪同時不同時俱奪俱不奪則且置汝等諸人畢竟喚什麼作人又喚什麼作境又喚什麼作照又喚什麼作用喝一喝只此是人只此是境只此是照只此是用又喝一喝同時不同時一時奪却了也放汝命通汝氣試道看秦時轆轤鑽大隨和尚頌云一劍定烟塵憑何辭主賓梯山齊入貢誰識聖明君一喝是君一喝是臣只如賓與主又作麼生辨一劍定烟塵妙喜頌云入門便喝有甚巴鼻帶累兒孫弄粥飯氣山僧也有一頌雨散雲收月正明無端平地鼓雷霆慣曾坐斷乾坤客喚作竅中蚯蚓聲

支那

雪巖語錄卷下

三

上堂喫飯著衣事事成現俯仰折旋一見便見是甚麼臨濟大師示衆云赤肉團上有一無位真人常在汝等諸人面門出入未證據者看時有一僧出問云如何是無位真人臨濟下禪床搦住云道道無位真人是什麼乾屎橛大小臨濟用盡自己心笑破他人口赤肉團上有一無位真人無端話作兩橛常在汝等諸人面門出入未證據者看切忌迷頭認影時有僧出問云如何是無位真人滿口道著濟下禪床搦住云道道我今爲汝保任此事終不虛也僧擬議且喜直下承當濟與一掌太殺傷慈托開云無位真人

是什麼乾屎橛却較些子臨濟大師在黃蘗喫三頓拄杖末後到高安灘上得大愚點破也只悟得老婆禪自此佯狂詐癡見僧不掌便喝不喝便當胸搦住似遮般殘羹餽飯誰無一椀兩椀又謂之風力所轉又謂之弄粥飯氣仔細看來未爲作者古云身心一如身外無餘遮裏又話箇赤肉團上又說箇無位真人豈不是話作兩橛既是從汝等諸人面門出入則六根六塵六識乃至十八界二十五有莫非此無位真人得大自在大達解脫遊戲之場更教什麼人看豈不是迷頭認影帶累遮僧不識好惡出來問道如

支那

雪巖語錄卷下

三

何是無位真人性命落在他人手裏了也所以當胸被人搦住也大屈哉若是當初纔見他道箇赤肉團便與掀倒禪床末後遮一掌却是臨濟大師自喫始得鼓山老禪頌云面門出入見還難無位真人咫尺間去路一身輕似葉高名千古重如山妙喜老人頌云腦後見腮村僧大開眼了作夢雖然捉得老鼠一棒打破油甕汝等諸人且道那一句是頌他赤肉團上無位真人試自點檢看山僧也有一頌當機覲面黑漫漫且待輕輕著眼看剔起眉毛纔擬議便爲聞見色聲瞞

上堂山花似錦澗水如藍面目現在誰是同叅臨濟將遷化付囑三聖曰吾去世後不得滅却吾正法眼藏三聖云爭敢滅却濟曰忽有人問汝作麼生道三聖便喝濟曰誰知吾正法眼藏向遮瞎驢邊滅山青水綠夜闇晝明盡是此正法眼藏之光頭頭顯露處處發輝亘千萬劫不還不變無壞無離臨濟却道誰知吾正法眼藏向遮瞎驢邊滅莫是顛言倒語麼可惜三聖當時不能與伊絕却對他道爭敢滅却扶起臨濟大師醉後添杯道忽有人問汝作麼生道三聖也好一喝只是遲了三刻致被臨濟太阿倒持盡大

支那

雪巖語錄卷下

五

地人至今亡鋒結舌山僧路見不平要爲伊剗削臨濟將遷化時入地獄有分在吾去世後不得滅却吾正法眼藏瞎三聖云怎敢滅却已是掃土了也臨濟道忽有人問汝作麼生道待問卽答三聖便喝忙作甚麼臨濟云誰知吾正法眼藏向遮瞎驢邊滅腦後見腮汝等諸人向遮裏還見得臨濟大師也無若也見得正法眼藏向遮瞎驢邊滅若也不見正法眼藏向遮瞎驢邊滅且道誰說在什麼處保寧和尚頌云出門把手再叮嚀往往事從叮嚀生路遠夜長休把火大家吹滅闇中行且道意作麼生如今有一種

義學沙門往往道路遠夜長休把火是頌誰知吾正法眼藏向遮瞎驢邊滅却莫謗保寧好佛鑑勤和尚頌云瞎驢滅却正法眼出得兒孫滿大唐須信茫茫遠烟浪灼然別有好商量且道商量箇什麼莫是瞎驢滅却正法眼麼不是遮箇道理山僧也有一頌殺活縱橫得自由懸崖撒手覓寬寬響瞎驢滅却正法眼射斗寒光夜不收

上堂箭鋒相拄機括相投得人一馬還人一牛更看靴裏輕輕動指頭大覺和尚興化爲院主一日大覺問云我聞汝道向南方行一轉拄杖頭不會撥着箇

支那

雪巖語錄卷下

五

會佛法底你憑什麼有此語興化便喝覺便打化又喝覺又打明日化自法堂過大覺問云我直是疑你昨日兩喝試說來看化云我在三聖處學得底盡被師兄折合了也告和尚與存獎箇安樂法門大覺云遮瞎漢脫下衲衣待痛與一頓化於言下領旨二大老與麼相見作家則二俱作家落節則二俱落節我在南方行脚一轉拄杖頭不會撥著箇會佛法底且喜天下太平興化拄杖在手正令不行却借三聖一喝未免被大覺盡情擒下只如道瞎漢脫下衲衣待痛與一頓與前兩次打棒相去多少興化於喝下領

旨又悟箇什麼汝等諸人向遮裏點檢得出便見興化大覺一喝一棒直下發明臨濟心髓如杲日麗天又豈可以情意識卜度者哉興化道在三聖處學得底被師兄一時折合了也大覺被他一推落在萬仞懸崖之底至今出身不得聽取一頌劍爲不平離寶匣藥因救病出金瓶南方自古清如鏡何必無端用甲兵

上堂電光莫追石火猶遲構弗及處心不可識智不可知興化和尙示衆云今日不用如何若何便請單刀直入興化爲你證據時旻德長老出禮拜起便喝

俱述

雪巖語錄卷下

五

化亦喝旻德又喝化亦喝旻德禮拜化云若是別人三十棒一棒也較不得何故爲你會一喝不作一喝用汝等諸人能於興化旻德未相見以前著得一隻眼則臨濟四喝四賓主四照用四種料揀不待舉而明矣山僧不怕諸方檢責試爲諸人明辯看興化道今日不用如何若何便請單刀直入興化爲你證據碧油幢下今不虛行旻德禮拜不顧危亡起便喝金剛寶劍化亦喝踞地師子旻德又喝化亦喝兩陣對圍會無勝敗旻德禮拜深掘陷坑興化道若是別人三十棒一棒也較不得張弓架箭何故爲他旻德會

一喝不作一喝用收下了也是汝諸人於此還見得興化旻德麼若也不見聽取山僧一頌同時照用不同時權實雙行作者知有得雖然亦有失還他龍虎自交馳

上堂量外機格外句凡聖迷魂佛祖罔措有來由無本據聲前切忌錯舉興化僧問四方八面來時如何化云打中間底僧便禮拜化云昨日赴箇村齋中途值一陣卒風暴雨却向古廟裏彈得過遮老兒向大覺棒頭明得臨濟在黃蘗喫棒底意旨一向依模脫整見僧不行棒行喝便是拏空塞空指東劃西欺胡

俱述

雪巖語錄卷下

五

謾漢只如道我聞東廊下也喝西廊下也喝直饒喝得興化上三十三天撲下來一點子氣息也無且待我甦醒起來欸欸地向你道我未曾向紫羅帳裏撒珍珠在又如謂克賓曰汝不久爲唱導之師克賓曰不入遮保社化曰汝會了不入不會了不入克賓曰總不恁麼化打曰克賓法戰不勝罰饋飯一堂明日上堂克賓維那法戰不勝罰錢五貫設饋飯一堂仍須出院莫卽遮便是紫羅帳裏撒珍珠麼且道與昨日赴箇村齋值一陣卒風暴雨向古廟裏彈得過相去多少汝等諸人於此揀辯得出便見興化三百六

十骨節節相連八萬四千毛孔孔孔皆透其或不然且聽山僧重下注脚僧問四方八面來時如何是什麼人化云打中間底棒折了也僧禮拜偏地是刀鎗興化云昨日赴箇村齋值一陣卒風暴雨向古廟裏彈得過七佛以前也未有遮箇消息汝等諸人聞山僧恁麼道莫有不干底麼若有出來對衆證據如無更聽一頌阿師昨日赴村齋幾被他人一窖埋暴雨卒風迴避得也成平地露屍骸

上堂機奪機句奪句說面相呈更無回互棒頭有眼迴出常情語下無私如何分付南院示衆云諸方只

支那
撰述

雪巖語錄卷下

三

具啐啄同時眼不具啐啄同時用時有僧出問云如何是啐啄同時用南院答云作家不啐啄啐啄同時失僧云此猶是某甲問處南院云汝問處作麼生僧云失南院打僧不肯後到雲門會下問二僧舉此話一僧云南院當時棒折那僧於言下有省後回省觀值南院已遷化乃訪風穴穴問云莫是當時問先師啐啄同時話底麼僧云是風穴云汝當時作麼生僧云我當時如在燈影裏行風穴云汝會也諸方只具啐啄同時眼不具啐啄同時用南院與麼說話非但屈辱諸方抑亦鼓弄他家男女子啐母啄正恁麼時

喚作同時用卽是喚作同時眼卽是遮僧不辯端由未免上他鈎線問道如何是啐啄同時用却被南院老人向咽喉下一捻道作家不啐啄啐啄同時失遮僧也會道此猶是學人問處南院翻一箇浪頭道你問處作麼生僧云失鰕跳不出斗南院便打終是老婆心切僧不肯後到雲門會下問二僧舉此話一僧云當時南院棒折那冷地不甘僧有省八兩元來是半斤後往省覲千里迢迢任去來南院已遷化相見已了乃訪風穴因行不妨掉臂風穴問云莫是當時問先師啐啄同時話底麼面目現在僧云是還識羞

支那
撰述

雪巖語錄卷下

三

麼風穴問云汝當時作麼生僧云我當時如在燈影裏行相似不但當時風穴云汝會也冬瓜印子若是仰山卽不然諸方只具啐啄同時用不具啐啄同時眼忽有箇漢出來問如何是啐啄同時眼聽取一頌同時啐啄不同時石火電光猶較遲燈影裏行今已會蹉跎非是落便宜

上堂人與境空境與人會百尺竿頭一采兩賽有麼試舉看風穴示衆云若立一塵家國興盛野老輦塵不立一塵家國喪亡野老安帖於斯明得闍黎無分全是老僧於此不明老僧卽是闍黎闍黎與老僧亦

能悟却天下人亦能迷却天下人要識閻黎麼以手
左邊拍一拍遮裏是要識老僧麼以手拍右邊云遮
裏是雲門云遮裏即易那裏即難跛脚師也是醉後
添杯汝等諸人能向天地未形生佛既興識得二大
老則有時奪人不奪境有時奪境不奪人有時人境
兩俱奪有時人境俱不奪當什麼祭鬼神茶飯脫或
不然且聽山僧下箇注脚若立一塵家國興盛野老
顰蹙山河大地不礙眼光不立一塵家國喪亡野老
安帖盡大地要覓纖塵了不可得於此明得閻黎無
分全是老僧三世佛祖齊立下風於此不明老僧即

文部

雪巖語錄卷下

三

是閻黎盡大地人仰望不及老僧與閻黎亦能悟却
天下人亦能迷却天下人人貧智短馬瘦毛長要識
閻黎麼遮裏是四五百條花柳巷二三千處管絃樓
要識老僧麼遮裏是有意氣時添意氣不風流處也
風流只如道遮裏則易那裏則難又作麼生却須叅
始得山僧到此已是口裏膠生未免借古人鼻孔爲
諸人別資一路拈拄杖云即此見聞非見聞無餘聲
色可呈君箇中若了全無事體用何妨分不分如其
不然又聽一頌且看雙放更雙收有底歡聲無底愁
一切聖賢如電拂大千沙界海中漚

上堂聲前句格外機無得無失無是無非無孔由來
是鐵鎚且道是什麼時節有什麼事試舉看僧問風
穴語默涉離微如何通不犯風穴云長憶江南三月
裏鷓鴣啼處百花香風穴老漢與麼道是則得路便
行到手便用依舊未出得語默離微在若是仰山即
不然忽有人問語默涉離微如何通不犯也只向他
道長憶江南三月裏鷓鴣啼處百花香且道與古人
相去多少若也點檢得出開口不在舌上其或未然
豈不見妙喜頌云忽爾出門先見路纔方舉足便登
船十成秘訣真堪惜父子雖親不可傳雖然妙不可

文部

雪巖語錄卷下

三

傳更聽山僧爲諸人下箇注脚僧問語默涉離微如
何通不犯錯答云長憶江南三月裏鷓鴣啼處百花
香普汝等諸人能於遮兩句下承當得去十大藏教
與一千七百則陳爛葛藤不消咳嗽一聲一筆勾下
更若不然聽取一頌脫然語默去離微覲面持來付
與誰荷葉團團團似鏡菱角尖尖尖似錐
上堂巖嶮中平實平實處誦訛覲面承當得去元來
用處不多僧問首山如何是佛法大意山云楚王城
畔汝水東流汝等諸人能於未開口以前見得遮老
漢函蓋乾坤句隨波逐浪句截斷衆流句一筆勾下

便見慈明道宜陽秀水南岳石橋楊岐道筠陽九岫
萍實楊岐一印印定如印印泥如印印水如印印空
毫髮不移以至僧問如何是佛新婦騎驢阿翁牽如
何是祖師西來意風吹日炙學人乍到寶山空手回
時如何家家門前火把子謂之家貧難辦素食事忙
并及艸書只如僧問趙州徇子還有佛性也無州云
無如何是祖師西來意庭前柏樹子僧問雲門如何
是佛乾屎橛僧問洞山如何是佛麻三斤且道相去
多少還縑素得出麼須知道千句萬句只是一句百
千萬億句終無第二句還信得及麼更聽一頌著往

支那
撰述

雪巖語錄卷下

三

寒來春復秋夕陽西去水東流茫茫宇宙人無數那
箇親曾到地頭

上堂解語非干舌能言不是聲既不是聲畢竟是箇
什麼若也已知不在忉怛其或不然試聽舉看僧問
汾陽如何是祖師西來意汾陽答云青絹扇子足風
涼敢問諸人且道與趙州柏樹子話相去多少若能
於此棟辨得出便見二大老一等垂慈不覺舌頭拖
地若也明辨不出青絹扇子足風涼不妨拈來頓在
面前東咬西咬東嚙西嚙忽然於沒滋沒味處蹉口
咬著便見盡大地風颭颭地便知十智同真真同十

智以至臨濟四料揀四賓主四照用三玄三要總不
離遮一著子便可轉天關回地軸申出三頭六臂著
光明衣說報身佛著清淨衣說法身佛且道千百億
化身著什麼衣苟或不然且聽一頌當陽拈起足清
風似月團團樣不同臘月也知無用處暑天消得打
蚊蟲

上堂上無敵下無比擬議思量劒去久矣見得親用
得到信手拈來又却恰好僧問慈明如何是佛水出
高原只遮一句一大藏教說不到十大論師翻不出
六代祖師提不起天下老和尚嚼不碎是汝諸人還

支那
撰述

雪巖語錄卷下

三

知落處麼眼裏耳裏鼻裏聞底見底說底一時拈却
莫有道得底麼若也道得三世諸佛只是西天老比
丘六代祖師在你鼻尖上天下老和尚喚來洗腳豈
不見瀉山秀和尚頌云衝斷雲根瀉出來冷冷千古
下崔嵬未知的的朝宗之意更聽春深動地雷是汝諸
人還明得的的朝宗之意也無莫是衝斷雲根瀉出
來冷冷千古下崔嵬麼或若未然更聽春深動地雷
山僧到遮裏已是口啞舌頽謾借古詩一首爲諸人
頌出穿雲迸石不辭勞大底還他出處高溪磻豈能
畱得住終歸大海作波濤

上堂步行騎水牛空手把鋤頭人從橋上過橋流水不流一理足萬事周一塵起大地收機先別有活路開口不在舌頭復有什麼人同明如是事試舉看僧問楊岐如何是佛答云三脚驢子弄蹄行仰山道日午打三更要見仰山即易要見楊岐即難要見楊岐即易要會三脚驢子弄蹄行即難會得三脚驢子弄蹄行更有步行騎水牛空手把鋤頭人從橋上過橋流水不流在是汝諸人且道與三脚驢子弄蹄行相去多少還辨明得出麼脫或未然更聽一頌老杜風前得句時等閒開口便成詩就中一着沒巴鼻却把

支那
撰述

雪巖語錄卷下

三

驢兒當馬騎

上堂動即影現覺即水生見聞俱盡視聽如盲有麼試舉看青原思和尚問六祖作何所務即不落階級纔有所重便成窠臼祖云汝曾作什麼來倒借一問原云聖諦亦不爲誰與麼道祖云落何階級慣得其便原云聖諦尚不爲落何階級特地一場愁祖云如是如是善自護持伎倆已盡生佛未具世界未立以前田地細入鄰虛大包無外間不容髮只貴直下承當領箇現成受用只箇領字已是多了也莫教動著纖塵便見堆山積岳所以古人道至道無難惟嫌揀

擇但莫憎愛洞然明白是汝諸人還得明白也未脫或不然聽取一頌一掬澄潭鏡樣磨無風何必自生波轉身縱不離初際仔細看來較幾何上堂本無位次不涉安排泯然自盡一種平懷黑山下鬼崛裏則且置見聞外聲色先試舉看藥山在石頭會下坐次石頭問云子作箇什麼答云一物也不爲石頭云與麼作閒坐也藥云閒坐即爲也石頭云子道不爲又不爲箇什麼云千聖亦不識石頭乃作偈讚云從來共住不知名任運相將只麼行自古聖賢猶不識造次凡流豈可明藥山父子可謂針芥相

支那
撰述

雪巖語錄卷下

三

投不閒毫髮又如兩鏡相照不留影跡是則固是未免喪我兒孫當時見他道一物也不爲便與劈脊痛棒今日門風未到如此與麼則閒坐也又却不妨軟頑閒坐即爲也擡脚不起子道不爲又不爲箇什麼泥裏洗土千聖亦不識元來只在遮裏只如藥山道一物也不爲且道在什麼處安身立命石頭道與麼則閒坐也且道還有計較處也無若向遮裏檢點得出許你於佛法有箇入處若也檢點不出豈不見五祖演和尚頌云任運不知名輕輕著眼聽水上青青綠元來是浮萍大小五祖只在背後叉手仰山即不

然試頌平常閑坐與閑行嶺上無心雲片生照鏡俱亡人不立依前日午打三更

上堂依稀稀彷彿佛瞞瞞肝肝濕濕漚漚取不得捨不得名不得狀不得不可得中只麼得且道得箇什麼試舉看洞山請泰首座喫果子次問云有一物上挂天下挂地黑律漆常在動用中動用中收不得過在什麼處泰云過在動用中洞山令人掇退果卓五祖戒別泰首座云明朝更獻楚王看大瀉詰云汝等諸人還知洞山落處麼若也不知往往作是非得失會去山僧道遮果子非但泰首座不得喫設使

支那

雪巖語錄卷下

五

盡大地人來也不敢正眼覷著雲蓋本云雖則洞山有打破虛空底鉗鎚要且無補綴底針線待伊道過在動用中但云首座喫果子泰首座若是箇衲僧喫了也須吐却只如諸大老激揚且道自己有什麼干涉有一物上挂天下挂地黑律漆是什麼物既是常在動用中爲什麼動用中收不得洞山問泰首座道過在什麼處意作麼生泰首座道過在動用中被洞山掇退果卓泰首座得果子喫不得果子喫五祖道明朝更獻楚王看且道與過在動用中相去多少大瀉云諸人還知洞山落處麼且道落在什麼處若也

不知往往作是非得失會去自是大瀉作遮見解遮果子非但泰首座不得喫設使盡大地人來也不敢正眼覷著覷者則瞎雲蓋云洞山雖有打破虛空底鉗鎚且無補綴底針線杜撰不少待伊道過在動用中但云請首座喫果子不勞拈出泰首座若是箇衲僧喫了也須吐却特地一場愁五祖大瀉雲蓋三人與麼說話要見洞山大遠在山僧今日忍俊不禁爲諸人別行一路有一物上挂天下挂地黑律漆拈拄杖常在動用中動用中收不得過在什麼處卓一下當時若下得遮一著縱使盡大地是一枚果子也須

支那

雪巖語錄卷下

五

粉碎更聽一頌樹頭金果鐵團欒千聖猶難著眼看莫謂臨機會掇退當陽托出已和盤上堂虛而靈空而妙冷而看默而照亭亭雪沒青松杳杳雲藏白鳥正恁麼時還有相見分也無試舉看曹山因鏡清問云清虛之理畢竟無身時如何曹山答云理卽如是事作麼生鏡清云如理如事曹山云瞞曹山一人卽得爭奈諸聖眼何鏡清云若無諸聖眼爭鑑得箇不與麼曹山云官不容針私通車馬後來大瀉詰云是則曹山善切磋琢磨其奈鏡清玉本無瑕雖然不經敏手終成廢器仰山道曹山與鏡清

與麼挨拶與麼敲唱因在天地未判佛祖未彰以前著到且道與老洞山五位君臣還有親炙分也無山僧今日不顧諸方笑怪試爲點檢看清虛之理畢竟無身莫是正位麼曹山云理卽如是事作麼生莫是偏位麼鏡清云如理如事喚作正中偏卽是偏中正卽是曹山云瞞曹山一人卽得爭奈諸聖眼何鏡清云若無諸聖眼爭鑑得箇不與麼曹山云官不容針私通車馬若是偏正兩忘處且喜鏡清曹山俱踏不著所謂兼中到不涉有無誰敢和人人盡謂出常情折合還歸炭裏坐殊不知正是見添漏情添漏語添

支那
概述

雪巖語錄卷下

三

漏好喫三十拄杖大小大爲道曹山是則善切磋琢磨其奈鏡清玉本無瑕雖然不經斂手終成廢器還曾夢見二大老麼仰山如此說話莫別有長處麼聽取一頌洪蒙未判絕疎親畢竟難將事理分夜半正明還不露金剛腦後鐵崑崙
上堂肘後靈符聲前眼活有收有放全生全殺白象崑崙騎黑狗爛銀蹄畢竟作麼生辨九峯普滿禪師問僧甚處來云閩中來九峯云遠涉不易僧云也不難動步便到九峯云還有不動步者麼僧云有九峯云爭得到遮裏僧無語九峯云悞殺一船人拈棒劈

脊趂下九峯老漢雖是洞山真子却有臨濟作略問僧甚麼處來僧云閩中來九峯云遠涉不易豈不是道出平常僧云也不難動步便到相隨來也峯云還有不動步者麼易分雪裏粉僧云有難辨墨中煤峯云爭得到遮裏回途不復妙僧無語覩面沒相呈峯云悞殺一船人拈拄杖劈脊趂出靈山授記也不到如此汝等諸人要識九峯麼他當初與曹山本寂章禪師雲居弘覺膺禪師同叅老洞山取重一時然曹山當時其道盛行不下洞山故稱爲曹洞一宗觀其密受寶鏡三昧五位君臣三種添漏之旨當續洞下

支那
概述

雪巖語錄卷下

三

正傳返無其傳者何也纔有密傳則成死句所以道須參活句莫叅死句死句下薦得自救不了活句下薦得可與佛祖爲師正如臨濟大師與克符道者發明四種料揀三玄三要四賓四主亦不得其傳得其傳乃典化於大覺棒頭悟得先師在黃蘗喫棒要旨將知道體履箇事須是各自證自悟始得斷非口耳可以傳受文字語言可以啗啄是汝諸人聞與麼道莫有爲古人作主的麼出來對衆道看如無聽取一頌雲重重又水重重步不會移到九峯遠涉若還言不易主人却在半途

上堂石女高歌木人和妙用縱橫無不可三更初夜月明前開口幾人曾蹉過試舉看同安丕和尚僧問如何是和尙家風答云金雞抱子歸霄漢玉兔懷胎下紫宸又問忽遇客來將何抵待答云金果早朝猿摘去玉花午後鳳銜來同安老漢與麼答話是則隨家豐儉只是未免太尊貴生亦未免墮在尊貴中是汝諸人還知遮老漢落處也無只如道金雞抱子歸霄漢玉兔懷胎下紫宸與金果早朝猿摘去玉花午後鳳銜來正耶偏耶正中來耶偏中至耶兼中到耶若也向這裏辨明得出四句只是一句五位只是一

支那
撰述

雪巖語錄卷下

五

位若也辨明不出你日日從朝至暮行住坐卧折旋俯仰著衣喫飯展鉢開單與金雞抱子歸霄漢玉兔懷胎下紫宸之句還有親疎也無還有優劣也無山僧今日開遮兩片皮已是悞賺後昆等是不怕傍觀試與一頌白玉堦前金鳳舞黃金殿上玉雞鳴正中來與兼中到昨夜雲深月正明
上堂雲藏無縫襖花綻不萌枝銅壺漏靜玉戶春熙敢問時人知不知試舉看同安志禪師僧問凡有言句盡落今時學人上來請師直指答云目前不現句後不迷又問如何是向上事迥然不換標的卽乖兄

雪巖和尚語錄

卷下

弟還知同安老漢落處麼只如道目前不現句後不迷是什麼消息又如道迥然不換標的卽乖又作麼生山僧到此不免描畫太虛試說一偈天黑雲深飛暮鴉鷺鷥立雪對蘆花幸然不屬今時事句後聲前會卽差

支那
撰述

雪巖語錄卷下

四

上堂內紹外紹有偏有正失曉老婆逢古鏡正與麼時是什麼消息試舉看梁山和尚僧問師唱誰家曲宗風嗣阿誰答云龍生龍子鳳生鳳兒太尊貴生汝等諸人還知梁山落處麼開口不在舌頭上若作龍生龍子鳳生鳳兒會也不得不作龍生龍子鳳生鳳兒會也不得聽取一頌鷺鷥立雪非同色明月蘆花不似他若作龍生龍子會目前一路已千差
上堂聲色無依見聞不立渡水問魚踪過山尋蟻跡畢竟是什麼消息試舉看太陽明安問僧甚處來僧云洪山來明云先師在麼僧云在明云在則不無請渠出來我要相見僧云咏明云猶是侍者僧無對明云喫茶去挹流尋源披砂揀金則不無大陽明安老漢無奈對面不相識問僧甚處來洪山來相見了也無端道箇先師在麼請渠出來我要相見可惜不與當面一喝僧云咏帶水拖泥不少明云猶是侍者家

無小使不成君子僧無對明云喫茶去遮裏見得大陽明安老人和遮僧一狀領過其或未然明安每常示衆云諸禪德須會平常無生句妙玄無私句體明無盡句第一句通一路第二句無賓主第三句兼帶去縱也周徧十方橫也一時坐却正與麼時莫有通得箇消息的麼若也通得箇消息大衆證明若通不得明朝更獻楚王看時有僧出問如何是平常無生句答云白雲覆青山青山不露頂如何是妙玄無私句答云古殿無人不侍立不種梧桐免鳳來如何是體明無盡句答云手指空時天地靜回途石馬出紗

支那
撰述

雪巖語錄卷下

聖

籠又問如何是師子嚙申答云終無回顧意爭肯墮平常如何是獅子返擲答云周旋往返全歸主繁興大用體無私如何是獅子踞地答云迴絕去來踪古今無變異又云莫行心處路莫坐無處功有無二俱遣廓然天地空大小太陽盡力道只道得箇廓然天地空且道是平常無生句是妙玄無私句是體明無盡句汝等諸人若向遮裏明辨得出師子嚙申師子返擲獅子踞地杳絕踪由便會得白雲覆青山青山頂不露古殿無人不侍立不種梧桐鳳不來手指空時天地靜回途石馬出紗籠至於正中偏偏中正正

中來兼中到總不離遮箇時節且道是什麼時節問僧甚處來答云洪山來先師在麼在在則不無請渠出來我要相見僧云咏至於喫茶去試聽一頌動絃別曲古今稀靚面相呈第二機祖父不曾離正位一簾化日自遲遲

上堂動卽影現拂卽成痕聽其自在萬法無根試舉看華嚴青禪師示衆云鸞鳳冲霄不留影跡靈羊掛角那覓踪由與麼說話美則美矣善則未善鸞鳳冲霄此其跡也靈羊掛角此其踪也且道與未冲霄未掛角以前相去多少明眼漢緇素得出不必論正中

支那
撰述

雪巖語錄卷下

聖

偏偏中正正中來偏中至兼中到五位只是一位一位中藏五位還信得及麼更聽一頌玄路絕時分鳥道見聞泯處涉功勳何如只麼閑閑地月浸冰壺夜不痕

上堂形名未立朕兆未分全無巴鼻徹底渾崙且道什麼時節有與麼提掇試舉看僧問芙蓉和尚如何是無縫塔答云白雲籠岳頂終不露崔嵬且道是明一色邊事耶是同中異異中同耶是兼中到偏中至正中來耶若也明辨得出無縫塔只在眉毛眼睫上放大光明照耀塵沙刹海直得地搖六震天雨四花

還信得及麼脫或未然更聽一頌層層落落影團團
切忌當陽著眼看直下有無俱不立白漫漫又黑漫
漫

上堂行也是坐也是俯仰折旋無是不是然雖如是一
騎在日空花亂墜正恁麼時莫有同啐同啄同得
同失者麼試舉看大瀉祐禪師初參百丈值夜侍立
次百丈問云看爐內有火也無瀉看了來報曰無丈
躬起至爐深撥得一星火挾起曰汝道無遮箇瀉
忽然契悟丈乃云欲識佛性義當觀時節因緣時節
若至其理自彰汝今方省已物不從他得冬瓜印子

支那
撰述

雪巖語錄卷下

聖

百丈當初參馬祖侍行次見一羣野鴨飛過祖問曰
是什麼丈云野鴨子祖云甚麼處去也丈云飛過去
也祖回首將百丈鼻頭一搗丈乃作引痛聲祖曰又
道飛過去也丈乃有省得非源既爾而流亦然然亦
熟處難忘未免累他瀉山坐在聲色堆裏轉身不得
當時若解對他拈出再參馬祖底則後代兒孫未致
寂寥山僧不怕攪行奪市謾與下箇注脚值夜侍立
幸自可憐生汝看爐中有火也無無端無端瀉云無
火不知燎却眉毛了也百丈躬起深撥得一星示云
聾邪法難扶瀉山有省入地獄如箭更聽一頌道箇

爐中無火時一團冷燄正騰輝深深撥出一星子未
免翻成節外枝

上堂寸長尺短三平二滿覷面相呈語言道斷有麼
試舉看瀉山因劉鐵磨到山云老特牛汝來也磨云
來日臺山大會有齋和尚還去麼瀉山放身作卧勢
磨便出遮兩箇老子是則傾蓋相逢握鞭回首還免
得傍觀笑怪也無點檢將來縱使八角磨盤空裏走
還出得遮縵天網子麼後來雪竇和尚頌云曾騎鐵
馬入重城勅下傳聞六國清猶握金鞭問歸客夜深
誰共御街行明眼衲僧試商略看且道落在瀉山分

支那
撰述

雪巖語錄卷下

聖

上劉鐵磨分上若是英俊道流未舉先知山僧今日
爲諸人效顰亦資一語岸艸青青得自由等閑牽著
便昂頭通身露地一般白莫是山前水牯牛
上堂一有多種二無兩般釣頭識取莫認定盤有麼
試舉看瀉山與仰山摘茶次瀉山云終日只聞子聲
不見子形仰山撼茶樹瀉山云子只得其用不得其
體仰山云和尚作麼生瀉山良久仰山云和尚只得
其體不得其用瀉山云放子三十棒父慈子孝大有
可觀瀉山與仰山雖則以鏡照鏡似金博金未免通
身泥水終日只聞子聲不見子形道甚麼仰山撼茶

樹倚艸附木爲云子只得其用不得其體別有那仰山云和尚作麼生爲乃良久死水不藏龍仰山云和尚只得其體不得其用相隨來也爲云放子三十棒棒教誰喫更聽一頌何須特地弄精魂摘葉尋枝我不能固是話頭成兩極不妨同翫雨前春

上堂機不離位墮在毒海語不離位沈于醉鄉雖然如是出格道得一句何如只麼平常有麼試舉看仰山問爲山如何是西來意爲云大好燈籠仰云莫只遮箇便是麼爲云只遮箇是什麼仰云大好燈籠爲云果然不識爲山父子絲來線去作家則始終作家

支那撰述

雪巖語錄卷下

呈

逐色隨聲敗闕則彼此敗闕若是凡聖情盡體露真常事理不二卽如如佛其奈細如毫末滿口水霜汝等諸人便向遮裏見得爲仰父子識得爲仰宗旨以拂打一圓相云總跳遮箇不出還識麼豎拂云還見麼其或未然更與從頭點破如何是西來意割大好燈籠露莫只遮箇便是麼賣俏放憨只遮箇是什麼放憨賣俏大好燈籠相隨來也果然不識埋没人不少且道埋沒什麼人試聽一頌覲面提來付與伊分明此意沒東西腕頭有力千鈞重誰道通身是水泥上堂一種平懷泯然自盡明闇情忘事理平等撒開

漫天鐵網且道還有透漏也無試舉看爲山一日在方丈坐靜處乾坤大闕中日月長見仰山從外入來乃轉面向裏風悄悄地仰山云慧寂是和尙弟子不用形跡見什麼爲山作起勢可惜無主人公仰山便出看脚下爲山召云寂子仰山回首聽事不眞爲山云聽老僧說箇夢切忘寐語仰山作聽勢沒伎倆爲山云汝爲原看有什麼難仰山取手巾一盆水來找道只與麼爲山洗面了坐猶未醒在香巖自外入來更添一分爲山云適閒與寂子作一上神通不同小猶自寐語在香巖云智閑在下了了得知真箇那

支那撰述

雪巖語錄卷下

呈

爲山云子試道看香巖點一杯茶來同坑無異土爲山乃歎云二子神通過如鶯子有縱有奪有殺有活爲山父子是則是法喜禪悅一時遊戲其奈千古之下有人檢點佛鑑勤和尚道夢中說夢深許爲山妙用神通還他二子擎茶度水耀古騰今年老心孤憐兒惜子向衲僧門下過一人在門外一人在門內更有一人徧界不能藏佛眼覲不見汝等諸人還檢點得出麼其或未然却聽下箇注脚夢中說夢深許爲山妙用神通還他二子是肯是不肯擎茶度水耀古騰今年老心孤憐兒惜子是褒是貶若向衲僧門下

過一人在門外一人在門內更有一人徧界不能藏
佛眼覷不見若也揀辨得出非特看破馮山仰山而
亦便見佛鑑老人無端敗闕聽取一頌一盃晴雪早
茶香午睡方醒春晝長撥著通身俱是眼半牕疎影
轉斜陽

法語

示平川履侍者

從上來事如擊石火閃電光那容眨眼又如大圓寶
鏡纔墮纖塵便成瑕翳苟不能於明闇未逗形名未
立以前掃踪滅影要透向上關太遠在

支那
撰述

雪巖語錄卷下

聖

目前有見爲有所奪目前無見爲無所礙只遮有無
二字盡天下老和尚與從上佛祖要且盡力透不過
既透不過畢竟十二時中合作麼生
昏沉不好散亂猶乖識得起處滅處和座盤一時翻
轉元來饑即喫飯困即打眠若曰一條白練去古廟
香爐去冷湫湫地去三子烏藤未有喫分在
趙州突出庭前老柏雲門颺下一楸乾屎洞山折稱
稱麻暴露釋迦老漢合與拔舌犁耕然雖如是且道
與入門棒劈面喝相去多少荷盡已無擎雨蓋菊殘
猶有傲霜枝

語默動靜俯仰折旋要須如香象渡河截流而過纔
有絲毫繫絆便是脚下紅線不斷借使隔江招手橫
趨望見刹竿回去已是跳他圈子不出又況握節當
胸嚙他野狐涎唾者哉

當今名字參學如稻麻竹葦求一人半人向萬仞崖
頭獨立如地底尋天雖然如是俊底與鈍底各自根
器不同與夫三搭不回何似一撥便轉

我宗無話句亦無一法與人古人與麼說話可謂唇
不覆齒南閩浮提一般天地一般日月那一箇兩脚
不在肚下無端平地強生節目疑誤人家男女過亦

支那
撰述

雪巖語錄卷下

聖

甚矣

山青水綠雨過雲行盡是顯發自己秘密寶藏時節
若欲認箇見聞知覺又是特地當頭蹉過到手便用
信脚便行纔涉遲回則成剎法且道離却見聞覺知
如何受用剎

平田內淺艸裏撞著一箇半箇便好踏在艸鞋跟底
莫教被伊露出爪牙便見喪身失命臨濟被黃蘗三
頓痛棒雲門被睦州一拶脚折便是樣子苟或不然
安得兒孫徧地
道無南北弘之在人事無難易斷之在我是與不是

一刀兩段便是鐵壁銀山也須粉碎八穴七穿可謂自由外此以往吾不知所謂本色道流也

規上人

僧問狗子還有佛性也無趙州道無九十六種妙相已是覲面相呈了也要須向未舉以前見得方始着眼相照若曰死在句下劒去久矣

只遮一箇無字便是斷命根的刀子開差別的鑰匙若謂果有與麼事又是節外生枝翻成露布要得親切只消道箇狗子還有佛性也無無

趙州古佛眼光燦破天下觀其道箇無字賠却了也

支那

雪巖語錄卷下

咒

今時師僧須是會得開口不在舌頭上方許伊識得遮般病痛自其兩脚梢空未免扶籬摸壁趙州露刃劒寒光生餓餓被白雲老漢覷破心肝五臟冷眼看來大似隔壁猜謎只如道箇更擬問如何分身作兩段未免傷鋒犯手

妙喜道不是有無之無亦非真無之無到遮裏畢竟是箇甚麼英靈漢自合一撥便轉若是三搭不回一任你自去冷地東無西無

淨和尚道只箇無字鐵掃帚掃不得處揀命掃忽然掃破太虛空萬別千差盡豁通是則固是只是未免

誤賺後昆瞎將來眼殊不知我王庫內無如是刀

山僧每每愛向兄弟道盡三百六十骨節八萬四千

毛竅屏作一箇無字一提提取蓋爲你被昏散二風

所吹未免且作死馬醫須是揀得性命一往直前方

見趙州本來面目且道與自己相去多少

只遮無字古人謂繫驢橛子要兩十二時中置之一

處無事不辦忽若見盡情忘和座盤一時翻却趙州

老漢在爾脚底

一大藏教與一千七百段陳爛葛藤向一箇無字下

透得如刀劈竹迎刃而解若曰逐旋扭捏逐旋合會

支那

雪巖語錄卷下

辛

便有箇是便有箇非有處透得有處透不得要使用如皓月廓若太虛三生六十劫

縱使你得箇無字分曉趙州又對遮僧道有畢竟作

麼生自古自今十箇有五雙未免平地喫交雪巖莫

別有箇道處麼

演上人

道本一貫用該萬殊去畱無跡如走盤之珠達夫是者方知從上一千七百野狐涎涕只是一箇狗子還有佛性也無無却須一咬百雜碎始得

忽若崖崩石裂謂之客塵暫歇急須轉身只守住未

免提起便有放下便無十二時中依舊截作兩橛生死與寤寐不能歸一要透遮重關子須是和座翻却往往多是將古人直截太殺老婆心切處曲作奇特玄妙差別商量認羊屎作醵鼓非但自己不知香臭又却度與他人含吐我幸是箇喫粥飯漢莫被此等穢汚撥草瞻風貴要頂門具眼若只橫在兩點眉毛之下未免爲世情所轉非獨入他作家爐轡上他鉗鎚受他枯淡不得動則青黃豆麥不分所謂打頭不遇翻成骨董可不慎諸

支那
撰述

雪巖語錄卷下

至

示志月上人

佛祖是妄禪道是誑叅是馳求坐是執縛迷是不知悟是幻覺莫不皆由一念清淨法身佛照了諸相昏是根散是塵昏卽體散卽用當昏無散當散無昏昏散二岐不相爲礙亦不相雜如百千鏡燈只是一燈百千水月只是一月華亭志月上座無端水中捉月一帆二千里直透集雲逗到龍淵亭畔水底觀天方知不是眞月如今豎起生鐵脊梁直要打教透徹忽被昏散二魔晝夜交相擾擾脫離無由雪巖問道但只百尺竿頭倒退更倒退定是摸著當空明月

演上人歸江陵出無準癡絕語

無準先師癡絕和尚明訓昭昭實天下衲子古今師法雖然世尊不出世老胡不西來鷲嶺未嘗拈花少林未嘗面壁迦葉未嘗破顏神光未嘗立雪若曰千燈續燄五葉聯芳正是接響乘虛狂狗趁塊更曰我坐地待你究取立地待你構取豈不是起模畫樣徒自疲勞德山臨濟一人行棒一人行喝總是屎床鬼子四時運之雷霆震之風雨潤之變萬化於其間而物物各適其宜此特自然而然不期然而然也本自非遠近何有之見之一字亦是眼中著屑演上人生

支那
撰述

雪巖語錄卷下

至

緣西蜀古宿所鍾之地出非凡材一夏相聚凜凜然如傲霜青松令人可敬袖紙併二語見示炷香伏讀如在侍傍復進曰茲欲往江陵訪道舊丐一語爲塗中受用涼風蕭蕭黃葉飄飄去路遙遙外此無他祝

示清妙上人

佛祖無上妙道忘是非無得失離學解絕功勲但有脩有證有覺有觸有見有知總是濁垢過患邊事忽爾天崩地陷豁開萬劫迷雲親見本來面目也只是暫時岐路喚作敲門瓦子不是家珍縱使孤迥迥絕承當赤灑灑沒可把正是貼肉汗衫急須脫下若不

脫下十二時中未免被伊籠罩著不得自由寤寐不得一如明闇依前有間直饒向佛祖未名朕兆未分世界未立以前豁却頂門正眼亦未有少分相應在當知佛法如四大海水轉入轉深若只在岸邊揷脚那裏更在那裏清妙禪人棄官爲僧自閩浙至集雲多扣尊宿一日忽到方丈吐露因由老僧未免只在鼻孔裏冷笑仰山門下無禪無道無佛無祖只是一味清水白米苦菜羶羹若要親見雪巖更買三千緡艸鞋行脚猶隔須彌山在

示資聖成長老

支那撰述

雪巖語錄卷下

五

隔江抬手橫趨望見斜竿回去已是埋沒已靈更說燒却禪板踢倒淨瓶蝦跳何嘗出斗若是生知風骨逸格道流日月之明未足踰其智雷電之疾未足擬其機直下如大風輪如火聚三世佛退身有分六代祖近傍無由得皮得隨傳法傳衣總是鉢盂安柄

示貴上人

狗子還有佛性也無只遮無字是三玄三要之戈甲四賓四主之喉衿只貴當人拈著便行構得便去絲毫擬議平地鐵圍自非攪得性命不顧生死一往直前安有打破牢關時節太原聞畫角靈雲見桃花便

與無字不遠若曰只麼翫水觀山游州獵縣要見老趙州本地風光三生六十劫貴兄道友九夏相從一辭不妄開得一片畚下得一籬粟於三寸蒲團之上收其功矣敢問趙州一箇無字畢竟教放在什麼處試道看

賢藏主

賢藏主已已之夏末爲余掌東輪於集雲峯下一年四壁如無也信乎本色抱道深牧之士犁杷空人牛忘又安知有所謂苗稼之可侵者也是雖五千四百八卷卽斷貫索無影鞭亦置之於無用之地矣退欄

支那撰述

雪巖語錄卷下

五

以來又經三載動靜之間終始如一壬申仲秋忽袖紙乞語爲別且欲循環禮祖以酬素志予曰未出門時行盡天下何祖之不禮也賢卽抽坐具一撼觸禮三拜而出余故不復贅之時窓雨戰芭蕉天風撼庭竹泚筆於卮字堂之西軒

潤侍者游嶽

入門便棒跨門便喝德山與臨濟大師已是夾糠炊米帶土鎔金若論闕齒胡未離西天風月太遠在自餘吹起布毛索犀牛扇豈不誤賺後昆瞎將來眼所以仰山遮裏不敢妄動一絲毫子只貴當人直下不

離本際立地成佛庶亦不辜汝在老僧面前又手合掌送客迎賓而亦翫水游山左之右之如珠在盤不撥自轉忽若有箇不近人情漢拈起拄杖道你有拄杖與你拄杖你無拄杖奪你拄杖又作麼生瀟湘江底月南嶽嶺頭雲

初知客人浙

太初未判朕兆未分以前豁開正眼三世佛祖齊立下風便可回天關轉地軸辨龍蛇擒虎兇客來須看賊來須打至於不近人情處勦斷從上佛祖命根與大地衆生爲冤爲對山青水綠雀噪鴉鳴顯揚自己

支那
撰述

雪巖語錄卷下

圭

家風斬新別行條令豈不是大丈夫事業者哉肇翁紹初知客以三座入賓司勘驗方來怪用醍醐毒藥四載游從始終只如一日涼飈襲衣忽起凌霄之興集雲峯雖欲畱之拄杖子已在門外前塗撞著惡抵家切忌探水

一侍者下浙

向上機末後句奔流度刃疾談過風貶得眼來已是千里萬里沒交涉縱使懷域中日月負量外乾坤亦未可幾其萬一臨濟燒黃蘗禪板洛浦淹殺誰家寶中祖禪不了殃及後人德一侍者相從數載大有可

僧臨別需語恰值拄杖不在覲面一拳且待歸來分付

覺源藏主

覺源浩渺性海無邊自非如長鯨巨鯢一吸到底露出珊瑚枝枝撐著月在在處處盡是照乘明珠直得大地衆生潑天富貴然後會百川細流復歸溟渤發爲波濤散爲雨露運載舟楫發生萬物可得擬議於其間哉若曰持杯以酌執竿以探非徒不知其量深與淺特亦未免望洋而返至於窮死生昧今古莫知其涯涘矣

支那
撰述

雪巖語錄卷下

圭

義濟上人

學道別無方便只貴心堅石穿若是打頭不遇作家未免翻成情董僧問趙州狗子還有佛性也無州云無只遮箇無字便是剖牢關斷生死破疑團的利刃却須將一箇無字放在額角上如一座須彌山向萬仞崖前獨足而立莫教失脚和自家性命一時粉碎便見斬新日月特地乾坤三世佛歷代祖呼來喝去盡皆在我若是今日三明日四東邊尋西邊覓被箇靜與鬧昏與散截作兩段忽覺時覺輕安轉身又却不爾只爲下手不力似信不信流入半青半黃落索

羣隊中去也義濟上人山中度夏逢秋問歸屹屹然于衆宛有百丈之作恰與老黃梅同鄉前途忽有人問梅黃也未不得蹉口祇對鈍置老僧臨風聽得定與三十拄杖

德勝上人

德勝上人東林上足老雪翁之孫也天姿粹美淡靜而端嚴寬和而軒豁與蒲團爲讐敵朝暮未嘗放捨更能握起吹毛劒佛來也斬祖來也斬則昏沉散亂自然倒退三千里忽地兩手俱空直得森羅萬象徹底平沈便是到家時節若問如何是吹毛劒珊瑚枝

支那
撰述

雪巖語錄卷下

五

枝撐著月

正勤上人

所守者正所學者勤惟勤與正乃入道之捷徑正勤上人能力守之力學之吾當與汝保任樓出趙州心髓將一箇無字颺在萬仞無涯深坑之下却與從上佛祖把手同行不爲差事

月上人

一月普現一切水一切水月一月攝此喻一心生萬法萬法生一心此卽夢幻空華半似而半空者也忽若浮雲蔽空水底清光何在遮裏豁開正眼月未嘗

無光未嘗沒明與暗一如死與生無間若天靈山話曹溪指馬祖翫總是影子邊事志月上人堅志慕道當於天地未判父母未生以前識取真月然後見月休觀指歸家罷問程百千佛祖盡是弄光影漢縛作一束浸在萬丈寒潭之底不爲分外

德溥上人

溥修其德溥學其道入之道德身之輔藻道照今古秋月輝輝德藹乾坤春風浩浩精學與精脩未宜輕放倒九夏不出門亦不踏橫艸忽然撥透趙州狗子佛性無珊瑚枝頭紅日杲杲

支那
撰述

雪巖語錄卷下

五

繼逮上人

佛祖之道廓若太虛浩若大海豈造次凡流之可語哉又豈尺寸之可度麻葦之可測哉除非大根大器大力量發大勇猛於一念未生一漚未發一踏到底然後向佛祖頭上坐頭上臥則方有少分相應僧問趙州狗子還有佛性也無州云無只遮箇無字量納太虛深過大海乃從上百千佛祖命脉大地衆生眼目豈可以驢鳴犬吠有情無情見及有思惟心之可測度哉繼逮上人篤志此道究明狗子佛性無話甚切如到方丈請益遭痛棒打出者屢矣一日復來呈

偈求語爲警策故直書此以示若認著一箇元字脚便是雜毒人心孤負趙州不少

慈秀上人

古人三十年履踐箇事尚道我正開在如今未曾拈起蒲團便要一锹掘井豈不天地遼邈者哉昏沉散亂自曠大劫相隨相逐直至今日不有等太華之刀吸滄溟之量掛鐵面具握金剛劍要宇宙廓清難矣雖然白飯元來是米做俯仰折旋著衣喫飯如壯士屈申不借他力廣額屠兒放下屠刀道我是千佛一數且喜一念相應如向外馳求弗自投吳楚豈

支那
撰述

雪巖語錄卷下

五

不重爲歎息

智俊上人

大根大智俊爽之士當出古今羅網掀翻生死窠臼不滯有無名相不分明闇路岐展拓乾坤於毛髮之上呵叱風雷於警欵之頃百千佛祖窺覷無門大地衆生仰望不及時節到來則頂天立地播揚大教扶持末法以壽無上法王慧命豈不慶快平生也歟否則未免唐喪光陰虛消信施只是一箇下板頭喫死飯漢聞三下板坐禪一似生冤家一味抽了被寮舍中打睡名字行脚烏足語哉

宗然上人

儒釋無二道聖凡無二心但得其心道則盡矣在彼在此會何間焉宗然上人棄六經而收六賊單提金剛寶劍斷盡煩惱根塵一日畱紙於雪巖之下欲請語爲終身道伴古謂獨行無伴侶語則刺矣但只要不離此不著彼翻身一擲驀過太虛黃面漢與老仲尼目卽在上座脚底

宗胃上人

趙州道一箇無字如擊塗毒鼓聞者皆喪苟不具頂門正眼切忌動著動著卽瞎透得一箇無字千句萬

支那
撰述

雪巖語錄卷下

五

句只是一字只遮一字從來不曾著畫也是病見空花趙州露刀劍寒光霜燄燄向遮提持得去百千佛祖命根一時兩斷苟或柄橈之眞已是自傷已命

九河辯藏主

大辯若訥大巧若拙此去離言語不立文字之至要也僧問趙州狗子還有佛性也無趙州道無正是巧盡拙出後來五祖演和尚頌云趙州露刀劍寒霜光燄燄更擬問如何分身作兩段朴散淳離轉而訛之化爲糟粕矣吁惜哉九爲君數十爲成數河出圖洛出書伏羲未盡總未

有遮箇消息老趙州著脚於天地未形佛祖未興以前淨如明鏡轉若圓珠僧問狗子還有佛性也無向他道無又僧問狗子還有佛性也無向他道有正如急水打毬子落處不停誰解看

勸虛妄之賊絕散亂之媒苟不力提利刃吾未見其然也只遮無字便是直入百萬軍中斬顏良的懦柄是須先操得自家性命然後有必取必勝之功苟或漸疑漸慮半後半前非獨手中器械被人奪却要見六戶風清一塵不擾未得在

頂門正眼時後靈符鑑地輝天摧邪顯正至靈至驗

支那
撰述

雪巖語錄卷下

空

至妙至圓無出一箇無字向未舉以前一提提得萬別千差同歸一揆如一月印千江月無分照之心永無受月之意千江同一月一月共千江其如情見未忘一任水中撈月

如來祕密寶藏佛祖向上牢關透得一箇無字百匝千重一時了畢譬如一燈洞耀百千明鏡交輝却須當軒撲滅明闇俱忘道有道無臨機在我我相亦空萬象森羅同成正覺到與麼時方見古人道盡大地是沙門

隻眼

無邊刹海自他不隔於毫端十世古今終始不離於當念僧問趙州狗子還有佛性也無州云無三百六十骨節八萬四千毛竅無明業識煩惱般若真如解脫盡底一傾傾出將謂是一顆照夜明珠誰知却是換眼睛烏豆除非一掇粉碎未易隔壁傳量一處通千處萬處一時通一處透千處萬處一時透五千四十八張故紙一千七百段葛藤會得一箇無字如金翅王一拍四大海水連底俱空纔涉思量擬議便被情識意路絆在荊棘林中要得脫體無依乾坤獨露三生六十劫

支那
撰述

雪巖語錄卷下

空

佛病祖病色身法身寒病熱病大黃巴豆醫不得底病單單提一箇無字向未開口以前一嚙嚙下便是一粒換骨靈丹瀉下通身雜毒百千毛竅俱開五蘊六塵廓若太虛淨如明鏡却與七百甲子老禪和把手同行同坐于大休大歇大安樂田地豈不慶快也歟服藥不如忌口開鑿人天眼目發明佛祖宗猷萬別千差之要七縱八橫之妙無出一箇無字臨機但無揀擇大用自然現前如行空之月無不應之輝若走盤之珠無可畱之影或舒或卷或擒或縱剔起眉毛已是千里萬里沒交涉惟大智洞明小根小器可

得而語哉

俊拔衲子要如良驥奔騰直須一日千里苟獵虛言不耕實效縱抱天馬龍駒之質未免且困鹽車之下光陰似箭日月如梭可不自鞭白策者哉

了智上人

毀冕裂冠披緇披褐古未嘗無枯此心如朽木視身世如浮漚在今宰有所以道學道乃大丈夫事業非將相之所能了智上人棄官圓頂刻苦下工志實可尚但勇猛精進四箇字著力未專爲昏沉散亂所困未免墮在悠悠漾漾名字坐禪甲裏只成箇長行粥

支那

雪巖語錄卷下

空

飯僧去也如今要急相應但只竖起生鐵脊梁撐開兩眼盡三百六十骨節八萬四千毛竅屏作一箇無字一提提起如一團熱鐵如一堆烈燄相似則自然空勞勞地虛豁豁地何緣有一毫昏沉散亂之相可得如此五七日去忽然築著磕著也不定本色道人若不赤體親見父母未生以前本地風光只在無邊無岸生死海裏浮沉良爲可惜然雖如是直須師子翻身切忌韓獪逐塊

法海上人

法海汪洋靈源湛寂此大地衆生三世佛祖同一受

用只因迷悟一字有差有別遂有生死涅槃輪迴解

脫之間要得會而歸之只消單單地猛著精采提一箇無字晝三夜三揅死揅生與之厮捱忽然一路踏翻徹法源底則見三世如來與三界二十五有通是妙明真覺無生死可厭解脫可求菩提可得涅槃可證如日月自行江河自注乾坤自立虛空自在會何一纖塵一毫髮之有間哉依舊行但行坐但坐瞋睡打眠著衣喫飯一切平常等閑道著一箇佛字三年漱口法海禪人與了智上座同一出處同住同參發明大事老僧當立待汝未跨門來已與三十拄杖

支那

雪巖語錄卷下

空

示轉菴圓上人

轉山河大地歸自己則易轉自己歸山河大地則難有人道得不難不易句其奈鼻孔已被燈籠露柱穿却未免轉身無路正恁麼時畢竟喚什麼作山河大地又喚什麼作自己自己與山河大地是一是二是是有足無到遮裏却須剔起眉毛於十二時中行來坐去冷地自家微細揣摩披剝始得忽若翻轉手摸著舊時鼻孔依前只在面皮上便見五祖道任運不知名輕輕著眼聽水上青青綠原來是浮萍

示選副寺

道在日用日用而不知所以道知是妄覺不知是無記到遮裏且道知底是不知底是從上老凍膿與天下行脚漢並是築破飯袋踏破屨鞋要且未見一人透得遮重關子既透不過不若行但行坐但坐折旋俯仰不是他人至於聞聲見色送去迎來左東右西無適不在是則固是其奈已眼未開被一重膜子障住未免前段葛藤盡是別人家裏事於我全無交涉須是十二時中四威儀內無絲毫虛棄底工夫單單提著一箇無字豎起主鐵脊梁如頂一座須彌山在額角頭相似莫教眨眼照顧不前便見渾身粉碎且

支那

支那語錄卷下

空

喜一生參學事畢還副寺淳厚有素久依東叟老師今欲換水養魚向萬丈寒淵深處插足忽若老龍奮迅巨浪潑天切不得於乾地浸殺趙州見南泉臨濟扣黃蘗龍潭接德嶠盡皆一踏到底當此末法氣運澆漓盡非一揆一揆便透根器自非揀得性命向萬仞崖頭一撲欲空萬法根源以盡不傳之祕未之聞也昏沉掉舉之根起於業識顛倒之頃今欲拔而斬之非力坐死究則不能勝矣固曰行亦禪坐亦禪語默

動靜體安然此亦得底人田地若是未得底人謂之執藥成病安有海印發光時節

決欲究此一件大事當須發大勇猛奮不顧身盡此三百六十骨節八萬四千毛竅屏作一箇無字一提提起頓在七尺單前三寸蒲團之上如一座須彌山相似兼以晝夜積以歲月無有不透底道理若只半熱半寒似進不進欲圖速効以資話柄將恐後來打入骨董隊裏去也

忽爾目前虛豁豁地似覺不見有此身正謂之豁達空撥因果須是信一念于啐地斷暴地折如崖崩石

支那

支那語錄卷下

空

裂地陷天崩始得未曾親到遮箇田地謾說大悟十七八番也是傍若無人

本分工夫須是十二時中打成一片無絲毫間斷始得若曰進一寸退一尺一日暴之十日寒之安得有成辦底時節是須豎起生鐵脊梁教節節相拄盡八萬四千毛竅三百六十骨節與平生氣力屏作一箇無字一提提起如一人與萬人敵始得稍涉遲回則被昏散二風縛作一團定矣

從上千差萬別正眼若開只是一句不消欬嗽一聲一時透畢如今有一等不啣嚼漢往往多是將實法

定相衷私傳授誤了一切人墮在情識坑子裏頭出頭沒剗地到不如三家村裏田厰翁胸次中潔潔淨淨却無許多狼狼籍籍宜審思之

叅得到說得到又須行得到殊不知俱到也不是俱不到也不是將知我此宗門下事如疾飀過風雷霆霹靂無你擬議處無你湊泊處除非大根大器大力量聊聞舉著倒轉鎗頭便是黃面老漢也與一刀兩段降此已往三生六十劫

三到投子九上洞山至於坐破七箇蒲團與隔江招手一宿曹溪望見剎竿使回往往將謂根有利鈍時

支那
撰述

雪巖語錄卷下

空

有先後殊不知依舊是箇日出東方夜落西雖然如是鄭州出曹門

宗仁上人

仁爲五常之宗心爲萬象之主心恕則仁自生心慈則仁自興善惡之性同一源生佛之分無二天從曠大劫至目前著衣喫飯誰不然

克俊上人

俊拔道流克明自己十二時中常默默地苟存毫髮不能除便見從前都不是等閑一踏到底忘事亦忘理

宗正上人

僧問趙州狗子還有佛性也無趙州道無如搗塗毒問者俱喪又如提金剛寶劍霜燄凜然獨脫漢拈得便用拏得便擲七百甲子老禪和未免翻成窠臼妙喜道不是有無之無亦非真無之無與麼說話窠臼上更添窠臼除是等閑一捏和趙州三百六十骨節一時粉碎撒在百艸頭上散爲萬別千差逗到結角羅紋處覓一微塵了不可得庭前柏樹子麻三斤乾屎橛一時掃蕩無餘雖然如是萬里不挂片雲青天也須喫棒宗正上人還甘麼縱饒不甘也須一捏粉

支那
撰述

雪巖語錄卷下

空

碎

守志上人

志懷高遠守亦堅牢斬佛祖劍柄要力操寒霜光燄腥血鮮臊眼空大地無英豪關羽一勇非吾曹當機一笑風怒號四海息波濤

妙圓首座

從上來事本乎無傳宗乎無言如大明當空無幽不燭如太阿在手殺活臨機斷無葛藤露布口傳心授以舛宗風以悞末學若佛若祖不得已方便垂慈失口流落一言半句不然而然偶爾而爾莫非爲汝洗

蕩情塵破除業識並無纖毫實法與你爲知爲覺爲解爲礙如明鏡無塵而加綵繪者哉可笑近代有一種不正因尊宿與一類不正因弟子如學上大人丘乙已至尙書周易一般方可稱爲明眼衲子苦也屈哉宗門事業若如此學得佛法不到今日所謂參須實參悟須實悟閻羅大王不怕多語

書

上吳丞相

竊觀吾宗向上一關明如杲日浩若太虛動靜存亡照用機括如雷如電如風如雲及其翕也纖塵不立

文冊
撰述

雪巖語錄卷下

空元

及其張也彌亘大千所以生死籠罩伊不住是非明辯伊不得是謂一味平等無礙大解脫門也然而不可以有心知不可以無心造只貴大力量大丈夫向情識意路一切差別等見未萌以前赤骨律地一跳跳出却領現成受用然而則知昭昭鑑覺與紛紛起滅者是皆大解脫門之正體也鑑覺則覽外塵而成見起滅則逐內妄以成知此知此見直下蕩蕩地如水上的蘆葦曾無住著既無住著鑑與覺起與滅塵與妄知與見生與死是與非是皆空中鳥跡就而求之曾何毫髮之有哉三世諸佛本源六代祖師心髓盡

不外乎此矣良由大地衆生失業亡家窮劫至今流而不返指親爲賊認郎作奴自己庫藏中百千珍寶棄之而他覓外求所以累他先聖脫珍御服著弊垢衣巧設方便引而誘之無他蓋欲其信道自己是佛更無別人耳昔有一僧因不自信遂問石霜云起滅不停時如何霜云一條白練去冷湫湫地去古廟裏香爐去又問巖頭頭喝云是誰起滅此二尊宿所謂纔有所重便成窠臼是以活遮僧不得昨聞大丞相國公舉此公案撩撥諸山亦一時盛事也淨慈云同坑無異土強費分疎護國云在丞相分上則神通游

文冊
撰述

雪巖語錄卷下

圭

戲門外打之遶某亦有一語要爲遮僧一刀兩段口未開時分付了也如某者二十年前亦不自信鑽天掘地徧求佛法通宵徹旦惟被起滅昏沉交相擾擾如夙世生冤無由解脫雖時時念念提一箇無字與之厮捱終是力不能加又復多尋方冊博探古今亦卒無藥可療急一日涕流淚下痛自鞭策曰從古至今悟道無數豈我獨無夙種乎於是奮不顧身一往直前將三百六十骨節與八萬四千毛竅併做一箇無字一提提起正如一人與萬人敵徑欲直趨中軍帳裏取將軍頭相似曠劫煩惱一時現前只得盡命

一揮忽然起滅昏沉頓忘所在身與心人與境渾然一片如銀山鐵壁行也如是坐也如是飲食起居悉皆如是偶一僧問曰你如此癡狂作甚麼對曰辦道又問曰你喚甚麼作道對曰與我說話是道又問你死了燒了又喚甚麼作道遂不能對但只茫茫轉加迷悶竟不覺歸僧堂單位下方始翻身豎起脊梁面壁而坐忽然平白如地陷一般面前豁開一亮正如雲開月朗夜闇燈明森羅萬象法法全彰般若菩提塵塵顯露回思從前醒底困底閑底靜底起底滅底逐色隨聲底至於一切是非得失喜怒哀樂移換底

支那
經述

雪巖語錄卷下

主

元來盡是現前受用更非他物却憶從前只欲於如上等處盡力掃除就海棄浪良為可笑自此虛蕩蕩地孤迥迥地常露現前更無絲毫動相當時只不合執定此見返為所見所知一礙礙住每於白日虛閑廓忘知見處中夜睡著泯無夢想時打作兩截割地又透不過既透不過則生死岸頭便是樣子從上宗門中一言半句萬別千差有意味可以咀嚼者一一排遣得下無意味難於下口者又却吞吐不得則他日異時何以宏宗樹教於是晝而思夜而詠行而看坐而提如是孜孜兀兀或進或退若存若亡者又閱

十載一日在太白五鳳樓前縱步舉首見一株古柏觸著面前向來所得和胸中凝滯盡底脫去如在萬重荆棘叢中一跳出在白日青天之外打一轉相似更無纖毫勾絆所是從前有見無見世出世間不了法一時消蕩淨盡無餘一千七百則閑家潑具當甚盪脫丘何處更畱一絲頭知見解會健行困坐喫飯著衣只是一箇平常無事人耳今時諸方往往不本元由多只認目前聲色弄箇業識團子接耳交頭商量傳受以當參學古人一時垂慈方便將楷定規模依樣著語批判謂之明大法自己脚根下一片田

支那
經述

雪巖語錄卷下

主

地依舊黑洞洞不知著落殊不知從上以來正按傍提之要全生全殺之機如大車輪如大火聚授著便轉觸著便燒那有你有擬議親近處縱饒具奔波度刃底眼向三千里外提持亦未可幾其萬一豈宜以實法定相闕釘苟合誤賺後人瞎將來眼是致佛祖正傳不傳之祕流為世俗口耳之學實證實悟教外之旨指為表顯門庭之說吁惜哉

王潛齋

竊謂吾釋之道從古以墜非假至尊至貴翼而扶之則或不自立是故迦文誕生兜率示現王宮至於成

道轉法輪則曰吾佛法付囑國王大臣爲之外護所以廣被西乾遠流東土縣縣二千餘載而未泯者實外護之賜也惟近世以來時常末運宗社澆漓雖王臣外護不減伊昔而聯芳續燄大恥先風夫圓其頂方其袍但知從事乎鄙陋猥屑殊不原夫吾道之始終道也者彌綸乎三界統御乎大千天地日月陰陽造化風雨晦明未始不一一卽此道而囊橐之虛而異爲聖爲賢爲愚爲豪爲昆蟲爲禽獸凝而分爲山爲嶽爲江爲海爲竹樹爲艸菜以至生死興亡遷流代謝是皆根於此道翕張而已矣然則道之爲道果

支那
撰述

雪巖語錄卷下

三

何物也卽義畫未著以前之易耳易之爲體果何寓也卽乾坤未位以前之理耳理之爲用果何歸也卽萬物未化以前之性耳性之爲性蕩蕩乎周行巍巍乎不動亘十世窮十虛而不見其大返一念迤一塵而不見其小以釋而言曰正法眼曰大圓覺曰毗盧印通而變之卽趙州柏樹子雲門乾屎橛德山棒臨濟喝卷而爲玄關爲金鎖舒而爲萬別爲千差以儒而言曰皇極曰中庸曰大學會而歸之卽孔氏之忠恕孟氏之浩然回也愚曾子唯著而爲詩書爲禮樂列而爲三綱爲五常由是而觀儒之與釋道之所在

固一惟其化異而制不同耳何哉是由釋之教以慈忍爲化以戒定爲制故夫人也或得玩而視之近而易之儒之教以誠明爲化以刑責爲制故夫人也崇而尚之仰而畏之仰而畏則懼生焉近而易則慢生焉今夫人也果曰我慢則其逸俗絕塵清冷之士掃蹤滅跡甘與流光俱化會何世相之有哉故曰不假王臣外護而翼扶之則或不自立果不自立則彼託形借服混淆之輩泛濫法門又安知吾懷袖中確有可崇可尚可仰可畏可懼之道也哉

支那
撰述

雪巖語錄卷下

四

不息則邪正交錯心乎不明則真妄交馳苟息矣苟明矣真與妄俱空邪與正不立直下儼儼侗侗顚顚預預如三家村裏田舍翁無絲毫知見羅網胸襟無絲毫聲色籠罩耳目倒恁麼處依舊七顛八倒逆順縱橫左之右之無在不在始可謂之心明矣見息矣妄與邪不能干矣正與直不必顧矣更須撥轉向上關捩和底一時翻却申出三頭六臂於無湊泊處別開正眼亦未可稱爲本分參學茲者仰荷不鄙以傾蓋一見閒示以入道因緣且謂於語默提撕不及處忽然豁爾現前此正妙喜所謂爆地斷時消息也有

以見台座於脚跟下徹證父母未生以前面目諦且當深且遠矣但又舉昔有一僧稱台座慧有餘而定不足台座亦已甚肯其說然此僧好與三十拄杖何故蓋爲不會有本叅中事返於淨無瑕類處添一重翳膜遂誤台座直至于今剔撥不下所以語某曰我被遮一件事礙在胸中久矣以某見之何礙之有但不合當初於豁然現前時一認認著如今於泯然無知處一忘忘却却是致明闇交爭是非交奪朕兆未彰以前消息截作兩段不得自由自在殊不知森羅萬象明闇色空煩惱菩提智慧解脫通貫是箇大圓覺

支那
撰述

雪巖語錄卷下

五

海欲覓一絲毫根蒂了不可得既不可得則當知教中道應無所住而生其心心既無住則當會見見之時見猶離見見不能及見既不及則當思豁然現前之時此即敲門瓦子實非堂奧中物急須颺下果能颺下亦不必起颺下之見若起此見其病愈增但只隨機應變任性逍遙或寄觀聽於金石絲竹或全用舍於禮樂詩書至於升降揖讓遊泳推敲莫不盡從此大圓覺中流出更無絲毫外來之物然後佛也心也見也息也邪與正也真與妄也不待區別曉然判於明鏡中矣

荆溪吳都運書

竊觀釋氏之道以戒定慧三學爲宗戒則律以持心定則靜以照心慧則智以明心有慧無定戒則念念在放逸徒爾事言說而不能斷輪迴脫生死有定無戒慧則念念在虛寂徒爾滯頑空而不能唱大教導羣生有戒無定慧則念念在執提徒爾拘法度而不能一是非齊物我然而慧即定定即戒戒能生定定即生慧慧也定也戒也祖乎一心心本不有戒定慧復從何得然則不有而有廣若太虛盡大千沙界草木叢林鳥獸人畜與夫八萬四千塵勞總即此心心

支那
撰述

雪巖語錄卷下

五

不生即戒心不動即定心不昧即慧戒定慧即此心之本具初不待習而後得也有時不有細如毫末應一切真如般若菩提解脫與夫八萬四千行願總非此心心非戒而自止心非定而自息心非慧而自通戒定慧與此心俱無形相雖時時而習之無所得也於無所得處無所不得則得本無得無得之得是爲真得其爲得也寬廓非外寂寥非內瞻之在前忽焉在後不可取不可捨不可名不可狀此即從上百千佛祖以器傳器以鏡照鏡一段奇特因緣謂之正法眼藏涅槃妙心也是故達磨大師自西天竺國而來

始見梁朝武帝問聖義諦中以何爲第一達磨奏云廓然無聖又問對朕者誰奏云不識此卽達磨爲武帝直指此心以有言示無言也帝不契達磨遂折葦渡江徑歸少室峯下面壁屹然而坐此又爲盡大地衆生直指此心以無言示有言也歷九載星霜無人領旨惟神光可大師斷一臂禮三拜叉手而立默爾全身擔荷於形名未兆之先是謂達磨西來不立文字直指人心見性成佛自此毒流東土接響承虛可傳燦燦傳信信傳忍忍傳能能卽賣柴漢是謂六祖祖下分二傳一曰南嶽讓二曰青原思惟讓接機敏

支那
撰述

雪巖語錄卷下

七

利雷轟電馳散枝派於四方星分碁布源源不絕卽南嶽福巖山是其唱道之地慨夫時移道喪至今幾五七百載而漸至乎絕滅無聞矣雖吾浙全盛之地所在叢林尤多汙雜求其深明此道步步踏實者未之有也信有此道時時步移者亦鮮矣道旣不明又不信矣欲望吾佛祖之教復興於此其可得乎粗有志於參學流通之士對此得不爲之痛心太息者哉如某者自幼削髮因篤信此道而游方始造淨慈天目之室提狗子無佛性話心心相承念念相續者三載晝以繼夜夜以達旦是必欲剖此念破此心以見

父母未生前本來面目忽一日於著力不到處此念此心未萌處泮若水消豁然迴露如太虛之朗月獨耀于中宵當是時也上不見有諸佛下不見有衆生內不見有自己外不見有山河巍巍堂堂煒煒煌煌惟一清淨無依無欲大解脫境界卽前所謂無得之得是爲真得其戒定慧亦無處容受戒定慧旣無處容受則一切逆順是非好惡長短如太虛之雲於我何有哉爾後卽以此扣之靈隱石田叅之天童癡絕證之徑山無準洎笑翁大歇北磬石溪莫不盡跨其門而審之然而所見亦各有淺深所用亦各有高下

支那
撰述

雪巖語錄卷下

七

若夫從上佛祖千差萬別隱顯機緣是皆紅爐上一點雪仰惟都運詔使國史寶文荆溪侍郎道學正統得伊周孔孟之正傳廉明仁愛教士養民當世一人耳某宿何厚幸獲遭際於此時實千載一遇也龍興之寵擢道林之改遷眷顧異常實出過外之望四絕堂上獲聆無極之論侍郎謂無極乃此箇道理無窮極也又謂孔孟之說如是伊洛之說又如如是晦菴象山之說又如如是以此見此箇道理無窮極也然而理旣無極事亦無極事本無名因理而得理本無形因事而顯始自天開地闢至於三皇五帝歷代君臣一

治一亂一興一亡是事之無極也事不自立因理而顯理卽心也天地萬物生我心內治亂興亡自此心中流出故曰事本無名因理而得心卽理也卽天地萬物四時代謝治亂興亡以見此心是理之無極也故曰理本無形因事而顯事卽理也理卽事也事與理融是爲極也極之爲極浩浩蕩蕩杳杳冥冥不可窮不可盡是爲無極無極之極是爲太極太極乃中也中也者卽天地萬物喜怒哀樂未具以前清虛之至理也然此清虛之理含藏天地萬物與夫喜怒哀樂是謂中也其爲中也圓同太虛非欠非餘能平高

十八部

雪巖語錄卷下

无

下不墮有無卽吾佛氏所謂正法眼藏孟氏所謂浩然之氣孔氏所謂一貫之道以是融會儒之與釋雖門戶不同道之所在只一也

佛祖讚

出山相

六年饑餓半夜癡狂貧兒拾得錫赤脚走忙忙

觀音

鰲翔海運地迴天空一瓶淨水五濁惡風安得衆生界具證圓通

其二

以耳返觀夜濤傳別谷之聲以眼返聽甘露散垂楊之碧所返旣忘觀聽亦寂夫是之謂救苦慈悲願力

魚籃婦

行步輕盈梳裝濟楚示大慈悲救衆生苦智眼堪憐盡不明只道籃中賣錦鱗

其二

籃裏清風手頭生活要將魚目換明珠豈是慈悲菩薩有智慧人不消一劄

馬郎婦

謾說教人學誦經

甚分明金沙影裏無窮

支那

雪巖語錄卷下

全

數散作一灘流水聲

維摩

疋羸面孔蹊曉肚腸憂愁苦惱詐病在床說離生死妙法一默無雙

達磨

九年壁觀顯家風半是真誠半脫空一葦不知何處在長江依舊水流東

布袋

一笑生春風雙腫湛秋水日月拄杖頭乾坤布袋裏彌勒忽然下生何處尋你

臨濟

眼生三角頭峭五嶽三遭瞎棒折驢腰一喝當空星斗落錯

朝陽

穴鼻針無縫襖一綫紅日頭聯得似恰好

其二

離離披披破骨董補一孔了又一孔三竿紅日邊離邊看來何止七斤重

自讚

德富藏主請

支那

雪巖語錄卷下

全

巍巍堂堂煒煒煌煌煌煌小釋迦懸記身穿 御賜

衣黃人言有德可富自羞伎倆尋常蕭蕭兩鬢風霜

昭如長老請

海印發光昭然如日曾對大元聖主默說不二法門默而說說而默中興大仰叢林天下第一法窟見者是誰石頭古佛

智坦西堂請

大智洞明大道坦平生鐵面具不近人情雲峯日朗雪谷雷鳴激起鰓腮焦尾同躍天庭

原妙侍者請

高峯

上大今已無人雪巖可知禮也虛名塞破乾坤分付原妙侍者

嘯巖居士請

入錢塘北關祖師會

湖山影裏水月光中似我非我朦朦朧朧兩眼平生四海空

如初禪人請

半身

身披 御賜衣名在江湖上對面忽相呈全全不似像雪白眉毛領下生仔細看來何止長一丈也是起模畫樣

覺圓居士請

支那

雪巖語錄卷下

全

妙覺圓明離諸聞見纔涉安排雲遮日面若言即此

是山僧三尺竹篋如掣電好好看方便

雪巖語錄下

終

嘉興府府嚴寺經坊餘贊刻此

雪巖語錄卷下計字三萬三百八十

該銀

弘光元年歲在乙酉春土月般若堂識

龍泉介清禪師語錄

宋
•
士 龍
源
介
清
洵
撰
等
編

龍源清禪師語錄

目次

壽國□□禪寺語錄

開壽普光禪寺語

湖州道場禪寺語錄

小參

拈古

頌古

偈頌

贊

跋

小佛事

塔銘

跋

卷首失序
文並本文六
字行十八

不甘底出來道塵毛利海中。有十種奇特事。固是總知於中有一件。不入衆數底。還知也。無只消向他道上。紅相比。簍

四月且上堂。昨日送春歸。今朝迎首夏。殘花一樹兩樹。杜宇三聲。四聲歷歷。全超聲色。幾多瞌睡未醒。啞盡將肝膽向人傾。

中秋謝道舊上堂。雲開舍北月。浸東洲。指底話底。翫底多是辜負良秋。山僧今夜却與把手同遊。卓拄杖云。抹過雲門六不收。

臘八上堂。六年枯坐。忍饑寒。堪笑翻身又出山。自是眼中無定見。夜來却被一星瞞。

開壽普光禪寺語

侍者 士洵 編

府疏丞相本無私爭嫌。福建子提起疏云。祇此宛如壁上書名於中。本文又且如何舉似度疏云。白底是紙黑底是字。

陞座垂語。萬頃煙波一天風。月千尺絲綸直下垂。隨手六鰲輕一掣。莫有不貪香餌底麼。問答不錄

提綱還他過量人。提持過量事。據大座而宴安。自若翠橫車。旣從壑昂霄。發大機於正按。旁提絲漲慈溪。滔天沃日。權衡在手。收放自由。殊不知月裏麒麟看北斗。楚王城畔水東流。阿呵呵。是什麼迦葉不傳。達磨不識卓拄杖。一下春融。一氣轉洪。鈞雲帶八荒。開壽域。次日爲丞相國公上堂。大智洞明。十方通暢。乘願力以弘深策。功勳於聖世。出將入相。幹乾坤而載造。調元補袞。揭日月於中天。祇今控鶴神遊。必竟居何國。士九蓮開合處。百寶自莊嚴。

上堂。舉僧問雲門。如何是沙門行。門云。會不得。進云。爲什麼會不得。門云。只守會不得。師云。雲門再舉會。

不得可謂泥裏有刺。忽有問開壽如何。是沙門行。只向他道。認取會不得。

冬節上堂。不可以智知。不可以識識。昨夜一陽生。今朝二十一點點。梅花弄春色。

燈夕移山門上堂。一燈明。燈燈無盡。一門開。門門有路。卓拄杖一下。看看燈明。古佛現在。汝諸人脚跟下。動地放光。摺折德山棒。啞却臨濟喝。要汝諸人不動脚頭。悉由此門徑登佛地。其或遲回。古佛過去久矣。臘八入杭。更黃衣上堂。我佛面黃。我身衣黃。星移斗轉。雪上加霜。啞住山忙。似出山忙。

中夏看青苗。經兼謝及翁。無損商隱三藏主。上堂。一夏已過半。箇事要成辦。祇今演出大藏小藏。猶是居空說空。且道如何。是必竟空。卓拄杖一下。任從滄海變。終不爲君通。

六月望上堂。拈拄杖召大衆云。大地衆生。擾擾昏昏。膠膠轉轉。山僧不忍見。向六月炎災中。卓拄杖云。轟一聲雷。直得雨似盆傾。以致三草二木。同沾滋潤。諸人還覺神清氣爽麼。靠拄杖云。蟻子不食鐵。

上堂。三春云暮。綠暗紅稀。動爲境轉。靜爲法迷。不以色蓋。不以聲騎。風前閒聽杜鵑啼。

上堂。彼彼不相知。法法不相似。秋水波澄。秋山骨露。瑞巖喚主人。翁自不惺惺。麻谷携鋤入園。偷身作務。從上諸老弄鬼精魂。引得後代兒孫迷却。轉身一路。啞君向西。秦我之東。魯。

春日病起上堂。舉古德道有我。卽我病生。無我卽我病滅。我病兩俱非。萬里一條鐵。更有末後句。待款款地與諸人說。頌云。每苔偏地榆錢滿。院落無人柳絮飛。信手翻書香篆冷。夕光山翠上窓扉。

上堂。德山臨濟盡令而行。岩頭雪峯盡法而說。子細檢點將來也。只道得一撇。何故六月不熟。五穀不結。

湖州道場禪寺語

侍者 德高 懷珠 編

三門茗水生。漪雲峯擁秀。直下承當。推門入白。

佛殿未塑佛過去已過去。未來猶未來。現在在何所。敲

香云多是當面踉過。

據室橫按拄杖云。此是爲中下之機。若是上上人來。

時如何。靠拄杖云。猛虎不食伏肉。

總統疏提起云。言言見諦。句句朝宗。度疏云。風從虎。兮雲從龍。

陸座拈香云。毓秀中吳。地流芳古道。場橫該南岳七十二峯。突出華頂萬八千丈。當機觀面。拈作瓣香。祝君地久與天長。

提綱大通智勝佛。迴絕名模十劫。坐道場事久成弊。佛法不現前。却較些子不得。成佛道觀體全真。山僧已將古佛嘉猷。一一揭示諸人了也。雖然雲月是同。溪山各異。只如兩山一門。控汝入路。汝諸人既臨屋底清池。還曾見得火向水中焚麼。若也見得。便與祖師把手共遊。橫行虎穴旁。提正接收。縱自由且道。正與麼時。畢竟承誰恩力。天高羣象正。海濶百川朝。復舉佛陀波利尊者到五臺。有一老人問云。何處來。尊者云。西天來。老人云。還曾將得佛頂尊勝經來麼。尊者云。不曾將得來。拈云。大眾。老人恁麼問。決定未到西天。尊者恁麼答。豈不是這卷經具眼者。辨取上堂。馬祖陸堂。鰲蛟釣魚竿。百丈卷席地。喻老鼠尾。

故是父子共出隻手。力扶大教。爭奈衆眼難瞞。作麼生是難瞞底事。霜月到門。碁局冷水雲籠石。衲衣寒結制上堂。西天結制。以蠟人爲驗。虎岩結制。以何爲驗。卓拄杖云。據虎頭收虎尾。

上堂。不可以智知。不可以識識。昨夜轉金風。今朝七月一。去却一拈得。七禾苗萬頃翻秋色。

解制上堂。卓拄杖云。開正覺場。又卓拄杖云。放水牯牛。無繩無索。去住自由。橫笛一聲天地秋。

上堂。山僧窮到無錐。一夜忽然富貴。松釵變作金釵。冰片化成玉片。卽今寶物現前。盜賊其誰竊得。直饒釋迦彌勒。德山臨濟。猶是分賊草賊。且道那箇是正賊。喝一喝。

上堂。謝少明首座。靈隱侍者。三十年前與之共遊雲月。是同三十年後。不堪共語。溪山各異。如來禪祖師。禪拈向一壁。德山棒臨濟喝。總用不著。何故。國師打侍者。南泉斬猫兒。

閏四月十五上堂。已見四月十五。又見四月十五。重重畫地爲牢。猶將生鐵鋼鋸。若是具透關眼。底不妨。

掉臂便行其或未然踏著方知不相似

上堂謝首座秉拂都寺幹齋坐挹薰風南來快哉一時警地親承得力句飽飫醍醐味歷歷分明不覆藏吉掾舌頭三千里

入新僧堂挂扁額上堂瓦礫堆頭示現寶坊特書新扁開選佛場瞻之在前銀鈎鐵畫仰之彌高鳳翥龍驤切切爲人處明明不覆藏到來如具眼直下便承當舉足步步踏著片磚鋪片地舉目一一驗過一柱挂一梁對機有準妙應無方由此中選續慧命於萬世以此祝

聖開壽域於八荒堪笑力盡途窮底低頭便入節外生枝底牽牛巡堂只如涓此十八日吉辰式標此額而入此堂汝諸人又作麼生體任卓拄杖一下舉黃龍南禪師同隆慶閑禪師入僧堂南云好僧堂慶云好僧堂龍云好在什麼處慶云一梁對一柱龍以手指云這一柱得恁麼圓那一枋得恁麼匾慶云人天知識不無和尚拈云黃龍隆慶二大老恁麼問答錦包特石綿裹秤鎚今日忽有人問好僧堂却向

他道去年臘月庚申日立木今年九月己未日歸堂中秋上堂舉古德云盡大地明皎皎地有一絲頭便有一絲頭有擒有縱盡大地明皎皎地有一絲頭無一絲頭全放全收汝諸人還知二大老落處麼良久云幸然平似鏡何用曲如鉤

徑山雲峯和尚遺書至上堂傳佛心宗弘佛智道亦云居頂亦云得住平時橫說豎說只是無人會得末後句以致道場換手槌臂何故苦屈之詞不妨難吐因事再歸上堂春融合浦再還珠炯炯寒光燦太虛隻手擎來擲不破月明依舊上珊瑚

聖節上堂至寬至大至貴至尊如月行空大地全歸一照如海千波總合一源臣僧今日讚嘆也讚嘆不及薦拈拄杖云且聽拄杖子出來共相祝讚看卓一下祥開

天壽節踰億萬期年

中夏上堂舉雲門示衆云今日已半夏了也敲磬一句道將來衆無對門乃云蜜恒利智拈云大小雲門將梵語示人教人作麼生會輒成一頌租佃朝朝到

庫頭問他時候道難消。枯棹閑在綠楊外。赫日炎炎好晴苗。

賜金襴袈裟兼佛海性空師號謝

恩上堂爲定正宗特賜金襴法服。仍降師號。顯揚佛海性空。全身奉重。風虎雲龍。上感。

皇恩何以報萬年松在祝融峯

上堂秋甲子雨禾頭生耳水拍平疇雲包大地莫教爛却我東山下左邊底

開爐奉諸祖歸新祖堂兼謝監收上堂南方火爐頭有一則無賓主話諸方學者甚多明者不少道場亦有則語舉似諸人只要大家委悉且道是什麼語良久云諸莊有收諸祖有堂

天壽節上堂天地之大德曰生聖人之大寶曰位至大至剛至尊至貴嵩嶽聲聲呼萬歲

上堂終日忙忙那事無妨顯而不露隱而不藏如何是不藏底事玉梅結子浮青樹石筍抽條上綠牕立春日上堂春山春水流春日打春牛若作春意會春不在林丘不作春意會春色滿皇州擊拂子云看

看好事又從頭

聖節上堂風摩雨洗石猶潤水碧山明天更清百億須彌同起舞大千沙界盡歡聲諸人還見此奇特麼良久云惟民得主

杭州納徵錢回上堂心若無事萬法不生山僧昨日自杭州回得箇拄杖子了却時事諸人且道那裏是無事處良久云泉聲到池盡山色上樓多

上堂蠶上筐麥上場不寒不煖夜短晝長理事不二照用全彰且道山前田庫翁是第幾郎參

上堂舉思大和尚云長夏坐禪巍然不動侍僧云今日自恣思自嘆云佛在世時證道者無數今日去聖逾遠一無所獲遂放身偃仰間忽眼根清淨悉見三千大千世界如觀掌中頌云萬里秋天西北風淨如古井鑑秋容箇中誰具透箒眼識得將軍汗馬功結制上堂釋迦老子二千年前約法三章以大圓覺爲我伽藍身心安居平等性智剋期修證取驗蠟人總是強生節目我這裡只守閑閑地一事不爲何故善學柳下惠終不師其跡

上堂謝叔平首座珠書記水石中有珠玉而淵藪光輝叢林中有龍象而佛法興隆領徒行脚不妨坐地商量分座提綱卽爲人天眼目勘破雲門接洞山超他猛虎當路坐老我巖叢別有囑付擲下拄杖云貴在橫身荷負

浴佛上堂今朝四月八世尊降誕日諸方盡皆三沐三薰雲峰體任雖同用處猶別遂將拂子作召勢以第一杓虎跑泉水洗他指天指地妄自尊又將拂子作召勢以第二杓一勺泉水洗他西十九年橫說豎說又將拂子作召勢只這第三杓八功德水召與諸人同向大雄寶殿洗他現今赤身露體岐立金盆擊拂子云將此身心奉塵刹是則名爲報佛恩上堂逼龜成兆達磨來梁引人落草摩騰入漢山僧未入母胎已前已與諸人在長連床上同粥同飯同起同倒今朝特地打板坐禪也是提水放火端午上堂一箇採藥一箇用藥且道那箇是服藥底良久云睡美不知山雨過覺來殿閣自生涼風雨上堂不可以無心求不可以有心得避得風災

又遭水厄向道夜行莫踏白卓拄杖下座謝大梅指堂首座上堂卽心卽佛育王有舍利非心非佛岳林有彌勒不是心不是佛不是物補陀有觀音豎起拂子云諸人還見三佛在拂子頭上轉法輪麼掛拂子云若是人天眼目早已勘破

小參

結制盡大地是箇自己甚處安居總十方爲一伽藍如何禁足壁立萬仞擡頭撞破虚空直往無前信步縱橫十字廓爾了無修證更誰取驗蠟人直得金蓋峯點頭唯唯虎跑泉發笑呵呵祇如大愚蓋蓋天平兩錯又且如何話會擊拂子云款款地與爾商量冬節拈拄杖云過去諸如來已用現在諸菩薩今用未來修學人當用我這裏總不與麼今冬田熟舊債銷鎔倉廩充滿飯籬不空不妨滿盤高釘應時大展家風便見雲峯閣伏虎岩交相慶賀叉手常習却共耳語云更得一年兩熟僧堂法堂便可興工是則是只如今夜用處與從上佛祖是別是同卓拄杖云義出年豐

結夏。酷日炎炎。涼風習習。黃面老子。曾於此時。以拂子打一圓相。云。將此網子。撒向四天下。撈攬羣生。喚作禁足護生。尅期取證。至今二千餘年。收拾不上。道場。卽今力爲提其綱。挈其維。不問聖凡。一網打就。若是已具三十六鱗底。擊拂子云。向此霹靂聲中。騰身一躍。透過禹門。其或未然。切忌點額。

拈古

舉天衣懷和尚示衆云。譬如雁過長空。影沈寒水。雁無遺蹤之意。水無留影之心。

師云。大衆要見天衣和尚。四楞塌地。處處野色。更無山隔斷。天光直與水相通。

舉金牛和尚。凡自做飯供養衆僧。每至齋時。昇飯桶到僧堂前。遂作舞云。菩薩子。喫飯來。乃拍手大笑。

師云。等是弄粥飯氣。金牛却較些子。

舉白水仁和和尚示衆云。尋常不欲向聲前句後鼓弄人家男女何故。且聲不是。聲色不是。色時有。僧問。如何是聲。不是聲。仁云。喚作色。得麼。僧云。如何是色。不是色。仁云。喚作聲。得麼。僧禮拜。仁云。且道爲你說答。

汝話若人辨得。許汝有箇入處。

師云。私商。極賣白水。急要人承當。擊拂云。者箇不是。聲爲汝說。豎拂云。者箇不是。色。答汝話。直饒辨得。未許汝有箇入處。

舉三聖問雪峯透網金鱗。以何爲食。公案。

師云。這瞎驢。放出透網金鱗。擬吞却千五百人善知識。殊不知端坐碧油幢下。有擒縱之機。固不戰而屈人兵。二大老雖是好手。手中呈好手。要且總未有出身一路在。

舉國師三喚侍者。頻呼小玉。元無事侍者三應。只要檀郎認得。聲將謂吾孤負汝。生平肝膽向人傾。誰知汝孤負吾。相識還同不相識。

師云。道場這裡。朝朝暮暮。啐啄同時。應笑國師用盡自己心。笑破他人口。

頌古

德山小參不答話

汲水佳人立曉風。青絲放盡轆轤空。銀餅觸破殘粧影。零落桃花映水紅。

一
五言古詩
三首
本山全和尚示衆云。一塵起。大地收。釋迦老子爲甚麼。三七日中思惟如是事。一花開大地春。達麼大師爲甚麼。九年面壁。若人道得。收足句。可以坐致太平。

風遞山花入袖香。日長無事倚胡床。亂紅如雨春歸去。杜宇聲聲啼夕陽。

古德因僧問。如何是諸佛師德。云。近日舊祖出世。爲人東道西話。

上苑花開到牡丹。紛紛紅紫釀春寒。遊人眼底無姚魏。空向枝頭著意看。

本仁和尙示衆云。眼裏著沙。不得耳裏著水。不得時有僧問云。如何是眼裏著沙。不得答云。應真無比。如何是耳裏著水。不得答云。白淨無垢。

綠樹陰濃夏日長。樓臺倒影落橫塘。水晶簾動微風起。滿架薔薇一院香。

鴈公指雪

當空指出白模糊。多少禪流眼力枯。不得攔腮揮一

掌。幾乎凍殺在中途。

偈頌

送斷橋小師歸越住謝府菴

折屐拖霜角帽斜。越王城畔立生涯。徐家兒種謝家地。竟菜根頭又發芽。

寄白雲菴克翁

如是去來如是住。釋天明淨翳雲開。閑邊一片坐禪石。時折松枝拂薜苔。

刺血書蓮經

一指尖頭下一針。紅蓮初綻碧波深。香風吹散花狼藉。片片無非是赤心。

先禪客南鋤人

問似雲興難止遏。答如劍水逆翻瀾。能從虎穴翻身去。許你親曾見一斑。

宜叟號

以義爲繩親得路。鐵心不逐歲華更。老來義路俱忘却。是處山邊水畔行。

毒海號

溢目炎炎殺氣生。翻空黑浪幾層層。誰知最甚過如
鳩活得鯢鯨起化鵬。

冷泉金裝石佛分韻得沈字

鷲嶺猿吟古木陰。力弘像教在于今。石頭大小黃金
髮末上一機。山岳沈。

玉田號

慇懃抱璞入師門。彫琢猶存畦畛痕。大地耕翻無寸
土。茫茫萬頃寶光寒。

贊

先師寂憲和尚

我父喚翁作屈突。蓋子今喚父作屈突。通莫怪還相
訐。露於理實是難容。三斗艾。三斗葱。吞吐須還老大
蟲。

中峯三世王蠻最毒。是這慈尊出瀉山。枯牛隊耕東
山祖。父田園齊雲紫芝靈芝瑞世道。山藥山食藥連
根劑。洪塘硬寨重壕累壑布江心。網子魚躍龍奔坐
據玉几。眼乾坤來者劈脊便樓衲子。湊泊無門也勝
提起破沙盆。

跋

慧上人古愚頌軸

古之愚也。直今之愚也。詐子以古愚號。厥有旨歟。雖
然更須具決定志具。決擇眼。然後決定大事。則去古
不多讓矣。否則墮在今時途轍。莫言雲峯不道。

能侍者古樵頌軸

應無所住。白日迷路。失脚黃梅道。傳千古。莫是大唐
國裏無禪師。被箇擔柴漢攪亂。四天下能侍者。能於
柴衝未脫落時。薦得可謂能事畢矣。若是向此卷中
要見盧能得力處。則曹溪一脉平沈。

小佛事

小師明侍者火

豎起火云。具峰啄機超生死句。以明水冰入大火聚。
明侍者諾。擲下火云。是我何曾孤負汝。

水首座火

坐脫立亡。不無首座。敲冰取水。取火須是老僧。擲下火云。
任是橫身三界外也。防烈焰上眉棱。

松首座喫齋死

五祖種松春在鑊頭兩堂下。喝雷轟旱地。這裡翻得身吐得氣。火聚刀山。恣游戲。

能直歲結制日火

搬土拽石。能事已畢。恰逢結制。便抽單。詎肯安居。死窟穴。雖然更須迴有轉身時節。擲下火云。也是把火助熱。

瑯都寺火長溪人雲溪死

疊翠擁秦川。生緣何足戀。煙水漲雲溪。住處猶未穩。倒跨三脚驢。兩頭俱坐斷。雖然瑯本是次玉。且入火中煨。

塔山皓廟官火

塔峰巍巍皓月皎。皎紙錢堆裏埋頭明鏡臺。前失照某人。我今爲汝擲一照。看擲下火云。薦得吉凶未判。前火雲散盡千峯曉。

東堂石坡和尚秉炬辭世頌有來而無踪之句

得處雖同用不同。玄關向上振宗風。峻機疊疊傾三峽。生死去來游戲中。前住當山石坡大和尚名重兩朝。道傳千古。十一處用文武火。破無準的發焰死。

柴頭而輝映龍淵八十七年。享耆頤壽量等。曾郎推倒涅槃城。而踏翻虎穴。可謂來而無蹤。如月行空去。而無物如水赴壑。奮爾便行萬壑。風生虛空。突兀面目堂堂。雖然此猶是老和尚。臨行時全提底句。已爲注破。只如末後句。汝諸人祇今還聞舉似麼。以火把打圓相云。石從空裏立。火向水中焚。

語錄終

前往廣化禪寺 如珣 校證

武林鄭仁刊

龍源和尚塔銘

前朝奉大夫主管千秋鴻禧觀牟巘撰
集賢直學士朝列大夫行江瀾等處儒
學提舉趙孟頫書并篆額

道場山龍源禪師既寂之五年爲乙巳七月其記室懷珠哀次遺事偕其徒希渭來求銘心源之塔。予尚

記歲甲午訪師雲峯留三日窮極幽討意甚樂又七年與今翰林修撰鄧善之再至焉師喜見顏間舍予高閣養若話舊夜無倦色明日下午山握手若不能釋不料遂爲死別也留耕先生王公伯大先朝名執政與先存齋忠義相期議論同肝膽同而予亦獲交其子若姪師蓋公之族也故倦倦於予者如此銘可辭乎師諱介清龍源號也世居福州長溪祖諱一夔古田縣尉父良輔知黃岩縣母蔡氏素好善嘗夢神人介而送一子曰是善知識當生爾家果娠而生師幼不苟輩年七歲喜看佛書長益通悟泛覽經史百氏父知其不凡俾出家郡之雪峯居半載行脚出飛鳶嶺抵義興法藏得度於一峰齊禪師年十五薙髮受具戒遂徧參諸方是時淨慈石帆衍靈隱退耕寧徑山虛堂愚皆明師宿德爭欲致之師頽然山立舉動雍容言旨間雅志不苟從適遊吳興道場東叟願以爲典賓繼東叟者無等融卽請師爲內記力辭絕江過育王謁寂隱照禪師入室有契以爲侍香次掌藏鉢寂憲自枯禪枯禪自密菴得其傳授皆南閩偉人

師出世四明壽國遷開壽有史督相之子州尹見師行解相應捨開壽行府與師營菟裘曰西明蘭若爲終老計未幾道場虎席兩漸諸山舉師此來此山蓋唐利自熙寧間大蘇公遊道場諸詩一出名愈重五山由此其選不輕卑也丙子劫火洞然化爲瓦礫迨乙酉凡十年舊觀未還師既至慨然以起廢自任首圓大佛寶殿金碧輝煌像設華好次建觀音藏殿摹大藏經五千四十八卷及旃檀林列翠閣蒙堂法堂僧堂行堂之等鼓鐘法器由中徂外煥然一新四方衲子聞師之風挑囊負鉢袂屬肩摩雲歸霧集於是聲達

帝廷欽奉

綸言賜金襴袈裟敬受

法旨加號佛海性空庶少答其道心精勤之所成也辛丑六月三日忽示微疾索浴淨髮書偈曰佛坐一十劫我坐十七年說甚生死義古今無後先愉然而逝時當庚伏停龕七日神色不變闔維後頂骨牙齒數珠不壞者三壽六十三臘四十八度弟子二百五

十餘人。今住崇恩。士洵爲之上首。寺初無三塔。師以爲憐。問語其徒士芝等。圖之。乃捐已財。買朱氏山於寺之東。勸建三塔。且請爲師壽。塔于其傍。菴廬既成。師扁之曰心源芝等。又集衣資買田以供香燈之費。俾行者職洒掃。滿三歲。則推其名次之居首者。度以爲僧。而禮當代住持。改名。改名已。復禮塔爲師。其規約如此。至是遂盛焉。世率謂種種佛事皆有爲法。此未足論。龍源然龍源建立。亦因其時之所可爲。而盡其力之所當爲。非爲已而爲也。故終歲有爲而未始有爲。如必曰此有爲法。一切諉之不爲。則澄觀師之僧伽塔。昌黎公何以稱其公材吏用之過人。而以其靈骨已老而爲之歎惜。耶師之願力亦弘矣。銘曰

留耕之裔	密菴之傳	燕坐雲峯	十有七年
應緣而出	緣盡輒逝	居然一旦	永解蟬蛻
吾性本空	無亡與存	是爲佛海	龍源之源
酌之不竭	無古與今	是爲龍源	方寸之心
乃營三塔	而四其三	是爲眞宅	心源之菴
各自道場	無乎不在	處處光滿	亦無雜壞

維爾子孫 視我刻辭 如未見師 自源求之
大德乙巳歲秋九月廿七日弟子 希渭 立石
夫說法者。猶江河池沼波瀾闊狹源脉淺深固曰不同。然其流注則均之水耳。今觀龍源三會提唱深沈浩瀚。蓋其枝派自靈因流布而來。可見懷山襄陵滔天沃日無限。平人被陸沈也。大德丙午結制日
天童東巖淨日 八十六歲跋

因師集賢語錄

宋
•
如 德
瑛 因
編 撰

西天梵語出於三藏之總持是以像教之興譯梵語爲唐言以音聲爲佛事至於天台智者云所傳最盛行于東土蓋念佛一法開化萬端如勝鬘之讚釋迦元公之念彌陀歎佛功德代佛宣揚無非利益人天度脫生死之捷鋒也高峰因師性天敏悟經義該通會粹佛書編而成帙不私諸己務廣真傳後學得之立可深造闡梨地位此師之善巧方便厥施斯溥或者謂高峰叢林之老成也此書美則美矣然佛不可以色相見不可以音聲求廼今舍無漏之果而用心於有漏之因佛法恐未盡在是嗟夫百億化身所化境隨根隨類接群機此圓通八萬四千門門門解脫顧夫人根器何如耳匹夫婁人苟能三熏三沐一讚一揚則念佛纔開口華池已種蓮蓋有十聲名號卽生佛刹者若愚師之言豈欺我哉愚請引是以爲或者辯

至元丁亥上巳前三日靈寶法師兼行六通遺教法事 沈世昌 謹叙

高峰龍泉院因師集賢語錄總目

六祖院住持小師 如瑛 編錄

卷之一

入壇叙時景門

立春二段	正月三段	元旦
上元二段	二月二段	寒食
三月二段	清明	上巳
四月二段	五月二段	端午二段
六月二段	七月二段	七夕
中元	八月二段	中秋二段
九月二段	重陽	十月二段
下元	十一月二段	冬至
十二月二段	除夜	閏月二段
曉景四段	亭午	日晡
晚景三段	夜景	中夜
月夜	晴景	陰雨二段
雨霽	雪景	雪霽
霜天	釋迦生日	彌陀生日

觀音生日 聖帝生日 華光生日

卷之二

入壇佛事門

加持法事陳情文 淨三業文五段

塗香灌掌語 祝香文

安慰文二段 淨水文三段

去穢文二段 普變文

讀三寶文 總讚佛文

讀護法文 大輪結界文

卷之三

音聲佛事門

請佛文二段 請三寶文二段

六獻總文 香水 花燈 茶果

七獻總文 香花 燈食 水

十二獻總文 香水 燈茶 米衣 藥

卷之四

歌揚讚佛門

大三皈依三寶三段 古陽關三寶三段

● 卷之五

喬鼓社三寶四段 柳含烟三寶三段

鶴冲天釋迦三段 千秋歲釋迦觀音完光

五福降中天釋迦五段 臨江仙觀音地藏二段

賀聖朝彌陀三段 五雷子肅亡讚三寶

巧筭芭蕉通觀音二段 賀聖朝佛涅槃三段

滿庭芳觀音地藏 水調歌頭維摩八段

降魔讚二段 望江南三寶三段 送佛一段

聲聲慢二段

卷之五

陳意伏願門

生日語 生七語 受生語

血盆語 送星語 還願語

祈男語 謝男語 保胎語

賽謝語 保病語 祈安語

禳災語 禳火語 禳水語

保苗語 保蚕語 修造語 住宅墳墓

解結語 祈雨語 謝雨語

祈晴語 謝晴語 祈雪語

謝雪謝

諸般倡讚門

浴佛

藥師佛

彌陀佛

熾盛光

觀音佛

地藏佛

目連

泗洲佛

定光佛

六祖

僧伽

伽藍

社王

預修

道姑預修

看華嚴

懺血盆

還燈願

建燈懺塔

衆信懺塔

祈雨

祈晴

散花

解結

懺殺生

起幡

放生

卷之六

薦亡偈讚門

薦亡通用三

薦婦人

薦老人

薦公

薦婆

薦父母

薦父二

薦母二

母小祥

母大祥

薦夫二

薦妻二

妻產死

薦兄

兄新及弟死

薦弟

領舉弟

薦男三

男幼亡二

薦女四

薦姊妹

薦丈人二

葬丈母二

薦女婿

遷棺二

葬父

葬母

停喪新葬

移葬安墳

明友新及第

官員

老人官

武官

老儒

少儒

赴省道士

士人溺死

薦僧二

薦醫僧

薦法眷

修行人

僧薦恩母

佃薦恩主

師巫

娼妓

娼殺死

縊死

焚死

卷之七

諸般佛事門

發道文

開明文

祭奠文

讚祭文

召亡文

設浴儀

卷之八

諸般佛事門

設斛文

卷之九

諸般佛事門

散花文

散花偈保安
護髮

放生文

遣船文

祈嗣還願
新蚕
蕭亡

保胎乞巧
追薦
孝道

卷之十

諸家伏願門

祝聖五段

官員八段

士人六段

僧五段

道三段

農人三段

工藝二段

商賈二段

公吏二段

醫士二段

術士二段

師巫二段

師尼一段

老人三段

婦人二段

小兒三段

合家三段

祝壽三段

祈福四段

禳災三段

保安四段

保胎二段

保蚕二段

保苗二段

保畜二段

保牛三段

禳火一段

禳水一段

禳盜二段

還願三段

預修二段

總願一段

卷之十一

總願碎諸門

總願全段

居官

修文

習武

治家

事公

務農

養蚕

工匠

商賈

攻醫

赴擇

漁釣

酒肆

開肆

屠戶

博弈

驚工

僧行

道士

尼師

師巫

相士

論命

牙僧

娼妓

卷之十二

追薦陳意門費靈通用

總薦亡三段

薦祖父母

薦父

父五七二段

父小祥

薦母

母百日

母小祥

父百日娶六七

女薦母夫薦妻子六七母四七

二孫薦祖母叔母

母并妻首七

薦夫二段 薦妻二段 薦兄弟

薦男 長子溺死 薦女

薦伯叔 薦姊妹 薦丈人

薦丈母 薦女婿二段 薦商死

僧薦本師 薦女

薦亡伏願門

薦亡通用_{十六段} 薦婦人二段 薦双魂三段

薦溺死四段 薦僧

卷之十三

涅槃法語門

舉哀三段 起龕二段 掛真二段

舉棺_僧 俗人 女人 奴棺

秉炬_{春景 夏景 秋景 冬景 僧道}

下火_{雙奴 僧 武官 老人 婦人 小兒}

入墳_{吏人 因醉傍橋溺死 僧溺死 妓溺死 耕生}

散灰二段 入塔_{二段又} 撒土

卷之十四

抄題雜化門

化鐘樓疏 龍泉院前虹橋疏

化粧藏疏 彩畫水陸功德

化粧廢寺佛 化粧羅漢聖像

化塑七身功德 化粧佛畫壁疏

化佛前燈疏 化長明燈疏

化設地獄齋 化錢置常住

化齋供疏 起建華嚴閣

鐘樓化瓦修蓋 化米開路疏

化甃路疏 化人披剃疏

化度僧疏 化度牒疏

士人化度牒 吏人化度牒

道姑化度牒 化三衣疏

化百衲衣疏 化鐘疏

化磬疏 化鑊疏

化鍋疏 緣化疏

題彌陀會疏 題華嚴會疏

題金剛會疏 題孟蘭盆會疏

卷之十五

自陳情詞門

因師自叙

開山營創勝

高峰龍泉院因師集賢語錄總目終

高峰龍泉院因師集賢語錄卷之一

六祖院住持小師 如瑛 編

高峰山龍泉院第十一代住持傳法比丘德因叨
爲釋子忝處梵宮承 國皇之勅命非輕感宗師
之慈恩實重塵緣盡脫心印單傳恪守清規勤觀
黃卷法教弘深而浩浩佛門廣大以巍巍雖云無
量無邊當究有宗有旨念遺訓既多訛舛誰加繩
糾之功雖微僧尙乏技能敢效編修之力佛事則
翦繁撮要科儀則按舊添新雖四方異俗所用或
殊然天下同文無施不可備垂採覽猶幸剞裁
入壇叙時景門

立春

時也條風微動木德初回鑾輿候於東郊嶠管飛
灰於候室出土牛而占瑞節探燕以迎祥泰來否極
而草木生輝革故鼎新而山川收觀陳根稿榦乘暖
氣以發萌伏介潛鱗遇陽和而啓蜃堯曆三百六旬
而適當肇始箕疇次九五福而莫不修崇庸建法筵
茂迎景晚

又

三陽鼎始萬象咸亨金門葭管動浮灰解谷黍筒回
太簇東風解凍一天和氣散樓臺曉霧凝香万里祥
光浮草木福隨殘臘去福逐早春來青圭式謹於東
方縛典宜修於西竺

正月

鳳曆闌端龍躔易次機畫協三陽而交泰麟經正五
始以書春官梅飄粉而臘雪初銷御柳搖金而東風
乍扇鴻鈞播暖化工密運於機緘燕谷收寒生意盡
回於萌孽喜逢歲首正門迎百福之時樂運誠心願
會集萬靈之始

又

周星既復端月初臨趣嘗會兩曜之曜太族協三陽
之律東風着物迸沙嫩草綠新抽曉日載陽夾徑小
桃紅尙淺式涓穀日度瀝菲誠

又

歲華方改月吉始和肇蒼龍著象之辰適青鳥司開
之序十里樓臺添淑氣千家廉幙鎖祥煙恭對新陽
虔修佛事

元旦

序推五始曆正三元稱觴舉柏葉之銘祝壽獻椒華
之頌獸樽有酒盈盈之仙醴凝香雞帖當門寂寂之
妖祥退舍正萬姓服桃之日乃九重祈穀之朝

上元

燈火燦千門笙歌喧九陌仙洞之天桃簇錦御溝之
新柳搖金皓月浸嚴城粧點皇都之富貴香風穿禁
陌施呈帝里之繁華護樓之玉漏無聲奏道之金泥
尙濕星橋開鐵鎖火樹合銀花展慶賀之微誠迎聯
臻之百福

又

端月方中凍冰已泮五鳳雲中扶輦下六鼇海上駕
山來瑤漢無雲處處之笙歌鼎沸璇題有月家家之
簾幕風和千門燈火夜嬋娟十里綺羅春富貴好因
緣好時節大功德大莊嚴

二月

時也蒼龍正序玄鳥司分正朔風舉趾之初乃周制
開冰之日燕語半和鶯語巧花香渾雜草香清陽和
明媚而萬象生春法會修崇而一忱歸佛

又

桃腮靚曉柳眼窺春濛濛細雨濕香塵淡淡祥煙薰
煖谷日烘山色釀成和氣闌眉峰風弄花香凝作韶
華迷眼界上苑之春鸞巧囀畫堂之社燕新歸

寒食

粉榆收宿雨桑柘已寒煙花與爭巧鬪新粧麥雨相
遺存舊制千家禁火朱盤呈畫鴨之祥九陌無塵綉
轡學關雎之戲適逢令節願瀝誠心

三月

日在青墀律調姑洗惠風和暢吹殘幾片之桃粧青

雨冥濛濕透千重之柳色燕子樓臺人寂寂楊花庭
院日遲遲鷓鴣浴晴江杜鵑啼夜月

又

榆莢雨晴桃花浪暖濃蔭漸迷於四望韶華已過於
三分紅杏妖嬈輕噴無煙之火綠楊曼娜低垂不繭
之絲尋巢歸燕得泥忙翻翅仰蜂粘絮急

清明

桃浪翻紅萍池漲綠宮娥傳燭青煙散入於朱門燧
氏鑽榆寒焰新生於紫陌柳絮顛狂飛水面桐華點
綴發枝頭適際良辰少伸丹悃

上巳

春方過二節紀重三東堂之曲水紆迴南浦之惠風
和暢紅杏香中爭蹴鞠綠楊陰裏出秋水沂千風輕
聽童子舞雩之詠蘭亭竹茂開群賢脩禊之筵

四月

麥秋氣爽槐夏風清濃綠池中蒲劍插開三尺水亂
紅徑裏苔錢買住半分春早蟬斷續咽新聲乳燕呢
喃調巧語適對清和之月用伸嚴潔之誠

又

青皇解篆赤帝司衡稚笋成竿搖動一軒之翠葆圓
荷浮葉鑄成滿沼之青錢舜絃初奏於薰風班扇乍
搖於明月黃鸝求舊友紫燕引新雛

五月

楚岸風薰鑑湖氣爽梅霖初歇奇雲從漠外之峰槐
蔭緩移畏日鑠空中之火十里翠荷香馥馥兩窻綠
竹淨娟娟仲夏適臨法筵光啓

又

日躔東井斗指南方荷葉隨風搖動團團之綠蓋榴
花映日蹙成簇簇之紅巾虞庭奏解慍之琴唐殿詠
生涼之句蜩鳴螽蟓動應時咸遂於物情燕處蝸居勝
事聿崇於佛果

端午

門垂綠艾雨歇黃梅楚人祭屈巧纏絲漢俗祠陳皆
潔服錦標插起龍舟闌處鼓喧闐畫舫棹歸象板聲
中人笑語幸對天中之令節肅迎海衆之慈尊

又

南窓雨歇東岸湖平萬家桃柳正懸門十里菱荷高
蓋水玉腕結花蛇索子冰肌襯艾虎衫兒新月當空
一輪寶鏡初開匣明星映水幾幅珠簾未上鉤

六月

雲峰出岫火盆張空紅藕香中水閣池亭無點俗清
泉響處松關竹塢自生涼魚翻戲鬣動青荷蟬曳殘
聲來翠柳一歲之光陰將半六通之典教庸修

又

林鍾更舊律柳宿驗新躔畏日流金正是庚金之初
伏旱雲燦火應知大火之將西斑斑汗點濕衣襟赫
赫暑威侵枕簟小灣紅菱通來旖旎之清香曲岸綠
楊移動扶疎之淡影對茲時節宜建道場

七月

斗指西方日行南陸積雨霽而班扇漸却新涼生而
韓燈可親零瀟玉露滴金盤淡蕩金風生玉宇清蓮
香散數星之螢火穿簾堤柳煙收一線之蟬聲入耳
適臨素節光啓法筵

又

金神按節玉宇生涼韓窓燈火已關心吳國尊鱸偏
動興梧桐葉底晚風蕭瑟報秋來楊柳梢頭曉露零
灑催暑去幸逢素景宜建良因

七夕

九秋肇序七夕屆期郝生曾囑腹中書阮氏盛鋪庭
外錦月生璇宇彎彎高掛玉鉤纖露滴金盤密密亂
排珠顆細双星銀漢會午夜玉繩低正當天上之佳
期是謂人間之良夜幸逢令節宜建良因

中元

孟秋既望中氣分司珥月初圓澈灑寒光元不俗金
風微扇淒清爽氣自生涼梧葉飄黃芦花飛白適尊
者燃燈之日乃地官赦罪之時

八月

律調南呂令肅西宮蘆花款款滿汀洲木葉蕭蕭飄
院宇風傳畫角數聲鳴咽斷愁腸鄰簫寒砧萬杵丁
當添別恨竹洗玉娥千點淚荷翻西子六銖衣

又

豆雨開晴蘋風薦爽澄宇星杓方建酉良霄土鼓已

迎寒水光遠接於天光
螢韻雜添於砧韻
映窓岩桂芬芳已遁
天香醉日芙蓉嬌軟
新粧國色

中秋

三秋半度百刻平分
雲頭之寶月團團
水面之珠星燦燦
露濃梧影淡風細
桂香浮半草半眞
天外鴈行排錦字
乍明乍滅江邊漁火
燦星躔

又

金莖有露玉宇無塵
素魄飛來寶鑑光
中無點翳浮雲收盡
瓊樓高處不勝寒
笛聲響振於關山
漏點音傳於城市
哀渚悠揚撐畫舫
東樓談詠據胡床

九月

虹影侵堦月華當戶
正紅女授衣之候
乃農人築圃之時
葉落聲乾蛩吟韻
響籬下菊花新吐
秀岩前桂子已飄
香紅蓼開殘低映
片帆歸遠浦碧梧
凋盡亂隨一鴈落
平沙幸對良辰恭
陳佛事

又

日馭居房斗杓建戌
點點白蘋飛楚岸
鮮鮮黃菊綻陶籬
唱晚漁歌欸乃一
聲歸別浦驚寒鴈
陣翱翔幾

點過長空水連萬頃
稻梁豐霜熟滿林
橙橘富

重陽

雲飛南浦雨晴西山
噪晚蟬聲淒切悲
吟於翠幄驚寒鴈
陣翱翔遠映於霞
牋雅歌幽國之授
衣會際龍山之落
帽靖節採金英之
菊長房囊珠寶之
茱豐樂樓邊秋水
遠連於銀漢滕王
閣畔寒潭清徹於
冰壺佳節俯臨良
因庸建

十月

霜梨薦實雪稻炊香
橘綠橙黃占斷一
年之好景菊殘荷
盡催回十月之寒
威晚風吹水鴈行
斜夜雨滴堦蛩韻
切當元英之肇始
宜法會之敷陳

又

秦史書正玄冥按節
寒煙漠漠井桐零
亂滿銀床暮雨瀟
瀟籬菊離披依玉
砌萬里之天低雲
黯一時之風急霜
嚴蛩聲偏接漏聲
長鴈影更隨山影
淡

下元

菊謝籬金冰生池玉
雪小春之屆候適
良月之云中吳江
亂葉逐鴉翻楚岸
敗芦藏鴈宿風簾
搖翡翠霜

瓦凍鴛鴦日暮天低縹緲淡雲籠月彩夜深水冷敲
凝寒露蕭波光木奴擘破洞庭霜橙子薦成銀甕雪
下元適屆上善宜崇

十一月

嚴風透幕短日經簾數行賓鴈咽長空一陣寒魚依
密藻竹籬茅舍芳梅萼暗傳香雨壑霜林偃蹇松
柯猶挺翠一陽既復萬善當崇

又

昂正仲冬時稱亞歲寒風栗冽安排鴛瓦之嚴霜密
敲飄零催促兔園之急雪小閣之獸紅圍煖幽窓之
梅粉飄香蒼蒼勁竹色依然鬱鬱孤松青不改

冬至

一陽回煖律六琯動飛灰律轉黃鍾魯史紀書雲之
節影添紅線漢庭興慶日之儀急雪舞回風凍雲籠
愛日水寒金井冰滿玉壺柳容已近臘風光旖旎暗
傳春信息臨茲佳節用展微誠

十二月

朔風凜凜愛日溫溫江梅綻玉而漏泄新春岸柳含

金而商量殘臘寒鴉打食團團沙渚之間凍雀藏
身唧唧宿屋簷之畔獸炭紅生於煖閣漁燈光浸於
寒江幸際深冬宜修妙果

又

臘容催柳春信傳梅四野雲垂低罩漁舟欺酒力一
天雪舞亂飄僧舍濕茶煙幽詩載詠於鑿冰呂令特
書於建丑

除夜

夜雨饒寒北風送臘嚴霜凜凜千家翻作玉樓臺瑞
雪紛紛萬壑變成銀世界三百六旬告畢七十二候
云終椒花香泛於金盃爆竹聲沉於瑤砌幸際歲除
之屆候虔修佛事以迎祥

閏月

斗指兩辰月添一閏餘日取一終之數積分象六功
之奇周官已詔於居門堯典特書於成歲

曉

柳眼藏煙桃腮泣露鍾殘蕭寺司晨三唱促征程漏
斷譙樓喚起一聲驚客夢山頂捲雲頻曉雨案頭宿

霧濕晨衣春

雞聲續唱蝶夢初回殘星猶在柳梢頭濃露已沾荷

葉上夏

金鳥影現銀漢光生深深白露罩秋江颯颯清風生

曉岸秋

銅壺漏斷畫鼓聲沉朦朧曉色映平郊隱映晨光浮

遠岫板橋霜滑江路風嚴幸對寅朝廣陳佛事冬

午

青天正畫紅日方中山河萬象盡當陽鄰里群雞齊

報午庭花散影重重疊疊上瑤臺堤柳搖光短短長

長籠綺陌

晡

槐陰轉午柳影移西半窻斜日弄殘紅九陌輕煙拖

淡紫澱澱羊群歸徑險紛紛蜂隊報衙喧

晚

鳥輪欲墜兔魄將生嶺山落日半有半無映水殘霞

乍明乍滅行客奔程忙似箭漁翁撥棹急如梭

又

◆漸富作清

歸鴉含野色宿鴈起秋聲金鳥欲墜於西山玉兔漸

生於東海白雲徑裏牧童吹笛過柴關急水灘頭漁

叟棹船歸柳岸

夜

玉樓更動銀漢星輝熒煌之鳳燭搖風點綴之漁灯

映水螢火照開青草面蟾光穿破碧雲頭

中夜

時交子至夜正陽生月色方中天明似水漏箭數傳

催午夜燭花頻地欲三更林竹篩金庭花弄玉萬里

之風清霧捲一天之斗轉星移

月夜

清風入座明月登空花陰覆地玉玲瓏竹影侵堦金

瑣碎

晴

日麗山川風生阡陌幾幅綺羅張豔彩千重錦繡簇

新紋花草飄香禽魚得趣

雨

雲驅鐵騎電掣金蛇震天轟霹靂之雷倒海瀉霽電

之雨

商羊舞起石燕飛
飄濃雲密罩九疑峯
好雨暗添三級浪

雨霽

嶽麓收雲乾坤霽
雨青山不改數重古木密陰陰碧
浪新添萬頃洪濤來袞袞

雪

凍雲垂幕密雪飛
瓊宿簷之愁雀無聲依藻之寒魚
不食梅開難辨鷺起無蹤紛紛碎玉滿漁簑密密亂
銀飄鶴筆

雪霽

長空霽雪淡月籠沙冷壓鸛鵲寒侵鳩鵲殿秀色
暗添梅宮裕綵梢明報竹平安水國江城變作三千
銀世界旗亭酒闌化成十二玉樓臺

霜

露結昆明波寒太液飛廉怒吼千郊草木盡凋零青
女威稜四野園林俱寂寞富葉落歸根之候結花開
見佛之緣

釋迦生日四月初八日

梅雨潤晨槐風清午八莢
莫生於堯砌五絃琴奏於
虞廊高柳咽新蟬華堂飛
乳燕適炎帝清和之候乃
如來降誕之時祥光燦燦
靈禪林瑞靄葱蔥籠梵宇
虔摠誠悃特展賀儀

彌陀生日十一月十七日

夏曆更新首屆一陽之月
堯階獻瑞方收二莢之莫
人間雪作玉樓臺嶺外梅
薰香世界適北帝嚴凝之
景當彌陀慶誕之辰

觀音生日二月十九日

莫收四莢月仲三春千家
簾幕捲香風萬里溪山浮
瑞彩尋巢紫燕双双對舞
於彫梁求友黃鸝兩兩齊
遷於喬木官柳現真如之色
仙花噴戒定之香鋪排
青帝之韶光裝點觀音之誕節

聖帝生日三月二十八日

堤柳垂絲難繫三春勝景
庭花簇綺尚留兩日餘香
東君將促於良辰聖帝幸
逢於誕節

華光生日九月二十八日

桂子榮開迢際九秋之老菊花雖晚尙餘兩日之香
當藝源孕秀之時正款水儲英之日祥開一木瑞應
五王幸逢誕節之臨宜竭誠心之賀

高峰龍泉院因師集賢語錄卷之一

高峰龍泉院因師集賢語錄卷之二

六祖院住持小師 如璞 編

入壇佛事門

加持法事陳情文

恭聞佛眞法身猶若虛空應物現形如水中月言念
臣僧某甲幸處中華叨爲釋子荷天地包含之德感
君師頒訓之恩意悟宗乘心無退轉昔日阿難遺教
洎僧俗以均沾令辰信士崇因冀存亡而獲利於是
冥陽會闡水陸筵開以臣僧某甲稟性雖愚持心不
昧準靈鷲世尊之教旨依天台智者之科儀慮官揚
而無序無倫恐讚祝而有疎有謬預陳情素冒瀆覽
皇伏冀慈悲曲垂庇佑庶使心持法印中存微妙之

自然口誦眞詮上達聖聰而不外今則法筵肇建望
賜護持勝會周圓恭伸懺謝但臣僧某甲誠惶誠懼
激切屏營之至

淨三業文

切以銀河耿耿玉漏沉沉一天之斗轉星移萬里之
風清霧捲初演漁山之法樂乍燃雞舌之明香擊法
鼓而吹法螺聲聞遠邇禮梵容而歌梵唄迎集聖賢
果簇金盤似瀉山而拾得花攢寶器如善慧以持來
一善纔興萬愆俱雪身心垢淨憑法水以滌除忿恨
業消仗慈風而蕩去致使色身清潔庶令法體圓明
戒行孤高慧心不昧信士伸拳拳之禱緇流嚴肅肅
之儀恭謹一心各淨三業 卽請淨三業眞言

又

切以漏滴銅壺星移銀漢正天籟初沉之際當塵勞
暫息之時金爐燃漏界之香玉磬擊遏雲之韻花簇
簇錦簇簇燈煌煌燭煌煌高揚向上宗乘大作無邊
佛事當使身口意業以清淨要令戒定慧根之圓明
教有眞言卽當持誦同前

又

夫以道場冰潔衆志葵傾焚戒香定香慧香解脫眞
香洒佛水法水僧水摩訶演水花簇三春之錦灯燃
一漢之星玉磬鳴時振鴻音而曼曼金鏡響處等漁
梵以鏘鏘道風開優鉢之花德雨潤蕊莖之草六塵
內淨而性識圓明五濁外蠲而法身清淨願鑒一忱
之凡懇當持三業之眞言同前

又

切以法自心生心隨法變若能一念清淨是故十方
湛然若皓月之當天狀芙蓉之出水菩提智性本自
圓明煩惱客塵妄生分別強去彌猴貪水石迷來浪
蕩拾花針回光皆在於當人潔淨須憑於秘呪同前

又

金鴨香飄騰瑞氣玉虫灯布燦祥光欲潔淨於六塵
當緣清於三業同前

塗香灌掌語

淨澄三業已內外垢皆無體同諸如來身意悉清淨
次以塗香清淨水誦灌掌陀羅尼曰 伽陀

一滴塗香纔點處六塵垢穢盡消除次當歸命薄伽
師惟願慈悲垂加護 誦眞言

祝香文

切以法身不動凡有感以皆通聖祖非遙故無求而
不應欲達十方之信須傳五分之香是香也福根種
就心地栽培清奇本自天然雕斲豈由人力蘭麝叢
中推第一旃檀林裏擅無双焚時瑞氣蒸金爐散處
祥雲飛玉殿一縷之寒煙纔起十方之諸佛遙聞薰
成戒定慧香普獻上中下界欲傳妙偈庸藉洪音
戒香定香慧香解脫香解脫知見香光明雲臺遍法
界供養十方無量佛供養甚深微妙法供養四果羅
漢僧供養合會諸聖賢見聞普薰眞常樂法界人天
亦如是

香奉獻供養佛法僧弟子今將香奉獻一切衆生
亦復然常願在佛前

又

道場初啓香室先興騰騰瑞氣爲臺變變祥雲作蓋
供養佛法僧三寶聞達天地水萬靈若將表於寸誠

用先焚於百和同前

又

是香也簪荷名高旃檀價重蕪金爐而祥煙變通
璇宇而瑞氣氤氲遍徹十方三寶之前遠達四府萬
靈之上通凡心之至懇爲衆善之妙門

又

是香也希奇種性清淨根株或稱雞舌之名或標牛
首之號可以靈山達信海藏通眞薰成戒定慧香普
獻佛法僧寶

安慰文

梵音纔起處法樂乍鳴時金聲震動於山河玉偈潛
驚於天地切慮諸方禁忌此處龍神寧無怖畏之情
庸仗慰安之力我佛如來教藏中有安慰土地眞言
謹當持誦 伽陀

岳瀆山川諸靈覲此間土地衆龍神纔聞宣演妙眞
言各鎮方隅生歡喜 諷眞言

又

恭聞巍巍金相皎皎玉毫道爲三界之師德作四生

之父行則梵王前引動則帝釋後隨菩薩周圍修羅
外護萬億幢幡閃閃百千羅鼓喧喧破蕩風雲沸騰
江海乾闥婆兜鍪發焰夜叉衆戈戟生寒纔至門庭
恐驚禁忌我佛如來教有安慰土地眞言謹當持誦
同前

淨水文

法筵光啓誠意精虔欲迎諸聖以來臨必藉四方之
清淨故憑法水灌洒道場其水也崑崙孕秀河漢流
芳蓮華香裏碧波寒楊柳枝頭甘露洒蓬岳之三山
對掛曹溪之一派長流鼓祥風而玉斂千江翻驟雨
而銀推四瀆禹門春暖魚透三層莊海秋高鵬搏萬
里七寶池中標玉宇九龍口裏浴金仙群生藉此潤
焦枯大地因茲消垢穢用憑佛水普洒法筵蕩除萬
劫之昏蒙永獲一眞之清淨 伽陀

菩薩柳頭甘露水能令一滴洒十方腥膻垢穢盡蠲
除令此道場悉清淨 諷眞言

又

夫水也靈派自高妙源誰究四海月明夜湛湛乎玉

潔冰清九江風靜時浩浩乎霜飛雪瑩滋乎小滋乎
大無所不宜決之東決之西何方不利曹溪舊傳一
滴藥山曾指四來上善推其嘉聲良柔全其眞性滴
之乃骨毛輕爽可以除有漏之塵煩飲之則心膽清
涼可以消無邊之熱惱是以甘露王碧琉璃瓶內觀
自在綠楊柳枝頭洒之則點點無私沾之則時時有
潤用憑佛水普淨法筵同前

又

是水也方圓隨器盈虛任時春泮冬凝坎流艮止浩
浩乎妙源莫測滔滔乎靈派難窮碧澗藏龍寒潭浸
月或在君王龍筆下化作恩波或居菩薩柳枝頭洒
爲甘露一滴纔飛十方俱潔同前

去穢文

切以物之利地也其情常混水之成道也其心善淵
修諸六府則全所養之宜配以五行則盡所潤之美
動則輕風生浪靜而皎月澄輝仰如來興造化之功
本軍吒利加持之力化此德水作諸淨塗天不愛其
道降而爲甘露之祥地不愛其寶湧而爲醴泉之瑞

無一物不被沾濡之惠澤使十方皆爲清淨之道場
教有伽陀去其穢汚

又

地水火風合陰陽而並立腥膻穢垢混凡聖以同居
煩惱憂深愛憎業重每被四蛇煎逼又爲二鼠侵凌
五蓋未除八垢難去故憑法水而滌蕩一切昏蒙密
藉眞言而蠲除萬般穢濁

普變文

切以香雲鬘鬘花雨繽紛梵音響震於九天法樂聲
喧於十地幡幢維綵平分三嶋煙霞燈燭交光移下
一天星斗六和羅列三德宣揚大開香積之厨普獻
仙源之果金言高演玉軸頻宣裝嚴於紫磨相前鋪
設於碧蓮臺畔迎請千寶萬聖歸依五眼六通望法
駕以光臨迓香車而下降切慮所陳供養難使遍週
須仗眞言悉令充足 伽陀
佛賜阿伽甘露水僧持變化不思議一財一食量無
邊萬聖千寶皆充足 諷眞言

讚三寶文

恭惟佛寶者積廣大因成滿月相功高無上而不可
極行深無際而不可窮皇矣金粟如來大哉毗盧尸
祖昭徹自效獨行最真道將莫測而其測愈深功將
莫傳而其傳愈遠不生不滅巍巍坐斷涅槃城無古
無今寂寂不雜安養國演三乘法諦於金剛座上開
四無礙辨於鹿野苑中伏波旬外道而屈膝受降驅
猛虎毒龍而歛威馴伏日月出矣晃如眉際之毫光
江漢濯乎浩若胸中之教海涅不繼而磨不磷德將
同於大虛火不熱而水不濡行將固於金玉處妙育
而不有居無爲而不爲天龍恭敬而未嘗解頰帝釋
欽崇而何曾外頭端嚴甚微妙號曰天人師澤浸無
垠化施不宰說法則言近而旨遠啓教則源深而流
長名差別而有法身報身世數異而論大劫小劫現
神通則高七多羅樹示妙相則過須彌山王確其然
乎信不誣矣伏願暫別水軒月殿緩乘風馬雲車旌
幢耀五彩輝華仙樂播八音嘹唳放玉毫而照群品
洒甘露而潤焦枯既有感以皆通願何求而不應仰
惟聖駕俯降道場

法寶者大覺遺言群生法樂甚深奧義秘密玄文龍
王敬而海藏欣帝釋欽而天神捧阿闍王親寫者三
藏刺血抽毫梁武帝頓悟者一誠度僧建寺言其遠
則有裴相國訓圓覺之義白居易書光明之文語其
近則有王舒王譯金剛之詞張無盡注法華之論五
千餘卷之貝葉洋洋乎哉一十二部之梵書浩浩如
也誦之者如瞽刮膜忽覩青黃悟之者如天去雲燦
見星斗翻譯既憑於羅什大士顯靈須仗於法蘭上
人亘古緣今經天緯地其事則思而隱其言則曲而
中爲一切生死之權門作萬世不刊之典要昔日靈
山會上惟聞付與欽光當時大庾嶺頭豈憑傳與神
秀欽載護持者國王帝主使丕圖而并固乾坤信受
奉行者土地人民獲洪休而克昌厥後可以爲三途
之惠炬可以爲六道之梯航簣鼓其詞者譬如把火
燒天空自委茶薪疣其說者猶似仰空射箭徒招陸
沉所謂盡精盡微不增不減有如此者其功成哉伏
願象駕崢嶸遠近離華藏海龍王踊躍駭捧出
水晶宮玉函開而檀軸錚鏦寶髻舒而墨光燦爛回

驚鼓舞返鵲。如雲漢以爲章。若大觀而在上。庶
使手披目觀。去妄念而達正宗。意思心持。契本源而
悟真諦。中懷激切。不自皇寧。稽首歸依。虔誠拜請。
僧寶者。因心修慧緣。性悟宗欲。超十地而先學十科。
欲透三關。而先明三業。不羈世態。離絕攀緣。宛然塵
垢之外。而物莫能撓。泛若不繫之舟。而道將自化。光
矣而不耀。信矣而不誣。久居知識之叢林。深造祖師
之闡域。日將月就。修行如履。於堅冰進道。若初成山。
如覆於始。簣灌花引水。摘葉尋枝。身如出岫之浮雲。
可知自在。志若摩天之鵬。鵬始信孤高。咄下悟玄機。
捧頭明要旨。有喝散白雲之意。氣有打破虛空之鉗。
鎚。卷舒立方外。乾坤縱橫挂域中。日月以柔弱謙下。
爲表。以蘊空括澹。爲宗。續談聯芳傳衣嗣。祖十問而
九不答。目擊道存一喝。而三日聲言。由在耳修。已於
已獨取。後愛人於人。未嘗先。乘般若舟而遊阿耨池。
中抱兔角杖。而息珊瑚樹下。眉垂一握雪。坐來惟覺。
瀑潭秋。袖擁半肩雲。行處漸離塵世。遠是非。双泯名。
利。兩忘。或默或語。而性自明。不有不無。而心自確。誠。

哉是也。寬其然乎。伏願高捲雲衣。跨玉麒麟。而暫離
禪席。緩挑囊鉢。携柳栗杖。而略下繩床。隨步散香花。
經意吟風月。躍五綬玉。孟渡海飛六鑲金。錫凌空願。
臨娑婆世界。證明休向百尺竿頭。進步我今稽首恭
候。來臨信士。鞠躬虔誠拜請。

又

信心肅穆。緇意精專。楞伽韻徹於三天。般若聲聞於
十地。大雄垂世如月。現於澄潭。聖力興慈。似聲傳於
空谷。四生慈父。三界醫王。應供於天上。人間利濟於
他方。此土作希有之佛事。亘古窮今。闡最上之法門。
超凡入聖。端坐於千花臺上。常放白玉毫光。聲遍於
十方界中。廣布黃金色。相千百億身。而示現有。感皆
通三十二種。以莊嚴無方不見。是夜法筵。啓建勝會。
精嚴先迎佛法僧三寶。爲作證明。次召天地水萬靈。
俯垂享鑒。伏願放玉毫而晃耀。舒金色以光輝。百千
聖衆。參隨萬億神靈。團遶皆依次第。降臨道場。不捨
慈悲。證明功德。

讚護法文

參隨三寶護法四王顯聖德以昂藏挺神儀而偉異
杖寶劍而妖魔碎膽撼金鈴而外道寒心壯氣騰騰
威風凜凜動則旌旗蔽日行則戈戟森雲顧盼五岳
傾叱咤萬靈伏現神威而莫測護教法以長存功實
難量德難具述受今虔請願賜降臨

大輪結界文

切聞佛慈廣大讚莫能窮教法流傳求之心應于之
夜寶香輕噴銀燭高輝然恐外道天魔別生遮障使
此灯光香氣未獲通聞須憑我佛威光令得法印成
就庶使天魔拱手外道歸心擁護道場嚴持壇界今
則金鈴慢撼寶杵盤旋歌揚海潮之音諷誦竺乾之
呪敢借一輪淨地結成百寶壇場先當召請六天王



方一面界

次誦瑜珈五部教伏願三身調御四智能仁同賜降
臨證明結界

奉本師釋迦和牟尼佛跪膝云

釋子特宣金口教 惟憑我佛玉毫光
陳請法駕護道場 是仗真言秘密偈
聲聲上徹天仙界 句句下開地獄門
若有魍魎及邪魔 立殄歸降於正道
欲求嚴潔十方界 先須啓請六天王
聞宣祕語降臨來 證我加持結壇界
謹冀明香稽首和南一心奉請千百億化身本師
釋迦如來光含萬像德庇四生巍巍光降道場歷
歷證明結界信士虔誠躬伸設拜

上來迎請六方天王降臨道場爲今宵夜代佛行持
法事臣僧結定六方界莫與邪魔侵道場能令法席
鎮光輝讚演如來真實議香煙起處爲界燈光照處
爲界香水灑處爲界梵音徹處爲界鈴聲振處爲界
鏡鑼響處爲界結天界結地界結方隅界須憑功德
已遂周圓召三界聖聰望萬靈感格今依科教稟奉
遺言先陳啓請次誦眞詮伏冀洪慈密垂加護就舉
贊云

奉請恒沙悉地衆	法身聖者大輪王
瑜伽五部曼拏羅	灌頂金剛爲上首
一身現出百八臂	手手皆結陀羅尼
湧大火頭霹靂聲	降伏妖魔諸外道
空中跳躑輪刀劍	口中哮吼似雷鳴
回睛轉眼掣電光	忿怒攢眉實可畏
有大神通自在力	隨聲應念盡遙聞
來往由如一刹那	聖者威雄不可測
手持金線降魔杵	足踏寶石鎮閻浮
童子四面散天華	來結道場三昧界

大輪聖者降臨來 大輪聖者降臨來

爲今宵夜代佛行持法事臣僧某甲一心請起身巡
座念眞言云

南無悉揭哩耶墜尾伽南娑婆達多識多南恒枳
多唵毗盧神毗盧施摩訶斫伽羅拔折哩拔折那
薩多薩多娑羅帝娑羅帝恒羅曳恒羅曳毗多摩
尼三吽叱寧達羅摩哩悉羯哩耶娑婆訶

天阿蘇羅藥叉等	來聽法者應志心
擁護佛法使長存	各各勤行世尊教
諸有聽徒來至此	或居地上或虛空
常於人世起慈心	日夜自身依法住
願諸世界常安隱	無邊福智益群生
所有罪障悉消除	遠離衆苦歸圓寂
每用戒香塗瑩體	常持定服以資身
菩提妙果遍莊嚴	隨所住處常安樂
菩提妙果遍莊嚴	供主虔誠常安樂
菩提妙果遍莊嚴	合道場人常安樂
六方擁護有鑑基	十道歸降無盡期

如達三寶眞詮教 頭破七分似阿梨

是夜道場嚴淨結界云周先迎三寶爲作證明大召
萬緣望垂降駕供主虔誠恭身拜請

高峰龍泉院因師集賢語錄卷之二

高峰龍泉院因師集賢語錄卷之三

音聲佛事門

請佛文

切以道場廣闢法席宏開義流鴈列以成行檀信鶴
立而作禮金鏡龍擊玉磬徐敲騰清韻以鏘鏘合梵
音而落落一輪千福相十號萬雄尊端座蓮臺輕垂
霞服髻聳青山之翠目澄綠水之明唇豔紅桃眉分
碧柳胸印題於卍字足輪碾於千花鼻挺黃金齒挑
白玉展鵝皇之兩掌現獅子之全威巍巍如海上一
山皎皎似星中孤月菩薩辟支迦而擁從聲聞阿羅
漢以參隨釋梵四王以皆臨龍天八部而咸集金剛

執戟而左輔右弼玉童散花而屈膝低腰拱聖德之
巍巍尊之至也瞻形容之穆穆望之儼然大哉天上
天人偉矣佛中佛日溫溫乎和可知也蕩蕩乎無能
名焉今則念茲在茲來止蒞止徒言詞之千種莫讀
嘆於一毫法螺吹而法鼓鳴天樂響而天花墜洒霏
霏之法雨扇颯颯之慈風廣開香積之厨普獻酥醑
之饌由是妙覺等覺聲聞覺薄共證明觀音妙音海
潮音皆歸正法八萬塵勞俱一掃百千功德現三乘
如甘露而沃心似醍醐而灌頂何必更尋彌勒佛只
今幸觀釋迦師恭對覺皇聊吟佛韻信士虔誠躬身
設拜

大聖佛陀耶佛寶 偈曰

十方諸佛大虛空 百億分身顯現同

變化萬般碧玉相 莊嚴千尺紫金容

慈風浩浩祥雲繞 法雨霏霏瑞氣濃

遙望西乾伸啓請 願臨東土鑒無窮

謹冀明香稽首和尙一心奉請十方盡虛空界三世
過現未來無窮佛寶恭惟佛寶者百福尊相千光妙

身果滿三祇恩霑九有道德遍通於遐邇威靈變化
於人天演眉際之毫光燭人間之勝事伏願雲乘端
彩座擁祥蓮戒定香騰於十方慈悲雨洒於三界引
輕輕薄霧扇颯颯和風天女散華空神奏樂列東西
之隊仗綵色凌霄分南北之幡幢輝光耀日寶鉞鳴
而聲隨風響金鐘扣而韻振海音白檀香起於爐心
紅藕花芳於座下聲聞引從菩薩瞻依星辰照而八
表光明道路平而四郊坦蕩受今虔請願降道場不
捨慈悲證明功德

長聲云唯願佛慈廣大妙力難思降臨道場衆和

證明功德香花請香花請

大聖達摩耶法寶 偈曰

三乘妙法實難量 一念歸依散禍殃

帝釋欽崇龕內供 龍王瞻敬海中藏

五千貝葉靈文著 十珎琅函金口章

惟願輕推開寶藏 降臨法會放毫光

謹蘇明香稽首和南 心奉請十方盡虛空界衆

過現未來無窮法寶恭惟法寶者龍宮海藏人畢遺

言常聞開滿字之文葉上寫觀花之偈或銷金而飾
筆或刺血以濡毫捲來檀軸香多纏處霞條縷細書
成返鵲藏若回鸞四句聞而千障消一偈宣而六塵
淨道滿於岩間童子功成於井上野犴緬常瞻般若
之臺欽斯設大千之會皆由重法始獲聞經半偈難
逢千生罕遇伏願輒開龍藏捧出琅函散天上明花
布人間喜氣幢幡引從於前後鐘磬振韻於高低珠
珎鳴而對對聲喧香印分而縷縷煙散受今虔請願
降道場不捨慈悲證明功德

長聲云唯願法慈廣大妙力難思降臨道場衆和

證明功德香華請香花請

大聖僧伽耶僧寶 偈曰

聲聞僧寶最超群 名利雙忘道越尊

阿耨池中立垢濁 珊瑚樹下誦經文

龍降鉢內氤氳霧 虎伏崑前變鬚雲

願賜慈光臨法會 風車雲駕降紛紛

謹蘇明香稽首和南 心奉請十方盡虛空界三世

過現未來無窮僧寶恭惟僧寶者三乘五位十地六

通戒淨如霜心明似鏡或四界修證或三劫練磨迴
神通則海上浮盃遊世界則空中振錫煙郊入定峰
頂持經道樹高而萬仞扶疎福海深而千尋渺漠一
瞻一禮消劫劫塵勞一讚一揚長生幸福惠伏願略
辭幽谷暫降人間泛海浮飄凌空躡足振伏虎六鑲
金錫掌降龍五綬玉孟旋輕羅於雪浪之中披重霧
於丹霄之外忽遺針縫石室能令線逐山移願圓婁
藥之瓶早赴今宵之會受今虔請願降道場不捨慈
悲證明功德

長聲云唯願僧慈廣大妙力難思降臨道場衆和

證明功德香花請香華請

謹焚明香一心奉請摩訶薩界應供尊者道明和尚
大辨長者三寶會中護法神八大金剛密跡衆惟願
不露如霜之劍休彎似月之弓願降道場受酌供養
恭惟三身調御四智能仁五眼辟支六通羅漢光含
萬象恩庇四生色舒金相以巍巍光迸玉毫而皎皎
身證百寶座擁千蓮梵王帝釋以交參獅子象王而
引從人間天上接物利生有請而處處皆通無願而

願願自在不思議力難盡讚揚恭望降臨證明功德
安寶座眞言朗當持誦 誦眞言

又

切以萬象森羅總是微塵刹土十方清淨無非諸佛
法身雖云湛寂以難名凡有感通而必應又況精專
衆志嚴潔道場金爐輕薰瑞煙浮銀燭高燒祥光燦
法螺吹動雙雙如鸞鳳和鳴梵韻揚時對對似頻伽
交舞四菩薩前迎於玉輦八金剛後擁於瓊臺緇流
盡歸嚮之誠檀越罄恭虔之禱迎請十方眞實際萬
億總持門離染六通聖僧參隨八部神衆伏願聖心
遠鑒惠耳遙聞不違願力以來臨盡副此心之悃禱

又

稽首十方華藏海剎塵等數諸如來法身報身及化
身自覺覺它并覺滿千花臺上圓眞應萬德光中示
吉祥三名四智鑒眞機五眼六通觀法界釋迦大慈
父彌勒眞導師滿月琉璃光極樂無量壽普賢行願
海文殊智總持觀音救四生勢至携三有無量眞十
地廣大願三賢八解辟支迦四果阿羅漢龍天并八

部水府及人間當界堅牢神善惡功德案此間土地
主伏事香火神一切諸聖賢見聞隨喜衆聞斯召請
咸賜降臨

六獻總文

三世如來皆至止十方賢聖悉光臨雖云一意以精
專惟有數般呈供養莫不香焚五分花獻三春灯爲
傳法之因茶乃破魔之瑞菩提妙果香積飽飽獻佛
寶則佛果圓成奉覺皇而覺花開發念無物不足以
見意惟至誠斯可以感神向下逐一爲宣揚惟願慈
悲垂攝受

香

是香也曾祝萬年天子壽熏成五分法王身旃檀林
裏占都魁蘭麝叢中居上品今崇佛事上獻明香惟
冀聖慈俯垂攝受學鈴云

囉囉香供旃旒消鎔耶輸有難在皇宮厄難當時
現感通寶香熬火坑中化青蓮焰息紅給孤蘇旃
檀獻妙容

囉須彌 囉捫佐餘訶度波換易改此度波字 摩登常伽

度波尾恒曩彌濟迦耨佐曩彌濟迦摩訶濟曩南
迦盧彌

花

是花也七寶池中呈國色一枝月裏占天香世尊拈
起示諸人達磨傳來開五葉今崇佛事上獻明花惟
冀聖慈俯垂攝受學鈴云

囉囉花供芬芳春濃碧綠青紅綻芳叢明行如來
另釋雄寶花王獻妙容達三明證六通迦葉昔曾
拈覺性通 囉須彌依前唱和改度波曰普悉波

灯

是灯也一點八風吹不動寸心方劫鎮長明西天佛
祖邇相傳大地衆生消黑暗今崇佛事上獻明灯惟
冀聖慈俯垂攝受學鈴云

囉囉灯供輝耀長空鶴燄熒煌照迷矇玉帝酥油
萬斛中阿那律天眼通照三塗五苦中舍利弗常
燃照梵宮 囉須彌依前唱和改度波曰你波

茶

是茶也碧玉甌中銀浪湧黃金碾畔雪花飛掾天鼻

孔始聞香具眼舌頭万了味今崇佛事上獻明茶惟
冀聖慈俯垂攝受學鈴云

嚩囉明茶春苞萌芽白玉分花味最嘉採摘鎗旗
布煙霞野人做息妖邪礪玉塵泛雪花三吸趙州
茶來去也 嚩須彌依前唱和改度波曰適吟波

果

是果也福地栽培今已熟心花結處自然成就中當
占御園春直下共圓菩薩果今崇佛事上獻菴羅惟
冀聖慈俯垂攝受學鈴云

嚩囉果奇青林玉墜萬種香美鵲高枝野鷗猿猴
盡採歸嚼紅杏丹果美味充腸翠凝窗修證阿僧
祇獲妙理 嚩須彌依前唱和改度波曰頭羅

食

是食也解使衆生皆飽滿能令萬劫免飢虛酥酤美
味獻諸天香積上方呈我佛今崇佛事上獻珍饈惟
冀聖慈俯垂攝受學鈴云

嚩囉純酤六味均和牧女煎糜供佛陀百種珍饈
號禪那表精誠福更多呈三德六波羅釋梵辨天

厨獲妙果

嚩須彌依前唱和改度波曰續凌

普奉獻祝讚量無邊惟願慈悲垂加護合門長幼俱

平安福壽永綿綿薦亡云薦資亡者往生天孝眷獲延年

七獻總文

法筵光啓賢聖降臨雖至誠自可以感神然非物不
足以見意是用敬焚一炷煙飄飄靈祥雲輕折數枝
色現芬芳瑞彩一滴洒爲甘露七層燦若明星龍團
礪破噴清香蠟眼湯烹有真味滿前芬馥無非香積
厨中座上圓明盡是菩提種子用伸貢獻以表純忱

香

玉斧削成山勢聳金爐薰起瑞煙濃撩天鼻孔悉遙
聞戒定惠香熏法界

花

五葉花心開此土一枝優鉢產西天世尊拈起示諸
人迦葉破顏曾一笑

灯

照破昏衢消黑暗增輝佛日轉分明燈燈續焰到于
今祖祖傳芳光不滅

水

吸盡西江難下口布爲甘露潤群生九龍親吐浴金
仙萬古曹溪無盡綠

茶

趙老喫茶何直截文殊拈蓋試分明欲知此味冠羈
山須是舌頭親具眼

果

功德園林勤種植胸襟造化爲栽培拈來本自善根
生獻處圓成無陋果

食

大地遍爲香積界珍羞一味世間無通身是口爲需
管萬劫千生長飽滿

十二獻總文

道場開啓法席精嚴既儀物以廣陳庶誠心之可表
戒香定香而雲騰霧滃智炬惠炬而月耀星耀優曇
花吐帶祥煙菩提果熟凝甘露碧琉璃瓶內雪浮三
吸趙州茶紅碼礪甌中霜清一滴曹溪水珍寶般般
具足神珠顆顆光圓塗漿百味澄清齋膳五香精潔

霞衣鮮彩品藥芬芳今將逐一獻能仁望賜慈悲同
攝受

香者

沉水旃檀價莫倫金爐繡爇噴祥雲氣氤氳徹三千
界爲瑞爲祥遶世尊今崇佛事上獻明香物惟冀
換易

聖慈俯垂納受學望泣南調

香奉獻沉水與旃檀百和氣氤周法界爲祥爲瑞
遶靈山請佛降人間

花者

世尊金手昔曾拈迦葉忻然妙意傳從此靈山因願
悟一枝五葉利人天

花奉獻五葉是誰栽兜率陀天堦畔有靈山會上
佛前開迦葉爲傳來

灯者

祖燄熒煌列寶臺昔時尊者箭挑來誰知萬斛紅蓮
子撒向道場此夜開
灯奉獻遍照向人間達摩親傳分寶焰灯灯相續
不曾閑從此破幽關

茶者

石輪碾碎早春芽點出浮甌散乳花啜罷清風生兩腋
休言趙老好烹茶

茶奉獻香味總希奇昔日趙州親自種今宵信士
獻牟尼烹出雪花飛

果者

新鮮顆實薦金盤四海禪人舉目顧雙鳳啣來親獻
佛野猿猶更用心攀

果奉獻碧玉嚼紅香甘美充腸香透頂金盤捧出
玉含芳堪獻法中王

齋者

梵天香積取來時尙受宮娥玉乳糜頂門若具金剛
眼何必文殊下一匙

齋奉獻不復羨酥醑百味珍羞堪獻佛天厨纔辨
不曾多齋後獲禪那

水者

汪洋碧浪接天流每向滄溟濟巨舟龜山昔降軍十
萬點來菩薩柳枝頭

水奉獻隨器逐方圓曾向觀音楊柳上變成甘露
洒三千火焰化紅蓮

塗者

金盃沈水最幽香灌頂醍醐玉液漿能爲衆生除熱
惱更教心地獲清涼云云同前

塗奉獻甘露乳瓊漿海岸寶陀靈石上衆仙分處
甚馨香捧出有霞光

寶者

紅爐鑊熟上鉗鎚打就金毛師子兒休鑑下和空泣
玉於中還有老胡知云云同前

寶奉獻奇異寶堪誇白玉黃金爲至寶珊瑚瑪瑙
絕纖瑕獻佛在龍華

珠者

二龍爭鬪竟無休却使胡僧笑點頭還知海藏親取
得莫向摩尼境外求云云同前

珠奉獻龍女捧摩尼果證南方無垢地蓮華臺畔
證菩提三界盡遙知

衣者

九條五相紫檀衣傳自黃梅半夜時庚嶺石邊持不起重樓鎮鎖在曹溪云云同前

衣奉獻五彩色光輝鎮在重樓爲祖體黃梅半夜密傳時堪獻佛牟尼

藥者

世間稱作大醫王自有長生不死方能救衆生諸疾苦頓令熱惱作清涼云云同前

藥奉獻功妙實難量解救衆生諸疾苦世間難辨品材良心地有眞方

上來所陳諸供養

能令利益遍虛空

我今宣演妙眞言

合會聖賢咸攝受

曩謨娑婆怛它夔多度波補迦波你波囉馱頗羅末鄰補佐銘迦三母捺囉三摩曳吽一遍

唵誡誡曩三婆嚩轅日囉斛二遍

普奉獻十二妙因緣次第精專陳讚嘆迎祥集福雪冤讐諸聖鑒無邊

高峰龍泉院因師集賢語錄卷之三

高峰龍泉院因師集賢語錄卷之四

六祖院住持小師 如瑛 編

歌揚讚佛門

三歸依

歸依佛補處慈氏如來居內院蓮華臺人間願早下
生來便作龍華三會謠謠佩歌舞獻花五雲仙隊雲
仙隊表應玉皇嘉瑞瞻好相證三昧妙幢影裏奉慈
尊耳聽簫韶謠頌出三界兜率陀天面禮千拜
歸依法玉軸靈文寶偈唐三請名不易旃檀香水奉
金書鎮在龍王宮裏色空異聞者凡夫便登十地登
十地花藏海中遊戲金盤滿香風吹却來此處散天
花供養當今皇帝當今帝帝子王孫千秋萬歲
歸依僧圓覺聲聞賢聖居南嶽與天台祝融方廣絕
塵埃入定觀空不昧駐幽涯虎伏龍降高道奇哉道
奇哉廣布六通自在常應供十方界尋聲赴感利那
時此土他邦無礙堪依賴接引群生盡超佛界

古陽關

稽首歸依佛初降誕摩耶藍園裏十九逾城去向雪

嶺修持蘆芽穿膝朝夕嗽一麻并一麥修苦行六年
滿證大覺菩提我佛慈悲放毫光照三途離苦迷經
梵諸天歸向三界瞻依龍華會裏普爲衆生親受記
談妙法不思議有請降無違

稽首歸依法菩薩問因緣百萬遍演眞詮廣大金
口親宣龍宮海藏願常轉法輪度有緣眞秘密無窮
盡超彼岸舟船信受精專去千災降吉祥福壽延是
夕香花羅列法樂連天慈悲方便品類投誠作福田
今頂禮不違誓有請降臨筵

稽首歸依僧住世在方廣與天台南岳祝融峯頂迤
絕塵埃親蒙佛囑應此土他方天上回或伏虎居岩
畔或振錫浮盃閑臥白雲堆被靈禽叫聲驚起來關
散崑前入定覺樹花開珊瑚樹下更把青松月裏栽
眞瀟灑無餘事有請降臨來

喬鼓社

歸依佛釋迦是真慈父化現身形繼補處駕白象乘
雲去向皇宮托陰摩耶九龍吐水金盆浴正得丈六
眞金相被波旬來請去

歸依法法華是經中髓更說華嚴寶積經大般若波
羅密金剛座上生彌勒瑜珈孔雀眞秘密龍宮藏內
諸經卷卷是佛思議

歸依僧僧是累劫脩緣至奉勅皇恩身不易掛三事
如來衣向人間應供作福田手持錫杖降龍虎林間
樹下安禪座紅塵事不顧

三歸依了讚祝願當今帝萬歲千秋常如此願福壽
山河齊太子重臣巍巍民安國泰譚歡喜諸邦小國
無爭戰八方盡來朝帝

柳含煙

佛寶嘆無窮功成無量劫中難難丈六紫金容覺道
雪山峰眉際玉毫光燦爛照開六道昏蒙龍華三會
願相逢演說法眞宗

法寶實難量如來金口宣揚龍宮海藏散天香覺者
誦琅琅玉軸霞條金寫字似排秋鴈成行只因三藏
請來唐千古爲敷揚

僧寶不思議身披三事雲衣浮盃振錫剎那時赴感
應隨機堪作人間功德主堅持戒行無違我今稽首

願遙知振錫杖提携

鶴冲天

稽首仁聖巍巍相奇絕十月母腹中安然歇恰值初
夏至朱明節天花烈無憂林樹下聖母攀枝太子降
生時節

悲心弘大虔叩無爲悅三乘秘密言廣宣說龍華三
會指人天路皆滋徹清涼除惱熱如月澄輝丈六金
容皎潔

威嚴不動毫光遍布烈口曜大千界救生滅我今稱
讚禮本師面如滿月牟尼闍洪慈發願歸依望接羣
生超脫讚釋迦

千秋歲

志心信禮釋迦牟尼佛爲三界師四生父玉毫眉際
現金口談妙語潤羣生如朽木沾甘露八十隨形化
三十二相具現慈悲相救諸苦我今稽首禮惟願垂
加護當來世捨閻浮生淨土讚釋迦

志心信禮觀世音菩薩現慈悲相聖皎潔眉灣如翠
柳面圓如滿月隨物現化羣生十方利瞻禮災殃散

聞名罪消滅現香花會如星列法樂連天降絲竹聲
和悅願散誠垂攝受鑒情切讚觀音

志心信禮南岩定光佛現白衣相當金闕仁宗親頂
禮天下災消滅御書降賜紫號經年月盤古碑銘在
波利禪師說自道場與五百劫香花雲鬘鬘檀信修
嚴穴常供養圓應師大菩薩讚定光

志心信禮熾盛光如來自在天中出現大威德神通
變紅蓮臺上紫金容燦燦火輪火焰遊天漢十二宮
中遊行皆遍遊皆偏惡曜妖星漸散爲家國除災難
金木水火土星臨但向金容發願願爲善須知慈悲
救度方便讚熾盛光佛

五福降中天

我等志心歸命禮釋迦牟尼初現化身摩耶感夢殊
異月滿藍園誕實動足蓮隨步移梵釋諸天觀斯祥
瑞嘆希奇

迤邐長成文武備三端六藝向四門遊見生老病死
苦相催傷嗟便回靜居中報知夜半逾城漸登雪
嶺去修持

遣匿回文奏父王不須愁悲他日道成却回朝現皇
帝六載辛勤行滿時受牧女乳糜沐浴泥蓮金剛寶
座證菩提

天魔眷屬妬人師惡心便起號令妖兵鬼將各逞雄
威鎗刀劍戟近世尊紅蓮觀體觀此神通應時回向
却歸依

冤魔退已聚鹿苑三轉四諦自後宣揚妙教廣度羣
迷我今讚祝祚聖君永固帝基願諸有情同登正悟
無生理讀釋迦

臨江仙

三大劫修觀自在時光果證菩提補陀山上座巍巍
手持甘露水身掛六銖衣救度衆生無盡意毫光普
照群迷端嚴由解起慈悲十方常供養四海盡歸依

讀觀音

地藏能仁弘誓廣慈悲不徬隨機手攜金錫振阿鼻
普天皆晃曜遍地盡聲持救度衆生盡盡毫光照燭
幽岐三途八難息昏迷有情超彼岸無處不歸依讀地藏

南聖朝

阿彌陀佛真堪羨相好端嚴輝煥毫光照輝大千中
現聲聞離漢目連舍利皆稱讚有四弘誓願提携含
藏悟無生證菩提果滿

西方淨土凌空現絳綢珠樓玉殿琉璃池內瑠蓮生
引祥雲片片佛慈廣大垂方便誘群情十善蓮臺九
品證真常度衆生無倦

今宵孝士營香饌竭意精嚴蓬館命僧焚誦閱真詮
雪冤雪蠲免三途八難皆消殄悟真如彼岸靈魂憑
此薦修緣超率陀內院讀彌陀

五雷子

南無佛陀耶三界大慈父苦海作舟航飄流六趣千
百億化身救我衆生苦慈悲生接引亡靈往生淨土
南無達磨耶龍宮黃卷軸般若波羅蜜經留四句十
二部真詮言言是佛語五天書接引亡靈往生淨土
南無僧伽耶大通傳今古金錫手中携降龍伏虎身
掛紫檀衣托鉢隨緣去爲化主接引亡靈往生淨土
薦亡讀三寶

巧筆芭

釋迦佛初因地緣起托質摩耶無憂樹枝九龍吐香水金盆浴洗沐浴太子降皇宮父王知已蓮華觀足毫光罩體嬪妃歡喜捧擁太子歸宮內時光速相催在再蹉跎一十九歲因出四門遊略觀浮世西門逢死北門僧托鉢持錫聲教化隨緣布施休痴休痴莫戀奢華并富貴早回頭思惟太子聞言心中歡喜迂時過逾城雪山修持朝餐麻麥日充飢天王獻麋鵲巢灌頂蘆芽穿膝苦持苦持六年證得波羅蜜巍巍相黃金體難比雙林說法龍華會裏多寶寶如來普賢慈氏辟支羅漢總歸依目連舍利我佛說法無涯邊際經義經義法華七卷經中髓梁武懺消災罪人王孔雀上王彌勒持念保安康名求福利國王由尙報天恩請僧回施讚釋迦

又

贊菩薩初因地緣起托質妙莊嚴王國裏天龍生歡喜公主降世皆由願力大慈悲化身親至青蓮瑩目紅桃映體端嚴無比不招駙馬爲佳婿心心願求出

離出離直往香山不戀榮貴端坐自修行皇宮拋棄回光證得波羅蜜注身圓備尋聲救苦以身布施希奇希奇千手千眼神通力阿僧祇會修持修持由昔觀音出現于世此時教我修三摩提地聞思從耳悟眞宗如來受記金剛三昧普度一切弘誓弘誓莊嚴聖相三十二披素服垂珠翠蛛麗補陀山上琉璃苑裡甘露現金瓶灌酒楊枝圓通常序楞嚴會普施無畏得度說法人天歸依滅罪滅罪大悲神呪不思議普門品陀羅尼妙義接引衆生同證菩提隨願盡圓成我今頂禮一心專注告觀音咸增福惠讚觀音

賀聖朝

如來教度衆生苦是四生慈父含靈皆得離群迷現化身千處波旬外道生嗔怒起惡心嫉妬逼令請佛入涅槃向雙林滅度

當時波利登雲路往天宮報母母言纔始夢中驚憂衆生無主爾時摩耶聞斯語淚雙垂如雨領諸從衆駕祥雲至雙林親觀
遶棺三匝悲啼苦言悉達我子汝今捨我入涅槃請

師留四句如來憐內談眞語免憂悲息苦萬般世物
盡無常惟法身永固讀佛涅槃

滿庭芳

稽首歸依補陀山上大聖名号觀音常扶八難惡群
情毫相分輝百億楊枝洒苦海爲霖塵沙界勞生敬
仰一念免漂沈巍巍蓮座上華縵纓珞體瑩如銀頂
佩珠絲網百寶嚴身處處尋聲救苦頭頭露接物垂
形眞慈父爐烟繚繞遙望鑒誠心讀觀音

又

我等虔誠一心歸命禮讚地藏能仁悲心廣大遍乾
坤處處歸投拔苦三途八難望垂恩今宵夜群生瞻
仰渴意甚精勤慈尊弘誓重願放毫光照燭幽冥化
獄主救囚罪苦休停衆生冤愆解脫從茲後不復哀
鳴仗佛力有情含識俱獲盡超昇讀地藏

又

三寶堪依群生歸向道場中布無遮一聲鍾韻遍河
沙供主虔誠拜請排淨供羅列幡花焚香請天曹地
水三界降雲車人間宮廟衆龍神盡降海岸天涯所

如來秘密解脫曼拏普救沈魂滯魄离地獄往仙家
今之夜功園果滿稽首佛陀耶讀三界

水調歌

嘆三界之師釋迦牟尼佛乃喚阿難波利舍利弗迦
葉健連摩駄阿那律彌勒菩薩蔭光童子須菩提
救汝等當知速生毗耶城裏今爲維摩染應爲吾詢
取平安起止還如是爾時諸天菩薩欲去又遲疑
皆稽首含悲白佛言因地今爲維摩居士智惠廣博
無比說法如流水我今此上人者難詣去耐對
佛言知汝意昔日曾遭值乃喚文殊師利集諸天仙
徒衆速往維摩所爾時諸佛菩薩聲聞願參隨
文殊騎師子現全威香風散殊異天花紛紛長空法
雨霏霏直至維摩方丈殷勤稽首瞻禮願承佛慈旨
來問居士染應因緣從何至

居士應身獨倚謝子來申意今爲衆生染應我今慙
諸愚痴以此慈悲故如人家有子應父母亦如是
諸菩薩不思議對答如流水居士重携五偈演說法
苦空門門談不異視身如露如電如影化群迷

四衆等及修羅乾達婆王咸懽喜讚歎能仁方便善
會解我由痴解說眞如理我今稽首瞻禮盡歸依讚
維摩

降魔讚

稽首牟尼大聖下兜率應三千乘龍駕象夢透明天
密園去無憂樹右脇降綵雲連九龍吐溫泉沐浴奇
異新鮮堪羨步步紅蓮觀足奏王知悅龍顏長成因
向四門遊翫親觀見老病死悟浮生不長堅復遇一
福田遂欲出離凡緣朝天父王忽爾聞言更添絲竹
聲喧淨居空裏報語茫然休貪戀五慾境早修行學
安禪夜半跨朱驄踰城雪嶺心堅六年頂巢膝裏蘆
芽合掌不動安然三十二相八十種好金仙化千百
億正菩提演眞詮誓言度一切有情無量無邊
時有魔軍大怒領妖兵戰金仙持鎗振劍燎繞飛烟
狂顛使千斤弩告神將敕親宣號令具鋼鈎劍戟闊
刃駢闐爭先又放風砲亂打喝殺聲振三千吹沙走
石叫喊連天魔軍用千般猛逞威嚇嚇慈顏雷電向
虛空晦暝天地驚然中天慈悲喜捨安然萬德莊嚴

無邊凡舉鎗劍化作紅蓮魔軍見如此神却回心悔
前愆誓願信如來弟子永向祇園佛前一時稽首歸
崇受持戒行精專世間愚痴望結良緣普勸志心歸
依世尊佛眞正證上祝聖明君睿齡億萬斯年

望江南

歸依佛三界最爲尊累劫修行登正覺常與法雨洒
乾坤無處不沾恩千萬歲妙相度人倫惟願慈悲垂
保護民安國泰布堯雲佛日永長存
歸依法王軸慣金文貝葉開時光燦爛琅函諷處起
祥雲釋梵衆龍神金口說卷軸實難量鎮在龍宮爲
世寶福田皆度有緣人長劫化迷津
歸依僧眞相貌稜層身掛紫袍心似鏡隨緣赴感應
群情如月照潭澄常應供苦海救沈淪我等志心投
面禮願逢彌勒下天庭聞法悟無生
香花送諸佛坐寶蓮仙樂空中來接引鐃鈸鐘鼓響
連天隊伍擁金仙菩薩聲聞衆羅漢辟支僧梵語唐
言諸部讚能與世間結良緣佛法永流傳送
道場衆合掌送金仙惟願含靈沾利樂今宵會上結

良緣世上悟真詮道場諸聖衆般若波羅蜜摩訶般若波羅蜜甚深般若波羅蜜福利永無極焉

聲聲慢

通宵法會蒙聖衆下降凡情香花燈塗供養甚有微輕看看更殘月暗漸金烏隱隱東生陳讚禮望我佛慈悲願鑒丹誠三藏加持秘呪奏樂音漸送幽深供主虔誠願望賜福留恩愷那增添福壽願三途永息迷心悟智理龍華三會願觀金身慈佛

高峯龍泉院因師集賢語錄卷之四

高峯龍泉院因師集賢語錄卷之五

陳意伏願門

生日

生居聖世忝處人倫荷星辰臨照之恩謝父母生成之德幸逢是旦適際始生難酬仰答之私用假投誠之志伏願皇穹與善上帝益壽山疊疊以彌高福

海源源而益遠丹臺列聖望書有永之年紫府真仙永注無疆之福

生七

言念知身是幻覺世匪堅倘爲身後以修因何不生前而努力式崇佛果預布津梁伏願炳若功勳且作現前延壽錄大哉輪誥永爲後世護身符觀音菩薩爲作證明地藏能仁不妨印可

受生

種果得果遂成現在之身知恩報恩爰說受生之教向日既云借借今時當爲填還仰祈乃聖乃神俯察真心真意津梁既布業障潛消福海壽山更冀他年之深固春風和氣常如此日之雍容

血盆

母號鞠我既全撫育之恩子之愛親當報劬勞之德爰崇上善仰答生身伏願母親千生福長十惡罪消血盆化作蓮盆業海飄成法海今生今世移災星爲福星他日他時從人道歸佛道地藏能仁祈作證目連教主望垂慈

送星

生居下土命屬上穹恐惡運以加臨慮災星而不正爰殫愚悃仰扣天聰望消無妄之災大賜有餘之慶凶運化為吉運災星轉作福星丹臺書不老之年紫府注添糧之字羅喉月宇永無陵犯之虞驛馬攀鞍常被照臨之德五行輻湊四柱盤安全仗高真大垂密佑

還願

嚮千神造務求覆護之恩今閱歲時果荷携持之力既仰蒙於陰賜寧敢負於初心謹殫此日之誠特賽前時之願六曹案上望消結許之名三界簿中乞注酌還之字大賜始終之福已成圓滿之功

祈男

嵩岳降神遂生賢相厄丘請禱果產聖人天聽雖高人情可格念某蓬蒿賤類草木微生久諧琴瑟之音未兆熊羆之夢爰殫愚悃上瀆聖聰望生智惠之男早遂吉祥之願

謝男

向千聖聽願符墮燕之懷果遂愚衷默契夢熊之兆繩繩宜子衮衮生侯知家道之必興使祖風之不墜實資陰助敢後謝誠

保胎

伏念某氏身懷胎甲德荷乾坤恐當生產之時或有艱難之慮須憑聖力大賜陰功保十月以輕安護一時而無難監生聖母內消分免之憊護產靈重大賜吉祥之福熊羆協夢弧矢張門早生男子之祥行繼祖風之裔

賽謝

富貴自天匪人力之能致福祥有地惟善果之可求頃慈親孕秀之時為幼子懷耽之日無門可仗有佛堪依托聖力以護持荷靈體而保庇子母喜諸於分免妻兒獲遂於安全誕生果慶吉祥抱送實憑釋氏有願須當滿願知恩豈至忘恩

保病

切念某人累歲多迤經時抱疾恐惡星而照運致災厄以纏外無門伸禳度之方有聖作歸投之主伏願

災星退度消除見在之灾福曜來臨大賜當來之福
天醫使者護正氣以長存安樂歲王湯邪風而永息
五神安靜百脉調和身田等松柏之堅壽筭比崗陵
之固

祈安

邇來年庚不正運命多災致疾病以相纏服藥餌而
不遑欲伸禳度須仗慈悲伏願精意調和衆眞孚祐
消釋未萌之咎赦除已往之非吉星照而命運光輝
惡曜消而身宮安泰五行順適無交加衝戰之虞六
脉均調去急齋沈浮之苦龍神擁護天意扶持

禳灾

伏念生逢盛世性本下愚荷乾坤覆載之恩戴日月
照臨之德切慮災生不測人貴預禳共歛家貲虔修
佛事伏願善因禳度灾星化作福星聖力護持妖氣
變爲瑞氣處處總成安樂國家家咸作太平人陰陽
以和風雨以時灾害不生福亂不作四民樂業八口
無飢食稟實而府庫充溢賊衰而獄訟息各符心願
俱沐聖休

禳火

上天雖遠本自心通厚福無疆悉由人致切慮星流
熒惑災及坊民輿情謝過以無門我佛投誠而有禱
仰祈天眷俯念凡情轉禍爲祥變凶災而成吉
星躔順度分野無虞融神歛迹於本鄉火德迴光於
仙闕四民帖靜萬戶安康風雨調和田園豐稔金寶
至德大慰群情

禳水

積雨過常伏陰爲沴失於潤下逮此橫流大田之稼
其空比屋之農膏歎亟憑梵典用殄天灾仰祈護世
之慈俯濟薦瘞之困散白毫於頂上盡逐頑陰吞巨
浸於毛端坐成沃野能仁普鑒大庇云依

保苗

不稂不莠難資地利之宜實方實苞尤賴天時之美
念農務既興於南畝而歲功莫計於西成用瀝丹誠
仰投皇覺伏願金饒協應玉燭均調冬無愆陽夏無
伏陰風不鳴條雨不破塊蝗蟲順息稂莠不生土天
臨覆斗之祥下土感夢魚之兆衆姓喜積倉之慶四

方恣鼓腹之遊全賴聖休默符心願

保蚕

生居女實忝處閨門欲全婦道無虧莫匪蚕桑最急
雖資人力實假佛緣伏願如意輪王能轉無而作有
馬鳴大士爲變少以成多繭若霜明絲如山積茂有
一毫虛耗願令十倍全取

修造

住宅云樂業安居必假經營之力興工動土寧無觸
墳墓云掘地安墳必假經營之力興工動土寧無觸
犯之虞特仗慈悲少伸安慰伏願五龍就位八將還
方四殺退藏藉賢聖斡旋之力百凶永釋資乾坤運
轉之功戶殄千灾門迎百福

解結

夙緣夙業寧無已往之愆冤今世今生必有故爲之
罪垢幸諸佛廣慈悲之路許衆生陳懺悔之心爰憑
解結洪休願滌無邊黑業一結一解十惡五逆悉消
除一贊一揚六趣三塗俱解脫惡果化爲善果罪根
翻作福根用集良因克符善願

祈雨

田苗將秀霖雨不滋倘有失於高天則無望於卒出
仰瞻聖造望鑒愚誠願憑一辨之香早賜連宵之澤
庶少蘇於民望俾均載於天休

謝雨

天晴既久恐稼穡之焦枯聖力可求歲雨霖而滂沱
大地既甦於春作普天仰荷於秋成特展微誠少伸
謝悃更望作成之賜即登稔之年

祈晴

積陰作沴潤茲常雨之愆新穀未登懼失有秋之望
用傾誠悃仰扣聖聰伏願放白毫光如一念頃破頑
陰於四極瑩麗日於九霄永賴庇存益堅回向

謝晴

近以霖潦爲災盛陰積晦涓敷款素詣叩慈仁果膺
六度之禱尋弭三農之患既垂法蔭爰舉梵儀彌慶
歸依庶申謝答

祈雪

佛果如圓法力平等雖無求而不獲須有感而後通
敢竭精衷上千慈照此者冬陰不固時雪既愆幾成

無旱之灾切慮疾疫之變伏願不違本誓力度有情
三百飛天類鵝毛之宛轉六花匝地若鶴影以徘徊
壓萬里之妖氣作三農之瑞慶

謝雪

向者六出不飛一年緊望感陰功之憫物變朔氣以
迎寒四野飛花千山肇絮大地從茲蒙厚澤敷天自
此賀昇平實荷佛慈庸彈謝禮

諸般偈讚門

佛

清和天氣屬朱明正是如來降誕辰萬聖傾心瞻寶
相九龍吐水浴金身王宮不顯瓊花好雪嶺勤修道
果或有願更祈從此願攀迎諸聖賜光臨

藥師

藥師教主願門開濟度群生萬劫灾菡萏馨香熏宇
宙琉璃光裏瀉樓臺一音妙教通三界七級銀缸耀
九垓今夜信心酬願後祥光瑞氣擁門來

彌陀

彌陀教法振西方救度群生妙莫量九品蓮臺垂接

引七重寶樹列芬芳巍巍金相端嚴好皎皎銀毫燦
爛光檀信若能勤讚念願超淨土悟真常

熾盛

娑羅王佛現威通會集諸天十二宮足躡金輪光赫
奕身披寶服瑞玲瓏吉祥成就無窮外灾難消除不
測中欲識金晨蒙福處門庭佳氣藹葱蔥

圓通

圓通聖主大慈尊誓願弘深不可論紅菡萏花開月
面碧琉璃水瀉羅紋霏霏法雨祛邪霧浩浩慈風滅
障雲惟願慈悲增福德吉祥如意壽千春

地藏

幽冥菩薩妙難論應現真容處處分六道三塗聞妙
法四生十類沐慈恩寶珠照徹天堂路金錫敲開地
獄門是夜亡魂蒙接引蓮華臺上禮慈尊

目連

目連尊者運神通擲鉢騰空瞬息中金錫振時開地
獄額珠照處徹虚空欲令慈母生天界屢啓誠心問
佛功崇建蘭盆燃惠炬流傳萬世永無窮

泗洲

泗洲菩薩號僧伽歸命消災長善芽瀟洒祇園興雨
露巍巍寶塔插雲霞教開六度驅瘟疫德濟群生別
正邪願別蓮宮臨法會介茲景福等河沙

定光

定光祖佛駐汀洲果滿真機累劫修杖擊盤山泉湧
注偈投古岸水分流求男求女隨心現祈雨祈晴逐
意酬願別南岩臨法會從今信善沐殊休

六祖

祖師玄妙悟真空智惠通靈般若功明鏡非臺光顯
化菩提無樹果圓容衣傳西國明師旨法闡南宗領
御封萬古曹溪流不盡燈燈續焰永無窮

僧伽

雲州勝境冠群方靈濟僧伽建道場蛇岳威靈常擁
護吼山靈顯越昭彰十方歸命消災障四海欽崇降
吉祥伏冀慈悲臨法會殷勤虔蒸一爐香

伽藍

伽藍本是給孤尊發願修行鎮法門上祐能仁歸正

道下安釋子滅邪根興崇寶刹千年盛擁護精藍萬
古存此夜讚揚資聖力法徒早早沐皇恩

社王

靈壇古跡鎮山河梓里祈求感應多聖德昂藏垂福
祚威風顯跡珍妖魔資陪景貺歸三寶報答恩休仗
六和從此鄉閭常怙泰人人壽岳倬巍巍

預修

雞皮鶴髮不相饒忙把明香對佛燒惠燭煥煌侵夜
月寶幡搖曳逐寒颺福田山下明真路苦海波心架
法橋好是百年歸去日脩脩平步上丹霄

道姑預修

一身孤立歲寒中禮塔持經事莫窮功德林中重進
步菩提路上好取功七層銀燭資陰帝四部琅函答
聖聰要識預修圓滿處一輪明月皎長空

看華嚴

回心向善誦華嚴見性分明自不凡經閱三乘歸寶
藏僧邀八戒向精藍仰瞻佛國三千界數演靈文十
二函要識妙因圓滿處一輪明月映寒潭

鐵血盆

翻思慈母產生年萬種難辛不易言十月懷胎難報
德三年齊素誓酬恩血盆化作紅蓮沼地獄翻成淨
土門富貴榮華從此得良由行孝感乾坤

還燈願

昔年跪許禱金仙今夜酬恩建法筵七級琉璃燃惠
炬一爐香荷曼祥烟銀灯燦處消災障金磬敲時雪
罪慙好是功圓心滿處合家眷屬福綿綿

建燈懺塔

慶門信善竭誠心禮畢浮圖滿願成舍利光中含萬
像真如影裏現千身如來公案崇殊福熾盛星燈建
妙因表懺周圓諸佛護榮花富貴保千春

衆信懺塔

衆心歸向各精虔洒掃街衢集善緣香燄博山楊玉
偈塔瞻阿育禮金仙人人電掃千災滅戶戶雲臻五
福全從此民安并國泰君王聖壽萬斯年

祈雨

傷嗟龜兆折田疇火日燒空水絕流旱魃爲災何大

酷商羊罷舞實堪憂人心懇切難伸訴我佛慈悲應
禱求願需甘霖蘇萬物勃興苗稼富秋收

祈晴

金爐玉穗氣氤氳信士祈晴發意勤佛號吟時千聖
集法音震處九天聞清風吹散千山霧紅日燒開萬
里雲但願聖功垂感應更無淫雨下雰雰

散花

此花元不費栽培多謝佳人巧剪裁錦綉千般呈雅
態綺羅五色絕纖埃發生不假陽和力點綴寧憂風
雨摧捧獻佛前申善願願祈福祿日俱來

解結

梵音清徹海潮音旋遶銀灯午夜深七七願拋功已
滿三三結解罪消沉聲聲同入真如道念念常無退
轉心保佑信人從此去滔滔福海漲千尋

懺殺生

浮生碌碌在樊籠結作冤讎數莫窮祈禱鬼神求福
力邀迎賓客逞家風羽毛剝斫刀砧上鱗介烹炮鼎
鑊中衆信燃灯伸懺悔一時超脫步天宮

起幡

神禧五綵豎長空招信幽明冀感通百尺竿頭騰彩鳳九霄雲裏現飛龍招搖六道歸真際接引三途入正宗戌亥二時伸召請聖賢願降法筵中

放生

羽鱗淨戒已周圓法樂聲中破業昏禽向碧空成鳳去魚遊深澤化龍奔翎毛齊刷歸丹穴頭角輕搖透禹門從此佛功資化育他時福報信人恩

高峰龍泉院因師集賢語錄卷之五

高峰龍泉院因師集賢語錄卷之六

薦亡偈讚門

薦亡通用

人生薤露固難延 去若孤舟逐逝川
百歲光陰今已矣 九泉冥路太茫然
筵堆玉饌天厨供 香爇金爐海岸煙

好聽良因功德力

又

積功累德性溫溫 未滿百年身色夢
燈燃七級資冥福 彈指直趨無垢界

又

青天明月尚虧圓 本謂百年膺五福
滿堂兒女肝腸斷 仰冀尊魂承佛力

婦人

夫人淑德絕纖瑕 列砌芝蘭森後裔
本期壽等龜齡永 拜佛燃灯資托化

老人

康寧富壽獨兼全

遶迢直造率陀天

庭玉森然列子孫 已歸一路涅槃門
經演三題悼去魂 超凡入聖契真源

人世那能有十全 何期一旦返重泉
合族親姻涕淚漣 白毫光裏禮金仙

歸配于門積善家 滿堂金玉足生涯
豈謂魂隨蝶夢賒 從今世世會龍華

堪作人間不老仙

子舍騰芳咸起敬

孫枝競秀總推賢

已看一鶚摩雲表

未覩雙龍化眼前

憑仗佛慈伸薦拔

英魂騰踏率陀天

薦公

與家叛業事堪悲

西沒東升似落暉

逝魄雲程今有路

孝孫雨淚痛沾衣

雖言高壽元無憾

爭奈卑懷遽失依

我佛慈悲求引接

好隨隻履共西歸

薦婆

夫人懿德配于門

勤儉宜家衆所尊

舉目雖云無一子

承顏幸喜有諸孫

本期壽等靈椿固

豈意身隨逝水奔

今夜孝孫崇妙果

願隨我佛步天關

父母

藥師灌頂妙難論

仰仗慈悲薦二魂

法雨洒除冤業障

惠燈照破生死門

當年已荷劬勞德

是夜難酬怙恃恩

伏願双親乘妙善

蓮臺上品禮慈尊

薦父

先君一夢熟黃梁

霧慘雲愁去路茫

對景已枯双淚眼

臨風空結九回腸

文章千古留清世

魂魄今宵返故鄉

陟帖與嗟崇妙果

願隨我佛往西方

又

愁雲黯黯淚盈腮

追憶先君幾七來

陟帖與嗟人不見

蓼義託詠事堪哀

清華堂上知何往

縞素帷中喚不回

唯仗今宵功德力

慈悲接引步蓮臺

薦母

斷機昔日卜芳鄰

一別音容不可尋

忍見稻梁收畎畝

愁聞楓葉落平林

望雲幾度思親面

泣筭無因表孝心

特設伊蒲伸薦果

大千佛國震雷音

又

三年泣血淚霑紅

鞠育還如一夢中

輟社當年懷舊恨

感鄰今日有遺風

本期椿筭綿綿遠

豈謂萱堂寂寂空

願假日連行孝力

慈親從此往天宮

母小祥

積功累行播三從

順色承顏孝道終

萱草一從凋晚景

桃花重見笑春風

白雲望斷關山隔

青鳥歸無信息通

拜佛修因酬罔極

騰身高躡九蓮宮

母大祥

先親一夢返蓬萊

逝魄滔滔去不回

先逐白雲歸洞府

却隨青鳥過瑤臺

一從諼草凋零別

三見梅英漏泄開

哀子崇因伸孝道

早隨彌勒下生來

薦夫

千行血淚欲崩城

不見當年結髮人

座上難聞新笑語

筆端空寫舊精神

鸞飛鏡裏嗟孤影

鳳立釵頭恨隻身

拜佛薰修功莫大

回頭業鏡絕纖塵

又

本期偕老百年中

豈謂夫天遽壽終

昔日齊眉人不在

今朝結髮事成空

欲超苦海深沉趣

須藉慈舟度脫功

望石興悲何以報

惠燈七級燦蓮紅

薦妻

夫妻本望百年双

豈意恩情不久長

綉閣蕭條人不見

粧臺冷落鏡無光

斷絃情慘終難續

結髮恩深寔可傷

好聽良因歸內院

六銖衣帶拂天香

又

雲歸仙島景荒涼

絃斷令人亦斷腸

舊事鼓盆人謾笑

新愁結髮事堪傷

清晨露冷鸞臺鏡

午夜風銷鳳閣香

願借佛乘方便力

扶持懿魄上天堂

妻產死

平生淑德正傳芳

一旦俄聞殯盡堂

花爲果殘真可恨

蚌因珠碎實堪傷

月沉香閣人何在

霧慘冥關路更長

魂魄想歸巫峽去

早回兜率禮醫王

薦兄

連枝同氣荷恩光

一旦俄驚手足傷

原上鵲鴒難濟急

雲間鴻鴈不成行

竹林遊處空愁淚

棠棣陰中欲斷腸

唯願亡兄乘佛力

蓮臺九品往西方

兄新及第死

棘闈高折桂枝芳

黃甲榮登譽遠揚

莅政未嘗三鼎祿

辭親俄返九泉鄉

鵲鴒原上悲無侶

鴻鴈雲中痛斷行

良夜設齋酬厚德

台魂願入普光堂

薦弟

來時拖後去爭先

去與來時反倒顛

鴻鴈失群悲夜月

鵲鴒無伴泣朝煙

欲資逝魄超升去

須仗慈悲秘密宣

好奉彌陀歸極樂

早生上品步紅蓮

弟曾領舉

文場得雋冠羣英

況是才華發妙齡

棠棣本期齊秀華

庭荆誰料半凋零

失羣嘹唳同鴻鴈

分翼飛鳴類鵲鴒

手足舊恩何以報

特崇佛果薦英靈

薦男

尋常咳唾總成珠

秀挺英姿盡不如

白玉樓成催去速

黃梁夢斷頓成虛

双親徒洒盈眸淚

萬卷空留滿按書

便好直歸兜率去

不須回首戀蓬壺

又

鳳雛忽旦返丹青

杳杳雲愁去路遙

堂上明珠知暗失

堦前玉樹覺香銷

箕裘事業誰承續

忠孝門庭景寂寥

好藉現前諸佛果

輪迴三界望高超

薦子琴菴書畫

君家傑出寧馨兒

年少蜚聲四海馳

一局爛柯誰敢敵

千鈞健筆衆咸推

丹青入妙欺摩詰

山水知音遇子期

可惜哲人萎太速

臨風無不淚双垂

子幼亡

妙齡耿耿氣如虹
流水生涯駒過隙
生來既稟香囊戒
若悟法身無罣碍

又

膝前不見寧馨兒
蘭葉辭柯今已矣
深嗟誰續箕裘業
惟仗佛乘資薦力

薦女

芝蘭德行玉精神
機織巧同天上女
鏡臺空鎖秋蟾彩
惆悵花顏留不住

又

芝蘭香殞不成叢
玉女見歸蓬島界

豈謂天年遽爾終
浮雲世事電飛空
死去宜歸寶月宮
好乘雲馭步圓通

頓遣双親雨淚垂
鳳雛離穴復何之
不覺虛增眷屬悲
珠還合浦耀軒墀

窈窕冰姿迥絕倫
剪裁工勝世間人
斗帳閑生野馬塵
願乘佛力悟良因

撫育前恩總一空
月娥今返廣寒宮

眉間柳褪三春綠
佛力指歸何處去

又

双親滿眼淚汪汪
鳳去秦樓添舊恨
已聽香旆歸仙島
但願懿魂乘妙果

又

天然淑質迥殊常
天上鵲橋無復渡
雲迷巫峽歸魂杳
願與觀音爲伴侶

姊妹

同枝天屬幾經時
憶昔萱堂同受教
悲風永日推香閣
先姊懿靈何託化

丈人

臉上蓮凋九夏紅
香雲捧足九霄中

爲失深閨窈窕娘
花殘園苑起新傷
徒想嬌顏返慶堂
參隨佛母證眞常

一旦俄聞殞畫堂
人間花燭未同房
月冷泉關去路茫
補陀山上任翱翔

俄返泉關失所依
豈期鴈序各分飛
淚雨殘宵滴翠幃
月娥仙子引同歸

婦翁一沈夢南槐
轉眼俄驚梁木壞
痛嗟淚雨流無極
半子恩深何以報

又

冰清姿兒儼堪追
方喜東床聊以中
外家遺恨雲埋迹
今夜好乘追薦力

丈母

外姑一日須高堂
無奈真魂歸北府
傷心護有千行淚
更聽三題真般若

又

生來死去本無憑
不謂外親今去世
北堂忍見愁雲黯

對景追思哭更哀
傷心惟嘆泰山頽
悲慘愁眉鎖不開
英魂願得見如來

娥返泉臺不復迴
豈期泰岳遽然摧
半子傷恩淚拂腮
便隨彌勒下生來

霧慘風悲動白楊
空留遺愛在東床
報德須憑一瓣香
好乘妙果往西方

杳隔冥關幾萬程
痛教半子倍傷情
東坦空聞淚雨盈

願假陰功資薦拔
薦女壻

輪迴生死最堪悲
昔日乘龍人不見
不聞半子重來面
菩薩引生兜率界

遷棺

人生有似夢魂中
六片木頭圍繞匝
利名羶鎖從今脫
良夜遶茲伸十念

葬父

汪汪淚眼幾曾乾
數載暫停馴虎舍
佳城葱鬱人皆羨
行看焚黃林闕下

葬母

纔聞唱起挽歌聲

早隨王母上蓬瀛

凶耗纔聞淚染衣
今朝坦腹迹何歸
忍見東床寂掩扉
好瞻金相兒巍巍

四大全拋總是空
三千世界悉包容
罪業樊籠永不逢
頓超有漏步西宮

每恨先君去不還
來朝已返臥龍山
華表巍巍鶴自閑
滿堂孫子列朝班

孝子思親淚雨傾

丹旄翩翩迎素輦
魂離慶館行雲慘
珍重眞靈乘佛果
停喪新葬

死生一別見應難
目斷碧山雲黯黯
靈輜在昔停雖久
更藉佛光垂接引
移葬安墳

昔年卜地得回龍
朝水回環臨曲澗
慶源褒褒傳千代
恭建蓮灯安墓禁
薦朋友新第

精神洒落玉壺冰
豈謂玉樓催作記
藍袍虛拜天恩重
緬想舊遊情契厚

青松鬱鬱鎖佳城
魄往瑤宮伴月明
率陀天上指歸程

追想音容淚不乾
風飄黃葉露漫漫
丹旄於今卜已安
回頭身在紫雲端

今日移來向此中
案山重疊壁寒空
贈語駸駸下九重
子孫享福永無窮

藉藉聲猷藹帝京
頃教金榜謾留名
闌友徒增雨淚傾
特修妙果助雲程

◆遊子驛行

薦官員

府君槩義更雍容
倜儻每存高士節
一朝世數推行盡
惠炬建崇伸薦悼

老人官

春秋八十德彌高
富貴在天非易得
孤男泣血垂珠淚
彈指直歸安養國

武官

榮葉富貴罕如公
坐指干戈寧里閭
本期更享龜齡永
逝魄既歸無垢地

老儒

胸襟富有五車書
至大至剛存氣節

不願當時祿萬鍾
逍遙眞得古人風
滿腹文章總是空
棲身高造九蓮宮

晚歲蒙恩掛綠袍
死生由命固難逃
寡室崇因拜玉毫
不須回首戀仙桃

浩氣飄飄萬丈虹
恩加爵祿壯英雄
豈爲俄隨蝶夢終
聖朝誰爲掃懸成逝

表表雄才一巨儒
有恩有惠及鄉閭

回頭忽作莊周夢
尙望尊魂今就釋

少儒

篤志徒勤董遇餘
心空及第步雲衢

青春飽學衆難儔

一旦功名萬事休

几案書存人不見

眷姻腸斷淚空流

早歸佛國三千界

休戀仙家十二樓

色卽是空空是色

分明大海一浮漚

赴省道亡

玉輓遙指帝京遊

春榜將期占狀頭

那料出門身已化

剛令折桂事還休

江邊不是歸蓬島

天上應須記玉樓

惆悵武陵名館

至今千載爲君流

士人溺死

才華卓犖冠群賢

擬作龍門第一仙

折桂浪隨波底月

乘槎誤泛水中天

還源當造善提岸

極溺須憑般若船

蕩漾香魂何處去

金沙池畔步紅蓮

薦僧

慈悲妙德實彰彰

念佛持經不暫忘

剗地拋離人世界

依前歸去佛家鄉

禪心皎潔明如月

戒行精嚴淨若霜

欲識至真何處去

桂輪空裏露清光

又

涅槃去去萬緣休

高掛中瓶已徹頭

隻履歸時棺護閉

一花謝後景難留

法門梁棟誰能賴

苦海舟航不復遊

三寶位中留不住

前江千古水東流

醫僧

平生恭儉孰能同

百病三衣破又縫

常把靈丹醫衆疾

每將貝葉究眞宗

身形有類千年鶴

節操還同萬丈松

一旦支離圓寂後

空留晨夕坐禪蹤

法眷

拜師學道幸連枝

一旦俄聞隻履歸

法眷堂中空慘切

鴈行雲裏嘆分飛

冀超十地清涼境

頓悟三乘解脫機

回此片緣申報德

更新相會永同衣

修行人

八功德水影涵空

九品蓮開淨土宮

勢至布橋迎佛子

觀音垂手接仙童

雲禽韻韻空三諦

寶樂喧喧贊六通

未審英魂承薦悼

一靈生在那花中

僧薦恩母

登堂不見太夫人

願使千行淚滿襟

來似片雲生晚谷

去同孤月落寒岑

回頭證果三千滿

燃指時當五七臨

釋子蒙恩何以報

燈燃七級表誠心

佃薦恩主

一朝恩主奄然終

感泣傷嗟動我農

納粟不聞新咳唾

省田徒憶舊行蹤

蘭庭有淚悲風冷

蕙帳生塵慘霧濃

久荷耕蠶何以報

願乘佛力步天宮

薦師巫

廬山學法到人間

救度群生不暫閑

巾斗打醮神世界
身藏自謂終難老

靈符鎮斷鬼門關

尸解因何去不還

鳴角一聲天外去

想君依舊到廬山

薦娼妓

年當二八艷陽春

一笑千金價莫論

絃管堂中消白日

綺羅帳裏度黃昏

生前解有千人愛

死後寧無一點恩

惟有多情天上月

清宵長爲照孤墳

娼殺死

如蓮出水正芬芳

一旦嬌姿遽殞亡

身臥黃沙空渺渺

魂隨白刃去茫茫

生前情識双垂淚

熱底親知寸斷腸

五濁漏身乘薦悼

白毫光裏禮醫王

縊死

生平東注太英雄

視死還同一夢中

步步那能踏實地

頭頭直欲撞虛空

化身直入虛無境

撒手還歸快樂宮

惟願佛慈垂接引

綵雲捧足禮金容

焚死

夜深方鎖六窗候

人在莊周夢裏遊

恍惚此身歸大幻

倉皇無計下層樓

風回火轉三更後

煙滅灰飛萬事休

子母不須煩惱恨

火光三昧任遨遊

高峰龍泉院因師集賢語錄卷之六

高峯龍泉院因師集賢語錄卷之七

諸般佛事門

發道文

此係遇入新喪就士人所召引亡魂往生佛地及安慰靈座辭

唱和極樂世界

衆和彌陀佛四觀音菩薩衆和摩訶薩

四聲勢至菩薩

衆和摩訶薩四聲海衆菩薩衆和摩訶薩

切以色身如夢浮世非堅其生也石火電光其死也

波澄水淨于日即有新故某甲世緣已盡命謝還空

猶慮敷排棺槨結束衣冠未蒙清淨有諸穢汚今憑

法水灌洒行裝悉令清淨俱獲嚴潔淨水貪言依

教持誦 彌陀

佛有闍伽水

灌洒諸塵勞

垢穢盡蠲除

悉令俱潔淨

淨水真言曰唵拔折羅舍尾吽吽三遍

恭聞人生有限逐光景以蹉跎世事無根任浮蕪而

迅速假使神丹九轉印綬千鍾縱獨戰獨與至烏江

而自刎任七擒七縱嘆孤境以空存徐寅賦言不死

何叛武帝詩云長生不見誅龍好手斬獸嘯囉不知

一性圓明徒逞六根貪欲功名蓋世無非大夢一場

富貴驚人難免無常二字雷輿電滅月落花殘溪山

磨盡幾英雄風火散時無老少于日即有新故某甲

傾辭人世奄化泉鄉恐在冥途慮生沈滯今爲稱揚

聖號指出迷津韻擊洪鐘振開幽壤仰憑法衆恭阿

彌陀接引新魂超昇樂國於此勸法音讚唱

兩無大

慈大悲


- 一真不昧應念皆通
- 三祇果滿讚莫能窮
- 五根登淨道顯粹容
- 七弘方便普扇慈風
- 九蓮臺畔上品願遙

- 二空已證頓悟真宗
- 四十八願度脫凡籠
- 六通自在真性圓融
- 八功德水蕩滌昏蒙
- 十方接引往來陀宮

西方極樂
世界衆
阿彌陀佛

惟願接引新故某甲泉下去魂上嚴天界

切以運慈佑於苦海莫若大雄秉惠燭於昏衢無非
謂御昔時大鱗雖苦由郗氏聞諸佛供名曩日枯魚
上天因流水稱寶勝名號此七大如來是四生慈父
廣弘誓願救拔死生一稱其名萬罪俱滅有是利益
故乃宣揚伏冀尊靈志心諦听



惟願接引新故某甲泉下去魂上嚴天界

百年光景全在利那四大幻身豈能長久任是堆金
似塔命終而難買長生假饒積玉如山限盡而安能
延壽豈不見南鄰公子綠鬢改而白髮生北里豪家

因師集賢錄卷七

昨日歌而今日哭人命似風前之燭浮生如火裏之

水夫子爲六國之師由歸泉路世尊是三界之主尙
奄双林堪嗟古聖今賢難免出生入死于日即有新
故某甲壽齡大限幻化歸空總幃伸薦拔之誠緇侶
盡虔恭之禱念無生偈擊無常鍾願沐殊勳超昇樂
國

諸行無常 是生滅法 生滅滅已 寂滅爲樂

如來證涅槃 永斷於生死 亡者志心聽

當得無量樂各和三遍

惟願接引新故某甲泉下去魂上嚴生界
於此無鐘再擊

唱云第一鐘聲上通三十三天第二鐘聲下達一
十八地第三鐘聲接引新故某甲上嚴生界吽

亡者已拘棺槨

魂誠歸空作略

聞今法樂鳴鑾

直往西方極樂

彌陀咒亡魂承呪和生天界

開明文

唱一切恭敬信禮和常住三寶任事諸號

紫金殿相白玉舒毫頂旋千螺身分百億謹熱明香
恭伸敬白十方盡虛空界三世過現未來一切無窮
佛寶法寶僧寶萬靈有感天官地官水官四直功曹
三界奏事冥司五道大神追押二魂使者黃衣業道
神君奈何渡江使者家先宗祖住宅神祇惟願降赴
法筵鑒斯丹懇即據大元國某烟某縣鄉居里號住
止陽道孝某甲伏爲亡某甲享年幾歲於今月幾日
傾辭世壽奄化泉鄉命僧於家鳴鐘發道猶慮人物
往來踐踏宅舍擊鼓動鐘諸般哭泣冒犯家神恐生
驚怖今依教典奉法行持摒起一宅神祇四圍禁將
伏請諸神懸空而立喪車過後回鎮方隅秘密妙言
依教持誦 伽陀

佛有阿伽水神識願遙知一滴略纔沾百凶無所

忌

淨水去穢真言曰唵佛吒囉律摩訶鉢囉恨那碍
吻汁吻微咭微摩那栖嗎囉囉律咩咩咩咩咩
娑訶

上來持誦威跡密言阿伽香水摒起住宅家神已竟
輒備銀錢先伸奉上冥司五道大神追押二魂使者
黃衣業道神君奈何渡江使者伏惟歡納然後待吾
鳴鼓之時伏願諸神衆接引新故某人超昇樂園爲
念摩訶般若波羅蜜動鼓至松前畢西方極樂衆和
彌陀佛

咒彌陀淨土呪三遍畢亡魂承呪衆和生天界

切以一眞湛寂本無去以無來萬象浮華是有生而
有滅故我仲尼大聖猶夢奠於兩楹達磨宗師尙飛
歸於隻履凡曰古今之賢聖莫逃生死之輪迴是日
卽有亡某人乍入冥途希聞佛法今爲靈魂稱揚三
寶願衆六塵伏請志心諦聽志心聽受就畢

南無佛陀耶 南無達摩耶 南無僧伽耶
歸依佛無上尊 歸依法離慾尊歸依僧衆中尊

歸依佛竟

歸依法竟

歸依僧竟

各一遍

歸依佛者不墮地獄歸依法者不墮餓鬼歸依僧者不墮畜生從今已往稱佛為師稱法為師稱僧為師更莫歸依邪魔外道惟願三寶慈悲攝受吾今更為持誦七大如來資薦香魂願超淨界伏請亡靈志心諦聽志心聽受於此奉七寶如來名號各和一遍

歸陀

不覺真如性隨緣染汙塵造罪廣無邊志心求懺

悔

真言曰唵三昧耶薩哆吽囉超佛界菩薩衆和摩訶

薩

切聞昔佛住世利樂四十九年教法流通滅度二千萬載不生者西方而無去不滅者東土以無來滅已可聖可凡生而不增不減于日即有亡某人世緣既滿宿果已周娑羅開覺樹之花法樂奏無生之曲莫不孝門東苦眷屬悲傷然諸佛却有微宗使衆生總無失本大衆法若永盡無生思而不足了然常與不滅懼死何歸當念無常聽吾舉偈亡者志心應當諦

聽於此誦涅槃偈

切以西方有佛號曰彌陀樹林水鳥演法音珂喝開耳聞身振娑婆金容蓮掌垂慈悲示度亡靈出愛河現前清衆異口一音同聲讚和十佛名號資助去魂超昇淨界亡者志心應當諦聽於此奉十念彌陀名號

上來稱揚十念功德已竟敬薦亡某人泉下初終冥路去魂願超淨界伏願華臺幡蓋空裏來迎玉盤金幢昇騰接引頂禮奉辭衆和南聖衆

切以冥魂杳杳初無再見之期泉路茫茫寧有重歸之日重念此生之泉別用憑薄奠以哀辭仰冀一靈俯歆三醑伏請孝眷虔誠開壺酌酒舉柳含烟詞

一奠酒初斟哀哉苦痛人心從今一別想難尋不

覺淚流襟

二奠酒加分亡魂執蓋當巡六親眷屬淚紛紛從

此別千春

三奠滿金杯親姻哽咽悲哀憑僧略為薦泉臺願

早往生來

至此動鼓鑼三下隨聲舉唱彌陀聖號終云惟願接引亡靈上嚴生界

未司
發道

祭奠文發端隨意 舉佛

蓋聞大圓遍智速證總持之門唐藏流輝弘敷秘密
之跡實有難思之德能無上道之功德寶印之律儀
叩金仁之剎薦庶憑微妙之力容需欲享之筵恭對
靈幃宣揚聖教伏冀尊魂如在靜听眞言法食飽食
永充飢渴甘露王飾饌施食陀羅尼謹當持誦孝眷
上香設拜

南無薩哩嚩恒多阿譏佐婆嚩枳帝唵麼囉麼囉

三麼囉三麼曳吽三遍

南無蘇魯婆曳怛馱惹哆耶怛枳他唵蘇魯嚩囉

蘇魯嚩囉蘇魯娑婆訶三遍

眞言演處愁雲慘慘於長空聖號宣時憂霧紛紛於
永日斯辰卽有孝眷某伏爲新故某人魂歸岱岳魄
奄泉嶺孝女悲而九族傷嗟孤子哀而六親哽咽是
以特嚴祭奠敬獻靈筵贈別尊魂用資去識孝眷慙
懃跪獻緇徒特爲讚揚 唱大聖甘露王菩薩

南柯一夢不能回

孝眷微誠特寓哀

香蕤沈檀薰寶炷

酒傾醺醺捧金盃

苦聲苦恨哀纏臆

悲憶悲思淚滿顙

惟願英魂垂饗納

特憑妙偈薦泉臺

切以幽明隔遠生死分離生前既屬親姻每勞眷顧
死後若無奠禮難表初終庸竭丹誠輒修素饌一曲
法音陳一奠三乘雅韻薦三魂特酬有德之情用答
無違之義伏願尊靈不昧欲享誠心侍孝停悲虔恭
酌獻 獨練
子調

一奠酒執瓶斟亡魂不昧鑒來欲請起蓋初巡

二奠酒冒馨香靈前祭饌列成行魂識願欲嘗

三奠酒滿十分靈魂不昧鑒如存承此禮慈尊

聊伸三奠 特表一誠 輒有祭文 對靈宣讀

上來祭狀宣揚已竟伏望尊魂欲承享鑒然祈孝眷
某敬詣喪門侍服解夢折災而禍隨時散返迴家舍
卸衣迎祥集福而祿逐日榮眷屬平安門庭光顯仰
祈靈座普賜護持勞鎮孝堂伏惟珍重超佛界菩
薩摩訶薩

讀祭文發端舉誦陀佛

蓋聞如來行化毫光遍布於乾坤菩薩修因弘誓普周於沙界既有昇騰威德寧無超度幽魂冥途杳杳以難資泉路茫茫而何託死門深切無祭何以送其終親眷至情非奠何以表其禮管辨六和銷鑊精修三德盤筵惟憑梵唄是假密言變常食爲玉饌珍饈化冥財作銀銖金銚祭尊靈獲飽充之樂潤幽魂足豐富之榮誦甘露王施食陀羅尼灑闍伽乳灌炷飽飽味能令魂識飲冷皆成甘露致使幽徒沾享盡是醍醐宣揚眞呪敷遍盤筵亡者志心應當諦听 諷

真言同前

祭奠文

功以金言宣演詠祭饌以豐濃寶錢喧轟助靈魂而歆享既獲飽充之德未聞超度之功慮性天而黯淡恐心地以昏矇無憑指引難假精通幸諸佛有慈悲之路許群情來雪釋之功集七六如來是四生慈父一稱其名萬劫離苦昔日流水長者謂十千遊魚宣持聖號是時後歸命終爲十千天子獲壽無疆故知利益乃可稱揚亡者志心應當諦听 舉七寶如來

聖號

立質居塵地 冤誓值梵天 潔意盡披宣

志心求懺悔

下手手庵三牟尼野婆訶三遍

願滅冤懺諸業障 願生精進悟覺場

願圓種智妙難量 願獲如如證眞常

下手手庵三牟尼野婆訶三遍

眞詮典聞誦而福長災消秘密妙言聽演而冤超罪滅伏願靈魂承茲祭奠常生飽滿之情永絕飢虛之相迢迢自在越三天歷歷逍遙超十地三魂不昧七魄儼然勞駕雲程伏惟珍重舉生天界菩薩和摩訶薩

召亡文 附設俗儀

切以冥途杳杳泉路茫茫悲風動處冷颼颼陰氣逼人寒凜凜自從亡魂拋棄宛若夢中生前萬種營謀死後一無隨侍七魄不知何往三魂未卜生方不憑我佛慈悲難使靈魂度脫今則尤慮幽魂沉滯未獲降臨惟仗金鈴振開幽壤今準教文有破地獄眞言

卽當持誦

唵佉囉佉囉帝野娑婆訶

上來持誦開地獄眞言已竟惟願呪力促起行程望冥官而略展慈悲仗使者以曲垂方便受今虔請接引亡魂來降道場願霑功德

言三遍

以此振鈴申召請

亡魂不昧悉遙聞

願承三寶力加持

是夜今時來降赴

念善召
請眞言

是夜銀河浪徹王漏聲催空中之星斗交輝門外之輪蹄暫息適陰界往來之際乃人聞薦悼之時爐煙焚慘淡之香梵語舉慈悲之韵欲召一靈降赴須憑三請懇懃伏冀衆慈齊聲攀請

一心奉請冥司引魂使者當界土地正神惟願軼勞神衆憐愍凡情引請亡某人香魂伏願靈魂不昧淨魄如存承佛力以來臨假神旛而引至一眞筌淨五福澄清來降道場和受茲薦悼

一心再請引魂使者土地正神惟願神功有感聖德

無遣引請亡某人尊魂伏願魂如在日魄似生時憑法力之弘深仗佛慈而接引三途永息六趣齊超來降道場和受茲薦悼

一心三請冥司引魂使者當界土地正神惟願神光叶讚聖跡通靈引請亡某人親魂伏願憑茲法水洗滌身心緣萬慮以俄空使一塵而不染三魂自在七魄如生來降道場和受茲薦悼香花請香花請

上來仰感神威不違啓請引領亡某人英魂不昧已獲降臨伏請嚴整容儀趨赴筵中參禮三寶瞻仰萬靈然後就座安然歆誠薦悼運動鈸音眞言前引如

亡俗則去此一畏如不置
亡俗只就此引進參佛

上來憑諸佛力攝召亡魂既荷降臨請入香浴某浴也惠香熏就性火烹來浸淫於七寶瑤池成就以入功德水蕩去千生垢穢除萬劫昏蒙不隨六道輪迴獨露一眞清淨雖法牀本來無垢然聖人猶且洗心昔因淨梵國王曾浴釋迦太子若有一塵不淨難親三寶慈尊惟憑呪力加持令汝身心俱潔我佛教

中有沐浴真言謹當持誦

南無三滿哆沒駄喃嚩鉢鉢哩薩訶三遍

到波羅岸必假慈舟出生死河須憑慧力由慮亡魂
久拋人世長處幽途忙忙北對王庭汨汨滯拘陰府
是致衣衫縵縵儀禮乖疎裸露身形腥膻臭穢今宵
追崇功德誠心倘不精嚴迺命合會聖賢慮恐穢身
觸犯特備冥衣一統財帛等物恭就此間焚化獻上
尊魂伏惟領納輕輕梳掠欸欸裝嚴整頓衣裳結束
冠帶然後親近佛法領受良因我佛教中有化衣帛
真言謹當持誦

南無三滿哆沒駄喃嚩鉢鉢哩薩訶三遍

沐浴既畢裝束云周靈魂當倚神旛侍孝虔恭跪拜
大眾誠心而前引導魂竭意而後隨歸赴道場親承
薦拔高揚法樂運動潮音恭謹一心歸依三寶
適來憑諸佛力仗秘密言於門首攝召亡某人真魂
正魄親降來臨常聞三寶諸佛洪名聖號即是一切
衆生良友福田若能歸向者即滅無量罪又長無量
福然雖如是瞻仰慈尊放下塵勞聽吾誦誦亡者志

心諦聽志心聽受支聲念至參
佛具言上

一禮一拜無量佛從佛禮處禮真如普禮真如遍法

界衆和河沙罪障悉消除世世常行菩薩道

二禮二拜微妙法從法禮處禮琅函普禮琅函遍法

界衆和河沙罪障悉消除世世常行菩薩道

三禮三拜羅漢僧從僧禮處禮聲聞普禮聲聞遍法

界衆和河沙罪障悉消除世世常行菩薩道

今之夜亡過某人參禮三寶已竟伏請隨吾揖讓遶旋

此身心利有情求解脫和南無佛陀達摩妙僧伽曩

謨率駄帝

敬白亡過某人參禮三寶已竟伏請隨吾揖讓遶旋

一匝瞻禮萬靈然後歸靈就座聽法聞經從茲改往

修來更勿迷頭認影堅持戒定慧斷息貪嗔癡捨凡

身而證法身起人道而歸佛道侍孝愍愍隨吾引進

揖亡從右進參左聖復從
左進參右聖然後歸靈所

尊魂既降淨魄歸靈教有真言用伸安慰

念安慰真
言三遍

安然定坐領受薦修聽佛梵音願超淨界

高峰龍泉院因師集賢語錄卷之八

諸般佛事門

設斛文

竊聞圓蓋纔成便分萬象萬興始立乃育群生未離三界之中必在六塵之表擾擾似鑽石火壯壯如汲井輪捨本逐末而煩惱影隨背覺合塵而菩提路隔貪名貪利如逐兔者不見太山爲是爲非似捕蟬者豈知黃雀正因既喪邪法遂生三毒杳不能除六識由是而亂沉淪苦海汨沒愛河忙忙業性而靡所不爲衰喪塵勞而何由擺脫是故我佛爲世尊師設頓漸之二權救沉迷之七趣化四生而爲道道顯名彰統三界以爲心心空境滅大張法網開有爲福慧之門直相圓常入無相涅槃之域演二諦三乘之法濟度群生開八百四千之門特携品彙況乃浮生碌碌陰界茫茫孤魂滯魄而絕祀頽多依草附木而傷亡不少在世上不修善果處生前惟造惡因致使沉淪無由解脫是夜入意陳詞發慈悲想生憐憫心特營

孤管作孤下同

法寶

香積之羞嚴潔道場之地濟給孤羸之古少資適化之方豈不周知實緣多幸今則法音大震梵唄高揚請召孤魂俯臨法會入酒淨普變蓋聞地中有獄名爲地獄地獄不同有其多種八寒八熱一十八重萬死萬生三十六所無非飢吞熱鐵渴飲鎔銅受苦無時罪終長劫且如一十八獄主都緣一念差舛長年只聞苦辛永劫不逢快樂獄具千般俱有善言一句全無劒樹而夾道森森火城而四圍烈烈苦苦莫說事事休聞未論爐炭難堪且是劫數長遠烏門難關幽路不通若非我佛眞言曷得獄門摧折今請三藏振動金鈴爲汝加持破地獄陀羅尼曰 伽陀

諸佛垂慈降甘露 威神速疾妙眞言
能令無間奈落仰 破壞如塵悉空隙

南無阿瑟吒扇啼喃三藐三殑陀俱胝恒姪訖
唵枳囊枳囊嚩婆細地唎地唎吽吽

上來加持破地法陀羅尼已竟諒冀獄門開鎖而摧折鑊湯爐炭以消停獄卒垂慈王官放赦向下輒憑大衆同運潮音舉揚聖號 唱大聖引魂地藏菩薩

唱修齋齋主合道場人稽首和南一心奉請盡虛
空境遍法界中三千大千無邊億界鬼神等衆訶
利帝母焦面鬼王婆羅門仙河沙餓鬼三途八難
受苦衆生水府山林人間陰界非命惡死無主孤
魂願乘佛力同降道場是夜今時領沾供養

竊聞混沌初分之後陰陽首闢以來有君有臣有父
有子偃武修文之士灯憲失意以何爲安邦定國之
人身死王事而何忍或在九流之數或居三教之門
道有窮通性分愚智爲商爲賈執農執工團基博弈
之徒妓樂戲場之黨歌喉宛轉舞袖翩翻粧翠眉紅
臉之容臥綠野黃沙之地或貨君平之術或垂呂望
之鈎爐下生涯巫師套數或學診醫而不顯閑消日
月以亡身或傳伎術以未精枉涉川途而捨識或作
梁上君子習爲道畔奸兇奪他財貨以招殃冒觸玉
條而誅命自刑自縊投火投崖因產難以傾殞歷顛
危而墮落蠱毒虫蛇之害冤憎呪咀之牽貧病亡軀
飢荒致死或在船車不濟或因橋道崩摧父娘財本
而違弃成閑妻子親朋而拋離暗苦尺牘難書於顯

源當作原

尾寸懷誰達於鴻毛霧露鎖千山煙雲籠萬水或向
亂時征戰無辜遇害以傷形或遭洪水漂流不覺淵
波而殞命亡失忠勤之節卽成阿黨之徒遊手于他
罕遇知音之者離家蕩業少逢背顧之人深村爨熟
雖香希聞嗜味大地笙歌宴罷莫獲沾濡蕭然大限
到來寂爾長泉遽往紅蓼叢間鷗鳥宿未稱鄰居綠
楊樹下露珠懸空增淚滴雨夜人聞號哭晴誰識
蹤由存生謾有於交朋歿世渾無於故舊屍橫源野
骨葬蓬蒿生前但逐於歡情歿後竟招於苦惱他鄉
異土水遠山遙名姓尙乃不知節朔豈蒙祭祀千古
山頭明月徒掩映於孤魂四時木上清風但激揚於
怨氣是夜暫離冥寞來赴壇場受諸佛之教言饗壇
心之供饌脫離邪徑超化淨方人天境上得以優游
般若門中好生究竟復有一切地獄道衆曩因造罪
業力所牽入彼鐵城抱乎銅柱灰河慘淡冰壑嚴凝
閻王縱不偏頗獄卒寧無糙暴驅登劍樹抱向火坑
力困炎爐魂消沸鼎曩因自造今罹誰當到來千群
萬群出去大劫小劫被遭塗炭受盡艱辛生平既有

親知死後杳無音耗泉路空增悵望人間永絕追思
是夜托佛慈光走臨法會復有一切餓鬼道衆此等
受報更可傷嗟面骨槎牙筋骸斷續遇水則心中火
起逢餐則舌上煙生長居穢汚之間永在幽冥之下
此之鬼趣此最卑微只因迷昧一心所以業通三世
上中下之九品各以不同業輕重之兩途報之不一
伏願暫離恒河之界走臨蘊藻之筵疲羸沐香水之
中姿容陡變法食享珍羞之味飢渴永拋是夜托佛
威光走臨法會復有一切畜生道衆傍生異類殃債
所招蹄穿尙遺耕雲膏爛猶驅負重蟲生鱗甲火熨
瘡瘻常宰戮而頭角分張被剝滅而羽毛零落諒以
多生累劫故作悞爲口不戢於凶慈意每合於三毒
墮茲業網爲彼畜生上及飛禽下兼走獸天際翻翻
萬種雲中碌碌千群遊淵潭尙畏網羅在山林却憂
彈射寧論巨質不揀微形願登無礙之門回光返照
走赴今宵之會返本還源但係三途六道五姓孤魂
不昧真心咸臨法會上來唐言讚請次當密語加持
今請三藏振動金鈴加持普召集有陀羅尼曰

薛荔五姓孤魂衆 長居冥道受飢羸
遭承佛勅賜齋饌 暫出苦輪生歡喜
南無唵囉哩迦哆哩恒哆摩哆耶

唵薩囉婆薛荔哆囉舍耶薩婆訶

上來振動金鈴呼召汝等鬼衆然且汝等從地獄中
出業道中來乍聞鏗鏘之聲必起驚惶之念今請三
藏振動金鈴爲汝加持離怖畏有陀羅尼曰 伽陀

久處泥犁多苦趣 乍聞法樂恐驚惶

瑜珈秘密力難思 便獲安寧臨法會

唵卓計吒吒囉卓計增賀隸嚩訶增賀隸阿囉迦

耶多囉薩婆訶

佛念衆生猶若赤子既蘊慈悲之念寧無覆護之心
今請三藏振動金鈴爲汝加持諸佛慈護陀羅尼曰

伽陀

塵刹如來悲大願 長垂方便護衆生

宣談秘密妙眞言 能使聞者沾利樂

唵沒哆沒地哩嚩囉洛叉矜

法報依止名曰淨邦人天所登號寶樓閣彩幡搖曳

檀屑氤氳欲登寶閣樓須仗毗盧妙旨今請三藏
振動金鈴爲汝加持神幡引路陀羅尼曰 伽陀

寶樓聖閣甚高廣 幡彩輕搖燈燭光

毗盧纔演衆聖聞 上方行路所依止

唵呬呢嚩哩母曩曳恒哆摩哆耶阿囉曷帝三藐
三沒駄俱胝喃恒姪他唵劔銘劔銘薩嚩婆嚩鉢
囉劔銘寧薩婆訶

上來數本眞言一一加持已竟呼召汝等鬼衆且夫
汝等長居鬼趣各有業報是夜今時承佛毫光降臨
道場受沾供養由慮汝等久繫三途身田不淨今宵
已置香湯沐浴令汝清淨身田今欲迎於汝等入于
香浴衆等虔誠香花奉請 眞化衣眞言

南無佛陀耶 南無達磨耶 南無僧伽耶 三遍

南無佛陀耶願汝等始從今夜乃至無上菩提誓願
將此身心與佛常爲弟子願不墮地獄道

地獄道中君不見見了還須起憫傷牛頭法卒守
形骸執戟持叉常忿怒馳向刀山攀劔樹一日千
回萬死生如斯苦苦百千般惟有佛陀耶能救度

南無達磨耶願汝等始從今夜乃至無上菩提誓願
將此身心與法常爲弟子願不墮餓鬼道

餓鬼道中君不見見了還須起憫傷頭如華岳腹
如山頸細如針不容水業風吹向河邊立欲飲之
時化作膿如斯苦苦百千般惟有達磨耶能救度
南無僧伽耶願汝等始從今夜乃至無上菩提誓願
將此身心與僧常爲弟子願不墮畜生道

畜生道中君已見見了還須起憫傷負鞍含鐵被
人騎戴角披毛償宿債蹄穿額破登長路有口何
曾解語言如斯苦苦百千般惟有僧伽耶能救度
唱 歸依佛法僧三寶

切以三界升沉四生流混或處酸摩羅界或居捺落
伽中承受波吒長縈苦楚甘漿不覩異服寧逢蓋緣
不善之因遂招十惡之報今欲迎於汝等入於道場
受沾供養然且汝等乍離地獄遍體腥臊女則少衣
少裳男則無冠無帶既乖莊束難近聖賢不可將捺
落伽之穢身便徑入曼拏羅之淨會今夜齋主發廣
大心就此處置男女浴室兩所香湯兩盆於都供內

抽出界女衣裳各一統先向浴室前燒化訖使陀羅
尼力變少成多想此水爲歡喜之池池中有五万教
主在空中放大光明灌注汝等身不淨者沐此香湯
形裸露者著以妙服然後裝束齊整隨從我等入於
道場受沾供養今請三藏爲汝加持法澡浴室陀羅
尼曰 伽陀

孤魂鬼類薛荔衆

盖由多劫恣愚迷

因成垢染在身田

穢汚形驅須懺洗

今來既奉如來勅

爲汝加持令滌除

速成法水灌身田

便赴人天平等會

唵佐哩嚩佐伊薩婆訶

上來爲汝等加持法澡浴室眞言已竟今當爲汝加持

淨身有陀羅尼曰 伽陀

曠劫無明相惹絆

阿鼻無間久經過

致令身業未清涼

仗此眞言皆蕩滌

唵鉢殿都鉢馱那耶薩婆訶

上來爲汝加持淨身眞言已竟今當爲汝加持淨三

業有陀羅尼曰 伽陀

汝等自從無量劫 常持三業不善心

喻伽秘密妙眞言 身口意業悉清淨

唵薩嚩婆嚩鉢都鉢都薩嚩達磨薩嚩婆嚩鉢都
捨

上來爲汝加持法澡浴室淨身淨三業陀羅尼已竟且

夫汝等從無始曠大劫來或有冤家債主未曾解捨

今時偶相逢遇便生嗔恨之心今請三藏振動金鈴

爲汝加持解百生冤結有陀羅尼曰 伽陀

身三口四相連結 積成債主與冤家

恐於法會偶相逢 怨氣如山嗔似海

我佛曾演微妙法 能解冤結與仇讎

喻伽秘密力難思 願捨仇讎生歡喜

唵訶賀訶賀薩婆訶瑟吒鉢囉訶瑟吒嚩薩婆訶

上來爲汝等加持法澡浴室淨身淨三業解百生冤結

陀羅尼已竟且夫汝等擺塵勞於澡浴室中獲解脫

於人天會上然後三業清淨六根淳和入于道場受

沾供養齋主設拜攀迎大衆香花奉請和香花請迎

入斛食所

共

今則諸神受食雖濟飢腸識性沉迷罪業牢固我佛
教中有消罪障真言謹為誦持神當諦聽即說真言
曰 伽陀

汝等自從無量劫

造諸罪業積如山

願乘我佛妙真言

一切罪根咸蕩滌

南無三滿陀沒陀喃唵鉢囉摩訶嚩婆訶

上來誦誦總持句願諸罪障若水消正念現前真心
豁達向下恭為諸神稱揚三寶名號不可思議一歷
耳根河沙罪滅伏乞諸神志心諦聽志心聽受

南無佛陀耶 南無達摩耶 南無僧伽耶

上來稱揚三寶名號已竟所謂梵語佛陀耶者是其
佛達摩耶者是其法僧伽耶者是其僧一切神道舉
皆得聞向下欲為諸神傳授三歸依五戒令證真如
今且為懺悔身三口四然後則為受戒今且依我口
念起三遍聞道弟子某甲等合道場人各各我等自
從無始以來至於今生今世以來至於今日未識佛
時未識法時未識僧時或有身二口四妄言綺語兩

舌惡言破齋犯戒毀罵尊卑不敬三寶起貪瞋疑如
是十惡五逆一切罪障不可數知今夜今時幸對清
淨道場志心懺悔所有煩惱所有報障皆悉消滅得
離三途苦趣生人天中受諸快樂先得道者誓相度
脫願諸佛子無退轉心三遍

上來是第一遍懺悔更有第二第三遍伏請諸神衆
等衆各各合掌志心諦聽志心聽受

上來是第二遍更有第三遍伏請諸神亦當聽受
今則三遍為諸神等懺悔身心各得清淨向下恭為
諸佛傳授三歸依戒但隨沙門某口疊起三遍聞道
弟子某甲等合道場人各各弟子某甲等合道場人

歸依佛 歸依法 歸依僧

歸依佛無上尊歸依法離欲尊歸依僧衆中尊

歸依佛竟 歸依法竟 歸依僧竟

如來至真等正覺是我導師從今已往禮佛法僧為
師更不歸依邪魔外道唯願如來護念攝受慈愍故
三寶各

唱歸依佛法僧三寶

上來三歸依戒已爲稱揚是爲諸神翻邪網歸正眞
冀果證三祇願位登十地向下更有東方滿月世界
行十二上願藥師琉璃光佛因地之時發宏誓願若
有一切衆生於未來世得聞吾之名號得聞吾之宏
願能令彼等衆生出煩惱海到菩提岸三十二相八
十種好如我無異今夜諸神既至道場同僧衆隨願
宣揚伏請在會諸神各各合掌志心諦聽志心聽受
請僧衆拋願至十二願止

上來已爲一切諸神稱揚十二上願已竟伏願沾斯
勝善納此殊勛超生於滿月國中成佛於琉璃會內
更有七寶如來名號不可思議難可得聞此七寶如
來因地之時各發宏願且如寶勝如來發宏願道若
有衆生臨命終時得聞我名皆生天上是故流水長
者稱念十千枯魚超騰切利爲十千天子乃至蒙佛
受記各證菩提何況我今爲汝衆流說七寶聖號所
獲功德無量無邊今當向下恭爲稱揚汝等宜須志
心聽受

南無多寶如來 南無寶勝如來 妙色身如來

廣博身如來 離怖畏如來 甘露王如來

阿彌陀如來

此是七寶如來聖號稱揚已竟向下更有十二因緣
法亦爲宣說汝當諦聽十二因緣法者所謂無明緣
行行緣識識緣名色名色緣六入六入緣觸觸緣受
受緣愛愛緣取取緣有有緣生生緣老死憂悲苦惱
無明滅則行滅行滅則識滅識滅則名色滅名色滅
則六入滅六入滅則觸滅觸滅則受滅受滅則愛滅
愛滅則取滅取滅則有滅有滅則生滅生滅則老死
憂悲苦惱滅此是十二因緣法也汝既得聞宜須究
竟
夫食以資身法食養神今則饌列馨香位分高下況
以加持之力變少成多爲無礙法食恣意飽滿生權
喜心善根和同莫相紛撓悉願慈悲普沾供養然後
各各發菩提心雖諸苦趣至成佛果永不退轉先得
道者誓相度脫原夫福有優劣位有高低爲力不同
得名各異並願承詣法食宜潤身田發歡喜心獲飽
滿相莫相欺誑莫相嫉惱聞法忻娛得食安泰處平

等行發菩提心。生祝受之情。獲佛僧之利。適相敬仰。各遂情緣。普願隨己。威德普遍。福生危者。與安病者。與瘳無救。護者令作救護。無歸依者。與作歸依。努力精修。早還出離。次白燒錢。

夫聚散非常。往來無定。緣成卽會。事畢則離。飄風無竟日之期。驟雨勿終朝之降。今之夜攀迎神道。來赴法筵。受檀信之香。饒聽如來之密語。所冀諸神等心。生精進意。絕狐疑出煩惱之愛。河到菩提之彼岸。願明員諦了悟上乘。返度含生。齊歸覺道。今則留連時久。淹滯竟多。請遊正塗。各還所止。拜跪諸神。伏惟珍重。卽觀攀送陀羅尼曰。一唵。嚩惹囉。穆羯言。又穆嚩。香花送。

高峯龍泉院因師集賢語錄卷之八

高峯龍泉院因師集賢語錄卷之九

諸般佛事門

散花文

切以風恬簾悄。斗轉星移。乃聖賢降鑒之時。正凡庶投誠之際。道場冰潔。法侶雲臻。宜散天花。恭陳佛寶。是花也。善根種植。心地栽培。發生不假。於陽春開謝。無關於造化。擷群芳於金盤之內。冷艷無塵。剪輕綃於玉指之端。清香遍界。巧踰地產。妙奪天工。帝釋散處。而葉葉圓如。達磨傳來。而枝枝般若。詩客巧思。吟不就。畫工移筆。寫難成。只今信手拈來。便好當場散獻。供養佛法僧三寶。普資天地水萬靈。我等虔誠傳花說偈。偈曰。

春來百卉號爲王

雨後東籬分外香

冷淡水邊藏臘色

娑婆月裏占秋光

武陵曾發千株艷

太華今開十丈芳

一種靈苗非北苑

都來此地助敷揚

保安

佳人機巧奪天機
今對聖前勤捧獻

剪出奇花有異同
更祈福壽永無窮

祈嗣

佳人妙手奪天機
捧向佛前陳至懇

裁剪芳英分外奇
願求吉夢應熊羆

還願

還思恩滿願心圓
惟願慈悲垂攝受

剪絲裁紅獻法筵
從今福慶永綿綿

保胎

此花渾不假栽培
捧獻金仙求福利

無雨無風自在開
願祈胎甲永無災

乞巧

是花非假亦非真
奉獻法王何所願

掌上擎來別是春
心工妙巧付富人

懺髮

年來絲髮未如心
細剪奇花求懺雪

切慮生前值業因
雲鬢鬚鬚鎖長春

祈壽

農桑天下最爲先
須仗獻花諸佛力

蠶養將祈十倍全
吉祥如意是絲綿

薦亡

非桃非李自然鮮
此夜此時親獻佛

清淨還同火裏蓮
願祈滯魂早生天

薦亡

此花不與衆花同
散向人天資逝魄

心地栽培造化工
早生九品紫蓮中

奉道

持花昔日獻燃燈
是夜筵前親獻佛

無上菩提果自圓
願求早悟性中天

放生文

一大因緣切忌無風起浪三乘教法何妨接物利生
開諸佛方便之門廣三界慈悲之路或現心燈開暗
昧或垂法雨潤焦枯能令大地變黃金解使衆生成
正覺切念黑蜨蚯蚓頂佩圓光蟻子蚊蟲胸題卐字
鳥雀鳩鵲不斷七號之名龜鱉蛇蜻盡有六通之分
十千天子本是魚身五千聖僧曾爲鹿衆蜂蟻有君

臣之義虎豹共父子之仁螺螄猶解護經鵲尚知念佛所以經云一切衆生皆有佛性且說畜生在世皆曾曩劫爲人心地昏蒙意根愚魯不信戒定慧常輕佛法僧沉埋四大六根造作十惡五逆恃富貴則輕欺良善逞豪強則壓伏卑微貪花則謾逞風流嗜酒則恣行侮慢見物爭爲自物殺生願祝長生或負命欠財或妄言綺語出罵詈則毒如刀劍行嫉妬則害似豺狼罔聖欺賢附上剝下只見眼前快活爭知身後沉淪一朝頭福俄終前日業緣隨至長劫纏離地獄這回失却人身或被羽毛或披鱗甲或化生於月林輝隴或管攝於水府龍庭以肉供人用命還債活遭剗斬生上刀砧受此災厄深可憐愍是日即有某人伏爲某事念汝物類將詣死場不惜家財爲贖汝命放令歸去便好改往修來仍爲贊揚一任超生脫死化湯火作清涼之境移烹炮爲安樂之邦捨四生以悟無生離六道以歸大道又慮汝等人身既失性地難明乍聞三寶洪名恐致一心驚怖我佛如來有離怖畏陀羅尼爲汝稱誦汝等靈類志心諦聽志

心聽受

南無唵計吒 吒囉唵計盧 訶哩摩訶盧

訶哩阿囉多 囉遮囉娑訶三遍

上來離怖畏眞言稱說已竟想汝離諸怖畏得正定

心今爲請佛作大證明汝等志心同生歸向

唱弟子某甲等合道場人稽首和南

一心奉請。

。本師釋迦牟尼佛爲汝作壇中和尙

。龍種上尊王佛爲汝作羯磨阿闍梨

。藥師琉璃光佛爲汝作證戒阿闍梨

。文殊師利菩薩爲汝作教受阿闍梨

。大行普賢菩薩爲汝作懺悔阿闍梨

。觀音菩薩爲汝作三歸依戒阿闍梨

。華嚴海會諸菩薩爲汝作眞大乘戒

一心奉請。

上來爲汝等恭請諸佛菩薩作大證明已竟更爲汝

諸靈類等懺悔多生罪垢累劫冤愆夫懺悔者爲人

父母爲人眼目爲人導師已作罪業不敢覆藏未作

罪業悔不復作諸靈類等六道門深三塗路遠幸逢

聖會喜遇善緣纔聞對佛宣揚便好傾心聽受絕諸

戲論斷汝邪思各願歸依早求出離此宵蹉過後日

難逢可以歸命投誠志心聽受

唱諸靈類等合道場人自從無始已來至于今生
今生已來至于今夜身業不善行殺盜淫口業不
善兩舌妄言意業不善貪嗔邪見飲酒食肉惱亂
衆生不信佛經不孝父母不發慈悲不行方便自
作教他見聞隨喜如是等罪無量無邊今夜今時
對佛法僧前發露懺悔願罪消滅三遍

上來爲汝等懺悔已竟更爲汝等稱說決定破惡業
陀羅尼可以志心諦聽志心聽受

唵 嚩日囉 羯麼 尾成歌野 薩囉嚩 拏
賴沒歌 薩底曳曩 三麼曳 吽三遍

上來爲諸靈類等稱說決定破惡業陀羅尼已竟切
慮汝等尚有冤家結業牢固未得解脫致招此報准
我佛如來有解冤結陀羅尼今爲汝稱說汝等志心
諦聽志心聽受

唵 三多囉 佉多囉 娑婆訶

上來爲汝諸靈類等稱說解冤結陀羅尼已竟更有
淨三業陀羅尼今爲汝等稱說可以合掌志心諦聽

志心聽受

薩囉嚩 娑囉唎觀 薩囉嚩 達摩 薩囉嚩
娑囉唎觀 唵

此是第一遍稱說更有第二遍可以合掌志心諦聽
志心聽受其言同前

此是第二遍稱說若到第三遍聲絕之時正是汝等
背覺合塵可以志心諦聽志心聽受其言同前

此是第三遍稱說汝等聞此呪聲便覺業除心淨見
本來之面目悟向上之宗乘今更爲汝等發四弘誓
願一切菩薩因此明心十方如來因此成佛可以志
心諦聽志心聽受

唱煩惱無邊誓願斷 衆生無邊誓願度
法門無邊誓願學 佛道無邊誓願成

上來爲汝諸靈類等發四弘誓願已竟准金光明經
中云流水長者子爲十千魚說十二因緣法然後稱
寶勝如來名號其十千魚同日命終生于天宮爲十
千天子其利不少今亦爲汝稱說可以志心諦聽志
心聽受

無明緣行行緣識識緣名色色緣六入六入緣觸觸緣受受緣愛愛緣取取緣有有緣生緣老死憂悲苦惱無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱滅

此是十二因緣法今更為汝稱說七寶如來名號可以志心諦聽志心聽受

唱南無多寶如來

南無寶勝如來

南無妙色身如來

南無廣博身如來

南無離怖畏如來

南無甘露王如來

南無阿彌陀如來已上各三遍

上來為汝諸靈類等稱說十二因緣法并七寶如來名號更有三寶之名難可得見難可得聞一歷耳根塵沙罪滅可以志心諦聽志心聽受

唱南無佛陀耶

南無達磨耶

南無僧伽耶

遍

上來為汝諸靈類等再三稱說佛陀耶是其佛一入

於耳不墮地獄道達磨耶是其法一入於耳不墮餓鬼道僧伽耶是其僧一入於耳不墮畜生道

唱歸依佛無上尊

歸依法離欲尊

歸依僧衆中尊已上各三遍

從今已往稱佛為師稱法為師稱僧為師更莫歸依邪魔外道唯願如來攝受護念慈愍故三稱

唱歸依佛竟

歸依法竟

歸依僧竟各三遍

上來為汝諸靈類等稱說三寶名號便是三歸依戒更有三昧耶戒其戒者是過去諸佛已說未來諸佛當說現在諸佛今說功德無量不可思議一歷耳根河沙罪滅可以志心諦聽志心聽受

唵

三昧耶

薩怛梵三遍


上來為汝靈類等請佛證明懺悔罪根發四弘願受三歸依戒其戒具足各顯出輪色身頓悟法身業果顯成佛果三途永脫六道遠離了明向上家風證悟無生法忍合道場衆俱獲正因遍法界心同登正覺

處世界如虛空

如蓮花不著水

心清淨超於彼

稽首禮無上尊



遣紅文津送瘟部神

仰啓都天聖者瘟部靈通莫不多權鬼衆盛集瘟兵
受紫微金闕之符奉太上玉皇之敕巡遊世界檢察
人間除滅惡心顯揚善事布威風而瘟風慄慄喜怒
片時扇殺氣而毒氣雄雄昇沉須刻神通有感覺
化無窮現千種之儀刑作百般之氣候逢善男子而
合掌擎拳賜祥賜福遇惡心人而起嗔生怒降禍降
災伏願王乘玉輦神跨珠琮展紅旗而後擁瘟兵持
白刃而前排猛將收瘟氣而變瑞氣攝瘟風而作祥
風依遵我佛遺言悉赴良宵法會信士虔誠獻上一
巡神酒人間花果表世上之慇懃法食銀錢展凡情
之珍重獻上二巡神酒凡夫漏滴可量神仙肉眼愚
蒙難期飽滿獻上三巡神酒一心禱叩三禮云終于
日卽有某甲修崇勝會敷設法筵特備花船專伸酌
送其缸者良工製造巧匠嚴裝鳳舸龍舟虎頭豹尾

內載千年根料外敷萬頃波濤任意遨遊於四海從
心通達於五湖留恩賜福而收禍爲祥庇祐垂休而
變凶作吉收瘟攝毒盡上龍舟動鼓開旗各歸元道

唱大聖歡喜藏菩薩

偏五方遊邏鬼王僚

香篆導迎賢華衆

紅旗閃閃隨江浪

聖者收瘟齊攝毒

百怪精靈爲禍妖

花紅津選耗神機

畫鼓喧喧越海潮

兒郎攬棹盡逍遙

高峰龍泉院因師集賢語錄卷之九

高峰龍泉院因師集賢語錄卷之十

龍泉院住持小師 如璞 錄

諸家伏願門

祝聖

璿源衍慶寶祚延供黎民永寶於堯年奉土常瞻於
舜日

又

之壽

又

大德必得名大德必得壽永符地久天長八千歲爲春八千歲爲秋幾度河清海晏

又

永取金輪常調玉燭道越三皇之上功超五帝之前

又

皇帝天齊壽廣崇高富貴之權化國日舒長享安靖和平之福

官員

維石巖巖長翊南山之壽泰階兩兩永扶北極之尊更期千歲之神仙長作三朝之元老

又

步玉登金秉鈞當軸輔佐太平天子鎮安率土民生

又

當軸大臣親民長吏爲上爲德爲下爲民聖眷益隆不替鈞衡之任寧書頻下仲升樞要之司

又

台星正照福地彌深銓臺魁取於高名吏部榮除於見闕上慶双親之喜遠揚三代之名

又

官資日顯祿位時迁上答紫皇東注之恩下慰蒼生具瞻之意

又

皇恩已沐使版新登常爲父母於斯民早作棟梁於上國

又

台星高照祿位榮迁仰承聖主之恩俯慰生民之望

又

壽延有永福享無窮紫綬金魚常慶齊眉而不老青袍木簡佇觀滿目以成行

士人

文星順照奎宿光臨白屋奮身見一舉成名之日青雲闊步正双親耄老之時

又

文成七步學富三冬桂子秋風行見同聯鶚薦桃花
春浪佇看高躍龍門

又

魁星正照吉運加臨胸中富錦綉之文筆下走龍蛇
之字場屋仗神明之助姓名標日月之高

又

文高萬丈筆掃千軍榮身早掛於藍袍衣錦增光於
梓里

又

歎讀鍾靈魁杓孕秀今年秋試鶚書早薦於侯邦來
歲春官鴈塔高題於帝里

又

棘闈奏捷蘭省登名鵬鶚離風塵振羽翰而奮迅蛟
龍得雲雨露頭角以蟬蛻

僧

密傳心印上續祖燈俾業障以時消冀善芽而日長
大作人天耳目永爲佛法棟梁

又

◆神當作神

善根增長魔障消除願宗說以皆通種福慧而双足
作法門之領神爲梵刹之紀綱

又

色身堅固道眼圓明常結十方歡喜緣永超萬劫輪
迴路

又

慈心海闊法壽山高棹般若之舟航作人天之眼目

又

袈裟之下常修清淨之因印德之中永荷慈悲之主
宗風益振戒月增輝

道

道基堅固觀宇興隆心傳微妙以自然意悟玄真而
不昧

又

性根清靜道果圓成永爲苦海之增梯常作法門之
梁棟

又

玄機頓悟福德益崇朝翔鸞鶴而道力清高夜步斗

牛而性天澄徹

農人

夫耕婦饁春種夏耘無旱乾水溢之虞有黍稷稻粱之慶

又

始勤東作終望西成家無八口之憂戶有千倉之積

又

東臯耕墾南畝耘耔蠹賊潛消雨暘時若穀粟桑麻豐阜牛羊雞犬繁延

工藝

性天巧妙心匠高明藝獨擅於無双學其推於第一早待天書之詔得沾聖王之恩

又

心機造妙手藝精通胸中有奇巧規模掌上能幹旋造化常獲公卿寵命行親帝主恩光

商賈

往來郡國遊寓京華陸行無盜賊之虞舟運絕風波之險多寶如來扶運動招財童子護行藏

又

生財有道妙算無遺何煩龍斷之類登自見門闌之成市

又

經營便利貿易豐饒舟運陸行絕巖險風波之厄珠盈玉積無穿窬寇盜之虞

公吏

公庭清吉私舍安寧事官常獲福祥爲吏舉無過失貴人扶護家道昌隆

又

吉星臨照貴官扶持奉公而公事和平事官而官災殄滅

醫士

濟衆功深活人利博砭刺獲十全之效方書傳三世之良藥王菩薩護行藏如意輪王扶運用

又

醫雲藥聖術妙道行取扶危起廢之功得返死回生之效全資佛力大賜陰功俾人人居安樂之邦使在

在躋康寧之域

術士

藝術通靈營謀逐意揲著布象知吉凶悔吝於未兆之前發策擲龜推禍福災祥於方來之際□者

又

藝情星命術動公卿斷生死以無差定吉凶而有準仰憑佛祐益使道行星命

師巫

師門安靜法教流行陰兵擁護而日日安寧神力扶持而時時康泰

又

法門異旺師術通靈神符篆處而邪崇寒心法籙開時而妖魔屏跡雖云神力實藉佛威

師尼

色身堅固戒行端嚴長福果於善根開覺花於心地觀音垂祐王母齊年

老人

紅顏長在白髮無侵丹臺書難老之年紫府注長生

之字

又

身如山岳而地鎮長存壽等椿松而歲寒不改年德高邵子孫衆多賴神物之護持仗龍天而庇祐

又

壽山鞏固高而不危福海宏深測之益遠麗眉有永爲蓬壺難老之仙鶴髮長新作聖世太平之叟

婦人

姆儀綽著婦道常遵臉如二月之桃眉賽三春之柳麻姑同筭王母齊齡

又

性天清淨心地和柔王母蟠桃永錫千秋之壽觀音楊柳拂除四季之災

小兒

命根鞏固天性聰明乳食均調邪魔永殄幼作掌珠之瑞大爲國寶之榮

又

日享安寧夜無驚怖幼質易爲恩養天資大賜聰明

富中二六化婆常蒙祐經內十五種鬼永不相侵

又

幼庚清吉乳食調和善財童子護行藏吉祥如來垂
祐祐利宜父母光顯門庭

令家

家道益肥門風增盛謝家增砌芝蘭永播於馨香孔
氏庭闈詩禮大揚於聲教

又

門等子公之慶家傳石氏之榮田蚕歲歲全收畜類
旬旬進益公私迪吉水陸亨通門闈馳綽綽之聲子
息播說說之譽

又

雷送五天之福電驅九橫之灾千尋壽岳聳乾坤一
派福源綿日月夫妻分上永無刑剋之虞子息位中
常保團圓之慶

祝壽

壽齊泰岳福等滄溟詠南山不壽之詩歌泮水難老
之頌

又

壽祺天錫福德日新寶籙金書永注長生之字瀛洲
蓬島茂延有永之年

又

壽數比河沙之數無量無邊福基等天地之基益堅
益固仰干皇覺大賜洪休

祈福

時臻晏粲既格豐饗門迎簡簡之禧祥戶納綿綿之
戩穀綽有照裕罄無不宜

又

吉祥駢集疫癘潛消營謀而萬種依心運動而千般
遂意

又

千祥雲委百順川增壽山齊華岳之高福海等滄溟
之濬

又

五福一曰壽千倉萬斯箱許史繁華假慈風而扇歸
甲第金張富貴隨佛力而化入千門

禳災

福逐雲生災隨電掃出入獲地天之泰行藏無山水之蒙火盜雙消公私兩利願心既剖聖意想持

又

天災地否無及其身月厭年衰不臨其命運之凶者變凶作吉星之晦者易晦爲明動則衆聖維持居則萬靈擁護寒暄有慶視履無虞

又

時清道泰國阜民安三光全而寒暑平五穀熟而人民育處處有登臺之樂人人恣鼓腹之遊賈藏市而物阜財豐士修文而功成名遂旅途工肆俾爾蠡俾爾昌男畝女桑有餘粟有餘布獄囚永息疫癘俱消火盜潛藏里閭寧謐四民總頤

保安

所沾疾患用保康寧百骸無枯瘁之虞四大獲輕便之樂服藥如醍醐灌味飲食如禪悅酥酤行住坐臥無阻無虞出入起居常安常樂

又

慧日照臨災雲消捲吉曜光扶於動止憂星不玷於行藏更資救苦觀音豁除衆苦仍賴消災菩薩永掃餘災

又

沉痾脫體吉曜臨宮命運享而氣馬自和星辰順而身龍益健佛垂智劍削去病源聖賜靈丹消除苦惱命樹篋蒼蒼之色壽山增兀兀之峯

又

時災殄散月厄蠲除凶星退而吉星臨妖氣消而和氣集藥王菩薩藥調五臟以安寧辟毒金剛辟去百邪而清淨

保胎

明珠未吐五葉含芳恐難月之將臨仗聖賢而保護誕生之日如遊歡喜之園坐草之時似攀無憂之樹

又

保十月以輕安護一時而無難監生聖母內消分免之憊護產靈童大賜吉祥之福熊羆協夢孤矢張門早生男子之祥行繼祖風之裔

保蚕

春蚕大熟夏蠶倍常繅就雪絲漢野未饒於成頃哉
成春服周詩孰詠於無衣

又

繭若霜明絲如山積馬鳴大士能變少以成多如意
輪王爲轉無而作有蔑有一毫虛耗願令十倍全取

保苗

田疇既播苗稼方榮無旱乾水溢之虞絕稂莠蝗蟲
之害下土感夢魚之兆上天應覆斗之祥

又

秧苗競長莠稗不生水旱無虞蝗螟永息自從東作
千郊碧浪色連天佇見西成萬頃黃雲濃匝地家有
積倉之喜人與擊壤之歌

保畜

牛羊茁壯狗彘蕃延舉無瘡痍之虞永絕竊偷之患

又

五母雞二母兔無失其時三爲犬四爲羊各遂其性
生生蕃殖物物阜康

保牛

朝牧桃林日餐草地涉險無挫傷之患當耕有壯健
之功常見生延永無損害

又

掃除疫癘俾遂生延朝遊野以成群夕還欄而結隊
性具有來思之詠時和無問喘之勞

又

爾牛來思我牲既具蕃滋而不疾不瘳降飲而或寢
或訛

禳火災

焚惑藏輝祝融遁跡轉凶災爲吉慶變熱惱作清涼
仰仗慈風潛消虎焰

禳水火

乘茲佛力發彼慈心順坎勢以安流虛離中而息焰
兩溪綠漲安載舟漑物之功茁室炊煙獲移突徙薪
之利既滅焚漂之苦趣皆由禳謝之良緣

禳盜賊

狗偷屏跡鼠竊潛蹤犬無夜吠之虞雞止月攘之患

外戶不開高枕無憂

又

戶常不開路絕拾遺無隴上揭竿之耕夫蔑潢池弄兵之赤子聲沉夜柝人樂春臺

還願

還恩滿處如月現澄潭賽願圓時似聲傳空谷萬靈鑒格三寶印明

又

既蒙陰賜敢負初盟敬殫此日之忱特賽前時之款

又

大曹案上三界簿中望銷始許之名乞注終填之字

預修

幸得人身在識脩身之理叨居塵世當明出世之因前生若不莊嚴後報將何管種預修功果大布津梁乘茲有作之良緣必獲將來之餘慶

又

寒必索裘豈待既寒之後渴當掘井必須未渴之前庸作善於今生庶降祥於異日

總願

聰明皇帝聖壽天齊文武臣僚官貢日顯梯航萬國冠帶百蠻混庶俗於仁天躋八荒於壽域時調玉燭歲協金縷冬無愆陽夏無伏陰風不鳴條雨不破塊百樂咸生於治國四民各遂於生涯修儒業者鴈塔題名執工藝者金門待詔出塗臧市富金刀泉布之饒鑿井耕田有稼穡倉箱之積蠶桑十倍利祿兩全日壽日富曰康寧俾昌俾熾俾耆艾戶納千祥百福家無九橫三災人盡樂於登春犬不聞於吠夜烽銷遠塞草鞠園扇羽毛鱗甲咸遂生延動植飛潛舉臻蕃殖上窮有頂下達無邊凡屬有情同登彼岸

龍泉院因師編集賢語錄卷之十

高峰龍泉院因師集賢語錄卷之十一

總願碎語門

總願全段

上祝 當今皇帝踰堯舜之君在位大臣德邁皋
夔之列霧掃胡塵而干戈盡偃月沉邊燧而文軌皆
同有民皆樂於春臺無俗不躋於壽域次異鄉閭寧
謐家室康安免逢山水之蒙常遇地天之泰鑿井耕
田而各安生業含哺鼓腹而咸樂天真商歌應而勿
阜財豐士修學而功成名遂蠶桑春富家家縹白雪
之絲禾稼秋成處處刈黃雲之穗夜絕覆梁之輩時
聞擊壤之童牛羊茁壯滿千山雞犬相聞達四境猷
囚永息疫癘潛消圓滿一切願心成就無邊福利

爲官者

居官無恙理事如神人思召伯之甘棠世競郭公之
竹馬早錫千鍾之祿榮膺一尺之書享台筭以綿長
履仕途而遷擢

修文者

舒卷韓愈之編簡富饒鄒架之詩書禹門三級願先
登郅桂一枝祈早折茂延百福永珍千災

習武者

六篇明豹路三尺撫龍泉孫吳之事業益稽衛霍之
勳名早遂彎弓馳射功收百步之穿楊衣錦榮歸堂
慶双親之戲綵

治家者

理家有道妙筭無遺產業山崇還如王愷貨財泉溢
有若陶朱椿老桂芳益顯寶家之陰德蘭森玉立茂
揚謝砌之休聲

事公者

爲吏事官多享祿招財遇貴得安身結案疑而無錯
無差覆官員而允順允聽常願保全之美永無過失
之虞家道榮華公庭清吉

務農者

水耨敢辭頻火耕當作苦春帶一犁江上雨秋收千
畝隴頭雲大田常獲豐登高廩益充委積犬無吠夜
吏不登門

養蚕者

帝釋密扶馬鳴默佑探空五畝無餘葉繰就千機有細絲縑帛豐盈貨財富衍

工匠者

性天曉了心匠玲瓏胸中自有規摹手內多施巧妙動止常居吉地工夫每遇貴人倍收日至之財行見天書之詔

商賈者

貿遷如意出塗收鉅萬之財幹運隨心藏市獲倍徙之利錢流地上貨衍日中世業增崇家聲赫奕

攻醫者

傳不傳之秘方治難治之篤疾活人之功爲甚博濟世之道願益行福德藏王常密扶於動履安樂菩薩更茂介於禎祥

尅擇者

水法深明宗妙山形洞曉玄機曾包造化之工數衍星辰之妙常遇貴人持掣頻蒙富室招延錢財衣食如願如心富貴榮華從謀從望

漁釣者

數尺絲綸長在手一簑煙雨任平生江魚美可求湘水清堪汲壽比岡陵之久福如江海之深

開酒肆者

馬相如之滌器卓文君之當壚挑錢之客常來盜飲之人已去息收萬倍願應千般

開店肆者

百神擁護萬聖維持店舍興隆長似孟嘗門下資財進入常如王愷藏中官非口舌逐時消福祿吉祥隨日至

爲屠戶者

割肉固殊於方朔操刀濫學於庖丁殺生之罪業冰消潤屋之貨財山積

爲博弈者

妙筭隨心取財遂意但要見機喝采終須得手盈錢從教一擲之時自獲百萬之利官非不惹盜賊無侵行藏消不測之災動止納新來之福

爲蒿工者

運籌持漿永無波浪之憂遇險臨難常有龍神之護
凡來往滄波之上如安行平陸之中事事亨通頭頭
利濟

爲僧行者

天龍外護梵行內清行住坐臥而百福資扶春夏秋
冬而千災殄滅

爲道士者

星冠高洞府霞帔下煙霄六匣風雷藏寶劍一壺天
地養靈丹芙蓉福祿臻椿齡有永

爲尼姑者

眉攢柳絲栖身衆妙之門臉映桃紅勵志自然之教
無爲洞達大道勤行弘持清淨之規延續神仙之壽

爲師巫者

救四百四病之苦有百發百中之功靈符鎮斷鬼門
關巾斗籙開人世界三元尊聖時時大降吉祥諸部
吏兵日日勤加護衛

相士論命者

術妙高古藝精動人論吉凶則究五星五行之奧旨

游藝錄

觀書賤則有百發百中之奇功何須西蜀問君平不
待江南尋郭璞笑傲壺中之日月優游物外之煙霞

牙僧者

持心正直秤物公平會四遠之經商合兩家之交易
居多財貨只憑辯口之懸河輻湊舟車常見滿門而
成市

娼妓者

雲水之生涯日進煙花之活計風流朝陪四海豪奢
暮伴五陵年少綺羅叢裏潛消口舌官非絃管聲中
常獲金珠璧玉

高峰龍泉院因師集賢語錄卷之十一

高峰龍泉院因師集賢語錄卷之十二

追薦陳意門 讀靈通用

總薦亡

百年光景全在剎那四大幻身豈能長久自高塵世
香魂杳杳未知方既返泉關逝魄茫茫何所往音容
莫睹骨肉徒傷欲伸薦拔之功須假慈悲之力

又

夫子聖人猶見兩楹夢莫達磨大士尚聞隻履西歸
法身未免有去來幻質豈能無生死冥途既往逝魄
何歸須憑薦拔之功直指超昇之路已下任叙所作佛事

又

百年夢幻嗟塵世之循環諸佛慈悲揭真乘而濟度
伏念亡某人奉身儉約致業勤勞接物待人本謙和
而罔間事尊撫幻盡孝義以無虧方期壽岳之崇俄
嘆驚波之逝上遺華髮缺溫清於萱堂下棄諸孤極
攀號於苦室欲嚴昭薦庸假薦修同前

又

地水火風眞箇夢中說夢生老病死誰知身外有身
欲求彼岸超生須向箇中著力恭惟某人之靈天資
長厚地胄光華其起家也則有貫朽粟腐之名其處
鄉也則有親仁善隣之美福在其身則壽考康寧之
是享慶流于後則德行道義之俱全膺鶚薦而五學
不虛指龍門而一躍在即方謂椿齡益固豈期薤露
遽晞百千萬事總成空八十二年渾是夢三釜之養
弗及九泉之恨徒增莫駐双輪俯臨首七

薦祖父母

先祖是皇素積門閭之德孝孫有慶敢忘骨肉之恩
適際忌辰仰皈皇覺伏念某人理家勤儉教子詩書
兄弟無間言朋友責善道自得田園之樂共推里閭
之仁生前既有興家勦業之功歿後當懷謹終追遠
之念追遠思辰

薦父

陟岵興嗟爰起勞思之志蓼莪託詠難伸哀告之誠
雖殫孝子之心莫報昊天之德伏念父某生成德重
教養恩深本期盡養於百年豈謂俄終於一疾

父五七

幼勞有賴足知生我之恩酬報未由遽起何怙之歎
唯佛子能伸子道假望慈少薦父慈望垂赦罪之恩
直指往生之路痛念某人向居塵世纔登六十二年
今返泉臺倏經三十五日

又

青春向晚痛徹君歸壽之辰未夏俄臨當孝子酬恩
之日欲薦靈魂度脫須憑我佛慈悲敬念某人居人
世七十八年拋幻塵三十五日欲報生成之德用憑
薦悼之功

父小祥

無父何怙每懷陟岵之悲有佛可依嘗發濟人之願
重念某人存心平等處已溫良既爲十善之人宜享
百年之壽豈期一疾遽返九泉靈魂渺渺以何歸去
路茫茫而不返欲指小祥雲路須憑大覺風規

薦母

泣血三年痛念子羔之志不飲七日重傷曾參之心
動王脩輟杜之誠起隱之感隣之歎雖古今之事或

異而子母之情不殊痛念某人處閭浮世現女人身
內克盡於姆儀外允諧於族屬恩深鞠育德備幼勞
本期椿筭綿綿不忘戲綵豈謂萱堂寂寂遽起傷心

母百日

萱堂月冷空餘刻木遺蹤蘭砌雲愁遽起感鄰別恨
痛念十旬弗返庸資九品追修伏念母氏善心有素
懿行無虧檢躬溫淑而茂著閨儀應物周旋而曲全
婦道一男終老二女得賢孺封方羨於榮觀親養餞
聞於永別曩日之斷機莫睹今朝之戲綵無由不遇
淨土以超生曷使亡魂之度脫

母小祥

母以幼勞生我遽與不見之思佛能方便救人敬啓
少酬之意伏念某人懿行雍容善心純熟傳嗣幸生
四子享齡宜壽百年豈謂五旬之餘遽有千秋之別
倏忽痛周星之隔悲傷泣淚雨之零無階鞠育之
恩有佛示往生之路

公百日婆六七

痛念先公歷十旬而弗返翻思祖妣俄六七以偕臨

欲薦双魂宜修九品首答變成主兼資平等王望開方便之門各指超昇之路

女薦母夫薦妻

女薦其母徒勞刻木之悲夫拔其妻空憶鼓盆之恨欲使双魂俱度脫須桑二寶爲加持孝女某痛念亡妣某氏夫某伏爲亡室某氏一則義重於生身一則恩深於結髮本是有家親之喜豈期同生死之塗

薦子六七母四七

曰母日子相繼歸終誦佛誦經用憑救拔爰傾衆志敬薦双魂闡智者之科儀禮觀音之寶懺普答三千大千之聖衆兼酬四七六七之冥王

三孫薦祖母叔母

祖母叔母相先後以歸終長孫次孫同哀號而薦拔某等敬念祖母某氏叔母某氏向值一陰之月方踰兩日之期豈知二位懿魂共返九泉幽壤

薦母并妻室首七

雲慘萱堂莫遂承顏之志風悲蘭室遽傷結髮之情然老少雖曰殊塗而生滅同歸一路敬念亡妣某氏

享世壽七十五載亡室某氏受天數三十二春未離兩日之間同有千秋之別大千不返首七俱臨追修二位之懿魂須仗三乘之聖教

薦夫

共伯之妻人欽自誓之志萃周之婦世聞善哭之聲魂飛湘浦之煙波夢斷楚臺之雲雨伏念亡夫齊家雍穆處已溫良將期成君子偕老之歡豈意發天民無告之歎雖仰天而何補徒望石以興悲欲酬結髮之恩庸仗燃燈之果

又

交歡二姓本期奉箕箒之勤俄別千秋難使效蘋蘩之託切念亡夫某人公平處已忠厚待人內睦宗親外諧鄉黨滿謂百年之偕老豈期中道以分飛

薦妻

蘭室人寂徒興舞鏡之悲鳳閣香鎖爰有鼓盆之歎伏念亡室某人夙勤婦道素秘閨儀本期偕老百年豈謂遽終一疾齊眉莫及結髮徒傷雲歸仙嶋暮煙寒花落泉臺春晝永欲超懿魂須仗妙緣梵曲高揚

韻續斷絃之奏爐煙消散香和愁霧之飛

又

百年偕老將期結髮之親四大俄空遽起鼓盆之歎
切念亡室素全婦道曲盡閨儀孝義兩全宗親俱睦

兄弟

原上鶴鴒務篤急難之義雲間鴻鴈忽垂次叙之傷
敬念某亡兄弟道共人倫序連天屬將諸同氣俄有歸
真竹林遊地起傷悲棠棣陰中空感嘆

薦男

蘭凋玉砌沉沉之愁霧迷空鳳入丹青寂寂之悲風
匝地伏念亡男某人克家令子幹蠱良材本期興忠
孝之門全望繼箕裘之業豈知一疾永訣千秋

長子溺死

情傷主器豈期失楫於中流佛願度人庸指乘槎之
仙路伏念亡子力學龍門而未透親看蛟水以俄經
一夜更闌才效渡湘之年少千秋恨別難成捉月之
謫仙鳴灘響處助哀聲急浪濺時添暗淚

薦女

謝庭蘭殞到底俱空楚峽雲收未知何在伏念亡女
善心純熟懿行雍容豈期一疾之來遽有百年之別
輒憑佛果少贊仙遊

伯叔

哀心有感痛傷天屬之親誠意無依庸仗佛乘之力
伏念亡伯善鍾累世慶出一門爲先公胄子之賢伯
胃子叔乃我父連枝之愛將謂享長年之筭豈期終
百歲之天

姊妹

天倫共稟莫非同歲連枝世事歸空難免出生入死
伏念亡姊所育雖同於父母于歸各配於室家棣華
將謂於聯芳鴈序遽傷於痛別

丈人

雲愁慘慘空傷太岳之顏雨泣漣漣益發東床之歎
雖曰冰清而玉潤難逃死去以生來伏念丈人某德
稟寬洪恩均內外私喜一門之幸得伸半子之親豈
期四大之空遽有千秋之別

丈母

雲愁半夜痛傷岳母之俄傾雨泣新秋忍對門闌之發歎千秋遽別半子何依欲懿魄之超昇仗善因而薦拔敬念丈母某人生男克孝譽已振於北堂育女有家愛特崇於東坦將謂享百年之壽豈期爲一疾之終曉山黯黯散愁雲夜壑茫茫逝水

女婿

愁結門闌遠爾東床之逝淚零衣袖痛傷半子之亡不資物外之善緣莫薦門中之貴客伏念亡婿某人賢鍾盛世族出名家內諸父母之歡外擅里閭之譽滿謂篤親之義當修致敬之儀豈期天不福緣遽使身先歸土

又

門闌有託望諸中雀之綠風火無憑遽失化龍之望欲伸薦拔庸仗慈悲

薦商死

往而不返仲尼傷逝水之嗟去而不歸莊叟起失家之嘆死生惟命之極行止非人所能伏念某人孤矢銘心蓋有四方之志駒駟命駕能馳千里之念每運

舟車阜通貨賄遠取征商之利將求潤屋之資豈期善願未圓那覺天年不永征魂杳杳九泉冥路去何長逝魄茫茫萬里思親歸不得虔修淨土資薦去程

僧薦本師開華嚴經

釋迦文佛何妨示寂雙林達磨大師不免西歸葱嶺羅法身本無生滅然乳恩敢後酬償欲增般若之妙光必假華嚴之大教恭惟圓寂本師大德堂堂儀表寂然彌勒下生來了禪機儼若玄沙不出嶺龍山尊宿錢水宗師戒行共霜月爭明梵音與風雷齊震忽朝猛省拂袖便行衣傳已付嶺頭人背痛翻爲塵外侶今當二十有五日報師資用開一百二十函少陪雲路

薦亡伏願門

通用

塵勞蠲淨廓爾而雲散天清業障頓除豁然而沐浴雪釋誠心達本息意忘緣於去來中悟無去來於生滅中悟無生滅絕離幻妄正移眞空破三毒而證三藐三菩提取六賊而修六度六神用了知生滅法方

明無我人不出菩薩林常居華藏海

又

數行仙樂迎歸紫府之間三色祥雲引出塵寰之外
拋離五障適脫六塵當生慈氏之宮早入龍華之會

又

黃金殿內常瞻紫磨之身紅藕花心時聽苦空之偈

又

四生海上卸愚癡帆三覺岸頭斷沉迷網出娑婆之
世界生兜率之天宮時時面奉玉毫日日耳聞妙法
曉了卽心卽佛頓明非想非空得般若波羅蜜多成
無上正遍知覺

又

無邊煩惱海徹底乾枯無量智慧花廓然開發

又

上冒七重之網下乘千葉之蓮飄飄生觀史之天濟
濟步摩尼之殿面瞻金相耳聽法音

又

瑤池萬仞金風動而蓮上生花寶閣千層珠簾卷而

雲中見佛

又

寶坊寶蓋乘寶馬以優游香國香城躡香雲而快樂

又

寶網玲瓏之下天花縹緲之中禮十號慈尊悟一乘
妙理

又

須菩提彈指之處認取千聖之門大迦葉破顏之時
頓悟一眞之理

又

普光堂上回凡心而作佛心菩提殿中轉肉眼而爲
慧眼步步紅蓮開足下翻翻青蓋起空中拋三漏之
塵勞生十嚴之淨地入寶冠裏坐師子床一聞大悟
之因緣便證無爲之至理

又

眞明明之法眼登須彌頂而燦破四天悟了了之眞
心向微塵裏而坐觀三界

又

真心自在法性逍遙不入三乘便登正覺悟無所悟之法證無所證之門生生披如來忍辱之衣世世處諸佛慈悲之寶

又

障雲散而菩提月現業海枯而功德山高不入邪宗常生正念

又

七寶池中盡緣業障報障煩惱障九蓮臺上常聞妙音梵音海潮音

又

摧煩惱之山裂愛慾之網心疑頓釋若解百疊之花巾罪垢潜消如散八風之沙聚

婦人

十惡五逆悉冰消三毒七情俱雪懺五漏化為無漏六根變作善根仗一乘薦悼之功指九品往生之路好隨玉女迎歸蓬嶋仙山長伴姮娥直返蟾宮月殿東海觀音親授記南方龍女願同參速出迷途早登覺苑

又

業菓凋零罪花殞謝便登海岸禮觀音菩薩之容長向雪山侍摩耶夫人之側

雙魂

毗盧華藏不妨步步相隨淨土蓮臺如信人人有分寧拘曰老曰少從教同号同名鸞車對對返璇穹鳳輦雙雙歸寶洞合簪並進共乘般若之舟携手同行齊到波羅彼岸

又

俱乘有作之因各指往生之路紅蓮臺上不妨步步相隨碧玉堦前管取頭頭尋着九品齊登上品三乘共證上乘翻身接引上天堂携手逍遙歸佛國

又

顰眉慈母早隨佛母返天宮駕帳嬌娥好共姮娥歸月殿兩片綵雲輕襯足一雙寶網為嚴身生前既結於家親歿後齊登於佛國

溺死

不憑聖澤難脫迷津霈為終七之恩波洗去大千之

罪垢鵬海化為福海龍宮變作天宮雲漢逍遙免萬劫沉淪之苦星橋快樂無三途出沒之憂願假慈舟早登彼岸

又

愛河浪闊期彼岸以高登苦海波深假慈舟而普渡

又

不滯中流即登彼岸禮水藏慈悲之相聞海潮微妙之音

又

滌除玄覽涵泳聖涯指佛波羅門萬世浮沉海騎李白鯨鯢之背訪張騫牛斗之星兩腋清風笑傲三山之蓬嶋一溪流水優游千古之桃源度達有阿羅聖僧引接得水藏菩薩

薦僧

身期成於正道步步躡於遙天心冀了於妄源去去乘於翠輦入四禪地具一性空跌跏座高廣之間觀龍樹芳菲之相一明圓覺頓悟真常
高峰龍泉院因師集賢語錄卷之十二

高峰龍泉院因師集賢語錄卷之十三

涅槃法語門

舉哀

去秋一夜風雷作吼地奔空掀海岳驚起多年老古雖平空拗折蒼龍角迢迢千里計音歸哀動叢林皆錯愕苦錯先師法道正喧天到我瞻矚邊滅却一聲長

又

三十年行道海上第一人颯然怎麼去誰見不酸辛雖然如是須知某師未曾生未曾死未曾去未曾來正與麼時如是指龕云我與雪峰同條生不與雪峰同條死要知末後句分明普請大眾齊聲舉哀

又僧俗通用

來遊塵世已經年一點風光本自然莫恠驪身歸去速須信壺中別有天靈魂超淨界衆等苦留連雖云來去元無礙爭奈分明在目前時節到來休諱忌蒼天中更哭蒼天哀哀

起龕

五蘊山頭一段空同行出入不相逢從茲撥轉通天
竅直下翻身處處通圓寂某師死生海裏雖有去來
眞淨界中本無起滅動則起生死之本靜則沉迷醉
之鄉動靜雙泯即落空亡動靜雙收瞞預佛性即今
跳出動靜一着作麼商量○出門一着爲君通剔起
眉毛不見蹤珍重諸人齊著力不妨步步生清風

又爲普明
長老

普明老子賢沙近隣住院三十四年俗壽七十一歲
破夏相別冒暑還鄉了事衲僧道頭知尾推出枕子
明月當天提起鉢囊清風滿室草鞋緊繫直撥斬新
迎赴茶毗以全法式高聲云普明和尚今正是時請
離方丈撫龕一下云起

掛真

虛空無像復何名五彩圖成身外身一部精神藏在
此未甘全跡示諸人展一半云若謂這個是某人眞
是諸人未具塵外之眼若謂這個非某人眞是諸人
猶迷眼外之靈是之與非卽且致大衆要見某人本

來面目麼堂堂無向背子細好生觀

又

拈真示衆云把住則凡聖難窺放行則何彼何此若
也把定大似不通人情未免放行與衆相見去也展
開云咦且莫錯認定盤星大衆八州管內老和尚七
掌名蓋不住相施法施財利濟人慈悲道德大虛空
量大虛空量無定當撒手迢迢忘背向雖然正眼不
容針爭奈兒孫要瞻仰如今掛向祖師堂留與山門
作榜樣掛

舉棺

釋迦如來說大藏法不免涅槃阿難尊者說出世緣
終歸淨土出家人本無罣碍得路處一笑便行不期
某人趁得春風便成秋露月落寒空留不住水流大
海到方休當初不合等閑來這裏始是眞歸處今則
擡不起拽不動大衆作麼生向還委麼咄得人輕
借力便是轉身時起通用

俗人

風颺紅葉滿庭雨籬畔黃花猶泣露堪笑重陽人已

去泉路茫茫有何據某人不是臺山淺行婆亦非湘江靈照女團欒不說無生話有物不就他人取一子從釋脫塵羈三子傳家已婚聚視富貴若過眼飛灰脫生死如曉日朝露翥然仙路便翻身撒手明明與麼去直饒千聖出頭來到此如何留得住敢問諸人既是留不住必竟去何處還委麼出門跳下白牛車好看乘雲歸淨土起

女人

撫棺一下云哀哀兒女痛肝腸鑼鼓相催去路忙挽回回頭休悵望出門那得苦悲傷某人知身是幻如水上浮漚悟世匪堅似空花亂墜截斷煩惱根脫去塵緣業盡底放下更不商量且道出門一句又作麼生會金雞啄破琉璃殼玉兔挨開碧海門

雙棺

來時各自來去時相拉去來去本同途誰云無伴侶雙放復雙收直下無遮護同氣又同聲幾曾分兩處一了一切了一步連一步今爲汝二人一手雙擡舉○朶朶金蓮並吐香雙雙露柱相對舞即今携手共

同歸直下便遊眞淨土起

秉炬

春

春山疊疊綠青葱春晝舒長暖日濃若向此中深薦得頭頭物物顯家風茲者切念某人忽朝猛省跳出塵籠撒手便行了無罣碍諸仁者且道臨岐一着作麼商量其或未明聊聽短偈○六十餘年夢幻中一朝撞破太虛空只今要識西來路火裏蟬蛻吞大虫

夏

生也不道死也不道生死兩頭俱領過即今撥轉上頭關諸人且道是甚麼是甚麼爲說破某人昨夜問三臺拍手起來唱哩嚦亡某人醒則个灰飛煙滅事如何雲峰奇聳千萬朶

秋

愁雲散盡楚天青木葉凋零惱殺人時節到來歸去速擬將何事作前程恭爲亡某人平生恬靜稟賦寬柔將期享壽百年豈謂遽終一疾忽朝時去拂袖便行要指路頭須憑指示○閃電機鋒石火光舉頭鵲

子過瀟湘一言爲截輪迴路金井梧桐葉正黃

冬

一剪寒寒梅爲報冬千林萬壑總成空惟留法性無
生滅不逐人間四季終某人還會麼五十餘年空蹉
過今朝忽爾夢魂醒從此生生只這箇

僧

一朵花開佛出世一枝花謝佛涅槃了知生滅皆虛
幻須是當人着眼看圓寂某師上座幼修梵行長屬
僧緣今當風火散離不免翻身歸去大衆且道某人
上座向什麼處去○雙林示寂露全身隻履西歸莫
向程明月白雲消散後前山依舊插天青

道

生平入道苦身心大限俄終促去程難道未歸僧寶
位到頭成佛等空平玆爲順俗某人幼拋塵俗久處
空門觸目應緣無非佛事今當告寂不免迴程且道
這一程向什麼處去咄昔年盧行證菩提今日相逢
復是誰要問臨岐超脫句山高不礙白雲飛

士

平時修讀性天清終日勤勞心地明鄧桂一枝期望
折禹門三級願昇登然雖如是且道歿故某人只今
到這箇地頭還尙有寸進也無旣德行通劫莫蹉過
咄將期北闕功名顯豈謂南柯夢幻醒一句了然登
上品彌陀淨界任超昇

農

暑往寒來幾千秋朝思暮想務田疇始勤東作頻耕
布終望西成不失收然雖如是且道歿故某人只今
到這箇地頭還相委悉得麼一豎耳根大千通達咄
可惜多年營活計何期今日弃閭浮東土業緣從此
別西方樂園任遨遊

工

平生工巧藝偏奇多技多能四海知胸中自有規模
術掌上寧無造化機且道歿故某人只今到這箇地
頭奇工尙在也無諸人還相委悉麼稍若未明聊伸
諦聽咄本望君王頒詔請不圖閻帝促歸期九天宮
闕勞修造好把良工爲設施

商

經書行盡幾軍州與販登程費運謀竹杖芒鞋豈休
歇金刀泉貨富經求然難如是且道殺故某人只今
到這箇地頭還尙識得也無其或未能應當諦聽
可恰跋涉貪圖利枉勞值死不知休從今拋却行蹤
影好向西方佛國遊

老

人之有生必有死此理相傳今與古推靈享壽既長
年滿眼宗親何必苦且道某人向甚麼處去若已於
斯薦得何須頭上安頭其或未然不妨諦聽咄死生
生死悉歸空汝既天年享壽終劫火洞然何處去日
輪晚景倍增紅

少

二十餘年夢裏身少年不復享長齡忽朝猛省便歸
去還識前回个主人這主人相識麼不是這個并那
个直須截斷兩頭機熱則取涼寒向火

下火

雙僧

雙明復雙暗彼此都是作家同死不同生各人自有

三昧秀公龍藏未徹候爾坐忘文老法制將終食程
太速莫謂先行不到畢竟同途休言末後太過涅槃
一路大衆且道二老此日臨岐作何祖錢只用一枝
紅燄從教兩處分飛

武官

來時空裏泛孤舟去也步行騎水牛兩段不同如會
得不風流處也風流某官雖在戒門生長常懷佛行
慈悲勸世每誦古人歌平日不瞞諸聖眼聞惡則攢
眉皺面見善則信受奉行錢聚數百千壽年八十歲
對客琅琅語話無病只麼便行想君別處誰留直到
蓮花海界雨初歇草茸茸翻身觸破太虛空三脚蝦
蟇飛過海火裏唧噥吞大虫等閑踏斷輪迴路透過
牢關千萬重

老人

終日茫茫死即休誰知虛幻等浮漚會須箇裏超生
死生死恒真得自由生死既真輪迴路絕無天堂可
昇無地獄可入無菩提可求無煩惱可滅無聖凡增
慳無男女親疎孤迥迥峭危危不許老胡會只許老

胡知明歷歷活鑠鑠趙州石橋成掠約某人且莫錯
休擬議只這是火裏唧噥吞大虫一超直入如來地

婦人

生也死也非取非捨來也去也塵埃野馬聚也散也
千變萬化推倒無影殿撲碎琉璃瓦撞見玉麒麟乘
時便騎跨某氏何處去莫似狂風飄柳絮神仙十二
玉樓臺雖好不是安身處回頭就已覓歸程萬里神
光照天地天地空火裏唧噥吞大虫

小兒

神童子神童子來何遲去何速烈焰空中喚不回金
盆又在誰家浴

吏人

平生說條念貫死後一場公案今日木匣送來且教
老僧判斷已覺發未覺發已結正未結正我佛慈悲
咸赦除之

因醉渡橋溺死

平生波波切切只貪覓頭春雪夜深獨步危橋不覺
橋脚滑本意隨波逐流且作灰飛煙滅咄夜來酒

醒歸何處楊柳岸曉風殘月

僧溺死

百尺竿頭進步未是作家千尋浪裏翻身方爲遊戲
吸盡西江一口水莫謂同徒踏翻船不覓蹤由殊非
知已不顧一身沉沒任教滿腹彭臍須知落水見長
人不作臨河渴死漢大衆且道某人到這田地作什
麼商量曠劫已前消息斷是渠水火不相干

妓溺死

歿故某氏生迎仙客死浪淘沙鳳樓不見虞美人駕
幃休戀風流子西江月畔已罷傾盆南浦橋中投入
新水尸停灘側煙波罩芳草渡頭火起江城雲霧瑣
小重山畔大衆且道去則去後面一句如何分付咄
菩薩蠻衣常掛鉢祝英臺上舞梁州相逢已覺如夢
今直上千層寶閣遊

耕牛

業畜業畜來何遲去何速非是我無田與汝耕爲汝
今生還債足牛犢子你有福不是山僧主張汝好一
場凌辱割皮者割皮割肉者割肉掛在門前半生半

熟吾今與汝設一堂齋設一堂浴衆僧誦老僧丁
囑去到閣王殿前換了本來面目

入壙

古者道踏着故關田地穩更無南北與東西這一片
田地高而無上廣不可極涸而無下深不可測四至
界畔元屬當人唯有中間一竅不曾動着今動着直
得泥牛哮吼木馬嘶鳴霧鎖長松風生大地正當恁
麼時且當向什麼處安墳巍巍坐斷西山脚千古悠
悠對落暉

入塔

普光塔下八字打開明月堂前十分彰露倒拈背觸
之機全提殺活之句驪龍領下幹明珠大虫舌上書
千字何期一疾弗瘳可謂貪程太遽東山法道頽危
楊岐重擔誰負雪峯與你同條生又且與你同條
死更有末後句大衆還知否去歲移書報余三月歸
來相聚而今果爾歸真且道以何爲據提骨示衆云
黃金靈骨鎮長新一段風光邁千古

又

一念纔生怎麼來無明山上起雲雷而今撒手復歸
去片月依前照古臺卽日奉爲某人宿安道業久立
空門奉佛精虔處心平正時節既至風火難留法身
無礙大虛空骨石要歸無縫塔大衆且道無縫塔一
路向甚處進步良久云流水下山非有意白雲歸洞
本無心

二僧

大衆還識此二僧麼龍華會上俱透牢關般若光中
共一鼻孔來時雖未同來去時今返同去人人禪學
麒麟箇箇叢林獅子偶然把手同行莫道渠無伴侶
西天寶蓋重重淨土金蓮步步縱教同號同名那更
分爾分汝常與諸上善人不免俱會一處路頭向什
麼處入一點水墨傾成龍分兩處

撒土

人假地水火風不免生老病死生時因土而生死後
復歸於土還知否結而爲山爲岳散而爲州爲府在
天則爲五行之中在地則爲萬物之主中央戊己猶
稱尊何物不歸一點子卽今撒向此佳城萬代兒孫

由蔭注貴者從茲貴富者從茲富奇山秀水盡來朝
吉曜善神常擁護要知靈魄擬何歸不涉一程歸淨
土

散灰

這把骨頭非常作怪六十老龍鍾剃頭作新戒父禮
子爲師子受父禮拜世俗有高低佛法無罣礙一箇
鐵硬人打硬世無賽杜門絕交遊佛來也不采如是
三十年自買常自賣到得新年頭撒手長空外來時
聖不知去時人不會不會與不知自有通人愛願大
衆云且道愛箇什麼良久喝云跳入長江浪拍天拶
破虛空百雜碎

又

若人透得上頭開始覺山河大地寬不落人間分別
界何拘緣水與青山茲爲某人忽朝猛省撒手便行
幻身已付於丙丁靈骨將歸於壬癸直得禪河浪徹
一點元無法海波澄千差無別條去六根煩惱洗除
萬劫塵勞從今穩棹渡人舟直下便超無垢地此事
且置且道其人轉身向什麼處去○江長不見水窮

處山遠直疑天盡頭

唱衣

輪王髻中珠不直半分錢迦葉蓑裏價直百千萬
者个是某人禪師平生受用不盡底且道不作貴不
作賤有人酬價麼若無人酬放一線道一唱五百

高峯龍泉院因師集賢語錄卷之十三

高峰龍泉院因師集賢語錄卷之十四

抄題雜化門

化鍾樓疏

千鈞重器已成毫簫之功百尺高樓欲遂斧斤之用
誰能特達就此因緣帶月輕敲驚起海門沙上鴈和
煙試擊喚回塵世夢中人

龍泉院前虹橋疏

乘輿濟衆惠止一時斷木利人功流萬世惟龍泉之
勝槩有虹首之高飛頃緣洪水之橫流日見行人之

病涉有阻留題之客頗妨期會之人今欲經之營之
必賴遠者近者環區區之尺牘扣磊磊之丈夫伏願
向五達衢出一隻手將見問津老子不煩殺若之舟
策杖禪人咸到菩提之岸

化粧藏疏

一輪永轉萬法常明欲救世眼無塵須藉當人潤色
龍宮本來富貴佛家分外莊嚴衆手易維持雙拳難
點畫搖天撼地聲聲鏘玉鳴金耀古輝今家家藏珍
隱寶諸仁者儻能成這段好事大梵王必不辜莫大
深恩出頭爲有力因緣轉脚得無窮受用

化粧畫水陸功德疏

師祖流傳雖有冥陽公案道場鋪設奈無彩畫行頭
小比丘縱會秉呪加持諸聖像未便隨聲顯現擬情
畫工出手須是方兄點頭敢辭開口告人難信道發
心爲事易四十二軸大家無惜相成千百億身諸相
管教具足

化粧廢寺佛疏

千百億化身利刹塵塵俱爲佛事十方諸國土在在

處處總是道場南州打到北州頭東土移來西土着
有生皆可度何處不稱尊與其蘆茅穿膝於彭源廢
刹之中孰若花木嚴身於城山大隱之地說彌勒當
來下生之事願諸人過去現在之因不勞更揀燒香
要捨必須連脚請持此疏扣朱門綠戶之賢欲覓本
光驗紫磨黃金之相比福德勝前福德非莊嚴是名
莊嚴

化粧佛畫壁疏

清淨法身雖云不染粧嚴佛相又且何妨不惟壁洛
上添个風光更使石殿裏重新活計若得大家提掇
便教兩處圓成快請承當真个奇特

化粧七身功德疏

佛法充滿於虛空本無一相梵宇莊嚴於功德須假
七尊儻逢多寶如來便見真濟菩薩

化粧羅漢聖像疏

本來具足見成一十八尊更假莊嚴始現三十二相
須是著些精彩共成這個因緣若發菩提心便證羅
漢果

化佛前燈疏

古佛堂前惠燈不滅普光殿內智燭長明照破羣昏
實由一點各請人人返照便知祖祖相傳个中若識
賣油翁直下許見燃燈佛

化長明燈疏

只一星兒演出大光明藏向五陰處燦破諸煩惱門
雨風如晦而這個分明日月尚虧而此光常在相傳
無盡點起便知須遇特達人能成久遠事玉樓金殿
長明公今已加封銀管寶書燃燈佛昔曾授記

化設地獄齋疏

佛即是心心即是佛一毛頭上識根源人死爲鬼鬼
死爲人三惡道中隨影附若隔這個便墮群流業風
動地不停飢火燒心難忍鐺羅錘子請君快不將來
鉄酸餚兒與他從頭咬破是名眞法供養大家隨喜
結緣

化錢置常住疏

古佛家風高坐双峰之頂道人活計全無一日之糧
用資數畝之田永作千年之寶須是飢來喫飯誰解

心空坐禪檀那儻賜於筆端我佛必增於福利

化齋供疏

施財施食增益福田供佛供僧栽培善果用嚴樂石
普獻人天結此無上緣須還見在佛

起建華嚴閣疏

聖興堂成已壯此方之風彩華嚴閣就重增梵宇之
光輝不惟再整於高門仍使一新於大教三事若令
具足十方須藉扶持立地便成具眼底看

鐘樓化瓦修蓋疏

樓高百尺不妨聳壑昂霄鐘震一音能使聞聲悟道
歷時既久覺棟宇之飄零整舊如新藉慈悲而喜施

化米開路疏

道人脚下盡大地作个路頭祖師庵前使万里渾無
寸草若得十方無礙何妨八字打開未饒寂子之插
鉢猶悟丹霞之剗草果得食輪先轉何愁心地不通
須知獨樹不成林各請大家齊出手

化斃路疏

心地坦平永無障礙福基鞏固寧患崎嶇結十方衆

信之緣開萬劫菩提之路實爲方便各請圖成

化人披剃疏

靈鷲如來親剃目犍連之髮黃梅祖佛密傳盧行者之衣向時既有這般人今日豈無如是事殿前剃草須逢具眼宗師地上布金更藉作家長者

化度僧疏

菩薩大慈不妨化現比丘得度須藉圖成假法身而了佛身憑佛寶而爲僧寶若得手中具眼便教頂上放光全資十善檀那了取兩重公案

化度蹠疏

辭親割愛出三界家人如來家學佛解空從二乘地至菩薩地爭奈頭顱未肯難教袈裟自肩幸茲時節因緣了辦已躬大事盧行者本來無物孔方兄遭遇有緣樓閣開門彌勒不須彌指珠璣滿室居士休把沉江若是布施將來應以此身得度

士人化度蹠疏

說盡之乎者也四十年枉下工夫究竟寂滅苦空億萬劫願離障礙回頭猛省落髮寧辭要共丹霞同入

大法門不放寶月獨出一頭地續藏菩薩大家好結歡喜緣脫俗秀才只今便現圓滿相

吏人化度蹠疏

法門四關六通任教懷臂受網千纏萬結豈易脫身許多日往月來頓覺昨非今是大木尊者亟辭母香囊和尚便拋妻等閑鐘鼓度朝昏何必增輝選卯酉文書悉擯從頭點檢佛書公印歸還一向掌持心印

道姑化度蹠疏

幻生失路覺諸祖之迷蒙本性尋源返一真於寂滅既是已沾泥之柳絮當爲不著水之蓮花喜遇聖恩可成佛相若大居士筆端半點玉振金聲使小尼童頭上一刀雷飛電掃彫盤烽燧恩海波長

化三衣疏

逝陀林下世尊拈示商人少室山前達磨親傳弟子雖道寸絲不染何妨一線相通欲得三衣共出隻手

化百衲衣疏

清淨法身雖道寸絲不掛莊嚴妙相何妨五彩合成非徒俾世俗之觀瞻正欲爲法門之壯觀若要發一

心喜捨便能教百納周圓試著出來官取奇特

化鐘疏

煙寺一鳴驚回蝶夢豐山三擊震動龍天鑄成出格規模全賴作家手段

化磬疏

烈火烹成好个作家手段頑銅打就還它本分鉗錐欲教立地圓成更在當人煅煉難下手賴遇知音

化鏡鈸疏

大道不器明道者假器而求至理無聲悟理者緣聲而入要這個方明那个自有為始證無為便須烈火烹成何惜頑銅打就一響一答直教眼下聞知再舉再揚正好聲前薦取欲憑出手全賴知音

化鍋疏

純銅打就還他本分鉗錐烈火烹成須是當行爐鞴誰是作家手段鑄成出格規模莫問純鐵頑銅精金美玉總教紅爐上成一片雪須使火燄裏轉大法輪煅煉出來迅燥者看

緣化疏

這般時年鐵板障已只退縫有些伎倆大布袋未曾開頭檀那筆頭須試出萬丈毫光蕊菑時下便做得一分生活大家心肯意肯休說頭高頭低歡喜即大因緣布施不昧因果

題彌陀會疏

若據底事不涉修成曲爲今時豈無方便須信道心淨土了得底步步青蓮欲登九品受生須假一音演說是男是女大家齊辦肯心同號同名立地管取成佛

題華嚴會疏

百二十卷真詮雖道本來具足五十三員知識不妨直下同參常嗟大教之難逢肯使今生之蹉過各出隻手夾成般若勝因齊辦肯心同結華嚴善會

題金剛會疏

向來佛法尙付國王大臣今振祖風須是居士長者同具金剛眼共結般若緣非惟超脫無始輪迴抑且成就莫大功德真人奇特各請承當

題孟蘭盆會疏

金風剪剪適地官赦罪之秋。桂月團圓乃尊者救親之日。幸遇此殺時節。何妨結个因緣。爰鳩花縣吉人。共建蘭盆勝會。特新千萬年之公案。又將追五百劫之幽魂。各請承當。豈容分別。

高峯龍泉院因師集賢語錄卷之十四

高峯龍泉院因師集賢語錄卷之十五

自陳情詞門

因師自叙

野釋比丘德因。命屬丙申月。居乙未癸酉。臨日癸亥。直時丙戌。生胎年庚多。蹇夙植德本。幸處中華。荷父母之生成。感乾坤之覆蓋。幼年十歲。嚴君違背。以早亡持服。五冬慈母拋離。而改嫁孤苦。備嘗艱險。付思豈不傷嗟。誓捨俗以辭親。願出家而歸佛。空門喜入。未登星紀之兩耆。丈室。璽鐘不幸先師之一別。圓寂師資。纔周祥縛。聖善母氏。遽返泉關。災連禍併。於一

時苦極悲摧之萬狀。自嘆閻浮六十甲子。已經塵世。二九春秋。虛負歲時。空擔日月。已身未求東度。父母須願西歸。不免捨身浪遊。蹇跡本貫橫浦。流寓凌江。曲江暫駐。翳源復迴。始邑保邑。叢林走遍。未逢明眼宗師。拄杖拈歸。且卜安身住舍。信步尋遊。彼地因行。登覽高山。有荒顏古剎。道場認漫滅。龍泉匾額四圍。荊棘垣牆倒塌。草生堵兩畔。蓬茅堂殿傾斜。藤蓋瓦線路行。須歛脚。衡門入要。鞠躬借問。居鄰歷知事。實久無僧行。盡拘常住。入官司。僅有法堂。誰管兩霖沾。佛像細觀。境界頗遠。俗屋山水來朝。院門豈應久廢。龍神有感。伽藍自合重興。始創規模。年方念五。逮成基址。窗已三旬。蒙朝廷頒降勅。緩辦心力。而進納財物。隨緣舉貨。糜費不下千緡。竭意營求。幸滿從初。一願十磨。九難萬苦。千辛仰憑佛力。就中扶且喜僧緣。於彼獲當年僂倖。祖師傳無相三衣。次歲亨通。使府帖差。兼兩所管。佃蓮花衆。福住持本院。龍泉往來。數載循環。批判三場公案。宿債解除。五百縹緲。綵緣結二三員。皆因逐歲勤勞。盡是隨緣節儉。穿井開池。

通水利架橋貼道使人行田庄增置而接待十方花果剝栽而供陳三界開基創造園寺周圍一新殿宇而金碧巍煌重塑聖容而丹青顯飾敷設幡花供養燒燃香燭瞻依上報四恩下資三有莫道教門無驗只恐人心不堅年已四旬自喜平生滿願心澄萬慮且隨緣分安居細綿布袍逖時縫羹飯野蔬隨日度要覓無生話須延有永年但教心地坦平管取龍天擁護

開山管創勝

高峯山龍泉院

伏觀本院久闕住持殿宇崩頽門廊倒塌一望棟梁俱壞四圍荆棘遍生架造年深頽弊日甚所幸法堂三間尚在可憐院門一物全無見者酸心聞之興嘆德因家使府帖差掃洒承檀越疏命住持雖云時有廢興豈可坐觀成敗是用辨心竭力要圖革故鼎新爰抽衣鉢之資廣辦木材之用鳩集工匠重立道場修法堂而九架五間規寢室而七間五架亦至三門之鼎建又令兩廊之復新裝塑

殿中佛像七十三尊彩繪壁間聖容八十四位置應緣四十九軸之功德標大藏一十二部之真詮造器皿以待往來栽花果以呈供養架橋結路鑿井開池增置稅根六伯有餘永充常住萬年無毀所費三千餘貫初非衆力贊成幸獲畢工庸伸慶懺命同袍建水陸冥陽二會設大齋獻天地水府萬靈集此良因少伸素願仰祝

一人有慶萬壽無疆官僚之祿位高增檀越之壽祺延永次冀山門益因僧行常安恩有同資人天炳鑒

年 月 日

謹識

高峯龍泉院因師集賢語錄卷之十五終

月江正印禪師語錄

元
•
居 月江正印
簡

等撰
編

育王月江和尚語錄叙

余初游方時。月江禪師已出世說法。雖辱交三十餘年。而以及不及。預參徒久。親爐鞴爲恨。至治間。奉旨金山陞座。獲聆提唱。而驚其若河漢之無極也。比者其徒如月。以師語錄示余。始取讀之。脫然如病之遇耆域。不假湯液丸劑。鍼砭灸熨。而縻欸呼吸之頃。已疾去而平復。百骸調適。而併忘其有身矣。於是持神定氣。復浚涯浹。以深入性海。其大無外。其細無內。內無自心。外無萬境。上而十地。滿覺。下而三界。廿五。有皆聖凡。影響化儀。設施在性海中。非有非無。非存非亡。非取非捨。非來非去。如虛空具含諸相。如大地容載萬物。無自他之間。無今古之殊。乃於其中。縱橫游戲。卷舒自在。行棒行喝。揚眉瞬目。動靜語默。嬉笑怒罵。無非妙用。或與而奪。或縱而擒。或與無町畦。倏而崖絕。敲空作響。言於無言。撥火覓漚。作於無作。其稱性而說也。雷雨人荒。其稱性而用也。埏埴萬化。噫。何此老作大法。施神通三昧。有如是耶。以吾淺陋。觀之猶所得。叵量又豈無大乘根器。一聞一見。而親證。

實悟以續慧命。而傳正法眼。如古塔主之讀雲門錄。有足徵矣。

至元六年庚辰歲三月。龍翔住山比丘大訢拜書。

月江和尚語錄序

前雞足山師弟比丘 正澄 述

原夫真理無當。至音絕常。然理無不用。音無不備。廣而充之。必待曠世開士出焉。師之語要。真理至音之謂乎。廓洪機之自在也。若海潮之灑雪。迅玄辯之自然也。類天鼓之旬霆。乾乾綱宗。罔究終始。至若空谷答響。洪鐘應擊。固虛通之任扣。奚朕迹之能彰。今茲編集。非師之本意也。禪徒摭而成帙。蓋滄溟之涓滴。泰華之毫芒耳。聊陳序引。用識歲時。至治三年癸亥。孟陬日。

月江和尚語錄目次

卷上

序 笑隱 清拙

碧雲禪寺錄

澗山禪寺錄

南禪興國禪寺錄

澗山禪寺再住錄

何山宣化禪寺錄

道場禪寺錄

阿育王山廣利禪寺錄

卷中

拈古

普說

卷下

佛祖讚

偈頌

跋 空遠

古林

東嶼

靈石

頌古

法語

自讚

題跋

月江和尚語錄卷上

月江和尚初住常州路碧雲禪寺語錄

平江路太平禪寺住持門人 居簡 編

師於元貞元年乙未十一月二十日受請入寺指
山門云三門俱開門門可入通方上士把手同歸
拈總統所踰握古刀尺秉大權衡珠回玉轉雷動風
行登座拈香云此一瓣香共祝

今上皇帝萬歲萬歲次拈香云。蘇向爐中供養我
見住徑山興聖萬壽禪寺佛慧定智禪師虎巖大和
尚用酬法乳之恩。遂就座。僧問云。師唱誰家曲。宗風
嗣阿誰。師云。有眼無耳。眾六月火邊坐。進云。官不容
鍼。私通車馬。師云。且望閣黎善傳進云。三聖道我逢
人則出。出則不爲人。意旨如何。師云。臂長衫袖短。進
云。變化道我逢人。則不出。出則便爲人。又作麼。生師
云。脚瘦草鞋寬。進云。和尚出世爲復爲人不爲人。師
云。心不負人面。無慚色。僧禮拜。師乃云。諸佛出世。見
兔放鷹。祖師西來。像席打令。若據衲僧門下。正好一

坑埋却。所以印上座。尋常見佛見祖。如生冤家。聞道聞禪。如風過樹。今日不著。便被入推入者。水牯牛羣隊裏。不免拋三放兩。簸土揚塵。揭開千聖頂門。擊碎今時窠窟。拈拄杖云。芭蕉和尚來也。你有拄杖子。與你主丈子。你無主丈子。奪却你主丈子。卓主丈云。分開華岳。連天秀放出黃河一派清。

復舉閩王請羅山開堂。羅山纔登座。以手歛僧伽黎。顧視大眾。便下座。閩王近前執羅山手云。靈山一會。何異今日。羅山云。將謂你是箇俗漢。師云。好諸禪德。君臣道合。照用同時。得失兩忘。是非泯絕。只如羅山道將謂你是箇俗漢。又作麼生。棋逢敵手。難藏行琴。遇知音正好彈。

上堂。黃面老漢二千年前。將一條無絲線索子。把盡十方世界。海情與無情。脚跟下一結結。定喚作安居。禁足法門。至今未有箇剔脫得底者。裏莫有天然氣。槩逸格。變通底衲僧麼。我要問你。因甚聞鍾聲。披七條。

上堂。舉浮石示衆云。山僧開箇卜鋪。斷人貧富生死。

僧便問。離却貧富生死。不落五行。請師直指石云。金木水土。拈云。從上若佛若祖。天下老和尚。總是箇賣卜漢。浮石與麼指示。只是罕遇知音者。僧擬透重關。不覺撞頭磕額。只如浮石道。金木水土作麼生。會識取鈎頭意。莫認定盤星。

上堂。斬釘截鐵。出眼中。唇百丈耳聾。黃蘗吐舌。

上堂。舉東山空和尚示衆云。千五百衆。雪峯住無面軟餅。裹露柱。橫咬堅咬飽。便休。莫倚他門。傍他戶。山僧即不然。翻著襴衫。歌雪曲。倒携蓆帽。趕村齋。只知隨例。食餽子。也得三文買草鞋。

上堂。舉拂子云。百千法門。無量妙義。總在拂子頭上。還見麼。擊拂子云。大食國裏。擊鼓鳴鐘。新羅國中和南不審。且道趙州和尚。因甚八十行脚。

上堂。碧雲九十日內。與諸人守護心城。內不放出外。不放入西天。此土。總在者裏。螭人冰鐵彈子。無位真人。是什麼乾屎橛。喝。

聖節州中。滿散陞座。乾坤交泰。日光華和。氣氤氲。慶雲紛郁。是故聖人乘大願輪。示現受生。降跡閭浮。

垂衣而治居九五至尊至貴統十方爲瑞爲祥跨千古以傳芳掩百王而騰實恩籠九域仁被八區扇盤
媧太古之淳風播義軒無私之至化所以道莫其德
德音其德克明克明克類克長克君王此大國克順
克比自然□龍吟霧起虎嘯風從醴泉涌而嘉禾生
鳳凰來而麒麟現福流恒河沙界壽等百億彌盧正
與麼時畢竟如何舉唱豎拂子拈起少林無孔笛臨
風吹出萬年歡

上堂知見立知卽無明本知見無見斯卽涅槃無漏
眞淨云何是中更容他物拈云釋迦老子十二剴骨
頭百雜碎了也渾家不管興亡事贏得和雲占洞庭
上堂舉雲門云眼睫橫亘十方眉毛上透乾坤下透
黃泉須彌塞却你咽喉還有人會得麼若有人會得
拽取占波共新羅鬪額拈云雲門大師前頭嚇殺人
後頭笑殺人若人知得笑須三十年

月江和尚住松江澱山禪寺語錄

湖州路何山宣化禪寺住持門人妙心編

師於大德七年癸卯七月十二日受

行宣政院請入寺至

佛殿云過去佛是現在佛弟子現在佛是誰弟子提
坐具云一舉四十九

拈院疏宣流善政允合至公一句全提群機晉應拈
香祝

聖罷遂就座僧問云疊花重現覺苑春回正與麼時
請師祝 聖師云堯仁如天進云如何是第一義師
云此是第二義進云與麼則喝散大眾去也師云獅
子咬人韓盧逐塊僧禮拜師乃云當陽大坐正令全
提日照天臨河清海晏塵刹全彰諸佛妙門物
物頭頭總是普光境界廓示人天正眼運轉根本法
輪以此續佛慧命以此傳持祖燈以此毗贊國風以
此助揚至化拈主丈云五鳳樓前吹玉笛萬年松下
擊金鐘卓主丈一下

復舉僧問投子如何是一大事因緣子云尹司空請
老僧開堂師拈云釋迦老子以佛法付囑國王大臣
有力檀那令法久住投子和尙剖洪音於太古濡法
雨於靈區直得雲漢昭回金湯惟固今日忽有人問

穀山如何是一大事。因緣只對他道。曹朝請請山僧開堂。且道與古人是同是別。拈主丈卓一下。但見皇風成一片。不知何處是封疆。

徑山佛慧先師遺書至。拈香。初秋七月有二日。毗嵐捲空。海水立吹倒。凌霄第一峯。直得神號并鬼泣。若謂先師滅度。苦屈蒼天。若謂先師不滅度。蒼天苦屈。攔腮一掌。肋下三拳。于今冷地思量。著悔不當。初雪此冤。

法旨至上堂僧問。西天佛子。大元帝師。聲震五天。化敷八表。正與麼時。誰是知恩者。師云。法雷普震。群龍喜慧。日纔開大地。明進云。獅子吼處。兒增健。法雨霽時。木向榮。師云。日月無私。進云。忠國師因唐肅宗問如何。是十身調御。國師云。檀越。謁毗盧頂上行。意作麼。生師云。瞻仰有分。進云。帝云。此意如何。國師云。莫認自己。清淨法身。未審如何。委悉。師云。赤心報主。進云。只如今。晨法旨。退宣人天。敬仰和尚。將何報。答師云。雲從龍。風從虎。進云。知恩方解報恩。便禮拜。師乃云。大用現前。大機圓應。如天普蓋。似地普擎。似

月照於千江。如春行於萬國。我本無心。有所希求。今此法王大寶。自然而至。直得雲行雨施。雷厲風揚。揚法化而萬方寧靜。震玄音而四海晏清。魔外自此而潛踪。人天由茲而交慶。正與麼時。畢竟功歸何所。願同寶掌。千千歲。萬古長爲。

帝者師

歲旦上堂。歲之元日。之元萬化。從元而始。大地依元而住。從上若佛若祖。天下老和尚。河傾海涌。說此元字。不出三千大千世界。以至華藏世界。海窮此元字。不盡。山僧只作一句道。與諸人便下座。

元夕上堂。然燈。前然燈。後古今。無表裏。虛空無背面。西天阿蘭那寺。燈花落地。燒著帝釋眉。毛是汝諸人。還覺面門熱麼。

上堂。將死雀。就地彈底。如麻似粟。喝起。向虛空裏打底。罕逢作者。山僧一條拄杖。不曾輕輕拈出。若非上上人。來如何。起動得伊。須知佛法不是小事。

上堂。舉龐居士云。十方同聚會。箇箇學無爲。此是選佛場。心空及第歸。拈云。蝦蟇跳上梵天。蚯蚓抹過東

海

青苗會滿散上堂國以民爲本民以食爲天。諸僧以慧爲命以禪悅爲食。山僧與諸人連日同遊毗盧遮那性海。歷徧百一十城。所參底知識所得底法門。無不了知。且道柔軟勝味主。緣神與無量主。緣神所譚何法。拈主丈卓一下云。歸堂喫茶。

上堂玄沙不出嶺。保壽不渡河。二祖不往西天。達磨不來東土。如是安居如是禁足。澗山門下朝打三千。暮打八百。

上堂大凡一問一答一拶一挨也。須是本色道流。始堪持論。你將雲門半片胡餅來。我與你半箇須彌山。你將趙州一瓊茶來。我與你一滂大海水。若是眼裏著不得須彌山耳裏著不得大海水。莫錯恠別人好。上堂南來北來上載下載。廬陵米作麼價。草鞋錢教誰還不探驪頤。安得驪珠不入虎穴。爭得虎子拍禪牀便起。

上堂僧問鐘樓上念讚牀脚下種菜。意旨如何。師云。無意旨進。云。風不鳴條。雨不破塊。好箇太平時節。師

步韻

云。知恩者少。師乃云。風不鳴條。雨不破塊。鐘樓上念讚牀脚下種菜。夜來天帝釋在中庭與德山臨濟相爭佛法。引德深妙。神惡發把須彌山一槌擊碎。山僧夢中驚覺不覺起來。撫掌呵呵大咲。且道咲箇什麼。佛滅二千年。比丘少慚愧。

初祖忌拈香。南天不是生緣。東土亦非化境。蔥嶺迢迢。絕去蹤少。林寂寂無寒影。且道祖師今日還來也。無拈起香云。五葉花敷劫外春。一曲希聲與誰聽。

上堂洞山麻三斤。趙州栢樹子。蚊子上鐵牛。無你下。背處。諸僧家今日三明日四。但知隨例食餿子。也得三文買草鞋。

上堂拈主丈云。主丈子二千年前靈山會上親聞。如來金口叮嚀。向二千年後。令諸比丘。據菩薩乘。脩寂滅行。只今往三十三天。以至遍歷無邊香水海。復還須彌山三市。還歸本處。普爲諸人說安居偈云。人皆畏炎熱。我愛夏日長。薰風自南來。殿閣生微涼。卓主丈喝一喝。

上堂僧問。如何是新年頭佛法。師云。大雪滿長安。進。

云忽然日出時如何師云賺殺闍黎師乃云新元布令四序開端千山雪白萬壑雲寒大地山河齊稽首紫宸殿上曉排班

上堂諸方以棒喝爲佛事普光棒喝東之高閣諸方建大將旗鼓普光旗鼓置之一壁但有來者只是尋常相見自然賓主歷然會麼金輪天子勅草店家風別

月江和尚住松江南禪興國禪寺語錄

湖州路顯慈禪寺住持門人 大機 編

佛殿三十二相八十種好麻三斤乾屎橛殿裏底九九八十一便禮拜

小參僧問法隨法行法幢隨處建立是阿誰分上事師云普進云今日得聞於未聞去也師云劄師乃云摩竭室中不通水泄毗耶城裏線路放開有時孤峯頂上嘯月眠雲有時十字街頭和泥合水所以山僧住澱山只見澱山境界湖光潋灩樹影婆娑澗草巖花樵歌漁唱來興國只見興國家風潮通百浦月照萬家鶴唳雲間鷺吟古木百城烟水無二文殊樓閣

門開誰名彌勒擊拂子波斯鼻孔長

上堂一夏九十日等閑過了或以螭人爲驗或以鐵彈子爲驗是猶衆盲摸象族庖解牛皆未見全象全牛底道理雪竇道全象全牛翳不殊從來作者共名模如今要見黃頭老剎剎塵塵在半塗明覺老人得一槩

佛涅槃上堂提智慧刀破煩惱網拔生死類置涅槃城不無黃面老人爭奈貴價精神賤價賣

開元古林和尚至上堂僧問兩鏡相照中間無像時如何師云闍黎在什麼處見進云趙州和尚到黃蘗藥見來閉却方丈門意旨如何師云大開東閣進云趙州於法堂上叫云救火救火意作麼生師云卽日共惟進云藥開門扭住云道道又且如何師云莫恁坐來頻勸酒自從別後見君稀僧云趙州道賊過後張弓囑師云賓主交驪進云只如今日開元和尙相見有何言句師云大衆諦觀進云與麼則聞於未聞也師云天高地迥師乃云作家相見如擊石火似閃電光擬議不來白雲萬里今日師僧纔見通箇寒喧

道箇萬福把作尋常。及手指鹿爲馬。將日作月。拋出陝府鐵牛。驚倒嘉州大像。便乃點頭。嚙睡以爲奇特。喝一喝。明眼人前一場敗闕。

潮僧付衣入淨妙國土。說法身佛著清淨衣。入無差別國土。說報身佛著無差別衣。入解脫國土。說化身佛著光明衣。若有一人。不在此衣之下者。我誓不成正覺。

上堂舉德山一日飯遲。托鉢至法堂。雪峯見云。老漢鐘未鳴。鼓未響。托鉢向甚處去。德山低頭歸。方丈峯舉似巖頭云。老漢未曾末後句。德山聞得。喚巖頭云。汝不肯。老僧那巖頭密啓其意。德山來日上堂。與尋常不同。巖頭至僧堂前。撫掌云。且喜老漢會末後句。雖然如是。只得三年。三年後果化去。拈云。德山老漢尋常據條白棒。佛祖近傍無門。因甚被雪峰輕輕一拶。便見脚忙手亂。總道巖頭密啓其意。殊不知正是掩耳偷鈴。山僧道。若論末後句。莫道德山巖頭。敢保西天四七。東土二三。未夢見在。

月江和尚再住潞山禪寺語錄

温州路天寧禪寺住持門人 慧忠 編

入寺上堂。大方無外。大圓無內。無內無外。聖凡普會。豎起拂子。看看恒沙國土。恒沙世界。百寶莊嚴。只今盡向拂子頭上出現。恒沙諸佛。各各坐天華臺。四衆圍繞。來集於此。吹法螺。擊法鼓。異口同音。作獅子吼。舉起也。千身彌勒。動用也。隨處釋迦。文殊放金色光。明普賢現白銀世界。西天四七。東土二三。天下老和尚。各各於一毫端。現寶王刹。坐微塵裏。轉大法輪。山河大地。日月星辰。明暗色空。一印印定。山僧適自雲間佛國。回至此普光王世界。得與恒沙諸佛。現前大眾。兩得相見。所謂過去諸如來。斯門已成就。現在諸菩薩。今各入圓明。未來脩學人。當依如是法。是法住法位。世間相常住。無端陝府鐵牛。忍俊不禁。踴跳上三十三天。築著帝釋鼻孔。觀世音菩薩。將錢買胡餅。放下手。却是饅頭。喝一喝。上來講贊。無限良因。堪報不報之恩。共助無爲之化。

初祖忌拈香。跨水逢羊。栖栖渡江。星馳電卷。虎驟龍驤。廓然無聖。豈是南天梵語。與安心竟。且非東土文。

章堪嘆來時顏似玉。去時不道鬢如霜。

佛慧忌拈香。高高凌霄深冷泉。瞪目不見底。仰面不見顛。也不曾入虎穴。得虎子。也不曾拗龍角。下龍淵。雖是兩無交涉。到頭飲水知源。插香好兒終不使爺錢。

羅漢開光明。上堂舉應菴和尚入羅漢五臟偈云。黃面老人乾屎橛。參隨一火爛泥團。心肝腸胃皆條直。蔬飯茶花照膽寒。佛法雖然未夢見。神通却許入雲端。應須痛念歸宗寺。時復持盂下翠巒。山僧今日開光明。亦有一偈莫論佛法與神通。放出光明燦太空。振錫松林朝解虎。持盂石室夜降龍。改頭換面休瞞我。抹彩塗金嚇你儂。大振千年湖上寺。眉毛之下起清風。

上堂僧問淨法界身本無出沒。因甚今朝佛法師云。這漢洗鉢水也消不得。進云學人會也。師云你作麼生。會進云大悲願力示現受生。師云念言語漢師乃云三界無法何處求心。四大本空佛依何住。淨飯國王是聖父。摩耶夫人是聖母。甲寅年四月八日悉達。

之八仁音通

太子向毗藍園中無憂樹下降生。從上所供竝皆詣實。

上堂僧問如何是諸佛出身處。師云澗湖水滿也未。進云如何是吹毛劍。師云井底揚塵。進云如何是露地白牛。師云所願望曹溪。進云如何是透法身句。師云者販私鹽賊。師乃云白日青天開眼作夢底。如麻似粟與我拈取夢中事來看。你見我與麼道。便道老漢休寐語。且你不夢時。目前是箇什麼。伏惟尚享。

上堂東弗于逮打鼓南瞻部州上堂西瞿耶尼聞鐘北鬱單越作舞。切利居日月之上。四禪無風火之灾。且道帝釋宮中所說何法。一牛飲水五馬不嘶。斷江和尚至上堂天平山上白雲泉。雲自無心水自閑。何必奔衝下山去。又添波浪向人間。大眾圓鑑和尚來也。雲花易見。知識難逢。斷絃須是鸞膠。續佛祖齊教立下風。

上堂僧問牛頭未見四祖。因甚百鳥嚙花。獻師云世情偏向有錢家。進云見後因甚不嚙花。師云人義盡從貧處斷。師乃云凡夫色礙二乘空礙菩薩色空無。

礙嘉州大像騎個蹇驢兒走入陝府鐵牛鼻孔裏拜
白安居撞見寒山拾得跳出來撫掌呵呵大笑云佛
法不是者個道理畢竟是什麼道理任從滄海變終
不爲君通

上堂日裏僧歇像夜裏像歇僧黃昏候日出天曉打
三更

新都寺撒骨如何是佛新婦騎驢阿家牽如何是佛
三脚驢子弄蹄行撞破生死牢關踏著通天活路地
歸地水歸水火歸火風歸風橫身三界外何處覓行
蹤

上堂夜來過鼓升堂喚作小參今日陞堂過鼓謂之
示衆示衆小參初無二說夜來今日豈有兩般拍禪
牀云一把柳絲收不得和烟搭在玉闌干喝一喝
靈林和尚至上堂夫善知識者如優曇花時一現耳
善知識者如天甘露時一降爾善知識者如塗毒鼓
時一聞爾過塗毒鼓聞者皆喪洒天甘露飲者清涼
開優曇花見者欣悅大衆傳大士道空手把鋤頭步
行騎水牛人從橋上過橋流水不流作麼生會若也

會得許你親見明極和尚

開爐上堂舉雪峯示衆云世界闊一丈古鏡濶一丈
玄沙指火爐云火爐濶多少峯云如古鏡濶沙云者
老漢脚跟未點地在師云雪峯玄沙兩父子搵闔音
直是難會潏山輒爲頌出世界古鏡火爐門上休釘
桃符洞賓失却寶劍果老踏碎葫蘆古鏡火爐世界
一段風光沒賣盧公連得衣孟佛法依然不會火爐
世界古鏡知它是凡是聖丹霞煖氣烘烘院主眉鬚
落盡

小參

結制妙湛總持不動尊首楞嚴王世希有銷我億劫
顛倒想不歷僧祇獲法身山僧威音王已前出家威
音王已前行脚行脚則與諸人同行脚出家則與諸
人同出家不知過了多多少少長期短期諸人瞞山
僧一點不得山僧亦瞞諸人一點不得傳大士云夜
夜抱佛眠朝朝還共起起坐鎮相隨語默同居止若
也會得許你參學事畢其或未然大事替汝不得小
事各自抵當

解夏一拽石二搬土發機須是千鈞弩然則千鈞之弩不爲鼯鼠而發機百丈再參馬祖祖震威一喝直得三日耳聾臨濟到太愚便道黃蘗佛法無多子高亭望見德山隔江招手橫移而去玄沙見雪峰觀三箇木毬便作斫牌勢是皆具啐啄同時眼有啐啄同時用如金翅摩海直取龍吞又如獅子王哮吼獅子兒聞之悉皆勇健如青天霹靂無你回避處如卒風暴雨無你栖泊處若是守株待兔緣木求魚堅守蟬人克期取證三生六十劫

解夏諸兄弟秋初夏末出一叢林入一叢林或有旃檀叢林旃檀圍繞或有荊棘叢林荊棘圍繞或有荊棘叢林旃檀圍繞或有旃檀叢林荊棘圍繞者四種叢林畢竟出那箇叢林入那箇叢林雲門大師道平地上死人無數過得荊棘林者是好手雲門只知其一不知其二荊棘林有什麼難過澗山道平地上活人無數過得旃檀林者是好手且道旃檀林有什麼難過來晨自恣各請下一轉語

冬至。威音王已前無師自悟底一段奇特大事不在

西天不在東土不在天上不在人間三世諸佛總證不到一大藏教詮註不及歷代祖師天下老和尚摸索不著不逐陰陽消長不隨寒暑推遷日日東上日日日西沒循環三百六十幾箇解知窠窟惟有七百甲子老禪翁向老鳳孔裏鑽出來却道我使得十二時辰更有一千五百人善知識頂上擔百二十斤鐵枷向望州亭叫道土曠人稀相逢者少勸拈拄杖劃一劃云威音王已前且置即今事作麼生卓拄杖云龍吟雪解千山凍虎嘯風回萬壑春

結制無上法王有大陀羅尼門名爲圓覺流出一切清淨真如菩提涅槃及波羅密三世諸佛向者裏睡未醒歷代祖師向者裏自救不了天下老和尚向者裏出頭不得驚拈拄杖得念失念無非解脫成法破法俱名涅槃智慧愚癡通爲般若三家村裏具胡孫價增十倍驢龍領下明珠分文不直主丈子朝遊南岳暮往天台不守如來禁制貶向二鐵圍山諸人九十日中切忌認賊爲子卓拄杖一下

解制石頭和尚云言語動用沒交涉藥山和尚云直

得非言語動用亦沒交涉南方禁夏不禁冬北方禁冬不禁夏一句子針劑不入一句子石上栽花雞寒上樹鴨寒下水一塵飛而翳天一芥墮而覆地一葉落而知秋衲僧家主丈頭上青草連天劉陽洞山在你脚底

至節乾坤之內宇宙之間中有一寶不隨陰極陽生不逐晝明夜暗釋迦老子三百餘會不曾說著缺齒老胡面壁九年不曾識著佛祖既不奈何衲僧如何縑素洞山撥退果卓慈明揭勝堂前仰山叉手進前香殿進前叉手喝一喝云直饒動地雨花何似歸堂向火

冬至今夜謂之冬至小參畢竟參箇什麼爲復是參毗盧師參法身主爲復是參諸善知識參山河大地參明暗色空若參山河大地明暗色空切忌墮坑落壑若參諸善知識未免瞎驢越大隊若參毗盧師法身主何異鏡裏逃形水中捉月有底道信燈籠參燈籠信露柱參露柱信自己參自己你若參燈籠燈籠罩却你眼睛你若參露柱露柱磕碎你腦門你若參

自己自己如生冤家且作麼生參得是你諸人尋常向高高山頂立深深海底行到者裏也好出來決擇看直饒向威音那畔空劫已前一畫未形陰陽未兆之際道得一句行得一步衲僧門下天地懸殊

月江和尚住湖州何山宣化禪寺語錄

門人 可樸 祖安 具德 宗滿 編

師於至治二年壬戌五月十八日受

行宣政院請入寺指山門云走遍四天下底人不知有人門句三門下香爐却知有人門句還會麼昆侖奴著鐵袴

佛殿日面月面桃花李花燒香禮拜采奔觀家

據室譬如擲劍揮空莫問及之不及臨濟德山過者

邊立

拈江湖疏魯多君子秦豈無人美玉精金陽春白雪

指法座云登山須到頂入海須到底坐斷上頭關清

風來未已便陞座祝

聖畢就座道場和尚白槌云法筵龍象衆當觀第一

義師云大凡激揚向上宗乘也須是箇人始得你若

橫吞巨海。我卽背負須彌。你若按劍上來。我卽亞鎗相待。莫有當機不讓者麼。僧問。遠離澗阜。來鎮妙峯。祝贊一言。請師舉唱。師云。天高群象正。海闊百川朝。進云。如何是正法眼藏。師云。金雞唱徹扶桑曉。進云。如何是金剛正體。師云。露進云。如何是文殊普賢大。人境界。師云。不勞再問。進云。如何是第一義諦。師云。夜叉把火。僧禮拜。師乃云。天下無二道。綿歷萬世。卓爾常存。聖人無兩心。日應萬幾。巍然不動。彌綸天地。混茫太虛。不見其朕。鼓橐陰陽。陶鑄萬物。不宰其功。諸佛出世。謂之一大事。因緣祖師西來。謂之第一義諦。又謂之大總持門。謂之金剛正體。謂之頂王三昧。謂之浮幢王刹海。謂之文殊普賢大人境界。大覺世尊於靈山會上。拈一枝華。普示大衆。金色頭陀。便乃破顏微笑。彌勒大士於一時中。成就五百億天子。同證無生法忍。歷代祖師。天下老和尚。各各出興。廓示人天正眼。闡揚直指。眞宗獨坐大雄峯。放你三頓棒。麻三斤。乾屎橛。庭前栢樹子。鎮州蘿蔔頭。莫非此道。此心之所發現。如阿伽陀藥。能療一切難醫之病。如

獅子筋琴。一鼓則羣音頓絕。一一騰今。煥古頭頭玉轉珠。回直得天成地。平河清海晏。正與麼時。且謳歌鼓腹共樂。無爲一句。又作麼生道。堯舜不章。民自化。大家齊唱太平歌。

復學大通智勝佛十劫坐道場。佛法不現前。不得成佛。道鈍根阿師。釋迦老子三大阿僧祇劫。脩行直得明星現時。方始悟道。鈍根阿師。涅槃會上。廣額屠兒放下屠刀。立地成佛。鈍根阿師。二員古佛放過。卽不問。只如廣額屠兒成佛。名作什麼道場。和尚白云。諦觀法王法。法王法如是。便下座。

至晚小參。僧問。一塵入正受。諸塵三昧起時。如何。師云。小溪深處。是何山。進云。一鏟破三關。是什麼人。師云。殘兵敗甲。進云。至道無難。惟嫌揀擇。此意如何。師云。者田庫奴。進云。百草頭上。祖師意作麼生。會師云。沒用處。進云。乞師方便。師喝云。退後。退後。師乃云。馬駒踏殺天下人。江北江南。知音者少。瞎驢滅却正法眼。人間天上。意氣偏多。是佗直下兒孫。終不隈刀避箭。法隨法行。法幢隨處建立。譬如壯士展臂。不假他

力善舞太阿不傷其手。所以出一叢林入一保社。自然金聲玉振。雷厲風飛。無繫蟻之絲。偏要打鳳羅籠。無聚蠅之糝。足以生凡育聖。拈主丈者。裏莫有同聲相應。同氣相求。底禪僧麼。卓主丈云。六月賣松風人。聞恐無價。

復舉保福與長慶遊山。福以手指云。卽者裏便是妙峯頂。慶云。是卽是可惜。許後舉似鏡。清清云。若不是孫公。便見觸體遍野雪。寶頌云。妙峰孤頂草離離。拈得分明付與誰。不是孫公辨端的。觸體著地幾人知。拈云者。兩箇老漢游山。也不了然。魚行水濁。鳥飛毛落。又爭恁得。佗傍觀檢點。還會麼。大點小癡。蟾捕蟬有餘不足。夔憐蚊退食。歸來北窓夜。一江風月闔漁缸。

上堂。病僧半夏居溪寺。湖海禪流合自知。一陣西風起林末。蟬人跨得鐵牛歸。

開爐上堂。三世諸佛火燄上說法。歷代祖師炭庫裏藏身。天下老和尚。冰稜上走馬。何山僧堂內。一萬三千箇炭團明眼。衲僧數不出。

上堂。僧問。教中道。眞法供養如來。如何是眞法師云。關黎合喫。山僧手中棒。僧云。謝師供養師云。再犯不容。便打師乃云。是眞精進。是名眞法供養如來。僧問。雲門。如何是透法身句。門云。北斗裏藏身。豈不是眞法供養。又問。如何是超佛越祖之談。門云。胡餅豈不是眞法供養。僧問。古德。如何是佛法大意。德云。山前麥熟也未。豈不是眞法供養。擊拂子。一舉四十九元旦上堂。長春殿上金鐘動。萬歲山前玉漏遲。祝贊歸來日。卓午不知身在鳳凰池。

元宵上堂。拈主丈卓一下。過去燈明佛。本光瑞如此。現在燈明佛。本光瑞如此。未來燈明佛。本光瑞如此。拈燈籠來。佛殿裏將山門安。燈籠上卓主丈喝。一喝上堂。今日乃如來大師入滅之辰。諸人還知麼。摩胸告衆。擲露雙趺。迦葉顰眉。波旬起舞。舞人天號。勸大衆。嗚呼。血現如波。羅奢華聲震乎大千。沙界八壤。舍利流布天上人間。一箇金棺。拋在拘尸城外。千張白氈。百尺香樓。烟滅灰飛。珠回玉轉。示金剛之正體。轉寂後之法輪。所以道。山河及日月。時至皆歸盡。未嘗有。

一法不被無常吞汝等諸人爲佛弟子當勤精進圖報佛恩但念無常慎勿放逸

上堂僧問祖師道心隨萬境轉轉處實能幽時如何師云春風吹解玉壺冰進云隨流認得性無喜亦無憂又作麼生師云趙州東院西師乃云心隨萬境轉轉處實能幽隨流認得性無喜亦無憂豎起拂子者箇是拂子喚什麼作心目前是露柱喚什麼作性轉山河大地歸自己卽易轉自己歸山河大地卽難露柱吞却乾坤祖師在你脚底

金山大會歸上堂僧問金山說法動王臣六趣昏迷脫苦輪浩浩千人萬人海遇師一句報

皇恩今日歸來請師說法師云我不敢輕於汝等汝等皆當作佛進云靈山授記何異今日師云大似不曾齋進云與麼則大衆沾恩學人禮謝便禮拜師乃云靈山會上以佛法付囑國王大臣外護流通令法久住驗在今日此際金山大會誠非小緣山僧得與四十一人善知識一千五百比丘僧同入如來大光明藏各說不二法門共揚第一義諦如帝網珠交光

● 口 誦 百

相羅光光互攝無壞無雜如入毗盧樓閣一切諸佛境界悉皆現前如入龍王宮殿百寶莊嚴悉皆具足如入薔薇之林唯聞薔薇之香不聞餘香如入迦陵頻伽群中唯聞頻伽之音不聞餘音譬如虛空普徧一切於諸境界平等隨入山僧所見如是且諸人九十日內在大光明藏中安居大光明藏自恣畢竟所見與山僧是同是別良久縱然爲客樂不似在家貧端午上堂古有良醫名曰耆婆或以一草治衆病或以衆草治一病或以一草治一病或以衆草治衆病在耆婆用之何如耳及乎耆婆死百草皆泣耆婆既能以百草治一切衆生之病因甚耆婆病無藥可醫爲復是百草不醫耆婆之病爲復是耆婆之病非□草之可醫請大衆下一轉語

朝廷念藏經滿散上堂十方如來諸大開士爲聽法故各持千莖金色蓮花奉供堪忍世界釋迦世尊請轉法輪度諸群品豎起拂子只今千莖金色蓮花自九重頽降而來落在何山手中以此奉供一切佛陀則放眉間光照大千界以此奉供達摩則了達一切

諸法空相。以此奉供。一切僧伽。則心華發明。續佛慧命。以此奉供。日月星辰。則晝夜舒光。破諸幽暗。以此奉供。天龍藥叉。則各隨本願。擁護正法。以此奉供。十

大山王。則須彌峯巖。以此奉供。四大海。若則海水。騰波擊拂。子風以時雨。以時五穀。登萬民樂。一塵一佛。國一葉一釋迦。堪報不報之恩。以助無爲之化。

上堂。百丈祖師。勑立規繩。如懸萬石之鐘。大扣大鳴。小扣小鳴。如駕千鈞之弩。一發一中。百發百中。故我兩序賢佐。深領厥旨。如龍得水。似虎靠山。進退合宜。主賓相得。當念大法。垂秋各出隻手。扶樹宗綱。令法久住。

上堂。古人道。風不鳴條。雨不破塊。卽且止。作麼生。打得箇翻車筋斗。到梵天去。古人道。說得一丈。不如行取一尺。說得一尺。不如行取一寸。山僧不敢望汝諸人。打箇翻車筋斗。到梵天去。今辰是七月初一。大家普請。向山前行道。一遭也。教知有祖翁田地。四至分明。鉢盂裏飯。是米做。

元旦。上堂。從文殊門入者。牆壁瓦礫。爲汝發機。從觀

音門入者。蝦蟇蚯蚓。爲汝發機。從普賢門入者。不動步。而到只今。三門俱開。畢竟從何門而入。元正啓祚。萬物咸新。伏惟文殊普賢。觀音大士。各各起居。輕利。喝一喝。

上堂。舉雲門問首座。山河大地。與自己是同。是別。坐云。同。門云。一切物。命。飛。蛾。蟻。子。與。自。己。是。同。是。別。坐云。同。門云。好好。借。問。何。得。干。戈。相。待。師。拈。云。針。割。不。入。水。洒。不。著。則。不。無。首。座。石。上。栽。花。空。中。挂。劍。還。是。雲。門。始。得。

元宵。上堂。十五日。已前。風。不。鳴。條。雨。不。破。塊。十五。日。已。後。燈。籠。跳。入。露。柱。佛。殿。走。出。山。門。正。當。十五。日。入。天。交。接。坐。立。儼。然。如。倚。天。長。劍。凜。凜。神。威。似。鐵。牛。之。機。羅。籠。不。住。清。涼。山。中。萬。菩。薩。到。處。覓。不。得。元。來。總。在。者。裏。拈。主。丈。卓。一。下。下。座。

初祖忌。拈香。竺土大仙。心東西密相付。梁王挽不回。魏主推不去。聖諦廓然。是何章句。直指單傳。無本可據。玉簫吹出。鳳城春。靈踪更在。猿啼處。

因副寺入塔。只者裏。是正因出家者之所住處。是護

惜常住如護眼睛者之所住處是髓髓識盡生死兩忘者之所住處脚踏金船海月高無根樹下蹲龍虎上堂僧問世尊升座文殊白髓世尊便下座是什麼人境界師云石筍抽條長丈二進云趙州繞禪牀還當得轉藏也無師云風吹不入水洒不著師乃云若也舉揚宗旨須彌直教粉碎若也說佛說祖海水便須枯竭趙州遶禪牀與汝轉藏竟文殊才白髓世尊便下座明月夜光多逢按劍焦桐古調自有知音至節上堂一冬二冬叉手當宵百一十城大人境界一毛孔內古佛家風拈拄杖卓一下龍袖拂開全體現象王行處絕孤踪

上堂舉僧問雪峯元正一日四相盡朝未審王有何祇待峯云四相隨年老真王不預春頌云萬國衣冠萬國春昆虫草木悉歸仁

大元扶得真天子還是商山四老人

上堂古德道菩提涅槃真如佛性名異體同真心妄心佛智世智名同體異鑄板盤釵釧爲一金攪酥酪醍醐爲一味春色無高下花枝自短長

兩班進退上堂何山門下以萬象森羅爲聽徒以草木叢林爲輔弼主賓互用左右逢原賓則始終賓主則始終主青蘿黃綠直上寒松之頂白雲淡泞出沒太虛之中

端午上堂拈拄杖者一莖草等閑拈出照見天下人心肝五臟佛病祖病一切魔病悉皆消滅文殊善財總摸索不著卓拄杖下座

高麗真長老至上堂達磨不來東土二祖不往西天保壽不渡河玄沙不出嶺各人脚跟下好與三十棒拽取占波國與新羅國額卽且置且道金剛山與水晶宮耳語箇什麼擊拂子一葉落天下秋

小參

□□□ 自然等 編

結制無上法王有大陀羅尼門圓而無內方而無外無內無外聖凡普會若入得此門則百千三昧門百千總持門百千解脫門一時證入二六時中四威儀內撞倒燈籠磕破露柱且莫驕心好睦州和尚道未得箇入頭須得箇入頭若得箇入頭不得孤負老僧雪峯和尚道盡大地是個解脫門把手拽不入且道

古人意在什麼處。今時道流多是自生退屈。自生難
易。未證謂證。未得謂得。聞聲被聲礙。見色被色礙。見
空被空礙。見山被山礙。見水被水礙。見佛被佛礙。見
魔被魔礙。欲得獨步大方。直須高超三界。何謂三界。
貪是欲界。嗔是色界。癡是無色界。你一念貪。便被水
溺。你一念嗔。便被火燒。你一念癡。便被風飄。若離得
者三種。便是出三界。外人聞聲不被聲礙。見色不被
色礙。見空不被空礙。見山不被山礙。見水不被水礙。
見佛不被佛礙。見魔不被魔礙。說長期短期。不被長
期短期礙。說安居禁足。不被安居禁足礙。一切處自
由。一切處無礙。拍禪牀云。如人上山。各自努力。

解夏黃金真人鐵面具。開眼觀著凜凜風。生遠山作
眉紅杏腮。開口來早成話。墮東弗于逮打鼓。南瞻
部洲小參。西瞿耶尼安居。北鬱單越。自恣日月居。切
利之上四禪。無風火之災。汝等諸人。坐在清涼界中。
那裏知得江南兩浙春寒。秋熱喝一喝。

結夏只此處。便是妙峯孤頂龍蛇混。雜凡聖同居南
來者上間安。排北來者下間安。著鼻孔。厮拄赤肉相

挨壁立萬仞。底軟似綿團。和泥合水底。渾鋼打就耳
裏著得無邊香水海。眼裏著得百億須彌盧。九十日
內。佛眼也。圓陀不破。只如大通智勝佛。十劫坐道場。
因甚不得成佛道。待小溪水道流。卽向汝道。

結夏清機歷掌三十三天。撲帝鍾。大用現前。當陽打
動關南鼓。衲僧家舉一步。踏翻四大香水海。不喚作
禁足得麼。動一念。推倒百億須彌盧。不喚作安居得
麼。所以道。若立一塵野老。顰蹙不立一塵野老。謳歌
百草頭上。罷却干戈。鬧市門頭。識取自己。一月普現
一切水。一切水月。一月攝成就。八萬四千塵勞門。彈
指三生六十劫。

冬至三世諸佛不知有。羊頭車子推明月。狸奴白牯
却知有。沒底船兒載曉風。洞明格外真規。漏泄劫前
消息。有句無句。如藤倚樹。樹倒藤枯。句歸何處。矮師
叔。三千里賣却布單。卽不問老大。瀉因甚。放下泥盤。
呵呵大咲。擊拂子。九九陽生。第一爻。冬至寒食一百
五。

歲除云。日遷月化。歲去年來。天寒人寒。各宜保愛。常

啼菩薩。實却心肝教誰學。般若善財童子走得脚生瘡。至今無消息。山前王大公。一百二十歲。騎一頭水牯牛。從南村至北村。過東村至西村。報道漸漸雞皮鶴髮。看看行步龍鍾。惟有徑路脩行。但看一頭水牯。水牯水牯。四蹄踏土皮好。靨鼓角好。吹鳴哩。鳴且道。是何曲調。臘月二十九。

月江和尚住湖州道場禪寺語錄

門人 慧觀 壽椿 德粹 等 編

師於天曆二年八月十五日受請入寺。指山門云。此是千聖共行底門戶。諸人得箇入處。不得孤負山僧。祖堂石從空裏立。火向水中焚。祖師肉猶煖在。

陞座拈香祝

聖畢就座云。我本無心有所希求。今此寶藏自然而至。莫有窺藩而入。據鼻而嘗者麼。僧出問。輟妙峯之祖席。踞虎阜之道場。如何是不動尊。答云。八十翁翁。鞦韆毬。僧云。今日開堂。願聞祝贊。答云。一人有慶。兆民賴之。僧云。如何是雲峰境。答云。塔前合抱香入雲。屋底清池照。瑤席僧云。如何是境中人。答云。鼻孔掾。

天不受穿。僧云。人境已蒙師指示。向上玄關事若何。答云。玉本無瑕。雕文喪德。僧禮拜。師乃云。道場山頂何山麓。事屬一家。江月照兮松風吹。面目現在。五百年來。據此牀座者。莫不龍驤虎驟。電卷星蜚。總是鶻眼鷹睛。銅頭鐵額。及乎山僧到來。已是落七落八了也。喝一喝。神光不昧。萬古徽猷。入此門來。莫存知解。所以道我若真正。舉揚宗教。正須法堂前草深一丈。然事無一向。理出多端。且向建化門中通箇消息。豎起拂子云。看看瓦礫堆頭。黃金滿地。一莖草上。玉殿崢嶸。塵塵是解脫之場。剎剎有通霄之路。諸山宿德。常爲苦海津梁。兩序耆年。永作山門柱石。重光祖道。大振玄風。翠竹黃華。均沾至化。樵歌漁唱。共樂升平。正與麼時。畢竟功歸何所。擊拂子。一統乾坤。新日月。大千沙界。舊山河。

復舉僧問。百丈如何是奇特事。丈云。獨坐大雄峯。僧禮拜。丈便打頰云。大雄峯頂坐。巍巍兎角拈來好。盡眉談。唉。據他獅子窟。阿誰奪我鳳凰池。一天明月照。瑤席滿院秋風生。挂枝稽首祝。

君無量壽。大家同樂太平時。

當晚小參。僧問靈山話月。曹溪指月。此意如何。答云。請平時節。切忌。訛言。僧云。馬大師三人。既月。又作麼。生答云。一波纔動。萬波隨。僧云。一人道正好。供養一人道正好。修。行一人拂袖歸衆。未審孰優孰劣。答云。大家吹滅暗中行。僧云。馬大師道。經歸藏。禪歸海。惟。有普願。獨超物外。爲復是褒是貶。答云。鐵蒺藜。轉。弄轉危。僧禮拜。師乃云。百丈以前。無住持事。惟是穴。處巖居。澗飲木食。所以孤峯萬仞。鳥道虛玄。碧落青。霄道人。活計好箇太平氣象。無端立規立矩。分主分。賓。大朴既漓。淳風乃散。致使架大屋。著閑漢。三百五。百間。浩浩地。九九百半。青半白。德山臨濟。逞自己。之查梨雲門。趙州索。遼天之高價。後代兒孫。接響承。虛喚。鐘作甕。要扶豎他佛祖門風。直是天地懸隔。何。如我雲峰門下。碩德耆年。各出隻手。擬將夜摩觀。史。之宮移向雪峰。瑤席之上。山僧乍入門。來聞得者箇。消息。不覺手舞足蹈。遂呵呵大笑云。敗壞多年。菖蒲。椿等閑拈起。定宗綱。君臣道合。風雲會不比諸方孟。

八郎擊拂子

復舉盤山示衆云。心月孤圓。光吞萬象。光非照境。境亦非存。光境俱忘。復是何物。拈云。盤山老人向威音王已前。拈出一段奇特大事。直是風吹不入。水洒不著。山僧擬著隻眼。要與盤山相見。擊拂子。此夜一輪滿。清光何處無。

留兩序上堂。禮非玉帛。而不表樂。非鐘鼓。而不傳叢林。股肱得人。三代禮樂盡在是矣。拈主丈去。過去諸如來。風行草偃。現在諸菩薩。玉振金聲。未來脩學人。少你一分不得。卓主丈一下。

開爐上堂。南方火爐頭。有則無賓主。話輕如太華。重若鴻毛。三世諸佛。說不到。六代祖師。提不起。天下老和尚。摸索不著。山僧不惜眉毛。爲諸人說破。良久云。一牛飲水。五馬不嘶。

法堂僧堂。成上堂。僧問古人云。若據真正。舉揚法堂。前直須草深一丈。始得此意如何。師云。長劍倚天寒。進云。寧可閑却。七間僧堂。不怕佛法爛。却又作麼生。師云。拋磚引玉。進云。且道牧石老禪。一力建造法堂。

僧堂與古人是同是別。師云：不向如來行處行。僧禮拜。師乃云：極大同小不見邊。表極小同大。忘絕境界。山僧以十方刹土爲伽藍。以無邊法界爲堂宇。以森羅萬象爲參徒。以八部天龍爲眷屬。進一步。踢著須彌燈王鼻孔。退一步。踏著陳如尊者脊。梁直饒金牛舞飯而來。趙州靠杖。卽出。正是魯般門下弄斤斧。要見斬新日月。特地乾坤。須是我牧石老禪。始得委悉。麼驚群。須是英靈漢敵。勝還他獅子兒。

請執事上堂。僧問：如何是理無碍法界。答云：頭陀石被莓苔。晏僧云：如何是事無碍法界。答云：掬水月在手。弄花香滿衣。僧云：如何是理事無碍法界。答云：巢知風穴。知雨僧云：如何是事事無碍法界。答云：石從空裏立。火向水中焚。僧云：恁麼則昔日祖師。今朝和尚。答云：不可借他鼻孔出氣。僧云：謝師答話。拂袖歸衆。師乃云：理法界。事法界。理事無碍法界。事事無礙法界。舉拂子云：者箇是什麼法界。若也不會。更與汝指出。經歸藏禪歸海。是藏主法界。客來須看。賊來須扞。是知客法界。栽菜根向上。二年同一春。是與座法

界。刈得三百箇。祖師頭是直歲。法界作麼生。是長老法界。碧眼胡僧笑點頭。此時山僧都不會。擊拂子上堂。新年佛法如何指。南清池瑤席。覲面相參。普賢高繫象王袴。妙德長拖獅子衫。且道無位真人。還受歲也。無明破則不堪。

上堂。僧問：日月居忉利之上。四禪無風火之災。未審是何人境界。答云：胡張三。黑李四。僧云：只如燈明如來。走入露柱裏藏身。和尚爲什麼不知。答云：陳蒲鞋。周金剛。僧云：雲門大師。因甚却向山門頭合掌。佛殿裏燒香。答云：牛頭南馬頭。北僧禮拜師。乃云：好箇元宵節。無油不點燈。乾坤新雨露。雲水舊師僧。石虎翻身。轉泥牛盡力耕。太平無一事。日午打三更。

佛涅槃上堂。舉唐順宗問佛。光滿禪師云：佛從何方來。滅向何方去。旣言常在世。佛今在何處。答云：佛從無爲來。滅向無爲去。法身等虛空。常在無心處。帝大悅。師云：法身廣大等虛空。生滅何須較異同。夾道桃花風雨後。馬蹄何處避殘紅。

上堂。舉僧問廣德周和尚云：阿逸多。不斷煩惱。不脩

禪定佛說此人成佛無疑此理如何周云鹽又盡炭又無僧云鹽盡炭無時如何周云愁人莫向愁人說說向愁人愁殺人頌云行看山兮坐看山春風花鳥自關關善財別後無人到樓閣門開盡日閑

法座新成上堂大衆此處即是毗盧遮那如來所處僑尸迦須彌山頂善法之堂此座即是普光明藏獅子之座此蓋即是寶積長者所獻之蓋徧覆三千大千世界其座高出八萬四千由旬其堂高一十六萬由旬一一軒窓一一欄檻一一莊嚴藏交光相羅如寶絲網如普賢毛孔如彌勒樓閣諸佛刹海一一現前無壞無雜所謂諸佛曾來入此堂是故此堂最嚴淨諸佛曾來坐此座是故此座最吉祥諸佛曾受此寶蓋是故此蓋最殊特須知此堂此座此蓋不從天降不從地涌皆從我山中收石老禪根本智中之所流出豎窮三際則三際圓融橫亘十方則十方通暢擊拂子虛空可量風可擊無能盡說佛功德

浴佛上堂僧問佛身無爲不墮諸數因甚向王宮降生答云莫謗瞿曇好僧云爭奈指天指地何答云黃

葉止兒啼僧云未諗諸佛出世爲什麼邊事答云黃婁行處浪滔天師乃云若人欲入佛境界當淨其意如虛空遠離妄想及諸取令心所向皆無碍諸禪德拈起勺子便被勺子碍浴得者箇浴不得卽箇便被那箇碍浴得那箇浴不得者箇便被那箇礙作麼生得所向皆無碍去向悉達太子未出母胎以前道將一句來

陀羅麻室利皇后賜衣上堂迦葉上行衣輪王髻中寶得來本自無心披處短長恰好且如何是報德酬恩底句昨夜日輪開桂花今朝月窟生芝草都寺辦齋上堂雲門喫胡餅咬著帝釋鼻孔雲峯喫餛飩咬著憍梵鉢提舌頭諸人二時上堂喫粥喫飯合作麼生忽然咬破一箇鐵酸餛飩方知帝釋鼻孔只是憍梵鉢提舌頭憍梵鉢提舌頭只是帝釋鼻孔不見道一切智智清淨無二無二分無別無斷故喝一喝

上堂僧問如何是千尺舍那之身師云肥不露肉瘦不露骨進云如何是丈六紫磨金色之身師云切忌

認奴作郎進云和尚且莫壓良爲賤師云山僧從來柳下惠師乃云有時拈龜毛拂子作丈六金身有時將丈六金身作龜毛拂子七頭八倒簸土揚塵是你諸人還知雲峯落處麼當機覷面提覷面當機疾堪笑闍雞人水牛也不識

雪中上堂僧問達磨少林九年面壁二祖立雪齊腰必竟爲什麼邊事答云罕逢穿耳客多是刻舟人進云二祖道弟子心未寧乞師安心此意如何答云開市裏拋磚磚進云達磨道將心來與汝安又作麼生答云陸地上駕鐵船進云二祖道內外覓心了不可得磨云與汝安心竟爲復是有心可安無心可安答云點鐵化爲金玉易勸君除却是非難僧便禮拜師乃云白牛露地南泉無處尋蹤香象渡河普賢失其境界寒凜凜玉樓起粟白皚皚銀海生花古佛堂前燈籠起舞夜明簾外露柱交參顯揚少室宗風揭示新年佛法太陽溢目依然水綠山青大地春回直得河清海晏拍禪牀野老不知堯舜力鑿鑿打鼓樂豐年

佛涅槃上堂僧問始從鹿野苑終至跋提河於是一中間未嘗談一字此理如何師云無孔鐵槌當面擲進云爭奈一大藏教何師云識取鉤頭意莫認定盤星進云白雲乍可來青嶂明月難教下碧天師云引不著師乃云釋迦老子四十九年三百餘會大似幻師幻出山河大地草木叢林城邑聚落人畜草木皆與實相不相違背末後復作幻虎還食幻師幻師既滅諸幻隨滅諸幻既滅幻滅亦滅良久拍禪牀云雙林樹下少人行多子塔前開如市

上堂舉僧問洞山如何是古佛心山云巢知風穴知雨師頌云巢知風穴知雨一句明明爲君舉森羅萬象盡交參渤海新羅齊鼓舞報諸人休莽鹵古德有言兮先天爲心祖

結制上堂僧問有句無句如藤倚樹此意如何師云無箇大虫當路坐進云疎山問忽若樹倒藤枯句歸何處爲山呵呵大笑又作麼生師云曹娥讀夜碑進云後來明招爲佗點破還端的也無師云臨厓看潯眼特地一場愁進云今日學人問和尚樹倒藤枯句

歸何處未審和尚如何指示師喝一喝僧禮拜師乃云雪峯領衆到浮江寄夏自失一隻眼西院留天平商量兩錯不惜幾莖眉雲峰有年無德也不留人過夏商量兩錯生風起草也不領徒諸方寄夏帶水拖泥也不探龍宮踢番巨海也不入虎穴踢倒須彌只是飲水定渴喫飯療飢禪客相逢只彈指此心能有幾人知

上堂玄沙和尚道者一片田地分付諸人多少時也須知者一片田地非七寶之所成就晝夜常放無量瑤光不以日月所照爲明三世諸佛踏不著六代祖師行不到明眼衲僧覷不見現前一衆二六時中行住坐臥折旋俯仰忽然蹉腳踏著打箇翻車筋斗甦醒起來方知道元來平似鏡誰道爛如泥

七月旦行道上堂僧問朝離東土暮往西天是什麼人師云十字街頭石敢當進云昨日有人從天台來因甚向南岳去師云鮎魚上竹竿進云有一人常在途中不離家舍有一人常在家舍不離途中且道孰優孰劣師云兔馬有角牛羊無角進云恁麼則庭前

一葉落天下盡知秋師云知時別宜堪作闍黎僧禮拜師乃云三十年來住子胡二時粥飯氣力虛無事下山行一轉借問時人會也無子胡大似年老心孤雲峰則不然三四年來住道場二時粥飯氣力強普請下山行一轉萬頃田疇耙耨香

上堂僧問達磨面壁意旨如何師云餓飯泥茶爐進云六祖踏碓又作麼生師云兔子喫牛糞進云一人道不識一人道不會意在什麼處師云鳳林吒之僧禮拜師乃云達磨不識九年面壁六祖不會長年踏碓帶累兒孫東倒西偏新婦騎驢阿家牽張公喫酒李公醉好大哥

上堂一二三四五六七地水火風空覺識一微塵內有真空三世如來從此出不是心不是佛不是物大方獨步更由誰頂門放出遼天鶴

上堂僧問夜來小參和尚舉僧問投子大死底人却活時如何投子云不許夜行投明須到意旨如何師云冬至前後沙飛石走進云正堂和尚頌云我疑千年蒼玉精化爲一片秋水骨海神欲護護不得一夜

鰲頭忽擎出未審正堂和尚具什麼眼目師云急須
著眼看仙人莫看仙人手中扇進云只如和尚頌云
陽氣發時無硬地秦時轆轤鑽生花淮西古佛舌無
骨爛嚼虚空吐出查不妨與投子把手共行師云山
僧無此語莫謗山僧好進云學人罪過便禮拜師乃
云雲門一曲膺月二十五雲峯一曲仲冬二十五葭
管動飛灰日輪正卓午昨夜東海鯉魚吞却南山猛
虎驚得文殊書寶走入堂前露柱喝一喝

上堂僧問新年頭佛法鏡清道有明教道無未審古
人意旨如何師云一對無孔鐵槌進云學人問和尚
新年頭還有佛法也無未審和尚如何指示師云露
柱開花燈籠結果僧便禮拜師乃云一年之計在春
一日之計在寅正月建寅元日屬寅元正啓祚萬物
咸新僧堂新牀榻臥具新飲食湯藥新一堂禪衲如
鳳如麟箇箇握靈蛇之寶人人懷滄海之珍且道佛
法還有新舊也無喝一喝

請頭首上堂善哉三下板知識盡來參既善知時節
吾今不再三古人與麼道大似按牛頭喫草雲峰則

不然善哉三下板收足上蒲團脊梁生鐵鑄透過祖
師關一氣轉一大藏教背手拈却須彌山七處徵心
無心可覓八還辨見無見可還夢入天宮猶未醒金
雞啼上玉闌干

行化歸上堂僧問昔日寶公令人傳語思大和尚何
不下山教化衆生一向目視雲漢作麼此意如何師
云雲在嶺頭閑不徹水流澗下太忙生進云思大道
三世諸佛被我一口吞盡有什麼衆生可化且道思
大具什麼眼目師云咭嘹舌頭三千里進云和尚下
山教化衆生與古人是同是別師云常在途中不離
家僧禮拜師乃云有佛處不得住無佛處急走過三
千里外逢人不得錯舉趙州老人大似抱橋柱澡洗
把纜放船山僧一出四十餘日有佛處與他錮破卦
文無佛處也曾勘過歷了三州五縣逢人也曾錯舉
來只是土曠人稀知音者少摘楊花摘楊花青山忽
憶便歸去塵世要看還下來

上堂性覺妙明本覺明妙截斷衲僧命根撥開向上
一竅牛皮鞞露柱露柱啾啾凡耳聽不聞諸聖呵

呵。唉。虛空。踣跳。舞三臺。熨斗煎茶不同鉢。

馬。轡。西堂。至上堂。僧問。端獅子。道村裏獅子。村裏弄
眉毛。眼睫。一時動。開得口。直籠侗。不要人。取奉。假饒
弄到帝王前。也是一場乾打闕。此意如何。師云。眞獅
子兒。善獅子。吼進云。只如。蠅。螟。虫。向。蚊子。眼睫。上。作
窠。向十字街頭。叫道。土曠人稀。相逢者少。又且如何。
師云。我不曾見者。差異衆生。僧禮拜師。乃云。喚醒馬
著。千載夢。招回船子。一帆風。何如。晏坐獅子窟。啼吼
一聲。天地空。華藏海十三重。都盧收在一塵中。若是
機輪能獨脫。看他八面自玲瓏。

浴佛上堂。僧問。淨法界身。本無出沒。大悲願力。示有
去來。敢問。悉達太子。承誰恩力。師云。衲僧主丈子。進
云。未審主丈子。有何長處。師云。扶過斷橋水伴。歸明
月村。進云。畢竟悉達太子。與衲僧主丈子。是一是二。
師云。三尺一丈六。且同携手。歸僧禮拜師。乃云。天上
天下。無如佛。十方世界。亦無比。世間所有。我盡見。一
切。無有如佛者。此是釋迦世尊。翹足三七日。贊底沙
佛之偈。超過彌勒九十一劫。檢點將來。好不丈夫。只

今莫有超彌勒。越釋迦者麼。設有也好。與三十棒。回
向畢。復云。兜率宮中。閑不得。却來生此。苦婆娑。指天
指地。成何事。添得叢林攪鬧。多儻儻。侗。何婆婆。和
千年無影樹。今時沒底靴。

上堂。麻三斤。乾屎橛。螭人冰。鵝護雪。猫有歎血之功。
虎有起屍之德。趙州親見老南泉。林際。未是白拈賊。
青苗會上堂。僧問。有一經卷。藏在一微塵中。量等三
千大千世界。作麼生出得此經。師云。鯨吞海水。盡露
出珊瑚枝。進云。必竟此經。作何形狀。師云。白月則現。
黑月則隱。進云。學人擬破微塵。出此經卷。還得否。師
云。未敢相許。進云。未審什麼人。出得此經。師云。胡張
三。黑李四。僧禮拜師。乃云。常啼菩薩。賣却心肝。學般
若。則易破一微塵。出大經卷。則難破一微塵。出大經
卷。則易。攝大千經卷。入一微塵。則難。一掬之水。可以
漲滔天之浪。一簣之土。可以成九仞之山。也不易也。
不難。青山長伴白雲閑。

謝育王專使上堂。舉東山謝積善專使偈云。積善山
中。僧有膽。如天大。敢持居士書。來覓空上座。跨門不

肯休著了方知道。歸語晉江人大。虫裹紙帽雲峰亦
成一偈。玉几山中人。老眼光爍爍。遠持教府文。與我
長柄勺。柄長把不下。還歸舊處著。寄語甬東人。莫莫
莫莫莫。

上堂十五日。已前迦葉糞掃衣。價直百千萬。十五日
已後。輪王髻中珠。不直半分錢。正當十五日。雪峰百
二十斤鐵枷。輕如山。嶽重若鴻毛。若有荷擔得去。老
僧分半院與他住。其或未然。千江有水。千江月。萬里
無雲。萬里天。

赴育王上堂。拖犁拽杷幾經年。鼻孔遼天不受穿。業
債依然逃不得。又吹鐵笛過鄞川。

小參

門人 思敬 良圭 景行等 編

結夏宿靜。奢摩他如鏡。照諸像如幻。三摩提如苗。漸
增長。禪那唯寂滅。如彼器中錙。二千年前婆伽婆。與
十二大士。入于神通大光明藏。說此三種法門。令末
世比丘。依此修行。不墮邪見。大似牛皮鞵。露柱露柱。
啾啾叫。凡耳聽不聞。諸聖呵呵笑。今有比丘某甲。於

雲峰頂上。與現前大眾。踞菩薩乘。修寂滅行。同入實
相住持。雖不依此三種修行。却要九十日內。箇箇心
空。及第拍膝云。三面狸奴。脚踏月兩頭。白拈手。拈烟
戴冠。老鬼立庭。栢脫。殼烏龜飛上天。

冬至若論此事。貶上眉毛。早已蹉過。鐵馬驟冰。殘不
涉唇。吻道將一句來。石牛欄古路。戛玄機於未兆。藏
冥運於卽化。固是罕遇其人。會萬物歸自己。與天地
而同根。又是阿誰分上事。諸方將謂仰山進前叉手。
香嚴叉手。進前甚生極則。殊不知大似楊廣失驢。馳
韓信臨朝底。雲峰有年無德。山寺荒涼。幸而四海禪
流來此相伴。未免向八德池邊。宏開瑤席。紫羅帳裏。
暗撒真珠。共慶書雲令節。還委悉麼。若教嫖母臨明
鏡。也道不勞紅粉施。拈主丈卓一下。

月江和尚住四明阿育王山廣利禪寺語錄

門人 本真 紹宗 文闡 編

師於元統元年九月十五日。受請入寺。指山門云。大
解脫門八字打開了也。彈指下喝。總不消得。
拈廣教府疏。揮魯陽戈。重光佛日。廣大教門。斯爲第

一

指法座云。壁立萬仞。不必高升。合水和泥。聊通一線。陸座祝贊罷。就座云。若論第一義諦。譬如虛空體。非羣相。而不拒彼諸相。發揮莫有向虛空裏釘橛者麼。僧出問。摩騰入漢。已涉繁詞。達磨西來。不依本分。和尚今日開堂。願聞祝贊。師云。黃河如帶。太山如礪。進云。與麼則。

皇恩佛恩。一時報畢。師云。大家齊唱太平歌。進云。只如大覺禪師。爲九峰一疏而來。和尚可謂古今一揆。師云。漳泉福建。頭匾似扇。進云。向上還有事也。無師云。逢人不得錯舉。師乃云。佛法徧在一切處。一切山河及國土。無他方。此土之殊。無過現未來之異。雲門大師云。你諸人擔鉢囊行脚。不知有佛法。佛殿上踢吻。却知有佛法。上是天下。是地。日月星辰。森羅萬象。各依定位。喚什麼作佛法。馬大師道。我自從胡亂後。三十年不曾少鹽醬。喚作佛法。得麼。大梅云。任你非心非佛。我只是卽心卽佛。喚作佛法。得麼。楊岐云。金剛捲要你透栗棘蓬。要你吞喚作佛法。得麼。東山五

祖云。我向白雲門下。咬破一個鐵餤。箇直是百味具足。喚作佛法。得麼。且喜沒交涉。須知生佛未具已前。八萬四千舍利。光明常在你諸人面門出入。自是諸人不覺。不知當面諱却。山僧到者裏。說箇什麼。卽得。所以道。我若坐時。你須立。我若立時。你須坐。你若野干鳴。我卽獅子吼。你若獅子吼。我卽野干鳴。可以光揚佛日。大振玄風。建立法幢。發揮宗旨。卽辰秋高。氣清。伏惟諸山和尚。合山大衆。各各起居。輕利拈主丈。浙東山浙西水。四海五湖。皇化裏。卓主丈一下。復舉世尊。一日升座。迦葉白。髓云。世尊說法。竟世尊便下座。拈云。古今皆謂世尊三昧。迦葉不知。因甚。世尊一詞。不措迦葉。便乃白。椎古人。且置。今日事作麼生。久立珍重。

小參。僧問。師唱誰家曲。宗風嗣阿誰。師云。風吹石臼念摩訶。進云。恁麼則已得。真人好消息。人間天上更無疑。師云。水底捉麒麟。進云。如何是奪人不奪境。師云。西天人不會。唐言進云。如何是奪境不奪人。師云。有馬騎馬。無馬步行。進云。如何是人境兩俱奪。師云。

新羅打鼓大唐齋進云。如何是人境。俱不奪師云。開市裏拋碌磚進云。人境已蒙師指示。向上宗乘事。若何師云。有水皆含月。無山不帶雲。進云。只如楊岐祖師道踏著秤鎚硬似鐵。啞子得夢。向誰說。須彌頂上浪滔天。大洋海底遭火熱。明什麼邊事。師云。如驢覷井。如井覷驢。僧云。謝師答話。師乃云。寶劍出匣。孰敢嬰鋒。明鏡當臺。舉無遺照。雪峰杓頭。邊得一千五百人。善知識只好無佛處稱尊。妙喜竹筵下打翻萬七千指活衲僧。僅免死水裏浸却山僧。素非建大將旗鼓手段。又無青天白日轟霹靂之機。只是近離清茗過了三江九堰。到得古剎山中。直是眼不見鼻孔。此際更深。夜靜。月白。風清。不免唱箇脫空歌子。使現前一衆。與我中峯老祖。兩得相見。赤日晒來乾絡索。秋風吹起。又新鮮。幾向江邊問消息。驚鷺踏却釣魚船。喝一喝。

復舉首山和尚示衆云。咄哉巧女兒。攢梭不解織。貪看閨雞人。水牛也不識。又云。咄哉拙郎君。巧妙無人識。打破鳳林關。著靴水上立。師云。二人同心。其義斷。

金前往當山此菴和尚拈云。總有來處拈主丈云。上大人丘一已化三千七十七士。師云。唵齒臨唵部臨莎訶。

開爐進退兩序上堂。僧問。如何是金佛不度爐。師云。蘇盧蘇盧進云。如何是木佛不度火。師云。悉利悉利進云。如何是泥佛不度水。師云。趙州東院西進云。如何是真佛內裏坐。師云。嵩山破籠墮僧禮拜。師乃云。東邊是知事。西邊是頭首。獅子兒啼。吼龍馬駒蹄跳。火爐闊一丈。古鏡闊一丈。古佛塔廟前面。南看北斗。臘八上堂。僧問。半夜逾城時。如何答云。國清才子清。家富小兒嬌。僧云。雪山六年所成者。何事答云。癡人面前不得說夢。僧云。古今皆謂見明星悟道。還諦當也。無答云。一犬吠虛千猿啼。實師乃云。我觀大地衆生。具有如來智慧德相。但以妄想執著而不證得。釋迦老子與麼道。大似蟪蛄向蚊子眼睫上作窠。向十字街頭叫道。土曠人稀。相逢者少。檢點將來。也是噇酒糟漢。上堂舉五祖和尚示衆云。白雲不會說禪。山門開向。

兩邊有人動著關。振兩片東。扇西。扇五祖老人。蓋爲慈悲之故。有落草之談。育王不會說。禪屋破觀。見青天等閑從頭蓋。覆寧免紙裊。麻纏。但願有錢留客醉也。勝騎馬。傍人門。

上堂。僧問。如何是一生。二師云。元首明。股肱良。進云。如何是二生。三師云。黃河三千年一度清。進云。如何是三生。萬物師云。山河無隔礙。光明處處透。進云。只如新年頭。佛法還有者箇消息也。無師云。焚香踏鵝。門僧作禮。師乃云。有問新年事。東君總未知。燈籠纔起舞。露柱便掀眉。雪嶺泥牛吼。雲門木馬嘶。樵歌與漁唱。同共樂無爲。

道濟忠長老通嗣書上堂。自從胡亂後三十年。不曾少鹽醬。江西信息通也。任你非心非佛。我只是卽心卽佛。大梅梅子熟也。此乃從上古德風。規。蟻林。榜。樣。只如石頭道書。亦不達信。亦不通。又作麼生。有人道得與你鈿斧子。

上堂。舉僧問五祖。一大藏教。是箇切脚。且道。切什麼字。祖云。鉢羅娘。應菴。問密菴。如何是正法眼。密菴云。

破沙盆。師拈云。問蜀同風。吐裏有虫。

到雪竇。衆請上堂。僧問。迅瀑千尋。懸崖萬仞。和尚從什麼處來。答云。官不容針。私通車馬。進云。一日水空。和尚訪大顛。和尚顛把住坐具云。不用通寒。喧不用通來。處此意如何。答云。喚進云。水空云。擬欲恁麼。又恐人情不足。還契佗大顛意也。無答云。錦包特石。綿裹蒺藜。進云。大顛放手云。還足也。未水空提起坐具云。若通時。喧又恐迷來處。大顛云。暫時相見也。無妨。又作麼生。答云。虎頭虎尾。一時收進云。只如和尚入山。與雪竇和尚相見。較之古人。是同是別。答云。竹密不妨流水過。山高豈礙白雲飛。進云。謝師答話。師乃云。向上一路。千聖不傳。釋迦彌勒。仰望不及。向上一路。千聖不然。德山臨濟。窺覷無門。故我明覺。祖師。昔日向妙高臺上。唱出陽春。白雪直得須彌岌。業海水騰波。十方世界。風凜凜。地育王。今晨得得入山。瞻禮慈容。特蒙堂頭。禪師。闍揚二覺之家風。傾瀉千尋之雪瀑。復令山野。陞于此座。學唱宗乘。然則客聽主裁。又說箇什麼。卽得。鑿拂子。就樹摘將黃葉去。入山推。

出白雲來

復舉堂頭禪師適來舉臨濟栽松次黃檗問云深山中栽許多松作麼濟云一與山門作境致二與後人作標榜道了以鐮頭築地三下檗云雖然子已喫吾三十棒了也濟又以鐮打地作噓噓聲檗云吾宗到汝大興於世瀉山問仰山云當時黃檗只囑一人別更有在仰山云有祇是年代深遠不欲舉似和尙瀉山云但舉看吾也要知仰山云一人指南令行吳越遇大風則止應菴和尚拈云黃檗道雖然如是子已喫吾三十棒了也養子之緣固當如是臨濟正令雖行可惜向鐮頭邊甘自活埋仰山見解未出常流豈止遇大風則止當時何不道直待虚空界盡此話方始大行豈不是頭正尾正師乃召大眾云黃檗臨濟兩父子開口不在舌頭上瀉山仰山勾卜聽虎聲老應菴壁開太華放出黃河石室翕燃犀炬照開滄海育王見處也要諸人共知一人指南令行吳越太虛空中不消釘橛藕絲數裏騎大鵬等閑挨落天邊月久立衆慈伏惟珍重

冬至上堂僧問吾本來茲土傳法救迷情意旨如何師云大虫裹紙帽好咲又驚人進云一花開五葉結果自然成又作麼生師云冬至寒食一百五師乃云晷運推移日南長至明明百草頭明明祖師意三更夜半唱巴歌無端驚起梵王睡喝一喝下座臘八上堂二千年前臘月八黃面瞿曇雙眼活阿僧祇劫喫鹽多苦行六年添得渴凍不殺餓不殺脚頭脚底乾坤闊

上堂護聖青山和尚至一池荷葉衣無盡數樹松花食有餘剛被世人知住處又移茅舍入深居大梅祖師將大地撮來如粟米粒大於其中間開拓三千大千世界向一莖草上現出玉殿瓊樓建立百千殊勝法幢直得三世諸佛歷代祖師天下老和尚莫不望風斫頰直饒龐居士牙如劍樹口似血盆到佗面前盡力只道個百雜碎核子裏滋味依然未夢見在還委悉麼青山不鎖長飛勢滄海合知來處高大覺禪師忌拈香代圓通應詔而起爲九峰草疏而來對使者焚却龍腦之鉢創蒙堂如筑黃金之臺此

是大覺老人平生受用不盡底三昧。雖相去二三百載。而聲光燁燁。猶百千之迅雷。稽首僧伽真古佛。鄮峰千古碧崔嵬。

上堂不著佛求。不著法求。不著僧求。燈籠發咲。露柱點頭。雲門拈出。胡餅投子。道箇油油。腰纏十萬貫。騎鶴上揚州。

重建上塔緣。化歸上堂。僧問釋迦。如來有八萬四千眞身舍利。因甚南瞻部洲。只有一顆師云。天上天下。唯吾獨尊。進云。莫是惟一堅密身。一切塵中現麼。師云。關市裏虎。進云。大權菩薩。因甚以手加額。師云。行船全在把梢人。進云。不得春風。花不開。花開全藉春風力。師云。將謂無人證明。僧禮拜而退。師乃云。鐵輪王使鬼神功。靈槍飛來鄮嶺。東有客不隨流水去。磬敲疎雪細雲中。乃豎拂子云。看看大權菩薩歸也。與耶舍尊者。只今在山僧拂子頭上。相見尊者云。菩薩一出月餘。四大輕安否。世事可忍否。衆生易度不菩薩云。你在屋裏受人天供養。坐致太平。茄子瓠子。那裏得知阿育王。聞得出來道。你二人何必之乎者也。

若無我釋迦。如來眞身舍利寶塔。縱有神通妙用也。無施展處。三人撫掌呵呵大笑。且道。唉箇什麼。夜靜水寒魚不食。滿船載得月明歸。

上堂。教中道。一切障礙。卽究竟。覺得念失。念無。非解脫。成法破法。皆名涅槃。智慧慈憐。通爲般若。拈云。夜半放烏雞。驚起梵王睡。便下座。

上堂。薰風自南來。殿閣生微涼。老妙喜。錯認驢鞍橋。作阿爺下。領帶累多少人。向者裏卜度。還知諸佛出身處麼。黃河三千年一度。清卓主丈下座。

上堂。舉僧問歸宗。如何是佛。宗云。我不辭向汝道。只恐你不信。僧云。和尚誠言。安敢不信。宗云。卽汝便是。僧云。如何保任。宗云。一翳在眼。空花亂墜。頌云。三尺劍爲安國計。五言詩是上天機。青霄有路終須到。金榜無名誓不歸。

爲行者。福吉下火。吉凶悔吝。成住壞空。死中得活。腰石負春火裏螞蟥。吞却大虫。

上堂。舉僧問趙州。如何是道。州云。牆外底。僧云。我不問者箇道。州云。你問什麼。道。僧云。問大道。州云。大道。

透長安頌云。大道透長安。古今行不到。鮎魚上竹竿。
大虫看水磨。推出江西馬。簸箕踢倒嵩山破。竈墜
上堂朝。恐勿暮。勿恐鉢盂開口。只要噀空。南泉打破
鍋子。甘贊禮拜。蒸籠擊拂子。萬里八九月。一身西北
風。

初祖忌拈香。跨水逢羊。歷魏遊梁。八九年冷坐。全無
巴鼻。三五回中毒也好。恓惶若謂是十萬里西來。傳
佛心印。無鼻孔。漢將什麼聞香。

爲華監寺下火。推倒涅槃城。打破華胥國。楊岐一頭
驢。躑跳乾坤窄。五蘊山頭火。光燦燦。

上堂立春之日。百事大吉。門上討桃符。離頭吹筆。葉
林下參玄。人有口。只挂壁。泥牛鞭起。趁春耕。通身總
是黃金骨。

元宵上堂。僧問我此法門名。無盡燈。冥者皆明。明終
不盡。如何是無盡燈。師云天際日上。月下。檻前山深。
水寒。進云。還許學人續焰。聯芳也。無師云。莫妄想。僧
喝一喝。便歸衆。師云。弄泥團。漢有什麼限。師乃云。今
朝正月十五處。處村歌社舞曲。衆牀上老僧。隨分說。

佛說祖雪峰。輓毬禾山打鼓。驚起東海鯉魚。吞却南
山猛虎。報諸人休莽。箇我見燈明。佛本光瑞如此。
上堂。舉法眼和尚示衆云。欲識佛性。義當觀時節。因
緣古人方便。不少不見石頭和尚。因看肇論云。會萬
物爲己者。其惟聖人乎。他家便道聖人無己。靡所不
己。有一片言語。喚作參同契。末上云。竺土大仙心。無
過此語。中間也只隨時說話。拈云。若是真正舉揚。竺
土大仙心者。一句子也不消得。諸人要會聖人無己。
靡所不已麼。問取露柱。

小參

門人 寶生 文藻 編

結夏瑯琊點出五病。西院商量兩錯。井蛙不足以語
東海。夏虫不可以語冰霜。若是揜空俊鶻。便合乘時
止。灤困魚徒勞激浪。是故從上若佛若祖。天下老和
尙。莫不向刀山劍樹上。鑊湯爐炭中。成等正覺。拔濟
有情。若約山僧看來。也是秤鎚蘸醋。喝一喝。
解夏秋初夏末。兄弟家東去西去。如壯士展臂不假
他力。如獅子遊行。不求伴侶。蓋爲人人脚跟下有條。

通天活路三世諸佛六代祖師天下老和尚與你把手共行。豈不見雲門大師問洞山。近離甚處。查渡夏在甚處。湖南報慈幾時離彼。八月二十五雲門云。放你三頓棒。次日上方丈問云。昨日蒙和尚放三頓棒。不知過在甚處。雲門云。飯袋子。江西湖南便恁麼去。洞山於言下大悟。雲門提出倚天長劍。凜凜神鋒。不易洞山敢將赤身衝。佗白刃正與麼時。如何。金烏啄破琉璃殼。玉兔挨開碧海門。

除夕絕學無爲閑道人。只管三十六旬爲一歲。不懼生死。老和尚任佗臘月三十日到來。如鐘在簷待扣。則鳴似鏡臨臺。物來斯照。老僧行年在坎窮鬼。擲掄囊無繫蟻之絲。厨絕聚蠅之慘。塵說利說熾然說無法。可說內空外空畢竟空。一切皆空。凍鎖寒林燒盡丹霞木。佛春回煖律喚醒陝府鐵牛。萬人藪裏打駝雞。百戲棚頭抽傀儡。畢竟成得箇什麼邊事。擊拂子相逢不遇調羹手。孤負梅花又一年。

月江和尚語錄卷上

月江和尚語錄卷中

拈古

溫州路慧日禪寺住持門人 祖安 編

舉德山示衆云。今夜不答話。問話者三十棒。時有僧出禮拜山。便打僧云。某甲話也未問。山云。你是甚處人。僧云。新羅人。山云。未踏船。好與三十棒。法眼云。大小德山話作兩橛。圓明云。大小德山龍頭蛇尾。雪竇云。二老病雖善。裁長補短。捨重從輕。要見德山。亦未可在。何故。德山大似握閫外威權。有當斷不斷。不招其亂底。劍諸人要識新羅僧麼。只是撞著露柱底瞎漢。

師云。德山老漢一條白棒。佛來也打。祖來也打。等閑被新羅僧拗折了也。法眼圓明各出隻手。只教得一半雪竇云。要識新羅僧麼。只是撞著露柱底瞎漢。增他多少威光。還有爲德山作主者麼。

舉雪峰一日普請自負一束藤路逢一僧。峯便拋下。僧方擬取峯便踏。倒歸舉似長生。乃云。我今日踏者。

僧快生云和尚替者僧入涅槃堂始得峯便休去雪寶云長生大似東家人死西家助哀也好與一踏

師云雪峯貪觀天上月失却手中橈長生借手行拳雪寶潑油救火總是賊過後張弓

舉百丈再參馬祖侍立次祖以目視禪牀角頭拂子丈云卽此用離此用祖云爾他後開兩片皮將何爲人丈取拂子豎起祖云卽此用離此用丈挂拂子於舊處祖便喝丈直得三日耳雪寶云奇怪諸禪德如今列其派者甚多究其源者極少總道百丈於喝下大悟還端的也無然刁刀相似魚魯參差若是明眼漢瞞佗一點不得只如馬祖道箇佗後開兩片皮將何爲人百丈豎起拂子爲復如虫禦木爲復啐啄同時諸人要會三日耳雪麼大治精金應無變色

師云獅子教兒迷子訣馬祖有之百丈直得三日耳雪美食不中飽人喫雪寶云大治精金應無變色好與一喝

舉崇壽指堯子云識得堯子周市有餘雲門云識得堯子天地懸殊雪寶云澤廣藏山理能伏豹

師云雪寶與麼道要且不識堯子

舉永嘉大師到六祖邊禪牀三市振錫一下卓然而立祖云夫沙門具三千威儀八萬細行大德從何方而來生大我慢雪寶便喝云當時若下得者一喝免見龍頭蛇尾又再舉邊禪牀三市振錫一下卓然而立代祖師云未到曹溪與你三十棒了也

師云永嘉龍門上客六祖東閣大開千載一時風雲際會雪寶代永嘉下省一喝又代祖師云未到曹溪與爾三十棒了也不妨奇特且道二大老還甘麼

舉仰山指雪師子云還有過得此色者麼雲門云當時便與推倒雪寶云只解推倒不解扶起

師云雲門推倒雪寶扶起要見仰山較三十里舉香嚴垂語云如人上樹口嚼樹枝手不扳枝脚不踏枝樹下有人問西來意不對則違他所問若對又喪身失命當恁麼時作麼生卽是有虎頭上座上樹卽不問未上樹請和尚道嚴呵呵大咲雪寶云樹上道卽易樹下道卽難老僧上樹也致將一問來

師云。香嚴把定牢關。不通水泄。若非虎頭上座。出來安得話行。千古育王敢問雪竇和尚上樹也。只恐下不得。

舉僧問魯祖。如何是不言言。祖云。爾口在什麼處。僧云。某甲無口。祖云。將什麼喫飯。僧無語。雪竇云。好劈脊。使棒者。般漢開口了。合不得。合口了。開不得。

師云。者僧。龍頭蛇尾。當時待他。道將什麼喫飯。但道。佗不飢。喫什麼飯。雪竇老人到者裏。有棒也。無施展處。

舉僧問雪峯。古澗寒泉時。如何。峯云。瞪目不見底。僧云。飲者如何。峯云。不從口入。僧舉到趙州。州云。不可從鼻孔裏入。僧却問趙州。古澗寒泉時。如何。州云。苦僧云。飲者如何。州云。死。雪峯聞舉云。趙州古佛。從此不答話。雪竇云。衆中總道雪峯不出者。僧問頭所以。趙州不肯。如斯話。會深屈。古人雪竇即不然。斬釘截鐵。本分宗。師就下平。高難爲作者。

師云。鑽龜打瓦。激濁揚清。坐斷天下人舌頭。不無雪竇。要且不知古人相見處。還知雪峯趙州麼。得。

人一牛還人一馬

舉僧問西堂和尚。有問有答。賓主歷然。無問無答時。如何。堂云。怕爛却去。那僧問。長慶有問有答。賓主歷然。無問無答時。如何。慶云。相逢盡道休官去。林下何曾見一人。雪竇云。何不與本分草料。

師云。一人截斷衆流。一人隨波逐浪。一人函蓋乾坤。有問育王。有問有答。賓主歷然。無問無答時。如何。只向道。賓主歷然。免見者。僧奔南走北。

舉臨濟示衆云。我於先師處。三度喫六十棒。如蒿枝拂相似。如今思一頓棒。喫誰爲下手。僧出衆云。某甲下手。濟拈棒與僧。僧擬接。濟便打。雪竇云。臨濟放處。較危。收來太速。

師云。臨濟大似貧兒思舊債。可惜當時放過。待佗拈棒。便與掀倒。禪牀。臨濟必然向明窓下安排。雪竇云。放去較危。收來太速。頭上著枷。脚下著杻。舉欽山。一日上堂。豎起拳。又開云。開卽爲拳。五指參差。復握云。如今爲拳。必無高下。還有商量也。無一僧出衆。豎起拳。山云。爾只是箇無開合漢。雪竇云。雪竇。

卽不然。乃豎拳云。握則爲拳。有高有下。復開云。開則成掌。無黨無偏。且道。放開爲人。好把定爲人。好開也。造車握也。合轍。若謂閉門造車。出門合轍。我也知爾。向鬼窟裏作活計。

師云。欽山藕絲孔裏。開張世界。雪竇大虫舌上。慣打鞦韆。點檢將來。總塞諸方口。不得。山僧則不然。乃豎起拳云。三世諸佛。歷代祖師。天下老和尚。盡向者裏乞命。復開云。直得須彌峯。業海水。騰波十方世界。風颯颯地。忽有箇漢出來道。和尚恁麼也。只是箇無開合漢。却許佗具一隻眼。

舉僧問睦州。高揖釋迦。不拜彌勒。時如何。州云。昨日有人問趕出了也。僧云。和尚恐某甲不實。州云。拄杖不在。若帶柄。聊與三十雪竇云。睦州只有受壁之心。且無割城之意。

師云。登山不到頂。不知宇宙之寬廣。入海不到底。不知滄溟之淺深。者僧放出三分軟。頑睦州家私。一時揣盡。雪竇恁麼批判。正是鬼子喫牛糞。舉棗樹問僧。近離甚處。僧云。漢國樹云。漢國天子還。

重佛法也。無僧云。苦哉。賴值問著某甲。問著別人。卽禍生樹云。作箇什麼。僧云。人尙不見。有何佛法可重。樹云。闍黎受戒多少。時僧云。二十夏。樹云。大好不見有人。便打雪竇云。者僧棒卽喫。要且去不再來。棗樹令雖行爭奈無風起浪。

師云。者僧不從漢國來。若真從漢國來。棗樹有棒也打他未得。在只是箇無地頭。漢何以見得。不見雪竇道去不再來。

舉趙州問婆子。什麼處去。婆云。偷趙州笋去。州云。忽遇趙州。又作麼生。婆子便掌。州便休去。雪竇云。好掌更下兩掌也。無勸處。

師云。趙州休去。婆子勞而無功。更下兩掌也是老婆見解。

舉保壽開堂日。三聖推出一僧。壽便打。聖云。潛麼爲人。瞎却鎮州一城人眼去。在壽便歸方丈。雪竇云。保壽三聖。雖發明臨濟正法眼。藏要且只解無佛處稱尊。當時者僧若是個漢。纔被推出。便掀倒禪牀。直饒保壽全機也。較三千里。

師云保壽見兔放鷹三聖指鹿爲馬滅臨濟一宗是者兩箇老漢雪竇雖有定乾坤眼擒虎兇機不知箭過新羅却向大唐等候

舉僧問無業如何是佛業云莫妄想雪竇云塞却鼻孔又僧問馬祖如何是佛祖云卽心是佛雪竇云拄却舌頭

師云雪竇鼻孔無半邊舌頭不出口要與無業馬祖二大老相見三生六十劫

舉僧問德山從上諸聖什麼處去山云作麼作麼僧云勅點飛龍馬跛鱉出頭來山便休去至來日山谷出其僧過茶與山山撫背一下僧云者老漢方始瞥地雪竇云然精金百煉須安本分鉗鎚德山旣以已妨人者僧還同受屈以拄杖畫一畫云適來公案且致從上諸聖什麼處去大衆擬議一時打趁

師云德山逢強則弱遇賤則貴者僧虎穴深探幾手喪身失命雪竇也要入者保社未免旁觀者哂有人問育王從上諸聖向什麼處去只對他道棚八刺札

舉保福簽瓜次太原孚上座到來福云道得與爾瓜喫孚云把將來福度一片瓜與孚孚接得便去雪竇云雖是死蛇解弄也活誰是好手者試請辨看

師云孚上座如虫禦木偶爾成文雪竇忍俊不禁徒誇好手會麼甜瓜徹蒂甜苦瓠連根苦

舉南泉示衆云道非物外物外非道趙州出問如何是物外道泉便打州云和尚莫打某甲向後錯打人去在泉云龍蛇易辨衲子難瞞雪竇云趙州如龍無角似蛇有足當時不管盡法無民直須喫棒了越出師云南泉前頭怕殺人後頭笑殺人雪竇道不管盡法無民直須喫棒了越出救得一半

舉洞山到雲門問近離甚處山云查渡門云夏在甚處山云湖南報慈門云甚時離山云去年八月門云放爾三頓棒山至來日却上問訊昨日蒙和尚放三頓棒不知過在什麼處門云飯袋子江西湖南便潛麼去山於此大悟雪竇云雲門氣宇如王撈著便冰消瓦解當時若據令而行子孫也未到斷絕師云雲門可謂還丹一粒點鐵成金至理一言轉

凡成聖雪竇道若也據令而行子孫也未到斷絕說得道理好歸依佛法僧

舉一僧參馬大師大師劃一圓相云入也打不入也打僧便入大師便打僧云和尚打某甲不得大師靠却拄杖休去雪竇云二俱不了和尚打某甲不得靠却拄杖擬議不來劈脊便打

師云者僧已進不退馬師已展不縮者僧有嚙鐵之機馬師用欸兵之法雪竇雖欲盡令而行猶較馬大師三十里在

舉興化問克賓維那汝不久爲唱道之師賓云不入者保社化云會了不入不會不入賓云沒交涉化便打乃云剋賓維那法戰不勝罰錢五貫充設鑽飯至來日齋時興化自白鎚云克賓維那法戰不勝不得喫飯即便趕出雪竇云克賓要承嗣興化罰錢出院且致却須索取者一頓棒始得且問諸人棒既喫了作麼生索雪竇要斷不平之事今夜與克賓維那雪屈以拄杖一時打散

師云者箇公案古今批判者多還他雪竇是作家

爐鞴雖然至竟不知興化舌頭落處須知者一分鑽飯非維克賓維那不得喫設使盡大地人到來不敢正眼觀著

舉僧問長慶衆手淘金誰是得者慶云有伎倆者得僧云學人還得也無慶云大遠在雪竇代者僧當時便喝復云有伎倆者得一手分付有伎倆者不得兩手分付學人還得也無蒼天蒼天

師云育王則不然衆手淘金誰是得者劈脊便棒非惟剿斷者僧命根且免雪竇後來拖泥帶水

舉大慈示衆云山僧不解答話只是識病時有僧出大慈便歸方丈雪竇云大凡扶墜宗乘須辨箇得失且大慈識病不答話時有僧出便歸方丈雪竇識病不答話或有僧出劈脊便打諸方識病不答話有僧出必然別有長處敢有一箇動著大唐天子只三人師云大慈識病不答話時有僧出便歸方丈石火電光鍾雪竇識病不答話或有僧出劈脊便打壁立萬仞嶽育王識病不答話若有僧出即下禪牀立還有辨得失者麼

舉趙州到黃蘗。見來便關却方丈。州云救火救火。黃蘗便出擒住。云道道州云賊過後張弓。雪竇云直是好笑笑。須三十年忽有箇衲僧問雪竇。唉箇什麼笑賊過後張弓。

師云三箇老賊。且道那箇是正賊。具眼者辨取。

舉僧問鏡清。學人未達其源。乞師方便。清云是什麼源。僧云其源清云。若是其源。爭受方便。雪竇云死水裏浸。却有什麼用處。侍者問。適來成禪。伊清云。無侍事云。不成禪。伊清云。無侍者云。和尚尊意如何。清云一點水墨。兩處成龍。雪竇云。猶較些子。雪竇不是滅鏡清。威光要與者僧相見。是什麼源。其源三十年後與爾三十棒。

師云將成九仞之山。不進一簣之土者。僧當時待鏡清。道若是其源。爭受方便。只消禮拜便出。豈不光前絕後。鏡清既是勞而無功。却向侍者邊重重納敗雪竇。道三十年後與爾三十棒。正是掉棒打月。

舉僧問香林。如何是衲衣下事。林云臘月火燒山雪。

寶云。萬月燒山。萬種千般。麴松鶴冷。踏雪人寒。達磨不會大難大難。

師云。臘月燒山。虎體元斑。含元殿上。休覓長安。舉本仁和尙示衆云。尋常不欲向聲前句後。鼓弄人家男女何故。且聲不是聲。色不是色。時有僧問。如何是聲。不是聲。仁云。喚作色。得麼。僧云。如何是色。不是色。仁云。喚作聲。得麼。僧禮拜。仁云。且道爲汝說答汝話。若人辨得有箇入處。雪竇云。本仁也甚奇怪。要且貪觀天上。既非聲前句後。且作麼生入。

師云。本仁道聲不是聲。色不是色。豈不是鼓弄人家男女入之一字。也不消得。雪竇云。既非聲前句後。且作麼生入。替甚死急。

舉雲門示衆云。世尊生下一手指天。一手指地。周行七步。目顧四方。云。天上天下。唯我獨尊。當時若見一棒打殺。與狗子喫。貴圖天下太平。雪竇云。便與掀倒禪牀。

師云。雲門雪竇。要與釋迦老子把手共行。要且出他絳續不得。

舉國師三喚侍者。雪竇云。點即到。侍者三應。雪竇云。到即不點。將謂吾孤負汝。誰知汝孤負吾。雪竇云。瞞雪竇不得。雲門云。作麼生。是國師。孤負侍者。處會得。也是無端。雪竇云。元來不會。門云。作麼生。是侍者。孤負國師。處。粉骨碎身。未報得。雪竇云。無端無端。

師云。三喚負汝。三應負吾。蘇盧悉利。悉利。蘇盧雲門。粉骨碎身。雪竇赤心。片片總未報得。國師在。作麼生。報得。遂喚侍者。者應。喏。三十年後。不得孤負老僧。

復舉僧問。投子國師。三呼侍者。意旨如何。投子云。抑逼人作麼。雪竇云。垛根漢。師云。無陷。啄分。僧問。興化。化云。一盲引衆盲。雪竇云。端的。瞎。師云。又添一箇僧。問玄沙。沙云。侍者却會。雪竇云。停囚長智。師云。認奴作郎。僧問趙州。州云。如人暗中書字。字雖不成。文彩已彰。雪竇便喝。師云。彩奔。覲家僧問。雪竇。雪竇便打。師云。孟八郎漢。雪竇復頌云。師資會遇。意非輕。無事相將。草裏行負。汝負吾。俱莫問。任從天下競頭爭。師云。閑言。語有問育王國師。三呼侍者。意旨如何。

卽向他道。枯骨裏覓什麼髓。

舉僧問智門和尚。如何是佛。門云。踏破草鞋。赤脚走。僧云。如何是佛。向上事。門云。拄杖頭上挑日月。雪竇云。千兵易得一將難求。

師云。踏破草鞋。杖挑日月。一將難求。千車合轍。舉師祖問南泉。摩尼珠。人不識。如來藏裏。親收得。如何是如來藏。泉云。王老師與爾往來者。是藏。雪竇云。草裏漢。祖云。不往不來者。泉云。亦是藏。雪竇云。雪上加霜。祖云。如何是珠。雪竇云。嶮百尺竿頭。作伎倆。不是好手者。裏著得。箇眼。賓主互換。便能深入虎穴。或不潛麼。縱饒師祖。悟去。也是龍頭蛇尾漢。

師云。南泉順水張帆。雪竇逆風把柁。師祖前不構村。後不迭店。有問育王。王如何是如來藏。卽向他道。山斷疑無路。溪回別有村。如何是珠。向道看脚下。舉僧禮拜雪峰。峰打五棒。僧云。某甲有什麼過。峰又打五棒。雪竇云。雪竇不曾與人葛藤。前五棒日照天。臨後五棒雲騰。致雨。爾若辨得好。與五棒。師云。前五棒石牛欄古路。後五棒一馬生三寶。雪。

寶能區能別有賞有罰也好與五棒

舉馬大師令智藏馳書上徑山山接書開見一圓相於中下一點國師聞學云欽師猶被馬師惑雪竇云徑山被惑且致若將呈似國師別作箇什麼伎倆免被惑去有老宿云當時坐却便休亦有道但與劃破若與麼只是不識羞敢謂天下老師各具金剛眼睛廣作神通變化還免得麼雪竇見處也要諸人共知只者馬師當時畫出早自惑了也

師云一人居江西一人居浙西一人居南陽風馬牛之不相及因甚發一言惑亂天下人雪竇汗馬功高名不虛得育王敢問雪竇當時馬師圓相明什麼邊事

舉鏡清問僧趙州喫茶去爾作麼生會僧便出去清云邯鄲學唐步雪竇云者僧不是邯鄲人爲什麼學唐步若辨得出與爾茶喫

師云者僧出去是會不會雪竇道不是邯鄲人爲什麼學唐步殊不知者僧親從趙州來

舉僧問雲門如何是法身向上事門云向上與爾道

卽不難作麼生會法身僧云請和尚鑑門云鑑卽且致作麼生會法身僧云與麼與麼門云者箇是長遠牀上學得底我且問你法身還喫飯麼僧無語雪竇云將成九仞之山不進一簣之土過在什麼處

師云者僧當時待他道法身還喫飯麼只對道盡大地是飯和尚什麼處下口管取雲門倒退三千雪竇云將成九仞之山不進一簣之土在雲門分上在者僧分上

舉趙州訪茱萸纔上法堂萸云看蒲州亦云看箭萸云過州云中雪竇云二俱作家蓋是茱萸趙州二俱不作家箭鋒不相拄直饒齊發齊中也只是箇射垛漢

師云擊石火閃電光構得構不得未免喪身失命雪竇只眨得眼要識茱萸趙州麼憤從五鳳樓前過手握金鞭賀太平

舉臨濟與普化去施主家齋濟問毛吞巨海芥納須彌爲復是神通妙用爲復是法爾如然化踢倒飯牀濟云太龜生化云者裏是什所在說龜說細濟休去

至來日又同赴一施主齋。濟復問今日供養何似。昨日化叉。踢倒飯牀。濟云大龜生化云佛法說什麼龜細。濟吐舌。雪竇云兩個老賊喫飯也不了好。與二十棒。棒雖行且道那箇是正賊。

師云。普化用劒刃上事。臨濟只吐得舌。雪竇二十棒是賞是罰。

舉三角示衆云。若論此事。眨上眉毛。早是蹉過麻谷。出云。蹉過卽不問。如何是此事。角云。蹉過谷便掀倒。禪牀三角。便打雪竇云。兩箇有頭無尾。漢眉毛未曾眨上。說什麼此事。蹉過有僧問。眉毛爲什麼不眨上。雪竇便打。

師云。三角一滌之水。漲起際天之濤。瀾麻谷撥飲一口。吸乾不知浸爛鼻孔。雪竇不惜眉毛。要明此事。脚跟下浮逼逼地。

舉睦州喚僧。大德僧回首。州云。擔板漢。雪竇云。睦州只具一隻眼。何故者。僧喚旣回頭。因甚却成擔板。師云者。一片板。睦州擔一邊。雪竇擔一邊。總不干者僧事。

舉巖頭參德山。纔跨門便問。是凡是聖。德山便喝。巖頭便禮拜。洞山聞。舉云。若不是。龐公大難承。當巖頭云。洞山老漢不識好惡。我當時一手擡一手擲。雪竇云。然則德山門下草偃。風行要且不能塞斷人口。當時纔禮拜。劈脊便打。非唯勸絕洞山。亦乃把定。龐老還會麼。李將軍有嘉聲在。不得封侯也是閑。

師云。玉本無瑕。雕文喪德。

舉巴陵示衆云。祖師道不是風動。不是旛動。旛旛向什麼處。著有人與祖師作主。出來與巴陵相見。雪竇云。雪竇道風動旛動。旛旛向甚處。著有人與巴陵作主。亦出來與雪竇相見。

師云。一對無孔鐵鎚。

舉則川與龐居士摘茶次。士云。法界不容身。師還見我麼。川云。若不是老師。泊與龐公答話。士云。有問有答。蓋是尋常。川云。士云。適來莫恠相借問。麼。川云。亦不管。士喝云。者無禮儀。漢待我一一舉似明眼人去。在川拈茶籃便歸。雪竇云。則川只解把定封疆。不能同生同死。當時好與捋下幞頭。誰敢喚作龐居士。

師云。龐公得路便行。貪程太速。則川一言既出。驪馬難追。當時待佗道待我。一一舉似明眼人去。在只消道來日不得普請。非惟坐斷龐公。亦免雪竇生風起草。

舉僧問雲門。一言道盡時如何。門云。裂破雪竇彈指三下。

師云。好對春風唱鷓鴣。

舉僧問睦州。一言道盡時如何。州云。老僧在爾鉢裏裏雪竇呵呵大笑。

師云。牛頭南馬頭北。

舉本生和尚以拄杖示衆云。我若拈起爾。便向未拈起時作道理。我若不拈起。爾便向拈起時作主宰。且道老僧爲人在甚處。時有僧出云。不敢妄生節目。生云。也知閨梨不分外。僧云。低低處平之有餘。高高處觀之不足。生云。節目上更生節目。僧無語。生云。掩鼻偷香空招罪。犯雪竇云。者僧也。善能切磋。爭奈弓折箭盡。然雖如此。且本生是作家宗師。拈起也。天回地轉。應須拱手歸降。放下也。莫偃風行。必合全身遠害。

還見本生爲人處也。無復拈拄杖云。太平本是將軍致。不許將軍見太平。

師云。本生有擒有縱。有放有收。者僧擬透龍門。重遭點額。作麼生是弓折箭盡處。月似彎弓。少雨多風。

舉僧問雪峯。聲聞人見性如夜見月。菩薩人見性如晝見日。未審和尚見性如何。峯打三下。其僧復問。巖頭巖頭打三掌。雪竇云。應病設藥。且與三下。若據令而行。合打多少。

師云。夜見月是聲聞。見處晝見日是菩薩。見處雪峯打三下。是雪峯見處。巖頭打三掌。是巖頭見處。者僧爲什麼不會。雪竇據令而行。也是弄泥團。漢舉太原孚上座參雪峯。至法堂上。顧視雪峯。便下看知事。雪竇云。一千五百人作家宗師。被孚老一觀。便高豎降旗。孚至來日入方丈云。昨日觸忤和尚。峯云。知是般事。便休。雪竇云。果然僧問雲門作麼生。是觸忤處。門便打雪竇云。打得百千萬箇。有什麼用。處直須盡大地人喫棒。方可扶豎雪峯。且道太原孚具什

麼眼

師云。太原孚如龍得水。老雪峯似虎靠山。雲門截鐵斬釘。雪竇拖泥帶水。山僧要問雪竇作麼生。是雪峯高。豎降旗處。平蕪盡處。是青山。行人更在青山外。

舉安國問僧。得之於心。伊蘭作旃檀之樹。失之於目。甘露乃蒺藜之園。我要箇語。具得失兩意。僧豎起拳云。不可喚作拳頭。國云。只爲喚作拳頭。雪竇云。無繩自縛。漢拳頭也不識。

師云。安國膠柱調絃。雪竇敲空取響。直饒得失兩全。也是小兒伎倆。

頌古

舉梁武帝問達磨大師。如何是聖諦第一義。達磨云。廓然無聖。帝云。對朕者誰。達磨云。不識。帝不契。遂渡江至魏。頌曰。

廓然無聖。應病與藥。再言不識。盡情拈却。提起白玉。槌却是黃金鑿。十萬里西來。箇是當頭著。却留隻履。不將歸。至今挂在龍牀角。

舉趙州示衆云。至道無難。唯嫌揀擇。纔有語言。是揀擇。是明白。老僧不在明白裏。是汝還護惜也。無時有僧問云。旣不在明白裏。護惜箇什麼。州云。我亦不知。僧云。和尚旣不知。爲什麼。道不在明白裏。州云。問事即得。禮拜了退。頌曰。

至道無難。鐵壁银山。未明三祖意。難透趙州關。揀擇明白中。誰知黑似漆。却道我不知。重言不當吃。

舉馬大師不安院主問和尚。近日尊候如何。大師云。日面佛。月面佛。頌曰。

日面佛。月面佛。無位真人。赤骨律。嘉州大像。喫鹽多。陝府鐵牛。添得渴。渴阿刺刺。百川倒流。闊聒聒。

舉德山到瀉山。挾複子於法堂上。從西過東。邊從東過西。邊顧視云。無無。便出德山。至門首。却云。也不得草草。便具威儀。再入相見。瀉山坐次。德山提起坐具云。和尚。瀉山擬取拂子。德山便喝。拂袖而出。德山背却法堂。著草鞋。便行。瀉山至晚。問首座。適來新到在什麼處。首座云。當時背却法堂。著草鞋出去也。瀉山云。此子已後。向孤峯頂上。盤結草。

菴阿佛罵祖去在頌曰

德嶠馬前求厮撲。瀉山賊過後張弓。孤峯頂上相逢著。兩箇無毛老大虫。

舉雪峯示衆云。盡大地撮來如粟米粒。大拋向面。

前漆桶不會打鼓。普請看頌曰。

大地撮來如粟粒。雪峯老漢枉勞神。何如輟出三毬去。接取釣魚船上人。

舉雲門大師垂語云。十五日已前不問汝。十五日

已後道將一句來。自代云。日日是好日。頌曰。

日日是好日。全身在帝鄉。花衢并柳陌。遊子踏青忙。放牛桃林之野。歸馬華山之陽。不知何處是封疆。

舉僧問法眼。慧超咨和尚。如何是佛法眼云。汝是

慧超。頌曰。

清溪直截指根源。潮打空城浪拍天。大小慧超猶寐

語。却言我是酒中仙。

舉翠巖夏末示衆云。一夏已來爲兄弟說話。看翠

巖眉毛在麼。保福云。作賊人心。虛長慶云。生也雲

門云。關頌云。

翠巖長慶雲門保福舟中之人。自爲敵國眉毛落盡

又重生。鼻孔眼睛俱失却。

舉僧問趙州。如何是趙州。州云。東門南門西門北

門。頌曰。

東門南門西門北門。東風得意馬蹄疾。一日看盡長

安春。

舉睦州問僧。近離什麼處。僧便喝。州云。老僧被汝

一喝。僧又喝。州云。三喝四喝後。作麼生。僧無語。州

便打云。這掠虛漢。頌曰。

金剛寶劍鋒銚鈍。踞地狻猊也只寧。不是將軍誇好

手。幾乎打破睦州城。

舉黃蘗和尚示衆云。汝等諸人。盡是唾酒糟漢。與

麼行脚。何處有今日。還知大唐國裏無禪師麼。時

有僧出云。只如諸方。匡徒領衆。又作麼生。蘗云。不

道無禪。只是無師。頌曰。

大唐國裏無禪師。唾酒糟漢河沙數。十二峯前老古

錐。參天荆棘無行路。咄。

舉僧問洞山。如何是佛。山云。麻三斤。頌曰。

當頭一句沒商量。有藝從來壓當行。拈出雲門乾屎。概半斤八兩恰相當。

舉僧問巴陵。如何是提婆宗。巴陵云。銀碗裏盛雪。頌曰。

銀碗裏盛雪。宗師見不差。西天多此種。東土數如麻。擒虎兇。辨龍蛇。眼裏何曾著得沙。

舉僧問雲門。如何是一代時教。門云。對一說。頌曰。對一說。沒謂訛。寒山逢拾得。撫掌笑呵呵。呵呵笑。長汀。慈布袋。到頭不識。將摩訶。

舉僧問雲門。不是目前機。亦非目前事。時如何。雲門云。倒一說。頌曰。

倒一說。太分明。達者須知暗裏驚。黑白未分前一著。五湖風月有誰爭。

舉僧問鏡清學人。啐請師。啄清云。還得活也。無僧云。若不活。遭人恠笑。清云。也是草裏漢。頌曰。

棒喝交馳。猶是鈍當機。啐啄亦奚爲。曾爲浪子偏憐。客自愛。貪盃惜醉兒。

舉僧問香林。如何是祖師西來意。林云。坐久成勞。

頌曰。

坐久成勞。趣味長。藥因經驗始傳方。分明指出西來意。不比諸方孟八郎。

舉肅宗帝問忠國師。百年後所須何物。國師云。與老僧作箇無縫塔。帝曰。請師塔樣。國師良久云。會麼。帝曰。不會。國師云。吾有付法弟子。耽源却諳此事。請詔問之。國師遷化。後肅宗帝詔耽源。問此事。如何。源云。湘之南潭之北。中有黃金充一國。無影樹下。合同船。瑠璃殿上。無知識。頌曰。

團團無縫本天眞。突出當陽見未親。除却耽源有誰會。大唐天子只三人。

舉俱胝和尚。凡有所問。只豎一指。頌曰。俱胝一指頭。上下皆周匝。把住與放行。十方風颯颯。藥因救病出。金餅劍爲不平離寶匣。

舉龍牙問翠微。如何是祖師西來意。微云。與我過禪板來。牙取禪板。與翠微。微接得。便打牙云。打即任打。要且無祖師意。又問。臨濟如何是祖師西來意。濟云。與我過蒲團來。牙取蒲團。與臨濟。濟接得。

便打牙云打卽任打要且無祖師意頌曰

仁者見之謂之仁智者見之謂之智百尺竿頭坐底人鳳棲不在梧桐樹

舉僧問智門蓮花未出水時如何智門云蓮花僧

云出水後如何智門云荷葉頌曰

出水何如未出時宗師直截爲提持幾多拾翠尋芳者問著依然總不知

舉雪峰示衆云南山有一條鸞鼻蛇汝等諸人切

須好看長慶出云今日堂中太有人喪身失命僧

舉似立沙沙云須是稜兄始得然雖如此我卽不

與麼僧云和尚作麼生沙云用南山作麼雲門以

拄杖攬向雪峰面前作怕勢頌曰

南山鸞鼻蛇多年死葛怛諸子竟出來弄得活鸞

一人擊其頭十方世界風颼颼一人擊其尾等閑平

地風濤起一人擊其中風從虎兮雲從龍至今象骨

峯前路寄語行人須照顧

舉保福長慶遊山次福以手指云只者裏便是妙

峯頂慶云是卽是可惜許後舉似鏡清清云若不

是孫公便見觸髅徧野頌曰

妙峯孤頂行人少兩兩三三同入草無端踢出百花毬驚得觸髅師子吼

舉劉鐵磨到滄山山云老牯牛汝來也磨云來日

臺山大會齋和尚還去麼山放身臥磨便出去頌

曰

將牛雖老未摧顏朝往臺山暮卽回我困欲眠卿且去明朝有意赴齋來

舉蓮花峯菴主拈拄杖示衆云古人到者裏爲什

麼不肯住衆無語自云爲佗途路不得力復云畢

竟如何又自云柳標橫擔不顧人却入千峰萬峰

去頌曰

宏機突出振綱宗柳栗橫擔入亂峯石裂崖崩路頭

絕蓮花十丈照天紅

舉僧問百丈如何是奇特事丈云獨坐大雄峯僧

禮拜丈便打頌曰

扁舟汎五湖鐵網拂珊瑚不入驚人浪難逢稱意魚

舉僧問雲門樹凋葉落時如何門云體露金風頌

曰

樹凋葉落體露金。風鶴歸華表。鴈過長空。回首妙高何處。是巍巍屹立白雲中。

舉南泉參百丈。涅槃和尚丈問。從上諸聖還有不爲人說底法麼。泉云。有丈云。作麼生是不爲人說底法。泉云。不是。心不是。佛不是。物丈云。說了也。泉云。某甲只與麼和尙作麼生。丈云。我又不是善知識。爭知有說不說。泉云。某甲不會。丈云。我太煞爲汝說也。頌曰。

爲人不說說不爲人。南泉少喜百丈多。嗔箇箇皮下有血。阿誰眼裏無筋。王老師太惺惺。掣斷金鎖天麒麟。

舉僧問大隨。劫火洞然。大千俱壞。未審者箇。壞不壞。隨云。壞僧云。與麼則隨他去也。隨云。隨佗。頌曰。大千一火洞然空。突出無牙老大虫。剔起衲僧三角眼。重來無處覓行蹤。

舉僧問趙州。承聞和尚親見南泉。是否。州云。鎮州出大蘿蔔頭。頌曰。

鎮州蘿蔔無根。無蒂。塞斷咽喉。何處出氣。趙州親見老南泉。釋迦不受然燈記。

舉麻谷持錫到章敬。遶繩牀三匝。振錫一下。卓然而立。章敬云。是是。麻谷又到南泉。繞繩牀三匝。振錫一下。卓然而立。泉云。是不是。谷云。章敬道是和尙爲什麼道不是。泉云。章敬即是。是汝不是。此是風力所轉。終成敗壞。頌曰。

是是不是不是。兩處親曾著賊來。思量冷地空。陡氣笑倒東村李大哥。翻身便解瞞良遂。

舉定上座問臨濟。如何是佛法大意。濟下繩牀。擒住與一掌。便托開。定竚立。傍僧云。定上座何不禮拜。定方禮。忽然大悟。頌曰。

黃蘗堂前遭痛棒。却來屋裏販揚州。累他多少旁觀者。覩著通身冷汗流。定上座太風流。但得五湖明月在不愁。無處下金鉤。

舉陳操尙書看資福。福見來。便畫一圓相。陳操云。弟子恁麼來。早是不著。便更畫圓相。資福便掩却門。頌曰。

賊來須打客來看何用重重緊著關不是機先能辨的主賓雖好不相安

舉仰山問僧近離甚處僧云廬山仰山云曾到五老峯麼僧云不曾到仰山云闍黎不曾遊山雲門云此語皆爲慈悲之故有落草之談頌曰

不到廬山不是僧元來五老不曾登仰山蓋爲慈悲故帶累韶陽草裏行

舉文殊問無著近離甚處著云南方殊云南方佛法如何住持著云末法比丘少奉戒律殊云多少衆著云或三百或五百著問此間如何住持殊云凡聖同居龍蛇混雜著云多少衆殊云前三三後三三頌曰

前三三與後三三數目分明不用參回首夕陽歸路遠壁開千嶂出烟嵐

舉長沙一日遊山歸至門首首座問和尚什麼處去來沙云遊山來座云到什麼處來沙云始隨芳草去又逐落花回座云大似春意沙云也勝秋露涕芙蓉頌曰

狹路相逢著家風盡展開始隨芳草去又逐落花回首座增光彩長沙與末灰芙蓉滴秋露衲子莫相猜舉盤山垂語云三界無法何處求心頌曰

三界無法何處求心俗人沽三升酒此地無二兩金少林冷坐成何事山未爲高海未深

舉風穴在郢州衙內上堂云祖師心印狀似鐵牛之機去卽印住卽印破只如不去不住印卽是不印卽是時有盧陂長老出問某甲有鐵牛之機請師不搭印風穴云慣釣鯨鯢澄巨浸却嗟蛙步驟泥沙陂岸思穴喝云長老何不進語陂擬議穴打一拂子云還記得話頭麼試舉看盧陂擬開口穴又打一拂子牧主云將知佛法與王法一般穴云見箇什麼牧主云當斷不斷返招其亂穴便下座頌曰

從來好語不消多獨許盧陂是作家慣釣鯨鯢澄巨浸却嗟蛙步驟泥沙擒虎兇辨龍蛇誰在畫樓沽酒處相邀來喫趙州茶

舉僧問雲門如何是清淨法身門云花藥欄僧云

花藥欄金獅子。雲從龍風從虎雪老輓毬禾山打鼓。
甜者甜兮苦者苦

舉陸亘大夫與南泉語話次。夫云肇法師道。天地同根。萬物一體也。甚奇。惟南泉指庭前花召大夫云。時人見此一株花如夢。相似頌曰。

天地同根萬物一體。癩馬繫枯椿。黑牛臥死水。王老
師太多。觜與渠拈却。眼中花無限。風流出當家。

舉趙州問投子。大死底人。却活時如何。投子云。不許夜行。投明須到。頌曰。

大死却活。是精識精投。明須到不許夜行。不是與人難共住。大都緇素要分明。

舉龐居士辭藥山。山命十人禪客相送。至門首。士指空中雪云。云好雪。片片不落別處。時有全禪客云。落在什麼處。士打一掌。全云居士也不得草草。士云。汝恁麼稱禪客。闍老子未放汝在全云。居士作麼生。又打一掌。云眼見如盲口說如啞。頌曰。送別連將兩掌施。得便宜是落便宜。朔風吹雪漫空。

舉僧問洞山。和尚寒暑到來。如何回避。山云。何不向無寒暑處。僧云。如何是無寒暑處。山云。寒時寒殺。闍黎。熱時熱殺。闍黎。頌曰。

舉禾山垂語云。習學謂之聞。絕學謂之隣。過此二者。是爲眞過。僧出問。如何是眞過。山云。解打鼓。問。如何是眞諦。山云。解打鼓。問。卽心卽佛。卽不問。如何是非心非佛。山云。解打鼓。問。向上人來。如何接。山云。解打鼓。頌曰。

堪唉禾山老。從來愛撒沙。只言解打鼓。不會弄琵琶。
直下蒼龍窟。還經蠱毒家。祕魔巖上叟。隨例也擎杈。
舉僧問趙州。萬法歸一一。歸何處。州云。我在青州。
作一領布衫。重七斤。頌曰。

青州布衫重七斤。何似鎮州大蘿蔔。七百甲子老禪和。斷絃誰把鸞膠續。

舉鏡清問僧門外什麼聲僧云雨啼聲清云衆生顛倒迷已逐物僧云和尚作麼生清云泊不迷已

僧云。泊不迷已。意旨如何。清云。出身猶可。易脫體。

道應難頌曰。

丫鬟女子。語如癡。終日無心理。織機化作山頭望夫石。不知郎去幾時歸。

舉僧問雲門。如何是法身門。云。六不收頌曰。

白雲出沒太虛中。一片西兮一片東。昨夜擡頭看北斗。扶桑那畔日輪紅。

舉王太傳入招慶煎茶時。朗上座與明招把鉢。朗醃却茶鉢。太傳見朗上座茶爐下。是什麼。朗云。捧爐神。太傳云。既是捧爐神。為什麼翻作茶。朗云。仕官千日失。在一朝。太傳拂袖便去。明招云。朗上座。喫却招慶飯了。却江外打野樵。朗云。上座作麼生。招云。非人得其便。頌曰。

舉不顧即差。互打翻茶鉢。捧爐神拂袖便行。王太傳獨眼龍朗上座。陽春白雪無人。和終日茫茫打野樵。笑殺嵩山破竈爐。

舉三聖問雪峰。透網金鱗未審。以何爲食。峯云。待汝出網來。向汝道。望云。一千五百人善知識話頭。

也不識峯云。老僧住持事煩。頌曰。

雪老太風流。峯頭駕鐵舟。古帆曾未挂。重整釣鰲鉤。橫海鯨方至。攔江網已收。有時乘好月。特地過滄洲。舉僧問雲門。如何是塵塵三昧門。云。鉢裏飯桶裏水。頌曰。

盂裏飯桶裏水。渴飲飢食。東倒西起。行脚師僧。幾箇知靈蹤。不在猿啼處。

告香普說

□□□□編

鐘樓上念贊。牀脚下種菜。荊棘林中。是什麼人行履。兩箇泥牛。闌入海。無位真人。因甚領頭汗出。達磨不來。東土二祖不往。西天祖師。鼻孔長多少。山僧適來垂此三轉語。若不是堂中第一座。具人天眼目。出來證明。未免一場懨懨。須知衲僧頂額上一著子。如十日並照。輝天鑑地。耀古騰今。何曾有一絲毫許。障礙得他。所以大覺世尊。初生下。來便道。天上天下。唯吾獨尊。已是明明白白。地說向諸人了也。一大藏教。一千七百陳爛葛藤。總是爲蛇畫足。後代兒孫。承虛接。

響不能一刀截斷。致使三百五百闊浩浩地者。邊商量那邊卜度。莫不隨佗脚跟後轉。若是英靈上士。如金翅摩海。直取龍吞千人萬人羅籠。不住做箇滅胡種草。豈不快哉。何用山僧向曲柔牀上。搖唇鼓舌說黃道黑。成得什麼事。今時兄弟出來。多是覓佛覓法。覓禪覓道。覓菩提涅槃。真如解脫。不肯退步。向衣單下。嘿嘿體究。何不放教身心蕩蕩地。閑閑地。胃中不留一箇元字。脚久久自然相應。若是人我山高。是非鋒起。爲五欲八風之所搖撼。求其到大安樂大休歇之地。不亦難乎。設有一箇半箇。向髑髏前認得箇昭昭靈靈底。便道。獼猴佩一面古鏡。狸奴有萬里神光。有底遠得古人些子。殘光剩影。便道不離當處常湛然。覓即知君不可見。似則也。似是則未是有底。但於理性上。明將來聲色中透出去。謂之綿絲密密不漏絲毫。純是真空。更無別法。如斯見解。未出常情。勘證將來白雲萬里。所以道向上一路。千聖不傳。學者勞形如猿捉影。只如靈山會上。世尊拈一枝花。是時百萬之衆。智如鶩子。辯若滿慈。尙乃茫然不知落處。直

饒金色頭陀。破顏微笑也。未夢見教外別傳底意旨。在缺齒老胡十萬里得得。西來面壁九年。二祖禮三拜起來。依位而立。喚作汝得吾髓。且莫誑謬別人。好。自餘德山臨濟趙州雲門天下老和尚。用盡自己查。桐總是平地生堆。無風起浪。點檢將來。各人脚跟下。好與爛樵一頓免。見教壞人家男女兄弟。若非真正。要了辦生死大事。捋得十年二十年工夫。全身放下。靠一本色宗匠。與之決擇。如金在鑛中。入其爐鞴。受其鉗鎚。千鍛萬煉。去其鑛穢。則金之本體自然現前。又如清淨摩尼寶珠。處塵勞中。忽遇智人指出。去其塵垢。則珠之本體光明。頓然發現。而此金珠乃是當人本有之體。非假外求。但經敏手煅煉磨瑩出來。則其本地風光。何曾欠少。不見靈雲和尚三十年做工夫。一日見桃花豁然契悟。乃有頌云。三十年來尋劍客。幾回葉落又抽枝。自從一見桃花後。直至于今更不疑。且道不疑箇什麼。舉似瀉山懶安和尚。瀉山云。從緣入者。永無退失。冬瓜印子。又舉似玄沙。沙云。諦當甚諦當。敢保老兄未徹。在一手不獨拍。兩手鳴。擗

擱東山五祖云說甚未徹更參三十年始得利動君子雪竇頌云本無迷悟數如麻獨許靈雲是作家借問遍參諸祖客不知何處見桃花金屑雖貴落眼成翳山僧亦曾有一頌桃花開日好風光引得遊人煞著忙劍客不知何處去令人長憶謝三郎靈雲住後長生問云混沌未分時如何雲云露柱懷胎生云分後如何雲云如片雲點太清生云未審太清還受點也無雲不對生云恁麼則舍生不來也雲亦不對生云直得純清絕點時如何雲云猶是真常流注生云如何是真常流注雲云似鏡常明生云向上還有事也無雲云有生云如何是向上事雲云打破鏡來與汝相見還識靈雲麼金鏃慣調曾百戰鐵鞭多力恨無譬又有香嚴和尚在瀉山會下一日瀉山問云聞子在百丈先師處問一答十問十答百只今向父母未生已前道將一句來香嚴茫然無對將平生所閱底文字檢尋並無一言可以酬對遂歎云盡餅不可充飢屢請瀉山爲說破瀉山云我若向汝說佗日眼開罵我去在香嚴云此生不學佛法也且作個長行

粥飯僧看他大力量人只者一個全身放下千佛出世也不奈何于今要討一箇長行粥飯僧也無討處直抵南陽卓菴一日芟除草木瓦礫擊竹作聲廓然大悟畢竟箇什麼且道與靈雲見桃花相去多少一對無孔鐵鎚遽歸沐浴焚香遙拜瀉山曰和尚大悲恩逾父母當時若爲我說破豈有今日事耶者漢和骨頭一時換了仍述一偈云一擊忘所知更不假修持動容揚古路不墮峭然機處處無蹤跡聲色外威儀諸方達道者咸言上上機將謂有多少奇特徑歸瀉山具陳所解瀉山云今日方知吾不汝欺也何不與本分草料一日仰山問云聞師弟有悟道頌試舉看香嚴遂舉前偈仰山云此是閑時構置底未爲極則太煞減人威光香嚴再舉一偈云去年貧未是貧今年貧始是貧去年貧有卓錫之地今年貧雖也無不因夜來鴈爭見海門秋仰山云如來禪許你會祖師禪未夢見在鐵蒺藜轉弄轉危香嚴又呈一偈吾有一機瞬目視伊若也不會別喚沙彌白雪陽春不同調仰山云且喜師弟會祖師禪孟八郎漢又

怎麼去香嚴住後示衆云。如人在千尺懸崖口。嚼樹
枝。手無所扳。脚無所踏。樹下有人問。西來意。不答。則
違。佗所問。若答。佗則喪身失命。當恁麼時。如何。卽是
香嚴旁。若無人。發此一問。不妨奇特。時有虎頭上座
云。上樹卽不問。未上樹。請和尚道也好。一拶香嚴呵
呵。大咲。若人知得此咲。咲須三十年。雪竇拈云。樹上
道。卽易。樹下道。卽難。老僧上樹也。置將一團來。懸羊
頭。賣狗肉。殊不知香嚴坐籌帷幄之中。決勝千里之
外。虎頭上坐。見賞。佗大膽向飢鷹爪下。分食。猛虎口
中。奪肉。若不是作家。宗匠。泊被打破。蔡州還。識香嚴
麼。三千劍客。今何在。獨許莊周。政太平。你兄弟家出
一葉林。入一保社。撥草瞻風。尋師訪道。還曾如靈雲
真到不疑之地。一回麼。還如香嚴一擊。忘所知。麼有
底道。聲色頭上坐。聲色頭上臥。有底道。聲不是。聲色
不是。色有底道。聞聲悟道。見色明心。有底道。青青翠
竹。總是眞如。爛爛桃花。無非般若。如斯理論。闍羅老
子。未放你過在巖頭。和尚云。若欲播揚大教。一一從
自己胷中流出。將來與我蓋天蓋地去。始得。山僧蓋

尸此席。無補宗門。現前一衆。總是頑德。耆年諸方龍
象。挽回上古風規。舉行萊林盛典。非圖後來有所聞
見。亦使法道不致寂寥。諸人既具鐵眼銅睛。山僧安
敢妄通消息。適來所舉。數則因緣。總是古人煎過藥
渣。嚼了殘飯。有什麼滋味。可以嘔咲。雖然。忽於無滋
味中。蹉口。嚙却舌頭。也難得。山僧更與汝舉箇古話。
僧問馬大師云。和尚爲什麼。道卽心卽佛。大師云。只
爲止兒啼。僧云。啼止後如何。大師云。非心非佛。僧云。
除此外如何。指示大師云。不是心。不是佛。不是物。今
時兄弟。才見舉箇卽心卽佛。便把作尋常說話。才舉
箇麻三斤。乾屎橛。杖林山下。竹筋鞭。以至釣絲。絞水
鋸。解秤鎚。新婦騎驢。阿家牽三脚驢。子弄蹄行。如此
之類。便作玄妙奇特商量。若作玄妙奇特商量。入地
獄。如箭射。若作平常說話。入地獄。如箭射。佛鑑勲和
尚頌云。美如西子。離金閣。嬌似楊妃。倚玉樓。猶把琵琶
半遮面。不令人見。轉風流者。箇頌子作平常說話。
得麼。作玄妙奇特商量得麼。又北山隆和尚頌云。卽
心卽佛。有水有竹。屋使好。非心非佛。不襪不冠。身自

出不是心不是佛不是物。閑倚闌干立清曉。紅芭蕉引碧牽牛者。箇頌子作平常說話。得麼。作玄妙奇特商量得麼。又靈山昭和尙云。即心即佛。嘉眉杲闍裏有狀非心。非佛。箇袁虔吉。頭上插筆。不是心。不是佛。不是物。漳泉福建頭匾似扇。只可聞名。不可見面。這箇頌子作平常說話。得麼。作玄妙奇特商量得麼。具眼禪流。試定當看。諸人二六時中。忽然一拳打破。虛空方知三世諸佛。寐語六代祖師。寐語天下老和尚。寐語何山寐語久立衆。慈伏惟珍重。

中夏普說古人道。我若真正舉揚。直須法堂前草深一丈。始得誠哉是言。豈不見魯祖凡見僧來。便面壁南泉聞云。我尋常向師僧道。向佛未出世時。會取尙不得。一箇半箇。他與麼驢年。去看他古人。恁麼說話。蓋是奈何不得。諸人既是按下雲頭。山僧與你通一線路。諸兄弟。我不敢輕於汝等。汝等皆當作佛。我不敢輕於汝等。汝等皆當作佛祖。佛與上座不別。爲什麼不別。只是見處不別。你擬心作佛。作祖。喚作望上心不息。正是生死根本。出家行脚。本爲出離生死。生

死作麼生。離纔入門來。便道生死事大。無常迅速。是你擬欲脫他生死。日中還逃得影麼。二乘厭生死。如桎梏菩薩。於生死而不捨。永嘉初見曹溪。道箇生死事大。無常迅速。六祖云。何不體取無生了。無速乎。永嘉云。體卽無生了。本無速。六祖云。子甚得無生之意。永嘉云。無生豈有意耶。六祖云。無意誰當分別。永嘉云。分別亦非意。看佗師資緣會。針芥相投。正去偏來。明投暗合。著著有出身之路。此是天下第一箇行脚。見人底標準。如今兄弟也。依樣道箇生死事大。無常迅速。及乎問。佗喚什麼作生死。喚什麼作無常。便卽機穽。既不能如金翅摩海。香象渡河。直須晝三夜三。密密體究。擄取一生兩生。以至多生。全體放下。如癡如兀。忽然洗面。摸著鼻孔。不爲難事。你若一暴十寒。者邊游州獵縣。那邊玩水觀山。愛名被名縛。愛利被利縛。愛佛法被佛法縛。愛善知識被善知識縛。愛超佛越祖。被超佛越祖縛。你若總不愛被總不愛縛。初機兄弟。又不可無明師善友相與策渡。至于大達之地。如雪峯三登投子。九上洞山。後於澧州鰲山。店上。

打破漆桶皆巖頭策發之功也。雪峯與巖頭同到鰲山阻雪巖頭只是打睡。雪峯一向坐禪。一日喚巖頭云。師兄。師兄。且起來。巖頭喝云。瞌睡去。每日牀上坐。恰如七村裏土地。他時異日。魔魅人家男女。去在峯點。曾云。某甲者裏實未穩。在不敢自謾巖頭云。我將謂你。佗後向孤峯頂上盤結草菴。播揚大教。猶作箇語話。峯云。某甲實未穩。在巖頭云。若實如此。據你見處。一一通來。是則與你證明。非則與你剗却。峯云。某甲初到鹽官。聞舉色空。義得箇入處。頭云。此去三十年。切忌舉著。峯云。因看洞山過水頌。有箇省處。頭云。若恁麼自救。也不了。峯云。後因問德山。從上宗乘中。事學人還有分也。無。山打一棒云。道什麼。我當下如桶底脫相似。巖頭震威一喝云。豈不聞道。從門入者。不是家珍。雪峯是箇沒量大人。他從前許多所得。不自珍惜。堅謂未穩。誠知佛法不是小事。及乎被巖頭揣盡家私。拶向萬仞崖頭。伎倆已盡。途路已窮。時節已至。曠劫未明之事。將及現前。却問他後如何。巖頭向者裏放開。啐啄同時。眼施出。啐啄同時。用輕輕與

佗一推向道。他後若欲播揚大教。須一一從自己。曾襟流出。將來與我蓋天蓋地去。雪峯不覺全身落在萬仞崖下一點氣息也。無却甦醒起來。跳下禪牀云。師兄。今日始是鰲山成道。今日始是鰲山成道。巖頭若向者裏。更與本分草料。雪峯光明盛大。豈止於此。佛眼和尚頌云。鰲山成道。足人傳莫。是從來話未圓。賴有玄沙知始末。遍身紅爛在魚船。若明得者。一頌便識得巖頭。雪峯舌頭落處。還丹一粒。點鐵成金。至理一言。轉凡成聖。此是天下第一箇行脚親近師友底標準。雪峯住後。示衆云。南山有一條鰲鼻蛇。汝等諸人。切須好看。又云。盡大地撮來。如粟米粒大。拋向面前。漆桶不會打鼓。普請看。又云。盡大地是箇解脫門。把手拽不入。且道者些消息。從甚處得來。要且不得。三登九到處。得來不從德山棒下得來。不從巖頭道。一一從自己。曾襟流出。蓋天蓋地處。得來久參。宿衲未學。先知後學。初機卒難洞曉。灼然此一段奇特大事。無非無量劫來熏習。般若種子。純熟豈可造次便欲到他古人田地。大覺世尊於三大阿僧祇劫。修

行然後萬德功圓。方成正覺的非容易。又不可見與麼道。便乃自生退怯。汝若具大信根。有大力量。發大志願。於一念頃。頓入不思議。無功用廣大法門。如蛟龍得一滯之水。便能興雲布雨。浹洽大地。枯槁。此是決定底事。誠不虛也。參玄上士。行脚高流。既來妙峯山中。度夏不可道學。禪學道妙峯無禪道。可學不可道。問古問今。妙峯無今古。可問不可將。古人言句。記持以當本參。佗古人殘涎剩唾。泥汝心田。臆月三十日。總不得力。設有平生參得學得。講明得悟得。總是癡狂外邊走。自己分上。有何干涉。衆中有久參兄弟。聞山僧與麼說話。出來掀倒禪牀。喝散大衆。豈不有些衲僧氣息。既無其人。山僧再舉一則古話。首山和尚。一日侍風穴和尚。次風穴垂淚云。不幸臨濟之道。至吾將墜於地。首山云。覩此一衆。豈無人耶。風穴云。聰敏者多。見性者少。首山云。如某者如何。風穴云。吾雖望子之久。又恐耽著法華。不能放捨。首山云。此亦可事。願聞其要。於是風穴上堂。舉世尊以青蓮目。顧視迦葉。正當與麼時。且道說箇什麼。若道不說而說。

又是埋沒先聖。且道說箇什麼。首山便下去。侍者云。念法華何不祇對和尚。風穴云。佗會也。次日。首山與真園頭上來。穴問云。作麼生。是世尊不說說。真云。鴉鳩樹頭。歸意在麻舍裏。穴云。你作許多癡福。作麼何不體究。言句。穴却問首山。你作麼生。首山云。動容揚古路。不慍俏。然機穴顧真園頭云。你何不看念法華下語。大衆風穴老人垂手處。直向靈山會上。與釋迦老子把手共行。若非首山直下承當。佛法豈到今日。在今臨濟兒孫。遍滿天下。咸臨濟宗者。果何人耶。是事且止。只如長夏已過。太半狗子無佛性。話還透得也未若也。未明且莫虛過時。光急著精彩。始得五祖和尚。道老僧尋常。只舉箇無字。便休。若透得者。無字天下人不奈你。何五祖又有頌云。趙州露刃。劍寒霜光。焰焰更擬問如何。分身作兩段。密菴老祖頌云。狗子無佛性。殺人便償命。苦痛百千般。因邪却打正。又古德頌云。狗子佛性無。虎在三叉口。跳上驀腰騎。不用東西走。若向五祖言下。悟去堪與佛祖爲師。若向密菴言下。悟去堪與人天爲師。若向古德言下。悟去。

堪與學者爲師。諸人若透得者。一箇無字。趙州老漢。倒退三千。狗子還有佛性也。無但恁麼參。時熱珍重。朝廷金山寺建水陸會。普說僧問。堯仁蕩蕩如天闊。舜德淵淵似海深。法施門開無壅塞。三途八難盡超升。朝宰臨筵請師說法。師云。天無私。蓋地無私。載進云。梁武製文於曩日。我皇今日再敷揚。師云。聖人無兩心。進云。昨日金鑒明。碧落今朝法鼓震。玄音師云。見聞明歷歷。我法妙難思。進云。與麼則皇道與佛道並行也。師云。知恩方解報恩。師乃云。如來往昔爲衆生脩治法海無邊行。有如沛澤清炎。暑普滌衆生煩惱熱。所以乘大悲願力。示現世間爲三界大師。四生慈父。如優曇華時一現。爾或於一毫端現寶王刹。坐微塵裏。轉大法輪。或爲轉輪聖王。王四天下。千子圍繞。七寶莊嚴。壽八萬歲。飛行自在。所向無礙。其國豐樂。人民熾盛。威德特尊。無有爲比。是皆大悲願力中之所發現。所以道大悲願力。猶如大海甚深。無底。大悲願力如太虛空。廣大無際。大悲願力如大日輪。升于虛空。大悲願力如須彌山。普雨衆寶。大悲願力如

如意珠。滿衆生願。大悲願力如世明鑒。普照一切。大悲願力猶如高蓋。普蔭群生。我佛如來以大悲心而爲體。因於衆生而起大悲。因於大悲生菩提心。因菩提心成等正覺。譬如曠野之中有大樹。王根若得水。枝葉花果悉皆繁茂。菩提樹王亦復如是。一切衆生而爲樹根。諸佛菩薩而爲花果。若諸菩薩以大悲水饒益衆生。則能成就諸佛智慧。花果若諸菩薩以大悲心饒益衆生。則能成就阿耨菩提。是故菩提屬於衆生。若無衆生。一切菩薩終不能成。無上正覺。故我大元佛心。聖主與釋迦如來轉輪聖王同一根本。同一枝葉。亦乘大悲願力。示現世間作大國王。爲世界主。允文允武。克哲克明。玉展垂衣。視四海衆生如赤子。金輪統御。攝十方刹土爲一家。具十地菩薩之身心。超四輪王之壽量。萬幾之暇。留心佛法。以正法治民。故佛教倍前光明熾盛。以大悲心饒益衆生。開甘露門。廣度群品。由是於楊子江建金山萬僧之海會。脩水陸無礙之大齋。披閱五千四十八卷之尊經。講演教禪直指難思之妙法。以百億日月而爲燈燭。使

一切衆生得證光明三昧門故。以百億須彌而爲香。饌使一切衆生悉皆飽滿得證法喜禪悅樂故。以百億香水海而爲醍醐酥酪。使一切衆生頓息飢虛。得入如來清淨法海故。以百億四天下七寶而爲布施。使一切衆生永離貧苦。皆得如意富樂故。以過現未來百千萬億恒河沙微塵數諸佛菩薩而爲眷屬。使一切衆生得依怙善知識故。以三千大千世界而爲經卷。使一切衆生常經如是經故。上窮有頂下極空輪。若幽若顯咸脫於苦輪。曰天曰人皆承其恩力莫不皆從。

佛心聖主清淨微妙大悲願力中之所流出上合諸佛本覺妙心下與一切衆生同一悲仰以此祝聖壽壽如妙高不動之山以此延聖福福等華藏甚深之海以此治國家則民康物阜以此平天下則海晏河清百億劫之罕逢十方國之希有何異釋迦出世彌勒降生恒河沙界盡入提封九十六種咸歸正化巍巍乎蕩蕩乎不可得而稱量不可得而思議只今君臣慶會佛法光揚知恩報恩作麼生道兩輪

日月無私照一統乾坤樂太平 復舉梁武帝夢神僧告曰六道四生幽囚者衆何不建水陸大齋而濟拔之帝既寤詔十大高僧披尋大藏撰成儀文始於金山建此大會於初夜分悉停燈燭帝親臨筵禱曰若此儀文理協聖凡願我拜起燈燭自明如未符聖意燭暗如故帝一拜燈燭皆明二拜宮殿震動三拜天雨寶花當時靈異不可勝數至於歷代脩建顯驗猶多當今

佛心天子以梁武之心爲心特降 御香七寶綵段脩設齋供建此大會宰相百官光臨法會諸山碩德共闡玄音凡聖混融人天交接直得娑竭羅龍王從海涌出親獻寶珠天帝釋空中雨花殷勤贊嘆上來臣僧升于寶座舉唱宗乘所萃鴻因端用祝延天筭復成一偈堯眉八采輝寰宇舜目重瞳照四方紫金山頭日卓午大千沙界仰恩光

法語

示行侍者

古來本色衲子尋師訪道決擇此事須得明師善友

切磋琢磨日漸月漬自然超群拔萃千人萬人羅籠不住方堪爲種草雪峰三登投子九上洞山於德山棒下如桶底脫至鰲山店上跳下禪牀云今日始是鰲山成道雪峰如吞舟之魚搖乾蕩坤振鬣擺尾若不得巖頭震燒尾之雷電而欲過禹門其可得乎師友琢磨之功信不誣矣後來建大道場一千五百龍象圍繞光明盛大若揭日月焉雲夢之竹天下之勁不矯揉羽筭則不能以入堅棠溪之金天下之利不鎔範砥礪則不能以擊強其斯之謂泉南行侍者與巖頭雪老同一生緣偏參閩浙諸大尊宿既親近明師友何患乎所得不深所見不廣欲還故里省親來求警策因謂之曰父母非我親誰是最親者諸佛非我道誰是最親者這裏下得轉語不妨衣錦還鄉其或尙涉途程直須如眞覺祖師跳下禪牀時一回方爲究竟勉之勉之

示阜上人

終日喫飯未嘗咬著一粒米終日著衣未嘗挂著一縷絲我與麼道早是龜毛長數丈了也你若攀緣不

息妄想馳求覓佛覓法覓禪覓道大似緣木求魚刻舟求劍直須二六時中不依倚一物則自然虛而靈寂而妙喚作無依道人又謂之金剛正體又謂之頂王三昧隨處作主遇緣卽宗朝往西天暮還東土有什麼過阜上人坐夏山中來求警策書此示之

示寶維那

古人三登投子九上洞山爲什麼事玄沙不出嶺保壽不渡河又作麼生古今無異達者同途良驥追風何勞鞭影不見古靈和尚告其師曰靈光洞耀迥脫根塵體露眞常不拘文字心性無染本自圓成但離妄緣卽如如佛者箇是參方歸省師資和契底千古鑑豈似如今隨群逐隊推磨行脚增長無明虛延歲月者又將何面目以見其師耶閩中寶維那歷徧百城一斑未露明日還鄉省師當如古靈作大獅子吼不妨暢快平生何山聞得焚香爲汝證明此事終不虛也

示成上人

人人有箇生緣如何是上座生緣若道某甲是某州

某處人氏與麼祇對錯了也。你若識得生緣。一生參學事畢。雲門大師道。生緣若在向北。北有趙州和尚。五臺文殊。總在者裏。生緣若在南。南有雪峰臥龍。西院鼓山。總在者裏。你若會得雲門說話。不必南詢。諸友重見文殊樓閣。門開方參彌勒。

月江和尚語錄卷中

月江和尚語錄卷下

佛祖讚

釋迦佛出山相

六年如兀復如癡。麻麥如何療得。飢成道時。當三十歲。脩行知歷幾僧。祇乳糜奉供。先牛女御服。輕將質獵師。示現凡夫世間。相故教金步。混塵泥入山。耐得雪霜寒。出得山來。眼界寬。還了六年麻麥。債黃金殿上。草漫漫。

旃檀佛

寶階三道降人間。忉利宮中說法還。輪輻香敷金齒。舊玉毫光耀紫旃。檀人天百萬。獅音震利海三千象。武寬歷劫何曾異。今日巍巍常在鷲頭山。

文殊普賢

不居五臺山。豈住清涼寺。手內執何經。經中談底事。勘破維摩不二門。好箇翻身獅子子。雲興二百問。餅瀉二千酬。有如香象王。截斷恒河流。如意擊開銀世界。峨眉山色玉光浮。

草衣文殊

法王之子七佛之師。入毗耶問維摩之疾。秉慧劍。斷二乘之疑。接善財。長伸金臂。對無著。擎起玻璃。散三千丈綠雲之髮。披八吉祥香草之衣。臺山六月雪花飛。奮迅還他獅子兒。

觀音菩薩

得大自在。正法王三千界。舒白毫光。玉盂拍滿甘露漿。盤陀石上金剛幢。稽首觀世音。深得大自在。三十二應身。變現周沙界。是故善財童。被此堅固鎧。能於十指端。涌出祥光彩。

巍巍萬德尊。特立雲霞外。如日出扶桑。如月生滄海。
一瞻勝妙容。滅却曠劫罪。一稱大士名。功德獲萬倍。
向此光明中。身心自安泰。爲語苦衆生。慎勿生懈怠。
悲願化行塵。利海法身高。出萬由旬。洗空魔界衆生。
界震動風輪。與水輪白。齒齒舟遊鬼國。碧瑠璃殿駭
波神。大家證入三摩地。甘露瓶中柳正春。

八萬由旬吉祥之法身。三十二應慈悲之妙相。統十方
利土。同一歸。依鼓百萬迅雷。作一回向。明月光分
衆水中。陽春錦綻千花上。

應以此身而說法。十方世界示童眞。巖間人看水底
月。水底月看巖上人。

虛空爲體。法界爲量。示十四無畏之威現。四八慈悲
之相。髻珠明朗。開大千解脫之門。瓶柳搖春。掃衆生
無明之障。陽春密布。百花叢月明。遍在千波上。

以眼聞聲。以身爲舌。如說而行。如行而說。一葉蓮舟。
千尋濤雪。八萬四千圓通法門。藕絲孔中。七穿八穴。
開甘露門。廓悲願海。宴坐盤陀。得大自在。以大悲水。
長正法芽。以方便風。開智慧花。三十二應。十四無畏。

利利圓通塵塵三昧

魚籃觀音

利物垂慈度。有緣緣雲歆。擁玉嬋娟時。人貪看衣中
寶。三十六鱗飛上天。

千鈞隻手提滯貨。無人買。何處是龍門。籃中有滄海。

啞子觀音

出得漁家網。提來入關籃。只圖論貴賤。無復避羞慚。
慈願猶春育。悲心似海寬。莫教輕漏泄。啞子口喃喃。

重接續大悲菩薩三十二臂像

稽首大士濁世福田。首目與臂八萬四千。惟此大悲
三十二臂。如大樹王衆枝。所寄。究其所表。四八應身。
一身一臂。任運屈伸。頂戴彌陀。手擎日月。持杵振鈴。
群魔消滅。秉吹毛劍。提四楞。蘭楊柳風清。淨瓶水滿。
架精進箭。張智慧弓。天龍八部。風虎雲龍。月斧寶弓。
棒矛鎗戟。右印左條。慈威翼翼。或結四印。或握二蓮。
大機普應。大用現前。或合兩掌。或捏兩拳。或伸兩臂。
垂手入鄺。大士一身。具此三昧。八萬四千。亦復如是。
大周法界。細入微塵。千變萬化。歸手一眞。維朱祐之。

曲盡其妙。心手俱忘。成於談笑。昔本不墮。今亦不增。
曇華再現。枯木重榮。卽一切法。離一切相。水月空花。
無去來想。我作是偈。功德難量。開甘露門。樹光明幢。

吳興慈感天台教寺蚌珠觀音

稽首大士千億應身。隨聲赴感。刹剎塵塵。一蚌殼中。
無邊世界。非實非虛。非寬非隘。惟此蚌珠。日月精華。
豈意大士來生我家。行道白衣。端嚴妙相。頂佩圓珠。
光明無量。諸天擁護。二龍前行。善財恭敬。頻伽欲鳴。
潯溪蔣公。陰德所洽。應以此身而爲說法。爍迦羅首。
以表法身。慈攝中道。如花藏春。清淨寶目。以表般若。
照了萬境。無可逃者。母陀羅臂。以表解脫。定以止散。
衆苦俱拔。我此蚌珠。三德俱備。卽空假中。悉歸眞諦。
偉哉岳祥。千鈞重寄。罔象無心。獲此如意。前佛後佛。
無二無同。法界海慧。平等圓通。昔日蚌珠。示現應眞。
今此蚌珠。示現佛身。佛身無爲。不墮諸數。如太虛空。
堂堂獨露。入此樓閣。彌勒同龕。萬花圍繞。間世優曇。

馬郎婦

頭不梳。面不洗。除却馬郎。知音能幾。流水無情。戀落

花落花何事。隨流水。

子昂趙學士筆

大士示現宰官身。宴坐玉堂而說法。一朝奉詔登。
寶陀親視。如是慈悲。相誓圖千本。散人間。普爲群生。
作依怙。玉堂仙去不記年。而此應身常住。世當時毛。
穎與陶泓。有情無情。同作佛。

布袋和尚

契此翁。少叢林。腹便便。吟吟布袋中。拈出百二十。
件兜率陀天底。樓閣前。拋出百二十箇菩提心。人間。
天上。蹤跡難尋。七十二汀烟水深。

阿逸多。鐵奉化。破布囊。索高價。以八萬四千而爲色。
身。以人間四百年爲一晝夜。只管東奔西馳。不肯從。
空放下。金色頭陀。在雞足山中。夢覺幾回。等你當來。
下生三會龍華。說箇之乎者也。

拄杖拓開兜率院。布囊包裹苦娑婆。佗無惱亂衆生。
意。自是衆生惱亂他。

三會龍華未斷當。長街短巷恣佯狂。布囊裏許乾坤。
大主丈頭邊。日月長。兜率陀天乾屎橛。毗盧樓閣水。

雲鄉却言我是真彌勒。家醜無端向外揚。

維摩

詐疾欺人實自欺。散花玉女亦攢眉。若無香積盂中飯。一嘿應難療衆飢。

毗耶老人無住著。獨坐匡牀頓銷鑠。一半虛頭一半癡。通身是病通身藥。文殊領衆來對談。至極則處口。卽緘上方鉢。飯香郁郁。法筵華雨紅。蓂蓂。菴羅樹園。在何處。掌擎大衆同歸去。人天百萬世尊前。清風撼動旃檀樹。

耆婆大士

稽首耆婆出世醫。王有大願力。具大威光。人有四百四脉。衆生之病。師有八萬四千對治之方。兩箇胡盧。是何妙藥。一根靈木。洞見膏肓。使一切人。瞻其尊像。稱其名號。非惟愈多生之痼疾。直是消除業障。廓清塵累。俾身心毛孔。皆得其清涼。

穢跡金剛

三首示以三觀法門。八臂示其八方禦侮。顯百千諸佛之威權。救一切衆生之疾苦。卽勝熱婆羅門火聚。

卽無厭足王刀鋸。聞者魔外潛蹤。見者寒毛卓豎。行此道持此法。現此形立此壇者。誰是同儔。釋迦覺雄。觀音龍樹。

寶公大士

鏡容煌煌。金錫堂堂。剪刀尺拂。譏陳齊梁。言達磨傳佛心。印追之不及。謂大士講經。已竟少借威光。終日拈香。擇火不知身。是道場妙相。僧繇難著筆。巍巍坐斷獨龍岡。

僧伽大士

道運等慈。智能普照。以金錫鎮泗水之津。魔外由是歸降。以淨巾盛傾湫之雨。涓滲了無滲漏。三十六應如圓通。大士之現神通。一堅密身與寶公肉身而同。不朽夫是之謂大聖僧伽國師長淮九州民之父母者也。

羅漢

阿羅漢卽無煩惱。常住人間不涅槃。渡水脚跟浮逼。逼穿雲頭上黑漫漫。不爲自己還齋供。只要衆生破客怪。日日遊行四天下。石橋方廣幾時還。

朝陽對月

寒暑一納補舊如新東塔西塔橫級堅級金烏西沒
又東升不把金針度與人

者一卷經談什麼事不是唐言亦非梵字玉兔光中
轉法輪生芽黑豈河沙數

穴鼻鍼無絲線用盡工夫補成一片紅輪幾度見昇
沉寒暑一裘金不換

圓頓教了義經循行數墨信受奉行不是光明偏愛
月山堂寂寞夜無燈

須菩提

祇園會上問法如流居士門前置鉢欲去巖間宴坐
惹動天花倚杖思惟無本可據若將空寂證圓通烏
龜稽首須彌柱

豐干寒拾

三人行談甚事不說峨眉五臺便說西方淨土國清
寺風月平分寒巖下醜拙俱露大人境界有誰知幾
回來往松門路

寒山拾得

六月臺山雪人間沸似湯芭蕉搖動處遍界是清涼
手內一卷經字字無人識赤脚下峨眉九九八十一
國清寺裏箇蓬頭相喚相呼去看牛禿帶生苔偏娟
措襪襍破衲轉風流拈來一片芭蕉葉寫出百篇張
打油耐耐豐干輕觸諱至今落賺老閭丘
是誰拾得便爲名却道寒山是我兄不放一塵來實
際盡將萬事付吟情打他土地防鴟食嚇倒瀉山作
虎聲拍手高歌脫身去寒巖回首暮雲平

初祖

九州之鐵鑄不得西來一錯萬兩黃金博不得老蕭
一諾五色麒麟飛上天丹山鸞鳳巢阿閼樹起東土
勝幢撼動竺乾木鐸驚耳峰前急轉身無限清風動
寥廓

梁江萬頃波濤立魏嶺九年冰雪深脫得渾身歸竺
國至今隻履重千金

五祖

巍巍坐斷白蓮峯靜聽風吟萬壑松七百高僧何處
去碓坊有米沒人舂

百丈

獨坐雄峯無齒大虫。一回鼻痛三日耳聾。遭黃蘗攔腮一掌。冷兒不覺醜。對瀉山夜深撥火錯認橘皮紅。立禪苑清規如蕭何之制律。向馬師卷席猶射羿之逢蒙。面目森嚴難近。傍叢林千古凜威風。

臨濟

師之面目如秋月之孤圓。師之道德如果日之麗天。有吞過現未來諸佛之口。宜拍四七二三諸祖之肩。當機不讓。揮黃。撻攔腮一掌。大用現前。築大愚肋下三拳。四種料揀。猶虎之缺馬之弔。三玄三要。如坤之斷乾之連。兒孫遍滿天下。皆謂得師正傳。殊不知正法眼藏。滅向瞎驢邊。

天台智者大師

具大智慧有大辯才。悟法華旋陀羅尼三昧。是真精進。見靈山一會儼然未散。親覩如來說摩訶止觀。揭釋天之日月。談禪波羅蜜。鼓覺海之風雷。切柏代香。金爐繚繞。卷簾進月。銀地裴回。千古仰之。猶大山北斗。萬世尊之。惟南岳天台手執玉如意。宴坐金剛臺。

圓伊三點摩醯眼。祕藏重重盡豁開。

趙州

口似含珠頭如木勺。少年時道是有主沙彌八十歲。行甚馬脚驢脚三五斗頭上青灰一箇牙下下咬著。直饒使得十二時辰也是秦時轆轤咄。

雪峰

雪覆鰲山月明象骨頂上鐵枷至今未脫

李侍郎參藥山

天上雲瓶中水見。面閒名賤目貴耳。一段風光畫不成。樹頭瑟瑟寒濤起。

裴相國參黃藥

手中佛壁上僧一呼某甲卽與安名從此事師爲弟子學頭一十二峯青

靈照女

年少龐家女。機鋒足可誇。策離撈白月。斂袂對丹霞。
共說無生話。休攤樹上麻。臨終看日色。誑殺老爺爺。

政黃牛

湖水湖山得趣多。無邊風月暗消磨。黃牛角上一吟

卷半是樵歌半牧歌

郁山主

來往茶陵歲月深。幾回春雨又春陰。不因驢上翻筋斗。打失明珠沒處尋。

懶瓚

嶽頂雲深絕路行。臥藤蘿下過平生。十年宰相輕饒舌。一箇高僧擅懶名。芝詔忽臨天咫尺。芋魁從此價連城。如斯標致今誰是。更看黃河幾度清。

天童淨和尚

兩頭白牯眉毛豎。三面狸奴鼻孔凹。一隻皮靴能剔脫。月明金鳳宿龍巢。

雪峰圓覺演禪師

宗說俱通縱橫無碍。趯倒須彌盧。踏躑躅圓覺海。得元豐密旨。了知迷是悟之鉗。鎚雪嶠木毬。要顯凡乃聖之爐。噉萬仞崖前獨足立。鼻孔摩觸家風。十字街頭破瓦片。觸體常干世界耀。古騰今光明盛大。夫是之謂天衣。天鉢直下底兒孫。擬向望州亭。烏石嶺見渠。大似漆桶不快咄。

落髮先師月溪和尚嗣聚絕

用翳睛法。施礮礮機面上。刮得霜落。育中全沒慈悲。把斷螺江水。魚龍乞命。放出南山虎。獅子藏威。四坐道場行正令。倒拈禿筆。畫娥眉。

紫籜古田和尚

擔官樣板。破天然家。用斷貫索子。穿衲僧鼻孔。放無毛鐵錫。驗四海龍蛇。不願成佛作祖。饅頭隨分。生涯夫是之謂白雲關外。出嶺玄沙。

育王橫川和尚

西丘克家。嗣松源的骨孫。滅臨濟正法。眼碎中峰。破沙盆。失却劒。於昆明池裏。撈得鋸。於曲江江邊。騰今耀古。搖乾蕩坤。黃河九曲。兮水出昆侖。

天瑞先師虎巖和尚

驪珠可抉。虎鬚可捋。凜然其不可犯者。令行吳越。

天童竺西和尚

河目海口。錦心綉腸。汪汪吞太湖之器。量煌煌燦太白之光。芒怒罵時海。涵春育慈悲。處烈日秋霜。舉立沙未徹語。如真淨驗寂音。黃金百煉之色。拈洞山三。

頓棒類慈明發積翠丹砂九轉之香橫幾莫莫有陣
堂堂夫是之謂中峯五世大樹之蔭涼者也

徑山晦機和尚 雪竇石室請

面目肖大智之癭機智具永明之辯一國師奔雷震
霆四藤條飛星閃電握籙室文筆九昇可扛建大將
旗鼓三軍怯戰石室是其克家足以聯芳躋蹠數樹
松華千尋雪練于今挂在乳峯前來者一一看方便

天目中峯和尚

佛祖楷模人天榜樣度量似海之深語默如春之盎
碎珊瑚於鐵鞭撒眞珠於羅帳視身如幻住幻爲身
以相卽眞全眞非相褒之美之號爲普應國師瞻之
仰之元是中峯和尚

大鑑澄禪師

禪居叟老瞎禿行藏不貴巧遲用舍只圖拙速類老
胡腳踏鯨波似飲光定回雞足巨福山金寶山稱性
住持瑞鹿山瑞龍山了無拘束濯錦江頭看競渡不
謬爲南陽一國之師天津橋上弄胡孫好流通永元
一枝蠱毒耿耿雲峰照夜燈斷絃須是鸞膠續

華頂峯無見和尚

道重如山心明似月眼著五須彌口吞三世佛黃沙
鉢敲作金聲老菜根甜於厓蜜羚羊挂角不留踪千
古華峯高突兀

天衣斷江和尚

八十禪翁四海眼空面帶匡廬古色身同卓筆奇峯
聞其提唱浮佛應爲點首觀其出處大梅夫豈同風
鴈過長空影沉寒水繼乃祖烹金爐藉之綱宗秋天
之月霜夜之鐘吾將見此菴之道光明盛大綿亘於
無窮者也

許道卿七贊并序

雲間玉清觀道士靜寄法師許道瑄潛心吾大聖人
之道甚力書雜花大經全部者三法華全部者四十
有六楞嚴圓覺諸經不以數計又書法華經塔二常
持准提脩嚴清泰及化其門人稟治命閣維得不壞
者六六指節曰頂曰齒曰舌曰數珠曰右膝骨靈瑞
二曰設利羅曰化佛像其徒玄素法師曹士勤以其
師骨從予遊求予識之以信後世乃各爲之贊曰

指節

開則成掌。合則成拳。於一毫端。捏聚大千。破一微塵。出大經卷。薰乾滄溟。書之不倦。是故十指。常放寶光。於烈焰中。粲然堅剛。上下稱尊。指天指地。我此法師。亦復如是。

頂

頂戴寶冠。類傳大士。火後鏗然。舍利無數。頂門一著。燁燁煌煌。貴同珠璧。粲若珪璋。由頂至踵。由踵至頂。是精進幢。是大圓鏡。燦燦不燼。髻珠常明。故此髑髏。敲作金聲。

齒

歌贊佛乘。皆出于口。是故齒牙。火餘不朽。世尊闍維。帝釋雨花。遣二捷疾。盜其珎牙。豈謂法師。慈悲喜捨。是其齒牙。無敢盜者。玄珠晶瑩。綴于枯齦。函以金玉。以示世人。

舌

六受用根。驗其功德。惟舌之功。一千二百法門。微妙代佛宣揚。故此舌本。作蓮花香。如說而行。如行而說。

火冷灰寒。如初偃月。了知味性。非有非空。藥王藥上。同證圓通。

數珠

憶佛念佛。晝夜不忘。百八摩尼。帝網交光。於其光中。承事諸佛。如敲門瓦。如渡河筏。珠卽是佛。佛卽是珠。薪盡火滅。珠體如如。樹堅固。檀被忍辱。鎧三灾。彌綸此珠常在。

右膝骨

瞻禮聖容。一拜一跪。一一微塵。轉輪王位。屈伸俯仰。左右逢原。是故此膝。入火不焚。由膝而倒。由膝而起。折其慢幢。恭敬懺悔。谷神不死。玄牝長存。靈芝瑞應。福彼後昆。

舍利

人之色身。終歸敗壞。於敗壞中。光明盛大。闍維之法。始於竺乾。繫設利羅。八萬四千戒能生定。定能生慧。玉潤山輝。珠明川媚。後無彌勒。前無釋迦。惟此開士。火中蓮花。

化佛像

仙家者流。寄身寂靜。有化如來。現之于頂。楞嚴圓覺。妙蓮雜花。流通書寫。如恒河沙。多珎浮圖。筆端涌出。分座談經。是爲化佛。投身火聚。開勝熱門。萬物一體。天地同根。

自讚

眞淨院清拙澄長老請

吾於眞淨有大因緣。信孚檀度。金布祇園。擬老南之積翠。仰妙喜之雲門。但以道不及古德。愧前賢。賴有雞峯師弟。何妨談續芳聯。從此曹溪家業。盛兒孫千載好流傳。

福州偃峯棠長老請

如雲之碧。似澱之清。師曠不足比其聰。萬婁安可並其明。萬煅爐中金色。百折灘上溪聲。吾所望子者。不有沖天之飛。則有驚人之鳴。

大雲滿長老請

九九百有年。無德破砂盆。價重連城驥。領珠分文不直。放行則大雲作霖。把住則虎室生白。雨從何來。風作何色。桃花浪煖。禹門開白。日青天轟。霹靂。

布金機長老請

打鳳羅龍索。鹽奉馬劫石。可消松風無價。分付布金大行此話。

城山心長老請

耐雪松蒼傲霜菊。黃定力如城山之固。拗性猶金石之剛。用松源菴帶棒。七穿八穴。唱中峰脫空歌。換調移腔。月布千江之影。燈分無盡之光。有箇心空如鏡者。樹吾天瑞取高幢。

道濟忠長老請

老老大大。憨憨癡癡。須彌安鼻孔。禿帚畫娥眉。十劫坐道場。嫌佛不做。一生擔片板。無地容誰。江月照松風吹行。此道濟斯時。敵勝還他獅子兒。

台州明因圭長老請

咄者漆桶全無鼻孔。拈起本色鉗鎚。解釘虛空一縫。不是黃鸝大機。亦非雪峯大用。玉振金聲。風行雷動。棒頭敲出玉麒麟。頂門放出丹山鳳。

姪疊煥侍者請

大江橫陳老榕覆庭。南峯如障。北嶠如屏。生此無名。

葛草且非人傑地靈蒼松磐石不足比其壽。澗水秋月無以喻其清。大其家世如優曇鉢花者。煥乎東方之明。

徒弟元達菴主請

微風吹幽松。涼月挂虛碧。心境兩俱忘。宴坐盤陀石。也不向紫羅帳裏暗撒真珠。也不向關市門頭閑拋瓦礫。箇是無爲達道人一句了然超百億。

觀藏主請

觀身實相觀佛亦然。彼觀幻者歷劫常堅瑤席堂中。閑拈塵拂清風樓上。鼓動倪絃鉢囉娘東山正續脫空歌中峯的傳鐘在簾而隨扣。隨響鏡臨臺而誰醜。誰妍少林之鉢。兮金聲玉振曹溪之燈。兮燄續芳聯。

琳藏主請

頭白齒黃技無寸長。耻釋迦說頓說漸笑達磨歷魏遊梁。激揚中峯砂盆遺響發揮天瑞奕世耿光如憂球琳如考琮琨何處青山不道場。

徒弟壽嵩院主請

山行六七里。手把繻謁節老去懶登高。十步九回歇。

涼吾襟者天之風。照吾心者松之月。守乎真。藏乎拙。立嵩山。臥少室。一花五葉好。不芳父子不傳真妙訣。

天台資福德長老請

質而不華。拙而自守。有時萬德莊嚴。有時佛面百醜。孤峯頂上。瞞月眠雲。十字街頭。指槐罵柳。拋却召千吾百衆之木杓。開吞盡三世諸佛之口祖。翁一箇破沙盆。喚作曹溪沒量斗。一時分付與孤雲。向天台山中作大獅子吼。

如月維那請

眸子眊耳朶。聾離婁。明師曠聰石橋月。閩嶠松松長。青月行空。夫是之謂松月翁。

得祿藏主請 住温州九峰觀音禪寺

木之有本。水之有源。華芽至于錯節。蟠根蓋觸至于沃日滔天。曾何心於應世。豈有意乎持權。得其祿。得其壽。亦人天之小果。有其體。有其用。非父子之可傳。破沙盆零敲碎打。荅帶椿七穴八穿。誰知正法眼滅向瞎驢邊。

湖州仁王樣長老請

馬祖一喝百丈耳聾睦州一拶雲門脚折有際天之
雲濤可以容吞舟之魚有持世之風輪可以駕摩霄
之翮大用現前不存軌則金香爐下崑崙巖社湖中
明月盡情分付與仁王打刀須是邠州鐵

平江太平簡長老請

身心一如身外無餘百草頭邊誰名彌勒三家村裏
無二文殊有時指洞庭七十二峯化爲真金美玉有
時攬太湖三萬六千頃盡作醍醐太平本來無象何
須特地塗糊酒美從來無僻巷醋酸不在大葫蘆

廬山慧日安長老請

心如冷灰言如枯柴平如鏡面嶮似懸崖咬破東山
鐵酸醕百味珍羞一時具足拈起雪峯木勺子千五
百衆盡俗將來惠日重光揮戈可駐狂瀾既倒砥柱
能回鴈宕峯頭日卓午棒如雨點喝如雷

宣州妙相宗長老請

玉几雲橫曹溪水清心源湛寂妙相圓明用松源菖
帚橋令行吳越提中峯破沙盆價重連城有是父必
得是子得其祿必得其名如行而說如說而行使吾

天瑞不傳之宗旨玉振而金聲

溫州法華閣長老請

闡大機彰大用拋出臨濟三要三玄把住汾陽七擒
七縱如鐘在簾大扣大鳴似箭離絃百發百中永嘉
一宿向曹溪全肩大法千鈞重

處州金仙采長老請

金仙現瑞古佛放光時節既至文采全彰提石頭鉗
斧得大機而顯大用焚黃檗禪板定宗旨而建法幢
但得棒頭明似日可無臨濟解承當

福州偃峯演長老請

眼生三角頭峭五岳一大藏教演出演入誰道無言
大千沙界擲去拋來將錯就錯一從聞得偃溪聲麒麟
擊斷黃金索放下西院木蛇拈起曾郎木杓夫是
之謂先覺而覺後覺者也

福州末山慧長老請

智慧弓精進箭七縱八橫萬化千變如洪鐘在簾大
扣大鳴小扣小鳴似明鏡當臺胡來胡現漢來漢現
末山頂上放毫光霹靂聲中飛閃電鑑地輝天日面

月面

福城石泉嘉長老請

石中有泉乃覺之源松間有月照徹大千嘉州大像
脚跟不點地陝府鐵牛鼻孔却遶天夢幻影子始終
而成壞清淨法身歷劫而常堅生涯都在鐵頭邊

江陰禪菴眞長老請

傲雪松蒼飽霜菊黃據玉几寶華王座樹天瑞光明
勝幢履眞如實際之地樂禪說法喜之藏獅子哮吼
丹鳳翔翔大機大用爲瑞爲祥一朵優曇遍界香

饒州行侍者請

人境一如色空無碍惟一堅密之身不與諸塵作對
登科任你登科拔萃從他拔萃三千里外有知音屋
角松風奏天籟

峯首座請

佛祖冤家叢林妖孽正法眼向瞎驢邊滅四十年簾
土揚塵一句子斬釘截鐵別別妙峯孤頂雲曹溪溪
上月

玄藏主請

妙中之妙玄中之玄大洋海底走馬須彌山上行船
摩尼珠兩手分付栗棘蓬一任橫吞鐵鞭擊碎珊瑚
樹月在扶桑枝上圓

快侍者請

人根有利鈍道無南北祖俊快底衲僧兩手親分付
金圈七穴八穿栗蓬東吞西吐要人直下便承當曹
溪佛法無多子

懋藏主請

面目可憎語言無味拈却睦州擔板漢只見一邊提
起雲門乾屎橛全無氣息一氣轉一大藏教未是作
家三轉法輪於大千不容擬議厥功懋哉吾道東矣
樹起光明寂勝幢無限清風動天地

慶侍者請

默爾忘言寂而常照如月映於千江似風號於萬竅
心不用徵辟慶喜之多聞花未曾拈發飲光之微笑
迥脫根塵靈光獨耀百華叢裏現優曇金毛窟中獅
子吼

眞淨法標院主請

松兮蒼蒼月兮皎皎提起真淨妙明照破妄想顛倒
有時拈一莖草作丈六金身有時將丈六金身作一
莖草取上方一鉢飯接待方來以曹溪半滴水普滋
枯槁兒孫千古仰清標珊瑚樹林日杲杲

俗姪劉賴請

五十餘年不在家担雙拳自作生涯劉郎觀裏桃千
樹春去春來幾度花丹青寫出是相非相當陽挂起
真耶假耶如今唱箇還鄉曲眼底無人識得他向你
道箇是勝江江上古榕樹下彭城氏之子十三歲去
做和尚喫了常住多少飯與茶

徒弟普覺首座請

從無住本立一切相纔涉丹青便成虛妄大洋海底
簸土揚塵須彌山頭興波鼓浪懷州牛喫禾益州馬
腹脹父子從來妙不傳劍氣直衝牛斗上

徒弟嗣燈侍者請

翻身劍刃走馬冰稜谷孤古東山正脉林鳩砧真本
闍僧法無可傳之法燈續無盡之燈父慈子孝月白
江清拏得電光爲火把却來日午打三更

道弘侍者請

道遠乎哉觸事而真人能弘道非道弘人於一毫端
現寶王刹坐微塵裏轉大法輪獅子窟中無異獸鐵
牛生得玉麒麟

偈頌

門人 自成 編

拜四祖大醫肉身

巍巍坐斷破頭山徧界難藏赤肉團右虎左龍青木
了一枝橫出太無端

拜五祖大滿肉身

再出頭來早事多姓非常□便如何黃梅一席今猶
在九竅百骸螻蟻窠

拜寶公塔

飢鷹爪鈍鏡羞容巢冷難禁木末風一壺齊梁羅網
後至今無計出樊籠

繼古林和尚擬汾陽十偈

辨正邪

上門上戶數如麻來者須教驗正邪石火光中擒虎

咒電光影裏辨龍蛇

恐瞞頂

煩惱眞如休體。侗無明佛性。恐瞞頂。巨靈擡手無多。
子分破千重太華山。

巧辨不眞

八還辨見元非妄。七處徵心錯認真。惠我豈無三昧。
力阿難護自說天倫。

得用全

西河獅子坐當門。擬議教伊喪膽魂。一陌紙錢并酒。
肉閑神墅鬼競頭奔。

擬將來

荊山所得非良玉。赤水求來不是珠。索性一絕俱擊。
碎西天胡子沒髭鬚。

辨作家

疾雷震地難回避。赫日當空照大千。劍客相逢無別。
事磨礪三尺古龍泉。

識機鋒

德山棒下全生殺。臨濟喝中分主賓。擬議白雲千萬。

里蓋田疑殺李將軍

句內明眞

當陽突出渾侖句。按下雲頭子細參。無足仙人劈背。
踢無言童子口喃喃。

顯宗用

宗說俱通體用全。拋來栗棘與金圈。看它吞透不得。
底空作楊岐直下孫。

贊師機

白拈手段少人知。板齒生毛老古錐。臂膊幾曾從外。
曲倒拈禿帶盡蛾眉。

總頌

衲僧須透祖師機。大道堂堂達九衢。十聖三賢明此。
旨森羅萬象轉靈樞。奪將石像手中笏。扶取驪龍額。
下珠。捉敗汾陽與浮佛。禹門三級化龍魚。

送僧禮五臺

躡身光裏金橋現。獅子聲中玉臂伸。勸破臺山老婆。
子趙州之後更何人。

寄禪友

滄海無風浪拍天。眼中時復見桑田。脩羅採花釀成酒。醉倒文殊與普賢。

送成首座禮祖

青山無數水無邊。月在湘雲缺處圓。喫癯不消重禮拜。祖師鼻孔一齊穿。

贈靈巖通知客

硯沼泉香茶正熟。屨廊步響客相看。謾將庭栢供清話。屏後今無大伯韓。

次全僉憲韻悼古林和尚

鳳去臺空善類悲。法身獨露了無依。金剛幢下清風起。一曲無生聽者稀。

古往今來一欠伸。茫茫劫海起蓬塵。虛空昨夜翻筋斗。驚倒靈山會上人。

贈寫真沈月巖

一箇皮囊元是妄。更添一箇妄尤多。千江月與千巖月。筆下神仙沒奈何。

訪月波講師不遇

南湖不住住東湖。一代宗工老不模。昨夜扁舟何處

泊。清波冷浸月輪孤。

題耕隱堂

長沮桀溺禾生隴。角里東園芝滿田。堂下一犁新雨足。春風水牯懶加鞭。

送秦維那歸萬壽省師

海國秋風生白蘋。卷衣歸去莫因循。阿師年老心孤甚。揩背如今正要人。

示漣禪人

江風凜凜雪漣漣。謝子登門問寂寥。只可聞名休見面。老來無力舉藤條。

明叟

心鏡照開千世界。眼光燦破四神州。生平不作暗中事。只爲惺惺白了頭。

山陰道中寄雲門獨一翁

去年九月江東別。宴坐千峯紫翠堆。昨夜嘯聲聞百里。想應爲我出山來。

贈中竺榮侍者

侍者參得禪了也。不須擲火更拈香。孤猿啼斷竺峯

頂桂子聲聲打石牀

送榮藏主歸能仁省師

子懷從整昂霄志。師是再來支遁翁。圓相不須呈又抹。一奩天鏡挂晴空。

寄法藏劔南和尚

騰騰劔氣上干雲。秋水神鋒湛不痕。猛獸已馴蛟已化。太平誰識老將軍。

瑞上人參保寧和尚

東海鳥巒南山笋。拈來塞斷衲僧喉。上人要去明他話。大似寒潮打石頭。

疎山妙首座遊閩

矮翁遙遁入閩山。樹倒藤枯問懶安。今日布單無賣處。木蛇飛出紫雲關。

忠維那歸鴈山彙簡成山和尚

臥薪嘗膽恨填胸。法戰當年不樹功。今日思歸重拔本。與他推倒展旗峯。

問訊巖西退牧翁。戒光如月照禪叢。一堆篝火煨黃獨。只恐清香透九重。

次清拙韻送俊首座省親

風月平分不宰功。曹溪正脉喜朝宗。蒲鞋高索連城價。挂向扶桑萬仞東。

玄上人禮無準塔

是他圓照下兒孫。自遠移風掃塔塵。昔日烹金文武火。至今煖氣尚如春。

賀友竹改牧石寮作蒙堂

幽居改作蒙堂住。湖海高人不用招。大覺斷絃今復續。可無佛國與參寥。

白牛

露迥迥地越不去。頭角四蹄銀色光。老倒北禪烹不得。雪山春草自吹香。

送喜禪人參方

徧參歷盡百餘城。到得迦山似不曾。無厭足王并勝熱。這般門戶要人登。

送英禪人歸蜀

心猿愁絕劔閣棧。意馬奔馳灤瀕堆。參遍百城知識了。南詢奪得錦標回。

淵維那禮祖

參他活底祖師意不必扣之枯髑髏三尺炊巾收又展。展千千萬萬土饅頭。

贈省淨頭

擬續當年雪隱絃行菩薩行更加鞭。蕭然自屎不覺臭。插翅蒲鞋飛上天。

堯上人參方

古人只爲驅馬事來往立沙與雪峯蒲團未曾坐得。煖又從鄧嶺過天童。

遂上人遊方

良遂纔稱自己名便知經論誤平生。大牀據坐多麻谷不用敲門問老僧。

贈亨上人

趙州當日見南泉。膽大如天便發言。問子沙彌誰是主。禪幽老祖下兒孫。

東江

眞丹國有大乘器。十萬西來一葦航。直下早知波是水。不須斫額望扶桑。

贈書楞嚴經僧

此經初到自神龍。常恨天台不得逢。惟師宣揚多撫諭。羨君書寫廣流通。莫隨演若狂迷鏡。須聽羅睺細擊鐘。堅固願幢無怠慢。祇園樹樹正秋風。

寄保寧茂和尚

鳳凰臺上休居叟。三世如來一口吞。楓陛傳宣名已重。栢臺敦請道彌尊。爲人拋出金剛鑽。據令宏開甘露門。千七百。人知。識。在。五。湖。龍。象。競。趨。奔。

送詠藏主參巡山

五髻峯頭老作家。坐籌帷幄布長蛇。老蛟困底藏頭角。睡虎關中露爪牙。佳衲子如玉杵。白善知識似鉢羅。華嚴頭雪老絃誰續。千里神駒渥洼。

贈西天道法師

來自西天十萬程。雙眸炯炯照人青。只憑道力神通力。深究三乘最上乘。雲淨凌空飛鐵錫。夜涼彈舌念金經。要知直指單傳事。須向聲塵歇處聽。

送習侍者

侍者參得禪了也。明珠絕類玉無瑕。電光石火誇機。

變爐鞴鉗鎚。驗作家千里江山。歸實際。際百城烟水足。
生涯臨行莫恠。無言說有願。從來不撒沙。

修慧不修福。修福不修慧。

狹路相逢話短長。只因昧却古靈光。千門應供阿羅漢。
百瑱莊嚴白象王。福海截流狂浪息。慧林行道覺華香。
橫身異類中遊。戲蹴踏堂堂古佛場。

幽上人遊天台

幽州江口石人蹲。觀體寧容一法存。大總持門廓今古。
際迦羅眼耀乾坤。石橋雨過觀厓瀑。華頂雲開見曉曦。
徹底冰壺無影像。好尋寒拾細評論。

用禪人禮祖

行藏用舍貴天真。逸格孤標與道隣。思大口吞三世佛。
馬駒踏殺天下人。雄峯歷歷清規在。仰嶠重重圓相新。
須透祖師關。楔子莫教容易展炊巾。

送忠藏主回中竺

藏裏摩尼迥不同。光芒直射斗牛宮。五天竺國無人到。
千歲巖前有路通。照徹腦門松頂月。熏開鼻觀桂花風。
靈踪只在猿啼處。莫向啼猿覓舊蹤。

堅菴主求

世間萬事不堅牢。惟有居山志趣高。糞火堆中煨紫芋。
黃沙鉢裏煮同蒿。綠溪野老偏栽竹。隔塢仙翁臘種桃。
但得菴中主長在。不妨隨處樂陶陶。

追和宏智和尚留國清偈

玉殿簾垂向奉時。九苞祥鳳啄神芝。靈光燦破羣昏曉。
智刃閑將萬象披。日月雙明佛祖位。雷霆百世天人師。
全機大用何拘礙。方中矩矱圓中規。虛空踏裂自成蹊。
寸步何曾踏佛梯。玉兔懷胎當戶入。金雞抱子向春啼。
墨光燭燭寒巖上。道韻冷冷太白西。轉位回機歸去也。
崢嶸樓閣五雲低。

送成侍者

布毛吹動百花春。道遠乎哉觸事真。彌勒千身隨步轉。
文殊隻臂爲誰伸。碧梧宜宿丹山鳳。金索難羈五色麟。
留得鼻端塵一點。諸方去驗運斤人。

示廬陵鑑禪者

佛法從來沒。唯阿正因行脚事。如何石頭玄旨參同契。
宿覺宗風證道歌。趙老布衫提者少。廬陵米價驗。

人多照天照地光明在古鏡堂堂不用磨

送智上人

智不到處道一句觀面當機善應酬。但看先賢并後
聖。初無六臂與三頭。要明旛動心非動。須會橋流水
不流。參遍南方知識了。却來相伴老林丘。

贈常菴主

道人擬學大梅常。茅屋移將遠遁藏。荷葉爲衣勝紈
綺。松花充食厭膏粱。猿猱虎豹同禪悅。雲月溪山是
道場。我欲投閑消晚景。尋盟來訪竹間房。

示慧侍者

祖師慧命續非難。角有麟兮羽有鸞。紙襖抄來香墨
重。布毛吹起雪巢寒。耽源不會南陽意。文遠深明趙
老關。莫道山翁無指示。妙峯孤頂月團圓。

送寧藏主歸天童

清苕溪上偶相逢。古意高標足起宗。袖裏金槌曾踣
跳。胸中寶藏自玲瓏。沙盆玉振中峯祖。土餅酥甜太
白翁。心逐孤雲歸舊隱。月明二十里松風。

寄石壁首座

朝悠悠也暮悠悠。彼此相思盡白頭。隨分一猿兼一
鶴。孰論全象與全牛。據他鉢位無黃蘗。推出師僧有
睦州。兄弟不妨添十字。月明炯炯澗湖秋。

贈保寧先侍者

身類孤雲卷復舒。朝遊百粵暮三吳。金剛幢對金剛
鑽。丹鳳臺生丹鳳雛。雖有智相如歸白。璧無心罔象得
玄珠。汝師黃蘗非吾事。慎勿瞋拳築大愚。

送蒙侍者

酷暑如焚坐甑中。略無餘暇話西東。翠巖留得眉毛
在。玉几惟增耳竅聾。大道可求宜日損。聖心須養合
泉蒙。諸方知識還知否。此是吾家大小空。

贈運維那

道在人弘要力爲。蘂雖云遠尙堪希。庭前栢樹當成
佛。洞裏桃花有此枝。待得克賓心肯日。是他與化令
行。時鄮峯全沒鄉情在。擬把黃金鑄子期。

寄保寧倫仲芳

天風吹起佛巖雲。出自無心迫不群。龍窟騰翔三級
浪。鳳臺飛舞九苞文。梅洲春暖花如雪。蓬室年深肉

尚溫伯仲墳笈時迭奏人間何處不知聞

送句侍者之金陵

樹倒藤枯笑不休。布單賣却沒來由。一毛頭上金獅子。五百育中活馬驢。白鶴明邊瑤公塔。青龍翔處帝王州。秋風影裏飛禪錫。靜聽寒潮打石頭。

贈祇園澤蘭州

瑞世優曇繁異芬。潯溪一脉出曹源。平分風月雲峯頂。仄布黃金祇樹園。佩肘後符欺佛祖。亞摩醯眼耀乾坤。莫嫌地褊難容舞。風穴楊岐道自尊。

謝玉山西堂糴塑開山龕像

道傳京兆翠微師。五百年來老古錐。目有重瞳光燦燦。手垂過膝坐巍巍。巍石從空裏依何。立玉隱山中始發輝。露出團團無縫堦。雲峯增重虎添威。

寄金山卽休和尚

我認并州作故家。師兄塗毒不停過。泥牛兩兩闌入海。幽鳥喃喃罵落花。積翠道高珠絕。賴寂音名重玉無瑕。先師付囑休忘却。爛嚼虚空莫吐查。

贈承天鑑藏主

曹溪佛法絕廉纖。對密何須更說甜。拈出金剛圈子看。何如轆轤鑽頭尖。衝開白浪千里衆。跳上青天三足擔。好向威音前一鑑。當陽捲起夜明簾。

次韻贈調書記遊兩府

坐斷慈明片舌頭。老婆勘破有來由。草菴未結孤峯住。金錫先從兩府遊。萬仞崖前騎駿馬。千層水上掛燈毬。上人智辯難酬對。只借毗耶一嘿訕。

韻
怡侍者歸天衣兼簡斷江和尚借竺源和尚

年開九十斷江翁。宴坐蓮峯古梵宮。莫謂烹金爐韞冷。直教翼北馬羣空。時聞鐘杵千峯月。靜聽松吟萬壑風。爲我殷勤問無恙。若耶溪北鑑湖東。

贈見西堂參春雨菴頭老和尚

春雨菴中碧眼胡。烹金尚有昔時爐。龜毛兔角盈篝室。蛇足鹽香滿道途。酒美豈拘深巷陌。醋酸不在大胡蘆。吳中散席歸參禮也。著防他棒喝喚。

送安懺首歸下竺依玉岡法師

慈雲法席喜重開。今代彌天老辨才。寶塔涌從金地

出靈峯飛向竺天來。悟公焚體空留像。賢士繙經尙有臺。此去開科據高座。平分風月振衡台。

送祿藏主遊福州

蜃海通潮若坦途。蠻船不怕浪花噴。東西兩塔城中有。鼓角一樓天下無。彼土鄉音還用譯。上人道價不須沽。荔枝橄欖羊葡萄。橘栗棘金圈不似渠。

送毅上人參竺源和尚

子去天台禮石橋。不逢知識不甘休。當知良遂參麻谷也。學雲門見睦州。紫籜山高宜努力。仙源水急可乘流。隨身竿木須牢把。路滑隄防是石頭。

陳希顏過訪次韻酬之

胷中書傳富縱橫。咫尺蟾宮不肯登。高臥樓頭隱君子。來看溪上閉門僧。春山消得幾緇屐。夜雨難忘十載燈。彼此暮年閑不徹。莫言林下見何曾。

了心上人之四明白禪

了得此心方穩坐。此心未了走西東。携過頭杖六七尺。行未識山千萬重。明越台溫龍象窟。天香瑞雪旂檀叢。參取永嘉老禪將。一輪江月照松風。

贈承天遠藏主遊瀾東

日出日入

王國土溪東。溪西王水草。深固幽遠。無人到。須信平常心是道。如來藏裏摩尼珠。光明赫赫照昏衢。平生受用只者。是不妨推出司南車。

和古林東州爲了菴頌墨迹

宗師提唱立雄關。拈却門前大案山。爐炭鑊湯成正覺。刀山劍樹只如閑。休居提起金剛鑽。本覺舒開鐵面頭。甘露二門雖久杜。潮生合浦見珠還。

贈靈隱濟藏主

眼豎摩醯肘。佩符無星秤子定。鐺鉢剖開竺國山中玉。收取如來藏裏珠。路露怒明橫水劍。不携麻谷人園鋤。道人千里同風句。白紙無端黑字書。

吳淞舟中

此行乘興泛吳淞。誰是忘機海上翁。落日潮生千浦浪。歸帆天送一江風。半鉤涼月蒼茫外。數點青山香靄中。遙想故山溪上路。秋風開徧玉芙蓉。

寄西林椿長老

道聲籍籍類玄沙。不出飛鳶見作家。據坐西林開虎穴。親從法海拔鯨牙。木毬暖氣猶堪輓。石鼓清聲足可聽。老我江湖無可贈。三千里外摘楊花。

贈諾藏主

鷲峯鶴立象龍斑。人物昂昂駭衆觀。雲夢宵吞無楚澤。烟波眼濶小吳山。罰錢設供瑤鋪席。問字調僧珠走盤。潦倒不行船子令。棹歌聊當碧琅玕。

悼明極俊禪師

一生美奐更槎枒。鈍置凌霄箇老爺。擊破華山過鐵鼓。耕開東海種瓊花。翻身獅子無蹤迹。戴角菸菟不露牙。前輩凋零空歎惜。只今誰是指南車。

謝懋藏主蒲鞋

雲林袖出睦州蒲。奉母之餘又及吾。靈運登臨幾繡屐。子喬來往一雙鳬。王門珠履人間有。御榻麻鞋世上無。軟他何妨長赤脚。老僧留得伴跏趺。

承天震侍者禮祖

祖庭虎踞與龍蟠。撥草瞻風子細看。少室千年無影樹。黃梅七百爛泥團。鴈飛拽脫雄峰鼻。雞唱豁開圓。

悟關八十四人俱按過。西江一吸直須乾。

仁王樸長老三到

衲僧大用正當權。栗棘金圈任吐吞。日面佛同月面佛。仁王尊即法王尊。昔年同飲小溪水。三度來敲眞淨門。賴有龍翁家業在。金香爐下鐵昆侖。

和天泉別岸偈贈華藏壽維那遊浙東

江南江北浙西東。一錫飄然去興濃。傾出天泉三萬斛。借他別岸一帆風。補陀海涌三更月。廣時間半夜鐘。直到詎羅蹲坐處。千尋湫頂掛飛龍。

贈雪峯仁靜菴歸國

同飲連川江上水。三千里外偶相逢。飛來雪嶠聖箭子。何似楊歧栗棘蓬。出嶺時當梅子豆。到家恰是荔枝紅。有人問及松和月。白雪蒙頭一老翁。

寄安長老出世慧日

芳名躍出盡歡呼。罔象無心自得珠。千丈靈湫作甘澤。一輪慧日耀昏衢。嚴西老子肉猶煖。春雨禪翁德不孤。遙想爛過塗毒鼓。聲聞百越與三吳。

和仁王長老

從教草滿法堂前。千里銀蟾共一天。未可磨磚期作鏡。且先傳飯學栽田。馬師一喝聲猶在。百丈重參話始圓。魯祖見僧長面壁。知音惟有老南泉。

贈答失蠻百川海大師

佛法玄機深似海。百川日夜競奔流。魚龍蝦蟹知爲命。蚊蚋修羅飽即休。不必多求如意寶。只消掣動六驚頭。千波萬浪中游戲。收取珊瑚月一鉤。

本覺順藏主携了菴仲謀提唱求跋

攜李單提鬼見愁。池陽拋出百花毬。阿爺誰似休居叟。生子當如老仲謀。謀石火電光中出沒。拳來踢去轉風流。百川來往傳消息。萬里長江一葉舟。

悼龍翔笑隱廣智全悟禪師

四住名山暢本懷。龍河深處駐浮杯。廣開智海傾甘露。全悟玄門震法雷。譚麀正橫俄墮地。勝幢高豎忽驚摧。等閑一笑翻身去。潮撼空城喚不回。

贈承天茂維那江西禮祖

且喜大事已了畢。何須向外別馳求。翻身藥嶠真獅子。露地瀉山水牯牛。破布衲中藏至寶。銅砂羅裏滿

盛油。風前普請施三拜。八十四人俱點頭。

贈萬壽通藏主回維揚

會得瞿曇那一通。四方八面自玲瓏。三千刹海光明藏。二十四橋楊柳風。詩卷擲還禪月老。角聲喚醒太原公。瓊花端的非凡種。收拾天香入袖中。

送育王瓊藏主

洞徹吾宗上上機。倒拈禿帚盡蛾眉。平生懷玉誰能識。定力如山不可移。圓悟會中睡虎子。南陽門下鳳凰兒。他年曲肱禪牀上。痛罵曹溪老古錐。

贈育王琪藏主

經歸藏與禪歸海。海有經兮藏有禪。撥轉南辰安北斗。移將東土向西乾。真身設利垂千載。大覺遺風數百年。今日因君過溪上。此心又到鄮峯前。

贈靈隱敬藏主瑞世奉化太清

宰官明足察秋毫。數鳳郊麟不可逃。未有長行而不住。必須就下始升高。祖師自有真錫斧。王庫初無如是刀。七十二汀烟水碧。高提兔角與龜毛。

贈東林□藏主歸海東

廬山面目也尋常見後精神覺老蒼十八高賢轍輅
鑽五千餘卷鉢羅娘幾年蝶夢家常到萬里鯨波葦
可航梵語唐言都會得更無一法可商量

和元叟和尚贈安藏主

廿年說法坐凌霄栗棘金圈恣意拋木馬泥牛絕消
息釋迦彌勒可論交爲人幾下蒼龍窟信脚踢翻金
鳳巢戴角鐵蛇鑽不入看他火後一莖茅

平江幻住立菴主求

幻住禪翁有幻孫亭亭玉立振斯文圓伊三點摩醯
眼峭峻一方甘露門鬱密檀林師子住稜層石塔白
雲屯乃翁餘烈遺風在不吝慈悲接後昆

燈上人禮祖

蒲鞋挂向睦州城千載巖前續夜燈馬祖駒兒才踣
跳楊岐驢子弄蹄行東林尚有栽蓮叟南岳今無煨
芋僧虎穴魔宮遊歷遍歸來拗折一枝藤

徑山然書記歸溫州

浩然英氣塞坤維雪竇門中一足蘂蘇子墨池供草
聖劉郎桃樹長孫枝鴈峰列石增奇秀驪嶺明珠璨

陸離積翠寂音絃可續叢林草木亦華滋

送龜峯運維那

當年凝絕在龜峰接得曹源一脉通海關任教熬轉
側天高容得鶴飛冲於吾道愧雄峰祖羨子名同斷
際翁捷出橫翔宜勉勵從來閩蜀本同風

梅嶺南作無盡燈

燈中有鏡燈無盡鏡外無燈鏡亦羞十法界分千法
界一神洲照四神洲須彌常作光明柱海水頻添智
慧油縱使毗嵐吹不滅禪翁心似月輪秋

道場意無極裝觀音諸天

大士分身二十天互爲主伴下塵寰珠璣危坐金剛
石甲冑新排玉筍班說法慈容如月現摧魔寶杵迫
人寒瑤池席上功無極五色光芒照碧瀾

送空上人拜獨孤和尚塔

鷲峰普覺老菴頭夢逐錢塘江水流福慧兩全千事
足死生二字一時休龍吟枯木瑤泉冷猿啼空山玉
樹秋斂子橫擔扣靈塔刻舟何處覓吳鉤

何山鑄鐘

聽得鯨音出小溪。重興禮樂在斯時。羅幃擊處驚群
贖。元亮閒時皺兩眉。殷殷地雷停苦趣。寥寥霜韻振
清規。竺乾青石今無恙。空想拘留調御師。

寄德孤雲獎鰲山安雪心三藏主

善峯蒼翠石房幽。鼎足分來互唱酬。汾水六人成大
器。東山三佛是同流。經歸藏也禪歸海。弓學箕兮治
學裘。商略鑊頭邊事了。同時踢出百花毬。

送靈石和尚歸天台

彌天聲價似黃鍾。萬禪歸依擁象龍。大振玄綱超贖
祖。力行古道起中峯。永明的旨一湖水。天下宗師百
歲翁。白雪調高誰敢和。且全寒拾撫孤松。

謝斷江和尚遠送

我來三拜大梅常。鼯鼠聲中夢一場。仙去難追梅少
府。虎亡常護鄭襄陽。竹裏伊軋羊腸路。布帽稜層鶴
鬢霜。舞袖不須嫌地褊。松花千載有餘香。

贈仰山令藏主

令名令聞見清標。佛法于今未寂寥。甘露室中百花
醴。集雲峯下四藤條。竭來吳越尋知己。未跨船舷贈

痛撓。莫恠空疎無嘔啖。春風春雨正蕭蕭。

送僧禮祖

江東西與湖南北。卵塔千丘與萬丘。鼓簫箕唇多馬
祖。弄撈波子少巖頭。西山走入滕王閣。黃鶴踏翻鸚
鵡洲。打失眠睛拈得鼻。騎牛不必更尋牛。

兔角杖

長長兔角堪爲杖。月裏姮娥手自栽。種出中山多狡
獪。根非下土可滋培。桂輪萬里推將去。太華千重卓
得開。老倒芭蕉提掇處。有無與奪驗方來。

龜毛拂

龜背刮毛宜作佛。談玄不較短和長。掛時魔佛俱藏
六。豎起人天聽舉揚。擊碎玄關明悔吝。敲成吉兆絕
承當。趙州受用應無盡。末後猶將寄趙王。

贈中竺榮藏主

千歲巖前瞌睡虎。金陵臺上鳳凰兒。騰身時展九苞
瑞。開眼光搖百步威。不慳諸方金網密。須防平地錦
機危。翱翔遠舉高千仞。管內全班未易窺。

送郁侍者省師

小玉頻呼處。欄雞爲發機。只教迦葉會。不許老胡知。
唇水濤如雪。台山月似眉。途中得力句。歸問鹿城師。

答源藏主會住定水

識得祖師金。矢法角獸卸。却籠頭脫截。流自是香象。
王烈焰豈容蚊蚋。泊甬東開士能幅。奇芒繩要把虛。
空縛知是般事。便合休驢漢更待何時。暫伽陀寄我。
約秋來劇談。拌得禪牀。折石頭路滑。知不知。牢著脚。
跟防喫癩。

送明禪人

明明百草頭。明明祖師意。伶俐漢撩起。使行矇懂底。
只管瞋睡。皓玉無瑕。明珠絕類。草鞋乾晒。待秋風寸。
草不生千萬里。

送宗藏主歸里

有句無句。藤倚樹放下。泥盤唉不住。是真獅子便咬。
人肯倚他門。傍他戶。道不器量古。疊洗杖頭。敲出虛。
空髓。不同矮子賣布。單虛走三千五千里。罷參收拾。
歸去來。大瀉笑口不敢開。閩中尊宿若具眼。爲君高。
築黃金臺。

寒巖二隱

清涼金色我眉銀。兩枚漆桶徹骨貧。一人眼睛重八。
兩一人鼻孔恰半斤。五峯雙澗松門路。兩枚漆桶熏。
天富一人長拖獅子衫。一人高繫象王袴。老柳梢頭。
月半輪。一箇拍手一指陳。自家不省者箇意。却道修。
行徒苦辛。查箇打失無尋處。蒼苔拈來且相慰。饒舌。
豐干去不來。萬古清風一絢素。

送昱藏主歸鴈山省師

藏裏摩尼珠。古今人不識。永嘉真覺師。當陽曾指出。
白月卽見白黑月。卽見黑智者不可求。無心還自得。
晦初鴈山英。韜藏最綿密。一朝發現來。大千俱照徹。
持歸呈阿師。好事明明說。公不見藕絲孔裏騎大鵬。
等閑挨落天邊月。

伴雲室中贈玉侍者

白雲本是無羈物。冷淡爲身閑。作骨或舒或卷。或去。
留。伴之者誰有。明月道人心與明月同。白雲故故來。
相從。巖間相對兩無語。慎勿隨逐東西風。只恐道人。
出山去。石上無人伴雲住。道人若去雲亦忙。月明彼。

此無尋處

送本眞侍者

黃金真人鐵面具。招不來兮推不去。布毛拈却未會。
吹金烏飛上珊瑚樹。宗門中事非等閑。翻身直上百
尺竿。十方世界風颯颯。炎天雪片飛漫漫。中峯破砂
盆。松源生筍帶日午。打三更。面南看北斗。利利塵塵
甘露門。物物頭頭獅子吼。

送發上人歸茶陵

茶陵蹇驢顛折角。千古清風動寥廓。明珠一顆價連
城。虛空撼動黃金鐸。上人家亦住茶陵。西山之子鐵
牛孫。華亭江上見船子。一橈之下波濤翻。于今又唱
還鄉曲。爲吾寄語茶陵都。滿目溪山古又今。白雲絃
斷何人續。

贈三椽菴主

大厦千間卑七尺。平生受用人人得。三條椽下作生
涯。誰是三條椽下客。雪山六載無一椽。鵲巢冠頂蘆
穿膝。少林九年沒把茅。冷坐堆堆空面壁。趙州拽下
簾子去。到頭不識菴中主。兩箇泥牛闕不回。嚼花石

鳥來無處掀翻三椽淨。裸裸下無卓錫上無瓦。百億
乾坤蓋得周。三椽從此增高價。

送蔣山果藏主禮寶陀

大士法身等虛空。大士悲心如大海。世間欲以尺量
空。復欲持蠶測海水。虛空可量海可測。其人卽與大
士等。一毛端上無邊身。一身毛利塵海拈出誌公
古刀尺處處盡。是圓通門收得摩尼藏裏珠。不屬中
流及彼岸。磐陀石上日輪紅。大士法身全體露。

遊張公洞用天師韻贈陳景山

谿訝古洞天。風涼錦屏玉節搖。金光千年靈宮咲迎
客。銀髯丹臉脩眉蒼。扳危歷覽忘初步。仙翁飲我瓊
花露。一壺何處鳳凰鳴。玉童遙指烟霞路。

應眞過海圖

海門萬丈洪濤春。水府隱現漩渦中。綵旌羽葆搖空
濛。金釘朱戶光玲瓏。龍君海若俱肅雍。奉送十八出
世雄。不論殿後并先鋒。一踏玉塵誇神通。一擎寶塔
碧兩瞳。一揮羽扇揚清風。一軍持現樓閣重。一杖卓
立赤鯉公。一側風帽如張蓬。一老盤坐昇鬼工。一提

貝多乘青駝。一蹕獅子頭。髮鬆一坐。炊巾衣頂。蒙一披禪。納立鮎衝。一弄寶珠。翫蒼龍。一坦便腹。挾二童。一卓金錫。象力克。一將到岸。鱷如虹。一踞羊車。行恐恐。一跨斑斑。老大虫。一焚熏陸。香蒙茸。山靈出迎。虔且恭。武夫甲冑。來憧憧。方廣聖寺。鳴昏鐘。木杪高挂金鐙。紅狼狽。虎豹喧。叢叢隊伍。直入天台。峯回顧。阿耨瑠璃宮。珍重娑竭。厖眉翁。

送仰山印首座歸蔣山

正法眼藏。瞎驢滅祖。師心印鐵牛。機珪公。觀音十二面。集雲峯下。四藤枝。何如睦州。擔片板。是亦刻兮。非亦刻。靠倒雲門一字。禪掃却。臨濟四料。揀朝離。珪席暮鍾。山盤走珠兮。珠走盤。一拳打透。圓悟關。鷹巢飛出黃金鸞。

題牧松軒

道人牧松不用鞭。抱甕灌以巖西泉。向來毫末今出屋。倏忽偃蹇凌雲天。臨軒萬本青如黛。瑟瑟濤聲起。虛籟婆娑遶樹時。撫摩人與松兮。今老。大道人只怕松化龍。松間結屋巢寒空。千紅萬紫隨春風。歲寒相

伴惟髯翁

送仰山性藏主回徑山

雲騰芬始膚。寸候氤氳。來從巖徑。聚擁龍門。挂空如有蒂。抱石本無根。靜則岫盈谷。滿動則電掣雷奔。何當爲雨爲霖。去直得三千海岳昏。

示應侍者

善應無方。大功不宰。呼兮應兮。無在不在。類虛谷之傳聲。廓大千而無碍。指月話月兮。誰是傍觀。拈花咲花兮。十分光彩。

禪石歌贈江心安藏主

少林一片安禪石。風吹不入雨不濕。祖師冷坐一九年。猛省忽從空裏立。五百力士揭不動。皎皎礚礚沒稜縫。藍田曾悞李將軍。一箭發機隨手中。一斑已露呈牙爪。奮迅過如獅子吼。蜃江江上出頭來。驚得陝府鐵牛顛倒走。

松月菴歌

吾有一菴曰松月。爲愛歲寒拜皎潔。不拘南北與東西。有月有松卽休歇。無松問松松不言。舉頭問月月

在天拾枯槁。瀑邀明月我心與月同。孤圓冰輪常還
須彌。走擎來不假修羅手。缺時圓處光不分。圓時缺
處光何有。永嘉證道曾有辭。江月照兮松風吹。寒山
靜聽聲愈好。馬師賞翫增光輝。有誰識得菴中主。無
去無來無所住。去來恰似月行空。住著猶如風過樹。
此菴無壞亦無成。於中只麼老此生。松花採摘飢可
食。桂子飄洒香風清。分明一片清涼國。松自青青月
常白。傳家清白是此歌。堪與兒孫爲軌則。

無爲軒銘

佛身無爲不墮諸數。卓爾常存迥然獨露。祖師西來
兩手分付。淨智妙圓。真功德聚。八窓玲瓏。萬象行布。
二六時中行住坐臥。不事面壁。亦不觀樹。迷未嘗迷。
悟亦非悟。白雪匪歌。陽春寡和。如虎之缺。如馬之事。
室內之牀。戶外之履。往者不追。來者不拒。兎角不拈。
龜毛不豎。大坐當軒。了無回互。作銘者何。一詞不措。

養正室銘

存吾眞。養吾正。柔吾剛。折吾勁。履坦途。防機穽。任世
緣。懶奔競。持吾戒。守吾定。空吾心。見吾性。月之明。風

之靜。春之和。冬之凝。玉之溫。泉之瑩。竹之清。松之盛。
樂吾閑。適吾泳。慕前賢。仰諸聖。養者何。毗耶病正者。
何。摩竭令安臥。居續慧命。摩尼珠大圓鏡。

漁家傲拜遠法師

大法千鈞承重寄。匡廬萬仞增蒼翠。黑白三千龍象
隊。眞堪愛。過谿大咲無人會。佛運澆漓當像季。觀
師面目猶生氣。一勾聰明三味水。深無底。甘涼滴滴
醍醐味。

送漢侍者鴈山省師

巍巍鴈宕峯。舉手天一握。西菴老禪虎。據坐如山岳。
白日鼓雷霆。青天飛雪雹。佛手未易窺。先且伸驢脚。
衲子每登門。森嚴難湊泊。上人跨龍兒。應機猶啄
問子何方來。拈出當頭著。棒喝縱交馳。頽然活卓卓。
獅子貴翻身。犀牛露頭角。一語忽相投。可解千生縛。
歸來舉似儂。萬象鳴嚶嚶。

靈隱化藏主送天瑞老和尚語錄贈之

上人來自靈鷲峰。手擎兩朶青芙蓉。佛慧老人五會
錄。夜光貫月如長虹。我本無心有希冀。今此寶藏何

方至普覺師兄結集時。此特太山一毫耳。無端印板上脫來。龜毛兔角空中裁。從前了無元字。脚平地忽爾生。崔嵬焚香展拜。從頭讀繡想不曾編此錄。胡爲列在門弟。行天瑞家風。遭屈辱。寄言鷲嶺老西菴。千鈞重寄一擔擔。退藏於密袖老手。天生鼻孔誰司南。上人乃是菴之嗣。豹隱一斑曾未露。祖禪不了及兒孫。他日大方看獨步。

振寮元持淨求警策

執持糞器著弊垢衣。入淨入穢。入水入泥。日用常行。三昧發揮。古德風規。趙州東司。頭不說佛法。狼籍不少。湛堂指甲上放光。動地誠不自欺。生苕帚破糞箕。得便宜是落便宜。這般標致。誰相似。靈鷲山中有隱之。

爲恩維那說義海偈

普賢百萬毛孔中。一一毛孔香水海。於中演說三昧門。各具無量微妙義。海水可知其滴數。微妙義理不思議。阿修羅王立半身。其頂亦與須彌等。採花釀作甘露漿。萬水千波同一味。一切鯢鯨及魚龍。沾其味。

者皆充滿。一沾其味無異名。恒河沙義咸通達。稽首普賢大願師。微塵義海同遊戲。

道藏主遊五臺

六月臺山飛雪片。白日深潭鼓雷電。玻璃瑣裏素濤翻。攝身光內金橋現。此行要見七佛師。袖裏自有摩尼珠。清涼石上萬菩薩。不知那個真文殊。前三後三是多少。切忌揮命吞箇棗。問渠明白記將來。百萬人前獅子吼。

借楚石了菴韻贈詰藏主

密說顯說遮詮表詮。惟行中道不墮二邊。不在坐禪成佛。豈用作鏡磨磚。千七百則且非祖師之語。一大藏教亦非如來之禪。胸吞雲夢八九眇視十聖三賢。蚯蚓蒸過東海蝦蟇。跳上梵天放出瀉山水牯耕翻。祖父田園有縱有奪。無黨無偏。棒如雨點。喝似風旋。橋李山中二禪。將了無一法與人傳。

和元叟和尚擬寒山三首

我見世間人。利名日交接。二鼠每侵藤。四蛇常在篋。要得脫苦輪。三生六十劫。廣額放屠刀。滅却三途業。

參禪并看教。迷悟千萬般。常啼學般若。何須賣心肝。
賢愚同一揆。僧俗互相瞞。十步九喫癩。方知行路難。
菩薩不欺誑。二乘墮空寂。豐干騎虎來。拾得指羊跡。
題巖千偈多。照水雙瞳碧。不貴萬戶侯。豈羨二千石。

和北磻曹溪見柳

春工造化本無私。草木萌芽類小兒。今日曹溪看柳
眼。枝頭點綴似圓伊。

峯藏主血書華嚴經

塵說剎說熾然說。無邊香水血淋漓。雜華林內紅如
錦。五十三人醉似泥。

血書金剛經

四句偈勝七寶施。祇園會上百華春。須知大士書經
血。流出如來忍辱身。

任子敏州判二鼠圖

朝三暮四衆狙怒。羅白荔丹二鼠交。勸千鈞之弩。
藍田射虎。誰爲此。鼯而輕發機。

北磻和尚送栢庭法師序

台衡重寄栢庭老。輔轍宗門繇室翁。二老風流無復

見。惟聞大呂與黃鍾。

康上人血書華嚴經

破一微塵出大經。血痕腥汗百餘城。善財南去無消
息。啼斷春山杜宇聲。

聽松軒

淨洗山林耳。微風起。沈寥舒徐動天籟。澎湃震春潮。
鶴夢驚清響。龍吟奏古韶。聞中有真趣。愛此歲寒標。

贈金山及藏主

金烏玉兔如梭急。八駿如何追得及。滔滔楊子大江
流。夜半穿靴水上立。龍宮海藏盡豁開。赤手挾得摩
尼珠。萬仞龍門一躍過。不假霹靂轟春雷。雷者回重入
德雲堂。不用參尋經七日。金鼉背上掉臂行。盡得真
人好消息。

題跋

四祖與栽松道者立談圖

兩翁相對話無生。各要尋條活路行。千載流傳到今
日。有誰來此聽松聲。

六祖墜腰石

龍朔年深色愈蒼。墜腰踏確意非良。賊身已脫黃梅渡。千古空存舊賊賊。

明教大師墨蹟

明教禪師闍維不壞者五日。頂曰耳曰舌曰童真曰數珠。非夙承悲願弘法拯難。曷能爾耶。當其皇祐至和間。群儒鋒起。力拒吾道。微禪師火其書。廬其居。人其人者久矣。豐功碩德。與吾佛化九十六種外道。吾祖破六宗邪見。無以異。今觀親書送周感之入京詩序。雖經數百年。老舌熾然如無恙。時而墨妙嚴正。如其人焉。藏主得之於六花峯烈焰之際。不翅如獲輪王髻中之珎。愚謂縱使火之。當如百煉精金。光焰萬丈。與五種不壞者同傳。

大慧禪師衡陽示密首座帖

妙喜謫居衡陽草堂。和尚專書慰問。有道盛則魔旺。城高則衛生之語。老師答曰。自到衡陽。一向謝絕賓客。四方書問。一切闊略。獨於吾叔祖。未能忘懷。蓋其達人大觀。不以患難二其心也。密首座久侍老師。即編集正法眼藏。曰冲密者。因其回浙。囑其須見何三。

公夫婦二人。蓋亦嘗入師室問道者。而老師未能忘懷也。紹興至今二百餘年。墨光爛然。銀鈎鐵畫。如渴驢奔泉。怒猊抉石。老氣益壯。所謂機辨迅雷。靈語言。聚星斗。荷佛祖重任。恢臨濟正宗。舍師其誰歟。

曾德符榮送佛照住徑山序

佛照禪師移住徑山。以聖眷勉爲此行。固辭不可。道出山陰。訪故人曾德符侍郎。話及此意。曾作序贊其行。觀此豈似今時以撓讓爲本色。以鬬諍爲正宗。水潑不去。挺逐還來。略無廉耻。使法門同受斯辱。聞先哲遺風。餘烈寧不愧死。德符云。惟大慧方可罵真歇。拙菴方可來徑山。斯言旨哉。

真歇和尚墨迹

古人住院不拘大小。貴在得時行道而已。今觀真歇老人勸請一尊宿住護國之帖。爲法道危急之憂。故拳拳勉諭。見於真情也。或曰。所請者。乃是竹菴恐傳者之訛矣。考之真歇住江心時。竹菴奉詔開山。鴈宕能仁真歇。恐竹菴緣法未熟。特過江迎歸。方丈待以師禮。由是緇白翕然歸敬。蓋竹菴自鼓山赴能仁之。

招請住護國者。非竹菴明矣。信藏主出示此卷。命題不容不辨。

別峯塗毒墨迹

別峯禪師。贈敏知藏偈。塗毒與勇維那帖。二墨寶。獲披覽於二百年後。不特寶其語言。三昧實尊其道德。行解相應也。塗毒住逕山。別峯居海門。菴末後一著。了然明白。而塗毒臨示寂。受七日生祭。二大老皆十地中人也。余晚生恨不及見。追想遺風。餘烈爲之悚然。

癡絕和尚赴法華請示專使長偈

王荊公以半山請真淨開山。范忠宣公以天平請淨山。圓鑑開山。趙京尹以法華請老癡絕開山。皆一時盛事也。癡翁於毗陵舟中爲衍事。使書此長偈。衍之一行。非惟不辱命。又且虛往實歸。所得多矣。靖思癡絕老人高臥玉山。一旦以佛法大事。靖退小節。幡然爲法華而起。使法華增九鼎之重。吁。古道顏色。今不復見。稗沙門不揣其本。趨媚權勢。盜竊名器。裨販如來。欲求宗風之振。法運之興。其可得乎。破衲首座寶。

此其有以也夫。

又龜陰墨迹

予早年入衆。時聞之老宿癡絕禪師。見曹源和尚。有所契悟。後曹源令小師禮藏主持法衣。一頂密而隨之。不使其知。待他出世。若拈我香。將衣對衆付之。禮一依所囑。二十年後。老癡出世。嘉禾天寧一香爲曹源拈出。禮捧衣具陳遺言。癡翁下座接衣。哭爲之慟。見者聞者。莫不感歎流涕。不惟弟子求師之難。而師求弟子尤難也。今觀墨妙。叙平生出峽。見人至于入寂。從上所供。並皆詣實。師示寂于宋淳祐庚戌。時年八十有二。終于逕山。此段因緣。行狀中不收。予姑以所聞書于卷后。異時僧中秉董狐筆者。有所取焉。

應菴和尚與烏巨書

應菴老祖示衆云。三十三州七十僧。驢腮馬額得人憎。諸方若具羅籠手。今日無因到淨明。當時會中龍象。如資福詮烏巨達輩。亦不少一書與資福。見於錄中。一書與烏巨。卽此書也。老婆心切。直是說得血淋漓地。使今時稱長老者。讀之寧無尸素之愧。愚自雲。

間來主斯席。偏禮山中諸祖塔廟。至直菴祖師塔下。瞻禮老應菴遺像於影堂。乃是爲烏巨所贊者。有云。一句掀翻萬機。罔措更提拄杖。擊塗毒鼓。立禪持歸。分付烏巨。即直菴出世之地。直菴遷國清。密菴師祖。繼席後。直菴再至祖爲上堂。舉芙蓉訪實性。因緣激揚。此事力行應菴之道。謂二難也。直菴終于何麓。宰堵波巋然。松竹森鬱。父子面目如生。惜乎應世機緣。無所記載。豈非當時門庭高峻。不許記錄。抑弟子不爲流通。有此失耶。四明年藏主出此書。命題不肖忝中峯五世辭。不獲三復。感慨焚香九拜而爲之書。

山谷贊祐禪師墨蹟

山谷老人深得吾宗。佛祖禪髓。故其真贊如電掣雷奔。風起水湧。向觸髓中豁開摩醯頂門三隻。豈止奔蹶。魅走狐狸而已。直得天下老和尚倒退三舍也。

放翁法華顯應錄序

嘗觀裴相國圓覺經序。蘇翰林楞伽經序。眞輔教之文也。今觀放翁陸先生法華顯應錄序。有云。天地不足以喻其大海。水不足以喻其深。可謂知言矣。回視

排佛毀法謗僧至死不悟者。何如哉。

月江和尚語錄卷下終

古德提唱。直爲激揚。從上一著發越。學者初無注意。造作安排。句語其於言有精深。卓絕渾然。天成處。蓋出於自得。眞正發爲音聲者也。昧者不知往往反是。脫例如此。尙何有於單傳直指之道云哉。哉。今觀月江師兄語要。一出格外生機洞徹。

古德肺腑。殆不讓善於其間。但恨

天瑞老人不見之耳。

丁巳夏四月六日東林辱弟紹義敬題

月江和尚語錄。蓋中峯下四世孫所說法也。然光明盛大之傳。而至於此善觀之者。則天瑞之門大而無外。不然則被黑豆法淹殺眼矣。豈至治二年夏五澹湖清茂題。

祖師直指單提一心上乘之法。青天霹靂旱地風濤。
拂子頭上突出百億金師子。彈指一下驚倒百億須。
彌盧月江和尚。七出入沒千變萬化。步驟林際宗風。
顯露楊岐眼目。具大知見。真乘現前者。鹽鹹姜辣。定。
知開口不在舌頭上。至治壬戌夏首。淨慈海敬題。

月江余法。蜀中橫曉太白。久壓聞其四布。藉名至元。
乙亥孟夏。南寓雙槍。得觀六會語。乃合十曰。夫天瑞。
兄之衝煙樓。踰龍者。哀法道幾絕之念。釋然。前淨慈。
屬末靈石如芝書。

達磨

板窗生毛。危骨過却來石上。種油麻。游梁歷魏。成何。
事。孤負寒盧幾度花。 曹王正印爲張道著請贊。

月磡和尚語錄

元
•
妙 月
寅 磡
等 文
編 明
撰

淨慈仁知客袖月。禪和尚語錄示余。余與翁別久。喜猶見翁。因重撫卷。而曰。龍淵一滴。甚於毒藥。曼衍四海。魚龍鰕蟹。莫不喪身。失命。毒流東湖。益見毒波。浩渺三十年後。支分派別。當無際涯。後之學者。切忌望洋。向若主元甲申秋。任平江府雙蛾比丘覺菴。夢眞敬序。

月禪和尚語錄目次

卷上

序

住信州鵝湖仁壽禪寺語錄

饒州天寧禪寺語錄

饒州薦福禪寺語錄

告香普說

卷下

再住薦福禪寺語錄

送行

頌

題跋

小佛事

讚

自讚

跋

月禪和尚語錄卷上

月禪和尚住信州鵝湖仁壽禪寺語錄

嗣法住饒州

崇福禪寺

妙寅

編

師於宋景定五年歲次甲子三月初三日自饒州

薦福首座寮受請

佛殿肅乾坤大地。總不出山僧者。一坐具地。釋迦老

子。向甚處容身。唵。蘇嚕嚩哩。

諸山疏東鄰西舍。隔壁深冤。眞語實語。呪詛語。度疏

云。分明爲我重宣。

拈法嗣香。隨師三年。咳嗽相似。山僧隨這老漢六年。

相識還同。不相識。雖然也要天下人共知。此一瓣香。

蘇向爐中奉爲

揚岐第十世前住慶元府太白山天童景德禪寺

西巖大和尚用藥法乳之恩

舉法燈和尚公案。師拈云山僧本欲深藏。巖竇隱遯。

過時爲緣。天童先師有箇鍊絲網子。懸在壁角落頭。

無人著眼。觀者未免拈向鵝湖深處。一網看。下良久。

云小出大過

小參說玄說妙。鳩毒不堪待客。全□□□□□□□
我鬚山僧不循古人途轍。不落今時窠臼。要道一句。
起佛祖膏肓。開人天眼目。良久云。劍去久矣。

舉瀉山示衆云。仲冬嚴寒。年年事。晷運推移。事若何。
仰山近前叉手而立。瀉云。我也知你答者話。不得却。
問香嚴云。你作麼生。嚴云。某甲偏答得者話。瀉再如。
前問嚴亦近前叉手而立。瀉云。賴遇寂子。不會師拈。
云。瀉山大似村嫗弄兒孫。仰山既成安排。排香嚴又成。
計較。諸人會麼。誰家別館池塘裏。一對鴛鴦盡不成。
臘八上堂。一切衆生。本曾不迷悟之一字。甚處得來。
堪笑老瞿。疊鏡上又添埃。

西巖和尚忌日。祝香生。鍊網布絲網。弄盡乞兒潑伎。
倆天下。衲僧皆乞命。至今殺氣填穹壤。我幸當時不。
入頭。今日思量也好罵伊。一上休休。他是蓬萊山裏。
人。只消饒蓬萊香供養。

上堂。眼觀鼻。舌拄齶。縱憶事來。利刀在握。占井不潤。
百川潮落。遠之則近在眉稜。鼻尖近之則遠在天涯。

海角盡情俱放下。薰於不思量。無湊泊處。識得父母。
未生前。一著山僧只得隨緣。爲他證據。道箇什麼。錯。
上堂。迷不自迷。對悟立迷。悟不自悟。因迷說悟。悟乃。
迷之體。迷乃悟之用。喝一喝。青天白日。切忌說夢。
結夏小參。向上機末後句。當機何不道。開口成脫空。
觸目未嘗無。擡頭已蹉過。伶俐漢。不露爪牙。羣狐屏。
跡。猶猛虎踞深穴。不動波瀾。直取龍吞。猶金翅。壁滄。
海。如斯禁足。如斯修證。山僧只向他道。漫天鍊網。百。
千重。未曾觸著絲頭在。

饒州天寧禪寺語錄

□□編

山門天無門。地無戶。山僧有箇通霄路。諸人會麼。行。
云。一步兩步。三四五步。

佛殿八十種好。三十二相。醜惡容止。餓狗不噉。插香。
正好燒香供養。

憲帖者是提刑判府侍郎筆頭有口。所說法要。大衆。
且道。必竟所說何法。度帖云。割。
提綱。卽心卽佛。狐狸戀窟。非心非佛。當機放出。遼天。

鷄馬大師等閑向虛空裏拋箇題目。經今五七百年。更無一人描寫得著。今幸國家大比之秋。山僧隨例。向拂子頭上開大選佛場。以拂子點空云。以此揭示題目。普請盡大地人心空及第。衆中莫有一操直取狀元底麼。顧視左右。出笑從五鳳樓前過。手握金鞭賀太平。

舉僧問雲峰和尚。佛不化本國。因甚歸鄉。住院峰云。放過一著。師拈云。雲峯老漢。有口可吞。諸佛及被者。僧一問。直得無轉。身處今日。有問山僧。因甚歸鄉。住院只向。佗道盡大地是箇自己。汝作麼生。分別稍涉。遲疑主杖痛與一頓。何故要教知道鄉情有在。上堂振侍者至。記得鸛峰相聚日。嗔拳熱喝當慈悲。而今含恨重相見。只得開顏陪笑。懽喜接伊。何爲如此。爲怕龜心捋虎鬚。

上堂古佛心無背面泥團土塊。顛頭瓦片是汝諸人。每於土木場中。何止行一徧兩徧三四五徧。因甚足踏不著。眼覷不見。令人長憶謝玄暉。解道澄江淨如練。

之家語

上堂舉僧問玄沙。盡大地是一顆明珠。學人因甚不會。沙云。用會作麼。師拈云。者僧將一顆豌豆。換得玄沙四顆明珠。有問。月圓拈棒。便打何故。明珠自有明珠。價未肯和沙賣與人。

冬至小參。六陰剝盡。鄱陽湖盡底乾枯。一陽復生。贛州門暗通。一線長一線。一線長箇事。分明不覆藏。有般漢。聞與麼告報。便道一生二。二生三。三生萬物。召家云。如斯領會。笑倒街頭石敢當。

除夜小參。有物先天地。喚作一物。卽不中。無形本寂寥。填溝塞壑。能爲萬象主。卓丈一下。不逐四時凋。拈丈依舊黑。鄰地大衆雲。門打佛與狗子喫。只是這箇德山打天下。衲僧只是這箇扶過斷橋水。伴歸無月村。亦只是這箇忽有箇漢出來。道將謂主丈子有多少長處。元來技止此耳。只向佗道。來年更有新條在。惱亂春風卒未休。

上堂見見之時。見非是見。只如靈雲見桃花。畢竟是見非見。見玉兔挨開碧海門。金烏啄破琉璃殿。上堂舉僧問古德。如何是三寶德。云。麻麥豆。師拈云。

請方商量。咸謂古德被者僧一問。直得指鹿爲馬。殊不知古德舌頭無骨。開口觸著祖翁。諱忽有問報恩。如何是三寶。以主文卓三下。

上堂。布袋頭今日結上三星。下半月觀著重添眼中屑。沒理會易分別。若要通身冷汗流。嚼碎通紅塊生鏽。

上堂。諸佛的旨。諸祖玄機。分明覲面爲提持。是汝諸人。因甚覲著眼。如眉易填。巨壑難滿。漏卮。

學僧問。開先暹和尚云。年窮歲盡時如何。暹云。依舊孟春猶寒。師拈云。開先將夜光之珠。連城之璧。只作尋常瓦礫。拋却了也。今夜有問報恩年窮歲盡時如何。只向佗道。依舊孟春猶寒。

元宵上堂。靈山一燈。飲光不能撲滅。遂致一燈兩燈。三四五燈。百千萬億燈。燈燈愈熾。引得天下老和尚。盡向燈影裏作活計。山僧今日要以此燈與釋迦老子相見。以拂子作把燈勢云。看者老漢面皮厚多少。上堂。舉南泉示衆。舉趙州卽心卽佛云。王老師不恁麼。不是心。不是佛。不是物。師拈云。千巖萬壑天台路。

如是見

處處春風啼杜鵑

解夏小參。佛祖格外機。訥僧向上著。著眼覲不是。舉步踏不著。擬之卽差不。擬允錯是。汝諸人九十日如鷲在講。如魚在箔。有甚快樂。山僧今日出手爲諸人解拈去。縛去也。卓主丈一下。

上堂。舉老宿住菴門上。但書門字。窗上但書窗字。壁上但書壁字。玄覺云。門上不要書門字。窗上不要書窗字。壁上不要書壁字。何以此義。炳然師拈云。大衆諸大老。雖則各出已見。殊不知字經三字。烏焉成馬。鵝湖天寧語。因乙亥歸附失之。不全棲賢妙果語。胥失不錄。

饒州薦福禪寺語錄

侍者 法嚴 德圓 覺靜 編

山門從上諸老各立門庭。盡天下衲僧無入頭處。新薦福。響顧視左右云。左婁至右青葉。

據室橫十尺。豎十尺。潦倒龜多尊者。三千里外。所額提綱。天下無二道。聖人無二心。乾坤大地。同一日月。同一雨露。同一人民。書同文。車同軌。同之又同。無有。

不同者雖然同中有異異中有同諸人要會同處麼
萬年松在祝融峯

學僧問投子和尙諸佛出世爲一大事因緣如何是
一大事因緣子云尹司空諸老僧開堂師拈云今日
有問薦福如何是一大事因緣只向佗道干戈中立
太平基

上堂山僧自南北兵興以來佛法二字颺向鄱陽湖
裡何暇著眼觀著今幸干戈偃息人天普集未免東
撈西攬重爲宣揚卓主丈三下千言萬語無人會又
逐流鶯過短牆

上堂舉洞山行脚時讀忠國師語公案師拈云國師
鼙拍板爲山沒鉉琴雲岩無孔笛遂合成新豐一曲
直是千古罕聞諸人只今要聞麼若將耳聽終難會
眼裏聞聲兮始知

解制上堂結虛空捏定如生鉄解聖凡普請出陰界
大衆西天此土南嶽天台總不出師僧陳年破草鞋
臘入上堂圓陀陀明歷歷堪笑老瞿曇六年猶不識
驀忽服皮綻喜歡三七日直得東湖盡力讚歎也讚

歎不及大衆畢竟讚歎箇什麼乞兒拾得錫

上堂舉法眼因僧問清淨本然云何忽生山河大地
法眼答云清淨本然云何忽生山河大地師頌云塞
雲點點陣雲高黑面將軍衣白袍奪得賊鏑并賊馬
凱歌歸去醉春醪

端午上堂舉僧問趙州狗子還有佛性也無州云無
師召衆云會麼趙州大似五月五日以艾虎懸門

上堂慈明堂中安一盆水盆上橫一柄劍劍上安
一輛草鞋凡有僧來便指擬議便打師頌云無端盡
把潑衆私攤向人前誰點癡對面不能掀倒去滿天
風雨謾淒其

上堂剔起眉毛仔細好生觀白底李花紅底桃花青
底山便怎麼會剛被眼瞞管轉一機十分春在玉闌
干

上堂若人生百歲不善諸佛機未若生一日而得決
了知與麼說話大似逼龜成卦兆薦福門下只要諸
人喫粥喫飯兀兀度時雖然月不破五
冬至上堂歲在子月在子一陽生在子惟有衲僧家

佛不知有釋迦老子。祖不知有達磨老子。又誰管你天翻地覆。陰消陽長。一著子雖然也不得瞞肝膽。侗拈丈云。直須知有山僧主丈子。卓丈一下。

上堂。演祖和尚舉僧問趙州。如何是祖師西來意。庭前栢樹子。恁麼會。使不是了也。如何是祖師西來意。庭前栢樹子。恁麼會。方始是頌云。驟雨漲溪高數尺。失却搗衣平。正石明朝水落石依然。老夫一夜空相憶。

上堂。柳絲花紅鶯啼燕語。是汝諸人當機會麼。總是樓出古佛心肝。達磨骨髓。

上堂。舉佛陀波利尊者遊五臺至忻州。忽見老人問云。向甚處去。尊者云。五臺禮文殊去。老人云。大德見文殊還識否。尊者無對。師拈云。當時尊者只消彈指一聲云。休捏怪。管取老人隱身無路。

木翁赴藏山上堂。威音未生已前。有此清涼大木根。蟠無陰陽地上影。藏叫不響山谷枝。葉葉婆婆娑娑。娑娑覆天下。人是汝諸人還見麼。以拂子指云。彷彿當年黃蘗會中。喫蒿枝底尊宿。

舉六祖因僧問黃梅意旨。什麼人得祖云。會佛法人得。僧云。和尚還得否。祖云。不得。僧云。爲什麼不得。祖云。我不會。佛法師拈云。六祖和尚大似飯飽弄匙箸。都寺齋上堂。盡百千萬億恒河沙國土。爲一香積世界。盡恒河沙無量情與無情。悉爲應供。賓頭盧沾此法味。各各八萬四千毛孔。生香七日。咸證法喜禪悅。無上妙味。三昧雖然同器。而食飯色有異。又作麼生。春色無高下。花枝自短長。

廣行師號至上堂。定乾坤。句雷厲風飛。提佛祖。令崖崩石裂。法主大寶。自然而至。只今此寶放大光明。照徹百億四天下。百億四大海。百億須彌。盧諸佛乘此寶光化度一切諸祖。乘此寶光續佛慧命。四聖六凡。乘此寶光成無上道。大地師僧乘此寶光證無生法。忍且道。山僧乘此寶光畢竟如何。萬派龍川爲法海。萬重喬嶽壽吾君。

上堂。東林諸老往建康參總。講并謝後堂藏主山僧。四月五六月天暑。經過六州十縣。一一勸過。普天皆熱。無有不熱者。逗到清涼山裏。一萬菩薩與廬山。

十八高人浩浩地商量道小釋迦夢中說法直得天
左旋地右轉大衆山僧當時聞得不覺咬斷牙關
上堂九十日內山河大地一布袋九十日外是聖是
凡無空礙朝南嶽暮天台飯錢卽且置還我草鞋錢
來

謝監收上堂東山謝監收上堂云人之性命事第一
須是○若欲成此○先須防於○若是眞○人○師
拈云大衆東山老祖只道得八成如何是十成○
聖節上堂大哉乾元至哉坤元盡百億四天下車書
同一文軌雷霆同一號令雨露同一沾溉日月同一
照臨無一物不被化育無一物不受攝持無一物不
承恩力巍巍乎四三王而德有餘蕩蕩乎六五帝而
道無極萬國懽呼共樂昇平正當大電繞樞之辰當
何祝讚黃河清徹底南嶽翠摩天

冬至上堂擊鼓陞堂分明指示冬至月尾賣牛買被
歲夜小參虎兒年日頭已盡兔兒年日頭未發頭正
當此時欲說虎兒年佛法大似拈出過界關子欲說
兔兒年佛法寅年不可喫卯年糧只今諸人握節當

之十經千

智合作麼生須主丈子出來作箇處分卓丈三下會
麼簷聲不斷陳年雨電影初驚新歲雷
啓建聖節上堂釋迦文佛證等虛空示等虛空昔於
靈山會上百萬衆前發大誓願願二十年後乙亥之
歲示現受生於北鬱單越爲天子爲人之王爲大
地衆生之慈父今正是時不展一戈不發一矢直得
四夷八表異國遐荒悉歸至化航海梯山奉璽稱臣
今當先月之期畢竟如何祝讚四海九州同雨露壽
同喬嶽鎮乾坤

上堂舉梁山和尚示衆云南來者三十棒北來者三
十棒雖然如此未當宗乘師拈云大衆梁山一條白
棒胡揮亂打未當宗乘實語當懺悔薦福不問南來
北來普請參堂去何故袈裟同肩

上堂舉趙州因僧問學人乍入叢林乞師指示趙州
云喫粥了也未僧云喫粥了州云洗鉢盂去其僧有
省師拈云前輩謂趙州禪在口皮邊及觀答者僧所
問費盡計較者僧果然乍入叢林一時錯會有問薦
福學人乍入叢林乞師指示拂子柄和聲便打也教

知道山僧不負初機

上堂舉法雲佛照果和尚云老僧熙寧八年文帳在鳳翔府供申是年華山崩倒壓了八十餘里人家汝輩後生知甚茄子瓠子後來佛照和尚每上堂長舉此話以示學者師召衆云老僧寶祐四年文帳在慶元府天童寺供申是年東海汎漲浸了十州五十縣海印發光燒了三十三天帝釋鼻孔汝輩茄子瓠子那裏得知

上堂天地紅爐鬱且蒸萬岳清撼寒濤聲六月賣無價奈此松風清拊闌一笑大江橫

上堂舉開先英和尚示衆云有一人說得一丈一寸也行不得有一人行得一丈一寸也說不得有一人說得行得有一人說不得行不得要於四人中覓一人爲師明眼衲僧試請揀看師拈云要於四人中覓一人提鞋挈履明眼衲僧試請揀看

上堂舉徑山大慧杲和尚問僧一切智智清淨無二無二分無別無斷故你作麼生會僧云一切智智清淨無二無二分無別無斷故某甲只恁麼師高聲云

抱取貓兒來僧無語師便喝出師拈云諸方咸謂造僧隨語生解殊不知倒握太阿直得老妙喜命若懸絲一種是聲無限量有堪聽有不堪聽

上堂舉教中道於一切時不起妄念於諸妄想亦不起滅住妄想境不加了知於無了知不辯真實師拈云釋迦老子爲人天師檢點將來業識猶在

中秋上堂舉石明猷和尚因僧問月生雲際時如何猷云三箇孩兒抱花鼓好大哥莫來攔我毬門路師頌云天邊有月生雲際木人石人眼卓豎瞥轉玄機那邊觀三箇孩兒抱花鼓

上堂是亦剗非亦剗盡法無民山僧今日曲爲指陳幽州江口石人蹲

冬至上堂從佗節序又迎新衲被蒙頭總不聞清曉偶然臺上立幾多人錯認觀雲

佛成道上堂曠大劫來明歷歷緣何此夜眼方開六年擬坐無折合謾誑衆生出岫來

上堂舉香嚴和尚頌云去年貧未是貧今年貧始是貧去年貧尚有卓錫之地今年貧錫也無仰山云如

來禪許師兄會祖師禪未夢見在香嚴再頌云我有一機瞬目揚眉若也不會別喚沙彌仰山云且喜師兄會祖師禪師拈云仰山將火試金香嚴試金於火不妨奇特雖然敢保仰山亦未夢見在

舉僧問投子如何是十身調御投子下禪床立又問凡聖相去幾何投子亦下禪床立頌云美如西子離金闕嬌似揚妃下玉樓十二金釵顛倒插不風流處也風流

解夏小參垂絲千尺未告掣動六鰲之釣劈口一撓等閑闌斷千江之急轉得身吐得氣要望東湖猶隔弱水三萬里一向與麼道絕人荒放一線道與諸人有箇商量只如尅期取證畢竟證箇什麼薰風自南來殿閣生微涼

謝秉拂及齋上堂召衆云夜來山僧從定安詳而起步自寶街忽見二僧鴈眉雪頂梵相偉然相對而議一僧云知事所辦妙供有八百功德頭首所說妙法有千二百功德又一僧云頭首所說妙法有八百功德知事所辦妙供有千二百功德展轉傳論經八千

而字通衍

反無有窮已山僧忍俊不禁遂將八字與佗折證直得二僧點首微笑去諸人只今要聞折證底八字而麼財法二施等無差別

上堂有準的沒窠臼有時觀捕全無無時觀捕還有取不得捨不得畢竟作麼生措手召衆云饒州城裏一分鈔買柄芭花帚

上堂舉南泉云我十八上便解作活計趙州云我十八上便解破家散宅師拈云諸人要見二大老麼八十婆婆不知老人前拈弄嫁時衣

楊總攝至上堂諸佛出世如優曇花時一現耳諸人還委悉麼大河以西無陰陽地上有一種靈苗其大根器具大枝葉其花開敷大若車輪於一葉中開百千萬億花於一一花中現出金色世界銀色世界如寶絲網如妙莊嚴金色頭陀開顏微笑解空尊者讚言希有其香秘芬攝乎大國之間盡四天下若僧若尼無不被其福蔭只今出現於鄱湖之上現前一衆同一耳聞同一眼見畢竟功歸何處此種只應天上有萬年長祝聖明君

上堂舉雪峰示衆云。飯籬裏坐有餓死底漢。河水沒頭浸有渴死底漢。師召衆云。鐵牛不喫欄邊草。

上堂。崇報楚雲長老至。黃蘗痛棒打臨濟不死放風掣。頭薦福不敢一絲毫。誤賺諸人良久。顧視云。萬疊西山雲外春。

上堂。鳥鳴芳樹。蛙鬧葑池。最親最切。總爲提持。不如三更枝上一聲聲。是杜鵑啼。

上堂。謝雪隱。西江十八灘。聲太白峰頭同一眼。聽東海潑天濤。瀾集雲峰頂同一耳。觀眼耳俱忘。觀聽皆滅。三十年後重新舉。舜若多神驚吐舌。

除夕小參結座。一年將盡。是今宵自覺叢林未寂寥。莫莫堂前香藹藹。十分春色上梅梢。

西巖和尚忌拈香。昔日玲瓏岩頂上。無端日午現妖星。黑光照耀四天下。眩惑蠢動并含靈。人人盡指爲太白。山僧親識破元却是長庚呈香云。諸人只今要見麼。插香云。此去明州十萬程。

上堂。舉雲門示衆云。直得觸目無滯達得名身句身一切法。空山河大地是名名亦不可得。喚作三昧性。

海俱備。猶是無風匝匝之波。直得忘知於覺覺。卽佛性矣。喚作無事人更須知有向上一竅。師拈云。大衆脚力盡時山更好。

上堂。雲門放洞山三頓棒。陷虎機深黃蘗打臨濟三頓棒。並賊與賊薦福用處。豈良久云。三千里外斫額結夏小參。普慧雲興二百問。普賢瓶瀉二千酬。自謂箭鋒相拄。今古罕儔。殊不知窮諸玄辯。似一毫置於太虛。惟有富山古禪師。拈出兩枚鐵橛。百千諸佛。窺覷無由。一大藏教。演說不及。直是奇特。今幸過遇。制之辰山僧。分明指出。呈似諸人。以手指牌云。莫莫結制上堂。鐵彈子蠟人冰。總是古人用過底。閑家潑具薦福以天地爲爐。若銅若鐵。悉化爲金。良久云。海南有果樹頭心。

上堂。水潦和尚被馬師一踏起來。大驚小怪。喜喜懽懽。笑不休。休休尺絹搗練杯。酒上樓。

端午上堂。等閑拈起一莖草。貴如泥土賤如金。活能死。死能活。那箇師僧病最深。

上堂。舉五祖演和尚示衆云。但只喫菓子。誰管樹曲。

◆靈明

衆師云大衆堂閒飲水者敬地脉今於五祖老人見之

上堂舉雲居因僧問山河大地從何而有居云從妄想有僧云與某甲想出一錠金得麼居便休去僧亦不可師拈云有問薦福與某甲想出一錠金得麼拈棒痛與一頓何故要議眞金火裏看

上堂舉瀉山在方丈內師見仰山入來瀉乃轉面向裏臥仰云某甲是和尙弟子不用形迹瀉作起勢仰便出去瀉召云寂子仰回來瀉云聽老僧說箇夢仰低頭作聽勢瀉云爲我原看仰取一盆水一條手巾來瀉遂洗面了纔坐香嚴入來瀉云我適來與寂子作一上神通不同小小嚴云某甲在下面了了得知瀉云子試道看嚴乃點一碗茶來瀉嘆云二子神通過於鶩子師拈云大衆度水擎茶乃諸方普請邊事堪笑老瀉山便作神通會

上堂德山不棒是處井中皆有水臨濟不喝誰家竈裏火無煙雖然不因樵子徑爭到葛洪家

中秋上堂雲開萬里乾坤闊玉漏聲沈夜未央一片

心遠難迷

心君難若

心知難如

靈明輕發現滿天滿地撒寒光

冬節小參京師出大黃舌頭三寸長或謂一期答者僧之問或謂方使爲指速之方浩浩地笑諸方總錯商量殊不知倒握露刃釵凜凜君寒霜忽有一箇半箇啐地斷曝地折方有少分相應吽吽笑倒永平門外社三郎

上堂謝前後堂秉拂舉臨濟會下兩堂首座一日舉頭相顧各下一喝僧問臨濟未審具賓主眼否濟云雖然知此賓王歷然師云兩堂首座一人拈出照乘之珠一人拈出連城之璧臨濟尋常喝似雷奔者裏下得一喝何止價增十倍

上堂舉當山古塔主凡有問止言莫或云莫莫師云古禪師大似淮陰侯背水陣置之死地而後生上堂一機不露萬機寢削今日當陽提者一著卓丈一下云荊山之玉輕抵鵠

上堂如佛見佛佛無異見如法說法法無異說只如鴉鳴鵲噪鶯啼燕語是有異說是無異說上堂舉瀉山採茶次問仰山終日只聞子聲不見子

形仰撼茶樹。瀉云子只得其用。不得其體。瀉云未審和尙如何。瀉山良久仰云。和尙只得其體。不得其用。瀉云。放子三十棒。師云。子得其用。父得其體。互呈醜惡。挂人唇齒。至今茶樹上葉葉哭春雨。

上堂。舉教中道。一切智智。清淨無二。無二分。無別無斷。故師云。東澗水流。西澗水。南山雲起。北山雲。

上堂。德山棒。臨濟喝。秘魔叉。和山鼓。拈向一壁作麼生。割斗折衡。而民不爭。

上堂。世尊拈花。南泉指花。靈雲桃花。智門蓮花。總是空花。添得衲僧眼中花。諸人若要發明心。花顧視左右云。直須鐵樹開花。

結夏小參。舉五祖和尙結夏。上堂云。結夏無可供養。大眾作一佳宴。管顧諸人。遂舉手云。邏囉。招邏囉。搖邏囉。送莫怪。空疎伏惟珍重。師拈云。老東山佳宴。將謂駭動人天。及乎拈出也。只尋常。雖然大羹明水。至禮存焉。

都寺齋陞堂。諸供養中法。供養爲最。召衆云。諸佛無法。可說。諸祖無法。可得說。世間法。屈抑諸人。說出世

間法。厚誣諸人。說目前法。目前無法。所謂是法。不可示。言辭相寂滅。未免今我當該都寺。以督軍湖具八功德。澄湛不波之水。供養諸人。只如凡夫見水。是水。天人見水。如琉璃。菩薩見水。如甘露。又且如何。地無差別。相山自有高低。

上堂。施飢虛者。以食。則飢虛無所不療。施冥迷者。以燈。則冥迷無所不見。拍繩床云。西風一陣來。落葉兩三片。

上堂。世尊有密語。今古無人舉。等閑舉得最分明。夜來滴滴簷頭雨。諸人睡著不曾知。付與村農自歌舞。上堂。舉寶公寄語。思大何不下山。教化衆生。目視雲霄。作麼思大云。三世諸佛。被我一口吞了。何處更有衆生。可化師云。寶公大似行間鄰國。要撥亂太平。干戈思大望雲別陣。雖則復行反間。而累及大地師僧。墮在干戈林裏。無有出期。

萬杉東源和尙遺書至上堂。廬山陽星江上。如雷聲行。喝如雨點行。棒天下衲僧難近。傍村草步頭活計。被渠一時屏蕩。瞿曇四月八日降生。渠乃西往東湖。

開爐上堂。慇懃彌勒。胡達磨。齋劄相逢。圍爐打坐。或說當來下生。或說開花結果。者匙火筋。笑呵呵。總是認橘皮作火。

上堂謝絕岳和尚。舉芙蓉訪實性大師。師上堂。右邊拈拄丈。向左邊云。若不是芙蓉師兄。也大難舉。當師拈拄丈。薦福不拈拄丈。只消攪鄱陽湖。爲酥酪供養。我絕岳師兄。何故先師正法眼。藏盡向此老手中滅却。

冬夜小參。把定牢關。天凝地閉。放開一線陰。剝陽生。衲僧家一箇箇梯已有一本。陳年曆日。按時索候。極是分明。聞山僧恁麼道。大似泗洲人見大聖。雖然從冬數九。前頭大有寒在。

結夏小參。難難虛空捏聚不成團。易易無手牧童穿穴鼻。也不難。也不易。斷頭衲子加篙柁。三轉語有權有實。有照有用。謂之薦福三關。伶俐衲僧。聊聞舉著。便乃掉臂而過。當別甌炊香供養。伊其或如虎看麼。似鴨聽雷。要望山僧主丈子。三生六十劫。舉雪竇和尚示衆云。大施門開。無壅塞。忽有箇僧出。

來雪竇。退身七百里。何故臨危不悚人。師拈拄丈。薦福大施門開。無壅塞。忽有箇漢出來。拂子柄痛與三十。何故。千兵易得一將難求。

結夏上堂。諸方用處。多是鉤頭著餌。刃上著蜜。直欲置之死地。而後已。薦福只要諸人。順時保愛。何故。納百川而變化。魚龍者海。

上堂。識得一萬事畢。畢竟一作麼生。識不用天涯海角。尋日用當機明歷。歷諸人若更遲疑。分明爲汝指出。以主丈畫一畫。

除夜小參。道無蹊徑。饒州東出。永平門法無定。相木歲又除。壬午曆冥運。潛舒玄機。尙戢過去已過去。未來猶未來。直得天凝地閉。雪老冰枯。蟄戶未開。龍無龍句。正當此時。諸人性命。落在甚處。卓主丈一下云。一聲鳴爆竹。天地悉皆春。

舉趙州一日。向雪中臥。叫云。相救相救。時有僧亦去州邊臥。州便起去。師拈拄丈。趙州下牒求。鶴直得四稜踏地。這僧蔗咬甜頭。不覺隨佗圈。續薦福當時若見。只消深深堀雪。一坑埋却。

上堂禹門三級霹靂一聲便見躍冲天頭角東湖正當桃花浪蹊時節諸人因甚不覺不知良久云識法者懼

上堂行亦禪坐亦禪語默動靜體安然永嘉大似挾兔園冊數順朱底雖然莫言平坦路步步有深坑上堂仁姪自淨慈歸舉夾山嘗遣一小師徧遊禪肆殊無趣向又聞夾山道譽遠播乃回省覲云和尚有如許奇特事何不早向某甲道山云汝蒸飯時我爲著火汝行益時我爲展鉢甚處是孤負汝處小師因而悟入薦福待便道何不早向某甲道拈棒痛與一頓何故要教知道果然有如許奇特事

上堂一切障礙是究竟覺釋迦老子向荊棘林中開條通天活路與諸人東行西行雖然莫教輕路著有刺隱汝脚

結夏小參說安居偈束縛虛空寬安心法針頭增鎖諸方倒以九旬爲期薦福以不退轉音聲輪世界善騰光明蓮華開敷佛刹不可說劫爲一彈指頃以一彈指頃爲不退轉音聲輪世界蓮華佛刹不可說劫

木疑不

諸人於中只麼空閑閑地過諸佛祈願望不及設有一人修寂滅行罪坐木赦

舉晦堂問圓悟云勤兄近日如何悟云起滅不停堂云可知博地凡夫我二十年前也曾恁麼來而今會也脚尖頭也踢出一箇佛師拈云脚尖頭也踢出一箇佛正是博地凡夫

上堂謝隱靜空岩長老臨濟見黃檗六十痛棒剛言猶舊枝拂相似奸漢著拳隱靜見薦福一盞篙湯備禮儀且道與古人相去多少牛頭南馬頭北

上堂舉僧問香林如何是衲衣下事林云臘月火燒山師頌云臘月火燒山將軍度鐵關陣雲千里遠獨奏凱歌還

上堂舉僧問九峰承聞和尚親見延壽是否峰云山前麥熟也未師云薦福看來九峰果然親見延壽何以見得開口便作蘇州鄉談

端午上堂賤如泥土貴如金寶亘古亘今至玄至妙道是難明還易曉起得衲僧必死之疾開得毗耶所杜之口是甚麼物得與麼奇特豎拂子云此一莖草

上堂舉南泉和尚刈茅次有僧問南泉和尚路向什麼處去。泉舉起鎌子云：「這箇是三十錢。」買僧云：「某甲不問這箇。」泉云：「汝問什麼？」僧云：「問路從什麼處去。」泉云：「我使得最快。」師召衆云：「大眾當時待南泉舉起鎌子道：『箇是三十錢。』買便好與伊奪却。」鎌子却再問路向甚麼處去看箇老漢作麼生。

上堂達磨大師以狼毒砒霜爲箇蜜。九十萬里航海西來直欲盡毒。東震旦師僧所幸我此一衆各各知機。掉頭不顧。雖然見之不取。毋貽後悔。

上堂蛟不識劍。劍下死虎不識筭。筭中死。從上諸老各設機關。甚於劍筭。汝等諸人聞如不聞。見如不見。方有少分相應。

結夏小參。山僧今夏向督軍湖畔下箇斗門。闌子千流萬派。一開一闔。斷涓滴不通。一切魚龍蝦蟹游泳其中。咸知以水爲命。無端青天白日霹靂一聲。直得波騰浪湧。若魚若龍。乘雲變化。上昇層霄。召衆云：「只今莫有曝顯底麼？」良久云：「敗將不斬。」

開爐上堂。法昌對泥人說法。生公對石頭講經。禮義

生於富足。薦福燒槽。樵火供養諸人。又作麼生。禮與其奢也寧儉。

上堂謝興教院主西林藏主欲起達磨一宗。須是大根大器。始得臨濟德山。不堪屈指。天下老和尚車載斗量。不堪持論。大眾還見麼。涿川川上光明現。彷彿香溪藏裏珠。

上堂千句万句煩主丈子。只作一句道看。卓一下下座。

上堂舉芙蓉初參歸宗。問云：「如何是佛？」宗云：「我向汝道。」汝還信否？芙蓉云：「和尚誠言。安敢不信？」宗云：「即汝便是。」問云：「如何保任？」宗云：「一翳在眼。空花亂墜。」師拈云：「大小歸宗。大似騎賊馬。殺賊未爲好手。」有問薦福如何是佛。拈棒便打。

至日上堂。豎拂子云：「過去佛現在佛。未來佛只今在。」東湖拂子。頭上聚首。同觀東方金色光明雲。西方銀色光明雲。中央黃色光明雲。無端露明柱子出來。彈指一聲。呵呵大笑。且道笑箇什麼。俗氣不除。

佛成道日上堂打圓相云：「這一星兒。二千二百年前。」

臘月八夜。輝天鑑地。放大光明。釋迦老子與一切衆生。同一眼見。同證無上正等正覺。惟有薦福主丈子。不曾將眼觀著。何故鄉自用鄉法。

除夜小參。一年將盡。夜萬里未歸人。師召衆云。且道誰是未歸者。三世諸佛止宿草菴。歷代祖師坐在半途。天下老和尚。正買草鞋行脚。我此現前一衆。不慕諸聖。不重已靈。飢來喫飯。困則睡眠。石爛松枯。誰管你一年將盡不盡。似這般底。正是純鋼打就生鏽。鑄成雖然畢竟如何。是到家句。只今歸去便歸去。欲覓了時無了時。

元日上堂。新年頭佛法鏡清道。有智門道。無行盡江。南江北路。家家門首釘桃符。

元宵上堂。謝兩斑治國者。元首明股肱。良則庶事康。薦福股肱。良法道昌。萬炬蓮開。優鉢香。

上堂。漁舟一箇兩箇欸。乃歌聲楊柳三株四株低。垂金線佛祖玄機。十分成現。魯公亭上來來往往。多少衲僧。阿誰親見。見沙禽已在浮洲岸。

上堂。治俟照乘之珠。相如獻秦之璧。爭如薦福門下。

△何言日
有何言

一陣桂花風。滿地皆金屑。雖然諸人切忌觀著。何故落眼成翳。

上堂。俱胝得天龍一指水。潦被馬師一踏。自謂抹過禹門。身在九霄之上。檢點將來。正是認家爲家。若約德山門下。猶隔弱水三萬里在。

上堂。舉阿難一日白佛言。今日出城。見一奇特事。佛云。見何奇特事。阿難云。入城時。見一攢樂人作舞出城。總見無常佛。云。我昨日入城。亦見一奇特事。阿難云。見何奇特事。佛云。我入城時。見一攢樂人作舞出城。時亦見樂人作舞。師拈云。山僧昨日入城。亦見一奇特事。求平門內。天慶觀前。有一攢樂人。築氣毬。眼親手辨者。活潑潑地。搆得乃稍涉遲疑。便乃隨地輟向城子外去也。諸人若不信。入城時驗取。

端午上堂。佛病祖病。正在膏肓。文殊是藥。採將來都用不著。杜順灸猪左膊上。亦錯商量。東湖水點菖蒲茶。召衆云。箇是單傳海上方。

上堂。舉香嚴問僧。甚處來。云。滄山嚴云。近者何言。曰。句云。有問如何。是西來意。爲豎起拂子。嚴云。彼中兄。

弟如何商量云。盡道卽色明心。附物顯理。嚴云。著甚死急。僧云。師意如何。嚴亦豎起拂子。師拈云。薦福作這僧待香。嚴豎起拂子。亦只消道箇著甚死急。

上堂有縱跡沒縫罅。善財七日尋覓不得。趙州五年分疎不下。汝等諸人。那邊經冬者。邊過夏。因甚問著如翼似啞。顧視云。水銀無假。

清明上堂。謝台州梅磻藏主。天台山萬疊。信手輕撥。轉六種皆震動。玲瓏人人面。直得五百箇聲聞從定。安詳而起。托眉底托眉。點胸底點胸。讚歎底讚歎。召衆云。畢竟讚歎箇什麼。寒食梅花香滿壩。

浴佛上堂。周家有國。聖明朝甘蔗無端產。異苗後代兒孫非五逆。百千鳩毒一瓢澆。

聖旨看藏經上堂。一大藏教只說者箇。以拂劃一劃云。玄中之玄。妙中之妙。无塞乾坤而不見其大。綿亘古今而不見其長。古德倒一說。搏量不及趙州。繞繩床。費力不少。諸人只今要會麼。壽如嵩嶽。福如海水。共斯民樂泰平。

中秋上堂。并謝五峰雲叟。舉馬祖與百丈南泉西堂。

三人隨侍。旣月師示衆云。馬大師與二三子大似全身坐在廣寒宮裏。却向四天下覓月。直得五峰掩口。盧胡諸人只今要見月麼。以拂子打圓相下座。

上堂。舉趙州因僧告辭州云。甚處去。僧云。諸方學佛法。去州豎起拂子云。有佛處不得住。無佛處急走過。三千里外逢人不得錯舉。僧云。與麼則不去也。州云。摘楊花摘楊花。師拈云。趙州念出兩道。奉送真言。直是奇特。薦福亦有一道。煩主丈子爲諸人念看。卓三下云。三千里外逢人不得錯舉。

上堂。謝雪洲太白峰頂雲太湖波心月。黑夜散清光。炎洲飛皓雪。不是古佛玄機。亦非諸祖妙訣。別萬像森羅驚吐舌。

上堂。真正法要玄極秘密。言語道斷。心行處滅。是以世尊不說說迦葉。不聞聞因甚。新羅擊鼓。西天那蘭寺裏燒香。

冬至小參。洞山撥退果卓。儉不中禮。慈明貼榜。僧堂前肝膽全露。薦福不打這般車裏油。召衆豎拂子云。看看壁角落頭。萬年籃裏有一顆無陰陽地所產希。

奇之莫不是鄭州黎青州聚亦非阿那律陀所指堂中菴摩羅直是百味具足不比平常今夜拈出與諸人作箇至節家宴以拂子打圓相良久云貴賤賣舉雪峰因問王令使者送柑橘二枚有書云既是顏色一般因甚名字不同峰開看了仍封回王問玄沙沙將一張紙蓋却師拈云雪峰封回玄沙蓋却諸方咸謂閻王被二老熱謾殊不知二老被閻王謾却有問薦福只消輕輕颺向督軍湖裏一任疑著

上堂舉台州國清寺拾得一日掃地次寺主問云汝名拾得因豐干拾得汝飯畢竟汝名什麼拾得放下苕帚叉手而立寺主復問云畢竟名箇什麼拾得拈苕帚掃地而去師拈云放下苕帚提起苕帚咤王升鬼西

舉僧問古德年窮歲盡是如何古德云東村王老夜燒錢師拈云東村王老夜燒錢撥轉須彌作案山途路紛紛未歸客擡眸錯認白雲間

上堂佛告普眼菩薩云頗有人能說幻術文字中種種幻相所住處不答云不也佛言普眼幻中幻相尚

不可說何況普賢菩薩祕密身境界祕密語境界祕密意境界而入其中能入能見師頌云八十樵翁無賴查芭鞋踏破亂山霞那知一跡不到處別有葛洪僊處家

上堂大庾嶺頭高安灘頭下盡手脚結盡冤讎箇事何曾得徹頭良久顧衆云禍在源頭

上堂三千里外賣却布單而來望雲上樹三十年坐破七箇蒲團守株待兔伶俐漢未舉先知已是蹉過不少那堪晝三夜三東觀西觀如猫捕鼠不堪持論雖然長因送客處憶得別家時

上堂舉香嚴示象云如人上樹口銜樹枝手不攀枝脚不踏枝下面有問祖師西來意答佗則喪身失命不答則有違所問畢竟如何卽是師頌云大道平平無壅塞無端特地設深坑衲僧若具丈夫志解向欄先掉臂行

上堂舉睦州和尚見僧便喚止座僧回頭州云擔板漢雪竇拈云睦州只具一隻眼喚者僧既回頭因甚喚作擔板漢黃龍云雪竇亦只具一隻眼者僧喚既

名疑各

回頭因甚不喚作擔板漢師拈云薦福亦一一覈實將來三大老只好一欸併按何故名見一邊

丘疑正

李僧錄看藏經請陞堂道非言無以顯教教非言無以明道妙有不有真空不空始從鹿野苑終至跋提河於是二中間未嘗談一字釋迦老子大似將阿耨池水覆向百億四天下却要隻手一時收取諸人於此開得摩醯丘眼便見龍宮海藏天上天下盡虛空界無非此經妙獨超乎諸聖之表而不見其形道遠邁乎萬古之先而不見其迹雖然至愚不昧在大智或迷阿難陀不得集而爲經優波離不得結而爲論諸菩薩不得衍而爲律變林大士不得藏而爲輪從上諸老或對一說倒一說全藏半藏演出演入總是隔九秦華說影子邊事確實而論直須向眼根舌根意根未動已前一氣轉得一大藏方與釋迦老子同一舌類握手於二千二百年前極含類於三途導群生於十地既然如是諸人只今要見麼以手指經云經歸寶藏功圓處香藹長空慧日高

類疑頭
極挑

論律恐倒
置

坦平平從朝至暮過了千千萬萬總是貪程阿那箇知道督軍湖裏無風荷葉動必定有魚行
臘八上堂正覺山中夜氣清瞿曇特地不惺惺却將曠劫無明種認作浮雲缺處星
上堂黃蘗山頭三頓棒集雲峰下四藤條行不著用得喬堪笑大禪佛小斯兒錯將一滴認作全潮
上堂德山一日托鉢上堂時雪峰作飯頭見便云這老漢鐘未鳴鼓未響托鉢向甚處去麼德山便歸方丈峰舉似岩頭頭云大小德山未會末後句山聞令侍者喚來問汝不肯老僧那岩頭密啓其意山乃休去至明日陞堂果與尋常不同頭至僧堂前撫掌大笑云且喜老漢會末後句雖然如是只得三年山果會三年而沒師拈云擊梧桐驚老鳳屏九淵縛獐龍同不同別有靈犀一點通
上堂學智者禪師在南岳看法華經至是真精進是名眞法供養如來處豁然大悟便見靈山一會儼然未散師頌云行盡江南數十程曉風殘月入華清朝元閣上西風急都入長橋作雨聲

心藏經

心藏經

辯都寺看金剛藏請上堂諸佛垂慈如春在百花月
臨衆水召衆云只今山僧拂子頭上化現百億無量
國土一一國土中化現無量百億給孤獨園一一園
中化現無量百億釋迦文佛各具大無礙辯才演說
四生四無相四句偈佛病祖病衆生病一切攢簇不
得底病聞者見者或證大安樂大自在法門三昧莫
不歡喜踴躍嘆未曾有無礙辯都寺既證大安樂大
自在法門三昧爾時一千二百五十比丘同聲讚言
壽如金剛福如金剛堅固寶藏亦如金剛是沙諸人
還見麼滿空花雨散天香

善友水陸請陞座一法若有毗盧墮在凡夫萬法若
無普賢失其境界心生則種種法生心滅即種種法
滅若於千聖頂上開得隻眼則無佛無衆生亦無有
天堂地獄其或未然則陰陽昭于二境善惡判乎兩
途善則超於諸聖惡則有鐵圍百刑之苦我佛具大
慈憫故救度一切諸衆生召衆云主丈子只今化作
釋迦大覺世尊領諸徒衆無數億萬於虛空界身高
七多羅樹放眉間五色毫光照破種種地獄鐵床化

作蓮華座劒樹化為白玉梯鑊湯化為芙蓉池重說
十二因緣無明緣行行緣識識緣名色名色緣六入
六入緣觸觸緣受受緣愛愛緣取取緣生生緣老死
憂悲苦惱說甚因緣竟於是一以深重非業之囚悉
得超生化樂之宮只如現前一衆試填受生或薦祖
禪或寄寶藏一一悉得如預懽喜踴躍嘆未曾有諸
人要會麼好看中元佳節夜滿城瑞氣藹東湖

上堂自杭州歸謝副寺維那知客洞山提起無星秤
子雲峰呈似一快漆桶直得諸佛放大光明照徹一
切檢點將來猶是門頭戶底作略山僧近登芙蓉五
嶺一步高一步直至千峰頂額召衆云只知眠底乾
坤闊不覺雲開尺五天

上堂謝梁山東長老寂歷梁峰歲月深春風浩蕩入
枯林要開萬世無窮業只在堅持一寸心

上堂舉昔有秀才問趙州佛不違一切衆生之願是
否州云是才云乞和尚手中丈子得麼州云君子不
奪人所好才云我非君子州云我亦非佛師拈云秀
才向飢鷹爪下分殮猛虎口中奪肉趙州將欲與之

必固奪之。若是薦福。卽與之道。山僧主丈子。今日分付著人。

上堂。舉漸源和尚。有僧來參。源在紙帳裏坐。僧撥開帳去。不審源以目視良久云。會麼。僧云。不會。源云。七佛已前事。爲什麼不會。僧學似石霜霜云。如人解射。箭不虛發。師拈云。漸源等閑輕擊著。陳年瓦缶而石霜以金鏞應之者。僧雲沾酒樓前聽管絃。

佛成道上堂。瞿曇錯認者。星兒動地驚天。誰阿誰奉勸諸人。今夜裏只消熟睡到雞啼。

上堂。謝石霜首座并碣監寺。喚回五百比丘於霜華已死之後。首座費力不少。踣跳三脚驢子於圓通未用已前。監寺學步超逸千載。方逢傑作。東湖試爲平章。堪笑老來無定力。隔江屏水潑鴛鴦。

上堂。舉五祖和尚示衆云。殷勤喚汝不歸家。貪看門前弄金沙。每到年年二三月。滿城開偏牡丹花。師云。五祖老漢用盡自己心。殊不知春至牡丹花自開。上堂。舉世尊拈花迦葉微笑。頌云。雪後園林春正濃。玉容公子玉花驄。彫弓閑試黃金彈。打落天邊一箇。

鴻

二月望上堂。江山處處東風軟。桃李紛紛春意酣。是滅度耶。不滅度。當機識取老瞿曇。

上堂。拈德山棒。海騰嶽立。設誑癡頑。用臨濟喝。雷厲風飛。徒張氣勢。薦福只向諸人道。三年一閏。今年有兩箇。二月半。若也不信。試將新頒授時曆。從頭檢看。

上堂。若論此事。譬如琴瑟笙篴。雖有妙音。若無妙指。終不能發。薦福今日。煩主丈子爲諸人發。此妙音卓一下云。竹不如絲。絲不如肉。

上堂。普請摘茶。仰山撼樹。則川提籃。檢點將來。落二三入草。一回親見得。枝枝葉葉是瞿曇。

上堂。謝崇福良岩長老。東湖一曲。非五音六律之所能拘。非十聖三賢之所能學。祕之石函。束之高閣。諸人只今要聞麼。卓主丈一下云。彷彿琵琶三弄。依稀鈞天廣樂。

西巖和尚忌日。拈香咄。這川僧。似無討處。強無討處。數無討處。納僧分上。結冤讎。直到十分極處。至今無。

雪屈處雖然拈香云。只這箇諸人也要知。佗出處呈起云。出自蓬萊深處。

老疑者

上堂。舉藥山問僧。甚處來。僧云。江西來。山以主丈子。敲禪床。三下。僧云。某甲粗知去處。山拋下主丈。僧無語。山召侍者。點茶與老僧。踏州縣。困師拈云。藥山布偃。月長蛇之陣。而者僧單刀直入。僅一交鋒。而便乃棄甲曳兵。若進得後語。管取奏凱而還。

水疑者

佛生日上堂。惟麟之生。瑞應天地。惟鳩之生。枯及草水。悉達出世。天人羣生。莫不以手加額。而相慶。何故。爲厲之階。

佛生日上堂。昔有一尺之埵。日取其半。萬世不竭。薦福只有一勺之杓。容百千溟渤。而不見其溢。泄百千尾閭。而不見其竭。今日拈來供養我釋迦老子。以拂子作杓。舀水澆一澆勢下座。

結夏小參。寬著期限。七箇蒲團。從坐破。急著手脚。灼然如彼。救頭然。雪山六年。嵩山九年。不堪持論。隔江回首。曹溪宿覺。已遲八刻。其或似癡若默。半疑半信。山僧只得爲諸人別立一箇期限。顧視云。三生六十。

諸疑請

劫

舉雲門因僧問。如何是諸佛出身處。門云。東山水上行。後來圓悟云。天寧則不然。如何是諸佛出身處。只向道。薰風自南來。殿閣生微涼。師拈云。雲門向廣寒宮裏。呈月圓。悟向龍王宮裏。呈珠薦福。雖臂長袖短。亦有一箇道處。良久下座。

印都寺齋。諸上堂。祖師心印。狀似鐵牛之機。古德已是向大海中釘橛。虛空外著繡。殊不知一大藏教。橫說豎說。說不著。歷代祖師。直指曲指。指不出。可以號令人。天指揮佛。祖降伏諸魔。以主丈畫一畫。云。印文露也。諸人見麼。須知老楊岐。元是會監寺。

上堂。舉琅琊和尚示衆云。諸人在者裏。過夏共你點出五般病。一不得向萬里無寸草處去。二不得孤峰獨宿。三不得張弓架箭。四不得物外安身。五不得滯於生殺。師云。孫武令商君。法盡法。無民薦福。見汝等諸人在者裏。過夏只消道順。時保愛。

上堂。舉金牛每遇齋時。自舁飯於僧堂前。作舞大笑。云。菩薩子。喫飯來。師云。金牛殘羹餽飯。不勞拈出。

上堂馬祖道即心即佛非心非佛南泉道不是心不是佛不是物據薦福見處總是臘月扇子

上堂舉僧問趙州狗子還有佛性也無州云無師頌云鐵面將軍騎鐵馬噫鳴殺氣暗乾坤縱饒勇銳如韓百千里應須破膽魂

上堂謝靈隱以佛簿化鍾經二樓化主靈隱前天竺後一句渾崙觀不透觀得透一佛二佛三四五佛百千萬億佛歡喜踊躍開顏同笑畢竟笑箇什麼鍾樓上念贊經樓上念呪

上堂舉天親菩薩從彌勒內院下無著菩薩問云人間四百年彼中爲一晝夜彌勒菩薩於一時中成就五百億天子證無生法忍未審說箇什麼法天親云說這箇法師拈云倉公秦緩信手拈來物物皆可以伐沈痼起膏肓雖然天親用處大似客至無茶點蒿湯備禮儀

上堂舉石梯一日侍者托鉢上堂梯召云侍者應諾梯云甚處去者云上堂齋去梯云我豈不知汝上堂齋去者云除此外別道箇什麼梯云只問汝本分事

侍者下疑說
侍者二字

者云若問本分事實是上堂齋去梯云不認爲吾侍者師召衆云會麼疾風知勁草世亂識忠臣

上堂昨日雨今日雨漁父謳歌老農權舞堪笑蒲許林中鄧師伯把不定却向豆子山前打瓦鼓何爲如此熟不熟但看五月廿六

都寺齋上堂與麼與麼砒霜狼毒不與麼不與麼狼毒砒霜不與麼中却與麼極無病與藥與麼中不與麼見病不施方薦福四轉語具四賓主四料揀灼然如百千鳩毒爲一器擾之則喪身失命諸人不得將眼觀著將耳聞著將鼻嗅著將口沾著何故福不入慎家之門

上堂寬著程限以悟爲則歟兵之法我立地待汝過去逼龜成兆薦福總不然何故縱饒穿鑿得終是不天成

上堂舉天僊和尚有新羅僧來參遂把住云未離本國道將一句來僧無語僊云問你一句你便道兩句師拈云若僧雖是新羅人却會大唐語何處見得應對處可驗

上堂誰駕燭龍赫日當空山河大地通身汗出草木昆蟲無處潛蹤昨夜三更主丈子驀然踣跳觸著帝釋鼻孔雨似盆傾是汝諸人半醒半困猶在夢中喜喜懽懽是老農

上堂廣額屠兒放下屠刀道我是千佛一數障蔽魔王道我待一切衆生成佛衆生界空無有衆生名字我方發菩提心師召衆云大似龍王殿裏誇珠餓鬼窟中賣瘦

上堂大疑底人對坐盤中弓落驢不疑底人再坐盤中弓落驢大小黃龍雖則一期答者僧話而累及天下衲僧盡向弓影邊著到有問薦福主丈子痛與一頓何故大疑之下必有大悟

上堂舉僧問九峰如何是祖師西來意峰云更問阿誰僧云恁麼則某甲全體是峰云須彌頂上戴須彌師頌云將軍矍鑠笑盈眉鏤馬衝關舞戰旗指點陣雲千萬里碧油幢裏醉金卮

上堂水盈萬壑葉落三秋漁板一聲飛野鴨長空極目思悠悠堪笑當年馬大師無端扭著百丈鼻直至

多十疑七

如今痛不休

開鑪上堂天寒人寒薦福以十方世界爲一火鑪普請從上若佛若祖天下衲僧大家在者裏煖處商量大衆畢竟商量何事孟冬漸寒

上堂舉臨濟和尚道學道人但不向外馳求與佗佛祖何異一念淨心光是諸人屋裏法身佛一念無分別心光是你諸人屋裏報身佛一念無差別心光是你諸人化身佛師召衆云臨濟老漢指出各人本地風光可謂諦當詳切檢點將來正是向外馳求

上堂達磨西來傳箇策子少至萬言多無一字賤如金壁貴如泥土第一句爲君學良久聽著卽覺觀著卽覺

曹總管請陞座師豎拂子召衆云諸人還見麼阿彌陀如來出現於大江南岸鄱君國內於一藕絲孔中湧出三萬二千獅子寶座一座上化現河沙諸如來出廣長舌相徧覆三千大千世界演不生不滅無上妙法乃至水鳥樹林出和雅音演暢五根五力十菩提分八聖道分一切妙法直得四輪三界若聖若

凡若幽若顯同證無生法。忍曹公總管證此法已得。超樂土欄楯。行樹五花樓。觀四寶周匝。圍繞種種莊嚴。受諸快樂。爾時千二百五十。大比丘。衆合十讚嘆。不已。畢竟讚嘆何事。八功德水無邊際。穩泛慈航一葉蓮。

杭州歸上堂佛法偏在一切處。山僧爲諸人一一按過。重疊吳山。併楚水。主丈頭邊草鞋根底。踢著底是達磨大師撥著底。是釋迦老子。雖然夜行莫踏白。上堂參得到。悟得徹。自謂龍門上客。薦福有棒亦未到伊。喫何故行百里者半九十。

上堂舉興化和尙謂衆曰。我向南方行一匝。主丈頭不曾撥著。一箇會佛法底。大覺聞之云。如何得一陣業風吹入大覺門來。化後至大覺。覺請作院主。一日從法堂前過。覺召云。院主。我聞你在南方行一匝。主丈頭不曾撥著。一箇會佛法底人。汝具什麼眼目。化便喝。覺拈棒化擬議。覺便打化。又喝。覺又打化。明日又從法堂前過。覺召云。院主。直下不疑你昨日兩喝。試爲說來。化云。存獎於三聖邊。學得賓主句。總被師

云云字通則

兄折倒了也。乞與安樂法門覺云者。瞎漢却來者裏。納敗闕。脫下衲衣。痛與一頓。化於棒下。悟臨濟在黃蘗處。喫棒底道理。師拈云。興化開空。馬屎之眼目。大覺施拔鯨牙之手段。只如興化於大覺棒下。悟臨濟在黃蘗處。喫棒底道理。又作麼生。驢揀濕處溺。上堂僧問。法眼如何。是曹溪一滴水。眼云。曹溪一滴水。其僧惘然。時韶國師在座下。聞之。有省。師拈云。赤脚人逐兔。著靴人食肉。

上堂舉潯山云。今時人但直下會取。不會底正是你。佛正是你。心若向外求。一知一解。將爲禪道。且沒交涉。名運糞入。不名運糞出。不名運糞出。汚你心田。所以不是道。師拈召衆云。潯山。老漢與麼爲人。天似慈母。以蜜爲丸。極與嬰孩。送病入心。至老終難救藥。上堂舉閩州古隄和尙。因仰山來。參以手撥三撥云。云。汝無佛性。仰山近前三步。叉手而立。古隄云。子甚處得此三昧。來。仰山云。就源處得名。潯山處得地。古隄云。莫是潯山的子麼。仰山云。世諦卽不無。佛性卽不敢。仰山却問古隄和尙。甚處得此三昧。古隄云。我

從章敬處得來。仰山嘆云。章敬三昧不可思議。來者難爲湊泊。師拈云。二大老。大似昔人各拈出珊瑚樹枝。以相夸義。山僧當時若見。只消以手掩耳。

佛生日上堂。當年竺國此時節。淨飯王宮生悉達。老倒雲門棒頭短。作麼生千古萬古爲妖孽。

結夏小參。一喝三日耳。璽彩奔駁家六十痛棒。如蒿枝拂。奸漢著拳。諸人百二十日長期。畢竟作麼生履踐薦福。有六條禁令。第一眼不得妄觀。第二耳不得妄聽。第三鼻不得妄嗅。第四舌不得妄味。第五身不得妄觸。第六意不得妄動。依音禁制者。可以入佛。未可以入魔。忽有箇漢出來。道佛卽不問。畢竟喚甚麼作魔。只向佗道。九十六種汝爲第一。

舉應慈結夏示衆云。張弓架箭。魚投網。物外安居。鳥入籠。生殺盡時。麤作繭。如何透得這三重。師拈云。應菴太師。祖向泰平地。面嶮立三重。關俾天下衲僧。無入頭處。兩堂首座來。夜試展拔關之手看。

上堂。舉僧問趙州。萬法歸一一。歸何所。州云。我在青州作一領布衫。重七斤。師拈云。大衆會麼。趙州大似。

潭沱水合克濟三軍

端午上堂。總總林林。厥疾彌深。文殊旣無靈驗之藥。盧扁難下膏肓之針。山僧有箇秘傳。訣掃除萬病。是無心。

上堂。舉金峰禪師因僧侍次。乃云。我有一則因緣。舉似汝。第一不得亂會。僧云。請和尚舉。峰豎起拂子。師拈云。大小金峰。大似空拳嚇小兒。若是薦福主。丈痛與一頓。何故許人。一物千金不移。

上堂。舉僧問臨濟。如何是三眼國土。濟云。我共汝入淨妙國土。中著清淨衣。說法身佛。又入無差別國土。著無差別衣。說報身佛。又入解脫國土。中著光明衣。說化身佛。師拈云。僧問臨濟。三眼國土。臨濟直得指東畫西。熱亂一上有問薦福。只消一指。向空中點三點示之。

中秋自杭歸上堂。舉古人云。蕪湖蕪湖。見當途當途。見八月十五夜。一似沒柄扇。薦福亦有箇見處。東湖東湖。見西湖西湖。見八月十五夜。皎皎如鏡面。舉雲門問僧。甚處來。僧云。嶽山來。門云。我尋常不曾。

◆齊漢齋亦

與人葛藤來。僧近前門云。去師拈云。雲門布徧地。葛藤不特爲者。僧直欲天下。納僧。觀在裏許。無出頭處。拈主丈一劃云。今夜薦福劃斷了也。雖然。諸人二六時中。東行西行。亦渙照顧始得。

◆林靈鷲次

上堂。舉石霜和尚問龐居士。有箇事。借問居士。不得惜言。句。士云。便請舉來。林云。元來惜言。句。士云。者箇問訊。不覺落佗便宜。林掩耳而去。士云。作家。作家。師拈云。石霜設陷虎之機。而居士癡裏放憨。諸人會麼。擲龍戲滄海。彩鳳舞丹霄。

上堂。納僧家。不著僧求。不著法求。不著佛求。作麼生無事。緣楊隄上。菱荷香裏。三三兩兩。數沙鷗。

上堂。舉應菴和尚示衆云。如世良馬。見鞭影而行。佛照出衆云。見鞭影而行。非良馬也。師拈云。一人手握石。一人握電光。爍破調羹眼。休誇驕驥良。

解夏小參。三世諸佛。不知有乞。無再面。黎奴白拈却。知有彩布。殺家行不到處。道一句。乾旋坤轉。道不得處。行一步。嶽立波騰。納僧家。要行便行。得要道便道。得□得道。爲穉穉。亦得。指佛是佗。奴亦得。因甚。狗子。

無佛性。話會不得。父母未生前。面目明不得。蠟人冰守不得。寂滅行修不得。人我山倒不得。生死海渡不得。雖然。自是不歸歸。便得五湖煙景。有誰爭。

上堂。迦葉三昧。阿難不知。阿難三昧。商那和修不知。召衆云。諸人三昧。薦福總知。薦福三昧。只今諸人要知麼。早晨喫粥。腹便不飢。

解制小參。自杭州歸。法無住相遇。緣卽宗東湖藕絲孔裏入正定。西湖藕絲孔裏從定起。所謂常在家舍。不離途中。常在途中。不離家舍。忽有箇僧出來。道長老與麼安居。與麼禁足。莫不得麼。只向佗道。我爲法王於法自在。

上堂。謝秉拂。齋以主丈卓左邊一下云。者是醜。酬卓右邊一下云。者是毒。藥山僧今日盡情拈出。供養諸人。若領略得去。則一飽可忘百飢。其或半信半疑。又爭怪得老僧。

上堂。舉南陽韶國師道鏡湯爐炭裏成等正覺。刀山劒樹上成等正覺。棒下成等正覺。喝下成等正覺。師。

拈云大衆要會麼門門花柳巷處處管絃樓

上堂智者大師因讀法華經至藥王菩薩焚身處云是真精進是名眞法供養如來於此豁然證得旋陀羅三昧見靈山一會儼然未散師拈云智者大師傳天台教法於萬世將謂有甚長處元來只坐在葛藤窠裏諸人只今要證旋陀羅三昧麼以拂子擊禪床下座

上堂舉大珠問座主云講什麼經主云三昧經珠拈丈云若是三昧不是二昧主無語珠云老僧事繁不能打得你師拈云座主當時奪得主丈子却問者箇是三昧不是二昧纔擬答便與拗折主丈看者老漢作麼生

上堂舉巨榮禪客參投子云老僧未曾有一言半句挂著諸方耳目汝爲什麼來見山僧僧云到者裏不施主拜要且不甘子云出家人與麼勿碑記僧還禪床一匝便云子云有眼無耳朶六月火邊坐師拈云投子欲挂羚羊之角爭奈臭肉來蠅榮禪客獵犬無靈性徒戀枯椿

上堂舉瀉山問仰山云妙淨明心汝作麼生會仰山云山河大地日月星辰瀉云汝祇得其事仰云和尚適來道什麼瀉云妙淨明心仰云喚作事得麼瀉云如是如是師拈云瀉山問處事理全無仰山答處全無事理召衆云妙淨明心

上堂舉大珠問座主云蘊何經論主云講金剛經珠曰金剛經是佛說主云佛說珠曰若言如來有所說法卽爲謗佛若言不是佛說卽是謗經除此之外與老僧說看主無語師云便喝當時若下得者一喝敢保大珠不敢以座主相待須向明窓下著到雖然莫道座主無語好

中秋上堂名不得狀不得不可得中親攆得絕瑕翳明皎潔大似中秋夜明月別別廣寒宮殿爛銀闌上堂謝天地玉厓老無文欲燼之灯幸向爲毗嵐所滅直得盡大地人懽喜踊躍讚歎不已無端二十年後越水一灯白晝出現於天地之頂照天照地直得月禪懽喜踊躍讚歎不已何故月菴見開福雲門見雪峰

至日上堂魯倍公曰南至遂登臺觀望雲物而書薦
 福隨例與諸人試著眼看忽有箇僧出來以手指空
 云那邊雲色得恁麼黃和聲便打何故非我同流
 上堂佛法無人說雖慧不能了召衆云人人釋迦箇
 箇彌勒恁麼說話大似埋設善夏雖然不可一向瞞
 肝煩主丈子爲諸人說看以丈卓一下云了

上元上堂金蓮萬朶爛熳□照徹銀霄第幾層無量
 劫來明歷歷須知元本是心灯

上堂今古事茫茫陰陽割昏曉碧露綴小桃綠線垂
 堤柳燕語離梁蛙鳴芳草鐘聲雜報聲大底大小底
 小山僧見了直得培增愼惱何故一片涅槃心狼藉
 知多少

上堂學雲居舜老夫云黃昏脫襪打睡晨朝起來旋
 打行纏夜來風吹難倒知事普請奴子劈篋縛起師
 拈云古人謂住持事繁今以舜老夫觀之果然
 上堂謝天柱西尖東法藏主隔江招手餽飯要八重
 便乃橫移眞鍮不博金豎主丈子云看看擎天一柱
 玲瓏八面只今向蟪蛄頂額上轉大法輪直得六合

○愛蓮堂
 心園字諱衍

三光雷奔電捲見諸人各各眼睛定動啞又向露明
 柱裏去也靠主丈下座

佛生日上堂迦毗羅國無國愛樹下繁若芬花皎如
 圓月不是釋迦老子諸人只今要見三十二相麼東
 湖水映西湖綠紫芝山對角山青

結夏小參我宗無語句靴中動指亦無一法與人彼
 外藏頭出水蓮華未出水荷葉大小智門大似家居
 荆山深處信手拈來胡拋亂擲無非是玉爭奈千載
 之下一狐疑了一狐疑汝等諸人不妨於魯公亭上
 烈女橋邊東觀西觀忽然於出水未出水時領略得
 去要見智門則易要見東湖則難何故菱荷風何止
 十里在

學雲門問僧今夏做箇什麼僧云和尚寔問某甲卽
 道門云做賊人心虛師拈云雲門問處既不實者僧
 答處痴裏放奸若是薦福一棒一條痕何故山僧從
 來不使虛頭

結夏上堂諸方開烹金爐布漫天網盡法無民薦福
 門下飢噉飯熱乘涼一任諸人何故深水得魚渾信

食不曾將酒祭江神

上堂。塵塵爾念念爾。法法爾。燕語鶯啼。驢鳴犬吠。不是召衆云。鄱陽湖夜來。洪水泛漲。浸了三州六縣。多少民地。

而蓋同

上堂。不是而。上事亦非。格外機。蚯蚓抹過東海。蠅蚊吞却須彌木人。旗掌笑揚扇。

旗蓋

上堂。參禪須參活句。召衆云。天下老骨。橫說豎說是。死句。六代祖師。直指曲指是。死句。五千四十八卷。金口所宣。是死句。畢竟如何。是活句。良久下座。

上堂。舉達磨見武帝公案。師頌云。波斯手裏捻生鑽。把作希奇無價珍。識破分文元不直。寒光笑裏浪花新。

上堂。魚行水濁。鳥飛毛落。召衆云。若起一毫佛見法。見盡六州之鐵難鑄錯。

上堂。舉石梯一日侍者請浴。梯云。既不洗塵。亦不洗垢。浴作什麼。侍者云。和尚先去。某甲將皂角。後來梯乃笑。師云。侍者大似恭而無禮。

上堂。凡所見色。皆是見心。心不自心。因色故有。師拈。

切語

云。馬人師認奴作郎。

上堂。舉僧問馬祖。和尚離四句絕百非。請師直指西來意。祖云。我今日無心。情問取智藏。藏云。我今日頭痛。不能爲汝說。問取海兄。海云。我到者裏。却不曾復舉。似祖。祖云。藏頭白。海頭黑。師云。馬大師如王小波。合成羣隊。巧同計較。這僧不離禹門三級浪。勢勢只麼哀春風。

上堂。一大藏教。是箇切脚。切謂古德。是大妄語。近因披閱仔細。檢點將來。是真語者。試將切脚。切出一字。直是親切不同。泛常今日。舉數頌主丈子。普告大衆。以丈卓一下下座。

上堂。謝一書記的。的西來意。一字不著。盡置之太虛。而不見其寬置之針孔。而不見其窄端的。有誰見得。親木人眼光如電掣。

上堂。舉僧問智門。如何是佛門。云。踏破草鞋。赤脚走。僧問。如何是佛。向上事。門云。主丈頭上挑日月。師云。大小智門。答者僧所問。大似臘月冰雪中。拈出青絹。屬子者。僧若再進後語。敢保老漢別有語在。

上堂謝景德王溪長老并因藏主破砂盆無貴賤等
閑拈向昌江上盡大地人同一見見彷彿宣州木瓜
依稀景鎮寶變

上堂謝楚雲首座指臨濟見黃蘗陷虎機深接雲門
嗣雪峰送賦過界薦福灣雲晴楚天春欲雨三草二
木皆萌芽

上堂從向上著明格外機太平時代拈弄干戈衲僧
家誰管月之大小歲之餘閑只知一日鉢孟兩度濕
雖然如何是趙州雜用心處

上堂上士聞道動而行之好與二十棒中士聞道若
存若亡好與二十棒下士聞道大笑之好與二十棒
三種人薦福一一按過了也就中有優有劣有勝有
負有人分揀得出也與二十棒若分揀不得二十棒
山僧自領

上堂明教達長老朝京江州能仁中長老至了煩峰
頭大鵬展翅九萬溢江深處大鯢擊水三千直得雷
屬風飛乾旋坤轉青青亭魯公亭聚而議曰二子神
通過於鶩子老僧懽喜踴躍殷勤揩老眼萬里看飛

騰

佛生日上堂古今咸謂釋迦老子於周昭王時四月
八日降誕於迦毗羅衛國懽喜園中無憂樹下據薦
福看來是大妄語何故森羅萬象川流嶽峙堂堂清
淨法身九龍時時灌沐若然則悉達無日不下生無
時不出現諸人若不信只今向大殿驗取

至圓通請小參法不孤起仗境方生召衆云石耳峰
高路接天不是境梵音亭下月臨泉不是境欲識佛
境界當淨其意如虛空諸人能淨其意於百億四天
下百億須彌盧百億四大海森羅萬象明暗色空一
一識得破亦未是佛境界直須向父母未生空劫以
前開得隻眼使見無佛無衆生亦無有涅槃山河大
地即自己自己即山河大地適來上上玉厓和尚舉
薦福古禪師空劫日用自己公案蓋古禪師後雲門
百餘歲因閱語錄而嗣法之眞參實悟具大眼目覺
範一言以致學者之疑上方已爲諸人分明一一剖
斷了也却向薦福面前索起遼天高價某奈何行囊不
是以酬只得暫假一座康廬山還得恰好未免借場

拈出供養諸人只今要識空劫日用自己麼橫看成
嶺直成峯向背高低各不同不識廬山真面目只緣
身在此山中

結座東湖一櫂過侯溪兩兩相看眼似眉若問陳年
閑佛法杜鵑聲在最高枝

上堂西野蔡居士至。舉睦州問秀才。治什麼經。才云。
治易州云。易中道。百姓日用而不知。不知箇什麼。才
云。不知其道。州云。作麼生。是道。才無對。師云。秀才死
在睦州。勾下千古之下。無人救藥。薦福借西野鼻。孤
爲佗出氣。因成一頌。奪賊鎗。兮便殺賊。山河大地血
淋漓。今朝冷地。飄交轉。萬壑西風。鏡馬嘶。

解夏小參。文殊三處度。夏法無定相。百丈三日耳。驪
彩奔轂家。山僧六月如杭。七月歸寺。足未嘗不。禁鐘
作鐘。鳴鼓作鼓。響法未嘗不說。足如是。禁四壁六凡
皆斫額。法如是。說燈籠露柱笑揚眉。見前一衆不移
寸步不起一念。歷徧恒河沙界。徧參百千諸佛。行者
居者畢竟有何差別。靜中有動人知。有動中有靜少
人知。

解制上堂。鳳脫千絲之網。魚離百摺之鉤。沒拘束。魚
悠悠。明月清風。天地秋。

冬至小參。這一片青。那一片黃。魯臺之雲。異世同色。
上一畫長。下一畫短。慈明之榜。號令惟新。古今天地。
古今日月。節序時時。推遷陰陽。時時消長。萬物以之。
而代謝。惟我主丈子。都盧長七尺。硬葛。怛黑。皺皺。能
爲萬象主。只麼兀兀。度時雖然。薦福不欲埋沒善。良
惱亂春風。明朝敢保更有新條在。

結夏小參。盡十方世界。是沙門。一隻眼。天闔地闔。土
壩人。稀薦福。盡十方世界。是蟬蛭。一隻眼。山僧。請
賢劫千佛。東西諸祖。天下衲僧。至元三十一年。於此
眼中。恢張世界。結如來制。東勝身洲。入正定。西瞿耶
尼。從定起。北鬱單越。入正定。南瞻部洲。從定起。諸人
各各順時。深愛。但不得道。著佛法二字。何故。衆禪之
門。

舉僧問。雪峯。聲聞人見性。如夜見月。菩薩人見性。如
晝見日。未審和尚見性如何。雪峰打三下。其僧復問。
岩頭。頭打三掌。薦福云。雪峯棒下。悟去。蘇囑。蘇囑。岩

頭掌下悟去。噫哩噫哩。畢竟如何。娑婆訶。

上堂。僞山呵呵大笑。香巖呵呵大笑。千載之下。令人一回思量。一回笑。且道。笑箇什麼。乞兒打破漆碗。十字街頭拍手笑。

上堂。寬著程限。以悟爲期。欸兵之法。是何心。行立地。教汝悟去。逼雄雞生鵝卵。山僧邇來足瘡。少出兄弟。自由不敢。以佛法流汝耳。根何故。彼自無瘡。勿傷之也。

上堂。舉龍冊。憇禪師住菴日。有行者至。徐徐近繩床。取拂子。提起問某甲。定喚這箇作拂子。庵主喚作什麼。主云。不可。更安名立字去也。者擲下拂子云。著甚死急師云。有問薦福只向道拂子。其人擬議。倒轉拂子柄。便打。

上堂。只把你將來底。示你个入處。古德太殺慈悲。薦福只把你將來底。盡情抑下。拈棒痛與一頓。敢保你有箇入處。

上堂。舉古人破句讀圓覺經中。此處妄心。若無六塵。則不能有悟去。頌曰。厖眉雪頂。探樵翁。誤入天台。

第幾重回首。不知塵世隔。月明知樂響。瑤宮。

上堂。十分簡易。十分成現。鈍根底。十年廿年。利根底。一見便見。召衆云。畢竟作麼生。見沙鷗。一箇兩箇。白雲三片四片。

上堂。謝雪村和尚。赴永福堂堂。再世積翠翁。中興萬古。一龍峰。復立三關之險。重新萬礎之雄。奴眎佛祖。鞭笞象龍。等閑換步移身。直得番陽湖白浪。飄空闊。中千佛笑展權容。何故。說法師來。是此翁。

東湖退院與魯山長老。地釣東湖二十年。眼頭老却幾風煙。等閑笑捲絲綸去。秋滿江山月滿天。

告香普說

若論此事。開眼覷著。開口道著。舉步踏著。十分成現。十分明白。因甚不會。只爲作尋常看了。作尋常會了。所以蹉過來多少時。夙有靈骨。英俊上士。如師子王。一出母胎。便能哮吼。百獸爲之腦裂。膽落。又如金翅。擘開滄海。直取龍吞。若是中下之機。直須從漸入。順身心。純一。泰定。念茲在茲。總不放捨。發大誓願。今生斷斷要教一回端的。徹去。以畢出家志願。其或尙涉。

遲疑未免將從上若佛若祖。揭腦盡科。出心肝。指似諸人去也。我佛世尊。向雪山成道。後於摩竭提國。三七日掩室。無言。方有少分相應。無端爲五比丘。轉苦集滅道四諦法輪。爲緣覺人說。十二因緣法。爲菩薩人說。六波羅密。爲求最上乘人說。一切種智。乃至拈華示衆。迦葉破顏微笑。召衆云。葛藤芽孽。自性生矣。累及西天。四七說心說性。以妄傳妄。缺齒老臊胡。欺我東土師僧。迢迢十萬里。西來云。吾本來茲土。傳法救迷情。一花開五葉。結果自然成。賊無種。相鼓籠四傳而至。黃梅有嶺南。結寮密傳。宵遁七百僧。悉皆追趨。惟明上座。迢至大庾嶺。頭啞。賊過界了也。六祖見明上座來。竟勇猛。卽擲衣鉢于石上。曰。此衣表信。可力爭耶。任君將去。爭之不足。讓之有餘。明遂舉之。如山不動。信知佛法重器。非可力取。躊躇悚慄。曰。我來爲法。非爲衣也。乞食不得。詐道不飢。祖云。不思善。不思惡。正與麼時。阿那箇是明上座。本來面目。狠毒砒霜。一時拈出。明當下大悟。徧體汗流。中毒了也。泣淚作禮。問曰。上來密言密意。外更有意旨否。窮坑難

云云
出

填漏卮。難滿祖云。我今爲汝說者。卽非密也。汝若返照自己。密却在汝。邊海南有菓樹。頭心明云。某甲雖在黃梅。隨衆實未省自己面目。今蒙指授。入處如人飲水。冷暖自知。今行者卽某甲師也。一欸供就。祖云。汝若如是。則吾與汝同師。黃梅善自護持。夜半分。賊阿爺大分。南嶽大慧讓禪師。初參六祖。祖曰。甚處來。泊不問過。曰。嵩山來。朴實人。難得祖曰。是什麼物。與麼來。探竿影草。讓曰。說似一物。卽不中。開口便見。鄉談。祖曰。還可修證也。無柰上著。柰讓曰。修證卽不無。汙染卽不得。早已汙染了也。祖曰。卽此不汙染。乃諸佛之所護念。汝既如是。吾亦如是。冬瓜印子。江西馬大師。始匡徒曰。南嶽讓和尚。遣一僧去。俟陞堂時。乃出問。作麼生看。伊道什麼。言句記將來。直須驗過。僧去。一如所教。回云。馬大師道。自從胡亂後。三十年不缺鹽醬。鈍置殺人。南岳然之。養子不及父。家門一世衰。及南泉示衆云。江西馬祖說。卽心卽佛。王老師不恁麼。不是心。不是佛。不是物。恁麼道。還有過麼。好兒終不使爺錢。時趙州云。禮拜了去。續有僧問州云。上

座禮拜了去意作麼生疑殺天下人州云汝却問取

和尚。匿免放鷹。僧遂問南泉。適來論上座意作麼生。

泉云。佗却領得老僧意爲賊證。賊又有尊宿名臨濟。

和尚。初在黃蘗會中。隨衆因第一座陳睦州。閉管攬

撥去問黃蘗。如何是佛法的大意。赤肉挨白刃。藥

遂與三十棒。如是三次。問每蒙賜棒。爲人須爲徹。乃

告辭第一座。云早承激勸。問佛法累蒙和尚賜棒。所

恨愚魯。且告諸方去。醍醐上味。釀成毒藥。第一座遂

與黃蘗云。義玄上座。雖是後生。却甚奇特。後五日爲

一株大樹。蔭覆天下人。去在指。伊蘭作栴檀。要起去。

忽辭和尚。願垂提誨。第二回推人入牢。也濟明日辭

黃蘗。棄却甜桃樹。藥推往大愚處去。必汝爲說。斷送

死人過界。濟至大愚。愚問什處來。引賊入屋。慶濟云

黃蘗又爭諱。指愚云。黃蘗有何言。句鈎頭有餌。濟遂

舉前話復云。不知過在什麼處。擔枷過狀。愚云。與麼

寸舌頭絕地長。濟於是大悟。笑破虚空口。乃云。元來

佛法無多子。乞兒難易滿。愚云。尿床鬼子。適來道我

也担担担

也云發通

不會而今又道無多子。是少來担住云。道道百鍊

真金。再入鑪。濟向大愚。肋下築三拳。苦屈之詞。不妨

難吐。愚托開云。汝師黃蘗。非干我事。推云。離已。濟返

黃蘗。再來不直半文錢。藥問來去。去有甚了。期大

斧斫不開。濟云。只爲老婆心切。抱賊叫屈。遂舉前話

慚惶殺人。藥云。者大愚老漢。饒舌待見。與打一頓半

是思君半恨君。濟云。說甚待見。即今便打。遂與黃蘗

一掌。家富小兒。嬌未是白拈賊。藥吟吟而笑云。者風

顛漢。來者裏捋虎鬚。憐兒不覺醜。濟便喝。黠兒逞俊

藥云。侍者引者風顛漢。參堂去。不是冤家不聚頭。黃

藥大似任公子。以五十搥餌。橫竿東海。堪笑臨濟上

佗鈎線。將謂蔭覆天下人。殊不知遺毒天下。師召衆

云。從上尊宿家。曾說須是見他明白。宗通說通。口角

波瀾。如海前輩。如南陽德山。石頭羅山。圓悟大慧。應

庵。近世徑山。無準師公。痴絕石田。方可以開人天眼

目。以厭學者之心。後來諸老多謙辭。少講自大。化更

張。以來多聞諸方。告香普說。每合十喜。叢林法道之

盛夏前頭。首累到方丈。謂兄弟要講行此事。因謂之

●愚癡

●法爲難

●五字難

●少難不

屋船子纔見便問大德住甚麼寺。九絲軟紅套索來云。似卽不住。住卽不似出山。欸子師云。不似又似箇甚麼。敲枷打鎖夾山云。不是目前法。此地無金二兩。師云。甚處學得。來直須勘過夾山。非耳目之所到。黑山下鬼窟裏。師云。一句合頭語。萬劫繫驢。鐵彈子師又云。垂絲千尺。意在深潭。離鈎三寸子。何不道極。賊與賊按牛喫草。夾山擬開口。師以篙打落水中。殺人須見血。纔上船。又云。道道扭上著。扭擬開口。又打爲人須爲徹。山於此有省。且喜欸案圓。成師乃云。竿頭絲線從君弄。不犯清波意自殊。師子教兒夾遂問。拋綸擲釣。師意如何。太無厭生。師云。絲懸淥水。浮定有無之意。教兒作竊夾山云。語帶玄而無路。舌頭談而不談。說得道理好。師云。釣盡江波金鱗始。遇得箇蝦兒。便喜懼夾山乃掩耳已遲。八刻師云。如是如是。冬瓜印子。遂囑云。汝向去直須藏身處。沒蹤跡。沒蹤跡處。莫藏身。吾二十年在藥山。只明得斯事。汝今旣得。後不得住城隍。聚落向深山裏。纔頭邊接取一箇半箇。接續無斷絕。今又奉贈一道祕密真言夾山乃辭。

頻頻回顧師。遂喚闍黎。闍黎夾山回首。師豎起橈云。汝將謂別有。乃覆船入水而去。師召衆云。千年萬載。華亭水浪激波。飄恨不平。普說一事。古德古叢林。無時不講。行自大慧應菴老。祖後尊宿。多謙辭不講。去夏荷兄弟相知。勉從事。今春值老僧適有廬阜之役。雖挂塔不多。皆是諸方羅籠不住。銅頭鐵額老成頭角。自倒後。累到方丈。累言累辭。而意益勤。雖久在衆底。不在此限。初機兄弟。莫問普說不普說。只要各各一切放下。發大志願。辦一片自肯身心。究明父母未生前。照天照地一段光明。須知每日風雲雷電。水鳥樹林。一一無非廣說法要。爲汝發機。單明此事。何待曲彖床上。上古錐開口動舌。方謂之普說耶。雖然。眞覺無覺。眞法無法。無覺無不覺。無法無不法。法法圓成。心心體寂。亦不敢孤負諸人。只得倩主丈子出來。以虛空爲口。舒廣長舌。相縱無礙。辨才如法。爲諸人普說。一上諸人當起難遭之想。以主丈橫一橫云。會麼。豎一豎云。會麼。卓主丈云。會麼。靠主丈云。會麼。只此四轉語。有主有賓。有勝有負。儘若當下知歸底。

不孤負山僧主丈子。其或未然。三條椽下。不妨疑著。

曾說三轉語。頌出示衆。

鄱陽湖夜來。徹底乾枯。魚龍蝦蟹。畢竟以何爲命。

頌。拶到途窮路絕處。灼然命若一絲危。當機燒尾奔當火。那箇魚龍碧漢時。

如何是上座空劫以前自己。

頌。太華峰頭有一物。怪如猛虎踞林丘。擡眸子細認得著。充夏陳年箇石頭。

薦福有一則語。舉似諸人。良久云。會麼。

頌。等閑拈起一機看。頓覺重重海嶽昏。劃爾一聲轟霹靂。木人聞後更誰聞。

化佛殿歸上堂。羊角峰前錦雲堆裏。撞著胡張三。即

日恭惟遇著黑李四。勸它布施。忽有个漢不覺失笑。

而問曰。老老大大著甚死急。只得合十低聲向伊道。

山僧今日小出大遇。

上堂。舉特勢菩薩至袈裟幢世界。窮佛音聲不得持。地菩薩接竹至梵天。量佛丈六之身不得目。連菩薩以神通至非非想天。要見佛頂相不得召。大衆云。三

大菩薩。蹉過釋迦老子來多少時也。諸人只今要見

釋迦老子麼。豎立主丈。良久下座。

上堂。舉華嚴經金剛幢菩薩偈云。不取衆生所言說。一切有爲虛妄事。雖復不依言語道。亦復不著無言說。師拈云。白雲盡處是青山。青山來來常獨露。

月圓和尚語錄卷上

月圓和尚語錄卷下

再住薦福禪寺語錄。已亥十二月十三日

侍者 永仁 宗煥 偈

上堂。深藏岩竇。隱遁過時事。無一向出則爲人。出則不爲人。用在當機。是什麼時節。出頭來。快便難逢牢關。把定道。絕人荒。召衆云。道不可以言宣。不可以智測。昭昭乎。心目之間。而不見其形。歷歷乎。語默之際。而不見其跡。欲隱彌露。易見難識。山僧前住此山。退席時。將二十年。說不盡底佛法。盡情聽在督軍湖裏。

不曾將眼觀著。從教爛却。只今人天普集。未免東撈西攬。重新爲現。前一衆舉揚去也。卓主丈三下云。畢竟是何腔調。萬年歡。

舉世尊一日陞座。大衆集定。文殊白。隨云。諦觀法王法。法王法如是。世尊便下座。師云。世尊剛被文殊塗糊。一上薦福。今日陞堂。人天畢集。不可虛設。煩主丈子出來。廣說法要。各宜諦觀。諦聽。卓主丈一下云。法王法如是。

上堂謝□□。覺城東際有惡知。識河口海目霹靂。舌說心說性說。迷說悟誤。賺多少英靈。衲子逗到東湖之東。惡將惡報。濃煎湖水。當洋銅。

結夏小參。小參古謂家訓。擬說第一句。早成第二擬。卓主丈早成繁詞。擬豎拂子。早涉頭鑒。無言之言。爲真言。無見之見。爲真見。無聞之聞。爲真聞。釋迦老子。昔於靈山會上。畫地爲牢。謂之圓覺伽藍。累及天下。衲僧千載之下。轉動不得。吐氣不得。山僧旣爲其直下。遺教之孫。敢不遵奉。先規只得。杻上著杻。枷上著枷。去也。良久云。會麼。庚子年四月十五薦福結夏。

十月
月
月
月

舉初祖達磨大師。昔自西天竺國。涉流沙十萬游梁。歷魏至少林面壁九年。付法後說偈云。吾本來茲土。說法救迷情。一花開五葉。結果自然成。師云。者缺齒老胡。心毒不如口毒。

上堂。瑞岩惺惺。薦福莫莫。瞞肝佛性。束之高閣。月圓別用的。當一著。良久云。易覩捕難執。捉不見道。無意求時。却宛然有心。月處還應錯。

上堂。舉僧問趙州。萬法歸一一。歸何處。州云。我在青州。做一領布衫。重七斤。師云。大衆會麼。橋斷疑無路。峰回別有村。

又頌云。彩雲影裏仙人現。手把紅羅扇。遮面急須著眼看。仙人莫看仙人手中扇。

閏八月望上堂。一輪明月。兩度中秋。不知今夜裏。誰復再登樓。雲開萬里桂香浮。

可長老滿散水陸。請上堂。一切有相皆是幻。以幻爲幻。幻復幻。瞿曇四十九年。縱無礙辯。演如幻法。達磨十萬里西來。直指人心。見性成佛。傳如幻法。天下老古。雖續談。聊芳全提。半提。紹如幻法。若有箇漢。具決。

烈之志。婦佛祖窠白於如幻中。破如幻境。界作幻中。佛事成就如幻中。幻事方有少分相應。崇寧成翁正可長老。照了諸幻。以如幻身。據如幻刹。以如幻財。成就檀波羅蜜。種種如幻善因。飢者得食。寒者得衣。貧者得寶。以如幻施。周徧法界。復以如幻之心。設大無遮。無礙如幻之供。若聖若凡。若幽若顯。普皆供養。天龍以是而應。感列宿以是而照。臨祖禪以是而超。昇冥漠河沙幽滯。以是而拔濟。無不滿足。無不歡喜。無不贊嘆。仍請老僧登如幻座。以如幻舌。代佛宣說。如幻妙法。召衆云。且道正可長老所作。如幻種種殊勝。切緣老僧所說。如是妙法。畢竟有何奇特。萬像參羅。皆喜悅。福如滄海。壽如山。

上堂。庭前桂綻金粟黃。滿地散清香。魯直當年參晦堂。吾無隱乎爾。當下錯承當。累及叢林。千古更錯商量。

新靴法鼓上堂。活剝泥牛之皮。包裹虛空。以爲鼓須彌爲架。橫亘十方。禾山老漢。盡其臂力。欲打打不著。信相菩薩。盡其神力。欲夢夢不到。薦福以無手人用。

無柄杓。只今爲諸人試一擊看。卓主丈一下。直得六種震動。天雨四花。於是百千諸佛聚而議曰。聲到耳邊。耶耳往聲邊。耶展轉論義。經八十反。舜若多神聞得。還自乾闥婆城而來笑爲打證云。若將耳聽終難會。眼處聞聲方始知。

上堂。如何是佛殿裏底。如何是道場外底。有千人萬人見。無一人兩人識。何謂如此。驟令所得。遲只爲分明極。

平江美岩本翁和尚。計至上堂。人從洪州來。却得蘇州信。報道太湖三萬六千頃。徹底乾枯。直得乾坤黯黑。萬像攢眉。靈岩岩中古佛。從定安詳而起。振威一喝。便見法濤白浪。際天渺瀰。召衆云。月在波心。說向誰。

跋無境法語

老無境。將從上諸老。曲肱床上。野狐涎滿盤。捧出。人前。余一再觀之。不覺爲之嘔吐。後之閱者。宜審。

跋宏智語

温州老漢大曹洞一宗。雷霆後世。內帖數字。猶隱□。

有駭蟄韻隱岩其隱之

東岩壽儀贊

以幻智燈無幽不燭舌頭較善手頭較毒中興東圓
曉據天育盡東南界內數來惡業無這尊宿

跋修背吳道子地獄圖

性佛惟衆生本來同一心心能惡其善卽爲地獄心
能善其惡卽是天堂梅翁有克家同心而一善裝飾
此畫圖普勸一切人捨惡而歸善功德愈光明梅芳
不老春

寶嚴寶長老請贊

不會禪不會道據曲柔床一味性燥謂佛祖坐在半
途把衲僧盡情折倒有時指泥團土塊直百千金有
時將玉殿瓊樓作一莖草每笑徑山師云全無準繩
誰管天童先師公案未了識得渠儂拙處三分却許
寶嚴寺裏劍峰長老

題丹霞燒木佛圖

丹霞燒木佛義出豐年院主眉須墮彩奔觀家法海
浪平春晝求戲將老手拔鯨牙

跋末諸老墨蹟

余出叢林早恨生晚見前輩尊宿於晨星曉月之時
每懷歎慕以今視之與昔尤異然此帖內諸老皆末
導師不能不使後人復思後人也

題哲古智語

只今吾匪尊宿散于天下名山者累百今觀古智此
錄乃羣飛中之鸞鳳也歸像運之靈光此顏波之砥
柱他日又當爲吾匪賀

跋程唯叔松風臺

浮梁居士程君唯叔儒而學佛者也昔者累過余余
見其身心純一篤志於道後歸復師吾子東山崇崇
甚器之崇寂余躬至竟後事唯以偈唁予云老牛失
犢已堪悲針水機緣只我知檢出殺爺刀在手對人
猶哭我兒兒已亥歲復過余釣雪磯余舉三轉語勸
之末後一語云薦福有一語舉似諸人良久云會麼
唯云某甲耳重請師再舉余乃喝唯有松風臺乃其
平日造大口業謗佛謗祖之語也余不甘故縱筆端
之口以證之

景玄盛居士求語

景玄居士。景其玄。其玄之玄。更玄。此玄不可求而得。此玄不可外求。玄遠之愈。邇不可離。瞻之在後。忽在前。離却玄。兮玄亦無。於玄既無。無亦無。白雲飛處。一回首。悠然喜見古匡廬。

題龍岩廬山行卷

康廬勝處。龍岩行得到。見得到。說得到。愚極。叔謂不曾到。良岩謂親到。據老拙看來。來老總是博。龍岩未到。

裴相國捧佛床黃藥安名李翱問道藥山

無名名是爲佛名。不道道是爲真道。費盡分疎。藥山藥橋。

送行

送欽禪人遊嶽

雪峰不登嶽。辛苦事參訪。虛空開笑口。猿鶴增悲悵。我昔乘天風。絕頂倚藤杖。羣山如子來。萬境供一望。至今清夜夢。吟嘯煙雲上。道人膽氣粗。一葉吞湘浪。欲識活祖師。告君語非妄。綠苔屐斷韌。便是南岳讓。

送仁姪入剎

古來行脚有樣子。莫只遊山并翫水。江南兩浙多禪林。帶眼直須先帶耳。數十年來已寂寥。況復亂離生死裏。一言非理不可道。一武非地不可履。善友師教不可捨。庸鄙強聾不可懷。彼所非者誠可監。我所長者不可恃。一切妄想生死因。參須實參。明自己。佗日歸來如所囑。痛棒依前分付你。

送彥侍者

瑞陽俊彥侍者。貌山澤。癯語灑灑。訪我東湖竹邊寺。爲言來自遠公社。殷勤載寬贈行語。有語非語筆難寫。渾崙一句持贈君。不可取兮亦非捨。歸見溪邊老菴菴。當機有掌休便打。免教臭口向人開。道汝又捋虎鬚也。

借雪竇韻送淳維那

吳山碧。楚江碧。天地茫茫渺何極。出門無是無不是。著眼當機須辨的。諸方門戶潑天開。眞底奚眞僞。奚僞。燈籠露柱盡知識。庭前柏樹西來意。春風春意春風急。千里萬里誰能及。湖水蹙天波欲立。

送妙達往湖

逸汝短句意不盡。送汝長句無可寫。不長不短賦一篇。適值今朝忙不暇。臨別草草笑與言。真箇參禪忘晝夜。一回參到無參處。猶是上宿道傍舍。吳越青山千萬重。揀箇鉢囊何處挂。娘生兩眼。驚然開。方信山僧真可罵。

送印空書記

一印印空來點窄。三賢十聖那可測。匡廬萬疊雲錦鄉。鄱湖萬頃水精國。篆文見得甚分明。元是一字不著。畫拍來號令人與天頓教。古道長顏色。我應隔江合十聲噴。

送僧

摘楊花摘楊花。庵摩尼畔。噉吒便恁麼會。已是錯不恁麼會。尤更差。一回撞著無面目。老骨樞方知元不在天涯。

送圓侍者

香林侍雲門。閱十八寒暑。剛把野狐涎。浣却所衣緒。汝侍吾筆硯。我元無一語。乃以羊角峰。蘸竭東湖水。

學本無止法。猶海深無底。斥鷃從卑飛。大鵬九萬里。

送付藏主

老我無堪涉世。藉鬢毛新。慘雪霜斑。有人來自廬山中。眼如點漆。音如鐘銜。袖出新卷。兩眼驚且眩。方知親自香溪哥。室來老婆心切。言談詠三世諸佛。一口吞一大藏教。徹底醞叢林鄉社。有此俊邁之英才。我輩可老可死。無餘懷。

印月

性海湛如心。月皎如水。與月融。月與水攝。水月交光。印文呈露。山河大地。萬象森羅。一印印定。虛徹洞明。廓兮爛兮。以證來觀。

送福上人

禪欲參。兮道欲學。莫負娘生一雙脚。培塿不足登。蹄涔應易涸。觀水須觀百千溟渤之鉅海。登山須登萬丈嵩華之喬嶽。高高高無極。深深深無底。一回見得親冥鴻。千萬里。

正秀行脚

長老小師不參禪。只爲尋常見得慣。汝今別我要行。

脚與汝謾說箇公案。我亦黃龍長老兒。少年發志大。
猶低一節行。偏半天下。要勸諸方老古。雖發足。仍發
勇猛志。莫把參禪當容易。只今諸老若晨星。半人所在
亦須至。山僧年老已心孤。那堪送汝更寫偈出門。
步步好爲人。九萬里程一鵬翅。

進無止

灼然大道如大海。浩無涯。深無底。縱縱萬有資之。
生生不已。由茲始。飲者大小隨所量。隨量滿足皆。
厭喜。有人直欲探其源。得其源矣。進無止。若從涓滴。
識全潮。方信萬波元一水。

達此宗

若論此道。若須彌根。四部洲高無極。日月循環無晝。
夜。毗嵐縱作無變易。欲達此宗。須造顛。偏參閩楚幾。
山碧一回見得親。萬疊巍峩只卷石。

雕匠羗若正

昔有僧問佛印禪師曰。如何是佛。佛印答之曰。木頭。
雕不就。佛印雖則一期答。這僧所問其如巧匠何。君。
正羗大夫業。雕甚精。人率孚而任之一日訪釣雪翁。

心曠神怡

求語以自壯。因詰之曰。佛作麼生。雕笑曰。我以無臂。
之手。用無鍊之刀。取無根之木。雕無形之佛。若然則。
吾當爲汝以虛空爲口。而贊之。古汗有敏匠。能作諸。
佛像。有相皆是妄。無相之中有真相。

德詳大師禮補陀五臺

五臺峩峩五雲裏。補陀峩峩東海底。大士元不在其。
中。誤賺平人知幾幾。江南吳越諸導師。短偈長篇費。
言語。老僧有語寫不得。一再殷勤奉勸汝。若論觀音。
與曼殊。盡恒沙界無不是。灼然端的要見渠。不用千。
里與萬里。只消著眼未生前。面目堂堂即自己。

竹隱東林寧侍者

香巖去瀉阜。欲南陽。陽竹片瓦太無端。等閑相擊觸。
累及忘所知。嘉名受汚辱。有人今効尤千頃。種寒玉。
澹然冰霜中。歲晚樂幽獨。慎勿輕擊著。清風自然足。

送善禪人

學道如牧牛。尋牛須訪跡。牛旣已純熟。牧乃便省力。
靠壁舊烏藤。一朝生兩翼。天地豈不大。去當六月息。

送城侍者

有佛處不得住。斗門硬開。無佛處急走過。欄江鉄網。趙州立者。兩重關。致使學者。欲去被去礙。欲住被住礙。無自由分。伶俐衲僧。拶得透。跳得出。方爲慶快。雖然更須知。五里單牌。十里雙堠。始得。

送僧

勇猛發心。要行脚。莫把光陰空費。却青山綠水眼中塵。梵語唐言。皆毒藥。譬轉機。先親見。徹萬里秋空飛一鷲。

淵侍者歸天童西岩和尚塔所

堂堂幻智翁。爲宋鉅魔孽。我昔誤見之。痛棒打得折。冷地驚思量。有屈無處雪。淵也長庚來。言偈曾不滅。幻出窄堵波。黃金充一國。村草步頭草。香風春茁茁。有語遠寄將。捻鼻消一吡。

送竺源合侍者

佛道實幽遠。未易可窺測。著眼朕非先。猶隔恒沙國。一切俱放下。百不會不知。只在鼻笑頭。元不隔絲厘。吾道今如何。秋風落葉多。滿手握春風。吹醒冰霜柯。

送則自然書記

笑巖尖

老來不寫送行語。送子不可無一句。幾回特地費思量。有句可寫難寫意。從上佛與祖別。無可指示。只要息心。仍息念。牆壁木偶。恰相似。驀然見得親。不負出家志。茫茫日月去如飛。轉得眼來老。已至當思祖道重。千鈞凜如一髮執。可寄釣雪磯頭。瞠老眼。秋空萬里孤鴻遠。

送舜禪往廬山

行脚須具行脚眼。當以前輩爲標格。近來叢席說廬山。禪子競趨不吳越。汝今直往虎侯溪。一香三拜依位立。棒如雨點打將來。當下知歸方是行脚事。云畢。

嚴首座法語

臨濟參黃檗。清涼見地藏。總是打頭不遇作家。到老翻成惜董澹翁。嚴首座學問淹博。處性冲澹。久歷叢林。養高東湖。忽然興發。倒握過頭杖子。剛要於七閩二洞徧地撥尋。會佛法底人。忽若撞著箇無面目老骨。搥棒頭無眼。脫下衲衣。痛與一頓。那時却休學伊。道悟得臨濟在黃檗處喫棒底道理。

宗藏主之吳越

一
月
五
日
言
金
身
一
一
嫋嫋春風軟。點點春山遠。如來禪與祖師意。滿眼滿
耳無不是。短筇撥著南北峰。錢塘萬頃寒濤春。一笑
歸去來。雲中五老咲顏開。

送曇昱姪禮拜淨慈愚極老叔

汝今別我去。行脚聽我殷勤重告汝。人身難得今已
得。直須著意明自己。只今叢林未寂寥。四海一翁老
愚叔。惠日峯前九拜時。照頭颺拳富面築。白髮盈顙
七十翁。期汝有成志。超越爲報江海幾故人。晚年富
貴一磯雪。

送辨藏主

老眼正昏明。喜見哥寧馨。吐語錫璫玕。秀發禪林英。
斯道猶丈厦。顏焉欲傾地。獨支期敏手。毋擅立壑美。
大鵬一舉九萬里。

珍維那歸徑山就簡虎岩和尚

水雲相望楚與吳。三年不作問安書。英英禪子來岩
邊。爲我細說岩平安。但言倒握無形棒。若佛若祖難
近傍。煩寄一語休拍盲。本來無佛無衆生。不妨借取
腕頭力。永爲大地人知識。

頌

禮仗錫已禪師塔師平生嗜食泥土

吞却七峰無寸土。灼然無地著屍骸。不知當日誰閑
管。剛把虎空掘窖埋。

禮思大禪師塔福嚴

巋然七十二峰秀。靈骨溫溫色尙新。我若等閑開坐
具。阿師無地著渾身。

禮楊岐禪師塔雲蓋

正脉如今一綿微。不堪惆悵淚交頤。冷雲深沒楚山
頂。全體當年縮頂時。

悼霍山住雪豆徑山圓寂

老倒霍山無賴吒。妙高峰頂恣拋沙。大開死口凌霄
上。又是一番重退牙。

嬾瓊岩

天子親頒字十行。難徵老子起岩房。只將牛糞星兒
火。煨得蹲鴟萬古香。

石屏塔中竺

曾分定石竺峰前。回首秋風三十年。漠漠吳天自空

澗老猿和雨哭蒼煙

石林塔淨慧

雲寒空堵玉稜層。自醉西湖一勺清。老舌熾然無惹。
在錢塘潮撼宋王城。

禮黃龍先師塔

鈍鋏攪動蒼龍窟。浪激波騰海嶽昏。一笑不知深問。
訊先師靈骨儼然存。

浙中象外諸友寄新作

肝膽重重楚越分。別來不願見諸君。那知熱血重相。
噴。澆却三千里水雲。

懷徑山諸友

十年交結幾冤憎。別後誰能記姓名。遙想瞎驢成大。
隊。挹南嶽又望東溟。

謝無文惠書不至

一幅無文倍息全。無端流落水雲邊。秋空鴈字重書。
出。頓首分明到不宣。

田叟

半畝春風箇鑊頭。通身泥水不曾休。布成荊棘參天。

須上下
有脫字

了老子今年文有秋

斗山

四角量來四極同。乾坤大地在其中。蝦兒沒興跳得。
出。衝破須百萬重。

賀廬山羅漢老子

說法聲如動地雷。小南鋪席又重開。成羣引得默尊。
者。遠遠也從高麗來。

悼無文和尚

玉几深深結死冤。錯傳一印漫無文。春雷轟破轟不。
破。盡盡江天飛暮雲。

玉厓朝京歸住天地

天上明光四度登。古今屈指幾人曾。放光近向廬山。
頂。莫謂文殊夜放燈。

送仁姪

惡業相從十五年。未嘗蹉口教參禪。而今年老心孤。
甚。三十烏藤越上船。

南侍者往送乃師朝京

阿師北去朝金闕。款語丁寧子一回。京洛春風無限。

好我寬襟袖裏將來

法相習兄小室在黃金山下

人間萬事不如閑。湖海歸來緊著關。自笑一生貧不

盡黃金。推作屋頭山。

寄和寅知客來韻

老來懷抱轉難平。棒下全無抵牾情。尙有一分慈憫
處。教人只向棘中行。

萬杉東源和尚塔

活葬東風百草源。只因錯會祖師禪。十千古木匡廬
頂。一一枝頭啼杜鵑。

送僧歸金陵白蓮菴

石頭城裏屋三椽。滿屋清香是白蓮。皎潔一心何所
似。夜深淮水月初圓。

摘茶

拚雙赤手入叢林。要覓春風一寸心。但覺爪牙歸掌
握。不知煙霧濕衣襟。

蓮社題經薦孤魂

一卷百千萬億卷。普使幽冥移淨方。越水東邊明月

夜白蓮。朵朵晉時香。

贈髮匠

年來頓覺髮如絲。多少傍人笑老癡。妙手不須頻摘
剃。幾人得到白頭時。

多寶寺

千澗碧流寒漱玉。萬山黃葉冷搖金。若言卽此見多
寶。猿呌嶽雲深更深。

羅漢浮杯圖

神通妙用無些子。踏破滄溟幾處潮。箇箇脚跟學遍
遍。老僧無暇舉藤條。

血書金剛經

娘生指上血一滴。染盡給孤園裏花。三十二枝春盎
盎。不知香藹幾恒沙。

天童四威儀

行 無端失脚墮深坑。轉得步笑倒更幽亭。
住 一身貧到無貧處。有誰知。狎鷗并宿鷺。
坐 却被蒲團先識破。松作聲。元是微風過。
臥 太白一峰枕頭大。伸双脚。虛空俱踏破。

仁侍者往湖

痛把山藤手自鞭。脚冤又上湖江船。東湖佛法無多子。莫打諸方肋下拳。

送另侍者見雪岩

仰山作夢夢未醒。嚙語如今轉更喬。識得渠儂窮伎倆。跨門先倒用藤條。

送富侍者入京

灼然要敵王公富。捱到無錐卓地時。萬里秋空双眼豁。不知身在御樓西。

贈戈陽剪剃祝詠

端的洪爐百煉銅。双收双放凜寒霜。這些兩欄捻得定。要截諸方短與長。

定山

諸緣外息心無喘。墮在那伽那一機。蹉口一回輕噫欠。疾雷轟破五須彌。

北海

謾將折筴探源流。直到俱盧窮盡頭。端的這回親見徹。百千溟渤一浮漚。

心呈諸臣

送琇上人

御栗橫肩犯曉寒。倚天青卽是廬山。上人幸有娘生脚。直到高高頂額間。

掬月

等閑拚取娘生手。萬浪中間攪一回。拶得清波無透路。玉蟾輓入掌中來。

梅山

午夜寒香汎翠微。橫斜影裏立孤危。看他垂手爲人處。放下懸崖第一枝。

寄呈西巖和尚

玲瓏岩下憶辭師。軟語丁寧歸莫遲。昨夜春堂轟霹靂。分明一喝再參時。

湖東廟化元霄

樓臺兩岸沸笙簫。萬斛金蓮撒碧霄。湖水東邊楊柳顚。也開青眼看元宵。

送遜禪人

楚天空濶鴈橫秋。揚示二千年話頭。閃電光中如不薦。滿蓬烟雨上孤舟。

贈刀鐮

如星閃閃瞭双眸。妙處工夫少與儔。捏定這些真柄。霸衲僧那箇不低頭。

送恢侍者

覓安心法沒來由。默立庭前雪到腰。祇好別行條活路。看廬山看瀾江湖。

無相和尚塔開先

怒霆轟耳記曾呼。充塞乾坤恨未除。將謂阿師無實相。春風萬疊峙康廬。

天池資勝庵

萬箇簷簷帶雪青。一庵猶自揭唐名。各道人心欲留雲。住寬著儼問屋數楹。

天池半雲亭

脚頭步步躡雲梯。到此須知恰半之。絕頂欲觀天地闊。不妨款款策藤枝。

寄保壽心鏡

保壽當年不渡河。箇般檐板誤人多。勸君賸買草鞋好。彈雀何曾只就窠。

枯山

點點寒飈振稿枝。翠微重疊凍雲垂。春風萬斛呼不醒。別嶂一聲啼子規。

雪溪塔圓通

六月炎天飛片雪。山河大地冷淒淒。三年祇道消融盡。凍合侯家水一溪。

寄淨慈愚極老叔

見說翁翁老更顛。為人單只用龜拳。近來發得無明甚。打破虛空沒半邊。

送俊侍者

時東君退玉几留雪寶東林圓通欲取飯廬山

爺看千丈巖前瀑。頂雪遙應瀑雪同。石虎溪邊傾石耳。要聽鐵錫響寒空。

淵侍者自幻智塔所來就見翠岩木翁

人從村草步頭來。毒氣經年不受埋。散作西山千嶂雨。毒花毒果幾根荑。

送肅庵長老歸北

倒跨金獅別五臺。哦囀廬嶽眼中埃。袖藏小白花歸去。人道親提東海來。

建育王塔

越水新營窄塔波。與他玉几不爭多。從今客路三千里。又累奔馳劉陸訶。

新僧堂

薦福重開地獄門。要從衲子結生冤。若還將脇沾他席。熱鐵燒身又一番。

番陽大浸

本來清淨無一物。大地山河忽渺瀰。童子不須拋瓦礫。老僧定觀正斯時。

礪亭

一亭新立雪礪頭。湯向空中拋直鉤。幾度無風浮子動。老僧終是懶擡眸。

道者化栽樹

倒握仰山鋏在手。掀翻大地竟知音。縱饒濟北陰涼樹。入土也須三尺深。

送鵲湖鏡侍者

笑穿無耳破芒鞋。賜得高低百丈摧。月磬有拳當贈汝。只今忙甚別時來。

聖旨看藏經。陞座釋迦老子。昔於靈山會上。百萬衆前。七處九會。舒廣長舌。相縱無礙。辨橫說豎說。塵說利說。熾然說。謂之轉大法輪。以致龍宮海藏。天上天下。盡虛空界。無非此經。却云。始從鹿野苑。終至跋提河。於是二中間。未嘗談一字。拂迹塵生。欲隱彌露。二千二百餘年。乘大願力。再示現於此。鬱單越爲天子。爲人之王。顯膺大寶。遠紹皇猷。萬機之暇。勅四天下。苾芻衆。以一大藏教。經律論一。一志心看念。直得春盈萬國。萬國歡呼。四三王而六五帝。熙熙然共樂昇平。正當此時。敢伸祝頌。召衆良久云。會麼。願將一藏經中字一字。延鴻億萬年。

送人

結座於一微塵。出此經。萬象森羅。著眼聽。殷殷春雷撼天地。同是三呼萬歲聲。

寄天童日東岩

青山立玉水粘萸。祖意明明在目前。短堠長亭何所許。處處春風啼杜鵑。

觀戲著還應恨拍襟

題可長老壽塔

汝今未老早安排。宰堵波從此地開勝處笑曾舒。老
眼好一轟轟送青來。

謙侍者之天童

長庚峰頂展炊中。白日青天海岳昏。痛棒當機連架
打低聲道我是師孫。

送才首座

冤家別去幸相疎。不擬重來膽氣麤。三十烏藤不輕
恕也知年老覺心孤。
海國山山叫子規。不知何處卸征衣。拳頭自是擧生
底莫向諸方助下揮。

天童化五鳳樓

太白峩峩峙碧霄。百千諸佛欠蓮頭。願君施五鳳樓
手成我山中五鳳樓。

順維那歸仰山

近日傳聞小釋迦。恣施瞎棒與盲枷。再參通我一轉
語。春至山山桃自花。

送住禪人歸疎山

住住住。眨眼白雲飛去杜鵑聲在最高處。春風花滿
甜桃樹。

送親宗古住西山崇報

滿天花雨忽毵毵。定起閑將鼻觀參。却是西山山下
寺。古薇枝上綻優曇。
法道如今危未危。老眸近覺淚霑眉。期君硬著腕頭
力。一髮千鈞在此時。

中道者

笑問殷勤求底事。却言近離古杭州。開口便作佛法
會。老來無力舉藤條。

仙禪人

一人半人之所在。吳越從頭驗一回。三尺炊巾襟袖
裏。向人只道看山氣。

寂林

我國從來本晏然。蕭條活計自忘年。無端一陣微風
過。萬樹蒼松競說玄。

鏡清塔

阿師活葬此江皐。障却錢塘幾度潮。可是髑髏乾不盡。蛙聲依舊響春宵。

東黃龍雪村

一別龍峰五十年。堪嗟塵世事茫然。門前舊日長松樹。恨殺春風啼杜鵑。

題跋

題華嚴經後

乙亥之變。土寇甚。綠林之酷。破廩焚莊。衆礎鞠爲一炬。而此經於大火聚中。放五色異光。不與烈燄俱燼。佛法之在天地間。隻萬類而無對。亘萬古而獨存。非小根魔子之所能知。非水火之所能變。彼之覲心。猛甚於虎。欲奄有我境。而天定勝人。辛乃自蚬。我之爲我自若也。惟信都寺持此囑語。目紀其實。留供莊所以警輿俗。以詔我後。

題破菴和尚帖後

破菴老祖示衆。不是心。不是佛。語猶壘器中具。黃鍾大召音。百世之下。聞之者亦足。以興發今之作者。猶危絃脆管。非不美好。能熱凡耳。而一聞則索然而盡。

矣。九拜敬讀。凜焉爲之髮立。壽首座其實之。

題楞嚴十二類後

昔龍勝菩薩於灌頂部出此經。流布五天。五天世主保護。祕嚴不妄傳授。智者大師聞之。日夜西向禮拜。願早至此土。至唐神龍初。方至而智者竟不及見而沒矣。今雲禪人書此十二類。揭諸檀林。吁。妄即衆旃生員。卽如來期諸來學。離妄卽真。同諸如來真三摩地。

題敬首座圓通偈

右阜以諸佛五五所證圓通。各爲析爲偈。以鍼其痛處。余一再諦觀。雨笑曰。靈山受記。未至如斯。

題無準和尚書三自省

龍門九十六顆明珠。向徑山老祖一毫頭上放大光明。幸爲源侍者捲而藏之。否則眩惑叢林。未有了日也。後四十九年甲申。薦福不肖孫某拜題。

爲東山跋圓覺經

圓覺總八萬四千陀羅尼法門。猶彼大海深無九地。浩無四涯。世尊爲諸菩薩橫說豎說。如以禪那之寂。

觀奢摩他之至靜三摩鉢提之妙行先中後修從漸入頓以至平等本際者猶撥波求水昔圭峰感悟此經大弘圓頓之教今居士鄭君刊以廣施俾天地人同證圓覺三昧豈普光明殿記前也耶

跋石田書

石田叔祖在冷泉日。謂子憧憧堂前至無坐處可覘一時禪席之盛一言半句流落叢林得之者如獲南金是亦般若靈驗之一端也

跋北磬書

馬椿蒙大福田衣此為妄庸茲蒞設也不可以後生十一郎而貌之此為少英茲蒞設也隄岸一決貨殖用事大利如囊中物承平諸老鼎峙之時尚若此倘老禪生若此時其論復何如哉

跋癡翁書

此癡翁與明巖首圓通之座時書省費節用以安其衆一念不衆忘隨身叢林規矩繩墨不行而自化此端可行之天下萬世不特為明巖徹老發也三讀感慨系之

必系字更動

跋西岩和尚墨帖

此帖乃余別師後十閱月所書也已知客遠訪出此因焚香拜讀恍若葉拱侍左自丁酉丙辰四十年驚歲月之易化感世時之殊異只令前輩掩光叢林寒寂觀此猶盆盎中疊洗可不敬哉子其寶之

西巖和尚題種松賣柴二祖國恨殺老頭陀山移恨不磨吾今檐頭重為汝種松多

大白老巖以百千鳩為一舌開口出語即毒人只此廿字千斤鎚頭埋不得千斤擔子擔不得致二老祖憤然切齒於千載觀者宜審不肖子月欄某直筆以告

跋東山崇長老語錄

東山崇長老若硬修行見道明白無端將如來藏裏一顆摩尼珠攤向東山峰頂放大光明寒光燭天盡大地人按劍而疑不敢正眼觀著三十年後有人冷地著眼觀破方知其價何止十倍連城年月日某書此為驗

題無準和尚住焦山時法語

必疑或難字

必若疑苦

必國疑圖

必令疑今

圓照老祖開海門口演說妙法片舌衒衒大翻法海之波盡大地人所額望不及殆墨于楮元無一字謂無語也厚誣我祖謂有語耶亦厚誣我祖陽岩謂何

跋無準和尚與清涼長老法衣墨跡

圓照師翁無端將一片爛瓜皮信手搭在柳樹上又奉贈一道呪詛眞言小孫若當時在傍只消輕輕控鼻一聲教者老漢無地著羞

書明月山房乃壽塔小軒

猗歟大塊中有此赤肉團曾無生與死從渠暑復寒熾然常說法風動萬琅玕了然無一物滿目是青山以幻觀吾幻以閑樂吾閑世態自消長日月長循環

跋玉田頌

祖翁這畝田坐落荊山千丈峰頂以四大部洲爲界至以一大藏教爲契書紹興經量不得淳祐經界不得至元抄數不得不假耒耜種籽秋風一來芄芃穠極皆璠璣砒碓結錄懸黎充然有萬斯倉釣雪翁合十喜爲田中主人賀

小佛事

開經四大部

鹿野苑跋提河演一却成三春風枝蔓多阿呵呵爭奈何大家輓入葛藤窠

收經般若涅槃二經

般若體涅槃心山河大地水鳥樹林休將黃葉當眞金双放双收聖凡莫擬大千攝入秋毫裏

淵西堂起龜

驪龍珠甚奇特直下九重淵拂身親扶得武功山頂月華明一顆圓光色非色撫龜云撲碎了也不存影迹萬果乾坤俱黯黑

心上人起骨

萬里南來脚跟下好與三十無骨云當機直下死偷心猶是髑髏前見鬼心上座土垠子笑你

武堂主人塔

親經鍛鍊來指骨云只餘者一捏不離步武間易見還難識武堂主離却安樂窩貶向無生國

獅菴主入塔

豎起拳頭髑髏粉碎狼藉春風今幾載收拾歸來主

元在召衆云。要見菴中主麼。度骨云。大鵬。翬天毒龍。攪海。

正疏下火

喚正疏二聲云。昔喚即應。今喚不語。生元非生死元非死。識得生死分明。更有一言教汝。要到極樂國土。先見丙丁童子。

移行者塔於三塔入骨

指骨云。汝等不剗丹霞草。不傳盧老衣。只麼虛生浪死。野塚同棲。再入洪爐重煅。煉始知觸髓。元是水山僧爲汝別開。櫓廠大僧是依當臺明鏡。轉光輝。

元首座下火

平生解推筭。預設衆生病。自家本命元辰如何。筭不定。香煙起處。既脫去畢。竟有何星煞。併山僧本不善妙訣。撥轉卦盤重考。訂良久云。惠元首座果是今朝火星入命。

無相和尚舍利入塔

呈舍利云者。是無相和尚三十年前。鶴鳴峰前。照天照地一段靈光。非戒定慧所熏修。亦非能忍能辱所

中興或作具更詳

致眩耀。四天下。衲僧以當奇。吳山僧直是憤氣不甘。今幸餘光射到東湖。只信虛空掘窖。重與深理。以手作掘地勢云。冤將恩報。

常相公舉棺

佛身示現宰官身。撫治唯憑義與仁。厭棄塵寰便歸去。春風清曉雨花新。某人乘大願力。具大根器。爲聖朝作大柱石。爲法門作大檀度。活合郡生民於乾坤再造之時。恩踰父母。致九重明君於堯舜之上。德邁龔黃。一命再命。將秉鈞軸。二豎三彭。遽宅膏肓。畢竟今歸何所。拊棺云。綵雲仙仗。鄱江上。穩泛西歸蓮葉舟。

浮洲月庭山主下水火死

千古沉沉州上寺。中興方此藉英豪。夜深不見庭前月。但覺中流鼓怒濤。某人早歲遊方。徧歷楚閩叢席。飽參諸老。抹過佛祖。玄關住院。無刀斧之痕。律身有水霜之潔。笑黃梅度六祖。倒握蘭橈。擬華亭接夾山路。飄船子一漚生而不生。一漚滅而不滅。以火打圓相云。照破山河千萬朵。好著火裏現明珠。

聖旨焚道經

漢朝曾已築高臺。眞僞親經驗。一回後代不能重改。
轍復留。夕語誑癡。默聖朝如日照。今古有僞何曾容。
得來以火打一圓相。云看取火光三昧裏。是真難滅。
假成灰。

海船場撒骨

無邊苦海浩茫茫。滯魄幽魂聽舉揚。無量劫來生死
本未能得離實堪。傷顧爾現前諸佛子。率皆昔日之
善長。或辭父母於故里。或棄妻子於他邦。或殞於斤
斧。或溺於滄浪。或因飲食飢餓而殞。或因風雪僵凍
而亡。或歿於王事。或厄於旅商。無貴無賤。難以數量。
爛爛兮白骨盈野。勃勃兮遺具盈岡。天陰雨濕。新鬼
銜冤。舊鬼哭野。炬熒煌長夜冥冥。何時且聞者見者。
咸悽愴。諸善上士同一心。歛遺骸於造舟之場。轉如
來祕密之妙典。爲汝等解脫之津梁。既經烈火。今葬
長江。諸佛垂慈。濟汝舟航。饑百千劫之冤。回一念
兮。卽是西方。

沙爾付衣

黃梅夜半雞足峰前。道得接手句。袈裟搭在肩。

東山崇長老入骨

衲僧家無本據。踢倒東湖華藏海。五千四十八卷玉
轉珠。回掀翻老礪曲。未入萬四千毛竅。恨積冤深。
便向妙峰頂上盤結草菴。呵佛罵祖於一莖草上現。
寶王利拈出東山鐵餞餚。要塞斷天下人嚙喉。放大
拍盲造無間業。直得舜若多神憤氣不平。怒發將須
彌山輕輕一擲。驚得無骨泥牛。食入無邊生死海裏。
洪波浩渺。白浪滔天。一去杳無消息。於無消息處消
息。金眞諸人只今要見東山崇長老。眞消息麼。放骨
去東山下左邊底。

讚

出山相

正覺山中與麼來。慚惶滿面是塵埃。未曾空却衆生
界。添得人間一禍胎。

達磨

開口觸著梁王諱。舉步踏翻揚子江。比似者般底處。
行西天東土更無双。

觀音

蒙却頭入正定。定眼忽開有何所證。楊柳枝頭春雨
暝

抱膝坐盤陀。以耳觀無礙。一菊悲心海樣深。何時空
却衆日界

布袋

曲江磯頭奉化縣裏拖潑囊。落落魄魄剛道一生懽
喜不知月在雲中笑你

無端拋却率陀天。奉化江頭恣掣顛。主文奪來還痛
與我儂要結下生緣

寒山

山河大地猶一點。埃面前掃却。背後成堆默默

拾得

台雲萬丈猶一菜。滓収拾箇中如金。自誇差差

豐干指虎與閻丘說

所指是何物。所說是何言。心毒不如口毒。合成生死
深冤。閻丘老惜尊拳

寒山拾得

陸游

忘却自家心。却指天邊月。更言無物比。倫分明話作
兩撇生苔。蒂何不滅

朝陽

渾無針劑處。爲君道線路。夜半三足鳥。飛上珊瑚樹

對月

白白是脫空。剛言標月指。便怎麼回向。墮佗光影裏

贊羅漢共一軸

成群作隊。指東話西。造妖捏怪。誑惑愚癡。神通妙用
有誰知。天台月皎。南嶽雲垂

贊豐干寒拾虎四睡圖梁山

虎依人人靠虎。一物我忘亦汝。肚裏各自惺惺。且作
團打覺。睦誰管人間今與古

贊童科安醫師

惟吾一指造大極。立脉天下人咸若。小兒起膏盲疾
猶談笑。然貌可丹青。玄執傳焉

自讚

崇寧可長老請讚

參無所參。悟無所悟。空手捏双拳。要起破沙盆。門戶

用盡拍盲少喜多怒也。也有一分長甜瓜生苦瓠。

崇報洪長老請讚

跳出黃龍三重關。撞破天童生鐵網。量太虛空爲十尺秤須彌山。作八兩信緣隨處住。院爲人處。惟拳與掌當機。佛祖難近傍。麤行拍盲盡直北。直南數來更無此樣。崇報切自知機。莫學渠儂箇伎倆。

印甥請讚

行脚見淳祐諸老。住院歷南北兩朝。不守黃龍活業。不傳太白箕裘。爲人處慣向弓弦上。結系橫機時。每於險處斷橋。設出古老文章。解教夫子嘔舌。舉示杜撰提唱。剛要達磨點頭。長處全無。細處偏優。是爲楊岐十一世孫月礪比丘。

家兄同幘壽容

有髮兮誰兄。無髮兮誰弟。不說道與禪。不談仁與義。澹然相對各成翁。誰管兩朝經亂治。丹青寫出付昇彫。大似空中挿標記。

景德遂長老請讚

禪學全無拍盲第一住。山活計竹篋三尺怒發時。鞭

得虛空粉碎。編辟時拶得石人腦裂。更有一般沒思忖處。陳年破砂盆。却要向景德鎮裏重新燒出。從頭至尾數來。大元國裏長老烈烈掣掣。無如你。

崇都寺請讚

貌若寬閑性尤剛。急不以佛法當人情。不以慈悲爲利益。爲人處熱喝喝拳雪霜。中有春消息。正崇爲子却孝順。見斧擔重重添石。

源侍者請贊

渠似我我似渠。子相似恰相如。如處畢竟何如。甜瓜生得苦葫蘆。

崇勝東源長老請贊

蒼苔髮枯松白雲抱幽石。面目儼然。易見還難識。臨濟未是白拈賊。

薦福魯山長老請贊

大江以東非生緣。大江以西非受經。行脚見宋朝三十七員惡知識。末後撞入天量布絲網裏。折倒平生。視佛祖若大寇。讎視衲僧若大冤。憎五處住山百無一能。無補宗教。不上傳燈。効尤佛照。授秀岩之法席。

魯山其克荷負而道德深愧乎五宿觀堂之老僧誰
費丹青點染太清只好釣雪磯頭終朝笑看遠山青

隱靜空巖長老請讚

受經黃龍而不以爲家親見天童而不傳其道生宋
紹定閱七十曆有雪盈顛住番薦福踰二十年無功
可考以棒喝結衲子深冤以嬾拙當人間至寶隱靜
無端遇妙峯邈出類焉个枯橋似者般無禪無道無
能爲底長老盡直北直南何處討

月禪和尚語錄卷下終

歲己未自智者移仰山月禪撰榜疏出惡語訾余一
上歲丁酉哲侍者持月禪五會錄至因自首至尾一
一閱過而若佛若祖咸被呵罵老氣不平以德報德
亦出穢言罵伊一上云大德元年結夏後五日淨慈
佛心老叔 題

雲外雲岫禪師語錄

元
•
士 雲外雲岫
慘
編撰

雲外和尚語錄序

自佛法維而爲禪禪有五派今行於四方者有二曰臨濟曰曹洞然學禪者流多宗臨濟而曹洞爲孤宗以洞類于四明者正覺禪師宏智其傑然者也由是學者慕而師之故宗洞者四明爲多今

雲外岫公其一也師道德日月焜燿叢林而學徒從之其所與遊者又皆當世名卿碩儒師在天寧日與余家太傅公往來爲最熟公嘗示師所寄詩余時恨未之識及分教象山而師主智門始得爲方外交師氣貌粹溫言辭簡質信所謂有德之人乎旣而小師士慘出師語一編俾余序余涉世多虞置身寂寞際當閱替時則取玩以洗滌塵慮因得徧觀其爲詩有盛唐渾厚之風其爲序跋疏論則文彩璨然至於偈頌拈贊之類余雖不能盡通其義以意觀之皆非苟作也吁德行人之根本也言語特其枝葉耳未足爲師止也師年尙彊師道將行必能大振宗風言滿天下此錄云乎師名雲岫雲外其號也

時

大德庚子夏六月三日象山文學榘陳晟謹序

太白峯爲屏廿里松爲壑雲影藏身幾多人蹉過不蹉過元是隰州古佛再來切忌機前說破且道說破後如何夜明簾掛須彌巖走盤珠向空中墮別本影下有外字

幻住老人 中峯 拜贊

雲外和尚語錄

目次

住智門禪寺語錄

拈古

頌古

佛事

祖贊

偈頌

序跋等

傳

附錄

雲外和尚住智門禪寺語錄

小師比丘 士慘 編

入院小參旃檀叢林旃檀圍繞荊棘叢林荊棘圍繞

師子叢林師子圍繞虎狼叢林虎狼圍繞白崑山中
四種叢林雜然而陳山僧尋常不曾揀擇明白到此
不免彈指一下教他虎狼化爲師子荆棘化爲旃檀
不言自化不治不亂便見旃檀林無雜樹鬱密深沉
師子住卓拄杖曰師子哮吼

上堂夜半金烏出寥寥照寰宇兩眼對青山通身淚
如雨正恁麼時湖州道場寺裏通禪師伏虎

佛成道上堂大覺世尊臘月八夜子正四刻觀明星
而悟道引得後代兒孫夜半染早智門昨夜傷風打
嚏湊得恰好

上堂說禪有四種義有時意到句不到空中書字有
時句到意不到題目分明有時句意俱到弓蛇已辨
有時句意俱不到切忌死却若也恁麼商量全體病
有句意

歲旦上堂拈香曰鳳曆增新三百六十日有終有始
金輪統御八萬四千歲彌久彌長

上堂結足圓蒲萬仞崖頭做夢留心方冊大洋海底
尋鍼全身撲落時夢破方醒一念不移處鍼存始悟

且道悟後如何還我鍼來

結夏小參圓覺伽藍隨處建立圓裏三世無壞無雜
過去諸如來斯門已成就現在諸菩薩今已入圓明
未來修學人當依如是住白崑山下有古招提十方
禪流來此聚會九十日如來聖制各各禁足護生各
各剋期取證山僧與諸人同身共命修清淨行入于
神通大光明藏其間或有外道異見者彷彿佛者
非我同智者貶向他方世界何故驚驚立雪非同色
明月蘆花不是他 舉古德道十方同聚會個個學
無爲此是選佛場心空及第歸頌曰久渴逢甘雨他
鄉見故知洞房花燭夜金勝狀元歸
上堂崑崙之水易發少林之春難芳一臂忽斷九季
頓忘雷量紋於象齒花釀蜜於蜂房派列枝分兮子
孫繁碎鳥非馬似兮言語文章

謝初書記上堂學而時習之不亦悅乎有朋自遠方
來不亦樂乎人不知而不愠不亦君子乎且道打鼓
陞堂因甚讀論語一篇以楔出楔

解夏小參四月十五日不結而結住在半途七月十

五日解而不解歸家穩坐山僧九十日內途中之事
諸人不知諸人九十日內家中之事山僧盡知既然
知了剋期取證得與不得拈放一邊只如目連尊者
佛歡喜曰僧自恣日以百味飲食安孟蘭盆中施佛
及僧以報父母長養慈愛之恩還有衲僧氣息也無
良久曰仁者見之謂之仁智者見之謂之智 學祠
山价祖示衆秋初夏末東去西去萬里無寸艸處去
劉陽菴主聞云出門便是艸拈曰劉陽菴主恁麼道
多少人不取出門

上堂半夜劈破太空太陽正照白晝掩却萬象生鐵
一團二俱列下別有商量南海觀音菩薩端坐水月
道場

謝尊侍者上堂春山疊亂青春水漾虛碧寥寥天地
間獨立望何極明覺祖師落處侍者知得山僧拄杖
子亦知得卓拄杖曰侍者知得

上堂三十年前湖州道場山下沈十二郎家牯牛生
箇牯犢說向諸人諸人不信山僧親到他屋裏借看
兩角指天四蹄踏地尾巴搖風鼻孔取氣牙齒未生

便曉得耕田耙地底事且道是詭異不詭異撫禪牀
曰天下無人知此意

佛涅槃上堂二月十五日西天中印土婆羅雙樹間
有一佛滅度名曰釋迦文聲教大流布二千年後東
震旦國白崑山下有個兒孫燒香追慕且道慕個甚
麼八十種好黃金軀天上人間無覓處

謝海藏主上堂西風凋木葉蟋蟀啼壞牆明月照破
屋露冷黃金牀藏經一卷儒書一章讀不成句書不
成行天空地闊誰商量

上堂露色纔分鷄便唱春風未動鳥先啼一牀胡蝶
家家夢祖意無人肯入思

請兩班上堂左顧右盼皆我良輔雲生兮從龍風生
兮從虎山僧坐繩牀說禪按拄杖作主良久曰普
結夏小參此僧伽藍有大界相四角標石東南角東
北角西南角西北角循繩結界之後名曰淨地夏三
月禪子安居越大界相者是破戒比丘智門恁麼告
報或有僧出云者裏不是學毗尼處何得作者語話
禪和家以四大部洲爲大界相東去也得西去也得

南去也得北去也得山僧被伊此問只得低頭歸方丈何故將謂無人舉西天以蠟人爲驗此土以鐵彈子爲驗若依西天法令違越此土清規若依此土清規違越西天法令智門不免別立規章且道以何爲驗待拂子悟道

上堂蟋蟀啼環牆蝦蟆叫春水時節使之然處處聒人耳觀世音菩薩尋聲救苦救他不得却來問山僧道別有個甚麼道理卽向他道止止

開爐上堂以拂子打一圓相云範圍天地豎拂子云者個是百丈悟底瀉山撥底智門今日發輝烏薪千百萬輩放光現瑞去也盡大地人不妨向火

冬至上堂一句子玄中玄妙中妙寒暑不相干陰陽不相到必竟如何通耗鷺鷥立雪非同色明月蘆花不似他

上堂萬松和尚舉圓覺經曰居一切時不起妄念不於諸妄心亦不息滅不住妄想境不加了知不於無了知不辨真實不好諸禪德薄沱河水合果有此事只是其間水性不變按經原文有小異

除夜小參千崑帶雪萬水生冰今夜寒極歲極明朝日新月新山僧禪牀角頭拂子長時間挂不犯纖塵信手拈來春回大地展慈容於釋迦老子收怒氣於金剛眼睛只者一著最妙最靈今正是時如何委悉浩浩塵中尋不見見無見處却分明舉北禪烹露地白牛公案頌曰分歲家貧無可有白牛牽出爲人烹堂中不問僧多少一箇還他一分羹

元宵上堂山僧夜來得一非常之夢夢見東大洋海底點一盞燈直得四大海水光明燦爛照見魚龍蝦蟹一一分明娑竭羅龍王與諸龍王往帝釋天宮啓白其事帝釋天會諸天及諸龍王同下娑婆世界中尋問有何緣因故現斯瑞山僧於是夢覺今朝恰值元宵節不合說此一夢供養諸人諸人若也信得及自然光明燦爛若也不信又爭恠得

解夏上堂蕩盡是非窠窟截斷葛藤露布今日放開布袋不要東去西去拗折拄杖向者裏住何故碧眼胡僧坐九季心膽渾如生鐵鑄謝照藏主唐侍者上堂如來藏中有一常圓之月大

如車輪冷如水雪犀牛扇子何曾別怒濤推出海拾
值中秋節若也喚作白蓮花浮出龍王宮我道玉川
子胡說亂說

上堂達磨眼睛八斛四斗斷貫索子穿來諸人面前
抖擻天上人間阿誰有

謝所翫首座上堂意存言外道在機前求人思搭對
見面懶寒喧古劍長埋匣閒弓不上弦諸人要識真
將軍麼嬰鏖哉此翁也

佛誕日上堂生筍箒作舞爛芭蕉冠巾見者以爲怪
事且道世尊生下一手指天一手指地天上天下唯
吾獨尊又作麼生却較些子

謝歐省元上堂流而不返名曰情湛而不搖名曰性
靈而不昏名曰神光而不亂名曰明迷此四者爲之
凡悟此四者爲之聖且道是阿誰有此達磨鼻頭筆
直夫子眼睛漆黑

中夏上堂天地熱如爐萬物同一煮衲僧煮不殺出
來拍手舞諸人還委悉麼若不魯三郎神又誰敢高
聲大語

解夏小參三千大千世界悉作秋蟲鳴於一切聲各
不相雜諸人九十日內還曾聞來也未若也未聞直
須聞取若也已聞直須透過若也透得過却來者裏
與山僧相見山僧與你證明且道證個什麼若謂有
所證三世諸佛歷代祖師天下老和尚不得成等正
覺若謂無所證三世諸佛歷代祖師天下老和尚不
得成等正覺畢竟如何到者裏應合自知 學明覺
祖師道乾坤側日月星辰一齊黑東西不辨南北不
分底衲僧甚處見雪竇拈曰不用通報要見何難
上堂參禪之士切不得悟道若也悟道百千萬劫不
得解脫何故一字入公門九牛車不出

冬至小參海水縮天風寒一陽破坤六陰生乾君子
之道日長小人之道日消智門主丈子去季也黑皴
皴地今年也黑皴皴地靜如山堅動若雷霆有時拈
有時放有時橫有時豎有時倒有時正今當陽道文
明之時且道拈則是放則是橫則是豎則是倒則是
正則是合作麼生通個消息卓主丈曰二十四番花
信風季季先到梅花樹 舉宏智祖師道浮虛境上

新新三世遷移堅牢地中隱隱一陽萌動住而無住
密運機輪生而無生妙超影事頌曰髮生爪長常如
此筋轉脉搖休問他動靜不干消長事從教門外雪
寒多

臘八上堂世尊雙眼明看天上星智門雙眼明看天
上星智門雙眼瞎世尊雙眼明世尊雙眼瞎智門雙
眼明互復二千年彼彼心不平世尊世尊今日誰底
時節

除夜小參先用後照三百六十日用過了也先照後
用新年曆頭又添一箇照用同時天共白雲曉水和
明月流照用不同時十二時中却較些子恁麼商量
總是尋常邊事不恁麼商量畢竟有何奇特爆竹聲
中驚徹八萬種不吉祥事梅花角裏吹出八萬種吉
祥事諸人今夜守歲不要瞌睡兩歲結交頭有些子
詫異且道是什麼詫異明朝是大年朝廖胡子出來
人事 舉僧問古德年窮歲盡時如何古德道東郭
王老夜燒錢頌曰東郭王老夜燒錢保當新年勝舊
年三玻俱通三扣箇太平無事樂平平

解夏小參古人立期立限事無虛設剋期取證如魚
飲水冷暖自知所謂時節若至其理自彰今朝聖制
告圓時節既至因甚其理不彰諸人直須覺寤始得
智門恁麼提唱也是爲他閒事長無明雖然忽有僧
出道長老你尋常多要諸人何不話自山僧向他道
老僧有過自能檢責諸人有過要且不知且道諸訛
在何處尋常一樣窓前月纔有梅花便不同 舉魯
祖見僧來便面壁拈曰魯祖門庭施設故是奇特殊
不知靈龜曳尾拂迹迹生

上堂深山崑崖中有一片古意春鳥弄春風一一啼
嚙了也有僧出云長老喜鵲鳴寒檜心印是伊傳豈
不是全彰古意卽向他道直饒鳳凰口裏道出來也
只不是

冬時小參仰山叉手太高皓老布衲黑漆後代兒孫
三寫烏焉成馬以致氣候不齊陰陽顛錯直饒寒殺
熱殺岫上座決不隨他所轉忽然張十一官人道六
角池昨夜結冰大雷峯今朝出氣又且如何卽向他
道于你甚麼事 舉明招風頭稍硬且歸煖處商量

拈曰明招太殺欺人。一之謂已。甚其可再乎。

拈古十則

舉世尊一日陞座。文殊白。隨云諦觀法王法。法王法如是世尊便下座。

拈曰具世尊眼目。識得世尊破綻。向世尊痒處一抓。三世諸佛歷代祖師。天下老和尚。孰不快暢。

舉僧問青原。如何是佛法大意。原云廬陵米作麼價。

拈曰黃金殿上居止者。不曾說著尊貴邊事。說著尊貴邊事。非黃金殿上之人。

舉僧問馬大師。離四句絕百非。請師直指西來意。師云我今日勞倦。不能爲你說。問取智藏去。僧去。問藏藏云何不問和尚。僧云和尚教來問藏。云我今日頭痛。不能爲你說。得問取海兄。僧問海海曰。我到者裏。却不會。僧舉似大師。師云藏頭白。海頭黑。

拈曰合眼。逃黃河一逃。逃過清涼世界上。自由自在。勞倦頭痛。爲人於此。最切頭白頭黑。非馬祖莫委。

舉百丈上堂。常有一老人聽法。隨衆散去。一日不去。丈問云。立者何人。老人云某甲。於過去迦葉佛時。曾住此山。有學人問大修行底人。還墮因果也。無對他道不落因果。墮野狐身。五百生今請和尚代一轉語。丈云不昧因果。老人於言下大悟。

拈曰不落因果。莽蕪蕪蕪。招殃禍不昧因果。膠膠綴綴。曾未捨在彼不脫野狐身。在此還成尊貴墮。且道如何得勦絕去。百丈一箇字黃檗一掌力大用現前。不存軌則。將謂亦胡鬚更有胡鬚。亦勦絕了也。

舉雲門云。光不透脫。有兩般病。一切處不明。面前有物。是一透得。一切法空。隱隱地似有物相似。亦是光不透脫。又法身亦有兩般病。得到法身爲法。執不忘已見。猶存墮在法身邊。是一直饒透得放過。卽不可子細檢點。將來有甚麼氣息。亦是病。拈曰去得事障。猶有理障。去得理障。猶有清淨大病之障。猶有一切法空之障。去得一切法空之障。猶有自見障。去得自見障。無自見障。方得歸家穩坐。舉廓侍者問德山。從上諸聖向什麼處去。山云作。

麼作麼廓云敕點飛龍馬跛鼈出頭來山便休去
來日山浴出廓過茶與山山撫廓背一下廓云者
老漢今日方始瞥地山便休去

拈曰德山行不越閭坐不垂堂尊其居也廓侍者躡
足不得入如鼓瑟於齊王之門者瑟雖巧其如王之
不好何

舉瀉山問仰山甚麼處來仰云田中來山云田中
多少人仰插鋤叉手而立山云南山大有人刈茆
仰拽鋤便行

拈曰田中多少人南山大有人刈茆體中全用插鋤
叉手拽鋤便行用中全體瀉仰父子相見體用合道
刀斧難開

舉仰山指雪師子云還有過得此色者麼雲門云
當時便與推倒雪寶云只解推倒不解扶起
拈曰有雪師子其色難過無雪師子其色難過或有
及得此色者可與說白淨法

舉雲門問乾峯請師答話峯云到老僧未問云恁
麼則某甲遲也峯云恁麼那門云將謂侯白更有

侯黑

拈曰一問未來一答先往迅機之作勢不可緣雲門
乾峯打啞樂勝他妙舞吹笙管

舉僧問仰山和尚識字否山云隨分僧乃右旋一
匝是什麼字山於地上書十字僧左旋一匝山改
十字作卍字僧畫一圓相以兩手如修羅掌日月
勢云是什麼字山畫一圓相圍卍字僧乃作婁至
德勢山云如是如是汝善護持

拈曰龍樹現月輪相隱身說法爲無相三昧圓相之
始也後忠國師付耽源至良五峯製四十則總爲六
名一圓相二義海三暗機四宗學五意語六默論耽
源謂仰山曰國師圓相九十七箇詳識汝躬宜深祕
之仰山得而焚之耽源一日上堂仰山作圓相以手
托呈却又手而立耽源交拳示之仰山作女人拜此
皆圓相之體也仰山十字卍字之體也修羅之三
昧也太抵圓相有緣起有意語合諸佛之妙義不知
者畫圓相誑人紕繆也

頌古十則

按宗學或作字學

世尊生下一手指天一手指地天上天下唯吾獨尊

荷葉團團似鏡菱角尖尖似錐耐耐古人無意智預先偷我一聯詩

僧問曹山靈衣不挂時如何山云曹山今日孝滿僧云孝滿後如何山云曹山好顛酒

孝滿曹山脫布衣風流輪與大家兒阿爹死了有錢使醉酒狂歌日日嬉

臨濟囑三聖云吾遷化後不得滅却吾正法眼藏聖云爭敢滅却和尚正法眼藏濟云忽有人問汝作麼生對舉便喝濟云誰知吾正法眼藏向瞎驢邊滅却

破燈盞裏已無油放去光明照九州暴雨暴風吹滅了光明不在舊牀頭

臨濟問黃檗佛法大意三度被打

有意三迴遭點額無心一躍過龍門歸來冷地思量著痛處難忘不是恩

郁和尚因看僧問法燈百尺竿頭如何進步燈云

啞凡看三年一日度橋踏橋板折而悟

百尺竿頭親進步分明一啞更無增是誰未到竿頭者也說騰飛九萬里

雲門云聞聲悟道見色明心觀世音菩薩將錢來買胡餅放下手元來却是饅頭

打疊行裝早出門相逢舊友且論文歸家共飲三杯酒不覺天邊日又昏

俱胝和尚凡有所問只豎一指

三月春風開牡丹道人徒說看花還世間不是趙昌手縱有丹青畫亦難

疎山到潞山問承師有言有句無句如藤倚樹忽樹倒藤枯句歸何處潞山呵呵大笑

良醫捉手病纔分妙劑投之不易論一服聽他迷悶去三朝五日自還魂

馬大師不安院主問云和尚近日尊候如何大師云日面佛月面佛

真實問安真實答曾無一句是虛言可伶失却當時意直至如今話未圓

殃幅摩羅救產難

有道君王傳號令頻催羯鼓要花開眼頭一曲風光
好日暖鸞聲出谷來

佛事十則

超維那起龜風病

罵三祖懺罪求醫笑克賓喫棒出院不落二途全超
死見五色祥麟步天岸

淵都寺下骨

淵而深白而雪獨體識盡眼睛無血三脚驢子弄蹄
行轉身踏破澄潭月

寧都寺火

四大幻軀生死淵渚風靜波寧日生西扈以火打圓
相云者裏識得無相身丙丁童子火中舞

衍都寺入骨附師塔

用大衍之用明徹生死開市裏脫却根塵漏燈盞元
非自己猛火燒作灰猶有者些子且道者些子合作
麼生安置三月春風一聲杜宇復妙回途子歸就父
雲斂青山開塔戶

意上人火

眼耳鼻舌身意一時喪却色聲香味觸法依舊如然
烈焰堆中君自看

通典座火

通身是偏身是淨餅踢倒識得平生底響火云猛火
何曾燒得死

石淨頭火

拋響作聲擊石爲火蕩盡家私寸絲不掛捱到涅槃
臺裏依然只是者箇只是者箇諱作火

方都寺火

方正中直只是者箇生死涅槃只是者箇只是者箇是
什麼石窻燈盞火燒不破

幻菴居士火

生前類會面死後亦相逢江北江南岸蘋花對蓼紅
某幻身滅故幻心亦滅幻心滅故幻塵亦滅幻塵滅
故幻滅亦滅幻滅滅故非幻不滅到者裏滅龐老之
多口破維摩之一默且道只今入大火聚作大佛事
又作麼生火龍珠飛出□腦珊瑚樹頭日杲杲

韓承事秉炬

風落黃金葉滿門迢迢古路出荒郵勸君直去莫回首歸到西方日未昏_某夫夫婦婦總是因緣世世生生無非眷屬生則同生死則同死生死不相離始終爲道侶在鄉黨則稱之以仁在宗族則稱之以義教子訓孫讀詩知禮八十三季轉如是經不獨一卷兩卷念自己佛何啻千聲萬聲爲末後津梁作來生福報是則固是只如固存菴畔智門火把子今日爲三世諸佛說法三世諸佛立地聽且道聽個什麼說個什麼象山縣政實鄉有個韓承事倪孺人同日火化火焰裏現寶蓮花座上升虛空中諸人還見麼臺頭遲八刻早已過流沙

祖贊十則

達磨聖胄大師

破大宗異見開五葉一華空梁王一義坐少林九年深雪之中若不得神光一臂之力燈後之焰幾滅而不傳

六祖大鑒禪師

弘持大法代不乏賢花開世界起果滿菩提圓得西天衣孟三十三傳豈六後之無斯人應垂識之所言

永嘉眞覺大師

胸中錦綉如春風上苑之花開格外眞機似秋水長天之月朗平欺佛祖開化人天到曹谿一宿而迴遶禪牀三匝而立是以了生死之迅速破是非之葛藤圓覺塔昭示將來永嘉集大行於世

趙州眞際禪師

號令如軍中信旗說法如四時雲雨有聞其法者如地合諸種蒙潤悉萌百世之後悟其所謂狗子話庭前栢話東院西話猶大悲神呪呪得崖裂水涌非知者莫能知

臨濟慧照禪師

一喝半喝如旱天之雷霆聞之者掩耳驚走及其雲行雨施乃能沃潤焦枯雖則使來者難爲湊泊難中得人則與已類法道光明子孫昌盛本之隆也

大慧普覺禪師

有時一亘晴空曜靈普照有時乾坤黯黑電掣雷奔

有時雲收大野月印長江有時春雨沃枯花開萬卉
有時衆鳥翔鳴百蟄啓戶有時北風刮地巨浸騰波
有時雪滿羣峰千林木折有時蛇虎當途魚龍縱壑
有時分都列邑重馬喧闐有時土曠人稀天地寥廓
夫盡乾坤之音響莫能窮其言盡乾坤之事物莫能
殫其用由是過犯彌天謫衡陽梅陽十七年凍不死
饑不殺依舊歸來凌霄峰頂高登兜座一千七百衲
子圍繞說法夫是之曰大慧

竹原元禪師

名不在諸方之上位不在諸方之上而道在諸方之
上可謂悟後見人而有師承者也垂語曰諸方爲人
抽釘拔楔解粘去縛我者裏爲人添釘添楔加繩加
縛送向深坑裏待他理會今日諸方誰自有此語

雪竇明覺禪師

襟懷冷澹七十二峯青崔嵬口舌瀾翻三萬頃湖波
浩渺說文章如珠林錦鏡花片片而春暖齊發明性
地如妙高飛雪葉零零而秋暮半凋言滿天下無口
過行滿天下無怨惡直鈎釣驪龍蝦魚蟹蟹何會挂

念傳道得天衣冲本秀夫崢嶸三世名盡乾坤實叢
林宗匠

雲居曉舜禪師

武昌行乞時見劉居士問古鏡話不契被士揖出
回洞山理前問山云此去漢陽不遠又云黃鶴樓前
鸚鵡洲言下大悟方知古鏡不在磨不磨照今照古
無謂訛自此提唱不落常調只如天寒熱水洗脚夜
間脫襪打睡早朝旋繫行纏風吹籬倒喚人夫劈篾
縛起豈是學識中來

天童宏智正覺禪師

隰州古佛放大光明徧一切處論若盤古開大極之
基未足喻其道也大鈞播有形之物未足喻其德也
月生輝於秋水未足喻其明也霞散彩於霄天未足
喻其文也風吹九野之雲未足喻其動也山積須彌
之土未足喻其靜也蜂房釀百花之蜜未足喻其妙
也蟻絲穿九曲之珠未足喻其巧也畫堂奏絲竹之
音未足喻其聲也春風入金谷之園未足喻其色也
天子登鳳皇翳華芝未足喻其貴也撒珍珠於紫羅

帳裏未足喻其富也。嗚乎！古人吾不得而見之矣。綴譜爲其子孫者，得無愧乎？

偈頌九十三首

讀本師語錄

青旗斜出畫橋西，楊柳飛花水滿堤。一酌誤人千日酒，醉埋荒塚不思歸。

寄陳太傅

種竹栽花遶屋欄，交僧也學著偏衫。時清曾見修文日，天子旁搜到傅崑。

西菴夜坐

一室寒燈坐夜長，八千里路到梅陽。西山固不如洋嶼，也道薰風殿閣涼。

古月號

千年桂魄不肯死，夜夜在人頭上飛。每愛中庭一白長，天萬里沒雲時。

題梓崑和尚陰卷

字字不因容易得，燈花曾落五更鐘。東湖浪濶鉶聲遠，流出一谿霜葉風。

悼清藏主曾燒六指開杜鰲有省

修行衆苦人難到，六指重來火後尋。遺恨百年消不得，一聲杜宇一關心。

秋日山行

半隄夕陽紅樹葉，一鴈鷄犬野人家。牧童歌笑牛羊下，太古淳風盡屬他。

問法

乾陀國裏舊城河，遙憶河邊棗樹花。白象繫來年代遠，榮枯今日事如何？

金山頭陀崑

半間石屋安禪地，盍代功高不易磨。白蟻化龍歸海去，山中留得老頭陀。

鶴林寺

夾山當日見船子，法眼無瑕亦有瑕。一棹朱涇風浪急，和根移却杜鰲花。

呈中竺雪屋和尚

重重法界華嚴境，煙柳滿城春正深。彈指門開相見後，善財灰盡一生心。

訪友人菴居

好山行盡眼重開，菜葉流金逐水來。莫謂關門容易掩，松邊有路不生苔。

蝶羸

借得桑蟲足子孫，聲聲類我祝朝昏。只因祝得渾相似，代代不能高戶門。

蜜蜂

生涯未足怕征科，一日園林幾度過。股倦不嫌花粉重，年年只愛子孫多。

覽明覺語

瀑雪一千餘丈白，洞庭七十二峯寒。當年若也收歸藏，此錄誰知是別傳。

悼退常講主呈英宗師

菴居曾結三年好，一住霞城會未期。見說卽除天竺寺，計聞腸斷白頭師。

天寧火後

劫火洞然俱壞了，隨他去又不隨他。春風吹轉燒痕綠，樓閣依然有許多。

悼靈隱性侍者

三喚聲中負不平，與師百萬欲干城。誰知函蓋峰前路，削木書名有伏兵。

禮淨慈自得和尚塔

六牛圖出新豐曲，妙唱難齊和轉訛。慧命一絲門戶重，不教衰淚落庭莎。

妙高臺

上到上頭天，漸低更擡一步。共誰歸胸中，決得平生事。松樹枝間獨鶴飛。

讀古劍和尚語送是藏主歸常州

金鍼鋒底駕鴛鴦，走玉線蹊中白鷺飛。遠遠洞庭三萬頃，春波無限綠漪漪。

觀晦菴先生橋圖

橋上功名五十年，食程誰肯顧危顛。世間多說行仁義，少似先生行得全。

逢田叟

白髮翁翁住那村，隔谿煙樹竹籬門。今年八十渾無力，勉強牽牛替阿孫。

悼貓兒

亡却花奴似子同三年伴我寂寥中有棺葬在青山
脚猶欠彌碑樹汝功

寄東洲和尚西圃菴居

紫陌紅塵城子裏清泉白石亂雲中一般門戶無喧
寂花鳥不來心境空

曹娥江泊舟二首

黃絹古碑千載事汀花岸柳舊江郎波心夜夜見明
月疑是曹娥墮水魂

江上停舟潮未回漢安時事入重思野橋認得前郎
路曾讀曹娥廟裏碑

賀邑書記

筆底鍾王通草聖胸中郊島竇唐吟竺仙去後無文
佛今日喜逢僧翰林

會恩藏主

因君每憶雲門寺五六年來會兩番詩句老隨秋鬢
老客身閒似白雲閒

悼東臯友山和尚

握空拳建東臯寺一飯飽多雲水僧身死百年曾未
滅數珠牙齒放光明

覺菴和尚室中舉行脚明什麼邊事進云明

一色邊事菴示竹筵云者個是什麼進云竹

筵菴擒住痛打一頓因思前事爲作一偈

室裏曾遭痛竹筵等閒放過却成迷思量一色明邊

事好采無言答得師

靈隱虛舟和尚會中三夏每室中學不是心

不是佛不是物之語三年不易是時如隔羅

縠看月不敢下語後移畢淨慈常提此語忽

蹉口自云恁麼說話墮三惡道惜不復見者

老和尚今作一偈記諸

不是心兮非物佛室中垂語最分明三年果有留心

事塔下黃金骨尚靈

雪竇石門和尚會中一日晨粥赴堂坐久恍

惚中有人曰室中有語憑誰舉琴上無絃不

必彈驚覺行粥至面前粥罷打鼓入室室中

舉舉一不得舉二進云室中有語憑誰舉門

云更有一句在進云琴上無絃不必彈門云
去人不知者謂吾實答此話却是不知是寐
語當時不曾說破今作一偈

夢得驚人句可疑室中酌話恰相宜南泉莊上油糍
供喫著依然療肚飢

遙禮烏山東叟和尚塔

拙口無言心自知對人垂淚濕禪衣如今欲說當時
事塔在烏山不見師

謝天童和尚相訪

長者車來卿舍榮黃童白叟悉皆驚一香未得謝臨
屈廿里松雲入夢青

寄大報國斷岸和尚

遙憶鳳皇山裏人夢時相見亦如真老來未盡世間
事三十九年獨有身

悼棲真古帆和尚

高梧枝折鳳皇飛山色凝愁似死灰惆悵暮春雨
暗百禽多噪鬧芳菲

送人游錢塘

一湖春水永明寺十萬人家豐樂樓拄杖暫潯休拗
折舊書山舍在明州

會獨木和尚

坐致太平元是我埋兵挑戰却輸君鐵浮圖下曾相
見燈盞花開五夜春

謝高縣尹

家家戶戶擎拳拜一邑三鄉無枉情百里襟懷秋水
淨風生波浪月生明

再遊吳寺

南渡吳家三塚寺老僧死盡樹重栽遶廊行問無相
識認得冥真是舊齋

送立維那遊天台

天台路上尋牛迹瀑雪千尋帶月飛見說石橋行不
得年年春雨上苔衣

會觀藏主

日月東西行未盡相逢不必問如何山間松食人應
少世上黃金夢最多

寄虎室和尚

共住西山一片雲朝昏鐘磬亦相聞天台南嶽當時
事彼彼情懷未得論

寄育王東生和尚

三十餘年無故人只留雲外伴閒身夜來夢入宸奎
閣戶牖重開見日輪

寄廣恩藏山和尚

陳年佛法無人問黃葉堆金不轉官一卷山居詩更
好焚香只可作經看

畫荷花二首

三千美女學宮粧占斷薰風水一方試問畫工何處
在移來五月鑑湖涼

高擎萬柄綠參差匹練橫鋪錦一機喜對薰風描寫

得秋風夜雨不敢知

夏夜

夏夜追涼月滿庭謝家池上舊山青自慚無物堪酌
對只把禪心伴月明

借意

王謝家門子弟多風流人物晉山河天荒地老到今

日真本蘭亭記不磨

聞杜鵑

山月初明艸樹涼客情無奈宿高房春風不肯年年
歇杜宇入家怨亦長

明定

萬境無侵一念空盡塵沙界不留蹤春風來撼楊花
去定起西山古寺鐘

送陳學錄求仕

官冷豈知僧又冷殷勤話別上西臺金花便是紅綃
扇取得功名動地來

次韻栢堂和尚

萬籟無聲月滿山看時容易入時難昔年聞有洪唐
寨爭似雲中者一關

記夢二首

兎角蟬蟬出象頭六街齊打鳳皇毬烏投黑沼雲將
合鷺宿銀河月正秋

十分清白舊家風明月堂前夜正中四十一條橋暗
事眼頭只作一橋通

秋鶯

紅葉如花曉日晞隔林深處叫黃鸝聽來渾似春風語
啼向西風不是時

秋夜看月

木落山空秋最多登樓無奈月明何老僧得句詩偏好
夜雪漲谿蕎麥花

寄鹿苑仲章師兄

鶴態鮐形老此骸思君每亦寘吾懷青燈夜榻何時得
共話百年心事乖

寄象田曇藏主

迢迢西望越山青水宿山行是幾程爲憶象耕遺迹事
勞心雖苦未勞形

寄象山萬松檢察諸舅季

丹桂聯芳貴一門往來時得細論文青黃又見三年別
望白崑山海氣昏

寄大白古林首座

道個青山常舉足先師死後過長庚善財不是門門現
只要南方佛法行

會法眷澤藏主

話盡艱危到夜闌燈花開落兩三番弟兄不必頻相見
鬚髮因愁易得斑

寄東禪宗周講主

四海六民皆走利東禪講主只譚禪何年去住靈山寺
招我崑間看白猿

題紫石禪房小池

窻前鑿破十尺土海底潛通百斛泉柳絮化萍飛不到
眼頭贏得片青天

寄同源師兄歸受業

松菊吹香滿舊籬借人屋住不如歸胸中豈是無韜略
袖手碁邊看著碁

寄陳掌書兼簡閔朋先生

道士家邊夫子宅靈龜山裏錦雲阿燒丹果會成仙去
應笑儒冠誤已多

寄蘭屋府教

入門便有湘江意數米幽香見屈原蕭艾若教同一色
清標不在座中看

題宣侍者行卷

曾攜鐵網入滄海，裏得珊瑚樹一株。
鶯脰湖邊輕借看，十分光彩照吾廬。

勉日藏主書楞嚴

銀鈎鐵畫胸中有，得譽多因寫外書。
何似回心歸內典，楞嚴經卷著工夫。

答太白宗藏主

寄我新詩富且優，松濤二十里颼颼。
老來自覺舌頭短，每見長篇不敢酬。

答止侍者

何必由他不必傳，只圖無事過年年。
誰知一枕難成夢，落日春山樹樹鶯。

寄象山延壽無象和尚

瑞雲山裏善知識，道在東南海上行。
檀鼓轉航容易事，秋風八月大潮生。

寄象田斗山和尚

長翁留得靈苗別，不似將禾喚作禾。
臘雪喜呈三度白，豐年識在象田多。
禾禾混同者非

寄智門石心和尚

我栽苦瓠連根苦，君種甜瓜苦更多。
自是海邊風土別，不因種子得來訛。

岫家居昌國南海上安期先生煉丹之地鄉

曰安期，憶十歲時父攜至于家山，囑之曰：吾死當葬此地。南水上時正朝，此處可以陰汝父死。日奉遺言而葬焉。家廢後，岫出家從釋，爲僧來多病多難，幸不致死。今已六十二歲，雖學佛無所知，粗明善惡因果，不墮凡愚數中。實父遺言所及，今作一偈以代墓誌云：

千家山裏阿爹墳，遙想年深艸木昏。
山外潮回南水上，遺言千古及兒孫。

哭昌化美父章上舍

父德稱乾，豈易酌半生飛夢落侯頭？
一身未遂歸寧志，聞訃可禁雙泪流。

竹所溫府教

君子居之何陋有，清虛冷澹最深幽。
春風歸在轅頭了，早勉龍孫又出頭。

寄西野先生

西野先生是舊知六年相聚不相違松根石上閒追憶君子當今更有誰

寄常樂岳山和尚

不樂不居居便樂樂其樂也意如何祖翁田地封疆濶一目秋風占得多

寄保寧無門講主

錦障桃花春色裏白衣雪屋月明中此時此意無人會海上仙山第一峯

題汝藏主行卷

玲瓏崑崙看雲處恰幘峯頭步月時一句庭前柏樹子何曾吟作五言詩

寄昌化治平和尙

老來長憶唐昌寺剃髮染衣情未磨萬疊山高雙澗急仲宣樓上月明多

百舌

尋常多逐衆禽飛纔得春風百揅啼毛羽不佳護舌便桃花枝上罵黃鸝

寄五師北山講主

一書不問不相違指迹慕歸誰救遲驚脰湖邊官驛路舟車十里到鳬磯

楚心蓀維那

千載騷人沉骨冷水霜葉底見幽香乾坤一種忠良氣彈壓春風衆草芳

答法華東洲和尚

干戈倒用識安危方便垂慈接箇誰每見僧陪面笑祖師門戶放教低

答源侍者

鐵航未肯下滄海消息無端忽寄來六載雪山明底事不知已眼爲誰開

病起

病起稜層骨數莖盡情提挈強爲生思量襤褸當年事道在大雄山上行

憶錢塘

初心未歇憶錢塘不爲閒遊再渡江自恨一生多癖病四明山好懶開窻

與大知客

趙州道個喫茶去一滴何曾濕口唇到此果能相見
得不妨全主更全賓

憶母二首

胞衣餅葬海南邊匝地鯨波到眼前有例可攀心未
穩蒲鞵賣不直多錢
天不高兮海不深白雲飛處定關心蒲鞵難上時人
眼那更西風葉落金

序跋三篇

南遊集序

名山勝境古今題詠者多詩勝境則境歸於詩境勝
詩則詩不入境詩與境合見詩即見境境與詩合見
境即見詩苟不然則詩境兩失日本旨禪者作天童
十詠句意不凡書此以實其美

東歸集序

書同文車同軌形相侔性相似學唐言說道理喚作
新羅人元是竺仙子旨禪人吾法屬也持陰卷求語
書此以發

跋備用清規

禪苑清規始自百丈制禮作樂防人之失禮以立中
道樂以導性情香燭茶湯爲之禮鐘魚鼓版爲之樂
禮樂不失猶網之有綱衣之有領提綱挈領使無顛
亂行之在師匠無其人則綱網衣領顛亂矣廬山東
林澤山咸和尚採前後尊宿講行叢規禮法品分十
卷目曰禪林備用威儀細行詳釋盡美擬鑠版流通
惜乎歸寂臨終囑門人付藏主竭力全其事將濟顏
緒爲千古矜式丁巳解制日謹題

宗門嗣法論爲與書記

參禪學道實在續佛祖慧命非榮身之事也余嘗曰
嗣其法者有三上士嗣怨中士嗣恩下士嗣勢嗣怨
者在道嗣恩者在人嗣勢者在己在道者如大火真
金在人者如歲寒松柏在己者如春風楊柳立志有
殊實僞不等古今叢林皆有之余作此論自愧學陋
才謏不敢褒貶是非明之功過後必有班揚史筆作
春秋者詳而補之

東明日和尙住白雲山寶慶禪寺諸山疏

伏惟佛爲度生故現祖由傳道而興幸有前規豈無
來學共惟 新命白雲東明和尚操不群之氣挺拔
萃之姿先聖室中過蒲團親面得旨雙峨堂上借拂
子高聲說禪妙盡郢斤斲聖鼻之無犯功過界射中
雀眼而奚偏好雨知時白雲當黑諸山勇於勸紹一
語決非異詞便請著鞭毋令緩轡 謹疏
舉石門進虎子道外不見表內不見裏天地之間無
頭無尾向之者明背之者暗你等諸人直須道取轉
身句始得拈云虎子湊步却向別人討轉身句

雲外和尚語錄終

慘法弟向在智門專以此道爲懷稍暇數載間聞
真集 先師之語刊梓孝情有在適攜卷過予復
索遺逸授之以塞來意云刊既成附于後宜其然
矣 住雪竇山無印識

天童雲外禪師傳

師諱雲岫字雲外別號方崑俗姓李氏世爲明之昌
國人生而身裁眇少精悍有餘師事直翁舉公荆落
究明曹洞宗旨盡其源底且徧叩叢林名宿初住慈
谿之石門歷象山智門郡之天寧繼以三宗四衆推
挽繼竺西坦席升住天童上堂鬧市紅塵裏有鬧市
紅塵裏佛法深山崑崖中有深山崑崖中佛法山僧
昨日出城門鬧市紅塵裏佛法一時忘却了也行到
二十里松雲便見深山崑崖中佛法大衆且道如何
是深山崑崖中佛法良久曰白雲淡泞出沒太虛之
中青蘿黃綠直上寒松之頂謝首座書記藏主上堂
以拂子打一圓相云摩訶衍法離四句絕百非又打
一圓相云禮用和爲貴先王之道斯爲美又打一圓
相云摩尼珠人不識如來藏裏親收得諸人還見麼
所見不同互有得失天童這裏固毋必師說法能
巧譬傍引責欲俯就學者而曲成之至於奔軼絕塵
雖鷗眼龍睛亦無窺瞰分祠上一宗之傳獨賴之三
韓日本諸師亦需風趨慕四方訪參者無虛日師平

生不倨傲不貪不私食得施利隨與人見後生敬之愈謹期任宗門也一時粥飯必掌盞赴堂既寂無餘資禪者率錢津送葬于天童待制柳公質作塔銘後事弟子大方聘獨木昇愚菴省無印證東陵瓊五人各足大其宗也璵惟入日本其王詔住南禪天龍二大刹云師嘗著寶鏡三昧玄義隆傳叢林徑山與聖萬壽禪寺住持比丘吳郡文秀拜撰

附錄 鍾讀柳氏塔銘曰師拈提勘正答辨明烈至於中三四衆雲委夏席不能容悉谷流聲山林動色異若温州古佛之爲法重見于世云云師之行業是亦夥耳誠未見全文錄以俟後賢之補鑿述

智門一集武緯文經辨正邪有一百般長短意小如寰宇大如椰

鉅元辛丑春

靈巖 祖籍 題

附錄

師贊東明日和尚頂相曰

器量宏深範儀出格眉分海嶠雲眼帶鄞江月得古柏傳芳之意入妙莊嚴域之室玄機借路洞水逆流

偏正互融功勳不昧有時說一句如須彌頂上擊金鐘有時說一句如琉璃殿前栽玉樹有時如桂棹蘭舟兮自在有時如濤山浪屋兮崩騰潑天聲價難收動地風雷易發夫是之謂曹洞十五葉之正傳東明禪師叢林禪伯

東明錄序

崑崙之水西涌東漸滄海波浪奔騰扶桑之日東昇西歸竺國乾坤普照日本旨侍者坐夏山中出示乃師東明和尚七會語錄提唱機緣光明烜燭亦猶水月之大用也洞上一宗枝分派列由是而興塔銘有云東則東明西則西明道無方所故曰大明斯言盡之矣余無以加飾焉

禪林頌古集跋

聯珠頌古通集變本加麗勾章棘句愈出而愈多如蜂房釀百華之蜜蟻絲穿九曲之珠食其蜜者念其蜂好其珠者慕其蟻余作是說有客進曰忽遇不食蜜不好珠不嗜語言文字者此集又將奚爲余曰病其病者不能自病客慚而退於是乎書至治春天童

雲岫題

師一日問無印曰天童今日大死去也你作麼生救
印曰請和尚喫飯師曰天童今日大死去也汝不要
相救印曰救他作麼師又曰天童今日大死去也阿
誰與我同行印曰和尚先行某甲隨後師呵呵大笑
自此師資不爽毫髮若瀉山之與寂子也鼓山水覺錄和尚繼燈

雲外和尚再住天童諸山疏

龍翔笑隱訢禪師

大陽傳法立孤猶嬰白之難辨才出山歸者如岐卵
之衆信知在德不在力孰不有祖而有宗惟茲藐然
是可忍也某氣養冲澹語出渾成胸次廓其町畦高
風激彼貪懦長空一碧煌煌東方之啓明諸峯四圍
凜凜雪山之太白自有神龍呵護不爲尺蠖求伸世
路多岐可以南可以北簡書相恤式如玉式如金更
始重盟益敦舊好

雲外和尚住天童諸山疏

燕南憲幕薩天錫

長庚配殘月本論曹洞之孤宗朽索馭奔輪當念東

南之大法公既無心而出矣彼雖有力者何爲某世
上優曇釋中獅子石門宏遠□□行鳥不逢人滄海
淺深誰見蓮華初出水況已入鴈垂手不妨認影迷
頭老枯臥波起隰州之無恙異苗翻茂侯楊廣之尤
靈壯我輔車助君旗鼓

哭雲外老人

東明慧日和尚

水天空闊竟忘遙太白巍巍望九霄面目儼然雲雨
外孰云生死不同條泰定甲子八月二十二日端然
而逝世壽八十三僧臘六十五

書錢雲外岫禪師語錄後

新豐之道八傳於芙蓉而出丹霞淳淳有二神足曰
眞歇了曰宏智覺覺之嗣爲淨慈自得暉暉出華藏
明極祚祚出靈隱東谷光光傳天寧直翁舉舉傳
雲外岫禪師師之後一世乃絕焉弗聞有繼之者然
師之履歷具載諸愠恕中山菴錄足以爲後昆師法
之模楷也琇南石乃爲之傳并無異辭也則其德行
昭著于叢林者可觀焉今也斯錄僅存若讀之者嘗
一嚮知鼎味乎嗟乎醫病何必求驅馱藥古範師姪

嘗獲舊本於龜損之餘繕寫而蓄之久矣花藥鑪弟
將欲繙梓流通徵予緒言因略敘師之系譜以題于
卷尾

延享三季丙寅夏楚賓月眞歇正傳第三十世見住

大乘護國禪寺嗣祖毗丘趾慈麟和南拜題

日本銀雲外岫和尚智門語錄緣起

鑪蓋二十餘年萍遊江湖之間粗知宗派之源無異
味也愛讀諸家語臨濟之夥无棟汗牛每歎洞宗之
語流於叢林曷其鮮哉先德嘉言懿行不可無纂錄
也猥攢文字言迹爲明道之累葬鱗魚腹委丙童手
客之於世不酷者乎遂俾指南寶車損壞而失歸家
之塗泯於嘉言懿行亦不鮮矣古範上人嗜好先德
微言謄寫此錄嘗見惠余余閱其唱宗之語直示曲
說不規規於洞融攝偏圓自昭合於洞譬如泰雲出
沒纖洪開遮自在也時難而讀之心琅珞消喜不自
勝珍襲篋衍謀壽梓者數矣往歲因事就居武府六
閱寒燠飯粥炊玉柴薪爨桂囊無餘鎔以故宿懷弗
塞附之于弁髦比丘莊峯宗見感激宿望喜捐淨貲

勇爲之志可嘉焉於是乎搜羅隱逸僅得數篇贅附
卷尾第如厥肇住石門及天寧再遷天童之語泯沒
不可知徒抱浩歎耳至師出處履歷於南石想中中
峯笑隱傳錄疏贊中粗備矣金華宋濂亦稱師名德
配虛谷晦機二師翰林待制柳公賁銘塔石曰宏智
古佛重出于世宜哉當胡元之世落落洞宗之裔師
孤如景星羣民爭覩三韓日本驚風趨慕參禮無虛
日大凡本邦入于元諸名縉禮覲於師蒙策勵提獎
者於僧史中班班覩焉然至乎鍼芥投契幾乏其人
鑪追想往時師門風峻密鑪錘之妙淘汰之工諸方
稱了當虎頭擊角者亦入師門則如秦武陽負燕地
圖有事秦庭求於易水生還不得震恐於殿陛而不
造堂奧也乎僅得度壽資五人惜乎歷三世之傳而
不聆有嗣者迄于今鑪幸而獲此錄鏤版已成輒識
奇遇於卷末叢社弟兄矍然有問來由鑪避席曰吾
不得知請質之於範上人

延享第三年星躔劍昌臘月穀旦關南花藥山人道
鑪稽首拜手敬識于只寧室中

樵隱悟逸禪師語錄

元
•
正 樵隱悟逸
定

編 撰

樵隱和尚語錄目錄

卷上

再住雪峰崇聖禪寺語錄

卷下

法語

題跋

偈頌

佛事等

樵隱和尚語錄卷上

再住雪峰崇聖禪寺語錄

侍者 正定 編

師於延祐元年閏三月初一日進寺捧

聖旨云鳳闕春濃鰲山雪霽無所希求自天而至流

出胸襟盡天地

江湖疏總萬象森羅爲一舌頭且道是毀是譽度疏

云總在裡許

指法座盡大地撮來爲一寶花王座盡天下人瞻仰

有分雪峰今日步步陞高去也。倘涉遲回。座地爲汝
攝取。

拈祝聖聖香。此一瓣香。雪窖中埋藏不得。香透九重。
老枯樵上芽孽重生。芳騰上國。臣僧悟逸。今晨欽授
聖恩。仍舊住持福州路雪峰崇聖禪寺開堂之次。遙
瞻金闕上。蘇寶爐端爲祝延。

今上皇帝聖躬萬歲萬歲萬萬歲。

皇帝陛下。恭願八千歲。春八千歲。繡椿樹散堯天之
影。三千年。花三千年。寶蟠桃吹御苑之香。

此香奉爲中書省宣政院諸位宰相國公資陪祿算。
伏願元樞上相。正百官。皇理陰陽佛法中興。歷萬年
永堅柱石。

此一瓣香奉爲福建道元帥府廉訪司萬戶府總管
府泊令屬司官資陪祿算。伏願分司布職衆賢星列。
皆周召英材。宣化承流。入郡春融。有成康至治。
此一瓣香本爲深藏岩寶。不競桃李繁華。豈料漏池
天風依舊。捏香難栳。一期拈出。蘇向爐中供養。
前住當山後住淨慈先師佛心大和尚用耐法乳無

極之恩。則客不錄

提綱似則不住。住則不似。空澄北漢丹鳳翔。翔山不爲人出。便爲人風雨。南陽臥龍奮迅。賢德禪而下衆。喙斯暗。埃寬望而來。重淵莫蟄。枯往杖。看看君主大寶。從天而降。雲開鰲頂。月法主大寶。遇晦斯彰。花綻淵泉。春廣陵散。斷絃再續。浪淘沙。舊曲新翻。以此宣流正教。以此傳佛心宗。天開地闢。風從雲從。車書一而文軌同。

舉法灯和尚云。本欲依岩傍谷。隱遁過時。奈緣清涼先人有未了公案。今日出來爲伊了却。

師拈云。法燈老人。只知有持盈守成之心。且無宏大箕裘之志。山僧亦欲依岩傍谷。隱遁過時。只爲先師佛心老人。昨住此山。有未了公案。今日未免出來。重爲伊了。商見義不爲無勇也。

謝新舊兩班上堂。舉臨濟和尚示衆云。我欲建立黃檗宗旨。汝等諸人。切須成觀。我時有克符晉化二僧。出禮拜。師便打。師云。臨濟一言之下。善其機者。纔一二魯國男子。何其少哉。雪峰者。理總東弗于逮。西瞿

耶尼鱗龍頭角。一時權合。各住本位。各務本業。過退以禮水乳。一源是則是。建立成觀。則不無必竟。是何宗旨。咄。花開世界起。

上堂。舉僧問雪峰。如何是第一句。峰良久。後僧舉似長生。生云。者个是第二句。便問如何是第一句。生云。蒼天蒼天。師云。雪峰高高峰頂立。長生深深海底行。二大老。雖則與麼要。且未知第一句。有問山僧如何是第一句。天晴普請。搜木。

四月旦。城歸上堂。道非物外。意在目前。十字街頭。騎牛入鬧市。孤峰頂上。仰面數屋椽。拈它背。竟文錢。從教人笑掣風顛。

四月八。浴佛上堂。兜率王宮。無明窠窟。劫住劫空。頭出頭沒。年年此日。一盆湯至。竟洗塵難。洗骨啞。佛佛結夏。小參拈主文道。在梯。釋法。雖法見融。目皆眞道。在瓦礫。脚底脚頭。放光動地。進一步。踢碎釋迦老子。天靈蓋。退一步。踏著從上諸祖鬼眼。睛如是。禁足望州亭畔。月如是。安居烏石嶺頭。雲靈靈。自照光境。俱忘。淡淡無心。卷舒無礙。便與麼去。山僧主文子。要且

未放過在卓主丈臨濟三玄浮山九帶

結夏上堂。從天平來我者。裡過夏無暇。爲汝商量。從
鄉那來我者。裡過夏無暇。爲汝點化。合土和沙。手真
手假。安排意在明窓下。

五月旦上堂。謝施主並方來兄弟。盡大地是个解脫
門。踵接肩摩。鐵樞無眼。盡大地皆吾檀越。雲川委口。
側布金流野。草岩花炎。涼易換。松風瀾水。聲色熾然。
泰象亨時。五百載適逢佳會。來龍歇處。三千口舊識。
猶新土主松山。一新風月。難提印塔重。換烟霞密室。
泥深立闕。設穿長街。水滿火流。空卓主丈正與麼日。
時真覺大師。從定安詳而起。與孚稜展。備羯湖鏡清。
之徒。只今向山僧主丈頭。與汝諸人說成住壞空四
相。堅主丈與麼會去。諸相非法。橫按主丈不與麼會
去。諸法非相。總不與麼時如何。卓主丈望州亭畔重
携手。總是開平舊會人。

結座說偈。雪鰲倚空。碧落開中有古佛。號真覺。自來
一杓龍象。奔輓動三毬喧海。獻從緣非緣了。無得住
相。非相徒名貌。暫將一滴寒泉波。洗昏衢塵劫。獨

卓主丈下款

卓主丈下款

本人起舞。木馬嘶。歲歲重來情不薄。遍參有志如善
財。青山不患無樓閣。

真覺大師忌日。拈香。德山棒頭。增減不得。岩頭句下
斤兩不移。劫火洞然。者个不壞。蓋天蓋地。愈出愈奇。
香疑卵塔。瑞藹難提。陰涼全在刺桐枝。
臺州寶藏岩。成山和尚。至上堂。時就東禪寺印。補藏
經畢。鉢岩公案。重圓三乘。絕唱寶藏岩新功。蓋代九
仞。成山白馬嘶寒。征途不遠。金雞聲曉。客夢驚殘。雪
峰與麼道。意在何事。卓主丈盃酒陽關。

開元業鏡。講主遣僧。送寺遍至上堂。客從遠方來。遣
我住寸壁中有四箇字。字字無識。若也識得。許汝人
拽紫芝峰。與象骨峰。開額其或未識。拈主丈主丈子
重爲汝揩背。一上卓主丈龍眠鳳闕。虎躍天衢。
解夏小參。佛法二千年。春寒秋熱。山中九十日夜暗。
畫明義學。玄學髣髴。髣髴髣髴。髣髴髣髴。髣髴髣髴。髣髴
浮也。須彌浪湧。鐵紅浮也。大地波傾。修無修而所作
已辦。證無證而所業已成。一機不動。萬化消沈。卓主
丈云。誰家砧杵。送秋聲。

上字新

舉巴陵和尚問僧云。遊山來爲佛法來。僧云。清平世界。說甚麼佛法。陵云。好个無事禪客。僧云。早是多事了也。陵云上座。去年曾在此過夏來。僧云。不曾。陵云。先來不相識。下去拈云。巴陵乃雪峰一世孫。其對師論勘辨。尚有乃祖風烈。只是不合將佛法當人情者。僧上門戶。雖則言貌可觀。終是禮數乖謬。只如巴陵和尚。末後道。先來不相識。下去意在於何。三盃延客酒。一曲向頭吟。

年終全

八月旦。上堂。謝徑山會提點江心知客。半提點。卽不到。全賓全主。到卽不點。中川夜月明。雙徑秋雲歛。雪峰與麼說話。還知落處麼。咄。僧堂前與汝相見。中秋上堂。舉南泉趙州。翫月處。泉云。幾時得似者个。趙州拂袖便行。師頌云。兩兩宮娃醉管絃。含情多在九霄邊。桂香影裡輕移步。偏與嫦娥鬪少年。九月旦。謝新前堂首座兼西禪藍田首座上堂。我首座行脚也。重霄奮丹鳳。我首座來也。一釣連六鰲。機隨用顯。境逐人高。泉飄澗水夜添波。宣政院所委爲鼓山寺入城歸上堂。宣流善政燕北。

看語著

閩南石門關。低含夜月。通霄路暗鎖晴嵐。行棒行喝。彼此何堪。雪峰贏得放癡憨。冬至小參。諸佛不出世。君子道長。達磨不西來。小人道消。續燄聯芳。鼓水取火。單提獨唱。剪水成花。洞山撥退。菓棹家貧。難辦素食。慈明堂前。揭榜事忙。不及草書。雪峰者。理埋頭土木。何曾知有許事。東廊頭李都科。疊枰底疊枰。拱底疊拱。西廊下陳博士。做柱底做柱。做梁底做梁。機機頓赴。物物全彰。寒梅凋底。自吹香。

舉真覺和尚。每於廊下見僧。遂握一拳。示之云。森羅萬象。草木叢林。若男若女。若僧若俗。山河大地。都總在者。一握內。師拈云。真覺老人向孤峯頂上。隻手持竿。東海意圖盡得。魚龍殊不知。浪闊雲深上釣者。少雪峰今夜試下者。一看以主丈垂釣勢。歷細歷細。上堂。叙謝兩班。葉二暫到。能畫龍虎。建法幢立宗旨。同道相求。同心相濟。何故畫龍看頭。畫虎看尾。佛成道上。堂霽雪漫山。明星燦夜。窮急討生。分疎不下。釋迦老子。當時尙能向修德煉行處。別道得一語。

熒惑何止從三舍

上堂雲岩在藥山二十年。單明此事。驅揀濕處。過趙州。除粥飯二時。不雜用心。狗舐熱油。鑑雪峰者。裡早眠。晏起。倦座。閑行。不妨。日午打三更。

上堂因謝道場知客雪峰。一見僧。遂問云。甚處來者。僧云。潮中來。師云。船來。陸來。僧云。二途俱不涉。師云。爭得到者。裡。僧云。絲毫元不隔。師便棒。趨出。師拈云。者僧。自潮中來。入門。欺子。一一詣實。雪峰因甚效德。山用事。曾爲浪子。偏憐客。

除夜小參。洞山小參。不點燈。暗裡抽橫骨。德山小參。不答話。明中坐舌頭。腋下剎。襟移長。就短。針頭削錢。較寸爭分。常住現成。燈燭。山僧隨分。應酬。輟雪峰。毬天旋地轉。打禾山鼓。岳震山搖。燒槽。樵火。騰今耀古。唱村田樂。白雪陽春。狸奴白牯。笑掀眉。減却一年添一歲。豎拂子。莫有不受歲底麼。擊拂子。梅添春雪白。柳帶曉烟青。

應庵和尚舉僧問香林。如何是衲衣下事。林云。膺月火燒山。香林與麼道。大似老鼠入來角。有問歸宗。如

心來疑牛

心下疑脫
一人二字

心疑疑隔

心來疑夾

何是衲衣下事。只向它道。來年更有新條在。惱亂春風。卒未休。師拈云。二大老與麼說話。一人道得著底。道不著底。道不著底。道得著。檢點將來。總欠一著。有問雪峰。如何是衲衣下事。只向它道。今歲今宵。盡明年明日來。

元旦上堂。春行上國。澤下九天。正元開泰。日喜事已先傳。何故。上旬壬子。是豐年。元旦壬子。

灯夕上堂。明歷歷。黑漫漫。真灯耀世。融日光寒。莫和煙雨看。鰲山。

上堂。叙謝雲門。杉長老。兼潮州廣通嗣書。信亦通書。亦通。南海鰲魚頭。帶角南山。鰲鼻口吞空者。个猶是。啐啄同時。句只如書中。間說底。是什麼事。來山見船子雲門。嗣雪峰。

上堂。念念不停。新新不住。迷悟兩岐。全機頓趣。靈雲去後。誰與論。桃花枝上。飄紅雨。

啓建上堂。龍樓雲暖。鳳闕春濃。大千一統。車書混同。必竟雪峰。如何祝頌。卓主丈。日出扶桑東。

佛涅槃上堂。拘尸城業窟。平熙連河。愛水傾無憂芳。

樹老覺苑落花深。閑愁一掬冷關情。流鶯歌徹斷腸聲。

佛心先師忌日拈香。一人泉淺古澗泉深。點水無涉。恩深愁深。今日爲甚供陳蘋藻。香薰水沈。啞破鏡終懷五逆心。

月朔架佛殿上堂。幻普光明殿於一彈指中。大功不宰。現丈六金身於一莖草上。法令全彰。象骨雲開。寒泉春漲。卓主丈蓋天蓋地。看新樣。

浴佛上堂。水拍金盆。肌勻玉藕。淨智圓明。靈光獨耀。金輪浴出扶桑曉。

上堂。叙謝首座秉拂。卽此用離此用。全主全賓。有擒有縱。龜毛拂子千鈞重。

白雲平蘆和尚至上堂。舉白雲志和尚見立沙沙問云。汝來作麼志云。特來見和尚。沙云。相見後如何。志云。待展家風。師拈云。雲登立沙之門。一相見。頃便白能大展家風。如禮陳玉樂。陳鐘鼓。三代之盛書在帛。是矣。今日雪峰與白雲和尚相見。其奈臂長袖短。雖欲大展家風。卒著手脚不辨。雖然家貧願隣富。

五月二日祖忌上堂。雪嶺初登如鄮溪。入關先收圖籍。龍來歇處類孟管。門下食客三千。輓動三絃蠻烟瘴雨。杓頭提起烏喙砒霜。發德山棒頭之用。亞夫金鼓。續龍潭紙灯之燄。田單火牛法眼。分宗新羅箭過雲門。列派吳越令行。印塔春融。香凝燕寢。松山瑞靄。華構方新。泥牛吼月。萬山寒木。馬嘶風千嶂曉。與麼說話。且從汝諸人。句下丹青。只如祖師道望州亭與汝相見了也。烏石嶺與汝相見了也。僧堂前與汝相見了也。必竟意在於何。連卓主丈三下。莫恠坐來頻勸酒。自從別後見君稀。

祖忌拈香。印塔春融。松山月皎。大雅岸流。蠅鳴蚓竅。廣陵一曲千峰曉。

端午上堂。肘後靈方不傳妙訣。殺人活人有誰辨別。澗底菖蒲生九節。

上堂拈主丈大圭不錄至理忘言。臨濟爲甚三度問佛法。雪峰爲甚九度上洞山。卓主丈一下。麟遊兔徑。虎食鵬殘。

中夏上堂。諸佛秘訣。列祖玄綱。聲前句後。無可商量。

山深六月涼

六月望建深苗上堂時大風雨臨濟入門便喝抱甕灌畦德山入門便棒握苗助長山僧不墮平常獨超今古一句試爲諸人舉看秋色釀風打雨泉添潤霖水激湍聲

解夏小參去則印住雲橫烏石萬樹鳴秋住則印破月冷寒泉千波分影不去不住癩馬守空轆是印非印癩猴佩古鏡一夏商量兩鑄錢九州一夏開粥錯相伴漑腸夢甌雪峰者裡九十日內只如拖柴拽木晏起早眠有甚工夫論修論證何故眼不見爲淨中秋上堂指月話月弄巧成拙廣寒洞無扁憑誰賞清絕換立嫦娥双鬢雪

九月旦上堂祈晴秘魔擎叉魯祖面壁暴風無崇朝驟雨無終月霧掃長空秋明八極駕海曦輪碾虛碧重陽上堂單提獨唱撒土拋沙黃花非般若般若非黃花多情風雨秋家

十月旦開爐時城歸接香開藏經動靜一致賓主歷然蓼岸蘆汀僧歸夜紅月團滿曲九柴擁地爐烟天

全製上應有
州云二字

之志疑知

香騰瑞梵英重宣小春歲歲梅花天

達磨忌日拈香流沙浪急淹溺不得熊耳雲深埋沒不得卽假卽空非聲色風撼松濤山月白歸新僧堂上堂坐破蒲團心下事奔馳驢馬拈來木杓啗不上千五象龍漢官威儀不圖復見白我作古不宰其功高堂千古留香風

上堂兼新維那時看藏經三乘要義一句全該後架桶繩爆綻堂前漆桶相搭咄新羅人草鞋

上堂爲吳國公捨藏經立碑兼鑄鐘一摸鑄就大冶躍精金三藏絕詮古碑鑽白字覺淨塵消返聞絕見玉音撼動金殿

至節小參驚嶺拈花伏義初畫少林面壁文王重爻大塊未形萬機潛寂一元既剖萬化昇沈那更向管灰中覷其消長一線上較其短長殊不志雲橫烏石雪消春自到寒泉浪涌水暖澗融冰境隨人勝道逐時亨梅放南枝雪放晴

舉僧問睦州一言道盡時如何州云老僧在汝鉢裏裡僧又問趙州一言道盡時如何裂破師拈云二老

此詩下
說字

舌頭相似肝膽不同要得一言道盡未在今夜有問
雪峰一言道盡時如何冬至前後砂飛石走

至日上堂西來意冬來意枯木花從雪裡開瑞雪先
呈三白喜何故乾道變化萬物茲

上堂謝平山首座秉拂風月平分一天霽雪理事互
融如何如說山到平中見孤絕

上堂謝兩班明鏡當臺玄機在掌德懋懋官功懋懋
賞雪峰者裡無重輕心無取捨相以拂子作秤勢總

在無星秤子上

臘八上堂昔年此日雪山雪深今年此日雪山雪晴
雪山人午夜愁眠一覺雪山人午夜悟明一星道有

所證道無所成留得雙眉蓋眼睛

除夜小參雪店更殘征客夢驚寒旅枕雲床晝永守
孤定空費蒲團剗盡時胸中有物豁空見地簾外

無天歷古窮今難消冷恨天荒地老舊話誰論說妙
談玄陳年曆日分賓立主釘過桃符殊不知臘月三

十日元是歲除夜五更鐘動依舊是新年象骨一峰

高插天

此詩下
說字

此詩下
說字

學稅闍梨問曹山清稅孤貧乞師賑濟曹山云青原
白家三錢酒喫了猶道未沾唇師拈云二大老一人
口頭太長一人手頭較短若是者些殘盃餘瀝不消
拈出雖消今夜有問雪峰某甲孤貧乞師賑濟山僧
臂長袖短要且負來機遂抖衣袖云見者有分
元旦上堂龍樓薦瑞鳳曆須新九州四海咸沐堯仁
雪山高並南山青

上堂從文殊門入者牆壁瓦礫爲汝發機從觀音門
入者蝦蟆蚯蚓爲汝發機從普賢門入者不動步而
到雪峰者裡無許多限量無許多分別行也行到說
也說到地靈步步雪山草

上堂有世界以音聲爲佛事有世界以莊嚴爲佛事
有世界以光明爲佛事雪峰者裡三輪俱轉全放全
收盃酒誰家獨上樓

閨月上堂時大赦然燈前然燈後一年兩度慶元宵
萬斛金蓮徹昏曉彩鳳搏空金鷄唱曉九天一札頒
新詔

涅槃上堂金棺自舉業風不停化火自焚星焰不息

年年此時年年此日何堪桃李春狼藉

潮陽廣法會堂長老至上堂春靄鰲山潮平鰲渚
啄同時正偏回互烟水南來合明何事卓主丈云百
丈再參馬祖

浴佛上堂王宮有意兜率無心貪著世相萬劫漂沈
韶陽一棒打之不殺九龍吐水洗之不清雪峰這裡
眼不見爲淨

結夏小參是鈴鳴是心鳴那吒擎鐵柱是風動是幡
動波斯念八還明鏡當臺十虛洞照玄珠在堂大千
普觀雪峰輓毬雪轟早地雲門念七鉢鑄重關與麼
會去九十日長期晝明夜暗二千年佛法夏熱春寒
正法眼爛泥團迦葉無端錯破顏

學僧問法眼和尚云如何是曹源一滴水法眼云是
曹源一滴水其僧惘然時韶國師在座下聞此忽然
大悟師拈云這僧向隨波逐浪處致者一問可惜法
眼當時無截流之手致使國師向死水裡淹殺今夜
有問雪峰如何是寒泉一滴水却向它道是寒泉一
滴水衆中莫有頓悟底麼急洗耳

結夏上堂一切法不生一切法不滅昔日摩竭陀國
親行此令一切法亦滅一切法亦生今日象骨峰前親
行此令無敢違者無敢犯者何故卓主丈云印印一定
祖忌拈香云生緣不在刺桐城行脚何曾見德嶠五
月長銜水片寒嶺上木人開口笑且道唉个什麼揮
香云只爲者些狼藉不少

端午上堂肘後方秘傳訣不同草木瞞人靈驗者些
自別卓主丈云潤底菖蒲生九節

上堂謝新首座碧幢風冷玉壘夜寒論功薦賞定謀
以安令肅而嚴公弼之勇恢宏而恕子儀之寬山僧
主丈子有一字暗號今日明爲諸人說破卓主丈云關
七月朔旦上堂朝碌碌暮悠悠常在家舍不離途中
天共白雲曉常在途中不離家舍水和明月流色前
不物盤外何求金井梧桐葉葉秋

解夏小參一法若有色空明暗轉轉目前萬法若無
愛水情河沈昏識內攢刺無路鼠入禾倉伎倆盡時
狐狸渡水雪峰這裡毬門洞闢大用全彰九十日內
與汝諸人打淨潔毬子透得過底西天此土透不過

底此土西天東邊鐘樓插空千尺西邊鼓樓拔地千尋廬陵米價不妨貴賤賣買趙州石橋一任度馬度驢與麼說話猶是時人公幹邊事只如不墮有爲不墮無爲一句又且如何話會梧桐葉底秋聲早促織吟邊夜較長

舉東山示衆云百煉黃金鑄鐵牛十分高價與人酬臺前不有花含笑應是東山一夏休師拈云東山和尚住山於紹興年間其寺門累徵官賦窘迫之際而其索遠天價誇大門戶可謂富而無敵山僧今夜鬪貧不鬪富未免續貂有作自家田地自鞭牛任性逍遙自唱酬水草不關王化事和雲和月飽還休

解夏上堂盡大地振來如粟米粒大百億微塵數諸佛百億微塵數衆生九十日內向一粒米中禁足安居今則井梧露冷玉宇雲寒所作以辦所業以成各依舊位各務本事山僧未免末後爲伊摩須授記一上座主丈云是牛拽擺是馬負鞍

中秋上堂叙謝江心首座藏主侍者首座已行脚老兔夜寒忙搗藥侍者參得禪三脚蝦蟆飛上天照用

同時一機不露三乘科列一理兼收雖然家住東州上堂舉南岳讓和尚一日見馬祖坐次乃問云若學坐禪若學坐佛若是坐禪禪非坐臥若是坐佛佛非定相既非定相不應取捨師云讓和尚誨馬祖諄諄之言如王良造父駕御權寄使毋奔馳衝突之患若是禪佛果有所學南岳七十二峰俱笑倒

上堂舉達觀禪師示衆云山僧平生意好與人相撲祇是無人搭對今日且與首座搭對遂捲袈裟下座索首座相撲首座纔出師云平地上喫交便歸方丈師云達觀和尚與麼說話未免展干戈於談笑之間雪峰者理終不妄自生風起草何故老不以筋力爲能

開爐上堂時翰林承旨程雪樓書寺額至兼謝幽岩首座火爐頭得一句不是韶陽一字關亦非巴陵三轉語總不與麼合談何事翰苑林敷薈藹香大雄額扁黃金字

上堂謝右田秀峰恒叟和尚古澗鳴泉披峰削玉透奏簫篴雅音正續雖然廣陵一曲何似涼州一曲

上堂時看藏經。舉僧問睦州和尚。如何是一代時教。州云上大人丘乙巳。師云睦州和尚平生擔板。因甚向這僧面前傾腸露膽。檢點將來。未免傍觀者醜。有問雪峰如何。是一代時教。池清明。蘸月泉眼暗。通潮上堂。舉僧問古德達磨九年面壁事。作麼生。師云天寒無被。蓋雪峰則不然。達磨九年面壁事。作麼生在。家必達在。那必達。

冬至小參。諸佛不出世。周襄無暮年。達磨既西來。秦末無煥歲。旁提正按。滴水冰生。續焰聯芳。灰寒木槁。縱使洞陰。陽於黑豈。未芽之先。識機變於管灰。未動之際。龍吟枯木。古律新飄。鸛宿松梢。驚殘曉夢。與麼會去。猶落盈虛。消長邊事。總不與麼。如何話會。梅橫陰洞。雪松偃南山青。舉雲門問首座大地山河。與自己是同。是別。首座云。同雲門云。一切物命。飛蛾蟻子。與自己是同。是別。首座云。同雲門云。好好借問。何得干戈相待。師云。雲門布長戈於其前。首座揭大戟於其後。殆類灞上棘門兒戲邊事。雪峰有口。終不與麼問。何故袈裟同看。

●拾遺錄

上堂。舉僧問雲峰悅和尚。佛不化本國。和尚爲什麼歸鄉院。峰云。放過一著。師云。這僧盡力致者。一問注。殆欲箭雲峰之口。殊不志正。座在分別之區。雪峰當時若見它與麼問。只向道。莫將太平曲。吹倚戍邊樓。祖忌拈香。此香投子洞山。三登九到。艱難中收捨。荒村陋店。三更半夜。平易處剷除。火種者些。累人不少。蓋天蓋地。熏烈如初。慨古傷今。不卽不離。涅槃後相。非有非無。松山烟雨。開畫圖時。火後。

上堂。舉真州定山方和尚參廣照瑯琊覺禪師。每看栢子話。凡遇入室。欲呈所見。纔擬開口。常彼喝出一日。忽大悟。直造方丈。云。我會也。師云。汝會箇甚。麼方云。夜來床席暖。一覺到天明。師可之。師云。瑯琊素善其點病之方。爭柰不能起者。僧沈昏之疾。不見道。一覺到天明。

結夏小參。善財七日尋覓無方。驟良駒於馬楸。落日趙州五年分疎。不下界穴。蟻於尺地。寸天路絕。奔馳百城。烟冷語無滲漏。一字關玄。無可商量。山中九十日了。無巴鼻。佛法二千年。誰修誰證。誰後誰先。月明。

夜夜浸寒泉

五月二日謝方來并施主上堂播揚大教千尋枯木風撼九天流出胸襟一滴寒泉波分四海寂寂靈源苔封印塔如如大定瑞藹難提住世無心寶月晦中天之影再來有識杉松偃拂地之枝四百餘年宛如今日七州管內思之以時廊東廊西綺羅風軟山前山後絃管晝遲以此資明時之至治以此植檀信之福基只如祖師道三到道場是吾眷屬必竟有何所據卓主文象骨峰頭無字碑

之具錄目

佛心和尙忌拈香說法一十三會道不候時住世八十六年愚不及古下泥犁種家丘壑何曾諳曉農桑提破沙盆振家聲絕響雷鳴瓦釜無羅龍打鳳之機籌有積雪嚴霜之面具是致冷落門庭說著熱人腸肚柳影湖光消磨幾許烟梢濕梨花雨浴佛上堂破鏡生兒離毒樹墮地能行便能語五天無光日色苦九龍攫春吐腥霧雪峰用處拙於古木杓拈來作佛事和泥和水輓風雨亂紅飄波澗聲怒結制小參爲食來爲法來十方聚會徒困風塵起佛

之具錄目

見起法見百億錢圍無閑日月金塵未透識網後空力道無根劣波易下今則制嚴三月山僧約法三章眼毋妄見雲行鳥飛耳毋妄聞山鳴谷應口毋妄談呵風罵雨全收全放全主全賓一理纔明大用融徹然後居之安資深左右逢其原其或未忘鑒覺妄之起奔馳咄投子道底

舉投子和尙一日因見榮禪客來參師云老僧平常無一言半句落在諸方上座來此間作麼僧云若不禮拜三拜要且不甘師云訥僧家得與麼沒碑記僧便禮拜師拈云投子和尙只有閉門作活之計且無開路延賢之心雪峰當時若見它道若不來禮拜三拜要且不甘遂喚維那移下掛搭何故老來提鞋挈履也少一箇半箇不得

祖會上堂三登投子陽關三疊閑送客愁長九上洞山九曲羊腸雞禁風雨夕棒頭打脫驚鼻磨牙句下承當大虫插翼道鳴南國百億世界聲撼雷霆灯焰兩宗百億乾坤光流杲日龜銘自著爛金石於翠琰玄圭塔戶宏開安曇卵於大山磐石消融不盡冰滿

長街鑽仰無門泥深密室蓋天地不易絲毫亘古
亘今絲毫不易視昔猶今視今猶昔松關一徑花痕
藉

祖忌拈香德山戶限何曾踏著鰲山客床何曾睡著
與麼見人與麼行脚提起香云只者些兒何曾嗅著
且道是甚麼彷彿刺桐根依稀破木杓

謝首座秉拂上堂拈主丈雙行敲唱理事一如山從
平處除海向滴邊拈只如韶陽單提一字作麼生透
掉主丈俱

上堂珠投濁水濁水俱清禪攝亂心亂心乃定與麼
會去正落今時學者之病總不與麼時如何問念則
狂克念則聖

解夏小參兼謝新舊首座藏主離緣而照繩澄玉宇
月蘸方池融事而眞鬢冷銀床泉通海眼留香簾捲
屋簷外尺五無天烏石雲橫箭鋒頭轉身有路天宮
說法未離教來一字上磬重添古篆者裡見得總塵
毛利海無非圓覺伽藍過絕沈空之相融十世古今
無非自恣時節了無新舊之殊一念全超萬機寢削

之其字疑刻
或去寫誤

之故疑放

之是字疑刻

靈虛廓微洞照無痕便與麼其時如何老鼠趨糊獮
舉石霜有二僧到仰山一日乃嘆云此間無一人
會禪一日普請擔柴次仰山放下柴云道甚麼二
僧無語仰云又道此間無一人會禪仰山歸謂是
潞山云二僧被某甲勘潞山云子作麼生勘破它
仰山舉前話潞山云寂子又被吾勘破師拈云
二僧狂言似鸚鵡羊觸藩仰山冷地著忙家狗護
寶潞山末後與麼道也是愛忘其醜

佛成道上堂執著者星子餓寒業莫逃不知黃屋貴
偏樂雪山高何故色窮歸皁

除夜小參眞機密運天何言而四時行大化潛施地
何言而萬物生日月星辰無新無舊山河大地無變
無更納僧家被位上蒲團頭計較不得挨拶不行捥
到臘月三十日眼睛鼻孔依舊只麼生難滿是窮坑
上堂謝新知客并蔣山藏主動靜一致賓主互融玻
璆盞香飄寒澗雪華藏海紅鷗落花風猿驚鶴怨月
明山空暮雲多是憶江東
端午上堂兼謝法眷高釘桃符低懸艾虎百怪千妖

掃蹤無路弟兄相見不揚眉。一句渾崙洞賓主舊話。誰圓善財歸去。山山寒掩黃梅雨。

除夜小參舊歲欲去未去。六馬難將朽索御新歲。欲來未來。羊頭車子。和月推挨。拶不行。脚根紅線抖擻。不下頭上青灰。殊不知。絕古今。雲橫烏石法。萬法見水。肅陰崖。衲僧家。極歲窮年。殆類彌猴。捉影。拶到年窮歲盡。不離鼠窟。生涯。卓主丈。冷灰豆爆。大地春回。床頭主丈放花開。

舉僧問白雲端和尚。云。年窮歲盡。是如何。答云。眉在眼上。師拈云。對機酬酢。如理如事。則不無白雲。師翁檢點。將來猶欠一著。有問雪峰。年窮歲盡。是如何。只向它道。山中無皴角。曉鐘是元正。

牕上上堂。蘆簾黃金冷爆芽。定寒午夜燦星華。六年不了修行事。白日虛消一麥麻。雪峰與麼道。是讚佗。是毀他。咄。眼裡不著沙。

上堂。風高寒鴈露冷庭螢。老胡特地。歷魏遊梁。秋杵閑添搗夜長。

上堂。曉露明殘葉。晴雲擁翠杉。遍參人。不會秋老百。

之 答 諸 公

城南

上堂。舉僧問古德。如何是祖師西來意。東籬黃菊學人。不會九日重陽。師頌云。野店疎籬。護竹烟新。菊初熟。菊花。天主人惜。別偏留客。賤價饒沽。不論錢。入佛五臟。黃面老子。於無量劫。中頭出頭沒。熏修無明業。因成就無明業。果乃至菩薩聲聞。天人釋梵。同一眼見。同一耳聞。彼彼作業。彼彼相似。逗到二千年後。雪嶺山前。黃金殿上。心肝五臟。一一呈露。盡大地人。只眨得眼。山僧今日。向諸人無插手處。奮一隻臂。從頭爲伊收拾。捨一上看看度五。釋迦還釋迦。文殊普賢。還文殊普賢。迦葉阿難。還迦葉阿難。釋梵天王。還釋梵天王。非長非短。無欠無餘。亘古亘今。無異無別。貴使宅心。以寧安神。以定如空。藏空如鏡。照鏡與麼說話。爲或是壯佛威光耶。振佛恩德耶。一彩兩簷。重建天下。雪峰坊上。牌額玄關。巨闢樹法。幢於委地之時。祖運重興。棟大法於擎天之日。何莫由斯道無今古。際其時也。覺有後先。一徑通玄。千五象龍。蹴踏層簷。插漢百億。日月旋環。澗水松風。熾然宣說。鸞翔。

鳳舞雪漢昭回以此洗光佛日以此永壯

皇基以此揭納僧正眼以此大佛祖門庭只今當陽
高揭諸人還委悉麼天下雪峰天下仰止

臘八開佛光明雪山昔日午夜見星一點毛頭現雪
峰今日白晝見日雙眉眼上橫金色光中金毛踞地
銀色界內玉象騰身慶喜多聞未分泥水飲光微笑
突出眼睛奇哉奇哉大地衆生俱有如來智慧德相
是誰妄想妄自起滅是誰執著徒自丹青今則曲奏
松風琴鳴湖水祥雲凝曉瑞雪舒晴山僧試向一毫
頭上助發實相義去也呈起筆云見麼今佛放光明
重入列代祖堂立牌兼自預入者裡是從上列祖安
排已定底分杓增一絲毫不得妄自奔馳減一絲毫
不得徒勞鑽鑿須是有衝樓跨竈之英材方可展托
祖恢宗之妙略將謂灰寒火冷谷變陵迂雲散水流
填溝塞壑指牌爲有者些閑名到底終難剗創一新
華構星遶簷楹玉立祖庭祥開樓閣度牌無板窗底
過者邊著又度牌云無鼻孔底過那邊著不分楚越
玉戶無樞把定封疆鐵關有鑰又度牌云擾先容老

僧一脚

施主張深潤入祠堂架重殿并松山閣

離重城香風一葉隨波輕登雪嶠炎雲散盡千峰曉
一靈真性隱顯全諸三際頓超去來得妙慨然一諾
揮囊金以助建興煥爾新規開樓閣于雲縹緲住山
顯刀斧之無痕叱吒掃寒灰於劫燒烏石嶺橫空萬
仞字磨崖莫既雕鑽赤松子遠曳長裾躡英風不離
談笑深潤源分古潤流心月輝灑松月皎銘公之施
昭昭乎前祠公以堂灯灯永紹山僧與麼說話總是
彩繪深潤影子邊事只如不歷化城直登寶所一句
是如何虛榻迓公久矣

黃雲岩宣教掩土

緣聚爲生散爲死白日長繩繫不住蓬萊水淺人世
非虛幻轉頭皆夢事去家不遠著山春山中住城最
住處傳家契券明有據青石丹書黃姓字左爲龍右
爲虎天爲門地爲戶以此澤屋廬以此福孫子棣萼
芳聯枝葉昌蘭玉森羅茁庭宇神衛山林永安永固
千古萬古一坯土

心煩疑烟

肅翁和尚入塔七處住山詞優溪

示向上機提末後句三山孤月烟秋光五里烟雲迷
古路建善住最初法幢居天王莊嚴住處掃任仙丹
竈靈光耀玉黍之珠登謝郎釣舟竿影拂珊瑚之樹
雪峰頂上直教澗水逆流直指門頭恢復普通年事
出遊歸隱城市山林生死去來霜花曉露翠峰壽塔
已先開葉落歸根無剩語便與麼去時如何竺國夜
三更閭浮日車午卓船

心車疑車

樵隱和尚語錄卷上

樵隱和尚語錄卷下

法語

送燈藏主

神光竊老胡單傳一星火種於清冷嚴凝之中隻臂
擎寒不能撲滅三傳而至鷲薪蠻獠四傳而至龍潭
德山雖欲息其虐焰始終不能吹滅鰲山夜半合火

心煩疑油

分藏千五百人挑灰撥火灯灯續明分光四海假使
傾華藏之海倒玉峽之流應難濕其慧燄也灯藏主
來自開先月磬老師席下雪寺相從每見其涵養端
厚道韻超拔信知如廬阜顛崖怪石濱無凡草木矣
戊申冬煩歸藏司解職後忽懷舊隱慰問猿鶴出紙
需語爲途中清伴遂應之曰方今祖庭秋暮覺苑春
寒戰磨昏酣名風利雨誓當捏虛空爲一燈盞歷九
江爲一灯烟撚五老峰爲一灯炷使少林龍潭雪嶠
三灯爛爛無盡余當對寒泉之波以洗老眼見其光
明盛大行矣勉之

示德秀侍者歸鄉省母

太湖三萬餘頃之烟波蘇州有洞庭七十二峯之紫
翠天下無鳥啼月落鐘動寒山客程尙遠池空劍光
霜冷轆轤古恨難消吳苑春濃芳心未歇越溪水急
烟棹難尋若作境話會未具行脚眼在不作境話會
並未具行脚眼在不見雪峰道盡大地撮來如粟粒
米大者裡無你動轉處無你揀擇處掃其機境剖其
藩封須是秀拔俊爽之流始得德秀侍者生緣吳中

心光或作老

二字疑可
在句字上

隸業翠峰遠來雪寺相依每見沈默端謹孜孜爲道
煩歸從香寮一年公字日進所學解職後便欲以藏
鑰累之且言母老在堂丁時荒歉未下安居侍母之
日短侍師之日長也就乞一語爲途中警策昔那吒
太子抵肉以還儉生不孝睦州編蒲以奉義出豐年
倘能向句捉敗二佛祖用心處則吳山楚水不離目
前子母恩情日疎日近方知山頭老漢太煞老婆心
切

示義奉侍者

向上一路千聖不傳向上一路千聖不然言前道斷
滴水冰生線路放開重關壁立今時學者於一切言
句上有疑是爲大病一切言句上無疑亦爲大病溟
鵬展翅天馬追風師子咬人韓驢逐塊眨得眼來蹉
過又蹉過四明義奉侍者遠來相依煩歸侍寮每見
其孜孜爲道沈默自守替職後炷香求語爲警策因
謂之曰留香堂裡揖座燒香是有語耶是無語耶三
毯堂上迎客送客是有句耶是無句耶者裡見得國
師未曾三喚侍者不曾三應是汝負吾是吾負汝彼

水疑水

出疑入

非下疑脫
聖字

利疑利

彼肝腸生鐵鑄

出山相

境風飄蕩昏腥埃愛水錯注黃金胎逾城噬臍已不
及凍餓雖死心難回出山出山了何事認著星兒被
星誤禪河教海掃不乾回首邯鄲多謬路
逾城午夜鐵心肝箭脫空弦力挽難有道可成山可
出雪霜猶欠六年寒

觀音

願輪默運真機冥六入互用俱通靈八統虛曠色非
色萬象喧城聲非紅蓮泛香霜月苦悲心曲爲時人
傾柳瓶一雨利海平昏波不敢閑吹腥
返聞淨觀具大悲在在化境圓通機金蓮香浮草色
碧靈禽翔集天雲低磐陀石冷潮拍拍玉瓶柳軟春
枝枝以聲求我空中影以色見我眼中眉百城童子
歸何時苦心遠逐洪濤飛
超證圓通頓忘光境黃金草色寒碧天春晝永定眼
不搖瓶柳靜
定久磐陀夜浪回錦心綉口向人開一針孔裡三千

界線路無門笑善財黃綉

金沙難掩玉魂飛碧藕香殘夢覺遲應以比丘身得度。獨體且待眼開時。金沙化一老僧挑獨轎。

彌勒坐睡

貪著塵寰不居尊貴堆堆坐地等何人。舉世有誰是同類。欲減界中風波日。委閉眼依前不成睡。

拋離兜率天。垂手闍浮界。拈得主丈在肩。未免打失布袋行貨沒些。賣賤賣長汀。山色青如黛。

囊中有貨不須忙。水邊汀流曲曲長。誰信松根欠伸頃。率陀宮掩幾昏黃。松下欠伸。

達磨渡蘆

流沙無關天無肩。老竊挾詐窺王庭。禁嚴玉陛守九虎。豁面羞映紅袍。輕長安長安雨雪聲。蘆風葉葉搖心旌。絕憐楊子江頭水。一波不洗塵腥臊。

瑞靄臺城王氣新。胡塵難滓玉樓春。西來十萬無根脚。全肯承當沒半人。

逆鱗一語馴不及。舌逆流一葦。逝波不回洛陽征夢酣。風雪鳳臺倚天空。崔嵬。

中甲

寶公

顯異鍾靈雲蹤鳥道一十二面僧絲畫不成三十六化梁王親不破宮妃執侍翠鬟低天神拱衛金申鎖鷹巢兮月冷鶴塔兮風高九百餘年事宛然山深雲暖蒼松老。

魚籃觀音

衣珠露明藍魚風腥街賣女色以偽亂真信知倚市無傾城。鬢亂釵橫丰姿英雅歛手無言弄真像假魚籃放下時如何捨落地價放籃在地。

定光

蒙頂兮袖雲英。英曳策兮道服輕。清濁時暴虐兮蠅生片玉勸惡從善兮身爲法城寂定光明兮中天月皎願海無邊兮百川潮平隨機而感曰雨曰晴此特師願力中之一塵太虛寥廓兮徒加丹青。

寒山

手携破竹筒是甚閑舉止。零星星星捨得些菜查喜。喜歡歡相逢誇鼎味。香透普賢毛孔裡。

閣筆靜沈吟。意中無活句。清骨瘦如柴。多爲吟詩苦。
芭蕉葉上無愁雨。芭蕉題詩

拾得

施于在莒。蒂一味弄奇。恠紛紛飛飛。竟日歸不休。瑟
瑟蕭蕭松頂風。鳴籟狼藉文殊金。世界

錯脚到寒岩。夢逐塵寰。倚仗默思。惟客情多繾綣。
峩峩歸路如天遠

初祖

轢暑躡寒逾沙越。漠漠鳳臺春霧深。深鷺落寒潮。落梁宮
家不受糊塗寶誌公安生。描摸神光隻手終難扶。高
少至今寒色惡

二祖

求道艱難修行無力。腰深積恨深雪白。通心白斷隻
臂於心何安禮二拜受胡迷惑。遠得春從袖裡歸。少
林花果無顏色

三祖

宿業熏肌通身是病。覓罪了無根難醫。眞病證脫居
士俗氣不除。接司馬宏張暗穿三傳花葉。轉芳披狼

藉何堪春滿徑

四祖

岩定孤禪。脇席不印解脫了無門。開眼入邪定名大
醫起死無方。賺頭陀逆條老命。紫雲散盡花鳥殘風。
撼牛頭山雨淨

五祖

日暮窮途投胎蹉路污却濁港波迴流溺不死。題壁
偈惑亂參徒攤賊賊。捏人暗渡叢林從此帶寒酸。淮
山愁聽黃梅雨

六祖

傳法無心擔柴有力。潛身破碓坊偈楞伽壁竊衣汚。
孟與獵爲群。辯風幡賊身欠密惡名千古辱。宗風八
十生爲善知識

政黃牛

吟肩聳宕。窖定眼湛湖水。黃牛角指天八脚垂過鼻。
句外須明者个意

郁山主

回首看青天。渾不顧脚下。跌倒眼眩花山河光照夜。

少清字可在
開字上手

蹇驢頭上角生也

覬子和尙

以蝦爲目向人開。擺盡江波心。未灰僧戒。不持爭怪。得爲他。厖裡出身來。

猪頭和尚

風流徹骨。恣癡默。覲面全提死。眼開口裡。不曾知由。味猪頭飽喫素持齋。

宗道者

祖意何曾悟得立。桐城客路渺風烟。袈裟無相鞋無線。破綻終難裹得全。

泉大道

古策橫肩韻絕塵。目前大道體全真。瓢中拍拍春如海。一滴渾無醉得人。

平田婆

客路相逢要實論。何消姐語又婆言。一犁春雨驟新綠。難洗牛兒背上痕。

岩頭婆

一棹雪灘未易酬。親兒拋下恨難收。恩波拍岸無行

路月滿洞庭湖上秋

趙州把數珠

見燕趙無傲尊大。不下禪床契南泉。擬向卽乖礙。磨有物空過甲子七百餘。一串數珠不出無惠有年數。

趙州古佛

投子提油瓶

參翠微問西來意。勾賊破家對趙州。覲面全提引鬼入。弔從來見處。摠瞞肝用處。何曾有巴鼻。不見道投子道底。

栽松

萌心放不下。白髮老頭陀。一寸未入土。礙人枝已多。買薪

來處語。何堪村蠻出嶺南。一字也不識。手中柴一遍擔。

五祖願圓悟。鷲飛上闌干圖

水冷橋橫山深雲。暖指東話西情想。變亂雞聲驚起。故鄉情劍閣無梯歸夢斷。

百丈侍馬祖山行見野鴨圖

沙禽影翻翔。翔集適其類。行客鼻頭酸。痛處憑誰委。
樓臺倒影山容開。孤雲不飛天在水。

平田圖

客路相逢婆娑言。姐語牛背痛。加鞭多爲不平處。一犁
春雨高原深。至今荒却平田路。

扣角圖

天竺秋陰飛來月。夜一等弄精魂。死生難放捨牛背。
聲中扣角歌。餘音遠寄長松下。

百丈

一喝耳聾山摧海傾。如行而說。炳猶日星。以身爲舌。
正今時之誤。以已爲律。曠百世而彌新。滔滔末流。烏
蟻戰爭。瞻觀遺像。昏慘當明。故國喬木。兮猶有典刑。

開山眞覺祖師

棒頭打脫。早遭德嶠。熱瞞跳下客床。暗被岩頭鈍置。
一十二人。最初投契。不是棟梁材。千五百衆。各自拘
頭。亦非瑚璉器。衲僧向上。全提要且了無巴鼻。不謬
喚作七家村土地。

碑本遠法師

鴈門無關曉。山霽虎溪激。湍磨石齒東。林社冷寒漏。
長白藕花開。香霧細風流。消歇晉衣冠。大雅聲沈酣。
瓦耳虛空爲碑天。爲紙影堂舊事應難紀。

巖頭

笠重簑輕。令嚴法弊。停橈佇思。時趁紅人未至。淒淒
恨逐蘋風起。

船子

三寸離鉤。一懸絲命。伶俐人不來道。吾杳無信。朱涯
潮落寒紅靜。

靈照女

賣盡貧女相。多因怨阿爺。篋錢足陌饒。現不饒。賒

馬郎婦

一掬藕香。浮牽人以慾鉤。金沙痕玉冷。難掩馬郎羞。

魚籃丹霞提主丈

悲心一點。海天長半。歛珠衣。冷射光賣弄。這些貧賤
相。籃魚腥染玉蓮香。

衣寒衲冷。貌古風高。篤龐老瘦。肩道伴對靈照。覲面
干戈居士在麼。居士在麼。三尺杖子攪黃河。

朝陽

破綻通身不覆藏。謾從刀尺上。搏量工夫綿密急。著手寒日初無一線長。

對月

閑淹果豈爲誰忙。雪覆雙眉眼。闕霜經卷難窮義。難了雲根幾度月昏黃。

三咲

東林社暖白藕吹香。持戒破戒執相未忘。溪聲何似笑聲長。

四睡

人虎爲群是何火伴。心面不同。夢想變亂風撼松門春色晚。

題跋

跋擬絕和尚書心經諸老題後

靈山向經中所談般若心法未空。太白向紙上所傳般若手法未盡。諸老向言中所贊般若句法未到。雪峰與麼道未免獲謗般若罪。

題禪會圖

佛法自漢至唐。猶大明揭於中天。一時主聖俟賢師。禮優渥。濡目禪河。染指法味。班班於竹帛矣。甚以龐老一門。坐立笑談。遊戲生死。足以激勵頹俗。吁山川寂寥年代。消歇崖枯水落。爪伏鱗潛。不獨愧見今時。亦復愧見此圖矣。

題過水羅漢圖

散爲器者。乃道之適。適於變者。乃法之弊。睹茲十六開士。乘空如雲。履水如地。龍騰虎伏。獅奮象旋。鶴唳猿啼。鹿花猴菓。想其當時。一期躍大乘之地。不遠而樂爲神通兒戲。鄙事吁道之適法之弊。斯其可觀矣。

題佛心和尙墨蹟與淵藏主

昔子房得石公所授素書。房能用其一二。糟粕足以亡秦興漢。茲余以先師佛心所書普說授姪德淵藏主。倘能用其所說。而天下望剎皆吾父翁箕裘之業。果曰能世其家。豈獨希於子房者哉。

擬絕和尚和白雲和尚山居詩卷後

白雲山中之雲。閑中有淡。玉山庵中之雲。淡中有閑。爲雨從龍。出遊歸隱。先後不同。閑淡之趣。一也。吁世。

事浮華。顏波日。靡白雲蒼狗。倏忽變更。何當縛茅掛長松。眼吟翁之詩。繼翁之韻。以遂素志。偶閱此卷。實獲我心。

玄峰通書記房扁七家村民卷後

澧陽鰲山天下旅邸也。自七家村土地家殘戶破。藉沒貲財之後。歷四百餘載。願受一鄺而爲氓者幾希。玄峰山人力於筆耕。分債半堵。以遂其丘園之志。雞鳴狗吠。四境相聞。爭先慶賀。仍欲鄙埜一語。其後遂謂之曰家貧願鄰富。

題三生圖

濯錦春晴。蓬窓夜雨。茅簷一笑。時坐天在何許。三生愛別離。一種冤憎遇。拍波烟棹。畫圖開馬牛風。遠瞿塘怒。

龍藏主請跋大慧書後

肅觀妙喜老人與性庵主手帖。首云以竹筴用事。無須與閑爲道憂也。二處得人百姓幸甚。爲國喜也。豈後世嘗浮屠氏謂無君親之道。其可得乎。龍藏主寶諸庶可以崇吾道而鎮浮薄也。

中人題

題趙庸齋鰲山閣真蹟

庸齋先生大書鰲山閣三字。爲中際接待扁。便方來之士。知有覆車之戒。寧無意於後世者哉。潮陽鏡上人出其真染諸方老宿。爭先題跋。欲得一語。其後因謂之曰。方今太平旅邸耳。禪錫倦遊。誰復作鰲山夢。此卷宜束之高閣。

題司馬溫公帖

余兒時讀公書。其匡君澤民。升降黜陟。董狐史。緘不能過焉。公母溫國太夫。聶氏。余忝同姓。不意後公人二百五十餘年。猶能觀公親染中間語。言端謹筆力奮勁。芒寒色正。凜不可犯。恍如見孔子於鄉黨篇中。

文維那請題先師佛心石田行

西湖西北山北懸崖峭壁間。有一片田地。真是無人正眼觀著。陳老師將三寸禿筆。掃底掀赤手。傳其翻素業。自後深耕淺種。炊無米飯。飽饕餮。方來文維那出其陳年左券。欲余明白作保。遂卷而還之。曰。文不在茲爾。

源藏主請題宿桑卷首

仙宗源藏主。關其禪房。以宿桑自扁。請余證其義。因謂之曰。方今名風利雨。戰磨昏酣。愛網情河。貪溺沈淩。譬如迷人。冥行曠野。不擇地而宿。求其脫世機。格未易得也。吾佛有浮屠氏。桑下不三宿之戒。世或譏之。謂無人倫之義。而取斷滅自種也。殊不知眞行無跡。眞空無依。眞照無所。眞夢無寤。乾坤籩廬。三界逆旅。昆蟲草木。皆吾眷屬。何地不可歸宿哉。倘或念念不停。新新不住。則舉足下足。何許非桑下也。

跋通書記南路火帳後有十偈拜祖

子立子袖出南路火帳。摩挲老眼爲之點勘。一上中間手條十事。一一明白。只是不合。將常住久年物色。侵爲已用。取之未免傷廉。本欲併同行木上座。以蒿枝拂用事。適負喧無暇姑且。一筆照過。俟後向無字碑上別行鏤榜。曉示以爲後來遊山侵用者戒。

跋輔藏主悼頌号岸西乃小師

窓梅橫雪。簷竹明霜。萬籟消沈。正音寥落。余方坐忘之頃。適鐵船藏主。踵門出巨軸。乃山中名勝些其姪輔藏主助哀之語。不覺老懷淒動。遂拂拭苔石。向無

絃徽外重爲按指去也。岸雲慘暮。西日埋陰。必竟是何曲調。夫子哭顏。

妙喜和尚與妙空大師書

前輩德行元實。腥香四馳。百世之下。雖缺殘編。簡得之者。不啻夜光卞璧。風顏俗薄。去實就華。道不及古。縱盈溢幅。花燦錦爛。不過目頃。委弃牆壁。甚以土苴之不若。今視妙喜老人。趣太守之招。與妙空之帖。假其屠蘇。暫以稅駕。隨行柴薪屑屑。關介惟恐動念。其清德細行。殆畏人知。不知當時肆罵天。之口。以觸時忌。從何得耶。吁。在則人亡。則書偶閱。此帖益重。高山景行之思。

用上人大機軸後

拈花微笑。斷臂安心。早是佛法中微了也。那更行棒行喝。架箭擎杈。自謂得其大機。大用。殊不志強弩之末。不能穿魯縞矣。用上人以大機自號。群公各出語以發之。其大機大用之旨。盡在是矣。鄙野不敢刺加一語。於其後。不見道雪峰底。

權上人號用衡

物之重輕非衡石莫能平。法之重輕非至人莫能負。茲權上人。以用衡自稱。是欲秉其不平之志。群公爭先較定。不差毫釐。猶欲山僧一語訂正其尾。未免向無星處。重爲點山。一二三四三二一。

華嚴指掌圖

華嚴法界。包括十虛。迷其宗者。背覺合塵。失其旨者。南轅北越。往往不無揚朱泣岐之歎。竹院老人。總而括之。宿桑子書而刊之。貴使一切人。一舉首七處。九會不離目前。一歛念百城。風月如指諸掌。倘或執相而求圖上春風。綠未休。

悼幽岩中山和尚頌後

延祐丙辰春。余舉中山延祐戊午秋。余哭中山一喜。一慟。無端無端。迦葉空懷。喚阿難。

悼子玄通書記卷後

西齊書記雪
峰住靈石菴

儀鳳丹穴書典六韜。村民七家義兵。養銳掃除魔畢。放鶴亭空。死守玄關。萬夫莫拔。死諸葛走生仲達。

悼萬山鑑首座軸後

火燒世界空。虎空不燒空。此兩句。壽戈頌寂滅。更正。

欲燎其生前口業。呵吒佛祖之垢。殊不知身後之誘。虐焰愈熾。雪峰見義勇爲。未免重爲懺悔。一上咄跳。出火坑。刀山萬仞。

笑翁霍山雲泉書

嘉定端平間。笑翁霍山雲泉三大老。挾雷霆聲價。喧撼羣瞶。二以道鳴。一以詩鳴。百世之下。雖殘編斷簡。得之者。不啻夜光。卞璧。鳴偶閱三帖。起余三嘆。

石湖首座四題軸後

石湖少奮英銳。不群之志。遙逝北征。躡蹠寒暑。輿圖之廣。足將半焉。山川發靈奧之區。佛祖顯垂化之跡。眼中見。豈獨此四事耶。余意所謂。鄴侯人關。先收圖籍矣。

琛上人血書楞嚴

七處徵心。八還辨見。提獎嬌兒。窮盡口業。老瞿曇曲於愛弟之情也。嘉定琛上人。瀝其指血。從而筆之。然續佛慧命。血脉不斷。盡在是矣。後之賢者。毋墮安公破句之轍。

斷雲軸後

悠悠卷舒爛爛古錦零分碎剪或斷或連於栢庭雲
與偈中見矣只是一處猶欠完全雪山試爲補看釘
釘著懸掛著

偈頌

寶公塔

殺氣鷹揚振木梢秦淮照影水痕交漫天鐵網煩巾
下完耶偏尋舊覆巢

法眼塔在建康無相寺菜園裡

去來無相萬機冥早是泥加冢上深未了當年行脚
話遶籬內外菜抽心

保寧塔在建康南門鐵索寺後

金剛鑽子話何堪價索遼天死未甘大法乘繩鐵索
朽一原秋色鎖城南

應庵塔在天童

一經虎穴差含沙抵死難防毒爪牙痛恨至今埋不
得春風吹血上桃花

密菴塔

大徹何曾有悟門末梢句子果何遵當時晒谷無遺

粒不到窮煎累子孫

破庵塔在徑山

庵破人亡草自春家私無一可區分浮屠三尺高天
下礙塞凌霄峰頂雲

石田塔

三繞蘿龕訴苦情荒田不到少人耕春風契券重抄
藉家住梨花村姓彭

五臺方石

力宏大智關玄關毫涌金光石臺寒照局高樹無一
轉隨方即易人圓難

香山紅土

刻骨寧忘振父恩眼祐愛水地天昏苦心碾盡飛塵
土千手難取墜血痕

白馬經臺

道虛冥漠貴冥心眞僞寧容一髮侵汗血不隨焦土
盡葛藤無影翳黃金

少林影石

隻影孤栖雪窖漫九年無地著羞顏生平缺相終呈

醜。新辭難遮石齒寒。

送長蘆釣藏主

天荒地老熟超宗。落日孤雲眼。空教外別傳。無剩法。長江吹冷一蘆風。

鐵菴

拳頭豎起鈍鋼鑄。打硬承當見幾人。不到潑天爐。藉冷。綉花蝕盡壁痕春。

太原聞梅

老字夢裡錯尋芳。聲色叢中見未忘。二十四橋風信遠。枝枝吹恨不吹香。

大惠謫梅

萬卉叢中獨擅芳。驢人關筆費平章。不因疎放蠻烟外。誰信枝頭別有香。

悼仰山雪岩和尚

雙樹纏悲事可嗟。說無所說太邇遑。業風寒攪雪岩雪。一夜生理小釋迦。

庚寅秋先師絕岸和尚示寂於杭之岑山閣。訃有作。

中
方
羅
丈

岑山雲散月垂秋。澗水哀鳴日夜流。孝順似兒應問見。哭師淚上額尖頭。

密室

單提一句鎖崑崙。據座方方白晝昏。暗地何堪明付授。黃梅放賊自開門。

光首座出世住崇福

首座已出世了也。崇山瑞色擁晴空。自知結得冤憎甚。無怪逢罵雪峰人。

遊古寺三題

風低瑤草暗潮泉。地闢天開見混元。不識此基元已有三登九上。別人門。

文殊臺

寒從雲邊一髮青。高高有路界飛塵。長虹貫日山含影。曲爲黃金一臂伸。

應潮泉

來往如期信不移。石泓澄碧自清漪。山花褪雨浮紅膩。香透尾闈春不知。

友人夜話

涼飈獵獵逗窓紗。枯坐清談際。月斜一語爭機失。回互隔床飛睡濕。燈花

詮上人歸建鄴

家住烏衣夕照濱。客因語別憶閑情。六朝往事嗚呼今古偏。寄長干塔上鈴

東林復上人

一尋寒水鐵橫肩。眼冷南荒瘴雨天。未入門時先識破。衲衣香染晉池蓮

棠溪

靈根一種異春風。曲曲寒流水印空。誰信枝頭香韻少。品題不到浣花翁

芝庭

地靈薦瑞紫英柔。玉砌亭亭爛不收。秀色可餐名可傲。商山尺土富瓊樓

竺鄉

西乾正派許誰分。一法應難舉似君。白日空來知己少。手肩寒重五天雲

月屋

玉斧脩成不記秋。廣寒宮殿冷光浮。漫天門戶無遮。撓普與人間作盡頭

雪村

漫漫大地絕中邊。凍鎖茅簷尺五天。憶得七家茶店裡。夜寒旅枕不成眠

示崇智道者

智莫能知識亦難絲毫纔涉隔重關。山花如錦迷門路。知爲何人一破顏

越州巴上人血書法華經求偈

依經解義蝸涎壁。七喻三迴血聚蠅。吹去萎花雨新好。亂紅零落剝溪藤

和上人五月之江西

江流西去雪濤飛。冷恨胸中只自知。和核和皮親嚙却。孟枝樹下定回時

秦上人回越

秦望峰高雪霽時。古今難換目前機。右軍祠下山如洗。飛筆無鋒冷硯池

雪心

枯木春痕糝玉英。乾坤凍合幾消凝。祖庭寒色誰關。
盧尺寸肝腸。寸寸冰。

高上人回鄉

冷淡相依一夏殘。花根無艷虎無斑。臨行特地相接。
懷主丈今朝恰未閑。

特上人江西禮祖

黃落山山樹色曠。炊巾未易染閑雲。西江法窟名天。
下不是牛群是馬群。

祖維那遊潮之天童

春融澗底玉鳴沙。東望岩層海日斜。路入堆雲寒翠。
裡碧桃看實莫看花。

釵潭

鎖冷無花古意多。影寒誰共照澄波。難淹千尺千霄。
氣秋水一痕霜不磨。

田維那回東林省師

子無板齒父重牙。照影龍媒產漏涯。千古晉風猶未。
歇白蓮香綻一池花。

壁禪人回錢塘

祖道何堪語寂寥。未甘恨逐陣雲消。風前嚙鐵誰明。
旨箭是錢王射過潮。

建上末山長老收月林和尚法衣求偈

丹山隨處著禪房。底事人傳有許長。林月一枝誰寄。
重袈梨猶帶桂花香。

忞上人歸太平

雨過山山暝色開。層鰲一見掉頭回。角聲曾攪禪僧。
夢家近誰樓莫聽梅。

藍田首座遊建

田田藍玉照丹山。劍氣難淹射斗寒。今古溪山今古。
恨夕陽橋影莫凭欄。

悼薦福月禪和尚

薦福碑轟姓字留。楚天空濶句誰收。長竿影冷磯痕。
雪碓水無聲月自鷗。

康上人之浙西

康莊有路任飄飄。秋入空林葉半凋。一點吳雲添客。
恨塔鈴長短送江潮。

悼蔣山月庭和尚

得處何曾負佛心。退耕田地恨難平。從茲荒却鐘山路。秋色淒涼月一庭。

定書記遊浙

紙褻抄來語欠靈。客途緘恨苦連心。雪山姜杏雖無味。爛得人腸毒最深。

士農工商

奮臂名場占榜初。飛騰多是起犁鋤。而今于祿多奇藝。賣賣花窠賤賣書。

文武醫卜

奎星久矣晦寒芒。學劍無成鬢已蒼。四海瘡痍歛無藥。多從龜殼決興亡。

漁樵耕牧

絲輪放罷水浮空。閑撥殘雲拾墜松。擊壤歌喧酣老耳。桃林聲暖卷桐風。

琴碁書畫

絃奏南薰萬物敷。更新局面見賢愚。山川天下一部史。駿索權奇多按門。

小師汝霖遊方

凌晨拄別雪山前。恰值秋霖雨霽天。湖北湖南與麼去。遊方第一莫參禪。

畊隱

荒荒荊棘刺人眸。遁姓逃名恐未休。祖父田園閑契券。一犁風雨回天秋。

荊石

紛紛真偽的難論。玄質憑誰剖化根。老却卞和雙眼碧。白添雲影抱春痕。

搭上人之徑山疊簡虛谷和尚

風雨昏酣苦湊奔。控人一代有龍門。禪床一見便掀倒。劍是黃巢過後痕。

常寂道者求偈

寂然常照照還非。參究須明向上機。一自靈山微笑後。嫩紅不上落花枝。

題呂洞賓

半幅烏紗襯道粧。匣中斗氣冷涵光。蓬萊日月閑羅守。樹老城南酒正香。

明上人歸古田資福善侍者道場

慈明見後便歸鄉。煩子傳言侍者傍。耽著座山無好
味。出爐胡餅飯吹香。

釣臺開上人之浙

半肩囊納下龍臺。剩著閑錢買草鞋。有問南閩消息
子。蒹枝花向雪中開。

益上人回建康半山

茶邊語別意偏勤。客土終難兩地分。鄴上宋家丞相
宅。樓鐘時撼半山雲。

文大師號錦溪

灘流遶岸浸明霞。眼底誰分是漚麻。濯濯一機取萬
像。莫言剪水不成花。

淮上大禪人之天台

西望淮濠隔杳冥。天涯隻影伴孤藤。明朝飛錫亭前
路。看瀑穿雲剩一僧。

傳上人遊方

訊別臨分引話長。具參方眼碧含霜。閩中土豹少行
脚。不出飛鳶是謝郎。

供堂淨髮陳待詔求

精藝家傳壓當行。風蜚寸刃冷含光。山僧毫髮難瞞
汝。舍利雖無却有霜。

贈製僧履待詔

十分時樣帶湖山。線路終難略放寬。一著高人有妙
處。雲根背手蹙飛鸞。

謝南山無言和尚建留香堂

南山鱉鼻毒橫飛。夢裡無言啓化機。曲爲遮頭千載
討。牯牛圈著鎖巴籬。

李白

六合風塵未掃清。酒腸如海破愁城。月沈采石潮痕
落。還似吟魂醉未醒。

杜甫

憂國憂民客異州。塞笳聲裡戍樓秋。浣花寒漲溪流
膩。難洗風塵一掬愁。

東坡

人間得喪果何憑。空裡浮花日裡冰。瓊海不知身是
客。生前慣作水雲僧。

山谷

涪江秋晚日荒荒。逐客閑吟意味長。身後身前一炊夢。鮓魚腥冷桂吹香。

題蒲萄

斜曛弄金柔。剪剪寒棚秋渴漿。魂欲醉夢繞西涼州。翠濕珠露香影瀉。瑤月白。水晶帷幄寒。憑誰喚仙客。

畫鸞

沙降潮落渚郭索。戲蹕蹕酒興誰牽夢。蘆風葉戰寒。努眼資旁行。側蹴波底天。人間湯火沸。不到敗荷邊。

畫鷹

鐵嘴怒嚼金縷柔。英英俊氣思離韜。霜眸一舉勦狐兔。平蕪血冷關河秋。

蓮社圖

圖荒烟老晉封疆。投社人歸歲月忘。利祿難牽香火夢。芙蓉影裡漏聲長。

桃源圖

圖畫溪山足四隣。晴雲難捲洞門春。不因漁棹吹腥網。老却桃花獨厭秦。

寄香城昇長老

憶得相從古澗旁。更深夜靜與商量。天荒地老些子花。藹重城帶雪香。

小師禮周侍者書語錄辨求偈

語言陳腐欠生機。累子編刊數月期。待到糊窓纔生處。方纔此錄話行時。

佛事

璫都寺火

漏灯盞一期滅。碎璫器不是家珍。聖箭子破的橫飛。斷簇難尋去路。瞥轉生死一機。直下急須領悟。倘或遲回。鄉下火濕。帶包火。

悟首座火

了了常知機。機頓悟四十餘年。冷守雪山二六時中。單明此事。只如睦州峻臨濟。問佛法大意。事作麼生。鄉火云。潑油救火。

傳知客火

雨夜讀傳灯傳博極淵源。錯認白是昏。死句終難詮。要會活句麼。鄉火云山。青花欲燃。

琳都寺火

一有多種二無兩般球琳瑯玕鑒下卽易金圈栗棘
吞透卽難重關孕破死海蹈躑躑火依前被熱瞞

珉都寺火

石中有珉絕瑕絕類埋藏九十五年中抵死一槌俱
擊碎擊碎後如何豎火云跳出楊岐金圈火再入
火光三昧

小師成副寺火

親以義重法以情親呵叱怒罵玉汝于成彭脩殤短
一定手數離却愛纏勿懷懼怖師資義斷亦在此舉
骨肉情忘亦在此舉火火裡木人淚如雨

法眷孚首座火

言孚而信行確而端形諸外見之則易虛其中識之
則難香烟起處坐脫立亡則不無先師意作麼生會
啞事可吞炭

宸藏主火來自開先

未離青玉峽袖裡摩尼光絕類暨發烏石嶺袖裡摩
尼親擊碎擊碎後如何火紅爐飛雪陽焰飄波

小師曇侍者火

三年執侍玉無瑕十八春殘一夢賒夢破塵消恩義
斷優曇火裏別開花

法副寺火能闍梨

佛事門中不捨一法千思萬算計較得來抵死護生
有甚麼限般若無舟菩提有岸今日且修火觀

鑑首座火

咬臨濟參黃蘗萬山嶮絕色如墨接雲門嗣雪峰一
徑落花春色濃寂滅相盡生死途窮木人把火燒虛
空

璘淨人火

璘璘非玉碌碌非石黃梅死貨活賣時夜半三更人
不識卽今玉石俱焚時如何火裡烏龜雙眼赤

嚴都寺入壇

進道嚴身去名就實石牕燈盞颺下時幻泡空花復
何物盤骨蛻骨龍眠香霧窟

傳副寺火

直指單傳陳年斷貫索橫拈倒用貼秤麻三斤豎火
這裡豁開死眼火急躑躑身下火白灰輾出紅麒麟

東都寺火

東海潮平西岩月皎。遍花滅盡光境忘三際空來一
昏曉。是則是只如楊岐。逼慈明。晚參事作麼生。獨火
近火先焦。

傑維那火

江上青山屋頭春色一語傑出叢林千古翻成芽孽。
傑維那葉落歸根見得親火裡花開色如鎖。

荊溪玻都文火

石澗冰生荊溪月白。楊岐鬼眼豁開時。玉石依前難
辨別。只今玉石俱焚時。如何。獨火散作玻瓈成五色。

仁都寺火

打圓相喚者个作金剛圈得麼。仁者見爲之仁。打圓
相喚者个作栗棘蓬得麼。智者見爲之智。全死全生。
無是不是。獨火火裡唧唧。吞鱗鼻。

瓊堂主火

瓊樹花殘。虎窟堂漏。靜風火無常。掃除幻境。獨火眼不
見爲淨。

瑤法公火

無主

老不傳衣守死善道。瑤池月冷轉身時。活句依前猶
欠悟。打圓相便向者裡悟去時。如何。獨火乾茅引火
夢都寺火。

楊岐的旨了無要妙。大夢忽醒時。古今一昏曉。掀翻
圓覺伽藍時。如何。獨火順風縱燎。

證寮無火

意絕攀緣。道無修證。認影迷頭。通身是病。某人蒼蘂
花開。鐵樹春香。艷不隨風火盡。

恠石珍首座火

片板橫擔絕世高。古虛空撒手便行時。大地山河無
寸土。一物長靈不墮生。死。獨火火雲影裡恠石露。

樞局主火

密運樞機。未忘局量。千思萬算。計較得來生死無明。
轉增妄想。只如不落心思。意思一句又作麼生。獨火
火曰炎上。

睿上人火

知幾其神。惟睿作聖。喚作及第。心空未是。尅期取證。
掀翻圓覺伽藍時。如何。獨火火出木盡。

隆上座火

大地隆平。虛空凹凹。踏翻死海。浪翻空驚起泥牛雙角折。別別。鄒下火日裡藏冰火中釣鯢。

良監糧火

善性良心。明因識果。捱到吹糠著米時。一覺黃梁甜夢破。便與麼去時如何。鄒火烏龜向火。

因監糧火

數米量柴。將勤補過。死盡偷心。急須頓悟。何故因風吹火。

小師太上座火

大初冥冥。至理淵深。會則目前。包裏不會。則生死漂沈。師資義絕。玄路難尋。且從火裡別真金。

西翁梵西堂火

知音何來。真空何像。散席參方。究竟得明。生死無明。轉增虛妄。何故火無西旺。

璋首座火曾住院號錦溪

我首座已出世。錦濯溪流波已逝。我首座已行脚。珪璋也要重磨琢。道絕功勳情忘鑑。覺鄒火焰冷紅爐。

雪花落

了首座火曾住翠林清溪

提爲人句。翠林倒影。環清溪。拶嶮崖。機水激寒泉。喧古澗。塵境空寂了。無常地。水火風眞卽幻。只如睦州接雲門。嗣雪峰。又作麼生。鄒火雪中送炭。

日法公火

黃梅昔日傳。依不傳法。雪峰今日傳。法不傳衣。是法非法了。無異見。死句活句。惟已自知。鄒火何須秉火情人題。

同都管火浴中死

同聲相應。飛聖箭。密露全鋒。同道方知。逗晚參暗中藏。毒無生。國裡一笑。飄身生死海中。未離垢濁。鄒火水浴何如火浴。

落髮

殿前草無明。草剗盡。時色窮。歸皂珊瑚樹。林月杲杲。寸刃拈來。寒光燁燁。盡淨剗除。纖毫。不立雪裡一花開。五葉。

付衣同附六人

鷄足底黃梅底暗合明投無是不是全身任重時如何六人成大器

一絲繁重不傳而傳要求密密在汝邊付袈裟云袈裟搭在肩

自讚

潮州廣法文長老請讚

法不可傳文不加點嗣永元學拙於愚據雪山道無兼善聲震海陽一新聞見潭裡鱗魚眼如電

三峰定長老請讚

金欄擁座玉塵談空定其宗如雲門之有文遠唱其道如慈明之有黃龍住山有前輩之古執應世無今時之變通秉權衡於量外欠繩尺於胸中似此絕標致誰能躡其蹤雲外三峯從碧穹

雲門彬長老請讚

道絕古今機全殺活笑會郎曾來千五衆木杓欠長鄙洋嶼打發十三人竹篋太短非色非聲滿耳滿眼雲門一曲江風暖

● 視音明長老請讚

● 視字原本
不明或觀歟

機兮默默用兮冥冥攬螺江慣將折筇釘虛空不□寸丁即真即假非色非聲明月半懸梅影橫

小阿應天貴長老請讚

嚴冷難親溫良易見歷浙訪道尋師歸闕授宣住院恢大中之道洞徹玄微續雪嶠之灯光明發現無師之智孰盡其善克家有子貴宜得賢一滴寒泉浪拍天

興福煜長老請讚

氣宇閑澹面目巉岩出林白頰腥風莫掩磨牙鱗鼻毒氣正酣描寫不得青出於藍煜煜星光輝斗南

寂藏主繪像請讚

智無師授學有專愚放出南山鱉鼻生擒南海鰐魚似這模樣其誰與俱何堪赤手捧天書

小師正心藏主請讚

口毒心慈氣嚴貞古嗣永元不識佛心膺宣命對揚萬子有胸中全屋之規模無蓋世驚人之名字何消描摸向人前殆似攘羊證其父

外甥正韶都寺請讚

遠之而冷。卽之而溫。續廣陵道。散音諧韶。護滅中峰。
滅碎沙盆。渭陽正派。其來有源。一滴寒泉。四海分

梅石宋宣教眞贊

鴈塔無心。雞窻有意。百稔猶幻。兮傲時粧。糠三教精。
研兮洞明。一理肝腸。鐵石主老。難移平生。心事梅花。
知

平村李郡馬眞贊

巾籠犀頂。秀挺芝眉。卜重城之隱。易書質屋。賦盤谷。
之歸。疏泉鑿池。炊夢忽醒。人世已非。桃源花。靄春枝。
枝

橫秀陳宣教眞贊

山雲癭而秀。橫池月清而鏡明。詩禮傳家。兮禮席春。
暖。湖海延士。兮陳樓晝晴。後學模範。尙有老成。故家。
喬木干雲青

東禪方岩和尚像請贊

岩岩偉瞻。隆隆顯擢。笑談融度外之町畦。英特絕今。
時之作略。閑居山之雲影。自捲舒。麗覺城之月輝。流。
海嶽。勾下丹青。機先描摸。重重烟水。昏樓閣。

送乾維那遊方

乾坤今古日月明。山川不逐郵傳更。肩磨踵接烟塵。
腥。沙空漢冷鸞鳳冥。冥洞桃未到。春葉零。野草幾見霜。
叢青壁根主丈。□跳。鳴。芒鞋背。蹙。鴛。繩。了。無。一。語。
堪。將。行。晴。雲。倒。影。灑。玄。泓。

送劒上人歸嚴州

一錫朝離澗。泉曲涼空。一雨收殘溽。雪峰法道。今何。
如。但言粥足飯亦足。衲僧無營亦無欲。自家水牯自。
家牧。釣名釣祿兩茫茫。茫月浸嚴灘半釣玉。

寧上人回泉州

雪鰲去天無一握。南來北來難湊泊。南山鰲鼻老磨。
牙。南山白額頭帶角。上上人一見便面頭。甘草何曾輕。
動。著烏藤拗折到家時。洛陽月冷潮痕落。

壽上人歸杭州

上人久別西湖秋。一筇來作南州遊。青山在在栖棘。
開。樓閣處處昏鴉投。寒泉收聲鐵虬蟄。枯木春老苔。
花收。參須自參急著手。大法誰爲正宗壽。心花忽爾。
發現時。桂子香飄月如晝。

明藏主回潮陽省師

向來別我鰲山巔。今復見子逾十年。孤筇冷挾北山雨。義袂香染西湖蓮。倦遊懶作吳楚興。歸夢飛逐炎雲邊。參方貴展極則事。圓相不用呈師前。老余清興不可到。瘴霧不礙雙眸懸。韓公書堂灯火靜。唐栢黛色應參莧。

送先藏主重建那羅延窟

南方法窟那羅延。法師無表名始傳。慈雲不遂野雲散。雜花濃染岩花鮮。木欄匝鎖竺梵古。鯨杵時撼蒼龍眠。岩房掩寂曉色暝。朴握暖附寒孤禪。銅瓶和月汲潭淥。瓦甌敲火燒松烟。千村萬落信脚到。杖頭三合休論錢。巖中勝絕神蜚越。何當一策登窮巔。經臺分我一笑暇。老輿引手摩青天。

恭侍者求遊方

癡雲蔽天苦冥漠。覺苑花殘寒色惡。百城煙水空微茫。善財處處失樓閣。朝來有客來潮陽。鰲海波中見頭角。誰家蠶蠶應最深。覓我遍參語一則。欲書無語堪描摸。四簷淒冷簷花落。

到方山寺

方方屹立山如屏。野色浮膩泉石清。舍桐蛻子朝露冷。草豈綻英秋香零。蛇村鼠落俯脚底。迥隔凡俗烟塵腥。我來似與小有約。呼應萬象天風鳴。可人景物雙眼明。半窻日色山雲青。

仰山彥書記之徑山

昔年曾飲姜杏盃。香浮雪谷飄輕雷。城南鍾瑞見英秀。百草不敢爭春魁。潮平三山暝宿霧。雨閉樓閣昏腥埃。適途堪斧聲方閑。明窓有意何當開。滿襟吳楚賁舊恨。秋興入夢無遲回。龍門一代爭仰止。招隗正築黃金臺。

中原寶首座之淨慈

行行吟踏吳楚雲。一夏兩錯應休論。袖中自有中原價。溫粹孰剖玄無根。青山不斷行客路。樓閣深閉誰家門。金波湧滄葑痕。合梅香柳影空黃昏。

楠藏主回浙

澗泉鳴秋聲。歷歷烏石摩雲色。如鉄枯木凝春夜。定回方池蘸月涵。虛碧宏開藏海花。重真機演出還

演入司其鑰者喜得人。不獨有權。應有實。梗楠杞梓。
法棟梁。火棗交梨。意荊棘。功成解印。湖山秋柳。影梅。
香舊知。識老我。炎雲潤雪。演吳楚。相望與何。極臨風。
重索餞行篇。一語欲書還住。筆玉泓。飄水浪如。激簷。
松吹香翠欲滴。

蓬萊清水遠庵主

老禪清水庵中來。氣挾清水無飛埃。一從識得庵中。
主。花片不染庵前苔。胸中妙應有活法。粒米不蓄兼。
蘆柴。老來了却行脚。債幾辨布襪。隨青鞋。毳門無關。
鎖。限古印壇瑞靄祥烟開。漲波梅雨。激泉澗。倚天金。
碧飛樓。臺好山抵事不少。駐歸棹。苦逐安溪。回炎雲。
引首一笑。活人間。何處非蓬萊。

寄潮州東齋先生

古今宗教師昌黎。首以文學鳴海湄。古瀛禮樂盛化。
地。瘴雨不洗眉山碑。地靈薦瑞天不斬。爛爛照海奎。
星垂。齋名以東慕東魯。學古心古時難移。會堂克家。
侍鰲頂。極口公道談公詩。老余深樸髮如雪。何當一。
見掀雙眉。雲橫烏石鎖。壁立怒漲古澗春。泉肥臨風。

奮筆徒依依。寸心遠逐炎雲飛。

無藏主遊浙

當時錯聽小艷詩。藏海揭飄難洗耳。聲塵消盡義路。
忘今古。互融冥一理。吳雲楚水清興長。寓目溪山休。
寓意平田淺草須隄防。不到大虫老無齒。江空歲晚。
茲何時。力道勇決無遲遲。臨風一語難上紙。四簷擁。
雪梅花飛。

小師奉維那遊浙

凌晨炷別澗泉曲。切齒臨風無別囑。冲雲有志合奮。
飛屋頭春色休馳逐。溪藤書偈推晴窗。簷竹飄寒散。
騰六。諸方五味正炊香。老僧一味拈不出。罷參畢事。
却歸來。地爐待子煨蘿蔔。

贈畫士

有客有客來城隅。袖裡秘揀丹青書。胚奪造化胎元。
樞妹陋一髮窮緇。銖愧余深樸雪滿顙。龜裙寒染山。
雲曜筠簷閣雨松烟。疎生綃半幅毋勞舒。渠今非我。
我非渠。太虛無影澄水壺。山林鍾鼎分已殊。大手留。
寫夜烟圖。

竹房開首座回建之大中

竺瑄芳披花雨。紅天風剪水春光融。上碑字可師前。
哲嶮崖句。拶機全鋒。峰頭數載。閑相從。極口每見高。
誼隆。亭亭玉立竹房。竹靄靄香挹松山。松朝來語別。
情冲。冲碧水遠。激寒流。淙難兄難弟。無所擇。迎門一。
笑。懽相逢。爲余久踈多致。恭尺箋不敢干飛。鴻期將。
此道恢大。中澗水喜躍龍潭龍。

樵隱和尚語錄卷下終

海印昭如禪師語錄

元

行海
印昭
純如

等撰
編

海印禪師三會語序

至大戊申夏。巽申爲先母丁夫人作孟蘭盆齋。請慧
力海印禪師。舉揚次得侍師。萬松間熟譚累日。師大
見器。謂爾宿命。中來從容往復。嘗舉不爲說破。一則
笑云。將謂老僧別有自爾深契。明年余涉北師。去住
江東。薦福泊余還山。師亦歸憩寶林。屬疾遣僧持寄
手書一偈。末曰。妙轉機先。曾領略東軒。一月古今明。
蓋師嘗讚先君武城郡伯遺像云。古今天地月照東
軒。先君捐館日。嘗頌有曰。淩風而行。秋月中天。師意
□□在三之義。古今一揆。感念罔極。涕淚交零。昔湛
堂□□塔大慧請銘。無盡居士承問。眼睛不壞
□□□□遂云。這金剛□□□□□□□□
□□□□吾師今之湛堂也。若夫金剛眼□□□□□
久矣。師語錄乃其徒行純所輯。將刻布□□□□□
俾書。館遠求序。引固雖莫措一辭。而誼無□□□
噫。第一義非言說。豈智知識。識及思量分別之所□
解哉。師之道猶水。循器有言。此水之方者圓者曲者
直者大者小者。是其器自殊。非水之有二也。觀是錄

者無局其器。則後五百年以海注海。否則自纏葛藤。
猶沐漆而求解也。

延祐四年七月 日翰林 國史院編脩官曾

巽申序

海印和尚語錄

目次

序

袁州木平興化禪寺語錄

臨江瑞筠山慧力禪寺語錄

饒州東湖薦禪寺語錄

頌古

偈頌

佛祖讚

自真讚

跋

法語

小佛事

塔銘

跋

海印和尚住袁州木平興化禪寺語錄

門人行純集

師於至元十九年四月十五日在仰山首座寮受請入寺指法座云三世諸佛行不到處天下老和尚說不到處今日新木平一時舉似諸人去也驟步便登祝

聖罷復拈香云奉爲我見住大仰山

宣授慧朗大禪師雪巖和尚用酌法乳之恩乃歛衣就座僧問三世諸佛行不到天下老和尚說不到好入天法座前請師一句分明道□□□□□□□□

祝聖海衆咸臻學人上來請師

□□□□□□□□

德山河壯 帝居進云祝

聖已蒙師指示向上宗乘事若何師云此□□□□遠進云恁麼則言言見諦句句朝宗去也師云也是尋常用底進云此事且止只如昔日大禪佛到仰山遶繩床三匝振錫一下翹足而立云西天四七也與麼唐土二三也與麼天下老和尚也與麼和尚也與麼某甲也與麼仰山打四藤條意旨如何師云分開

秦華裂破黃河進云大禪佛後至霍山云集雲峰下四藤條天下大禪佛參霍山喚維那打鐘著大禪佛便走又作麼生師云賊是小人智過君子進云後來雪竇道藤條未到折因甚麼只打四下又且如何師云左半斤右八兩僧云只如和尚親見仰山且道與大禪佛相去多少師云山僧是新淦人氏僧云與麼則今古應無異分明在目前師云大遠在僧禮拜師乃云我此法印爲欲利益世間故說謹護秘藏勿妄宣布今日豁開錦縫文彩全彰不問情與無情一印印定直得石頭佛迴避無門鉢盂峯包裹不及正與麼時還當得出世邊事也無良久猶握金鞭問歸客夜深誰共御街行

舉開山道禪師初參洛浦和尚問一漚未發時如何辨其水脉浦云移舟諳水勢舉棹別波瀾道不契後參蟠龍文禪師復理前問文云移舟不別水舉棹即迷源道當下大悟師拈云二大老雖具辨龍蛇擒虎咒眼目未免和泥合水道禪師與麼悟去也是泥裡洗土塊新木平與麼點檢還有出古人見處也無大

海若知足百川應倒流

上堂一漚未發地闊天寬山雲冉冉澗水潺潺向者裡見木平卽易見眞寂卽難何也江南地暖塞北天寒

留兩序上堂不舊不新不進不退天以之而覆地以之而載雖然堯舜之君猶有化在

上堂僧問記得昔日僧問開山和尚如何是木平答云不勞斤斧意旨如何師云妙手畫難成進云其僧又問如何是不勞斤斧答云木平又作麼生師云猶有圭角在僧禮拜師乃云破有法王出現世間驚拈主丈主丈是有卓一下卽今破也還見法王出現麼靠主丈疑殺天下人

上堂謝廣南海藏主鎮海明珠光生宇宙馬祖甌月南泉拂袖只如經歸藏禪歸海又作麼生一條官驛路今古有人行

臘八上堂六載雪山穿衣露肘午夜明星指槐作柳便道如來智慧德相大地衆生具有也是自揚家醜宜乎雲門一棒剛要打殺與狗啞負恩者多知恩者

少

出城歸上堂惟此一事實餘二則非眞空山白雲關市紅塵天高無極地無垠鎮州蘿蔔重三斤

上堂二月過三月來千紅萬紫雨洗風摧瞥見空山晴畫綠楊影裡一樹白桃開風前凝佇小徘徊呵呵呵無人知此意獨上高高臺

上堂如來禪祖師意鷄寒上樹鴨寒下水怎麼也是不恁麼也是恁麼也不是不恁麼也不是諸人向者裡瞥地方知道拈却鼻孔將甚麼噴嚏

上堂禪非坐臥亦離功勳道無取捨全超見聞說甚栢樹子乾屎橛麻三斤三世如來一口吞眞箇那只聞其語不見其人

祈雨上堂炎炎六月雨竟未通拈主丈卓一下鞭起碧潭龍三日爲霖兮時和歲豐咄

七月初一日上堂動絃別曲以拂子擊一下還聞麼葉落知秋以拂子拂一拂還見麼縱使離聞離見不見不聞猶隔青山幾點雲

解制上堂驚雪通身白臘人全體水顏然無伎倆直

下絕功勛索索西風倚瘦藤靜看山南山北起寒雲
上堂見聞之內動靜之中取之不竭用之無窮日午
炎炎畏日夜深颼颼涼風竹籬頭壁角落漸聽啾啾
唧唧鳴秋蟲

上堂舉白雲端和尚初參楊岐會和尚會問云聞汝
師有悟道頌試舉看白雲便舉云我有神珠一顆久
被塵勞關鎖今朝塵淨光生照見山河萬朵會乃大
笑白雲懷疑通夕不寐次日入室啓問時方歲暮會
云汝見昨日打夜狐底麼云見會云汝一籌不及他
他愛人笑汝怕人笑白雲言下大悟師拈云郁山主
拾得一顆豌豆喚作明珠引得白雲懷爲至寶不消
楊岐輕輕點破分文不直前面未免疑殺天下人後
面笑殺天下人點檢將來直是好笑何也握土爲金
猶可易變金爲土却還難

上堂舉阿難問迦葉世尊傳金襴外別傳箇什麼恁
麼問卽易相續也大難迦葉召阿難阿難應諾迦葉
云倒却門前刹竿著大小迦葉師兄被阿難一問直
得分踈不下後來汾陽和尚道不問那知且莫詐明

頭五祖戒和尚云露錯翠巖芝和尚云千年無影樹
今時沒底靴看孔著楔有甚用處勸潭清和尚云刹
竿未倒穿却汝諸人鼻孔換却汝諸人眼睛刹竿倒
後甚麼處見釋迦老子割性空觀和尚云是什麼說
話如今要問諸方倒却門前刹竿著還當得教外別
傳旨趣也無懸羊頭賣狗肉諸大老雖則提持向上
巴鼻未免隨語生解木平別無長處也要與古人活
一隻眼薦拈主丈卓一卓疑殺天下人

臨江瑞筠山慧力禪寺海印和尚語錄

門人 道彰 集

天壽聖節上堂僧問記得太宗皇帝問僧近離甚處
僧云臥雲太宗云臥雲深處不朝天因甚到這裡僧
無語此意如何師云乾坤収不得宇宙不知名進云
後來雪竇代云難逃至化又作麼生師云金屑雖貴
落眼成翳進云只如今日

天壽聖節未審和尚將何祝贊師云合國咸知進云
龍得水時添意氣虎逢山色長威聲師云高高處觀
之不足僧禮拜師乃云天得一以清地得一以寧君

王得一而天下大治。且道一從何起。卓主丈大哉乾元萬物資始。

上堂有句無句。如藤倚樹。樹倒藤枯。因甚三千里外。賣却布單。遠來放下泥盤。呵呵大笑。毗婆尸佛早留心。直至如今不得妙。

浴佛上堂。未離兜率已降王宮。未出母胎度人已畢。釋迦老人還有出沒處也。無惡聲惡跡。洗難清雲門。有令不虛行。下座詣佛殿普請。大禮三拜。與他一時蓋覆却。

結制小參。護生須是殺殺盡。始安居鬼窟裡活計。會得箇中意。鐵船水上浮。也是強說道。理瑞筠門下一任龍蛇混雜。凡聖交參。不揀甚麼昆蟲草木。有情無情。同入清淨覺海。游泳平等。性智契飯底。飯底睡底。瞌睡卓主丈。清平世界無閑地。

次日上堂。瑞筠一關似乎等閑說。時則易透。却還難。青蘿黃綠。直上寒松之頂。白雲淡泞。出沒大虛之間。我今爲汝保任。此事終不虛也。忽有箇漢不守聖制。不住伽藍。却如何指示。卓主丈喝一喝。

上堂。進一步。銀山萬仞。退一步。鐵壁千尋。正與麼時。諸人若知有轉身句。便見澄澄江月。廓爾全彰。浩浩松風。熾然常說。良久。大小瑞筠話作兩橛。

上堂。結夏過半月。那事如何說。寒山子水牯牛。蠟人水鵝。護雪總是鑽空。覓穴。諸方難見。易識瑞筠。易見難識。直饒萬緣休罷。一字不留。擬議不來。青天霹靂。上堂問著。不知拶著。不會至理。玄關泥團土塊。知不知。會不會。白雲盡處。是青山。行人更在青山外。

上堂。舉盧祖得法後。未剃落。寓廣州法性寺。時風颺刹旛。一僧曰。風動。一僧曰。旛動。諍論不已。祖曰。還許俗流忝預高論否。僧云。可。爾祖曰。不是風動。不是旛動。仁者心動。二僧息諍。今日不肖兒孫。點檢將來。盧祖雖能息二僧諍。要且不能使二僧活。若是瑞筠。則不然。拈主丈示衆云。亦不是風動。亦不是旛動。亦不是心動。擲下主丈。是什麼。

散青苗。經會上堂。依經解義。三世佛怨離經一字。卽同魔說。只如瀉山和尚問仰山云。涅槃經中。多少是佛說。多少是魔說。仰山云。總是魔說。到此如何甄別。

銀碗裡盛雪。無智人前莫說。打伊頭破腦裂。

示衆身要端。坐要直。十二時要純。一提箇無猛著力。如一人與萬敵。忘情謂絕氣息。冷泠泠空寂。寂三大劫。只一念四大海。只一滴昏與散。無蹤跡。佛與祖。休尋覓。動與靜。定乾坤。照與用。轟霹靂。能與麼。參學畢。元來自己便是生鐵壁。鐵壁鐵壁。

上堂。流汗不徹。揮扇不徹。蒸然打著箇豹脚花蚊直得通身順快。歡喜不徹。所以道殺盡始安居。諸人警不警。瘧子得夢向誰說。本人笑得口脣裂。便與麼會去。是真作家。不及詣索。陳謝下座。巡堂喫茶。

解制小參。九旬禁足。魚投網。浪錦鱗。猶帶水。三月安居。鳥入籠。摩霄俊翮。尙迷雲。生殺盡時。盡作繭纒。有所重。便作窠。白如何透得這三重。說甚三重百匝千重。一時俱透。驗蠟人冰與不冰。憐鷺護雪而不雪。總是家常日用邊事。如今三期已滿。萬行自圓。諸人到此。還知時別宜麼。一葉落。天下秋。水光雲影。天悠悠。卓主丈負命。誰來上直鉤。

舉東山空禪師示衆云。百鍊黃金鑄鐵牛。十分高價。

與人翻庭前不有花含笑。又是東山一夏休。師拈云。空禪師與麼道。大似東頭買賤。西頭賣貴。多處要添少處要減。未免價數不登。商量不圓。瑞筠一夏。隨分攤出。寒山子水牯牛。蠟人冰鐵彈子。同諸人開鉢共飯。不作賤。不作貴。東行不見西。行利有利。無利不離行。市瑞筠便是。極與人也沒要底。啞見之不取思之千里。

次日上堂。解開布袋口。南北路頭通。十方無壁落。三界絕行蹤。西者西。兮東者東。雲水自重重。

上堂。信脚行。信口道。用處不須生。作造。驚然踏著伏馬橋。不覺撞得破。龜墮纒與麼不與麼。却憶歸宗曾有言。頭陀石被莓苔裹。以拂子擊繩床下座。

上堂。猿抱子。歸青嶂。後鳥啼。花落。碧巖前。二十年只作境會。錦遮機。弄又云。既不作境會。畢竟作什麼會。鐵裹泥團。華梵不可譯。呼應有來端。瑞筠門下毫髮難謾。何故闌干。雖共倚。山色不同觀。

上堂。僧問。昔日僧問投子。大死底人。却活時如何。投子云。不許夜行。投明須到。意旨如何。師云。南天台北。

五臺進云。學人不曾師云。晝打三千。暮打八百。僧禮拜師。乃云。言跡之興。異途之所由生。言未興跡未形。無內無外。無彼無此。無遠無近。無一絲頭不現成。及乎卽內卽外。卽彼卽此。卽遠卽近。繁興妙轉。不留情正與麼時。如何通信。乾坤收不得。今古不知名。

上堂。似有似無。半真半假。疑殺天下人。不在之乎者。十二時中。須知自己落處。若也知龜蓋淡飯。且與麼過。若也不知。白日青天。切忌瞌睡。

上堂。莫行心處。路莫掛本來衣。何須便恁麼。切忌未生時。莫行心處。路。擬心卽差。動念卽隔。只如不擬心不動念。還有心處。路麼。言語道斷。心行處滅。卽是不行心處。路。旣不行心處。路。便是掛本來衣。便是墮落在解脫深坑。可畏之處。古人謂之墨汁。謂之黑山。又謂之貼肉汗衫。學道之士。十箇五雙。到這裡脫不下。直饒暫時脫下。觸目遇緣。便恁麼去。只似順水推舟。不諳水脉。隨波逐浪。不覺不知。流入毒海。所以道。何須便恁麼。切忌未生時。未生時也。無佛也。無衆生也。無人也。無我也。無彼也。無此也。只麼渾然。好箇真淨妙。

明廣大圓攝境界。又不可坐那裡。謂之座在解脫勝妙境界。到者裡。須知有轉身一路。始得。且如何是轉身一路。良久。任從滄海變。終不爲君通。

上堂。山前一片閑田地。叉手叮嚀問祖翁。幾度賣來還自買。爲憐松竹引清風。老東山和尚。與麼投機落草。不少諸人。還點檢得出麼。山前一片閑田地。不立一塵空界。至叉手叮嚀問祖翁。了無南北。與西東。幾度賣來還自買。不知却有何憑據。爲憐松竹引清風。祖禰不了殃及兒孫。黃梅老人。早是引蔓牽枝。瑞筠不肖。向枝蔓上添芒索。每日與諸人。從朝至暮。從夜至旦。見諸人不昏不散。便把這索子。一掣教你不坐在淨地上。抱不哭孩兒。諸人卽昏卽散。便把這索子。一掣教你不得和泥合水。指鹿爲馬。諸人若總不與麼。到這裡。須要認得祖翁面目。是。同是。別。一回親見面。千載永難忘。復云。無一法從外而入。無一法從內而出。無一法和合而生。無一法自然而成。亦不見有生相。亦不見有住相。亦不見有異相。亦不見有滅相。於此覺得轉得。猶是以楔出楔。不以楔出楔時。如

何兩頭俱坐斷一劍倚天寒

上堂雲悠悠水悠悠挑囊負鉢今日明朝撞著荒村
破院白滴滴清寥寥滴斷離腸點點愁夜雨通宵
上堂秋風蕭蕭黃葉飄飄來不在挽去不在招我且
問你世間與麼廣濶因甚向鐘聲裏披起七條

上堂要識金剛圈以拂子擊右邊只者是要識栗棘
蓬以拂子擊左邊只者是吞得透得無是不是瞎驢
曾受靈山記

施主入山齋僧請上堂實際理地不受一塵般若如
大火聚四面無可入佛事門中不舍一法般若如清
涼池四面皆可到妙在轉處擬思即差機不離位墮
在毒海直須一明一切明一見一切見一照一切照
一了一切了如虛空廣莫廓然有容如大地載持圓
攝無際弗踰日用弗異劫初越去來今斷言語道實
地履踐還得與麼相應麼還得與麼受用麼卓主丈
努力今日須了却莫教果劫受餘殃

舉昔日婆子入南泉齋僧維那爲婆請意旨回向婆
將鬢邊梳子插向後歛手而退維那罔措婆云回向

已竟瑞筠今日因齋慶讚輒成一頌插梳歛手退身
時此意明明會者誰一段風光亘古今看來只許老
胡知

冬夜小參白銀世界金色身無爲無事人情與無情
共一身空花結空果何況黑夜見電光白日開眼夢
大海中鑿井虛空裡夾界更或瞞瞞預預籠籠侗侗
逐寒暑變遷說陰陽消長見聞不脫聲色未忘譬如
澄清百千大海棄之惟認一浮漚體目爲全潮政好
喚起來打衆中忽有箇伶俐衲僧出來道瑞筠棒教
誰喫按主文昨昨三十年後不得錯舉

次日上堂擬學佛法被佛法縛擬學玄妙被玄妙縛
擬學古今差別言句被古今差別言句縛坐被坐縛
臥被臥縛寂寂惺惺昏沉散亂被寂寂惺惺昏沉散
亂縛靜被靜縛鬧被鬧縛迷被迷縛悟被悟縛殊不
知縛卽是解解卽是縛豈不見道執之失度必入邪
路放之自然體無去住任性聽其逍遙隨緣縱其放
曠山僧等是入泥入水向你道自生至老不是別人
陰極陽生不離當處有佛處不得住無佛處急走過

三千里外摘楊花。攬主丈耶耶。

除夜小參。前日立春已了。便合呼爲新歲。今宵未到五更。依舊只成殘臘。且烹露地白牛。炊無米飯。向無煙火。唱村田樂。離見聞絕知覺。樓頭已動梅花角。正旦上堂。乾坤開旦。宇宙回春。瑞筠主丈子。全露法王身。百億須彌日月壽祝。

聖人曰。新日新日新。

上堂。松風清江月明。不是色。亦非聲。從來共住。不知名。庭前栢樹子。乾屎橛。麻三斤。啞水上青青。綠元來是浮萍。

上堂。此道出平常。言疎意自忘。水落石頭出。松高風韻長。休於人領會。莫作境商量。初機晚進。切忌承當。何故。曾經三峽猿啼處。不是行人也斷腸。

上堂。流泉是命。湛寂是身。千波競湧。是文殊境界。一亘晴空。是普賢床榻。流泉是命。無間斷。故湛寂是身。無起滅。故千波競湧。是文殊境界。大智普應。故一亘晴空。是普賢床榻。大行普明。故無間斷。無起滅。大智普應。大行普明。塵塵刹刹。爾爾法法。爾念念爾。如理。

卽事如事。卽理無理。外之事無。事外之理。僧是僧。俗是俗。山是山。水是水。南山起雲。北山下雨。山河大地。點頭草木叢林。歡喜畢竟。承誰恩力。擊拂子。逢人但恁麼舉。復云。白蘿。葡萄花露。滴滴碧。蕊。薔草香。漾漾。田地更無塵一點。是何人合住其中。且道其中事作麼生。東西十萬。南北八千。畢竟住者是誰。薦拈主丈示衆。我不敢輕於汝等。汝等皆當作佛。卓主丈下座。上堂。坐斷十八灘。無風波。匝到此。擬參尋。却下虛空關。也不負來機。有轉語。誰答。久雨不晴時。如何割結。制小參直下。便是早涉。賺纖格外。全提翻成。露布威音王已前。無師自悟。是第二頭。然燈佛以後。得記相傳。是第三首。黃面漢到這裡。迴避無門。碧眼胡結舌。有分。掃蹤絕跡。不落今時。放去收來。卷舒在我。長期一百二十日。畫地爲牢。諸人一日十二時。有死無犯。懸崖撒手。自肯承當。絕後再甦。欺君不得。灼然真箇與麼。瑞均却不放過。何故。棒頭有眼。明如日。要識眞金火裡看。

舉圓覺經云。居一切時不起妄念。於諸妄心亦不息。

滅住妄想境。不加了知。於無了知。不辨真實。頌云。風搖楊柳春欹側。雨綴松筠露正斜。白鷺下田千點雪。黃鸝上樹一枝花。

次日上堂。凡聖情盡。體露真常。理事不二。即如如佛。東弗于逮。南閻浮提。西瞿耶尼。北鬱單越。若凡若聖。有情無情。總在瑞筠拂子頭上。共住圓覺伽藍。發明平等性智。非不是。不是拈却鼻孔。諸人向什麼處出氣。擊禪床參。

晚參。示衆登山須到頂。方見宇宙之寬。廓人海須到底。方見溟渤之淵。曠參禪須是悟。乃透佛祖之玄關。見性須是徹。乃超魔外之機智。四箇之字。有權有實。有照有用。有與有奪。全今全古。全主全賓。全生全殺。五千餘卷。藏教千七百則。葛藤總不出箇之字。未說以前。既說之後。正說之時。却又如何發明達磨大師。一日。謂門人曰。蓋各言其所得。道副出云。某甲所見。不即文字。不離文字。而爲道用。不快漆桶。尼總持云。某甲所見。如慶喜見阿闍佛國。一見更不再見。不快漆桶。道育云。如某甲所見。四大本空。五陰非有。無一

法。可得不快漆桶。二祖禮三拜。依位而立。不快漆桶。大小達磨。被二祖三拜而立。打箇脫空。乃傳衣鉢。失却一隻眼。也。只如當時道副。道不即文字。不離文字。與二祖三拜。依位而立。相去多少。如今一輩知解宗徒。總作實法商量。疑誤後人。瞎將來眼。將謂道副。道不即文字。不離文字。是果得其皮。以至如慶喜見阿闍佛國。一見更不再見。與四大本空。五陰非有。無一法可得。是果得其肉。果得其骨。殊不知達磨大師。將西天帶來底正傳衣鉢。覲面分付了也。却是斷臂神光。聽事不真。喚鐘作甕。山僧適來提起箇之字。打破是非。掀翻得失。使諸人智眼洞明。照今照古。分別邪正。豈拂云達磨大師來也。分皮分肉。分骨分髓。作麼生。辨擊禪床。切忌刻舟求劍。

解制小參。我眼本正。因師故邪。邪師過謬。非衆生咎。灼然棒打石人頭。曝曝論實事。天高地厚。夜暗晝明。暑往寒來。花開葉落。物物頭頭。一一明了。至於折旋俯仰。見聞知覺。行住坐臥。是皆是我。不是別人。得非我眼本正。無端佛祖出興。道有道無。道是道非。說體

說用說玄說妙全提半提如擊石火閃電光便見一大藏教千七百公案誤賺後學向語言文字中著到被語言露布縛作一團如羝羊觸藩進不得退不得從生至死撥剔不下化作一堆灰流入六趣爲生死漂蕩得不是因師故邪邪師過謬叢林中一等兄弟已眼未能明只要作箇坐禪辨道名色一味向傳燈統要大藏一覽高僧傳法苑珠林東連西連連得一擔磚頭瓦礫塞在肚皮裡秘若差珍異寶開箇賣蒲團鋪席正因行脚乍入叢林兄弟被勾引入草窠中教伊休去歇去一念萬年去枷上添枷扭上添扭若拈出許多磚頭瓦礫與伊說因說果說善說惡或然指或煉臂絕佛種性造地獄因是爲可憐愍者不道你全不是只是脚跟不正連枝帶葉一時不是了也你若直下一刀兩段連枝帶葉總是旃檀沉水何處有是有不是底消息如水銀落地顆顆皆圓只爲你要求速効便被者惡知惡覺坐在八識田中如油入麵永取不出兄弟切莫要求速效亦莫問佛問祖問我問他但只盲頭單提一箇無字忽然觸著磕著方

知老僧是金石之言亦是塵沙之語我今爲汝保任此事終不虛也。舉僧問趙州云未有世界早有此性世界壞時此性不壞如何是此性。州云四大五蘊僧云此猶是壞底如何是不壞底性。州云四大五蘊頭云春有百花秋有月夏有涼風冬有雪若無閑事在心頭便是人間好時節。擊拂子下座。次日上堂有解有結。虛空釘橛無解無結。腦後拔楔。夏末秋初兄弟東去西去。萬里無寸草處去還離得這裡麼。逢人但恁麼舉。除夜小參。擁毳居山明月堂前清風浩浩持盂穿口紅塵堆裡白日閒閒不知爲己爲人等是入泥入水捱到年窮歲盡臘盡春回更無一物可堪拈出且不學東山將無作有賣弄亦窮亦不似北禪犯手傷鋒徒誇富貴瑞筠與麼告報諸人還會麼。莫言世上無知己須信壺中別有天。舉僧問石門和尚年窮歲盡時如何。門云東村王老夜燒錢不妨神通妙用又僧問開先。還和尚年窮歲盡時如何。開先云依舊孟春猶寒不妨田地穩密又僧問圓悟和尚年窮歲盡

饒州東湖薦福禪寺海印和尚語錄

門人從心集

時如何圓悟云。定盤星上轉風車。不妨機用活鱖鱖。若是瑞筠。即不然。忽有人問。年窮歲盡時。如何只對他道。雪壓古松枝。較他古人。終是別。豈子具眼。勝流試點檢看。

上堂。舉古德道。流泉是命。湛寂是身。千波競湧。是文殊境界。一亘晴空。是普賢床榻。拈云。古人是一期方便。未免夾截。虚空諸人。還知起滅不停處麼。見時便好猛提。取莫待天明。失却蹤。

佛生日上堂。僧問。昔日僧問雲門。如何是諸佛出身處。雲門云。東山水上行。意旨如何。師云。西嶺孤松秀。僧云。學人不會。師云。諸佛出身處。因什麼不會。僧擬進語。師便喝。僧禮拜。師乃云。天上無地下。無我非我。吾非吾。雲門瞎棒。謾費分疎。大眾且道。釋迦老。今在什麼處。生卓主丈云。泊手錯下注脚。

謝照了堂首座相訪上堂。法界海慧。照了諸相。打鼓侍香。燒香大眾。凝立山僧。陞堂戒香。定香。慧香。解脫香。解脫知見。香以手拈主丈。放左邊云。首座莫怪空疎。

入寺上堂。僧問。鄱湖行盡到東湖。謁謁佳聲滿道途。莫莫堂前看號令。雲門普字趙州無。祝聖開堂。願聞法要。師云。總被禪客道了也。進云。與麼則一言用祝無疆壽。萬里無私賀太平。師云。又是從頭起進云。此事且止。只如昔日僧問雲門。如何是正法眼。雲門答普意旨。如何。師云。天不言而四時行。僧云。又僧問趙州。狗子還有佛性也。無州云。無。又作麼生。師云。地不言而萬物生。僧云。與麼則一句合頭語。萬劫繫驢。師云。雲門普字趙州。無僧禮拜。又僧問云。諸佛出世。各坐一華。和尚開堂有何祥瑞。師云。日出連山月圓當戶。僧云。與麼則大眾沾恩去也。師云。更待何時。進云。只如昔日保壽開堂。三聖推出一僧。保壽便打。意旨如何。師云。風不來樹不動。進云。三聖云。與麼爲人。非但瞎却者。僧眼瞎却。鎮州一城人眼去。在又作麼。生師云。金剛頂上鐵崑崙。進云。保壽擲下主丈。便歸方丈。又且如何。師云。腦後見腮。莫與往。

來進云。只如和尚今日開堂。學人問話。且道與三聖推僧。是同是別。師云。莫將三歲竹。擬比萬年松。進云。與麼。則一句。迥超千聖。外松蘿。不與月輪齊。師云。不經一事。不長一智。僧禮拜。師乃云。十八灘水。月空寒。浩浩聲前。誰辨主。三百里湖。天晝靜。莫莫堂深。親到時舉。一法則萬法全彰。示一機則群機普應。直得全被全此。絕毫絕釐。逼塞虚空。非如非異。所言未既。驀忽伏虎。祖師忍俊不禁。出來道。長老。老絕江透湖。得得而來。將謂必新提唱。必異見聞。元來也只可。地山僧只。欸欸向他道。黃河三千年一度。清卓主丈一下。

小參。目前無法。頭頂天。腳踏地。意在目前。眼見色。耳聞聲。不是目前法。甚麼處去也。非耳目之所到。元來只在這裡。伶俐漢。上上流。未舉先知。未言先領。直下轉得。便知一堤楊柳。月十里芰荷。風新薦福。境會既不作。境會畢竟作什麼。會其或未辨。後五日看。舉臺山路上。有一婆子。每有僧問。臺山路向什麼處去。婆云。驀直去。僧纔行。婆云。好箇師僧。又

怎麼去也。傳之趙州。州云。待我與你勘破者。婆子趙州至。彼亦如是問。婆亦如是答。趙州歸。謂衆云。臺山路上。婆子我爲汝勘破了也。拈云。盡謂趙州眼光。燦破四天下。却被者婆子。倒用箇翳睛法。謾了今夜。莫有爲趙州雪屈者麼也。知你只在古人語脉裡。做窠臼。

上堂。平湖日暖。古柳風高。若謂如來滅度。爭奈目前。何若謂如來不滅度。諸人於什麼處與釋迦老子相見。滅不滅。見不見。白鷗煙沒水。如天三三兩兩釣舟橫。卓主丈下座。

上堂。古來爲法老尊宿。荷衆曾無有倦時。況是年來。衰落甚動。爲多與行相違。應須痛念平生事。著意披襟善護持。語默果能無滲漏。少林初不隔毫釐。應庵老人與麼示衆。用盡自己心。笑破他人口。今日不敢望超。出古人一頭地。但知有箇些子話。編辟歸已。履踐力行。必到慎勿唐喪。光陰虛消信施。且道如何力行。如何必到良久。莫將閑話爲閑話。往往話從閑話生。復云。靜不爲理。迷動不爲事。礙備備。伺。瞞瞞。

預預知他是箇什麼。呵呵笑倒西來胡達磨。

上堂。納僧巴鼻。沒一針頭許佛法大意。充塞太虛。信口道。著信脚踏著。只是不許承當。恁麼也得。不恁麼也得。只是不容擬議。纔與麼不與。麼頭頭具。生殺之機。是亦刻非亦刻。著著有出身之路。不言而喻。令而行純真。一如無壞無雜。只如高超物表。不墮見知。正與麼時。如何發明此事。以拂子掛繩床。復云。應庵和尚。舉雲門道。盡乾坤大地。無纖毫過。思猶是轉句。不見一色。只是半提。更須知有全提時節。應庵老人云。大小雲門。聽事不真。喚鐘作甕。薦福今日。亦資一路。要與古人相見。莫將傳說爲傳說。休把曾參作魯參。

朝廷看藏經。滿散上堂三轉法輪於大千。其輪本來常清淨。天人得道。堅拂子。此爲證三寶。於是現世間。過去現在未來一切諸佛。三十二大人相。八十種隨形好。十力四無所畏。大慈大悲大喜大捨。佛十八不共法。若不以此爲證。卽不能成就地前地上一切菩薩。超三祇歷五位。斷二障明一心。自利利他。進修勝

行。若不以此爲證。卽不能成就一切聲聞一切緣覺觀十二緣空。悟四諦真理。具八解脫。得六神通。若不以此爲證。卽不能成就西天此土。從上佛祖古往今來一切知識種種建立種種施爲。以至俱胝豎指秘魔擎叉。臨濟三玄洞山五位巴陵銀碗裡盛雪雲門北斗裡藏身。隱顯縱橫千差萬別。若不以此爲證。卽不能成就教中道一切諸佛及諸佛無上菩提之法。皆從此經出。但是世間出世間一切佛法無有不從此經出者。佛法且置。畢竟如何。是此經莫是以兩手舒空作展經勢。麼莫是叉手進前退身。三步是麼。又莫是最初如是我聞。末後信受奉行。是麼。莫是不著他語言文字。是麼。又莫是但向料掉沒交涉。處道一句便得。麼若作如是見解。大似隔靴抓癢。既不作如是見解。畢竟作麼生擊拂。須是恁麼明得。苟能恁麼明得。於朝夕日用之間。無一處而不見佛。無一處而不聞法。所以道在在處處。卽爲有佛。一切法皆是佛法。若恁麼見得。一任三門頭合掌。佛殿裡燒香。經案上橫拈倒把。左卷右舒。放去取來。朝讀暮誦。直得豎

窮三際橫亘十方周法界之群生。徧剎塵之品類。包羅萬有。該括二儀。無一法而不明。無一法而不顯。可謂法門重疊。若雲起於長空。行解紛披。似花敷於錦上。言言見諦。句句超宗。其舒也窮微極妙。而不達及其卷也。經頭只有箇以字不成。八字不是。且道是什麼字。假使智如鷲子。辯若滿慈。到這裡也。須目瞠口呿。所以僧問睦州。經頭有箇以字不成。八字不是。未審是箇甚麼字。睦州彈指一聲云。會麼。僧云。不會。睦州云。上來講讚無限良因。且道當時睦州是與這僧說這箇字。是不說這箇字。因甚。睦州便問這僧。會麼。諸人若向這裡會得不惟可以上報。

當今聖主大恩。亦可表顯自己看經眼目。正與麼時。還會得麼。聖心廣大。包寰宇。佛法流通亘古今。

復云。教中云有大經卷量等三千大千世界。書寫三千大千世界中事。只在微塵中。誰能破此微塵。出此大經卓主丈。卽今一微塵已破。諸人還見此大經卷麼。喝一喝。

冬節小參。群陰剝。子啐母啄。一陽生。殼綻眼明。功用。

綿密持養。老成忘其物。忘其情。空而妙。虛而靈。正恁麼。何似生回機。轉位異類。中行幾度黑風。翻大浪。未曾聞道釣舟傾。

上堂。至德如流。上善若水。一塵入正。受諸塵三昧。起洗面。摸著鼻。喫茶。濕却觜。忽有箇出來問。久嚮薦福。元來只說古人舊話。只向他道熱處難忘。

上堂。八尺釘丈二。楔著在眼中。撼搖不得。薦福門下。妙在轉處。誰是知音。不見三祖大師道。纔有是非。紛然失心。乃擲下主丈。

頌古

僧問雲門。樹凋葉落時。如何。門云。體露金風。

秋風葉落動涼颺。堪笑雲門跋阿師。銷盡浮華到真實。不知開口落今時。

僧問香林。如何是衲衣下事。林云。臘月火燒山。

香林臘月火燒山。黑齒波師帶白環。唐梵一時俱譯了。肯將名字落人間。

僧問趙州。云未有世間。早有此性。世界懷時。此性不壞。如何是不壞底性。州云。四大五蘊。僧云。此猶。

是壞底如何是不壞底。州云四大五蘊

老諗年尊。閑事多。清平世界。衆無何。一身備。何無邊

表地覆天翻也。只那

雲門示衆云。十五日以前。不問汝。十五日以後。道將一句來代云。日日是好日

日日是好日。時時是好時。鯨吞海水盡。露出珊瑚枝

僧問古德。冬至後日長多少。德云。長一絲。佛法長

多少。德云。一線長

佛法一線長。青天謾度量。絲頭纔咬斷。紅日上扶桑

勸潭常禪師。一日面壁而坐。南泉來見。無師背一

下潭云。誰泉云。某甲潭云。如何。泉云。也。尋常潭云

汝何多事

言中有響語。藏鋒一色。明邊分異。同月棹。各撐俱到

岸。不知身在草窠中

谷隱性空和尚。因僧問。靈山一會。何異今日。性空

云。不異。今日僧云。不異。底事作麼。生性。性空云。如來

密語迦葉不傳

酬應相於理不乖。泯然一種似平懷。及乎話到聲訛

處樹上心肝不帶來

偈頌

水心

一源見徹。萬波翻澄。澄清不清。兮。撓不渾。識浪境風俱列。下鑄成滄海。鐵崑崙

巖竺

鷲嶺人天。鳴聽雷大。隱密付絕。纖埃飛來。小朵從何。有兩潤琮琤。一逕開

雲頂

溶溶洩洩。復閒閒來者。從教研額。看起滅無蹤。空絕迹。豎壺。照人。間

震上人

惡辣兒孫。喪本宗。向空拳。撮便填空。震威一喝。無今古。百丈馬師。著患。裏

刀鐺沈生

空彈霜鑊。到巖巖。覲面難將。妙手呈。雨洗秋容。同澹泊。遠山無限。佛頭青

遠上人

遠來一見便相違。竹外清風聽者稀。却是晚鴻知此意。數聲清唳入雲微。

秀上人之仰

碧巖千尺瀑雪落。峭壁萬疊峰雲寒。一筇雙履超聲外。圓相暗機誰共看。

無相

意地消融見亦空。名模何有可形容。百千明鏡俱時照。一法不痕歸大同。

總心

休攀月窟躡天根。及盡玄微見本元。一髮不遺千聖共。湛然隨處洞無痕。

正堂

當軒大坐照無偏。爭肯顚預數屋椽。三目洞明惟直指。雖然無語有人傳。

覺海

非湛非搖見量消。一漚那更目全潮。不知水底蓬塵起。但見珊瑚長玉苗。

印空

萬象森羅古篆文。太虛無際水無痕。當陽一搭全提處。直得三千海嶽昏。

海峰

萬浪聲消一鏡新。金鰲寒從玉璫珣。珊瑚枝上照紅日。融盡十洲三島春。

瑩然

碧落無雲水似天。清明表裡一虛玄。纖塵不立充寥廓。十世古今如目前。

曉山

大明洞起爍群昏。黯黯青青未易論。眨得眼來遲八刻。金烏已過鐵崑崙。

仰山中村接待

水雲食息且休論。東土西天也莫存。此去仰山問來歷。但云昨夜宿中村。

劍關

皚皚寒霜不可干。湛盧光射斗牛寒。直饒過得連雲機。一剗當陽透者難。

十牛圖

尋蹤覓跡得逢渠。牧就騎來。鷺直歸。物我兩忘純白。
後透花春入萬紅圍。

明維那再往疎山

法身向上不須論。留箇枯椿示子孫。賣却布單招感。
得累人。頻上白雲門。

桂侍者

耽耽雙眼視空山。伏虎師曾放一斑。春雨春風謝來。
往山中。佛是石頭頑。

淦傳子仁號無居士

一塵不立萬緣空。纔有絲毫便失宗。蹉口連聲提起。
處趙州來也。不相容。

石門瀧侍者

聲撼天風虎出林。石門無鑰海濤深。瑞筠不闌虛空。
檻放去。雲峰千萬尋。

遠上人

遠來問訊近相迎。物外相於不世情。蒿湯備禮松陰。
坐山鳥自啼春晝晴。

送興首座歸鄉

諸老門庭已徧參。青出於藍青於藍。表儀多士冠東。
南。賓主歷然曾對談。長篇短章立可探。杖藜所到如。
優曇。夜月娟娟松影。參差深期瘦影同。羅龜定力已圓。
輕毗嵐。德山臨際空喃喃。

示芳上人

萬里無寸草。連天日杲杲。出門便是草。接境長安道。
庭際立無人。古逕跡亦掃。付與芳禪人。問取虛空討。
蕭山孤峰持談季。蕭梅軸惠訪書于后。

孤峰雪後歸蕭關。我來瑞筠時。往還能消幾屐看青。
山展梅一笑。俱蒼顏。孤山山人盟未寒。逃禪禪意墨。
未乾。季蕭左幹萬鈞。重坐客駭矚。推其難造化。無始。
舒卷。問先天。下春非等閒。歲晚相看成。二老此詩此。
畫古今寶。

毗陵自然居士

非因非緣非自然。自然而然。然不然。無然非自自然。
自無自非。然然自然。自其不然。常現前。斯言脗合天。
地先。萬化茫茫從此出。堂堂日用乘誰力。

示攸州慈雲玉侍者

石碌碌玉落落光彩惟渾圓。塵泥自消磔匪穿鑿匪磨琢。翻笑曹山露圭角。學子投師空抱璞。玉兮玉兮知不知。老野三呼應者誰。剖破方知自家底。價重連城莫輕許。自有聲光滿寰宇。

佛祖讚

出山

智慧德相大地誰無見。星說悟護自分疎。流毒至今未已邪法難扶。

觀音

淦州判李濟川世居饒昔有以絹素繪大士像爲風水所漂後二十年漁人網得之像不壞濟川重新裝飾請贊

菩薩漁師持正法網入生死海。擺諸衆生達大覺岸。昔於華嚴法門嘗誦其言。今於濟川居士所得水中。觀音畫像乃驗其事。是知法力應化言像皆眞。必有入淨心海得不壞信者。不言而喻也。偈曰
舒卷流通亘古今。最難消是大悲心。全身入水全身出。奈彼衆生業海深。

漁籃

提錦鱗露珠璣。年華如許高韻絕。塵籃子尙有眼如

何護得人

郁山主

拾得明珠當甚驢屎。溪橋橫浸泚川水。

政黃牛

一字不穩騎牛覓牛。萬疊寒山翠如流。

朝陽待月

海天高山月小大地是卷經。何時看得了放下自發曉。

穴鼻針無絲線一咬便斷自然成片。杲日當空現。

達磨

對梁王不契休言東土無人。令二祖覓心將謂西天有。佛少林月冷揚子江空至今雪浪號霜風。

自眞讚

立首座

行不踏人前立不落人後。老去移東湖言疎道轉疎。自非筆墨可明模分付雪岑首座看是甚麼面孔。咤發發叱咄攝。

黃鐔鈍翁請

渾大璞匪瑀琢。聚精會神。藏鋒斂鐔。迴入塵勞。雖涉萬緣。全提佛祖。機先一著。尋常只用鉗鉗。從教大地人描邈。

處靖庵主

靖而專。笑面壓噴。拳溫而厲。觸人忘忌。諱謂此是一而二。謂此非伊復誰。竹外遠山青似眉。

跋

佛照和尚書帖南岡長老求跋

佛照在靈徑時。益公政當國王臣外護。得行其道。遂有孤雲秀巖。空更諸老相繼而出。可想當時法社之盛。偶持鉢來吉文訪南岡。於龍華出此軸。相示。炷香展味。惻然久之。

跋癡絕書伯夷頌

夷齊高風。窮天地亘萬世。蘇公讀文公頌。癡絕老人界方眼。作小楷書。相望雖邈。相尚乃同道。之同。理契即隣也。就中癡絕猶較些。子何故我王庫內。無如是刀。

明極西堂南游省已行請跋

至大己酉夏月。薄寒烘日之餘。隱几於梅邊竹所。適有剝啄之聲。啓而視之。乃明極西堂也。手持南游省已行一帙。謂予曰。諸大老著筆已多。請海印爲轉一語。遂受之。展開次第。熟閱明極所遊之地所見之境。歷歷心目中。看至。蕭忽好風動地而來。乘風徧觀三千大千等微塵境。入瞋睡三昧。不覺鼻息如雷。明極乃撼之。誦了末後句。於是摩挲睡眼。卷而歸之。曰。同床各自做夢。富有同覺者知之。

法語

示明了侍者

明明百草頭。明明祖師意。了得底。未言先領。未舉先知。已是落第二。見豈況隨語生解。擬意搏量。未得謂得。未證謂證。望他祖師門下。十萬八千。那裏泊在履踐穩當者。心機泯絕。智照活脫。一明一切。明了一了一切。然後了無一物。可得不與千聖並行。堪爲洒洒落落。了事衲僧。此事至簡至易。不從人得。不越一念。直下證取。無第二人。無第二見。祖云。了了常知。故言之不可及也。到這裡。須有箇轉身處。始得明了侍者。

相從一年孜孜不倦。茲欲徧參求語爲途中道伴。信筆示此勉之。至祝。

示師程居士

德無常師。主善爲師。師程則知所師矣。窮理盡性。以至於命。不涉階梯。當念超越。却須究竟。僧問趙州。狗子還有佛法也。無不是有。無之無亦非真無之無。便是絕理性玄妙。底利刀轉性命。禍福底妙法。直前提起。當下豁然。如銀山鐵壁。鐵壁銀山。利衰毀譽。入作無門。稱譏苦樂。籠罩不得不墮。凡情不落。聖解虛而靈寂。而妙一切處不留。一切處成就。到與麼時。須知有末後一句。此方是大丈夫了大丈夫事。謂之世間出世間上上也。

送學士曾巽堂

本地風光。生佛未具。圓融無際。倏爲妄塵翳障。便汨沒塵勞。取一切境。遂染煩惱。當下若不能回光自照。如何透出如許萬緣。於違順境界。不取不著。語默有無。動靜彼此。一併截斷。涉緣應機。如飛劍輪。如猛火聚。直得纖毫絲髮。不留影迹。直下虛而靈寂。而妙萬

別千差。一照照了。直到大安穩處了。無纖芥凝滯。只麼隨處輕安。究竟佛亦不存。喚什麼作衆生。菩提亦不立。喚什麼作煩惱。惛然獨脫。處閑闌山林。初無二種。致之廊廟。亦不生欣。置之江湖。亦不生厭。總是贏得邊事。何有於我哉。巽堂學士。生富貴中。不爲富貴所羅籠。乃爲母廬墓。三載蔬茹。五年閱金經。明佛理。至於諸子百家之書。無不通究。猶爲未了。祖師無上妙道。爲不足得。得遠來山中。飯僧請山野。陞堂復出。此紙求一言受用。隨喜不覺露醜。巽其勉之。

答員嶠李總管

迷時迷箇悟底。悟時悟箇迷底。迷悟兩忘。譬如有人自斷其首。首已斷。故無能斷者。見此明白。直下無第二念。古德道。明明無悟。悟有法。卽迷到者。理立亦不得。住亦不得。若立則危。若住卽瞎。但出不隨。應入不歸。空外不尋。枝內不住。定要須意。不停玄句。不停意用。不停機三者。旣明一切處。不須管帶。自然現前。一切處。不須照顧。自然明白。與麼境界。時時相見。不爲密迢迢相迂。不爲疎汨汨應酬。不爲事礙兀兀靜坐。不

爲理迷隨處作主。遇緣卽宗出沒。卷舒得大自在。更須知有向上一竅。始得侍讀大學士員。矯真逸總管相公。留意佛法。諮詢師友。欲得一道伴。講明山中今夏。雖有百餘單。皆居學地。未可親近。大居士酬對。拙謬。徑直寫數字。以當面言。萬冀親而求之。當必掀髯一咲。

小佛事

雪巖和尚忌日拈香

盡道先師今日死。不知今日是生朝。不知却有何憑據。紫栢黃檀一處燒。昔時語今日學。今昔一時絕毫絕釐。大衆還見老和尚麼。插香凝立。云。面目現在。兩彩一賽。

周禪師忌拈香

何似生遼天幘。萬重雲只一突者。裡見得分明。便與祖師同起。同倒。同放。同收。其或未然。頭長三尺。知是誰相對。無言獨足立。咄。

瑛監寺入塔

用石隱燈盞。瑛瑛美玉。無瑕跨楊岐。蹇驢凜凜寒霜。

無影正與麼時。如何明眼人落井。

賢首座起骨

表帥叢林。山高水深。賢劫前事。只在如今。觸體眼活。老龍吟轉。身門外看。紅日上危岑。

海印和尚語錄終

塔銘

前集賢侍 讀學士中大夫兩

浙都轉運使河東 李侗 撰

余來江右。以至元丁亥。理事宜春。始識師于木平。式相好也。繼住慧力。余適守臨江。得顧意講道。居三年。往來至密。大德丁未。余調南劔。師來餞別。豫章無何。師亦往往住薦福。音問不絕。嘗以古塔主語錄及師上堂普說等語見寄。其倦倦可知也。壬子春。余由泉南。漕兩浙。聞師復還慧力。其年六月十六日。沐浴坐逝矣。噫。二十六年間。相見相聞。登臨酬酢。究竟析理。昌黎之於大顛。蘇公之於佛印。亦人情已乎。明年其徒

行純以狀來乞銘師楊姓昭如名海印其自號世居臨江之新淦生宋淳祐丙午十二月二十日以蓮社家兒能言卽隨母鄒氏作梵唄聲七歲出家學佛居邑之建興寺香室院十九歲受戒淳制勅落髮爲僧始學于沙門智寧次拜雪巖祖欽得法在集雲堂第一座至元庚辰侍雪巖入

覲旨賜畦衣歸住太平十年其住慧力十九年實始至元辛卯也元貞丙申

賜號普照大禪師給金襴袈裟高麗亦具衣副以金經玉舄西極雲南東邁遼海禪衲四來蓋粥稍弗繼或丐質從事不倦槌拂而衆安之至大己酉行宣政院辟師住持薦福薦福番之巨刹唐顏宋范流風未遠賴師爲重而師以疾故亦憊矣然於名聞於世行信於人視西江爲益盛去年春還慧力也西江之徒實具舟焉旣至猶力疾爲衆說法夏初歸香室造常所來往道香積天長登仰山禮再來塔訪慈化所至逢迎道舊一夕潛理歸櫂及抵瑞筠東庵則疾革矣行純又言師乳時紫胞呈祥蛟出地中其逝也久旱

忽大雷雨逝之四日奉龕闔維飛煙餘燼所及舍利如粟如黍如豆齒牙如生數珠不壞今塔遺骨于故邑之青石園中凡年六十七歲爲僧四十八年所說法語頌讚數十萬言度一姓子六十餘人嗣其法者未易槩舉師爲人明敏閑雅有智識度量人不見其喜愠五經一見成誦結字有古意所交遊多貴重今叢林如師不復可多得以師之行蹟其可無銘銘曰

內究至理 外敷貞辭 千江月落 溥照同時

師席崇居 衲子雲集 饘粥稍虧 或丐或質

東湖三載 西江跂思 遠具舟楫 勇退來歸

載喜載馳 力疾演法 衣既有傳 重登祖塔

其生也異 其死也奇 舍利夥只 見聞靡疑

功行積真 大覺氷釋 聊掇緒餘 文茲樂石

塔銘

前翰林直學士承直郎知 制誥

同修國史廬陵 曾德裕 撰

西方聖人以正法眼單傳四七祖屈于東土其後派

爲五宗而臨濟尤盛。宋之末年有居袁之仰山號雪巖師者。法音雷震。大亢厥宗。其得法上首曰海印智證。特殊開道最勝。道價揭于諸方。立風暢于外域。一時賢士大夫喜從之遊。而於子季異初爲稔。予投閒索居深訟昔。迷方將從師。講明第一義。以蠲滌緣習。而師既寂矣。後二年。慧力首座處閒。以師行實介予。季求銘其塔。因下復辭。輒叙而銘之。師名昭如。楊姓世家臨江新淦。父母俱事佛。生時有異學語。卽隨母梵誦。七歲從建興寺香室僧智寧出家。性明敏。讀誦通利。一覽終不忘。年十九。薙髮。明年受具。戒游方。參雪巖。示以狗子佛性話。未解。秋遊南嶽。雨後度蕉溪。足踏頤。有省。歸仰山。精事禪。宴一日。巖開室。師擬有言。巖揮竹一擊。若爾大徹。令歸侍司。復掌藏。鑰同堂。皆推讓。以受業師老。回省。留半載。侍御高安陳仲微。過與語。奇之。爲賦詩。重歸仰山。居第二座。巖開鍊尤至。閱十載。

聖元至元庚辰。隨巖應

詔詣

闕。寓上京勝善寺。巖解行。騰播。拜次。適僧讀華嚴經。至利等行。等正覺。等問師。等義師。對愜巖意。遂作禮。六月朔。瞻

覲。例賜畦衣。還山。居第一座。公學住木平寺。多耆宿。皆悅而安之。十年。退休普光堂。辛卯。徇衆。請住臨江。慧力未暮。爲講僧來。據禪衆無所安。散居謀食。蟻慕不忍。去師力復爲禪。迄與俱歸。自爾學者。晝至日食數百人。寺恒產不充。至乞貸以給。又不繼。則質衣鉢。責負者。鴈立處之。怡然平居。緇素啓問。無虛日。師安詳謙下。悲智交融。貴賤等觀。引接無倦。或得其片言。無不滿意。其筆墨尤爲人寶。愛元貞丙申。

特旨賜普照大禪師加錫金襴衣。大德中高麗亦遣使貽師大衣金經玉觥。至大己酉。行宣政院請居饒之薦福。臨江人揮淚送之。師亦自以爲是邦有緣。故居慧力至十九年之久。皇慶壬子春。其徒聞師嬰疾。具舟迎還。夏至香室。往禮雪巖塔。歸。慧力東堂將示寂。或具紙筆請語。乃示云。末後句。無別說。六月。炎天飛片雪。復贊王將軍眞了了。如平時。既命具浴。時久。

早忽大雷雨。雨止師已坐逝。四衆悲號。人天愁慟。六月十六日也。越五日奉訖闍維於瑞筠山西南新盡火滅牙齒數珠不壞。煙燭所及草木壤石間舍利無數。掘地求者餘半載不竭。其徒行純等奉靈骨塔于淦北青石園中。師生淳祐丙午十二月二十日壽六十有七。臘四十有八。語錄數十萬言。度一姓子六十餘嗣法者甚衆。開尤見器重。至是分取舍利。寘塔閣維之所。從西竺律儀也。其所述如此。實以他所聞可信不誣。予於最上乘之道。知好之而未造其闡域。故於師之所以得證於其師者。淺深之際弗能知也。所可知者。師梵行精白。性度慈忍。爲繇素所歸。至於生死不怛。堅固可徵。非真有得者而能然耶。銘曰。

祖來自西救迷情	歷立暨欽教大行
師明其微久益明	於法無我忍得成
體圓智滿源澄清	行嚴機峻用縱橫
廓然現量包寰源	東湖瑞筠與木平
終始去住浮雲輕	巖前片雪飛無聲
松風六月猶哀鳴	不斷相兮非常名

了無減分本無生
流珠奕奕函眞精
我銘□塔標化城

海印和尚得法於仰山慧朗禪師。徑山圓照之嫡孫也。其宗正其眼明其機峻其用險。端自鉗鎚妙密重烹熟鍊中來。不知者以語言爲流布。吁執指是月非狂。卽愚富起此老爲之發藥可也。此錄既出。豈少補哉。

延祐七年臘月望日鄱陽澄湖住山清茂手書

佛莊之道如青天白日。只貴親證。親悟綿綿密密無續毫滲漏。然後垂一機示一句。無非與一切人解粘去縛拔楔。抽釘若也。繇素不分和泥合水。譬如靈龜負圖。自取喪身之兆。薦福海印和尚久侍雪巖先師。盡得其末後句子。所以三會說法。縱擒自若。殺活自由。著著有出身之路。今欲銕梓流通。爲題之於後云。

至治辛酉五月望徑山法第比丘希陵拜手